

叢書集成續編

一二四

新文豐出版公司印行

# 叢書集成續編 第二二四冊目錄

文學類



## 詩文別集——宋

威平集三十卷首一卷·····	宋 田 錫 撰	宋 人	一
乖崖先生文集十二卷附集一卷·····	宋 張 詠 撰	續古逸	一九三
忠愍公集三卷·····	宋 寇 準 撰	關 中	二九七
河南集三卷附穆參軍遺事一卷校語一卷·····	宋 穆 修 撰	枕碧樓	三三三
元獻遺文一卷補編三卷·····	宋 晏 殊 撰	宋 人	三七五
武溪集二十卷附補佚一卷·····	宋 余 靖 撰	廣 東	四〇九
伐檀集二卷·····	民 黃佛頤 輯	宋 人	六〇九
都官集十四卷·····	宋 黃 庶 撰	宋 人	六五五
陶翁卅小集一卷輯補一卷·····	宋 陳舜俞 撰	宋 人	七八九
	民 李之鼎 輯	宋 人	七八九

咸平集  
三十卷

朱祖謀

據南昌彭氏知  
聖道齋藏明澹  
生堂鈔本校刊

欽定四庫全書總目卷一百五十二

咸平集三十卷 兩江總督  
採進本

宋田錫撰錫有奏議已著錄考奏議乃明安磐所輯其文已全載此集中然宋史藝文志載錫奏議二卷文獻通考載錫咸平集五十卷此本載奏議一卷書三卷賦五卷論三卷箴銘二卷詩六卷頌策笏記表狀七卷制誥考詞三卷以奏議與詩文集合為一編僅三十卷則亦後人重輯之本非其舊也錫常慕魏徵李絳之為人以獻納為己任國老談苑記太宗幸龍圖閣閱

咸平集

一宜 秋 館

書指西北架一漆畫篋上親自署鑰者謂學士陳堯叟曰此田錫之奏疏也愴然者久之則當時已重其言故其沒也范仲淹作墓誌司馬光作神道碑而蘇軾序其奏議亦比之賈誼為之操筆者皆天下偉人則錫之生平可知也詩文乃其餘事然亦具有典型其氣體光明磊落如其為人固終非泆忍所得彷彿焉

開帙十二奏疏伉直危切自魏鄭公陸宣公外千古所罕見也其詞多對舉文體亦相近范文正公墓誌謂奏凡五十二上文集五十卷然則集外所遺者多矣 壬子清明前一日校竟書芸櫥

北宋諸臣奏議中有上太宗論旱災論邊事兩篇此集不載鈔附於末丁巳嘉平再記

此彭文勤公親筆識語朱筆所書字迹秀挺鄂中徐行可以重價得諸漢上乃彭氏舊藏祁氏淡生堂鈔本也行可攜來南昌假錄一過以備刊入宋人集中戊午正月二十日振唐書

咸平集

一宜 秋 館

田表聖奏議序

眉山蘇 軾撰

故諫議大夫贈司徒田公表聖奏議十篇嗚呼田公古之遺直也其盡言不諱蓋自敵以下受之有不能堪者而況於人主乎吾是以知

二宗之聖也自

太平興國以來至于

咸平可謂天下大治千載一時矣而田公之言常若有不測之憂近在朝夕者何哉古之君子必憂治世而危明主明主有絕人之資而治世無可畏之防夫

一 直 秋 館

一 直 秋 館

有絕人之資必輕其臣無可畏之防必易其民此君子之所甚懼也方漢文時刑措不用兵革不試而賈誼之言曰天下有可長太息者有可流涕者有可痛哭者後世不以是少漢文亦不以是甚賈誼由此觀之君子之憂治世而危明主法當如是也誼雖不遇而其所言略已施行不幸早世功烈不著於時然誼嘗建言使諸侯王子孫各以次受分地文帝未及用歷孝景至武帝而主父偃舉行之漢室以安今公之言十未用五六也安知來世不有若偃者舉而行之歟願廣其書於世必有與公合者此亦忠臣孝子之

志也

田司徒墓誌銘

朝散大夫行尚書吏部員外郎潤州軍州兼管內提堰橋道勸農事駙都尉賜紫金魚袋 范仲淹 撰

公諱錫字表聖世為京兆人唐德之衰徙家于蜀昔武王封舜之後於陳春秋時公子完如齊子孫遂大食采於田而命氏焉厥後將有穰直相有千秋斯可謂之著矣大王父易直王父成直皆隱君子也文而不耀父懿因公之貴累贈尚書左司郎中郎中善教于家嘗命公曰汝讀聖人之書而學其道慎無速為期二十年可以從政矣仲淹服其訓拳拳然博通羣書東

成首

二

游長安與昌黎韓丕復居驪山白鹿觀數年器志大成拔王府薦有聲于京師

太宗皇帝親策天下進士擢公第二人時太平興國三年秋也釋褐除將作監丞通判宣城郡召還改著作郎俄拜右拾遺直史館賜五品服出為河北轉運使改知相州就除左補闕移桐廬郡遷起居舍人還判登聞院尋以本官知制誥進兵部員外郎充職以直言改戶部郎中出守淮陽以留獄之謗左降海州團練副使起為兵部員外郎直集賢院移戶部郎中真宗皇帝即位遷吏部郎中判審官院兼通進銀臺

封駁司賜金紫求出典海陵郡還臺兼侍御史知雜  
拜右諫議大夫史館修撰以咸平六年十二月十一  
日終于私第享年六十四公自白衣已有意於風化  
上書闕下請復鄉飲禮又請修藉田禮及在朝廷知  
無不言

太宗初既取太原攻范陽未下 帝怒不賞平晉之  
功中外驚然而不敢言者獨公上書論諫理意深切  
帝感痛璽書褒答賜內帑錢五十萬僚友謂公曰今  
日之事解矣宜少晦以遠讒忌公曰事君之誠惟恐  
不竭矧天植其性豈一賞可奪耶在河朔暨相州累

咸首

三

章論邊事至桐廬郡以吳越之邦入朝廷未久人阻  
禮教邈如也而公下車建孔子廟教人詩書

天子賜九經以佑之自是睦人舉孝秀登搢紳者比  
比焉在郡聞禁中火拜章極言 上嘉之及還眷遇  
愈隆會乾明節館閣中多進歌詩

帝獨喜公之辭乃依韻和賜令宰相宣付公又上封  
禱書謂五代之亂人如豺虎不圖復見太平宜崇檢  
玉之禮以答天意公在西掖會京畿大旱禱祠無應  
遂抗言切於時政故有宛丘之行咸平初出使秦隴  
回上三章言陝西數十州苦於靈夏之役朝廷爲之

戚然出海陵之初以星文示變拜疏請降詔責躬上  
奉天誠

眞宗皇帝嘉其意屢召對使殿及行降中使撫安仍  
加寵賚爰有翰林學士承旨宋公白舉公賢良方正  
以副天下之望一日召對久之且曰 陛下以皇王  
之道爲心臣請採經史中切於治體者上資 聖覽  
帝深然之乃具以進詔答曰卿能演清淨之風述理  
亂興亡之本備觀鑒戒朕心渙然所撰三十編皆隱  
其目公奉事兩朝由遺補恩御史至諫議大夫前後  
章疏凡五十有一嘗謂諸子曰吾每言國家事天子

咸首

四

聽納則人臣之幸不然禍且至矣亦吾之分也及終  
有遺表陳邦國安不忘危之意其家弗預焉天子悵  
然命中使賻之有制痛悼贈尙書工部侍郎二子改  
大理評事持喪中並給月俸哀榮之禮可謂至矣後  
以二子登朝累贈兵部尙書寶元二年四月二十四  
日與夫人合葬于泗州臨淮縣歸化鄉之重崗原禮  
也公娶楊氏再娶奚氏封江陵縣君能循法度以配  
君子長子曰慶遠今爲駕部員外郎次曰慶餘今爲  
比部郎中並克奉堂構有能政于四方女三人長適  
王氏次適龐氏季適張氏皆以婦道稱公動必以禮

言必以法賢不肖咸憚服之出家二十年未嘗趨權  
貴之門在貶廢中樂得其心晏如也著文章成五十  
卷目之曰咸平集行於世論者曰在大禹時臯陶矢  
厥謨在湯武時伊尹周公爲之訓誥故教化紀綱莫  
盛於三代而子孫有天下皆數百年秦滅詩書其風  
不紹至西漢得賈誼董仲舒其言可以追先王之烈  
而弗克施使後世王者無復起三代之心由漢始也  
皇宋定天下 太宗銳意太平 眞宗之初復親擢  
俊乂如田公之徒並見獎用惜乎不終其才豈皇天  
之意特厚於古歟仲淹幼聞高風未嘗獲遊其門今

咸首

五

駕部書先君之舊業素文於江外仲淹敢約而修之  
又采舊老之言而作銘曰

嗚呼田公天下之正人也言甚危命甚奇盡心  
而弗疑終身而無違嗚呼賢哉吾不得而見之  
田司徒神道碑陰

溫國公司馬 光 撰

余自始學未冠聞故諫議大夫田公當

眞宗踐祚之初求治方急公稽古以監今日有獻月  
有納以贊成咸平感隆之治私心慕仰想見其爲人  
熙寧中始識公之曾孫傳師尉衍因就求觀公之遺

文後十餘年爲武勝軍節度推官知沈丘縣事以公  
文集及墓銘相示且命余爲神道碑其墓銘乃故參  
知政事范文正公所爲也范公大賢其言固無所苟  
今其銘曰嗚呼田公天下之正人也雖復它人竭其  
慕仰之心頌公之美累千萬言能有過於此乎余於  
范公無能爲役范公恨不得見田公果如何人哉余  
不惟愚陋不學且不爲人作碑銘已久不敢奉命然  
常怪世人論譏其祖禰之德業壙中之銘道旁之碑  
必使二人爲之彼其德業一也銘與碑奚以異曷若  
刻大賢之言旣納諸壙又植於道其爲取信於永久

咸首

六

豈不無疑乎願審思之脫或可從請附刻於碑陰之  
末



咸平集目錄

第一卷

奏議

上 太宗應詔論火災

上 太宗答詔論邊事

上 太宗論軍國要機朝廷大體

上 太宗條奏事宜

上 真宗乞早建儲闈

上 真宗進經史子集要語

上 真宗論制科當依漢制取人

咸平目錄

上 真宗乞賑給河北飢民

上 真宗論輕於用兵

上 真宗論點集強壯

上 真宗論揀選強壯失信

上 真宗乞詢求將相

第二卷

書

請復鄉飲酒禮 請修籍田

貽陳季和 貽宋小著

第三卷

書

貽杜舍人 上中書相公

答胡旦胡旦書附 答何士宗

貽梁補闕周翰

第四卷

書

貽青城小著 上開封府判

上宰相

第五卷

古賦

咸平目錄

諸葛臥龍 鄂公奪槩

倚天劍

第六卷

古賦

疊嶂樓 望京樓

積薪 依韻和呂杭早秋

第七卷

古賦

籌奩 春雲

菊花枕 長至

斑竹簾

楊花

第八卷

律賦

西郊講武

聖德合天地

五聲聽政

泰山父老望登

羣玉峯

第九卷

律賦

鷹陣

開封府試入文化成天下

南省試聖人並用三代禮樂

咸目錄

御試不陣而成功

春色

曉駕

第十卷

論

政教何先

妖不勝德

天機

復井田

第十一卷

論

伊尹五就桀

知人安民孰難

羊祜杜預優劣

直

晁錯

第十二卷

論

水旱

斷

問喘牛

開封府試守在四夷

御試登講武臺觀兵習戰

第十三卷

箴

相

將

嬖怒

用材

求名

咸目錄

規過

守默

聽

視

銘

第十四卷

湯盤後

白獸樽

夏鼎

卜臺

几

杖

劒

孟

硯

筆

四

枕

盤

弓

箭

珮

尺

鍾

後序

第十五卷

律詩

花雨

寄蒲城宋白小著

離懷

自勉

夏日即事

春南

樽前吟呈宋白小著

咸目錄

五

代牡丹酬答

多情

寄韓丕進士

覽韓渥鄭谷詩因呈太素

渭北即事

醉題紅葉

寄題象耳寺

促織

憶梅花

和太素春書

早春書事憶遊京國

覽太素親編

吟情

和宋玄對雪

冬夕書事

對酒

暮冬遇蕭翳赴任

殘冬書事

寄梁周輔楊徽之宋白

寄宋準

和宋太玄臘日

書懷

渭北春盡思蜀洛

即事

晚望寄宋太素

幽居

府解後詔旨權停貢舉

御試二儀合德詩

寄陳處士

望嚴陵釣臺

寄陳處士

登疊嶂樓

和安儀鳳

送安儀鳳

寄樊郎中

謝晏公

早秋言懷

第十六卷

咸目錄

六

律詩

寄江南諸相知并序

乾明節祝 聖壽

相州郡樓贈高祕丞

贈楊監察 郡樓書懷

池上

暮雨

中夜聞泉

古懷

呈楊侍御

除夜

元日

漳川即事寄韓丕

紅樹

聖節有懷

秋夜有懷

釣臺懷古

郡齋書事

暇日偶題

桐江卽事

秋霖

和溫仲舒殘春遣懷

郡中遣意

桐江詠

偶題

七里灘

和溫仲舒寄贈

和溫仲舒感懷

倚樓

秋懷

題天竺寺

茱萸堰泊

第十七卷

咸目錄

古風歌行

讀翰林集

寄宋白拾遺

塞上曲

塞下曲

結交篇

投杼詞

擬古十六首

第十八卷

古風歌行

千金答漂母行

雉媒

鷺冰詠

辯感篇

江南曲三首

贈宋立進士

華清宮詞

曉鶯

晚雲曲

御溝

惜春詞

風箏歌

聖主平戎歌

第十九卷

古風歌行

西樓殘月歌

倚柱吟

李謨吹笛歌

峨嵋山歌

采蓮曲

紫雲曲

春洲謠

夜宴詞

咸目錄

送春

暮雪

短歌行

贈宋小著

琢玉歌

第二十卷

古風歌行

酬陳處士詠雪歌

桐谿行

苦寒行

酬桐廬知縣刁衍歌

贈別琅邪評事兼寄兩制舊友

酬宋提賈黃中二學士菊花之什兼呈諸學士

進瑞雪歌

留別句中正學士

代書呈蘇易簡學士希寵和見寄

送韓拔赴闕 思歸引

歸去來

第二十一卷

頌

河清 籍田

太平 武有七德

祝網 五聲聽政

第二十二卷

策

咸目錄

九

制策 試同人

私試 開封府試

試進士 開封府發解

設邊吏

第二十三卷

表

謝御製和詩 進籍田

進文集 進河清頌

賀德音 賀正

賀冬 進乾明節詩

謝勅書獎諭 謝除石補闕

賀曹彬奏捷 賀潘美勝捷

賀容懷意勝捷 賀潘吉勝捷

賀李規勝捷 賀張明勝捷

賀簡昌壽勝捷 賀張冲勝捷

賀盧漢斌奏捷

第二十四卷

表

賀田重進奏捷 賀南郊

謝轉起居舍人 陳州謝恩

海州謝恩 謝量移單州

謝特授工部員外郎

代李給事讓密地 賀傅潛奏捷

賀册尊號

第二十五卷

表笏記附

賀大赦 謝加勳

行在起居 賀聖駕還京

賀德音 賀老人星見

賀寇復益州 賀殺下王均

十

遺表

謝知制誥笏記

謝除工部員外郎笏記

謝直集賢院

謝復戶部郎中

謝皇太子

謝改吏部郎中直館笏記

謝改賜章服

謝充彭城郡王生辰使

謝兼侍御史知雜

謝改諫議大夫

謝覃恩

第二十六卷

奏狀

謝卹刑

謝賜冬衣

咸目錄

士

賀德音

謝賜曆日

進賀聖郎

代宰相謝社日宣賜

謝除姪男漣水主簿

謝加朝散大夫階

謝賜御製雪詩

進瑞雪歌

進瑞麥

進賀南郊

第二十七卷

奏狀

進應制詩

謝賜九經書

乞漣水寄居

乞許漣水寄居

謝男姪昌裔加階

乞直館

奏魏廷式封駁

泰州謝上

泰州乞替

謝得替

謝賜御賜社日詩

謝賜御賜重賜詩

進撰述文字草本

謝內降劄子獎諭

奏乞不差出

奏蔭長男慶遠

謝傳宣

知雜後謝傳宣

謝宣賜弟亡孝贈

謝聖旨許諫事

轉諫官後謝傳宣

謝兼史職

謝撫問

奏蔭次子慶餘

第二十八卷

咸目錄

士

制誥

王氏封琅邪縣君

王光圖衛州司理

三司大將加恩

仇延郎銀青階兼官

李克文落起復依舊端州刺史

趙沂將作監丞

趙希贊泰州刺史

張適父好問授太子左贊善大夫致仕并妻

封邑號

麻希夢守工部員外郎

梁宜舊官

劉寅蒲城令

王仲華潘太初等母封太君

陳文顯起復雲麾將軍

李簡能著作佐郎 盧倩華州鄭縣令

滕玄錫舊官 李日休本軍司理

李準光祿寺丞 張守中許州別駕

蘇德祥殿中丞 王明禮部侍郎

夏侯延祐廬州巢縣令

高麗使副判官等授官

高麗職員軍將等授官

禁軍將校授官 鍾文拯黃州黃陂令

孫運左贊善大夫致仕

鄭德明陳州項城簿

成目錄

王繼榮宜祿簿陶化成耀州司法

方宣和州歷陽令 呂覃舊官

王九言宋州觀察支使

馬守榮諸司副使

劉承德濠州團練副使劉永恭潁州團練副

使劉永和唐州長史

傅珪廬州錄事參軍

張自明右贊善大夫賜緋

李壽秘書丞依前充職

韓勵已臨淄簿王崇吉建陽簿

宗文式東嶽廟主簿

李處耘贈寺中 郭文集邢州平鄉令

吳衡密州安丘令陳吉甫陳州商水尉劉鼎

晉州汾西簿

李昭淑濮州鄆城令

宋鎬監察御史

程文度監察御史充荆湖轉運使

宋允元國子監博士

源護兵部郎中依前知州

石保興落起復加金紫光祿大夫依舊官

成目錄

張崇敏康延弼將軍

陳文廣陳州南頓令林思問耀州華原令

李涉宛丘簿 党待問鄆州盧縣簿

胡旦知制誥 劉澤光州司理判官

趙日用徐州彭城主簿

宋可觀許州司理

劉文裕贈遠寧軍節度使

朱澤右贊善大夫 盧顯忠廬州合淝令

供奉官殿直殿前承旨加恩

李繼敏東明令 褚德臻城令

郭堯卿殿中丞

御史臺孔目官門下省雜事南曹諸司勒留

歸司等官可中書省主書門下省主事千牛

衛長史及簿尉司馬勒留并出外縣簿尉

宋若拙著作佐郎

第二十九卷

制誥

諸衛上將軍宋渥等加恩

王世隆魏亮並加階勳

張文琇大理寺丞 李慕青光祿寺丞

成目錄

五

鄭子捷揚州參軍 追官人高紳等授官

馮源永清軍書記 路表正河南府推官

宋純密州安丘簿 內班都知押班已下加恩

楊巽舊官 李文益太府寺主簿

李若拙鹽鐵判官 幕職加官

劉巨川太常寺太祝

林嶠等加官 堂後官二十人轉官

守當官二十人受官

劉保勳贈工部侍郎

劉吳京兆府鄠縣令

趙全本州左司理

開封府祇候都孔目官左右軍巡使及諸王

府內知客等加恩

白守琪崇儀副使 李繼捧祖母等封太夫人

折御冲崇儀副使加階勳

沈倫追封魯國公 張茂宗西京作坊使

宰臣三代追封 皇姪孫惟叙等加官

致仕分司等官加恩

押東郊進奉衙內指揮使并衙前職員等加恩

翰林書畫琴阮醫藥等待詔加恩

成目錄

六

李恭等五人簿尉 張仁操等除官

攝太祝郭賁正太祝

知制誥制 拾遺直史館制

著作直館制 諫議大夫制

幕職州縣官料錢勅

第三十卷

考詞

錄事參軍未適 涇縣簿王中古

太平令賈昭偉 太平簿張誦

南陵令孫甚夷 南陵簿楊光益



宣國簿康震

宣城令毋克温

司法參軍張玄珪

涇縣簿王中古

旌德簿劉德元

錄事參軍朱適

南陵令孫甚夷

南陵簿楊光益

宣國簿康震

司法參軍張玄珪

宣城令毋克温

太平簿張誦

太平令賈昭偉

涇縣簿王中古

咸目錄

之匣 秋館

咸平集目錄

奏議

上太宗應詔論火災

雍熙元年六月詔曰朕以不敏不明託於

兆人之上夙夜祇惕罔敢怠荒賴 九廟

儲祥上天垂佑萬務粗治于今九年而數

日前迅雷之中烈火遽作既延災於正殿

蓋示譴於庫本躬抑畏震驚不遑寧處

上天警戒必有由然豈非刑賞之有愆措

咸一

一宜秋館

置之未當或近習之屏蔽致物情之壅塞

賦調未得均一賢良多所滯滯有一于此

是致政經予心惕然思聞其失內外羣臣

等所宜各竭忠懇共申讜議必期無隱朕

將覽焉

臣伏念臣才謀不迫於古人職以忝居於諫省敢不

常思補報用答休明六年九月十三日詣閣上書昧

死言事 陛下於是下御札俾人直諫降敕書獎臣

敢言七年十二月十四日又再上奏疏入遞而不知

達與未達直言雖雖字庫本無求用而不知行與未行今

日 陛下有所因方湯庫本聞至言有所為方切待

直諫引咎自戒修德彌新臣謂責在近臣而不在聖

躬罪在臣輩而不在 陛下近日 陛下有朝令夕

改之事由制敕所行時有未當而無人封駁者給事

中之過也給事中若任得其人制敕若許之封駁則

所下之敕無不當所行之事無不精事無不精則垂

為典彝敕無不當則編為格式豈有朝令夕改之弊

豈有不精不當之虞也臣又見 陛下有捨近謀遠

之事由言動所為未合至理而無人敢諫諍者是左

右拾遺補闕之過也今遺補是侍從之臣而不得在

咸一

二

左右職分當獻替之事而未有上封章自此國家舉

事有不便於時遺補不敢諫朝廷法令有不合於道

遺補不敢言加以時久昇平天下混一致 陛下謂

昇平自得資 陛下以功業自多日遷月移浸成聖

性左取右奉無非睿謀所以 陛下出一言乃以謂

湯武可借 陛下下一事乃以謂堯舜可繼自續大

位于今九年四方雖原作未庫本改密萬國雖靜然刑罰未

甚措水旱未甚調 陛下謂之太平誰敢不謂之太

平 陛下謂之至理誰敢不謂之至理方欲為民求

福報天之功有事於太山展禮於上帝人謀雖克天

意未從火於禁中將覺悟於英主詔下海內遂布告於輿人近臣聞 陛下感悟之言寧不惕厲諫官閱

陛下憂勤之詔誰不彷徨臣所以謂邇在近臣不在 聖躬罪在諫官不在 陛下臣死罪死罪然臣

兩度上疏而 陛下不用一二今臣在外而 陛下委之以分憂碌碌隨眾憂曠遺之靡暇皇皇有志思

諫諍之未能令幸天啟聖心神贊皇運感 陛下虛佇待犯顏之諫致 陛下專精求逆耳之言臣是以

再罄愚衷復伸鄙見臣所謂 陛下有朝令夕改者試舉其一 二以明之置而尋廢者農師也禁而不嚴

者車服也臣所謂 陛下有捨近謀遠者試舉其一 二以明之宰相不得用人而委員外郎差遣近臣專

受責而求令錄封章也自此章奏必多聽用必廣聽用既廣則條制必繁條制既繁則依從者少既依從

者少則是法令不行法令不行則由規畫未當有如前年敕下令鄰近州府互差司理判官至今年敕下

却令本州仍舊差置又如前年敕下應征科官吏限前得了即與超陞限外未了即當降黜即不以縣有

大小之分稅有難易之征土田沃瘠之不同歲時豐稔之不等風俗勤惰之各異官吏能否之各殊而一

咸一

三

概以程限所拘一例以陞降為定自後未聞限外欠者降一官限前了者陞一人此無乃垂之空言示之

寡信乞今後凡有所奏或有所陳幸 陛下察而審之令大臣議而行之蓋臣下言之則謂封章 陛下

行之則出為法令法令可簡而不可使繁制度可承庫本而不可屢變變易不定是彰思慮之不精繁多

難依是令手足之無措也尙書曰臨下以簡又曰得師者王今宰臣若賢願 陛下信而用之宰臣非賢

願 陛下擇可用而任之何以置之為具臣而疑之若眾人也百官若舉其職願 陛下聽而用之百官

未稱其職願 陛下量其才而用之何以置之為備員而待之若冗秩也臣謂百職若舉則萬事從而自

理百官未脩則萬務從而亦墮必若任而疑之則上下非一心疑而用之則君臣非一體何則疑能生謗

謗能生疑疑從謗生則父子之道或偶虧於慈孝謗因疑起則君臣之際或變成於怨尤魏文侯焚謗書

陛下固當知之令狐楚有辨謗論 陛下時宜覽之若然則保得臣下始終全得君上恩寵方謂君為

元首臣作股肱也 淮熙六年八月上時以右補闕知睦州太平興國六年九月七年十

二月 兩疏

咸一

四

上太宗答詔論邊事

臣伏觀今月十一日御札宣示内外文武臣僚以北鄙多虞戎人爲患延佇良策降諭德音詢禦侮之嘉謀問安邊之遠略俾悉陳於異見將擇用其所言臣之顛愚豈足上副宸衷臣之狂直敢不罄盡鄙懷儻敢納可裨於事宜則明聖不罪於狂瞽臣每讀史傳詳觀古來戎狄騷邊乃是常事朝廷設備自有常規舉其大略而言之不過訓練師徒選擇將帥廣增蓄備多置屯田嚴其池城明於斥堠謹於烽火利其甲兵行間諜以離狄心禁侵擾以怠敵意待彼羸弱因

咸一

五

勢取之候其賓服以德綏之此皆方策備陳采擇可用也捨此則未見禦戎之術用此則在知臨事之宜兵機則不可定謀邊議則須依古制今具條奏惟陛下擇而行之

一今之禦戎無先於選將帥既得將帥請委任責成不必降之以陣圖不須授之以方略自然因機設變觀釁制宜以此無不成功以是無不破敵昔漢之西羌犯塞攻城邑殺長吏趙充國年七十矣上使祁吉問曰誰可爲將充國對曰無踰老臣以是言之

則請令宰臣已下各舉堪爲將帥者又令宿舊武臣素有聞望者亦令自舉然後

陛下詳擇而用之又趙充國既爲將宣帝

遣問曰將軍度羌虜如何當用幾人充國

曰百聞不如一見兵難喻本度臣願馳

至金城圖上方略然羌戎逆天背叛滅亡

不久願陛下以屬老臣勿以爲憂以是

言之昔充國爲老將尙謂百聞不如一見

况今委任將帥而每事欲從中降詔授以

方略或賜與陣圖依從則有未合宜專斷

咸一

六

則是違上旨以此制勝未見其長伏乞速

命宰臣令舉良將及令素有聞望宿舊武

臣自舉其能及舉所知者也

一將帥行恩信卹士卒必豐財貨方得士心昔

趙奢爲將所得王之賞賜盡與軍吏又李

牧爲將軍市之租皆用享士卒魏尙守雲

中其軍市租盡以給士卒出私養錢享賓

客軍吏是以匈奴不近雲中之塞今國家

所命將帥雖古今異宜凡有給賜今則誰

敢效古散家財賞士卒去吝嗇有幾何人

哉若以年年供億輓運老師費財曷若厚  
給將帥使之賞用也又聞近侯伯亦有廳  
直三五十人習騎射爲心腹每出入陣敵  
得以廳直隨身翼衛主帥後來不敢養置  
昨來楊業陷陣訪聞亦是無自己腹心從  
人護助捍禦以致爲狄之所獲今雖時異  
事殊然廢置利害亦繫庫本詢訪行之

一今之禦戎以沿邊諸郡有勇智者命爲刺史  
委之自用方略警急利便事訖方奏使人  
人各盡其才術此必爲 陛下各立殊勳

咸一

七

控制侵侮昔後漢郭伋爲漁陽太守時匈  
奴數抄郡界邊境苦之伋乃整飭士馬設  
攻守之略匈奴畏憚不敢入塞人得安業  
在職五歲戶口增倍又張堪爲騎都尉破  
匈奴於高柳拜漁陽太守捕繫姦猾賞罰  
必信人皆樂爲用匈奴以萬騎入漁陽堪  
乃率數千騎奔擊大破之郡界以靜乃於  
狐奴開稻田八千餘頃勸人耕種以致豐  
富百姓歌之視事八年匈奴不敢犯塞以  
此言之則沿邊諸郡請令擇有智勇者爲

刺史必副 陛下之憂寄也

一今之禦戎更在悅取軍情凡經揀退尙堪力  
役者却與元本料錢其歿陣及守戍死亡  
兵士所有在營老幼宜矜憫優恤或給賜  
令各存活勿使寒飢無所歸向又不可取  
充洒掃裁縫之隸其次揀中新招到軍雖  
稍有身首人才未宜便令管轄舊人須是  
經歷行陣稍知軍伍次第微有勞效者方  
令充節員所費已下亦各甘心兼易爲驅  
使若曾有功勞未得優賞者卽乞別作名  
目優異酬賞臣未知朝廷府庫錢帛之大  
數亦不知國家支費用度之衆寡若

咸一

八

陛下省罷塔廟之費耗迴充軍旅之賞給  
則孰不革其怨心孰不致其死力若是破  
敵必副 陛下平戎之心也  
一今之禦戎亦宜別設條例等第立賞若得一  
保壘或復一障亭與某官與若干賞賞不  
踰時必誠必信條例不煩令軍中曉會此  
必有果敢智謀之士副 陛下之立賞也  
一今之禦戎又宜以重賞召募敢死之士仍以

古來選士之科以取士卒亦於軍中擇取  
應得選士之條目令舉其六七更可詳酌  
增損且據兵書言之取會習韜鈴者有謀  
畫者又取能知敵情偽者取能知山川險  
易徑路迂直者取強力過人能斬虜舉旗  
者又取往復數百里不及暮至者又取能  
破格舒鉤或負數百斤行五十步者又取  
趨捷若飛能踰堊壘出入無形堪窺覘者  
各區別拔能置立部分以副將帥之指使  
也

咸一

九

一今之禦戎外則委任將帥內則詢謀宰臣行  
一事必使宰臣知之出一詔必令宰臣議  
之臣聞前年出師向北命曹彬以下欲取  
幽州是侯利用賀令圖之輩悞惑聖聰陳  
謀畫策而宰臣昉等不知又去年招置義  
軍刺配軍分宰相普等亦不知之豈有議  
邊陲發師旅而宰相不與聞若宰相非才  
何不罷免宰相可任何不詢謀令宰相普  
三入中書再出蕃鎮重望碩德元老大臣  
人所具瞻事無不厯乞 陛下以軍旅之

事機密之謀悉與籌量盡其規畫此乃國  
體君父至公臣聞偏信生姦獨任成亂侯  
利用賀令圖等既悞 陛下機宜於前無  
令似侯利用賀令圖者復悞 陛下機宜  
於後伏乞 陛下下一與宰臣謀議事  
與宰臣商量悔自前獨斷之明用今後公  
共之理則事無不允當下無不盡忠則大  
臣之間足以副 陛下憂勤之旨也

咸一

十

一今之禦邊凡召發兵士見在軍儲支得幾年  
若是無九年之糧實為無備若是無三年  
之糧實為窘急若不窘急則何以科校婦  
女而納草添注河水而待漕運也或儲般  
糧草亦宜謹靜勿使喧煩臣竊聞去年於  
戶稅上折科馬草及官中和買當買納未  
足之間卽有使臣催督貧下戶婦女有行  
科校者又聞汴河乾淺遂分南河水添注  
汴河以待漕運國家計度何在而臨時一  
至於此輦轂之下豈無外國謀人臣卽不  
知國家以下疑闕  
一今之禦戎在乎辨邊上奏報之虛實察左右

蒙蔽之有無奏失利則未必盡言報大捷則不足深信 陛下未當信而先信

陛下未欲知而未知如此何以料安危如此何以策成敗安危成敗之理乞 陛下詳而察之

一今之禦戎無先用謀兵書曰事莫密於間賞莫重於間狄中自有諸國未審 陛下曾探得凡有幾國否幾國與匈奴爲讎若悉知之可以用重賞行間諜間諜若行則夷狄自亂夷狄自亂則邊鄙自寧昔李靖用

成

十一

間破突厥心腹之人自離貳也書在唐史其事可知今募能往絕域鬪亂蕃部使交相侵害如漢之陳湯傅介子之流則不勞師徒自然歸化此可以緩 陛下憂邊之心也其餘謹烽火明斥堠亦可以依古法爲警備趙充國傳曰五星出東方中國大利蠻夷大敗太白出高用兵深入敢戰者吉雖天道遠而難知然昭昭垂象緯者爲陛下言兵之利害也

一今國家富有天下精卒利兵計有百萬然無

將帥爲 陛下治兵昔吳起爲將爲士卒

吮癰霍去病爲將漢帝欲爲治第去病曰

匈奴未滅何以家爲竇嬰爲將得所賜金

千斤陳於廡下軍吏過者輒量取爲用未

喻 陛下以今之將帥如吳起霍去病否

若以臣所見則將帥必無其人何以知之

將帥肯爲士卒吮癰乎若賜第宅官不

要平將帥非材卽無威名何以使匈奴望風

而懼今有居顯位食厚祿爲國之謀卽不

足奉身之謀卽有餘何以副 陛下致太

成

十一

平之心何以致 陛下成清淨之理然以

臣所見凡小小公事不勞 陛下一一用

心若以社稷之大計爲子孫之遠圖則在

乎舉大略求將相帝王之大體也設如人

欲理身先理心心無邪則身自正欲理外

先理內內既理則外自安 臣謂邊上動由

朝廷動之邊上靜由朝廷靜之任賢相於

內則百職舉而紀綱振委良將於外則四

夷靜而邊鄙安臣之愚衷備於此矣已然

之患旣 陛下徧訪直言未察之虞乞

陛下常切留意

一已上條奏悉是國家已然之事所以勞

陛下謀及卿士詢于芻蕘凡百臣僚悉陳

所見然臣謂國家復有未然之事得不為

陛下言之得不為陛下憂之今我主一

媿而已用黠虜為謀主頗有輕中國之志

今春夏必漸退秋冬必復來制之禦之惟

在前所籌數事而已若將來狄人禦之而

不去邊境備之而未寧加以匈奴間謀於

西蕃漢家未斷其右臂即秦隴千里之外

咸一

三

瓜沙玉關之西恐非國家之所有萬一兵

歉相仍寇盜多起此時何以謀之此時何

以禦之聖人不能不災而能禦災今

陛下聖德合天三邊無虞萬里晏然居安

思危之計得不由未然之事而預防之此

亦禦戎之遠意也

右臣備位掖垣忝司誥命不睿旨俾陳方略昧於

時事思慮不精然於狂愚庶或可采端拱二年正月

上太宗論軍國要機朝廷大體

臣伏念自忝諫垣今已周歲無一言可裨時政無一

善上答君恩蓋以陛下文明無事可諫朝廷公正

文鑑無事可言然尸祿曠官憂慙益切盡忠補過夙

夜寧忘今輒以軍國要機朝廷大體布在一疏上達

四聰寬鈇鉞之誅容微臣之芻蕘之見所謂冒萬死

而不顧當可言而不疑又伏念陛下登位以來未

嘗罪一直言未嘗戮一敢諫天慈寬裕睿鑒昭彰雖

前王好諫之心未如陛下而諫官敢言之節不及

古人不唯負陛下超擢之恩抑亦虧臣子公忠之

道何以安一膳之飽何以安一裘之温胡顏立侍從

之班無藝帶清華之職碌碌隨眾遑遑惜身不如馬

咸一

西

之代勞不及犬之吠盜臣所以奮發之志思有所伸

繳切之詞不敢自隱伏乞陛下察而恕之容而用

之臣所言軍國要機者一朝廷大體者四今為陛下

下引諭而言之臣聞古先聖人牢籠天下弛張睿略

舒卷人心使萬人之心如一心四海之意如一意有

若馭馬又如鑄金善馭者使之馳則馳使之止則止

善鑄者使之圓則圓使之方則方苟失其機又失其

時則萬人不一心四海不一意亦猶不善馭馬不善

鑄金使之馳而不馳使之止而不止使之圓而不圓

使之方而不方若是則危與亂雖未萌而不得不憂



機與時雖未失而不得不懼故古人云居安思危又曰理不忘亂臣每念有唐之末天下分離中原土疆不過千里自先帝恢張皇業開闢天下平吳取蜀易如破竹唯河東遺孽終不能平泊陛下舉取之功名光大世宗先帝所不及也然自河東破後聖駕回旋諸軍之心皆望賞賜四海之內亦俟霽恩豈謂陛下未覃賞捷之恩未行策勳之禮經今二載所謂踰時今北方之戎不來朝貢幽州孤壘未復封疆臣以國家兵甲之強朝廷物力之盛滅戎人甚易取幽州不難然自古制御蕃戎但在示之以威德示之以威者不窮兵黷武不勞人費財示之以德者比之如犬羊谷之若天地或來朝貢亦不阻其歸懷或背驩盟亦不怒其侵叛臣伏慮陛下以幽州未取戎賊未平一旦又來擾邊萬乘復思再駕欲快聖意欲展廢謀雖舉必成功勳無遺算然臣請陛下或展郊禋之禮或行封禪之儀因此賞河東之功因此示策勳之信人心懈怠者復悅軍功勞苦者終酬帝澤滂沱物情通泰所謂陛下駕馭其意鎔鑄其心使之馳則馳使之止則止使之圓則圓使之方則方苟不以威信鑄其心恩惠馭其意臣恐使之馳則

威一

五

止使之圓則方當是時陛下必念臣今日之言陛下必思臣今日之諫也此謂軍國之要機一也又念交州未下戰士無功春秋謂師老庫本作費財兵書曰頓兵挫銳臣聞聖人不務廣於邊鄙唯務廣於德業武有七德陛下何不廣之天生四夷陛下何須收之必若聖德日新皇風日遠遠夷自然入貢外域自然來降苟不來降又不入貢彼國自有災癘彼人自罹凶荒尚書曰惟德動天又曰四夷來王周易曰聖人先天而天弗違天且弗違况四夷乎臣嘗讀韓詩外傳言成王之時越裳來貢九譯而至周公問其所以文鑑無來其人曰天無迅風疾雨海不揚波三年矣意者中國殆有聖人盍往朝之昔太宗征遼魏徵原本苦諫及正正本貞觀太平之後天下州郡三百有六十羈縻之州有八百屯田置戍悉在外荒豈是一一加兵然後方來內附今陛下取交州何速况大國視交州謂之瘴海去者不習風土文鑑上三此與兵在彼中留滯頗久願陛下且罷斯役暫息南征交州未平不足損陛下功業交州既得不足光陛下威聲臣但以老師費財為可慮頓兵挫銳為可惜蓋征討之役費用非輕皆生民苦力之物悉

威一

六

諸國所供之賦乞 陛下惜輕費之用望 陛下念  
征戍之勞此謂朝廷之大體一也臣嘗讀六典左右  
拾遺補闕掌供奉諷諫凡發令舉事有不便於時不  
合於道者小則上封大則廷諫臣又讀唐書見給事  
中得以封駁詔書封謂封還詔書而不行駁謂駁正  
詔書之所失又起居郎起居舍人得在天階之下備  
書王者之言今來諫官寂無聲影又鑑設使詔書有  
所失審制敕有不可行給事中不敢封還而不行不  
敢駁正其所失給諫既不敢違上旨遺補又不敢貢  
直言其次起居郎起居舍人不得立軒陛之間不得

咸一

七

紀言動之事使聖朝好事或有所遺而不聞致 陛  
下德音或有不知而不錄加之御史不敢彈奏左右  
丞今尙闕員又中書舍人是 陛下近臣司 陛下  
誥命臣每於起居日但見其隨班而進拜舞而回未  
嘗見 陛下召之與言未嘗聞 陛下訪之以事臣  
慮其各有所見欲待問而方言各有所陳欲因便而  
方奏伏乞 陛下或詢訪以事或宣召與言冀各盡  
其誠心兼得觀其器業又今三館之中雖有集賢院  
書籍而無集賢院職官雖有秘書省職官而無秘書  
省圖籍臣伏讀去年九月十一日所降制敕條貫百

官仍於朝堂習儀又委憲司申舉此則 陛下思復  
古道大振朝綱臣唯見所習者儀未見所舉者職如  
職業各舉則威儀自嚴君有君之威儀臣有臣之禮  
法何患百官不整肅何患庶政不允釐臣乞今後給  
事中得以封駁詔書起居郎起居舍人得以紀錄言  
動御史得以彈奏諫官得以抗言左右丞得以糾轄  
臺司中書舍人得以祇膺文鑑顧問中書舍人得備  
問則皇猷日新左右丞得轄臺司則風憲益整諫官  
抗言則 陛下聞所未聞知所未知御史彈奏則百  
僚震悚一人尊嚴起居郎起居舍人得在左右則盛

咸一

六

事無遺國史大備給事中得以封駁則詔敕無誤出  
政事無錯行此朝廷之大體二也今天下一家海內  
萬里四方所湊輦下駢聞萬貨所歸京師富盛軍營  
馬監無不高嚴佛寺道宮悉皆壯麗 陛下又新西  
苑復廣御池池若漢之昆明苑若周之靈囿足以爲  
陛下宴遊之所足以爲聖朝宏大之規唯尙書省  
是前代所營公宇低隘南宮二十四司不在其間六  
尙書無本廳諸郎官無解宇至於九寺三監寄在內  
前廊下加以禮部無貢院試處非省垣每年試舉人  
權就武成王廟非太平職司之制度非清朝文物之

規儀乞 陛下俟西苑畢功御池罷役重新省寺用  
列職官此則朝廷之大體三也臣又每於行路之次  
見有羈錮之囚荷以鐵枷不覺自駭不知其所犯  
何罪又不知其囚復是何人臣謹按刑統准獄官令  
枷杻各有短長鉗鍊文鑑各作鑿有輕重制度尺寸並有  
文鑑刑書未見以鐵爲枷者也凡今州縣欲管一小  
罪繫一輕囚必詳格文盡依典法奉國家所頒之律  
遵法寺所定之科以鐵爲枷事出法外伏乞 陛下  
釐革此法免傷皇風昔太宗因看明堂圖見人五臟  
皆系於背聖慈惻隱免人笞刑况太平之時將刑措

咸一

九

而不用至仁之主宜欽恤以居先此則朝廷之大體  
四也臣所言者要機乞 陛下審而察之所舉者大  
體乞 陛下採而用之臣不任感恩思報激切屏營  
之至太平興國六年九月上時守左拾遺  
之至下文鑑有拜手頓首謹言六字

上太宗條奏事宜

臣備位諫垣出官河朔雖勵忠勤之節未伸謇諤之  
誠尸素自知彷徨益切何以分 陛下憂勤之寄何  
以副朝廷委用之恩敢不夙夜有思涓埃欲效願以  
芻蕘之見上希英聖之知今 陛下命以頒條委之  
理郡親民之心無先於此苟若所理之郡事簡獄空

所親之民風淳俗厚所謂菑民有術御下有能足以  
副朝廷任用之恩有以彰 陛下憂勤之旨然事有  
無從而得簡獄有無因而久空民風未致於淳和物  
俗未臻於淳厚雖有菑民之術無得而施雖有御下  
之才無從而設况臣闇懦御下非才以臣愚蒙菑民  
無術但可言其久弊恤其未安久弊者昔近并門鄰  
於敵境備邊之費禦寇之兵二十餘年民不遑息未  
安者今以北狄邇於塞垣屯兵禦戎飛芻輓粟三十  
餘郡民不甚豐筦權貨財網利太密躬親機務綸旨  
稍煩臣所謂網利太密者酒麴之利但要增盈商稅

咸一

三

之利但求出剩或偶有出剩不詢出剩之由或偶有  
虧欠必責虧欠之過遞年比撲庫本只管增加遞月  
較量不管欠折然國家軍兵數廣支用處多課利不  
得不如此征收筦權不得不如此比較窮盡取財之  
路莫甚於茲疏通殖貨之源未聞適變似不知止殊  
無定期今乞國家以關市之征定其常數酒麴之利  
授以常規或偶有增加不更求出剩或偶有虧折卽  
可令於出剩時補填且如州縣征科農桑稅賦年豐  
則未聞加納歲歉則詳之停原作倚  
庫本改征自然理得其  
中民知所措何以言之民生於利亦猶魚生於水也

民困於利又如水涸於魚也願更生于讜議別布新  
條當生民既庶之時是求理酌中之際天下幸甚海  
內幸甚臣所謂論旨稍煩者臣嘗讀揚子法言曰聖  
人之道猶日中又嘗覽太公六韜曰聖人之道猶龍  
首龍首謂高視而遠聽日中謂融明而燭幽是知君  
有居上之威儀臣有奉上之職業君道務簡簡則號  
令審而人易從臣道務勤勤則職業修而事無壅臣  
伏見 陛下憂民太過視事太勤每日早於崇德殿  
受百僚之朝至日午於講武殿視萬機之事或進呈  
申狀或揀閱軍人或躬問縲囚或親觀戰馬自廐而

咸一

三

進者或詳其詞理搗鼓以聞者或詢彼冤誣皆金口  
言詞人人省問天心揆度一一區分有以見 陛下  
勞萬機之神自此見臣下虧事君之職况今四方無  
事多壘盡平何以勞 陛下如此太勤何以使三公  
因此無愧蓋陛下慮四聰或有所未達萬機或有所  
未知文王之心遂乾乾而夕惕成湯之意貴孜孜於  
日新然 陛下何不以此勤勞以求賢何不以此精  
專於選士諫官則實之左右御史即委以糾彈給事  
中當材者許之封駁詔書起居郎有文者命之紀錄  
言動百職如是各舉其業千官如是各得其人則何

憂事不允釐何慮民不受賜今有司指揮多以劄子  
取 聖旨官員注擬必須引見聽敕裁事若允當則  
既由宸衷事若未當則亦歸睿斷如此皆勞天聽安  
用有司致 陛下視事太勤憂民太過况宮闕乃尊  
嚴之地軒墀列清切之班可以延佇賢良詢求理道  
豈宜使押來囚繫或病患軍人或虛詞越訴之徒或  
僥倖希恩之輩引之便殿得面庫本作近 天顏 陛下  
則隨事指揮臨時與奪其間有驟承顧問上懼天威  
或偶有敷陳稍愜聖旨性懦謇訥者口雖奏而未盡  
其心姦詐辯詞者言雖當而未必有理 陛下或賜

咸一

三

之恩澤或實以刑名然睿鑒周通出令固無於枉濫  
而帝庭清肅終朝庫本作淵穆 豈稱於喧囂加以條理事  
宜或傷煩併庫本作煩瑣 施行詔敕遂至稠重禮曰王言  
如絲其出如綸王言如綸其出如綍喻其以近及遠  
漸光大於萬方以言訓人可常行於百代簡而且要  
人則易從繁而又難人則易犯書曰臨下以簡又曰  
御眾以寬御眾不以寬則獲罪者多臨下不以簡則  
從令者少况帝王有常道禁令有常程施令貴乎必  
行設禁貴乎必止若令之無節奉而行之者必難禁  
之無時遵而止之者亦寡臣所謂網利太密既如彼

綸旨稍頻又如此願 陛下寬臣故言之罪察而審  
之望 陛下聽臣故諫之言擇而行之臣復有未論  
聖意之事三又有奏請可行之事二未論者今內職  
諸司各有公廨禁林近侍各有本廳中書是宰相職  
事之堂相府是 陛下優賢之地今則於中書外廡  
置磨勘一司較朝臣功過之有無審州郡勞能之虛  
實瞻言是職本屬考功豈考功之職不修而磨勘之  
名互出殊非雅稱深損大綱此臣所謂未諭聖意之  
事者一也其次御史臺本不禁人今為繫囚之所大  
理寺舊來置獄今為檢格之司授人之職者本貴當

咸一

聖

材鞠獄以情者自然無濫或諸侯有大過或百姓有  
深寃乃命臺臣委為制使憲府之風規自別刑曹之  
按鞠無疑今則或搥鼓闐天虛詞詣闕多差殿直承  
旨使為制勘使臣殊非理獄之才驟委鞠人之罪其  
間有未明推勘因致淹延或未曉刑章妄加深刻既  
臨以制書之命寘乎縲紲之中上畏嚴威誰敢拒捍  
及當錄問皆伏款詞雖罪至徒流必該申奏案既圓  
庫本備即據施行豈無陷於非辜豈無失於有罪虧  
作成備即據施行豈無陷於非辜豈無失於有罪虧  
陛下慈仁之旨損朝廷欽恤之恩此臣所謂未論  
聖意之事者二也臣每讀史書至於文集或匹婦有

正廉之節野人有孝悌之風尙旌彼門閭或賜之粟  
帛將以離澆漓之俗亦以行風教之規修身者由此  
彰名尙義者因茲立節今國家官僚遠宦不得般家  
父母云亡不得離任墨縷視事寧安孝子之心明詔  
未行深損聖人之教此臣所謂未諭聖意者三也昔  
漢文在位稱為刑措歲終斷獄者三十此蓋民安其  
業乃無咎於刑章物失其宜必自罹於天枉是以聖  
人見一物失宜則必加惻隱知一夫失所則必動哀  
矜御一衣思天下女工之勤嘗一膳思天下農夫之  
苦故尙書曰不敢侮鰥寡周易曰信及豚魚豚魚至

咸一

聖

微信猶能及鰥寡至賤侮不敢加有以見聖人用心  
無微不至聖人施惠無所不均今河朔數州衙前軍  
將應宣命配來之者庫本作宣命而遠來者多江南兩浙之人  
雖曾有赦文許令自便然各無去着猶係職名其間  
有不請衣糧只望差使設有得該請受多是折支時  
寒無衣日餒無食老小相聚凍餓貧窮羈旅無圖咨  
嗟愁苦與其配之而無用孰若捨之而放歸此乃可  
言者一也今國家封疆甚廣州縣至多令錄闕員據  
資勞而遷授簿尉滿任按歲月以除移其間廉吏雖  
多抑亦貪夫不少貪者偶無彰露刑罰寧加廉者未

有升聞旌酬弗及言乎賞勸似未精詳宜委諸州通  
令申奏州有幾縣縣有幾員奏其善者則不善者自  
彰奏其廉者則不廉者自顯或就加獎飭或聊與轉  
遷則廉能既有所歸猥濫者寧無自愧揚清激濁實  
爲政理之先易俗移風宜自親民之始此臣謂可言  
者二也臣縷陳鄙見煩黷聖聽臣不任惶恐戰慄之  
至太平興國七年十二月上時以  
右補闕知相州入迎上此奏

上眞宗乞早建儲闈

臣竊觀唐憲宗卽位改元元和四年冬十月御宣政  
殿樓冊皇太子又按李絳論事集元和三年翰林學

成

註

士李絳等上言曰古先哲王以天下爲大器知一人  
不可以獨理四海不可以無本故立太子以副己設  
百司以分職然後人心大定宗社永寧有國家者不  
易之道也 陛下嗣膺大寶四年于茲矣而儲闈未  
建典冊不行是開窺覷之端乖重謹之義非所以承  
宗廟重社稷也憲宗依所請下制所司擇日備禮冊  
命牌本立今 陛下自纂承大位改元以來五年于茲  
矣儲闈未建典冊不行豈不慮窺覷之端豈不思重  
謹之義宜速以宗社永寧爲圖也咸平元年上時爲  
侍御史知雜事

上眞宗進經史子集要語

臣聞古者帝王盤盂皆銘几杖有誠起居必視夙夜  
不忘故湯之盤銘曰日日新又日新太公金匱曰武  
王欲造起居之誠乃銘於几杖曰安無忘危存無忘  
亡熟惟二者後必無凶墨子曰堯舜禹湯書其事於  
竹帛篆之盤孟曰君子福大而愈懼爵隆而愈恭遠  
察近視俯仰有別矧黃帝與几皆銘焉曰吾居民之  
上惴惴恐不及武王月席必訓焉席之銘曰無行可  
悔戶之銘曰難得而易失聖人修德罔怠然佩服鑒  
戒終日不忘故至德大業永保天下也臣又嘗讀唐  
書見高宗命黃門侍郎趙智講孝經於百福殿因謂

成

美

之曰大旨朕知之矣卽舉此經要切處言之以裨不  
逮智曰天子有爭臣七人雖無道不失其天下微臣  
敢以此言上獻帝大悅又憲宗聽政之暇探漢史三  
國而來經綸要事撰書十四篇號曰前代君臣事跡  
寫於六扇屏風置於御坐之右出入觀省之臣每覽  
經史子集因取其要語總一十卷庫本作  
十一卷輒用進獻  
可題於屏寘之御坐出入觀省所貴日夕觀省冀聖  
德日新與堯舜禹湯文武比隆也咸平三年上時宋  
白舉錫應賢良方  
正自知泰  
州召歸朝

上眞宗論制科當依漢制取人

臣竊惟唐設制科有道侔伊呂科有識洞韜略堪任將帥科有賢良方正直言極諫科自太祖朝兵部尚書張昭庫本作熙名奏請與制舉于時據所奏前代制舉內選置三科一賢良方正能直言極諫科一經學優深可爲師法科一詳閑吏理達於教化科勅文略曰應天下諸色人中不限前資任職官黃衣草澤等並可應詔送吏部試策論三道共三千言以當日內取文理俱優人物爽秀者方得解送其登朝官亦許上表自舉雖設制科之名未盡取人之理何以明之夫漢詔取人不限對策字數隨其所對盡其所

咸一

美

見故孝文時晁錯對策不過二千字孝武時董仲舒對策不過二千餘字然上覽之而異焉乃復策之凡詔策三問而所對皆不及二千餘字洎公孫弘答策纔五百餘字然漢之得賢良斯爲盛矣觀董仲舒所對策三道亦非以當日內成今但依漢之取人則董晁公孫輩不獨漢有也咸平三年上時自知秦州召還  
上真宗乞賑給河北飢民  
臣今月二十五日所進實封爲霸州乾寧軍死傷人戶等自二十六日至今又據莫州奏飢民一十六口滄州奏全家飢死一十七戶雖有指揮下轉還司相

度及減斛斗賑糶卽未見別行指揮若有司只如此行遣實未稱陛下憂勞庫本作勤之心也陛下爲民父母使百姓飢死乃是陛下孤負百姓也宰相調燮陰陽啟導聖德而惠澤不下流王道未融明是宰相孤負陛下也今陛下何不引咎如禹湯罪己略降德音下飢餓殺人處州府民心知陛下憂恤然後振廩給貸以救其死若倉廩虛而饋運邊備尙未足卽日無可給貸則是執政素不用心所致昔伊尹作相耻一夫不獲今餓殺人如此所謂焉用彼相今陛下可將此事以理道略面責宰臣以下觀其何詞以對視其有無忤色有無憂色待三日後或旬浹以來不上表待罪不拜章求退是忍人也何良相之爲乎旣非良相而猶用之則是陛下不以百姓心爲心也若不別進用賢臣恐危亂之萌將來滋蔓難圖也語曰十室之邑必有忠信况今皇家富有萬國豈無人焉可於常參官自來五日一轉對中觀其所上之言有遠大謀略經綸才業者可非次擢用若有其言而無其實退之以禮亦合理體不然則臣恐國家未能早致太平也豈唯太平之未能致其憂患不獨在邊防而叛亂在內地也此是陛下續嗣

咸一

美

先帝萬世基業之急務也所急之務莫先於此惟聖聰睿鑒詳微臣之言陸贄云貪因循者終有大

患今若因循不早為謀則慮大患至矣今臣所奏且可先降德音以禹湯責躬之意以謝天以堯舜至仁

之心以待下使飢餓地分知 陛下憂恤之心也臣

職在深嚴日有聞見不敢不奏咸平三年正月上時

直集賢院權管幹通門下封駁

上真宗論輕於用兵

臣竊惟國家斷徒以上罪皆須勘鞫子細案牘圓備斷官錄問然後行刑其大辟罪將決斷即給與酒食

咸一

无

命他官監決慮有稱冤及斷訖即錄案申奏奏下大理寺寺司點檢送至審刑院院吏披詳如案未圓理

未盡即罪有司所謂王者之心重用刑而惜人命也及至北狄騷邊西戎犯境不先計而後出兵不先謀

而後決戰戰失利即士卒陷歿者既多人民俘虜者不少不知斷徒以上罪至用刑於大辟一何用心精

密之如彼而不先計而後出兵不先謀而後決戰致陷歿士卒者眾俘虜人民者多一何用心麤疎之如

此用心精密之如彼者是帝王重人命也用心麤疎之如此者由將帥輕人命也州郡戮一死罪不當即

罪州郡大理寺審刑院點檢披詳漏略各罪官吏洎至士卒陷歿人民俘虜則宰相不過罷免歸班為尙

書將帥不過黜降其官為庶人此乃 朝廷用刑輕重之相遠也咸平五年上時為侍御史知雜事

上真宗論點集強壯

臣伏觀近日多雨秋稼頗傷近京諸州積潦為害加以差遣使命點集鄉兵人情不安物聽可駭謂一家

雖有數口三丁必抽兩丁定以強壯之名備於緩急之用雖不刺面各遣歸農其如終隸軍名向去須在

戎伍當北狄未賓之際值西戎為害之時豈不知臨

咸一

无

時抽差以補正軍闕少如此壯丁父母逐家妻男有哀慟之哭聲實感傷於和氣朝廷宜制理於未亂樞

相當經始而圖終臣竊聞國家府庫稍虛倉廩不實不然則何以急急於聚斂財貨孜孜於備禦邊防况

廟堂無人軍旅無將居崇官者皆莫知危亡之漸食厚祿者悉坐觀成敗之人邊上奏報繼來戎狄侵軼

漸近其好佞言而安聖心者則曰國家何患無遠慮而有近憂者不過請聖駕親征望 陛下以宗社為

憂乞 陛下以芻蕘可聽臣每奉聖旨凡有見聞即令敷陳敢不遵守干冒宸扆臣無任惶恐激切屏營



之至咸平五年五月上時為侍御史知雜事先是詔集近京諸州丁壯選隸軍錫上此疏

上真宗論揀選強壯失信

臣伏觀去秋已來霖雨作沴近畿諸處水潦為災雖聞檢覆蠲免租稅又聞相度低下開決溝渠雖憂郵之心以有所濟而利害之半莫知適從古者不奪農時慮妨管種或遇歉歲卽念困窮故有賑貸糧儲除放徭役免令凋瘵不至流亡今國家為少闕軍兵防備邊戍遂於曹鄆宋亳陳蔡汝潁之間點集鄉村揀選強壯得五七萬人訪聞始降宣命指揮只令在本城防守及至奏聞都庫本數卽並抽赴京師昨近臣

咸一

三

何以商量如此失信令下民皆懷怨望豈得無詞况

陛下常好讀書有儒臣時得侍講春秋謂君命無

二又曰信不由中諒在聖聰盡達微旨豈有命令既

宣於羣下而誠信不由於厥中若外國差人在京探

事事無鉅細境外既必盡知知而圖謀邊上未得安

靜其所謀者謂古者以民為邦本食為民天今國家

取丁壯為兵以失邦本以災傷去食寧有民天糧儲

何止無餘邊備亦恐不濟以此得計以此乘時此外

國所謀之小者也其所謀之大者以關西去年秋稼

不登京東今歲春種已失國家營救之不暇廟堂圖

慮之未精欲以新集未慣之兵授非才無勇之將僥

倖求勝輕敵寡謀此外國所謀之大者也加以自春

以來多陰少晴每遇朔風其來數日不定變陽春和

平之令人邊塞動靜之占臣不曉占書不知兵略但

以經史所言之事求災祥可見之證以愚意裁量望

聖慈採納雖兵者凶器不得已而用之民為邦本不

得已而取之今五七萬人並離農畝日近更差使臣

揀點豈無物議憂虞以災沴之餘寇盜若起適足為

戎狄之利有勞宵旰之懷檢災傷乃是虛名行賑貸

且非實事斯乃今日之務最急也非時之患可憂也

臣謂非十年不足以聚蓄財貨非十年不足以生育

黎元二十年間治之得其宜則無慮治之失其宜則

有患非二十年尙未能聚蓄財貨生育黎元况臨事

欲制置乎望陛下思今日之急務慮非時之所憂

示信以結之善謀以成之若信不由中事出慮外恐

國家多難自今日始臣受先帝拔擢不敢不言臣受

陛下指揮不敢不奏咸平六年三月上時為侍御史知事先是五年十一月令

近京諸州募強壯願充軍者給衣服裝錢送關下錫上以奏

上真宗乞詢求將相

臣嘗讀唐太宗實錄見李靖文武材略隋將韓擒虎

咸一

三

卽其類也靖再與擒虎論兵未嘗不稱善撫之曰可  
與論孫吳之術也初事隋爲殿內直長吏部尙書牛  
洪見而重之曰李靖王佐才也今國家自先帝平晉  
之後與戎狄結隙將相舊人相次薨謝邊鄙間州縣  
屢爲戎狄所陷皇威不振久矣時議乃以將相無人  
亦久矣卽不知今來朝廷公卿大夫間有如韓擒虎  
與李靖論兵否有人如牛洪知李靖有王佐才否若  
有人能論兵有人負王佐才未審 陛下知之否有  
人善論兵有人負王佐才乃是帝王合先知之矣自  
來皇城司差人探事又別差探皇城司探事人如此

咸一

宜秋館

察探京城民間事無鉅細皆達聖聰近又差朝臣爲  
巡撫使及差朝臣以點檢酒務名目出外採訪所採  
訪之事不過民間利病不過官吏能否而已卽未聞  
委公卿大夫察訪善論兵之人詢求有王佐之才者  
也由是見所求者瑣屑而所忽者遠大也 陛下若  
以宗廟社稷爲憂以生靈爲念卽宜以遠大爲務求  
將相爲急也臣每奉聖謨令陳鄙見仰祈英睿特賜  
披詳 咸平六年八月上時右  
諫議大夫史館修撰

京兆田錫

書

請復鄉飲禮書

請修藉田書

貽陳季和書

貽宋小著書

請復鄉飲禮書

月日鄉貢進士臣田錫惶恐頓首獻書皇帝 陛下

臣聞聖人建大業得大位制禮以經邦國作樂以和  
神人五禮行於朝廷遠方之民有終身不得觀之者  
六樂奏於宗廟遠方之俗有終身不得聞之者於是

咸二

一宜 秋 館

制鄉飲之禮行鄉校之間俾人徧知冀人易識庫本

蓋其禮甚辨其儀甚詳有祭獻之儀有俎爵名臣議

之數命鄉人之賢者為主延鄉人之老者為賓揖讓

拜起皆有儀升降進退必有位以金石之樂和其節

以雅頌之詩導其情自秦承周衰漢邇秦亂不能行

之至後漢世祖行之世祖之後復廢至西晉復之西

晉之後又廢至皇庫本無唐用之明著禮文散頒郡

國咸俾長吏以化黎元至開元中宣州刺史裴耀卿

以為鄉飲之儀唯於貢士之日略得舉用其餘寢停

豈聖王化俗之心豈良吏知禮之大於是拜章奏以

上言自恭勤而行禮月而習之歲而行之于是宣州

耆老宜庭寮吏每聞歌白華之什華黍之詩南陔之

篇由庚之頌言孝子養親之道述萬物遂性之旨觀

者皆踊躍聽者有感泣蓋禮樂之感於外而精誠之

發於中也唐之世為唐之牧守唐之世祚垂三百

載唐之牧守凡幾千人唯耀卿能於一郡之間獨奉

先王之禮猶化其俗尚移其風以是知先王之禮不

徒行先王之樂不徒用但後人行之不得其道用之

不知其微國家大禮與天地同節大樂與天地同和

禮天地祭宗廟祠山川正齒胄追封冊冠婚之禮軍

咸二

二

旅賓客之容 陛下皆舉百王之禮而行之以六代

之樂而明之所謂禮樂征伐自天子出矧國家拓地

三百州拓土一萬里年穀屢稔民風大和朝廷之禮

既崇而遠方之民有未親見之者朝廷之樂既備而

遠方之俗有未親聞之者願 陛下申明舊典舉行

新命名臣奏頌鄉飲之禮修鄉飲之儀使其觀祭獻

之嚴則知不忘報本矣觀蘋藻之祀則知所貴者誠

矣見賢者為主則知懋德者可尊矣視老者為賓則

知高年者可恭矣閱揖讓拜起之式則知謙恭擯節

之可學矣見升降進退之容則知折旋俯仰之可習

矣聞自華南陔之詩則知孝於父母矣聽雅音正聲之奏則悅於和樂矣月而習之歲而行之稔於禮而自熟漬於道而彌深訐復化爲柔和狼戾遷爲貞順革惡歸善流邪復正其何難哉蓋性相近也習相遠也不覺自遷於無過之地不覺自生於知恥之性既無過又知恥國家雖設刑而無淫慝可刑矣朝廷雖設禁而無過差可禁矣若是則爲父者以慈而爲教也爲子者以孝而自守也爲兄者以友愛而自得也爲弟者以恭謹而自悅也爲夫者以和而有其室家也爲婦者以柔而事於舅姑也一家率之一鄉慕之

咸二

三

一邑化之一郡榮之一國興之天下同之得非王者屬精於禮樂而致之諸侯折節於禮樂而奉之若以爲古之禮也不可復行則世祖承盜莽之後而能行之晉氏承元魏之亂而能復之太宗革隋季之淫而能用之若以爲俗之薄也難驟化之則裴耀卿何以化之宣州之民何以順之是知千古絕迹三代曠禮名臣奏議作三代絕迹千古曠禮猶可繕完補緝損益裁酌必其俗適其時而明之况貞觀之風開元之化左顧不遠右盼可及彝章不泯令式斯在昔舜庭奏樂而鳥獸率舞燕谷吹律而草木遂萌文王行禮而虞芮懷慙范

宣讓功而樂感知變夫金石至和非有樂於鳥獸而鳥獸自舞草木無情非必應於律呂而律呂能通西伯之仁不以化虞芮而爭訟自息晉卿之讓不以矯變鷹而汰虐自亡蓋禮樂之進物也速而謙讓之服人也深况欲以賓主之禮以明之以祭獻之儀以示之以金石之樂以歌之以升降之度以化之以揖讓之容以導之以尊賢之序以命之以養老之道以喻之人心物之性得不優而柔之而自趣之感而慕之而自化之鄉飲之禮化民導俗夫如是之速也願陛下詢公卿而復之望 陛下勅攸守而行之行

咸二

四

之暮年則民知恥行之再歲則民知教行之三載則民知禮行之而不輟用之而能久則比屋可封之俗不獨帝堯之時也聖代當復見矣聞樂而感之者不獨宣州有之也天下當盡然也天下幸甚海內幸甚惟 陛下裁之臣不勝懷悽思理之誠謹昧死奉書以聞臣錫誠惶誠恐頓首再拜

請修繕田書

月日鄉貢進士臣田錫惶恐頓首獻書皇帝 陛下臣聞農者國之大本也穀者人之司命也古先哲王慮農之不勤也憂人之棄本也於是設躬耕之儀立

藉田之禮行於國化於天下勤於身勉於海內天子履田誰敢不力於壟畝天子執耒誰敢不務於播種所以孟陬之月擇日惟良一人齋戒以晨與百辟肅恭而景從載耒耜於車右就阡陌於國東朱紘以飾禮容青輅以協時令春景燭物和風扇野千畝之首三推爲先內宰詔於后妃乃獻種種甸人率於黎庶遂終耕壘所以供粢盛也以之備醴酪也天地山川之祭用茲而給焉宗廟社稷之祀由此而備焉是知藉田之禮乃有五利勸民不忘本一也農有餘蓄二也俗知廉恥三也政教可喻四也盜寇不起五也用

成二

五

是五利播於萬民以之興役則民不凋弊以之事戰則國有饒運雖有水旱之災不害民也雖值凶荒之歲不瘁國也是故上之化下如壘之在塗下之從上若水之在器所以乃稼乃穡宜自我勤乃耕乃殖宜自我先雖有貨財不救餓殍之困雖有寶玉不濟災凶之患故歷代奉於周制百王修於藉禮漢魏晉宋之主齊梁隋唐之朝或立壇以祀先農或置廩以爲神倉或過三推之數或頒萬斛之種或許行之於郡縣或亦因之而賞賚今 陛下嗣守洪業勤郵黔黎四方之書軌大同九牧之貢輸咸至坐明堂以布政

居宣室以詢賢謂小大之獄未明則慎擇法官喻以無溢之旨謂朝廷之政未理則優容直臣大啟上言之路謂賢良未至則虛佇以待前古未行之事

陛下行之今日所急之政 陛下修之是故五星融明八穀無害風雨時若黎元又安然於千畝之田尚曠三推之禮雖在南之畝惟西之疇時多有多稼之謠歲取聞如坻之詠必若載陽之候或以啟蟄之時命大司農以飭田詔太常伯以撰禮惟月之吉即晨以興八鸞鏘鏘前適東郊之道百寮翼翼相從北闕之下鳴蒼珮於宸衷建青旂於帝車間闔來風振我

成二

六

發生之德勾芒司候佑我播種之儀簠簋豆籩薦先農之壇墀耒耜黍稷列公藉之阡陌旭日新景朝霞暖輝千乘萬騎列於左右金根玉輅儼於威儀有司贊禮以降車侍臣肅容以進耒綺疇奮一墦之土榆衣獻五稼之種然後三公繼禮九卿就列庶寮迭耕黎民終畝於是順陽和之德以農爲先示稼穡之艱以己率下以金石絲竹感和悅之懷以賞慶錫賚助禮容之盛加以發如綸之詔降藉田之儀俾諸侯行之以興稼政俾遠民觀之以知帝心卽民之趣耕若憂風雨之至民之務本不遺天地之利倉廩實而知

禮節衣食豐而識廉恥則未作自歸於農畝游民必復於田業豈徒染盛是供犧牲是養實將人心無趨末也民力無枉用也必父誨其子兄勉子弟不使遺地利失天時桑麻之勤由農而繁矣鷄豚之蓄由農而華矣民以之祠祭則有備以之賦役則不困以之饋餉則成禮以之拯卹則爲仁若是皆 陛下躋之於富庫本作仁壽也由 陛下致之於安逸也既安且逸則和樂之氣感乎天地既富而庶則禮讓之風行於邦國天地感禮讓行所以麟鳳集於郊藪圖書出於河洛故臣以爲千畝之耕五利斯得其實在茲願

成二

七

陛下憲章周官之禮沿革唐朝之制躬親黛耜勉勵黔首也昔庫本無昔字武后女主也猶俾中和之節咸獻農書昭帝幼主也猶弄鈎盾之田垂芳史策矧

陛下功業高於往古文武冠於前王雖湯仁禹聖纒可同塗漢祖唐宗未堪較德而猶闕於藉禮何以示於黎元惟 陛下俯循采芣之言幸復躬耕之禮無俾前代之主獨擅務農之美臣不勝罄伸誠請之願謹昧死奉書以聞臣誠惶誠恐頓首再拜

貽陳季和書

季和足下錫觀乎天之常理上炳萬象下覆羣品顯

氣旁魄莫際其理世亦靡駭其恢廓也若卒然雲出連山風來邃谷雲與風會雷與雨交霹靂一飛動植咸恐此則天之變也亦猶水之常性澄則鑿物流則有聲深則窟宅蛟龍大則包納河漢若爲驚潮勃爲高浪其進如萬蹄戰馬其聲若五月豐隆駕於風蕩於空突乎高岸噴及大野此則水之變也非迅雷烈風不足傳天之變非驚潮高浪不足形水之動夫人之有文經緯大道得其道則持政於教化失其道則忘返於靡漫孟軻荀卿得大道也其文雅正其理淵奧厥後揚雄秉筆乃撰法言馬卿同時徒有麗藻邇

成二

八

來文士頌美箴闕銘功贊圖皆文之常態也若豪氣抑揚逸詞飛動聲律不能拘於步驟鬼神不能秘其幽深放爲狂歌目爲古風此所謂文之變也李太白天付俊才豪俠吾疑是悟字道觀其樂府得非專變於文歟樂天有長恨詞霓裳曲五十諷諫出人意表大儒端士誰敢非之何以明其然也世稱韓退之柳子厚明一意指一詞苟非美頌時政則必激揚教義故識者觀文於韓柳則警心於邪僻抑未扶本躋人於大道可知也然李賀作歌二公嗟賞豈非豔歌不害於正理而專變於斯文哉季和蜀之茂士也嗜於博古

而工於作歌以余東適秦關祖道以別示我長歌數  
百字以為贈行之言有以見天資杼軸得於長吉文  
理變動侔於飛卿也吾黨聞人非君而誰金門玉堂  
俟子偕進延佇之意書不盡言錫白

貽宋小著書

數日論文更得新意若獲祕寶如聆雅音苟非賢智  
之交寧厚切磋之道所謂悅我以文藻榮我以道義  
也洎拜別後在道路閒羸馬長驅征心自逸三思商  
較之義再詳通變之言一以貫之引而伸之竊有所  
得似亦可采稟於天而工拙者性也感於物而馳騖

咸二

九

者情也研繫辭之大旨極中庸之微言道者任運用  
而自然者也若使援毫之際屬思之時以情合於性  
以性合於道如天地生於道也萬物生於天地也隨  
其運用而得性任其方圓而寓理亦猶微風動水了  
無定文太虛浮雲莫有常態則文章之有生庫本作聲氣  
也不亦宜哉比夫丹青布彩錦繡成文雖藻縟相宣  
而明麗可愛若與春景似盡疑是韶光艷陽百卉青  
蒼千華妖冶疑有神鬼潛得主張為元化之杼機見  
昊天之工巧斯亦不知所以然而然也則丹青為妍  
無陽和之活景錦繡曰麗無造化之真態以是知天

亦不知其自圓地亦不知其自方三辰之明六氣之  
運如目之在氣主視耳之在體司聰庫本已亦不知  
其自然也故謂桂因地而生不因地而幸蘭因春而  
茂不因春而馨人傷體則憂螭去膽則勇龜殼便於  
外鱗骨樂於衷草腐而輝光生物老而妖怪出松以  
實而久茂竹以虛而不凋騶麟之性仁虎豹之心暴  
得非物性自然哉錫以是觀韓吏部之高深柳外郎  
之精博微之長於制誥樂天善於歌謠牛僧孺辨論  
是非陸宣公條奏利害李白杜甫之豪健張謂呂溫  
之雅麗錫既拙陋皆不能宗尙其一焉但為文為詩

咸二

十直

為銘為頌為箴為贊為賦為歌氤氳照合心與言會  
任其或類於韓或肖於柳或依稀於元白或髣髴於  
李杜或淺緩促數或飛動抑揚但卷舒一意於洪濛  
出入眾賢之閭闕隨其所歸矣使物象不能桎梏於  
我性文彩不能拘限於天真然後絕筆而觀澄神以  
思不知文有我歟我有文歟以是咨於君孰是孰非  
幸一見答更祛曹昧錫拜手

咸平集卷第二

咸平集卷第三

京兆田錫

書

貽杜舍人書

上中書相書

答胡旦書胡旦書在前

答何士宗書

貽梁補闕周翰書

貽杜舍人書

五月日進士田錫謹拜手奉書舍人座右錫嘗以言

而當智也默而當智也進而受知於識者才也退而無咎於躬知進退也易謂動靜不失其宜其道有光

咸三

二宜秋館

粵若志在濟民名未為人知必反經合道用奇矯時名乃一日千里諸葛堅卧太公釣國鄜生長揖王猛捫蝨之比也天才略為根幹知己為羽翼不俟終日可與論幾矣錫天付直性非苟圖名利者也竊嘗以儒術為己任以古道為事業噫圖名不以道雖使名動朝右不取也得位不以道雖貴為王公不取也錫謂進賢為道也誅讒邪為道也濟天下使一物不失所為道也昔伊尹五就桀欲理之速也不得已歸於湯伊尹固不以名不以位但濟天下之志汲汲也夫有君子之行不有君子之文者漢申屠嘉周勃也有

君子之文不有君子之行者唐元稹陸贄也其中人也發若礦弩其稔毒也隱如敵國所謂以名以位務

子仇覆人與伊尹相反與其有文也宜有行也孔子曰惟名與器不可以假人士有大功於國天子則彰

其名賜其器賜之既不濫受之亦不喜蓋公共也小人則飾詐勉道便僻希旨盜我名器以為身榮明公

謂之何如錫幸不佞從士君子之後安敢去彼取此乎明公有君子之行稱於識者自邇及遠如蘭蕙當

風苾芬襲人如冬陽夏陰人來歸之錫於是冒炎暑涉遠道一拜高義求他日之羽翼也周易泰拔茅彙

咸三

二

征吉茅之連茹以其彙類征往乃亨吉也天地交萬物通君子道長之時也天在地下以貴下賤之象也小人狂瞽奮筆伸志若默於明公失則多矣是用喋喋諤諤於聰明取春秋言以足志志以足言不言誰知其志之義也幸賜留意幸甚錫再拜

上中書相公書

四月二十三日鄉貢進士田錫謹以長書一通獻於相公黃閣之下惶恐震駭不知所裁幸相公容而察之使獲盡其愚衷則可以免僭踰之誅而蒙容恕之惠也夫以賤干貴遭逢實難以言感人聽信亦寡蓋



貴賤之際若天壤之相懸言感之間非聰明而弗悟  
今相公以英貴之重居廊廟之尊功業輝光仁義流  
布事無微而不燭理無深而不知故在位庶寮與仕  
進之輩孰不受陶鑄之大惠靡不希顏囑之餘輝錫  
是以載徵敷敘之辭上覬鈞臺之鑒昔文王稱睿聖  
猶詢及芻蕘周公曰聖人亦下禮賚賤邴吉問服轄  
之喘齊相念涉淄之寒路左長謠而晏子動容門下  
獻書而姚崇弗罪斯皆相公熟聞之事儒生常叙之  
譚固不假形於書簡而後知亦不勞伸於比喻而方  
見然相公以房杜之策略佐堯舜之事幾入造膝於

咸三

一人出勞神於百揆所務者國家大事所思者社稷  
宏謨動唯萬務之繁靜悅寸陰之暇而白屋之士片  
藝自沽求謁見於黃扉進千祈於重顧求名者不過  
爲希科第在位者不越爲冀遷升若是者纍纍然接  
踵於門欄藉藉焉取容於左右無宏才大略以裨於  
采聽無英氣異行以動於禮容所以相君之門非深  
嚴也由所謁之人非英特也宜其情弗上通而言弗  
下應焉相君之聽非忽略也由所吐之言無利害也  
宜其進未速見而退未能已也是以古人知崇重之  
難接非奇偉之莫伸故有危冠長劔以飾容長揖抗

禮以自異錫常研幾於此而取類於彼悅懌自得始  
終可圖以爲凡欲一謁公卿之門一達生平之志胡  
不觀往古所行之事酌于今未兆之機焉敢曲微異  
辭聊欲直叙往事昔齊宣志在馳騁而滯于之薦客  
非賢闔廬志在仇讎而伍員之所言未當非言未當  
也其言非闔廬之志也非客不肖也其人非齊宣之  
意也故微福者先意而爲事事無不合希寵者見幾  
以設謀謀無不諧觀大易之言則曰幾者事之微也  
詳春秋之旨則曰需者事之賊焉進與退必以時而  
謀與斷交相養也今相公知小人在此一書也罪小

咸三

四

人亦此一書也雖知言出而罪入固宜偷合苟容與  
衆人碌碌焉苟萬一志意相投寵遇下及則安可違  
利趣害而貽識者之譏也幸相公英明而察焉望相  
公仁恕而容焉錫以羈旅之人懷叢脞之藝去國三  
千里官游二十載貧賤瑣屑迂懦閤鈍不言而曉言  
之且慙年齡在躬三十有九昔在于蜀同與科場者  
今皆列丹陛升清質庫本作員出奉帝皇之命入居臺省  
之職而小人猶食人之食衣人之衣困爲旅人辱在  
徒步當明天子在上賢宰相當國仁猶及於草木信  
尙孚於豚魚安可負六尺之軀懷丈夫之志而終日

屑屑不能自奮非知己之罪實自貽之戚也寒賤幽  
憂之苦不足爲相公言之希求遭逢之幸不敢於相  
公伸之言之則褻黷聰明中之則干犯英貴然又何  
以廻特達英果之遇濟進趨變化之機孟子云位卑  
而言高者罪也今無寸祿之位而吐僭高之言臚生  
五鼎之烹田光伏劔之節豈獨古人也今幸而爲相  
公言之錫生平所著文約百軸擇其自善者得二十  
編雖繕寫獻投爲舉人事業固不乞用爲賣名之貨  
亦不足爲希賞之資其實邀相公之知廻相公之鑒  
者在此一書爾昔相公奉使於吳而知吳可取也相

咸三

五

公在西掖爲侍從之臣旦夕論思而謂蜀可滅也相  
公在翰林訂謨宥密益親帝袞而致吳越王來歸闕  
下以是知擒吳滅蜀平百越而來四夷豈非相公贊  
成帝謨而密用良畫哉所以先帝取天下平海內二  
十年間強不敢掩弱大不敢加小信泰來之運鍾於  
聖朝升平之時歸於今上也今主明而相賢本豐而  
基固天下安危之柄總之於主上而持之於相公夫  
盛事難兼而良時不再且老農有三載之儲猶悅然  
而自裕良賈獲千金之利尚怡然而自多矧相公遇  
太平天子而佐之獲太平之民而理之豈不以功名

輝赫而自裕乎豈不以志意縱橫而自多乎且自古  
亂世多而理世少君子寡而小人衆以姚崇之賢而  
值玄宗晚年稍溺情於逸樂以裴度之量而遇憲穆  
之際未致大平今天子春秋鼎盛好文而稽古天下  
底定內寧而外安此相公可意之秋也生民受賜之  
時也夫制理於未亂禁邪於未形則君子明智先見  
之常道也兵書曰善戰者無赫赫之名蓋制勝於未  
形未兆之前也古人云天下有道則守在四夷方今  
邊鄙無虞戎夷畏服契丹遣其愛子入朝貢奉是相  
公慎擇邊吏俾務大體無使邀功而構怨之秋也邀

咸三

六

功則事生事生則怨生是邀功之人不能布天子之  
大信於外夷也相公能不介意乎小人狂愚一至於  
此春秋不云子孫不卹其繹而周宗是憂然狂夫之  
言聖人擇焉昔魏武惡楊脩之智而殺之千載之後  
人皆非之韓信納左車之說百戰之勝人皆美之湯  
曰天下愚夫一能勝余舜聞一善沛然而悅苟言利  
國家則言之者無罪而聞之者足以自戒相公憐而  
察之則以爲小人方謀仕進苟非設奇則無以警唐  
木駭聽聞也若相公鄙而淺之則適足邀撫掌大噱  
也相公若以片文知於小人則錫有二十編之文願

受知於門下若以一言知於下走則錫有鄙聞陋見願見采於輿人也若以憐亡國之餘卹宦游之困而錫鈞鎔於匹夫則羈旅之人自茲而振矣昔唐時名輩在科場間亦以設奇取譽如尹樞自放狀元王璘衣纈之類又若劉禹錫柳宗元之爲人皆以大儒之業當壯年獲志于科第自謂跬步萬里坐邀大位而言無畏忌志務倜儻迨升郎署席未遑暖而衆毀已熾或出刺遐徼而流離不復或終老瘞地而詩酒自寬壯圖弗伸晚年方悟非當時弗用也由銳氣悞物也仕進之忤苟能鑒往失而慎將來則安可不爲良

咸三

七

相之用子安可不受良相之知乎揣小人藝能固與往賢懸邈也然遽以芻蕘之見驟希廟堂之知死罪死罪相公若以爲適時之機自伸之術慕王泠然求知宰相尹樞自放狀元斯亦覬相公稍霽威怒而深察焉錫惶恐頓首再拜

胡旦書

僕與足下別亦已久矣惟明月相共清風尙遙芳春素秋頻隔嘉會想計學吞雲夢才高泰山日隆王霸之圖時積經綸之業將期大變塞吾與天下之望也近者拾遺拜官小子躬賀喜沃無已吾子可知又論

將來舉公之傑技

庫本作俊拔

者屈指算數中無幾人有

宋元瑜李度二后之弟也趙昌言名聞京師其餘勢家僅數十輩惟何士宗卓然獨立有不憤之色願與僅同羣爲之力戰公蜀人也久在關輔遠于京闕家貧援孤與我相角儻聞斯言必大喜也請速來三月盡約爲憂謀

庫本作謀

三人同志以振吾道將橫擺筆陣

銛淬辭鋒張雄文以遏其勢鼓大名以挫其氣吾子擊其前何公刺其後僕則左掎右角彼入我出拔旗挾輦斬將折馘英聲一振京師動搖爲此之計不亦大乎願足下速與謀焉夫敵人者不先扼其亢撫其

咸三

八

背刺虎者不先斷其爪滅其牙則彼不可得也惟足下詳之春色將青良會在近遙望命駕在乎朝夕跋涉之間想無怠也不宣麗天頓首

正月二十九日

答胡旦書

秀才卽先輩人來得書竊知靈適慰悅之外感荷良深兼蒙見招俾與文會良期美信莫尙於茲甚善甚善余念自出蜀至咸鎬間念已六稔再遷家兩遇權停貢舉羈旅中支離契濶幽憂愁辛大丈夫壯節殆亦銷燦今吾子書中憐余家貧援寡久往關輔乃知我者也古人所重者交結翼道佑德激切奮發何莫

由斯故呂布衰席本作簡為奔走之交晉文介推

為急難之友垂在信史有志者慕之余每自惟無英

才大略以為慷慨事又無嘉辭優學以為君子儒而

吾子過聽虛名相厚之甚也往年得澶淵之書前歲

偶渭北之會今春得夷門之信適足見惠然相顧之

情也易不云乎君子定其交而後求語不云乎君子

以文會友古樂府有結客少年場今三者君皆兼之

恭佩微音敢不勉信與學以為奉交之職也古人云

易失者時難得者知音余嘗讀西漢書見高祖以英

武取天下而文帝以道德化海內措刑不用幾四十

咸三

九

年于時最稱後才而年少者有賈誼觀其所上書真

卿相才也然當宣室受釐之際思鬼神事詔誼問之

不覺膝之前席然終不能大用惜哉迨至有唐貞元

長慶間儒雅大備洋洋乎可以兼周漢也帝王好文

士君子以名節文藻相樂於升平之世斯實天地會

通之運也自數百載罕遇盛事今錫與君偶斯時焉

自呂狀元蒙正得第之後有御製詩以賜之闈兩制

中得與上倡和昔漢世祖以外戚傳賜寶融以河渠

書賜王景唐太宗玄宗與侍從臣以文賦相醜醉今

復觀之况吾子負倜儻之氣懷磊落之才將來振海

內之名鼓天下之動廣視闊步於場屋飛聲走響於

公卿高擢榮名若坐會稽臨滄海投轄十二而釣取

巨鼇也孰不偉之然錫自得君書三復闡繹其中有

云將來舉公有宋李趙三才子也君欲以文彩聲稱

與之相較勝亦猶涸庭震澤幅員千里吞納江漢雖

飛濤駭湍浮天沃口得不委之壯哉真場籍中燕魏

豪俠也君既不以余鄙陋淺近許與為交游若使各

言其志則余嘗聞孟軻稱仲尼曰德之流行速於置

郵而傳命也又曰至仁無敵禮稱顏子得一善必拳

拳服膺易曰德不孤必有鄰設使至藝如至仁自然

咸三

十

無敵德苟修而眾善必為己鄰名載德而行故君子

金玉其名砥礪其行行茂而名榮人莫得而勝之也

又何必肝膽楚越而使人莫己勝也昔郭代公在國

學家寄三百萬錢適至為急難者告之傾裝以贈代

公器局之名從而得之又王起知舉命白敏中疏賀

拔甚而欲以狀元待之白敏中曰一第何門不致奈

何輕我至交斯則交友之情從而見矣器局之名當

師範代公而求之交友之情當企慕白敏中而修之

則何適而不為君子也吾子勉之暮春之月必獲命

為會挹非晚欣愜深謹奉書感謝幸賜詳察不宣

京兆田錫再拜

答何士宗書

二月日京兆田錫謹致書伸感謝之意于秀才即先輩足下錫自爲羈旅之人久居關輔之地每思朋英友賢之會爲唱予和汝之文安知道不遠人天弗違願當渭北杜門之暇日有流陽寄信之來人歎關稱云兩書偕至一則安定見寄之札翰一則長者相投之簡牋駭聞斯言欣然而出屢及于寢門之外帶及乎賓階之間得二賢之書對使乎朗讀喜與抔會形相翼飛勝獲連城之珍若聽在懸之樂因自退省何

咸三

三

從而來且予秉筆非俊豪之才待問無優深之學智不足以詳論大事名不足以推伏庫本作服衆人豈謂驟承君子之交便以國士過我誠爲誤聽安敢克當然英氣吐虹蜺嘉辭敵珠玉激余以善道來我以良期不覺增慷慨之壯圖生抑揚之銳志亦猶觀白起長平之勝入亞夫細柳之營鼓譟而屋瓦皆飛令嚴而天子按轡憐大爲之增氣勢使之然敢不悅投分之見知重一言之然諾雖未闕衛玠之容貌未交夷甫之談諧在君子以道爲心以信爲體文彩爲貌聲稱爲言又何必歎衽相親晤言以接方云識面始謂知

心哉故千里之喻比肩傾蓋若同曩日略例云隆墀

承歎遠壑必盈管子曰無翼而飛者聲也不根而固者情也哲人交結之旨尺書邀激之辭沼合子心適今得志况今主上以文明之道化四海良相以清靜之理育萬方卿大夫以名節相高士君子以儒雅取進鍾是鼎新之運樂乎升平之時苟不左交英豪右結俊造與振藻名場之會陪鳴珂帝里之遊則亦是包羞安能免請方俟夙僕夫之駕赴同人之期豈唯一詠一觴爲文章之樂一名一第階雲霄之高余欲以六經爲寰區以史籍爲藩翰聚諸子爲職方之貢

咸三

三

疏衆集爲雲夢之遊然後左屬忠信之囊韃右執文章之鞭弭以與韓柳元白相周旋于中原未喻此旨於君何如爾願言之志尙難罄輸幸稍留意不宣錫拜上

貽梁補闕周翰書

十一月日進士田錫謹齋沐拜手獻書于補闕執事錫每見仕進之心皆欲人特達之遇而覲遭逢之幸不揣道何如也才何如也迨爲明哲之鑒揣摩其術高下其才特達之遇果不爲叢脞所役原作沒則悵然缺望以爲鑿失於己而嘖有煩謗之言也君子則不

然不患無通明之知患藝之未精不患無特達之過  
患才之未備不以得失榮辱汨其趣向昔牛僧孺欲  
干有司之試先以文章卜進退於韓愈愈高其才遽  
命改館俟其亡而訪焉乃大署其門而退翌日輦轂  
之下僧孺之名無翼而飛藉藉衆口此所謂級名階  
第不在於彼而在於此束縑知婦勢使然也凡有司  
以至公之明庫本當掄材之任豈欲自擅於公器哉  
亦候同列推擇慰薦茂異以濟己之明也陸贄在唐  
爲海內之聞人也當其掌文之柄錄賢拔善得賈稜  
王涯李觀韓愈崔羣輩二十三人于時梁肅在諫垣

咸三

爲之援引肅之所言者八人韓愈在其選中至今稱  
陸忠州韓吏部果何如人哉豈唯春官氏爲國家求  
賢而賴同列之推善抑士君子爲先達常汲汲於外  
導後進以爲己任仕進亦豈專務求於人固當先求  
諸己豈在求諸名當先求諸實實茂而名自至己修  
而人後知故特達之過不可邀而得也才與賢相遇  
道與義相際言未發於外而意已熟於中矣何暇訾  
諛慄斯以微福哉錫不逮古人遠矣自十有五志于  
學逮今二十年所吐之文非超絕橫厲駭人耳目但  
屑屑在模範軌轡間又未能鷹揚虹伸與羣俊角逐

而尙在貧賤中未嘗不惕然愧恥雖迂疎鈍訥之若  
是然志有所自守迹有所自明必也躋一第拜一命  
庶幾無忝於時無愧於心不使識者指目而竊笑斯  
願斯懇非英信明達之大賢固不敢妄發斯言以取  
譴怒也今明公鑒如止水公如平衡言如鈎繩動爲  
律度剛決之氣斷於獎激融和之色形於接納錫是  
用曲俗之態短綆之智願爲門下之士期明公以通  
達之識照其邪直燭其妍媸苟若萬分之一可偕士  
林之末則明公英特之遇不施於僕僕遭逢之幸不  
自於明公則直在錫也曲在公也亦猶南醫善蠲人

咸三

之疾疾者亦自善導養能消息其氣以合於醫但俟  
錙銖善良之藥則燿然洞散其湫底羸露之疾而南  
醫持其疾以邀豐腴之酬一旦爲北醫急於仁義投  
以靈餌起於瞑眩南醫雖悔其可復追故君子臨仁  
義速不旋踵也錫今所謂消息其氣以合於善良之  
藥者也善醫者幸早圖之無爲他人攬惠而悔追弗  
及抑近世仕進之子不敢厯公卿士大夫之門慮殖  
嫌疑於栽培之地而耦俱生謗設使負非常之才有  
非常之名彼世疑俗嫌又何畏忌違去之有哉必若  
伏奏於丹墀之下導揚其名於天子使赫然超拔雖

說慝之口欲疵癘警訾於正人哉豈徒涉猜履謗而已使其人爲囚奴爲俘虜爲負販爲仇讎而道有可貴尙當哀窮悼屈洗磨振擢趣其亟也若濡救焚灼提引淪溺况冠儒之冠服儒之服與羣俊俯仰耀廣場之風彩而不敢挺然與之爲迹蹊則豈唯負於才良其實負於邦國也其次負於己心也錫愧無超邁之才以成明公特達之名然觀前輩以一言一辭瑰壯峻爽爲當世有名之士飛騰吹噓如杜牧阿房宮賦李華弔古戰場文李翱高愍女碑高邁長明燈頌如觀靈鳳一毛則五彩九苞從而可知矣錫自省介

咸三

五宜秋館

言隻辭不足買聲彩於擬議然錄長掩短亦可彰君子獎善之德也謹以所編鄙陋之文五十軸贄於几閣卜進退於明公也榮命謂之進方敢進若猶未也則有聖人六經在當復厲精於其間而決取舍於至公而後已不量狂瞽干冒明哲恭俟報復惶懼惶懼錫拜手上

咸平集卷第四

京兆田錫

書

貽青城小著書

上開封府判書

上宰相書

貽青城小著書

月日進士田錫謹奉書致明公足下錫嘗讀大易書

得君子定其交而後求之義乃知君子之交以道義

小人之交以勢利勢利為交有時而改矣道義之交

咸四

十一宜秋館

不可得而變矣有時而改者張釋之賓客廉頗故吏

是也不可得而變者仲尼顏氏子子皮公孫僑是也

錫每讀聖人之書慕君子之行正直自守耿介獨立

非有好古博雅之道純信英特之氣錫則視之蔑如

非吾儕也竊嘗聞足下有明允之行懷高奇之文蓄

不羈之才有是三者修於躬而播於人錫所以希慕

德風欲定交於足下然錫名迹未著不為人知一旦

遽捧尺書欲定交於足下足下必按劍瞋目不知其

所由來請以錫之行止為足下委曲而言之冀足下

詳信而稍意也錫蜀人也當小國時嘗以藝文干於

時時不我知委頓廢棄錫自謂鵬躍北溟固為槍榆

者所非誰復能効兒女子戚戚憤悶思苟於身計耶

洎吾皇平定中區蜀為內地錫滯若匏繫介在一隅

約國風以伸辭翫大易以知命棲息環堵服膺大道

雖然長者之轍交於陳平之門天將屈我以時而伸

我以道乎厚我以文而遇我以知乎不然安得弘農

楊公徹之安定梁公周翰廣平宋公白皆博我以雅

道勉我以大來矣今竊聆高義欲伸於足下未喻足

下能洞豁襟懷俾錫以生平之志一達於聰明乎且

士大夫所貴者樹德如親仁博學以師古師得古道

以為己任親乎仁人以結至交至交立則君子之道

勝勝則可以倡道和德同心為謀上翼聖君下振逸

民使天下穆穆然復歸於古道其若德樹而未有鄰

學博而不求知則君子之道孤弱孤弱則未能斥小

人而行古道安得聖君而翼之安得逸民而振之安

得天下而理之足下登進士第升拔萃科出為青城

佐將來為達官享大位豈不從今日樹君子之黨濟

他日之志乎若使小人得志擯吾儕於下位雖有國

士慷慨之志不得伸雖有忠臣蹇諤之心不得用道

孤黨削則足下以為何如錫已定交於向者三君子

咸四

二



矣今又伸志於足下庶使我忠壯朋黨久大器業得全矣昔魏徵得房玄齡杜如晦爲黨所以成貞觀之業姚元崇得宋璟爲黨所以致開元之化裴度無黨初爲中人魏簡詞臣元稹排之章貫之無黨爲張宿誣之錫每讀唐史至此未嘗不慨然興憤今布露真懇足下以爲狂瞽乎以爲侷儻乎惟明公察之錫拜上

上開封府判書

十一月日進士田錫謹齋沐奉書獻於郎中執事錫輒叙狂愚之懇上祈英察之明幸不罪於僭干望稍

咸四

三

垂於憐恕也惶懼惶懼禮稱強學以待問易曰藏器而俟時詩人垂采非之辭君子貴憐才之義錫雖鄙陋常佩斯言加以遭逢今幸於外平激發頗懷於忠節思欲一歷科場之試一登卿相之門觀光彩於鴻都與周旋於造士然才非挺特無經邦緯俗之文學未該通無備問專對之智但營營謀進屑屑求知豈無識者以見嗤諒亦小人之自得必若擇取纖微之善愛忘瑕謫之非則螻蛄亦有五能而鈎鏐亦堪一割也願敷斯志周避枝辭錫聞於易曰捨爾靈龜觀我朶頤是戒人之躁進也又曰君子見幾而作不俟

終日是戒人不知變也是則動不可涉觀頤之躁靜不可失見幾之言今皇上嗣守丕圖始將周歲乎大信需洪恩用賢才黜不肯英威果斷有類太宗豁達大度無異庫本作同符漢祖所以億兆仰之如日月裔夷畏之若雷霆四方肅然天下大定乃品物咸亨之際地天交泰之秋會議朝堂公卿則恥言霸道獻能宗伯士人方歌詠皇風宜乎儒雅道光賢豪時至遂令朝在布衣之伍暮升華綬之榮自古汲善拔才進人之速未有若斯之盛也矧復親王尹正於京府朝臣司掌於卿書考藝觀能稱廉舉秀當爲國薦賢之柄

咸四

四

實求仁弗讓之時至有薄才如稊米之微介善比涓流之細亦思赴滄溟而委潤與公廩之均輸眾才幸甚鄙人幸甚錫本貫劍南徙家關右淮陰寄食常慷慨於壯圖方朔上書願縱橫於見用固不暇復歸故里求薦他人於是齋莊潔誠僂俛從事因拜章於北闕求就試於南宮至精庫本作情果動於天心拔解許依於王府幸遇明公以鄒枚之才辯贊堯舜之親賢嘉謀日新詩禮益哲王之德善計泉湧鉤距成大尹之名衡平而輕重無欺水定而融明洞鑒文羣彥盡繫於激發小人亦冀於矜憐所謂良工度木之秋先達

援才之際然則言無利害不足激識者之知事不崛  
奇不足動通人之鑒是以王璘以縝襦邀譽奉春以  
短褐趨朝鄺生長揖於時君王猛踞見於國相豈不  
知謙能基德禮可藩身然以賤干尊邈若階天之險  
以卑謁貴慄如履虎之難苟不設機變以先聲其當  
塗之動念則夕錦詎知於文彩啞鍾誰辯於春容故  
有帶樞具以自彰懷長繩而請試郭代公以輕財見  
異裴中令以陰德受知外黃小兒一言當而霸王息  
怒杞梁女子一哭慟而長城爲摧所以感人以言不  
得不切從權濟志不得不然願形揜闔之書以卜見

咸四

五

知之念豈徒然也蓋欲以塵露至微之益爲芻蕘見  
采之言幸望憐恕之也錫惶懼惶懼錫聞忠莫大於  
進賢仁莫先於獎善見義而勇謂之智臨事無惑謂  
之明然人不易知深心有山川之險物難求備良材  
有大小之差今親王以薦賢之柄委明公明公以無  
私之心舉多士然明試之下與貢之人染翰飛文藻  
鑿必詳乎工拙莠材大略盈庭豈識乎是非設使有  
輔相之才將帥之器君子履行哲人詢謀未喻執事  
以何理而得之以何術而知之若知而薦之則明公  
有大忠於國家也薦而用之則明公有大賴於賢俊

也且復智能或似於狂愚詐佞或侔於純信又未喻  
執事以何術而察之以何理而詳之矧投之盈几之  
文加以在公之務雖智能周物庖丁之又有餘若干  
慮一失君子之明亦損莫若采擇羣與之議精詳與  
奪之機詢當朝文學之人觀就試文章之士則自然  
不役聰明而盡得其善不勞智力而皆得其人能於  
詩者觀其所試之詩能於賦者閱其所試之賦善於  
論則以論取精於策則以策求隨其所長觀其所試  
勿捨其所有而責其所無勿遺其所長而陋其所短  
無求工於力分之外無求備於赴應之中所謂鑒周

咸四

六

而妍陋靡遺理當而賢愚自辨若有宏才大略之士  
倜儻不羈之才封章爲達於冕旒文解迥高其等第  
冀賢王得而薦之明主得而用之豈非明公發解之  
善異於古人乎進人之名光於今日乎是謂導濫觴  
於駭瀆之源封沃土於干霄之木也唯錫儻於衆人  
之末或有一藝之長亦俟明公濟勺水於涸鱗假順  
風於弱羽豈唯鄙夫獲遭逢之幸固亦大賢有特達  
之名狂瞽之言采聽是望不任惶恐禱願之極錫再  
拜

上宰相書

八月十五日將仕郎守左拾遺直史館監鹽院賜緋魚袋田錫謹齋沐奉書拜獻相公黃閣之下錫伏有鄙見理合上聞願垂聽察之仁不罪僭踰之過矧宰相識量不可不包容衆人大臣聰明不可不采擇片善今相公佐太平之主理無事之朝四海謐寧萬務整肅房杜功名之曄睚良平智略之宏深比於是時不獨稱美然至明或有所未照至聰或有所未聞未喻相公欲聞讜直之言乎未喻相公欲求塵露之益乎儻容下僚輒陳管見不獨衆人之幸諒亦相公之明也錫去歲至自宣城入見旒辰對敷之後聖旨宣

成四

七

付中書旋蒙殊恩授以大著不數日又差充京西北路轉運判官錫固非俊邁之才竊慕清華之職遂拜表乞在館殿冀與編修果廻聖王之恩命作諫垣之吏仍兼史職盡契文鑑作以盡夙心此皆相公施代天理物之功從小人所求之願然拜表之際嘗詣閣門閣門有司未便接收須候相公台旨又取閤使指揮往復審詳然後呈進蓋有司稟奉之職理合宜然况臣子慎重之心禮亦可矣邇後扈隨聖駕留駐漳川泊捷奏之爰來與追班而入賀數日後因進聖主平戎歌雖尋達於聖聰亦先稟於臺旨又今春二月十六

日文鑑作六日復進請皇帝東封書不敢實封先闕閤使

備言已奉台旨有司方敢進呈仍依常規先供一狀稱不敢妄陳利便亦不敢希望恩榮豈有備位諫垣上書詣閤而如此委曲不便伸庫本陳無乃損相公作敬之明無乃失至公之體設使言事不合理道以言而悞至尊自有常刑可以加罪不足一一煩相公台聽不勞一一稟相公指蹤錫纔列周行未諳時事若是近朝體例須至如斯相繼因仍未暇釐革則乞相公申明曠蕩之理采納愚直之言應今後諫官上章不須閤門取狀乃是三公之府機局洞開百職之儀綱

成四

八

紀斯在錫受相公鈞鑒之造荷相公特達之恩豈合容易干闖狂簡陳述蓋聞諸道路稱近日左拾遺胡旦上書希求差遣聖人問難訓詰仍於中書取狀似煩聖聽有贖宸嚴今來詣閤上書不易輕進可否須覆相府去留皆繫鈞衡也錫既聞斯語實介鄙懷何以示人無私日至公裁事酌中爲大體豈相公佐先帝取吳越事今上平并汾識度勳庸昭昭如此何煩尋常之見取次干廊廟之尊然緘默不言實辜陶鑄若披仲不密亦掇譏嫌易不云乎君不密則失臣蓋謂下言上洩實言者於危疑之地也故識者不獲已

而鉗口焉錫今進雖奉書而退必焚藁幸相公鈞台  
之鑒恕小人忠諒之誠惶恐徬徨不知所措伏乞相  
公熟慮而留文鑑作加念也錫頓首再拜

咸平集卷四

歐陽文忠公

九宜秋館

咸平集卷第五

京兆田錫

古賦

諸葛卧龍

鄂公奪槊

倚天劍

諸葛卧龍賦

天將滅漢天下大亂姦雄競起以圖霸豪傑爭馳於  
良算江東有孫權之彊禦關中有曹公之勇悍唯蜀  
邦之險阻付劉璋之闇懦伊東海之徐庶薦孔明於  
先主其人自比於管樂其迹尚耕於壠畝負霸王之

咸平

二宿秋館

大略每謳歌於梁父可以屈就難以邀取若應龍之  
卧淵泉俟良時以爲風雨雖吳主之得豹縱魏君之  
若虎僅獲斯人以爲用可以爭強於中土劉備乃往  
詣南陽雄圖抑揚功業稽遲而憤悱旌旗侍從以蒼  
邊豈徒賁丘園聘珪璋實欲尊之爲謀主而制敵貴  
之爲尙父而圖王一之日擊欲履其闕肩其牆殊不  
知渺若千里之迢遙浩如重泉之汪洋人在其外如  
鱸如鮪如鱈如魴不敢游其窟宅不敢漾其輝光乃  
退而嘆曰信先生之道也如龍之方卧也二之日闕  
其戶問其人雖覩而難趨迹雖邇而難親自覺其

門若河若海若潭若津不得見其最靈不得測其至

神又退而歎曰信先生之德也如龍之未易識也三

之日升其堂入其室仁千森植義櫓駢比疑波神侍

衛而洵湧謂水怪環周而蹶蹶見其以道爲蹤以德

爲迹以文爲鱗而彬彬以武爲鬣而奕奕將伴夏后

河漢可御以天飛尙類葉公憲臚初闢其藻質我於

是以兌悅爲雨以巽順爲風動其侷儻鼓其英雄遂

慷慨變攄而崛起以縱橫籌略而相從亮之遇先王

也若龍之得水備之得先生也若雲之從龍所以躍

於吳驟於蜀帝王其心日月共日張飛關羽爲吾之

咸五

二

股肱趙雲屢統爲吾之爪足金鼓爲雷霆之威甲兵  
爲風雨之速旌旗爲飛蠟而常舒鉄鉞爲逆鱗而難  
觸前則飲於渭水後猶蟠於斜谷觀其奮首于魏施  
尾于吳將欲騰躍於秦京與鎬京窟宅於東都與西  
都然後以燕齊趙魏爲河海以荆襄楚越爲江湖故  
得寰中波駭海內鼎沸馬超韓遂之流袁紹呂布之  
類若蛟螭奔走而喪膽比魚鱉沈潛而屏氣豈謂天  
賜吳以斗牛之分賜魏以咸鎬之國賜我以坤維之  
地俾我與庫本鼎分之地既天命之所授豈人謀之  
能克漢江沱江亦足宅其西南梁山劍山亦足門其

東北方欲修其德述其職將上請於閭闔冀下弁於華夷變三分之國爲上國變漢水之池爲天池復火德之世作疑禘續炎精之絕離俄而上帝有命碧落言歸劉禪攀藉以何及譙周仰首以無依世靈其神敵懼其威揚儀鳴鼓以震恐晉宣喪膽以奔馳至今岐山之側渭水之涯南陽之草木西土之邊陲或烈風之飄飄或暴雨之淋漓猶疑其蜿蜒在晦而陰隲是司觀陣圖者見其規畫讀國史者想其形儀信奇士之遇主實千載之一時春秋曰以龍紀官詩曰爲龍爲光此疑葛亮兮攸宜

咸五

鄂公奪槊賦

三

唐初鄂公在二十四功臣之列獨推其雄力敵猛虎氣揚飛虹揮鞭而馬疾如電運槊而身輕若風稜稜真丈夫之勇額額信武夫之容于時擒李密戮王充靖隋之亂致唐之功非太宗不能得我之死力非我不能起太宗之指蹤壯其叱咤暗鳴而萬夫莫敵摧堅陷陣而一隧前空雖孟賁之勇鄒瞞之崇固不足抗其銳當其鋒所以秦叔寶之徒屈突通之輩隨我轉戰指麾相從既而蕩平天下底定寰中戎器既包於虎革勳臣盡紀於鴻鍾高祖位尊正凝旒於北闕

太宗功大方主營於東宮一旦上御便殿公因召見語艱難之創業念辛勤於百戰張膽信其如升曠目施以流電有若伏波馬上據鞍而猶示筋骸李廣病中聞鼓而思驅組練帝問以軍陣之間何爲最難奏曰唯避槊不易然奪槊尤難請殿下試臣斯藝幸殿下臨軒以觀于時宗室有齊王元吉力可以索鐵而伸鉤勇可以挾轉而庫本作以礮石由是命之以角逐合之爲射敵二人乃策馬交馳鋒鏖若飛千人看萬人窺廣場喧闐而將裂高殿崔嵬而欲歛一馳一驟乍合乍離紅塵漲天地殺氣飄旌旗若兩虎鬪而未知

咸五

四

生死二龍戰而不辨雄雌天顏爲之動容神武爲之增威莫不鬼出神藏風馳雨走金吾之列衛旁震武庫之五兵潛吼或左兮或右或前而或或字依庫本增後或翻身相避或挺身以誘王謂我藝必勝公謂彼槊可取俄而齊王之槊已在鄂公之手駭衆目譟羣口喧喧闐闐足以見一勝而一負王猶以爲偶然也於是再躍鋒鏖重飛驢驢欲致於必死之地將求乎一日之長雖餘勇而可賈豈突來而難防適資我勝終莫予傷乃至再至于三皆爲所奪有以見鄂公勝於齊王也壯哉厥藝如神其名益振信烏獲扛鼎之

匹項羽拔山之倫宜其凌三軍而勢若摧枯奪一槩而易如拾芥聞之者誰不盡伏見之者無不大駭當其左擊右刺星馳電邁一場縱橫使人神王而心快上意欣愉羣臣歡呼憐公絕藝多公壯圖書所謂番番良士詩所謂趙趙武夫霹靂可叱之而鬪泰山可挾之而趨况陳安擅價於蛇矛敢爲匹敵羊侃得名於折樹未知馳驅是知天生聖哲贊以英傑料敵在於籌謀破敵由于勇烈然後禍亂可弭姦雄可滅故漢高得樊噲乃濟鴻門之危太宗得鄧公乃立皇唐之基雖文皇之聖也房杜之謀也而軍功武力我實

咸五

五

多之

倚天劍賦

昔齊諧有誌怪之篇言古皇造物之先形之剛克者靜以爲地氣之清明者外而爲天地與衆流而右走天與三辰兮左旋籌二儀之睽澗諒億萬之相懸有古皇所佩之劍其言可驗論其大也若雪山之皚皚壯其光也若秋波之湛湛倚於穹圓高巍義焉孕長庾於太極稱純兌於西偏莫辨靈芒或日明而月晦詎分剛氣或嘘雲而吸烟夜吼半空比雄風之九萬朝披迴漢陋蓮峰之五千北斗挂於鋒鏃而七星錯

落長虹縮於輓轡而雙帶蜿蜒論其用也剖混茫以爲天地觀其迹也裁融結以爲山川噫女媧斷鼈於海隅漢皇斬蛇於澤邊庾與所試者幾十闔廬所寶者三千鏃錙之與干將魚腸之與龍淵皆微茫瑣碎之器用非陰陽造化之陶甄觀夫煌煌焯焯上莫窮其幾千萬里錯星象而倒河漢攝精靈而竄神鬼變良霄之景若白晝之明照幽都之涯若太陽之晷顧滄海以堪淬將泰山之作砥乍疑天發殺機鯨鯢奔而龍蛇起又觀乎黯黯森森高莫詢其幾千萬尋鋒鏃瑩而雪霜冷靈怪多而風雨陰移春景之和若秋

咸五

六

郊之氛易炎天之燠若寒谷之深可以挂浮桑若木之杪磨蓬萊方丈之岑所謂天之利器浮雲決而妖星流皎兮若黃河之冰立而未泮焜兮若銀河之瀑凝而不散珠聯垂象飾寶匣以熒煌壁合太陽耀連張之燿燦晉拜一鼓之鐵堪恥微功棠谿百鍊之金難矜善斷煽然若大電垂而欲飛耀然若流虹挺而增輝風霜肅殺助其利雷霆霹靂揚其威龍伯旁觀魂飛而駭其濩落巨靈仰視汗下而驚其陸離截鴻鴈而斷兕犀安將比也目自唐本豪曹而稱搗具何足多之雖天柱折我劍鋒不缺雖日馭沉我劍光不滅

有時雪飛千里如削巨魚之鱗有時霞滿九霄若染  
長鯨之血迫而觀之猶千里而近則毛髮森豎巖凝  
凜冽倏而觀之猶七日來復則神思愒愒晶熒皎潔  
乍變判大象而屠六龍天網斷而地維絕適足飾帝  
心之慮怒示天威之勇決粵有魁梧丈夫侷儻雄圖  
手操斗極肩倚天樞唯四時與六氣爲一吸而一呼  
因睥劍而色動欲誅姦而氣麤於是冠青雲之纓綬  
曳黃裳之襜褕謁紫微朝清都排閭闔以直入瞻冕  
旒而前趨曰臣聞立大功者雖以濟濟多士禦大難  
者必用赴赴武夫所以贊經綸之霸略成恢廓之皇

咸五

七

圖願得倚天之劍將以靜四海而清八區逆天命者  
爲陛下顯戮反天道者爲陛下行誅俾萬靈奉職而  
不敢爲淫厲使百神畏威而不致爲毒痛則下土無  
札瘥之患生民無水旱之虞冀聖人無爲而靜理庶  
位庫本有截而昭蘇帝曰壯哉斯劍也始以陰陽爲  
炭天地爲鑪崑山之衆寶皆索厚地之精金畢輸勅  
風伯以司鞞詔雨師而合塗干英萬靈前馳後驅天  
老練日時之吉太乙詳銳利之符然後鑄於道鏤於  
德鍛之以靜削之以默淬以明智磨乎睿識以天山  
之雪融其輝以豐嶺之霜耀其色其鐔所以橫於東

南其鋒由是周於西北然後脊中夏而及外區匣六  
幽而藏八極非聖人之大寶不足飾其容非罔象之  
玄珠不足饋其直壘五山而溝四海資以守邦帶河  
漢而礪崑崙用之宣力今予賜汝汝可佐皇王而衛  
邦國丈夫乃拜手而謝趨風抗詞曰臣欣遭聖時幸  
至天墀罄忠誠之有請遇宸衷之弗違持神器以寵  
賴敢戎行之越思昔聞授鈇鉞者得專征伐賜彤旅  
者用揚明威實中權之節制奉皇家之典彛臣有三  
事爲陛下陳之粵有馮夷之神遐棄厥司忽朝宗之  
常道肆橫流而自私堯爲之咨嗟舜爲之胼胝幾欲  
萍藻我蒸民汙滯我方祇臣常竊憤今得誅之其次  
曰屏翳之神不貞其師遇旱則密西郊以含潤因潦  
則憑北方以流滋望舒爲之韜明羲和爲之藏暉幾  
欲蒙我融明之鑿全其部原作沛之非臣嘗衷怒今  
得刑之抑有吞舟之鱗谷其口陵其顛自尊乎介甲  
之族縱暴于潮汐之池帆檣爲之蕩覆湍浪爲之羣  
飛臣當懷恨今當戮之此三者皆姦雄之大也積凶  
德而無疑陛下謂之何如帝曰闔外之事將軍裁之

咸五

八

咸平集卷五



咸平集卷第六

京兆田錫

古賦

壘嶂樓

望京樓

積薪

依韻和呂抗早秋

壘嶂樓賦

宛陵之丘立暉舊遊城連延兮百雉世懸歷兮千秋  
流水白雲惜依然而在覽遺風往事信恍若兮如浮  
余以丹陛策名皇華奉使通莅于此乘春以至驛梅  
江柳動游宦之芳懷風觀露臺起高明之逸意壘嶂

咸六

一宜秋館

居先登之悅焉憑落絮之危檻向飛花之晚天複嶺  
連岡峙昭亭兮作鎮平蕪遠樹引句水兮為川因而  
以古興懷臨高凝睇自春秋戰國之後洎吳魏鼎分  
之際干戈僭王乘輿擬帝斯為形勝之區恃以控臨  
之地襟帶三江咽喉五湖歸句踐兮稱越隸夫差兮  
曰吳比奕棊之塵定唯霸略兮能圖方今禹迹重新  
堯封復古銜王命於北闕詠皇風於南浦登高而賦  
憐宋玉以才多覽景自怡非仲宣之思苦江渺渺兮  
溟春草萋萋兮感人指蘇杭之達道介常欵兮為鄰  
兩槩何歸引迴眸於天際微雲似畫帶斜陽於水濱

既而閱謝守之詩蒼苔滿石覽獨孤之文芳塵在壁  
杏花含露念昔我之來時蒞蒞迎霜乃今余之暇日  
歲云豐稔民之悅逸思命儔兮嘯侶聊登樓兮自適

望京樓賦

餘杭上游古曰嚴州入松院兮何處七里瀨兮清秋  
歸去來兮陋風土之卑溼日云暮兮為印綬之縻留  
危樓乃登京師是望天遙而閭闔來風海濶而蓬萊  
架浪雲成宮闕似瞻丹禁之間吾豈匏瓜久戀滄江  
之上雖汎蘭橈游泳乎子陵之灘沙蝨有毒又巖險  
乎鳴淵雖攀雲梯登眺乎鳥龍之山山嵐瘴人惡躋

咸六

二

升乎絕頂詩不云乎式微書亦異乎懷歸濯纓兮南  
澗之水盈檐兮北山之薇葵藿載傾雖見小人之意  
樞機一發豈知君子之機然何所不適孤懷自惜欲  
將體物之辭留向他山之石登高必賦羨海水之朝  
宗徒歌曰謠望長安兮見日始余來兮兼葭蒼蒼今  
余言兮歸兮疑白露為霜安得乘彼白雲歸乎帝鄉

積薪賦

翹翹錯薪委積交陳後來者漸次居上先用者逐熟  
相親仰之彌高或連枝而帶葉怨不在大喻弃故而  
從新其大也降鸞輅於東封祝圓丘於南至執玉帛

者萬國捧豆邊於羣吏禮容具舉樂章大備書稱柴  
望達上帝於外禋詩曰薪蒸本周人之貴氣虞衡往  
來折薪成堆載來北闕之下采自南山之隈輦運錯  
雜積疊崔嵬但取禋宗之用不論瑰異之材譬如爲  
山豈勉力於勤學勤學庫本增補寧嫻於不旋踵於貽災  
新既不能自言人或代之析理繫吾儕小人與彼其  
之子憂負荷以弗勝爲衆多之仰止匪斧不克因伐  
木以致身受人之知合不才而省己始采采于山  
之涯丁丁合風雅之詩積之累之如京如坻遠望比  
肩巢之峻仰瞻倅累卵之危居中者謂不我遐棄在

咸六

三

下之謂人不我知美古人善喻下僚其咨本入用之  
遲速胡歛望於高卑在下之字衍

依韻和呂抗早秋賦

楚詞若曰洞庭始波兮木葉微脫今藻麗之所賦彼  
詞采之可奪秋之爲狀也湘天江兮畫清雲土夢兮  
晴澗蕭風日之澹白爽乾坤之虛豁尊收其神少皞  
良辰天子居總章之左个載白其輅靡朱其輪詔扈  
隨之有司與侍從之輿臣迎氣也雨師灑西郊之道  
風伯清北闕之塵順暑革故微涼鼎新當詞臣之在  
列承睿睠之何頻謂秋之可賦也月紀靈娥風清少

女珠連五緯麟差四序當暑往以涼迺若露晞而霞  
舉方朔之辨既逸君子之可稱相如之文乃爲時人  
之見許於是抽毫進牘以就位研精覃思乎多士增  
雅詠於新唱徵博聞於舊史始沈鬱以麗則終鏗鏘  
而綺靡逸韻金奏妍詞鋒起詞云秋之可賞也初蕭  
瑟於玉關旋澄暉於帝里律生朔管以先變雲聳奇  
峰而未已日居月諸景象何如桐葉潛零下玉欄兮  
金井桂花增朗庫本作承鑿珠簾兮綺踈白露降兮庭蕪  
已滋寒蟬鳴兮塞草未衰太史奏在金之日詩人稱  
流火之時華皓兮潘安易感離騷兮宋玉何悲人誰

咸六

四宜秋館

其咨彼亦云噫蓋楚風之掩抑夫郢曲兮高卑蘭宇  
清兮風期自遠玉繩長兮日馭可縻當羲軒之景運  
樂堯舜之昌期皇猷有載聖理無遺歌事曰風而布  
義曰賦可金門而獻之

咸平集卷六

咸平集卷第七

京兆田錫

古賦

籌奩

春雲

菊花枕

長至

斑竹簾

楊花

籌奩賦

籌可運以經國奩為器兮因人諒緘藏之在己若智術以居身巾箱是寄刀筆相親美方圓之合度詢啟閉以何因待用乎嘉謀之士相從乎善計之臣與夫

咸七

一五 賦 節

玉藏於積笏措於神寶匣祕鋒鏖之利錦囊包珠貝之珍彼但拘於售使我實濟乎經綸當乎疆場無事干戈不試放助重華之享國大臨廷堅之就位政寡聚謀兵無計利籌則斂之而弗用奩亦閉之而靡動如晦迹而無營比卷懷而自奉亦猶伍員在越士會居隨隱呂望於朝歌匿留侯於下邳雖有謀而弗用雖有志而何施所以五曹九章之位無得而闕若天地草昧風雲交會劉邦項藉之圖霸晉文齊桓之伐罪役智勞精趣利違害籌則虎躍而龍據奩亦罄中而赴外如志士之變通敢逢時而懈怠亦猶陳平背

秤兮歸漢箕子去商兮事周呂蒙拔於行陣管仲釋

於俘囚既有謀而可術既有智兮堪薦所以二首六身之文可得而見余謂奩則人也人則奩也文王拘於羑里奩亦聖也伊尹耕於有莘奩於賢也韓信忍辱奩於勇也晉宣詐病奩於明也籌也者固躬之虞智奩也者周身之外防宜乎入將軍之衽席升真宰之中堂得進退屈伸之理有弛張歛散之方歛之則天地品彙之數寂然無覩施之則陰陽造化之情煥然而明龍靈蛟神局於勺水千兵萬馬隱以巖城風雨動之而變化號令發之而縱橫可以罄比奩用籌則善謀嘉畫因事而生

咸七

二

春雲賦

玉瑄春迴金門暖來柔先變柳繁已飄梅悅風和之日至賞雲彩之朝隴其初升也穠蒼蔚兮其少進也澹怡融兮依然方觸類以多曙藹藹然若含情而自迷有時散作雨飛春寒慘慘有時亂和煙起春陰悽悽或蒼梧南北或夢澤東西或樊川與輞川或吳谿與越谿或宿林園隨竹陰以籠徑或沉村落伴桃花而滿蹊或祈祈出關或溶溶映水或北指縈住或東風吹起或勇如波駭積芳野兮幾重或曳若練舒

橫碧天之半里江中令醉吟不足高閣閑登王仲宣  
遠望有餘危樓獨倚疊疊連根磷磷淺文千狀萬態  
山陰水漬當青麥鷺飛野色朝淨見平蕪雉過韶陽  
夕曛挂古木之橫枝纖微欲斷覆孤村之半路融薄  
將分旭日未高晴天尙早幾片明滅兮殘雪方消一  
脉輕鮮兮愁蛾澹掃上國美景五陵勝道覆梁王之  
水榭下繞落花映韓嫣之金丸遠沉芳草澹澹霏霏  
涵凝麗輝漠漠依依舒遲翠微野態不定幽容且奇  
浮澤國之嶺頭閑庫本傷斷夢生蘇門之席上想滿  
仙衣或漢世故宮雀喧空屋或梁朝古寺水映疎籬

咸七

三

或阮籍嘯臺雨吹半日或嚴陵釣石鳥立多時或桑  
乾戰場平沙渺莽或椒塗永巷羣閣參差佇立閑望  
纏絲動思想觸石以初起旋浮空而散馳塞遙而歸  
鴈相逐天濶而殘霞共飛餘態遺妍思得杜陵畫品  
含毫寫景詎徵楚澤芳詞

菊花枕賦

粲采佳人江綬珠纓采采芳菊霜籬月庭晞彩日以  
微燥逗輕風而益馨畫帕閑覆珍盤久停書閣閑開  
讀錦囊之藥錄鑪香靜蕪披搖檢之仙經味甘而豈  
獨調疾品貴而仍堪續齡於是翦紅綃而用貯金藥

代粲枕而爰寘銀屏誰羨陳官帶黃金以加飾慵思  
漢邸祕鴻寶以稱靈當乎夜燭玉蟬漏催銀箭拂芳  
塵於象榻展餘霞之綺薦蘭燈背壁慘寒焰之九華  
珠箔垂軒挂繁星之一片於是撫菊枕以安體憐菊  
香之入而當夕寐而神寧迨晨興而思健或松醪醒  
而心頭析醒或春病瘳而目無餘眩益知靈効雖琥  
珀以奚珍自悅幽芳豈珊瑚之足羨昔也睥紫菊與  
自菊和烟容與露芳咸見采於玉指惜徒況於金觴  
巧思潛得重緘有方錦文絲飾以增麗彩線繡縫而  
漏香價掩槐實名踰蕙房庫本月幌斜開恨西窗之

咸七

四

欲曉昔惟半掩順京首以延祥魯國回賢誰念曲肱  
之樂漆園吏傲空懷化蝶之鄉每至蘭堂夙興寶篋  
朝歛輕藻繪於芙蓉勝琢彫之琬琰香在玄庫本髮  
芳留雙臉致元首之康哉美譽德兮難掩

長至賦

伊迥寒之嘉節美長至之良辰考天時於司曆驗星  
昂於疇人陰極陽生復卦應連山之象珠連璧合斗  
樞迴柳木之津魯太史登樓以觀祲周天王服袞以  
嚴禋黃鍾應律兮咸韶韻逸緹幕飛灰兮山川氣新  
表權輿於陽德信從庫本兆朕於芳春圭測而羲和漸

永衡懸而土炭交陳始觀玉殿歡呼金觴獻壽慶一  
陽之肇至祝千齡而永久廣庭燎設明環珮於儀容  
蒼海日升照冕旒於元首或恩緣長至而賞加或禮  
罷國丘而放宥歡聲大洽於寰中原諫至信旁孚於  
飛走所以金張貴戚田寶權門喜近增於爵土悅新  
益於封勲遇履長之納祐符元吉而承恩歌鍾鼎沸  
朱翠雲繁華堂列席高燭羅軒輝煌耀雜選擘喧  
賓榮以玳瑁飾簪王貴以珊瑚映樽或饋履襪於舅  
姑或祝弓箕於子孫協周正之故事慶堯厯之垂文  
唯有羈旅之客流年可惜長亭近歸孤懷自戚殘陽

咸七

五

晚簾寒燈夜室形影相弔精誠未適雖有樽酒誰飛  
觴而舉白雖有鑪火誰方襟而比席將何消遣自圖  
悅懌天既付我以文遂據懷而命筆

斑竹簾賦

湘水春深修篁翠隕因善巧之凝睇可爲簾而運心  
金刃光耀拂霜筠而互解朱絲織就鬪黛點以交侵  
雖曰皇英帝子揮灑珠淚亦秋露之曉滋復春霖之  
暮漬故錦章異狀由造化之自然綺錯奇文入良工  
之經緯或疊若連錢或濃如濕烟或黯若陣雲之起  
或縈如滴水之圓疎密增華漏月光而未卷爛斑若

畫隔花影以初懸尤宜寶軸分輝玉鉤加飾垂旌翻  
虹綬之彩飛額動金鸞之翼彼海蝦之鬚誰能貴之  
神麟之毫安足多之編明珠者奚羨緝翠羽兮胡爲  
未若我鬱金之堂椒塗祕室取守節以持操貴以文  
而勝質連垂香砌透燭影於洞房高挂曲瓊延曙光  
於綺席矧乎金犢將駕雲駟欲升闕繁華於戚里閱  
芳菲於五陵若玳瑁以粧成前瞻繡軛想瀟湘而意  
遠後從玉乘美哉琅玕之用貴豪所共悅珍華之外  
飾致貞芳之可重也因而歌之曰碧鮮有文露點煙  
痕簾者廉也感人思重華之德援毫頌南風之薰

咸七

六

楊花賦

梁苑殘春垂楊映津枝黛染以交引葉眉纖而鬪伸  
落絮如雪飄煙拂塵輕芳兮就月爲魄澹白兮依風  
作神當豔陽之美景過上巳之良辰其繁也六出之  
英未多其豔也早梅之芳若何釋葉辭蒂流枝逗柯  
浮朝靄兮散斜陽九重丹禁拂扁舟兮隨雨漿千里  
輕波是時孝王多暇閒登水榭因悅柳之太柔賞茲  
花兮似畫乃顧鄒枚憐其逸才命臨流兮就景陳綺  
席之金罍相如後至居於右座欣麗藻之無敵若陽  
春之寡和衆兵目動怯勝氣以潛消梁孝意怡禮奇

才分敢情於是授以毫牋言容懌然曰寡人多幸知  
子之賢願以文爲樂也俟當場而試焉且昔楊柳之  
詩古人有之楊花之賦作者多非可以運精研之思  
施絕妙之詞相如感王人之遇援毫而賦盡華藻之  
菁英得飛花之態度以爲漠漠霏霏微風暖吹衰甘  
露於珠樹蕩朝陽於玉墀乍若吳王江國水殿春曉  
梅花已老零落交飛矧又蕩然無羈紛兮交錯入殘  
月之綺窗滿夕陽之畫閣乍如陳后失恩長門寂寞  
梨花向晚繽紛散落有時金屋徘徊珠簾半開罥繡  
牀之彩縷榮粉奩於玉臺乍若謝家之庫本院寒景

咸七

七

相催暮雲方密飄飄四來至於湘浦幽深裡林蔥蒨  
滿黃陵之古廟撲蒼山之晚殿乍如亂峰之下落泉  
飛練噴嵐灑烟沫花相濺有時送客南游垂楊渡頭  
未盡離酒猶原去舟思夕宿之江館望朝雲之水樓  
飄兮蕩白縈觴惹愁和鸚鵡以連飛平波渺渺伴舳  
舻而已遠晚景悠悠矧夫春院深嚴書帷閑寂橫南  
窗之綠綺委羣書於繡帙冰濡相濕沾匣硯以難飛  
風聚成規滾砌莎而可惜加之碧簾銀牀梧桐影涼  
春光餘幾豔景方長當奕客以凝情飛來寶局值嘉  
賓之舉白吹過金觴有時簾幕雨餘池塘風定凝去

忽飛幽而可詠榆墜莢以相先桃落花而互映餘態  
重重研姿弗窮大約含愁於夕靄唯憐委迹於流風  
值輕露以多掩傍微陽而卽通是知有以妖冶輕爲  
貴者雖五彩之毫妍不可寫雖數子之詞才難騁奇  
唯相如之善者致梁王之悅而乃命左史記言而右  
史錄之藏之寶笥以爲柳花之詞

咸平集卷七

咸七

八  
宜  
賦  
館

咸平集卷第八

京兆田錫

律賦

西郊講武

五聲聽政

羣玉峰

西郊講武賦

以順時閱兵俾民知戰為韻

吾皇帝以品物咸寧方隅砥平當北闕之無事幸西郊而講兵萬乘天旋按和轡之節奏六師鱗萃分部伍以縱橫蓋以安不忘危先王之訓理不忘亂聖人所慎雖寶祚之重熙當昌朝之應運禮稱秋獮法無爽於威加易貴師貞動必遵於豫順於是綸綽宣詞西郊戒期中謁者傳出兵之令大司馬陳講武之儀甸人奉職以奔走軍吏宵征而陸離觀象於天當太白垂芒之際陳師於野協金風肅物之時於是駕太一之帝車出兌方之近甸聲容海蕩以川振風雲風驅而電轉宣傳號令若驪山之閱真分布陳行比滇池之教戰百萬之衆如虎如貔三千被練如熊如羆或圓陣以右布或方陣兮左施或靈鼙以進矣或金鉦以却之喧喧闐闐天地為之震蕩乍離乍合山嶽

咸八

一宜秋館

為之分披屠武皇威誓四夷而盡恐軍般兵勇肅萬里以咸知既而臣下山呼天顏兌悅罷鵝鶴之行伍散魚麗之布列蚩尤扈單以遵路風后陪乘而中節乃捨爵以賞賚迨策勳於功烈古稱耀德我則克己以虔恭孰可去兵我則以時而講閱夫武有七德修之於君天生五材用之於民靖亂四方必以武而底定懷柔萬國必用文以經綸是知武輔於文若雷霆表昊穹之怒文經於武猶舟航濟巨川之津宜乎仁君慕嗣於丕圖睿德方臻於至理總兵三百萬括地萬餘里康濟黎元混同書軌然春秋有閱兵之禮仲尼垂教戰之旨故神武耀乎區域天威震乎遐邇書云夷夏蠻貊罔不率俾

咸八

二

聖德昭宜巍乎煥然廣大而下蟠於地高明而上極于天地道以卑我則小心而翼翼天心以徤我則終日以乾乾洪範曰思作睿睿作聖帝心逸於萬務每躬親於庶政文明取象圖窻照昭哲之文恭默無為方輿順發生之令闕史官之圖錄披夫子之文章堯舜禪讓謂之帝義軒拱揖謂之皇漢文或尚雜霸道夏禹則首隆王綱雖殊塗而光被實同德而昭彰宜

聖德合天地賦

以聖德昭彰合乎天地為韻

夏禹則首隆王綱雖殊塗而光被實同德而昭彰宜

乎恩滂黎元澤均品彙鹿鳴食野以斯樂魚性悅泉  
而自遂亦猶高無不覆三辰垂象於昊天廣無不包  
萬物流形於厚地天之道福謙也所以用人于朝地  
之道害盈也所以用德勝妖禮或稱乎穆穆詩或詠  
乎昭昭睿聖崇高固難闕於戶牖謨猷靜謐亦下采  
於芻蕘美哉仁比春融量能海納信一德以允若與  
二儀之昭合濡之惠澤若吐自於山川扇以皇風比  
來從於閭闔故得保與隆於帝國常覆育於中區故  
天不愛其道而祥風入律地不愛其寶而器車在塗  
所以封泰山以告成既盡善也禪梁父而報本不亦

咸八

三

宜乎今我后功掩百王恩敷萬國齊夷夏於大信納  
生靈於壽域故風雨咸若陰陽不忒大哉蕩蕩巍巍  
乾坤而合德

五聲聽政賦

以聖人虛懷求  
理設教為韻

伊昔夏禹君臨兆民設五聲以羅列從萬務以躬親  
詢采謨猷雖葛藟之必達敷陳忠謹因金石以來伸  
故德如天贊功惟日新所以文命稱為聖人者也蓋  
以事堯統天翼舜為理常率職於曠土遂成功於導  
水吳穹寶運因王者以應期虞氏瑤圖乃禪之而在  
己莫不夙興念理夕惕虛懷思納善之有益諒虛受

以克諧冀以聖功繼達聰之與明目將令儉德比茅  
茨之與土階於是筍簾交陳鼓鞞庫本作鐘斯設泗濱之  
玉磬居次鳧氏之金鑄就列彼鳴鐸之在懸亦揚音  
而中節五音遞奏來直諫以無疑衆善畢臻補皇猷  
而靡缺乃日教我以道者振靈鼉而謀咨爾以義  
者聞華鍾而采收考鞞者謂余以獄擊鞞者告吾以  
憂彼言事之激切在鐸韻之周流扣擊以聞所謂乎  
同聲相應鑄洋庫本作鏗鏘有節同殊乎同氣相求是知  
居大寶以至公納嘉謨而設教有以見聖人以道為  
體以天為貌必包納而弗厭蓋仁賢之可樂兢兢業

咸八

四

業敢弗躬而弗親穆穆皇皇實是則而是劾美哉謙  
尊而卑不可踰體道而受人以虛信君臣之共濟若  
魚水之相於諫有五焉所以五器之音命爾德惟一  
也宜以一言之善弼余故得天錫玄圭帝傳大政非  
飲食以示儉美絳冕而稱盛宜乎仲尼曰禹吾無間  
焉于以見有夏之至聖也

泰山父老望登封賦

吾皇帝厚德比于坤元至仁侔於穹昊伊岱宗之父  
老望翠華以升庫本相告傾心精意向天闕以虔恭頓  
首歛容冀綸言之布詰豈不以恩深覆育惠感生成



桑榆之景方暮葵藿之心迭傾檢玉高峯思覩登封之禮鳴鸞近甸佇諸延望之誠咸曰帝嗣洪圖寰區髮如納生靈於壽域伴至化於華胥北天山而南越裳爭輸職貢右流沙而左滄海正混車書莫不天意與人心交泰戎情與物怡相於斯乃運方契於千年得冥符於昊天雅頌溢大文原本誤之采祥經盈太史之編泳鯨翔鷁已效靈於郊藪靈茅拒黍宜薦羞於上玄庫本作芳筵臣等幸以期耄之身爲太平之民生籍寄龜蒙之下先疇迺洙泗之濱七十二君古常稱於茂典三千年後今正逢於聖人願陛下采古義於

成八

五

前書命擇儀於良相勅宗伯修壇宮之禮詔太常建黃麾之仗鹵簿鍾鼓圭瓚拒鬯展儀於梁甫之下禋祭於靈峯之上虞君頌瑞願諸方伯之心漢帝射牛宜慰老臣之望鶴髮靚齒精誠不已俯躬如就燥之焔注意比朝宗之水朝隋雲彩諒龍德以堪從口比山呼冀鸞車之疾止易曰先天弗違書云肆覲羣后思古禮以猶缺鬱衆心而是佇泥金報天德之高封土增神靈之厚協探策之冥數薦如山之萬壽小臣亦能著封禪之書向皇風而拜手

翠玉峯賦以王峯魯嶠鮮潔新明爲韻

昔穆王以闕苑希風宸遊縱欲適玄圃之仙界悅靈峯於羣玉乃願謂祭公謀父曰斯山也拔厚地摩穹天含珍蓄寶藏神宅仙軼銀臺之比峻踰太白之相鮮歷落排空有處類巫山十二嵯峨倚漢有處如蓮峯五千朕知卿之才者卿爲朕而賦焉祭公乃拜手對敷揮毫應詔心驚峭崿情忘聳峭或勞想於璘玢或馳神於窈窕以爲一氣初判三才旣生融而流者有四瀆之靈結而粹者有五嶽之名雖羅封而列爵謂生賢而誕英未若我傑出紫府高踰赤城虎踞龍盤聳圭璋而踈朗霜華雪彩皆琬琰之融明或孤而高或峭而絕或掩映以相翼或含呀而半缺遠而望也則仙家青瑣含秀氣以玲瓏類而言之則春宴金盤點蘇山而皎潔宜乎培塿玉壘奴隸圭峯藍關之英安足比於形勝荆谿之秀固亦陋其聲容若總而狀之則高者如飛欹者如恐背者如遜向者如聳瑰姿琦態兮信匪尋常曼翠摩青兮可以瞻奉祭公旣筆不停綴辭妍若春賦詠旣就箴規載伸以爲士林之羣茲圃之人有道有德有賢有仁磨琢材能而益峻切磋名節而尤新儻一人之延納則多士之來親穆王乃曰吾願益求賢哲比羣玉之嶙峋

成八

六五 賦館

京兆田錫

律賦

鴈陣

開封府試人文化成天下

南省試聖人並用三代禮樂

御試不陣而成功

春色

曉鶯

鴈陣賦

以葉落南翔雲飛水宿為韻

絕塞霜早陰山葉飛有翔禽兮北起常遵渚以南歸

賦成九

一宜秋

一一彙征若陣行之甚整嗷嗷類聚比部曲以相依

當乎朔野九秋湘天萬里風蕭蕭兮吹白草鴈噤噤

兮向寒水單于臺下繁笳之哀韻催來句踐城邊雨

梁之幽音驚起頽頽交相翔送翔似魚麗之布列

若鵝鷖之舒張疎密有緒高低載颺天空而殘月鋪

影水澗而微雲間行應遵丹鳳詔書咸增躍躍雖是

蒼鷹鷖勇敢擊堂堂觀其疾青霄橫碧落厯江渚達

沙漠來若羽林騎士聞一鼓以爭前去如翼衛材官

聽縱金而稍却豈天陣地陣之能詢何圖陣方陣之

足云但見乘文雷拂朝雲羽翼自高不讓於漢家飛

將煙霞遠沒疑沈於朔土身本作絕塞孤軍宜乎後伍先

偏聲交影接當塞上之飄雪值江臯之墜葉縱橫勢

定陣圖按牧野之師綽約體輕兵法試吳宮之妾唯

有淮之北漢之南山如畫水如藍離離而霞彩旁襯

一一而波光遠涵旋成偃月之形悠颺可愛忽變常

山之勢首尾相參乃知接武煙鴻追蹤霜鵠既橫空

而似陣自違寒而順煥北方遠兮南圖遙雲飛兮水

宿

開封府試人文化成天下賦

以煥乎人文化成天下為韻

大哉至明之君膺景運集洪勳躋域中於皇極化天

賦成九

三

下以人文時屬升平煥聲明於禮樂道尊儒雅發讓

猷於典墳豈不以丕大光之遠圖關雍熙之至化金

革斯偃朝堂多暇道人述職方下采於詩聲真宰經

邦亦恥言於強霸美哉文之為用也至化攸先明乎

煥然比萬彙流形於厚地三辰垂象於穹天藻火袞

裳禮之文也始飾容而有爛羽旄綴兆樂之文也將

達節以相宣故堯舜化民以仁禹湯躋俗以義致立

德以招著見皇風之光被是以魯史述湯之德也則

曰齊聖廣淵虞書美堯之仁也則曰聰明文思宜乎

饗豆品數車服采章成均宰庠序之齒列警宗司金

石之鏗鏘繪宗廟之彝器炳日月於太常皆文之於外者也黎民閱之以恭肅靡不昭彰迨乎易之教也厥旨精微書之訓也俾人貞幹詩之教也致流俗之愜厚春秋之教也懲賊臣之叛亂斯乃文之於內者也萬國化之中正炳然明煥是知撫育中區恭臨寶圖納生靈於富壽致品彙於昭蘇亦猶挹水於器而方圓自適以木從繩而規模罔踰是以洋洋鄒魯之風宜乎盛矣穆穆唐虞之化猗歟煥乎今我后功格昊穹澤流區夏復風俗于淳古播詠歌於大雅悅靈臺之偃伯慶華陽之歸馬小臣幸與試於王庭拊蹈

咸九

三

於雙闕之下

南省試聖人並用三代禮樂賦以皇猷昭宣禮樂備舉爲韻

吾皇帝膺運承乾唯師古以爲先化邦家而輯睦因禮樂以昭宣雖三代令王稽訟革而殊矣而千齡聖運能損益而煥然豈不以樂也者本乎天禮也者本乎地將化民以成俗信有教而無類禮能加肅先俎豆之有儀樂以導和宜笙鏞之大備昔夏后之御曆也憲章於舜祖述於堯推曆稽人統之正用寅爲歲首之朝牲用于騶能降神於彤纓聲均大夏又何取

於簫韶所以致皇猷穆穆而王道昭昭又若有商之統天也以應天順人惟干戈兮是舉以逆取順守致彝倫兮攸叙恭爲禮本嘉尙白於衣冠濩爲樂稱表均和於律呂其以宗周之致理也以道合乎地者稱帝仁合乎天者爲皇能兼帝皇之盛德是爲聖哲之令王駢犢貴誠加以用宗彝之鬱鬯黃鍾本律其始導天統於陰陽是知三王之救衰弊而拯黎元也不相襲乎至音靡相必乎大禮亦猶五材迭用運元化以成功四序交新致歲功而有體今皇上嗣位而致升平也前古之遺文必復百王之闕政皆修是以文

咸九

四

章明備聲教同流明堂辟雍表尊崇於儒術宮懸樂府方遠播於鴻猷矧今卜代繼於周姬登歌美乎象節方期駕玉輅於魯道封金泥於秦嶽遐方咸走於梯航太史遠頌於正朔小臣稽首而稱之曰穆穆皇皇有以見我宋之禮樂也

御試不陣而成功賦以功德雙美威震寰海爲韻

聖人以德御天下威加域中諒至仁以無敵故不陣以成功徵道德之格言謂乎善戰取春秋之經武自服皇風是知恩始乎于萬靈武實加乎七德安民和衆以爲本禁暴戢兵而是式所以堂堂之陣弗施而

唯取家懷整之旗何用而陋乎剛克昔者成湯革  
夏澤及萬邦勅敵靡由乎力制匪人自悅而心降豈  
比夫祖龍霸秦恃山河之百二淮陰事漢稱智勇以  
無雙又若武王克商靈旌前指豈鵝鶴之是列匪魚  
麗之稱美自然威宣有毫民率服以來歸師濟盟津  
眾悅隨而戾止是知王者之取天下也澤普羣勳恩  
流九圍道德爲城池之固忠信爲甲冑之威所以簞  
食壺漿迓王師而自速靡旗亂轍望聖德以如歸宜  
乎師克在和動先觀覺仁義之施也若風雨之速威  
武之加也若雷霆之震傳稱因壘美崇伯之歸周書

成九

五

日舞干紀有苗之服舜今聖朝以民濟壽域道洽人  
寰將鑄劍于農器方虛候於玉關弭禍亂於未形恩  
能服眾布茲威於有截禮以防閑下臣庸歌之曰化  
洽無私兮功符不宰取仁義爲勝兮豈干戈礪乃德  
上冠於唐虞政下任乎元凱孫吳之陣法奚取韓白  
之兵機弗采宜乎車同軌而書同文至化方流於寰  
海

春色賦以暖日和風春之色也爲韻

芳景晴空春暖融霽花天之一雨冷蕙徑之來風  
宮闕參差曉靄朝煙之上山川明潤森羅遲日之中

總而賦之春之色也化工運丹青之筆貞宰以天地  
爲冶仙家乍至桃花映武陵之谿南國未歸楊柳繞  
瀟湘之野始乎言大族之辰書曰王春北闕引青旂  
之仗東郊馳蒼輅之輪和氣條來襲冕旒而盡悅朝  
陽旣出麗藻火以交新邇後革陰遷陽更寒易暖暖  
襲物兮舒釋陽爲光兮布滿明霞澹靄初發色於樓  
臺清奏雅歌始均和於律管言其狀也則明婉而融  
怡狀其體也則暄妍而絕曉宮漏晝永天光日遲散  
梨花兮似雪垂柳線兮如絲古渡輕波望孤舟之去  
矣平蕪落日借晴山之遠而大都芳景之妍物華非

成九

六

一美梁王之苑園闕漢家之宮室珠閣摩雲金莖爍  
日奇樹綺錯幽禽錦質盈空兮嘉氣曉浮映水兮晴  
雲晚密丹帷翠屋庫本作帳因藉草以駢羅寶馬鈿車遇  
看花以闌溢景麗何多情怡若何藻飾兮神化之巧  
融明兮時氣之和美其近焉謂彙花而澹柳賦其遠  
者憐被山而帶河雲含華以闕吟生於豔意宜倚樓  
之遠望流入橫淡唯有多士逢時觀光上國金榜中  
太常之第玉階謝帝皇之德柳陌杏園花曉寶勒雪  
袍綬行桂枝新折庫本增觀者如堵有以見滿身春色

曉鶯賦以芳天曉景晚聽清音爲韻

煙樹蒼蒼春深景芳聽黃鸝之巧語帶殘月之餘光  
金袂菊衣新整乎遷喬羽翼歌喉辯舌鬪成乎一片  
宮商管以清漢雲斜東方欲曉華堂靜兮寂寂珠箔  
深兮悄悄新聲可愛初厯落於花間餘轉彌清旋間  
關於樹杪宛轉堪聽纏綿有情伊寶柱之清瑟與銀  
簧之暖笙雖用交奏而成豔聲未若我隴月澹煙之  
際鶯舌輕清聽者躊躇聞之怡悅若清露之玉佩觸  
仙衣之寶珎隨步諧音成文中節未若我曉花曙柳  
之間鶯聲清切美夫藻井霞鮮金盤露圓語因繁兮  
乍默韻將絕兮重連窗背紅燭星稀碧天楚襄王春

成九

七 直 秋 節

夢覺來還應默爾陳皇后香魂斷處寧不依然有時  
楊柳迴塘梧桐深井聲煙裊兮忽斷春意牽兮自永  
新篔宿寒芳杏朝景闕關枝上帶花露之清香喋喋  
風傳入月簾之靜影樓閣輕陰房廊悄深引萬重之  
芳意成百態之餘吟絲窗夢斷玉爐殘堪憐俊品寶  
帳酒醒宮漏淺彌稱清音余以爲春帝之命敷宣詞  
令鄙桃李之無言嫌百舌之多佞知仙翰兮善歌可  
司花於香徑巧緒非一詞端靡定其聲也纍纍然端  
若貫珠悅春朝之采聽

咸平集卷九

論

政教何先

妖不勝德

天機

復井田

政教何先論

禮曰教猶寒暑謂寒暑違於常則歲功失矣教喻失於早則人性塞矣語曰性相近習相遠故君子慎乎始習矧以五常之教欲澄清於人性之初乎語曰為政以德譬如北辰則眾星拱之又禮曰政者正也又

咸十

一宜秋館

政猶蒲蘆詳聖人之指歸觀當塗之政教若水火之濟用比輔車之相依政與教交相用理與亂無相遠何哉昔堯舜之教人以仁義故比屋可封桀紂為政以暴虐故比屋可誅夫黎民必以曆數之命大寶之位歸於至聖之君俾之設教為政以撫育黎元也故聖人夕惕若厲用天之道而為國之政然一人不可以獨理必以眾賢而贊之故堯舜欲教人之播殖則命后稷以稼穡之政以訓之天下之民由是服勤於農桑矣欲教人之知禮則命伯夷以典彝之政以化之故天下之肅恭於訓導矣庫本作命后稷掌金石

之樂臯陶司小大之刑左右翼明聖之君圓方得黎

元之性故唐堯之時民盡躋於仁壽矣斯則當至理

之世無為之朝先於教而後於政矣洎湯革夏之季

世武王化有商之遺黎大則以干戈滅兇小則以鈇

鉞弭亂雖應天以順人亦逆取而順守干戈為三軍

之政鈇鉞為大理之政故天下畏罪而悛惡民心自

亂而復理是則聖王之教猶寒暑也理民之政猶水

火也水火有象而寒暑無形寒暑不可一候而有差

水火不可終朝而斯闕禮曰使人遷善遠罪而不覺

者禮也禮防人之性抑人之亂皆於未然故不見德

咸十

之日益必有時而成君子也君慢於禮而怠於教人

心漬熱雖不見惡之日滋必有時而滅身也昔管夷

吾霸齊之一相也猶云感入之心若秋雲之生淒涼

也悅人之性猶春景之致和樂也仲尼曰吾志在春

秋行在孝經孝者百行之本欲人之速於孝悌也是

聖人深於教也春秋者懲惡而勸善亂臣賊子聞之

而懼是聖人深於政也昔伊尹五就桀欲速於政與

教政與教庫本作政舉二字也夫教之道非一塗而政之術有常

檢非一塗者喻網罟之眾目必牢籠廣施而然後獲

禽也夫常檢者若九遠之坦道必夷蕩而使人知適

也昔羣盜弄兵于潢池之中冀遂使原作散庫本改車至羣盜散者以道教之也昔五陵諸豪恣橫於京邑而張微以彩幟獲盜而民畏者以政肅之也以是論之上自聖王而下迨賢吏操政之柄立教之本亦無先焉無後焉比乎左右手輔於躬而適乎用必若窮至理而取確論則理清靜之朝勞精於設教可也正澆漓之俗則專意於為政可也洪範曰彊弗友剛克又曰變友柔克教化先後斯言可徵

妖不勝德論

書曰妖不勝德錫謂理未當也若謂妖不勝刑可也

咸十

三

何哉不忠之臣國之妖也不孝之子家之妖也唐虞時四凶為妖堯舜之德豈能勝之卒用刑而流之竄之然後天下咸服既而禹繼堯舜嗣總大位不能以德勝防風氏果明其罪誅而勝之其後尹諧之妖成湯誅之潘止之妖文王滅之管蔡之妖周公戮之堯舜成湯文王周公尚不能以德勝而刑勝之况伯宗之直欲勝三却之暴乎仲章之賢欲加鄧舒之文乎伍相之忠欲敵伯嚭之佞乎蓋不能也唯明者能辨之有權者得誅之明與權相濟妖與德相敵苟明不照微權不在己雖有盛德豈能勝妖乎聽而不聰則

妖言入視而不明則妖色造好訐似直言好讒若忠告言之妖也貌厲而內荏色取仁而行違色之妖也朱雲知張禹之妖不能還是明有餘而權不足也德宗惑盧杞之妖不忍棄是權有餘而明不足也或曰苗氏不賓舜舞干羽七旬來格豈非德勝乎錫謂非也當始征之際苗民有辭舜謂之退然後來格蓋三苗不欲因伐而降也若然則聖人之德素被於天下何必七旬之間益修文教方化匪人蓋彼綏舜之征因而來服也亦猶崇侯作亂文王因壘而降若使文王退而修德不復再駕崇亦弗賓也少正卯一姦雄爾孔子未為司寇尙不能以德勝之矧苗民崇侯奄有邦國雖虞舜文王謂以德勝未之信也聖人猶然况仁賢乎自古君子寡而小人眾獨立其德不為妖勝者鮮矣故錫曰妖必勝德

咸十

四

天機論

天者道之心也機者天之用也以心發機將全乎道也日月風雨雷電庫本作霆雪霜並機之用也地輔於天亦猶臣事君而子事父故山嶽川瀆草木蠢動亦機之用也日月薄蝕星辰彗孛風拔大木雨降流血雷震寢室霜降炎天山嶽摧頽穀洛激闕雉雊高宗之

鼎彙拱太戊之朝卽機之發也發其機屬乎人君者  
也夫天生蒸民樹之君以司牧之賞之寵之君得而  
專行焉戮之辱之君得而擅行焉威福二柄自由於  
君行其所好誰敢沮之行其所惡誰敢違之聖人所  
以不妄動不妄言言必可行動必可法位至尊而心  
至謹夕惕若厲日新厥德所以天降其祐故洪範休  
徵以爲庫本無肅則時雨若又則時暘若哲則時燠  
若謀則時寒若聖則時風若乃有樹連理而呈祥莫  
抽葉而紀侯郊藪萃於麟鳳宮沼躍於龜龍若謂居  
域中之大專二柄之重以爲行其所欲人莫我違縱

咸十

五

其所好人莫我拒於是身妄動令妄施則天降其咎  
故洪範咎徵以爲狂則常雨若僭則常暘若豫則常  
燠若急則常寒若乃有石言魏榆之野壤壞梁山之  
巨宣榭有火而降災魯門鬪蛇而表異天降其祐天  
之賞機也發其機賞其君俾人君無忘於德也降其  
咎天之罰機也發其機中其君俾人君無縱其欲也  
故聖人則天之明用天之機堯謂舜曰天之厯數在  
汝躬於是考璣衡而齊七政然後揖讓禪受膺其大  
命是知舜有大孝天以厯數授之也舜又謂禹曰天  
之厯數在汝躬然後亦揖讓禪受膺其大業是知禹

有大功天以厯數福之也成湯伐桀則曰應乎天而  
順乎人周武伐紂則曰恭行天罰故大禹君休庫本  
民海神受職暴秦黷武人不聊生天則移其厯數授  
於漢祖故五星聚於東井赤雲見於驪山是知天之  
發機福善德而禍淫虐也故春秋曰天方授楚又曰  
天厭周德投之者福善之機也厭之者禍淫之機也  
若君得天賞機而恃之則福轉爲禍得天罰機而懼  
之則禍反爲福所以楚莊小心故身享元吉宋景悔  
過故國不經災天之不言而信其機乎孔子云惟天  
爲大惟堯則之聖人則天之明故厚其祿峻其秩以

咸十

六

賞君子峻其法嚴其刑以退小人故賞一人千萬人  
悅罰一人千萬人懼然後賞不費而人自勸刑不煩  
而人自正得非天以機警於人君人君得天之機警  
於兆民則君明臣忠朝廷之儀庫本  
家人之道嚴矣兄弟恭崇祿之詩興矣夫和衷柔  
閭闔之理明矣豈非人君用天之機而養天之民乎  
桀紂不知天之罰機則玉盃象箸酒池脯林霜刃膏  
人之脛血銅柱灼人之髀肉故天墟其國而暴其社  
文武能知天之賞機則葬無主之骨封賢人之墓散  
商紂之財以富人息虞芮之訟以勸人故天祚其代



三十延其年七百其若君明臣忠父慈子孝兄友弟  
恭夫和妻柔則悅心在於人而和氣動於天是以天  
之六氣不得不調地之萬物不得不泰行於樂府則  
其音安以樂化乎寓庫本縣則其人富且壽介族在  
藻而遂性羽蟲擇木而安巢天之用機則如彼君之  
得機又如此是知天之機君之機其循環乎

復井田論

井田之法聖王所以維持萬民而牢籠甲兵也何謂  
維持萬民一則比閭設而人無流亡二則審知生齒  
之殷寡三則賦役均而勞逸等四則里有序而鄉有

咸十

七

庠庠以勸學故謂之維持萬民也何謂牢籠甲兵蓋  
大夫謂之百乘之家諸侯謂之千乘之國天子謂之  
萬乘之主各於提封賦出兵革故謂之牢籠甲兵也  
洎秦革周制阡陌驟興雖富國強兵一時雄盛及其  
弊也後人不勝其害蓋兼并者衆而賦役不均也豈  
徒然哉自春秋時井田之法亦已弊矣當魯成公始  
作邱甲孔子書之議其重斂又季氏三分公室各徵  
其一皆井田之法已紊於周末矣遠至于秦商鞅革  
其弊而利於時者也然富者連阡陌而貧者困流亡  
流亡之患由不復地著故也漢興之後民多未作賈

傳上言遂開籍田其有豐歉不均耿壽昌請置常平  
之倉東晉以來人流不息乃設土斷之法齊梁之際  
以版圖漏略不知生齒之衆寡乃創校籍之吏皆沿  
革救弊而井田之法歷代卒不能復唯王莽驟欲復  
之而農商失業今之論者尚思追復而事有不可得  
而復也何哉且今之兵異於古也古之兵散在農畝  
力於稼穡因蒐狩而教戰為征伐而徵用用則為兵  
退則為農今則異也聚之為營壘仰食於廩祿壯則  
責以干戈之役老則退為游惰之民井田不可復之  
驗一也其次六筦之利歷代攸先資資豐富之民俾

咸十

八

為筦課之戶既資豐富寧去兼并兼并既存賦役不  
籌此又井田不可復之驗二也今但復常平之倉修  
土斷之法三歲一閱戶籍之數然後大興水利博開  
籍田籍田既博則民務本者衆矣水利既興歲雖旱  
而農無害矣本務因是而日增末作因此自禁倉用  
當平而常得酌劑民攸土斷而不得流亡夫如是井  
田之利存焉為理者患在不行不久苟行而且久則  
民安得不庶且富乎既庶而富然後制度立乎其中  
使輿馬衣服婚嫁喪葬不得僭差僭差不生則費用  
有節費用有節則在上者不敢僭侈在下者不生覲

論

伊尹五就桀

知人安民孰難

羊祜杜預優劣

直

晁錯

伊尹五就桀論

柳宗元嘗有伊尹五就桀贊其序略曰伊尹者聖人也不夏商其心心乎生人而已湯誠仁其功遲桀誠不仁朝暮及於天下又曰湯桀之辨一常人盡之矣

咸平

一宜秋館

又曰聖人之急生人莫若伊尹錫以為柳公所美之意尚未盡且伊尹在夏也日見其暴月聞其惡歲孰其過在明識先見豈不知桀之惡確然必不可革乎豈不知天之厯數在於湯乎而去就自惑之若是雖急於吾民冀朝暮及於天下所謂徒汲汲於康濟而思慮不精審也使之速去桀而干湯湯之聖伊尹之賢賢與聖合則天下之政孰云晚矣與其五就桀孰若亟去之速也矧君子俟時以行其志時之弗來雖聖與賢孰敢妄動使伊忍期月之遲周歲之晚未為後時矣欲朝暮之速無乃太速乎錫以為伊尹於一

日而五就桀乎以周月而五就桀乎殆數歲而五就

桀乎以理酌之豈一日乎豈周月乎必數月之外不

然數歲矣以是計之益不如亟去之速也較而論之

肇適于亳醜夏之心素定矣再適于亳相湯之時將

至矣於是升自陬以一戰相湯之功行己之志得其

時矣時之疾速伊尹豈不預料哉易曰知進退存亡

而不失其正者其唯聖人乎伊尹知時久矣五就之

言錫謂孟子垂訓之旨也若然者雖欲疾速其功可

得而疾速乎設使桀能返狂作聖伊尹而相之其仁

雖朝夕及於天下矣而天之厯數復棄湯而在桀乎

咸平

二

伊尹聖人也豈情於天時人事之向背而惑於醜夏適辜之去就哉

知人安民孰難論

書曰在知人在安民惟帝其難哉以堯之仁聖庭有

元凱左弼右輔猶稱知人安民之難由是見君於邦

國吏於職官得不重慎庫本作慎重於用人而勤勞於撫

俗乎嘗論之或曰大賢則深沉厚重而難知大佞則

姦詐矯偽而難識苟非大賢大佞則期月盡見其為

人也唯上之治民下之從上如水投器器之方圓水

則隨之以是商較則知人甚難而安民甚易子復何

以論之錫謂曰不然且古者唐虞建官三載考績三考黜幽而陟明雖唐虞之時人亦未盡知賢亦未盡識故必俟考績然後賢者用之而不肖者黜之下至周官用人於鄉舉里選凡賢之與不肖正直之與姦佞久而彰知其賢識其不肖請其正直攷其姦佞莫越於鄉里也故周命鄉里升舉士之秀者然後論辨而用之自漢至唐用士駁雜不能如唐虞之考績又不能如周官之鄉舉士林真偽雖欲知之而無由知之矣雖欲辨之而無由辨之矣迨其一且獲罪矯迹盡露方謂之難知得非失之於本而責之於末乎今

咸十一

三

若復唐虞之考績用周官之鄉舉則人不難知矣故仲尼曰觀其所由察其所安人焉廋哉唯臨民之方安民之術古雖不易今實尤難古者專一國典一郡字一邑民之舒慘在我民之利病由我一國之賦與庫本作田賦屬一郡之甲兵隸一雖小國之事大國諸侯之貢天子苟有不便於民不利於俗君命可以理諫上令可以理奪從理而行也不以君命上令之必可行也故民之從我如水之在器自漢至唐則不能郡制於邑都府制於郡郡之政令苟善則屬邑皆獲其利也爲邑者雖欲違之而不可得而違之矣郡之

政令苟未善則屬邑皆受其弊也爲邑者雖欲違之而不可得而違之矣郡於都府亦然都府於天子之命亦然其知專一國典一郡字一邑知人乃易而安民甚難也安民之術不過厚其生殖省其徭役薄其賦歛而制度生於其間設使厚其生殖省其徭役薄其賦歛而無制度則強并於弱富兼於貧私家之賦倍於公家之賦若是則孰謂之安民哉故安民之本在乎天子之制勅有不便於時臺省符檄有不便於下唯三事大夫逮百執事補察其闕釐革庫本作正而從於善則天下之民安矣豈獨一郡一國之民乎過此

咸十二

四

以往未見其安由是論之豈非知人易而安民難乎

羊祜杜預優劣論

錫嘗讀晉史美羊祜杜預二賢名迹可得而論之其智略各有縱橫而聲譽不相上下然羊公之善頗優於元凱何以明之預之才畧有餘而恩信不及於祜祜鎮南方境隣吳土與吳交兵克日方戰不尙譎詐之計不爲掩襲之利敵人死於陣者歛以還之敵人拘於晉者禮以遣之祜之用兵惠如時雨孫皓暴侈人有離心祜乃以恩敵怨也以信敵無信也祜之得機乃恩勝信取之時也故石城以西爲晉有吳民感

惠不稱姑名饋藥軍中陸抗無猜何誠信若是之昭  
著求諸名將古無其儔既掠吳人之穀以饋償之既  
獵吳人之境以禽還之蓋欲促其歸晉之心而示其  
大信也吳中將帥果率部曲來降吳中黎民果以家  
屬而至惜其經略已就表陳密謀而執政多違厥功  
弗集及其寢疾朝廷就問其計畫泊漢起薺良吳都  
罷市仰峴山以流涕何其遺愛最厚於民錫謂祐乃  
堯舜之臣非晉武之臣也嘗舉杜預以代其職預承  
成績克平南夏然預之多才罕有其比庫本當其獨  
排輿論造成孟津之梁率用機心製就周廟之器撰

威十一

五

曆以正於天度詳刑雅合於國典定考課之法豐殖  
貨之利虜人寇隴先見已陳於石鑿匈奴犯邊定計  
預徵於省閩苟非奇士孰與於此及代羊祜彌見其  
才張正乃吳之名將也中我反間之術孫歆乃吳之  
都督也畏我飛渡之兵孫皓既平江漢懷德於時簡  
練武事修立湖庫本官頗與開設庠序輕裘緩帶風  
流之不亞也疏沅湘之流通零桂之漕水利甚博士  
人歌之與夫墾田備邊實相伴也留精麟史撰集圖  
列雖郤歆詩說禮安可比也自古名將鮮有全能  
或大略有餘而細行不足祜既慎密預亦恭謹祜焚

棄以自慎預獻賂以免禍功名磊落善始合終比於  
知曹爽之必誅不就其辟知和道之見斥能以智免  
祐又多焉所惜者羊公有知人之鑒得進賢之名而  
元凱但知立碑峴山垂名後世不能簡拔一士裨於  
國朝以是論之優劣可見矣

直論

春秋曰子好直言必不免於難又曰子好直必思自  
免於難也若是則直爲買禍之階也明矣然陷於言  
死於君怒亦宜也若以直言犯於時忌而懼害於讒  
謗可不惜哉春秋之旨其在茲也噫勇於爲仁慷慨

威十一

六

正直君子之心雖死又何恨焉然在中人慕爲君子  
懼抗直之買禍因躑躅於爲仁得不較論以進爲直  
之心乎昔周公相幼主召公不悅管蔡流言雖聖人  
之心不能信於僚友兄弟豈非直於爲道以稔衆心  
之疑乎苟非書啟金縢天霽風雨則無以表其誠也  
仲尼見於南子欲伸規誨子路愠見抑亦聖人之誠  
尙未信於門人豈非直於爲仁以速一時之疑乎苟  
不自誓而發厭之之言則無以明其衷也以是知不  
獨直於言辭以搆禍難直於爲道直於爲仁雖聖人  
猶不免疑况他人乎申生受讒不能違難是直於爲

孝者也韓信功高朝廷疑懼蒯通說之拒而不納以爲有功漢室君必無猜果致雲夢就禽死於女子之手此則直於爲忠者也費無極之甘言蔡朝吳之無疑此則直於聽信果遭放逐也夫君子之直以智濟之所謂信近於義言可復也孔子曰吾黨有直躬者父爲子隱子爲父隱直在其中矣又惡訐爲直又曰諫有五吾從其諷考聖人之言得非欲人以智濟其直乎昔魏獻子爲政將受梗陽之貨閭沒女覓入而諫之因食三歎曰願以小人之心比君子之心獻子矍然自省其過二臣之言得非直在其中乎亦猶考

成七

七

叔警悟於鄭莊子革磨厲於楚靈皆婉辭順言直在其中矣與夫趙盾驟諫嗾見嫌伍員抗言屬鏹是賜上則不能改君之過下則適足速身之禍孔子曰三諫不從則違之戒固寵也又曰忠告而善道之不可者止無自辱焉戒力諍也或曰諫從於諷蓋不欲彰君之過豈是成懦夫之志而固鉗諤諤之口乎若然則比干之直不可預於三仁乎論曰紂之過惡聞於天下比干蹈死而切諫誠欲萬一廻其心也嗚呼言以申志志以蹈仁易曰慎言語又曰樞機之發榮辱之主傳曰駟不及舌是知一言之發尤難於爲道

爲義之直也較而論之莫若直以守道於內智以濟直乎外無倖禍及反害正直之心焉

晁錯論

班固以晁錯急於利國而不知身害後代論者或以景帝聽袁盎之讒因七國舉兵遂誅錯以悅諸侯或以晁錯智小而謀大或以景帝不明而無懲亂之術斯皆執偏見之一端而不周覽前後之次第也夫安危理亂之形必起於漸也易曰履霜堅冰至謂其所由來者漸矣錫嘗讀高帝紀及文景二君之事迹因三復賈傳所上之書乃備得七國叛浹之本末也賈

成七

八

生日竊惟事勢可爲痛哭者一可爲流涕者二時淮南王濟北王與吳王逆節已露故賈傳曰今淮南謀爲東帝濟北王西向取滎陽吳王不循漢法今天子春秋鼎盛德澤有加猶尙如是然天下少安何也諸王幼弱傅相方握其事若數年之後諸王年長傅相各稱病而罷則濟南濟北之邪雖堯舜不能理也昔者屠坦一朝解十二牛而芒刃不頓者所排擊中理解也至於腕髀非斤則斧夫仁惠恩信人主之芒刃也權勢法制人主之斧斤也今諸侯王皆腕髀也釋斤斧之用而嬰以芒刃臣以爲不缺則折胡不用之

自竊備以下皆賈原注以是詳之諸侯強叛之心自文帝始也于時賈生雖有是言而文帝不能用焉逮吳王不朝餽賜之几杖以愧其心斯所謂釋斧斤之用而嬰以芒刃也夫周公聖人猶殺管蔡以正法制况孝文慕道之漢欲以仁信感其心乎亂本萌於高帝之時滋蔓於文帝之世難圖於景帝之代也夫先王設禮所以禁邪於未然也用刑所以懲亂於已然也故禮曰使人遷善遠罪而不自覺者禮也兵法曰善戰者无赫赫之名謂決勝於未形未兆之前也晁錯雖懷獨見之明而切憂君之志然驟欲削黜諸侯之

風十一

九

爵士使本強而枝弱無乃智術未周乎亦猶解結而急之則其結益固也又如沉痾之疾雖秦和未能驟理錫嘗研幾於聖人之心也設尊卑等差之位以車服袞冕各有降殺俾人各安其分苟有僭侈是謂禮失失於小則降黜之失於大則誅戮之洎宗周之衰暴秦之亂禮亡樂壞莫甚當時高祖以英武之姿撥亂返正然臣下功高封建踰等使韓信黥布陳豨彭越皆不保臣節勢使然也故賈生曰臣竊迹前事大抵強者先叛謂淮陰王於楚韓王信倚於匈奴陳豨兵精而賈高因全趙之資皆以因強而叛心生也

斯皆賈生見前車之覆於是指切時病抗言於當時也豈非禍亂有漸乎賈生有先見之明乎果數十年後其言合若符契景帝固不足嬰以芒刃又不能斷以斧斤驟悅叛王之心而隕忠臣之命倘賴周亞夫善用兵法堅壁於滎陽委梁不救以絕吳楚之糧道禍遂解弛余謂晁錯之謀適促諸侯之弄兵也圖慮安危之計無乃有惡德於賈生乎唐有于侁作晁錯傳贊評未盡其理因作論以質之

咸士

十宜林館

咸平集卷十一

咸平集卷第十二

京兆田錫

論

水旱

斷

問喘牛

開封府試守在四夷

御試登講武臺觀兵習戰

水旱論

天之六氣進退盈虛固有常矣造化之理使然蓋陽氣生於子其卦直復三陰而一陽陽氣雖微乘得進數剛德浸長利有攸往然羣邪在上莫之余庫本一作能

咸三

一宜秋館

迹也寒暑迭代日月將迎以至於純陽用事其數斯極其勢斯復故陰氣生於午其卦直姤三五陽而一陰陰氣肇至乘得進數柔道浸長利有攸往雖眾陽在上莫之能拒也三才隨之而變化六氣循之而進退其間陰陽差軼水旱乘之水乘其進數則淫雨作沴旱乘其進數則亢陽為災水與旱其數自極然後陰晴乃順何以明之旱數極則溢雨繼之水數極則亢陽繼之天地不能移其數豈聖人能搏節其過哉當其水旱為災也苦于繁盛民懷怨咨天子則禱于羣望諸侯則祈于境內牲玉蘋藻奔走於土木偶之

間日望其感通月俟其報應既而旱愈甚至於水澤

竭草木枯雨彌甚則防水橫流害于眾民猶以為精

意不虔尙貽天譴由是誠請益莊祠禱益勤冀其萬

一通于神鑒神愈不靈朕無朕早加愀焚雨加霖

淫乃復喧然聚議於朝代黎民籲天之意佇陰陽必

報之感貶帝膳避正殿徹樂懸赦庫本釋釋絜囚然後戚

然復告上下四方之神不知陰之數已老而當晴眾

謂之因禱而獲霽陽之數已極而當雨眾謂之因祠

而有應於是載潔籩豆載豐玉帛賽之酬之畏之謝

之安知陽之數九而陰之數六陰乘陽之大數而作

咸三

二

沴故鯨治水九載而弗成陽乘陰之大數而為害故

湯禱雨七年而方獲易曰七日來復又曰婦喪茀七

日勿逐得此乃往而必復之數自然也數有大小時

有進退數之大者積年數之小者累庫本作積月以是明

陰陽之數上下四方之神可得而司之不可得而專

之稽陰陽進退之數得水旱災沴之旨也

斷論

謀慮者斷之始也勇敢者斷之用也若謀慮未甚精

成敗未盡見情偽未洞知而不忍欲利欲勝之意不

忍小忿小耻之心卒然奮發自謂決斷斯乃剛忿而

趣敗也安得謂之斷哉若謀慮已精成敗已見情偽已審而猶疑事或未濟尙憂理之未盡猶豫於大難惶惑於臨機本謀亂而不能堅守始慮撓而不能必行是謂無斷也噫排大難濟大事立大功垂大名皆由於斷也陷大惡致大亂隳大功失大事亦由於斷也蓋謀熟而後斷則大功大名隨之而興矣智淺而言斷則大惡大亂亦隨之而陷矣昔桀惡日盈湯德日新干戈未舉而成敗之數先定也湯乃勃興應天順人一戰而克遂自諸侯而爲萬乘主斯則湯之智慮已精成敗已見而果敢於斷也其次商紂縱虐而

感三

三

文王之德素積於民民心歸周久矣一旦武王法成湯之舉師次牧野風裂旗旆武王震恐以爲天意未遂遽思中輟唯太公獨排衆意以爲必克是則武王之斷未侔於太公也活秦滅六國威名雄迹信有英斷長戟巨鎗銷爲金狄聖謨國典焚爲煨燼將以弱諸侯之兵也將以愚天下之民也若是果斷自謂超三王邁五帝然而陷大惡致大亂失大位得非斷於強暴而不斷於仁信乎由是知有斷於威武也有斷於爲仁也有斷於用賢也有斷於貞介也許由棄堯之禪讓伯夷絕周之蔬粟是果於貞介也管蔡流言

周公誅之大義滅親之斷自周公始也龍逢比干以諫而死是斷於爲忠也伊霍廢黜由己是斷於爲大節也燕王用樂生雖謗書盈篋而委任愈堅此則斷於用人也項籍勇傑不能終用范增所以霸王之業卒爲漢有豈非無斷於推心乎世祖單騎入銅馬之軍人人相說說其推心也唐太宗之初頡利控弦者二十萬臨于渭濱太宗單騎隔水責之戎人畏伏下馬謝罪于時臣寮進諫以爲輕敵上曰國家初定若示之弱卽生戎心所謂智略周通而決斷果敢也漢祖數項羽之罪而弩矢竊發責敵之罪頗類太宗然

感三

四

爲飛鏃所中若萬一不幸卽漢祖之斷有餘而料敵之智或淺也有以見楚子投袂而起孟明焚舟而前是皆幸而成功豈是善謀而能斷哉夫智與斷在乎兼備也若差之毫釐則失之千里使漢祖從酈生之言斷而不疑則功業無因而濟矣使太宗從高祖之言疑而不斷則國家無因而變矣今之論者皆以韓信不從蒯通之言謂之無斷錫以爲韓信不斷於爲忠而猶豫思亂以取誅滅也何哉當蒯通說時其心不廻謂受漢恩深不忍叛也及其功高而疑生勢逼而猜起不能堅守初志卒與陳豨謀亂何始於忠而



終於逆蓋無斷於忠節也非無斷於逆亂也詩所謂鮮克有終其是謂乎亦猶孝景始用晁錯之言從之如順流將欲削七國之封弱枝而強本一旦七國共叛遽聽袁盎之言誅錯以謝七國錯既誅而亂不息豈非孝景無斷於用人而返惑讒構之言哉若成與敗但思一決而不圖始終慨然自謂決斷不其謬歟故管仲不死子糾之難非無斷也其非死所也晉宣得巾幘之贈不敢出戰非無斷也戰未便也是知智計明然後決斷則事無不濟矣

問喘牛論

咸三

五

漢書稱丙吉嘗出逢羣盜鬪者死傷橫道吉過之不問前行逢人逐牛牛喘息吉使騎吏問牛行幾里而喘或以譏吉吉曰宰相不親小事非所以道路問鬪傷也方春少陽用事未可以熱近行而喘此時氣失節恐有所傷害也三公典調陰陽職所當憂是以問之錫嘗試論之曰宰相尊天子安諸侯在乎總要綱持大柄務求賢以實諸位擇能以分其職賢者在庶位能者蒞百職庶位得人百職具舉則理道不紊於條貫生民可得教化所謂勞於求賢而逸於致理由是觀之宰相猶哲匠爾繩墨規矩器於小大之材材

適其用然後指麾眾工授以制度不勞親執斧斤而崇屋構矣是皇帝霸之道若崇屋賢能才智之人皆眾工宰相操執大道以指麾百官量其器能授以庶務則不勞躬親小事而理道成理道成則兆民悅則富且壽故民無怨嗟悲傷天札所以天地交泰水旱蟲霜不災於物謂之陰陽和由宰相總大政而致之故謂之燮理元化陶鎔品彙丙吉拜丞相在孝宣神爵三年夏四月至五鳳三年春正月薨丙吉在相位纔四載而薨當其四載之間有日蝕有任宣坐謀反伏誅有嚴延年得罪棄市楊惲坐怨望處死

咸三

六

惲不言天久雨之事公卿奏惲黨皆免官京兆尹張敞亦被奏因亡於是京師吏民解弛桴鼓數起而冀州部中有大賊上思敞功徵拜理冀又嘗有詔曰今郡國二千石或擅爲苛禁又有詔以吏不廉平增加其俸驗茲數事冬朔日蝕天久不雨盜賊擾境官吏伏法斯亦未爲陰陽和而天地泰况羣鬪者死傷橫道高陵民兄弟爭田復未爲庶民和悅庶民既未之和悅官吏又未之輯睦河南殺人流血數里豈不感傷和氣而致春溫溫和失時人亦自覺何必因牛之喘方認時氣差違矧丙吉拜相以來未能進一賢人

黜一不肖有黃霸不能早用爲同列有于定國不能  
早引爲同僚恥府中按吏之名容車上吐茵之過不  
足多也欲待歲盡課人之殿最方行賞罰賞罰欲加  
誰哉抑聖賢理天下必致其道然後政成而民悅雖  
使夔契爲政亦待三載而成功若期月化醜未之有  
也後人讀漢史言賢相庫本無上六字皆服膺問喘之理企  
踵調元之道不詳事實錫謂丙吉矯欺誠失問歟

府試守在四夷論限五百字已上成此篇庫本無

春秋以天下有道守在四夷詳丘明之書觀古人垂  
訓以爲明君在上以道德化育良相作弼以謨猷經

威士

七

緯故地天交泰品物咸亨和氣感於天故四時六氣  
無差節候矣至化孚于地故羣動萬彙悉遂於生成  
矣當是時諸侯之國秉璋執圭奉朝廷之政令四夷  
之長率貢納贊服帝王之威德然聖人以道爲城池  
以仁爲網罟牢籠禦備使悉備于術內範圍包納俾  
咸入于教中故春秋曰天生五材民並用之又曰誰  
能去兵孟子曰至仁無敵於天下是則干戈之用以  
順時教戰也用以威戎心也仁義之用以觀俗設教  
也俾以遂物性也以時教戰者春蒐冬狩因農之隙  
閱兵之實俾民知禦寇之教也所謂安不忘危理不

忘亂故仲尼曰不教民戰是謂棄之斯乃禦侮之大  
端而防患之先備者也守在四夷之義其在茲乎雖  
以道德羈縻以服其心然以威武震耀以制其力守  
之至理請試別白而論之魯史曰聖達節次守節是  
則君子理一身則守五常之教聖人理天下則守萬  
機之要守而得其道則百職具舉而庶政允釐百職  
既具舉而庶政既允釐則四夷不得不畏服也守之  
一說亦取蒐狩之狩謂天下有道海內無事威制之  
柄唯在四夷故曰守在四夷也何哉戎人之心不可  
以仁信責之不可以禮教束之怙強則搔邊畏威則

威士

八

款塞故賈誼有安邊之策晁錯有禦戎之辭載在前  
書確爲嘉論以爲堯舜之聖禹湯之明文武之德其  
覆之也如吳穹煦之也若春景萬物靡不泮羣品靡  
不安當時比屋可封而外戶不閉猶未能銷釋兵革  
亦未能徹去備禦務在化中國以道而制外夷以術  
也今國家承百王之後應五運之興陰陽和風雨時  
日月貞明黎元胥悅封疆萬里琛貢交至雖漢武伸  
蕩定之志唐時置羈縻之郡未俾於今日未偕於聖  
朝矣方今乃守在四夷之秋也

御試登講武臺觀兵習戰論限五百字已上成

春秋曰天生五材民並用之又曰誰能去兵是知堯舜禹湯而下迫于宗周之至聖鮮不以仁義道德牢籠天下而以甲兵武備以制海內故仲尼曰不教民戰是謂棄之故周有井田之法春蒐夏苗秋獮冬狩乘三農之隙以教民戰夫武有七德禁暴戢兵安民和眾之爲用也故古先帝王臨御天下持威制之柄於上以制四夷而齊萬國得不以兵爲本焉昔晁錯上漢文之書曰兵不堅利與空手同是知兵不得不堅而戰不得不習唐開元之際海內無事明皇幸於驪山講兵而閱焉于時稱爲威盛今國家自先帝臨

威盛

九

御以來弭禍亂而安黎元勝兵數百萬所謂霸王之器在手故遠戎服畏諸侯恭肅豈非甲兵之用善弛張卷舒由聖人乎今陛下乘乾坤交泰之時而當寰海宴清之際雖以詩書禮樂以化天下而致民於富壽之域然能遵堯舜禹湯之用心而弗忘戰以是知卜年之祚方遠而卜世之基彌固登崇高之臺以講武焉講武之大體實觀兵之威武焉旣威且武而有習戰之術以是眾戰則何敵弗克夫是三合五申雖古之習戰之法而易貴師貞之吉今睿謀神武以兵戰之機以時習焉天下畏天威而服聖德豈非前書

者云善師者不陣者焉四夷之心咸走梯航玉帛而來物者由陛下德先勝而兵有威也今論兵甲之利府庫之備士卒之勇士田之廣疆場之安雖漢武承文景之美財而利甲兵者弗能加焉區域之安蒸黎之泰風雨時順天地氣和雖太宗革隋之餘而善整武備者亦弗能至焉

威盛

十一  
宣  
秋  
館

咸平集卷第十三

京兆田錫

箴

相將 嫉惡 用材 求名

規過 守默 聽 視

相箴 并序

智周萬物曰聖道濟萬民曰賢聖乃君德也賢亦君德也然天無二日土無二王故聖人王庫本作立則賢者事之賢者王上同則聖人事之周公相成王乃以聖事賢者也仲虺相成湯乃以賢事聖者也舜禹在十六

咸三

一宜秋備

相之間即以聖事聖者也高宗命相稱若金用爾為礪若早用爾為霖若和羹用爾為鹽梅若濟川用爾為舟楫此得命相之大旨也昔管仲相桓公也以隲朋善擯贊之禮請立為司賓以寧戚能稼穡之政請立為司田以賓胥無明於刑法請立為大理以王子城父諳於戰陣請立為大司馬以東郭牙忠鯁讜直請立為大諫乃曰君欲理國強兵則五子在焉若欲勸王則夷吾在此此乃得為相之大體也是知宰相所居者國之大位所務者國之大事所憂者國之大難所理者國之大柄百職如網吾也羣官若襟袂也

提綱則網吾不紊舉領則襟袂自整所謂挈霸王之器投於聖哲之主也故陳平不言細務丙吉恥按小吏所以府無鈴閣門不施闕示與邦國大同也不於眾務之有隔也許扣閣以白事呼宜祿以立聞是表宰相之貴異於臣僚之貴也宰相之職貳於帝王之職也君在座見宰相則起贊拜者揖而告之君在車見宰相則下贊禮者導而告之故伊尹謂之阿衡呂望謂之尚父聖人所以隆其禮若是也貴其才亦然也所任非輕所責亦重若天地有大變邦國有大災則引咎責躬謝病免職天下知其隆貴而不知其憂

咸三

二

勞受其陶鎔而不知其功業五帝之時人謹事約故宰相得致其理三季而下俗薄文弊故宰相尤勞其精昔玄宗用姚崇宋璟則開元之初天下康濟用林甫國忠則天寶之末海內喪亂豈獨臣之過也抑亦君心之怠也當憂勤之時則逆鱗犯顏之臣謂之忠盡而聽納也及安逸之後則苦口沃心之諫謂之狂妄而厭聞也豈徒然哉昔魏徵相太宗也以抗直克保其終憲宗之甲李絳也以剛正不得其死蓋君臣之際委遇方深則讒謗生焉禍難起焉讒言不惑則七首竊發豈惟正直忌於眾目抑亦富貴搖於人心

王涯遂死於疑兵寶參亦逢於刺客是知爲相不易  
爲君亦難不惑疑君之難也不事富貴相之不易  
也德宗勤儉之令主也惑於讒疑贊皇才略之賢相  
也溺於富貴故宰相所先者才略所重者識量劉幽  
求克平內難唐休璟善料邊功乃才略者也張九齡  
請誅祿山妻師德密薦仁傑乃識量者也有量則深  
沈而難測有識則敏速於先見使玄宗用九齡之言  
則祿山之亂不生矣使天后不言師德之薦則仁傑  
之明不知矣夫俾人遷善遠罪而不自覺者禮也致  
君去危就安而不自悟者賢相也蓋弭亂於未形制

咸三

三

理於未兆羣官但受其節制萬機莫測於運用也黃  
間之下敢獻箴曰

惟天有斗	幹運化機	日月五緯	陰陽四時
斗柄所指	隨其推移	惟君有相	調燮天下
朝廷百揆	天地萬化	政柄所指	隨其強霸
一國具瞻	三台之象	所務才略	所先識量
量若不寬	不能容衆	識若不明	不堪大用
才若不長	不堪任重	略若不深	不謀公共
識量有智	爲相之器	禮樂征伐	爲相之轡
按轡理人	利器事君	獻替輔弼	啟沃經綸

乃成大業	乃集大勳	堯得元凱	垂衣而理
湯得伊仲	順人而起	漢得良平	亂略乃弭
唐得房魏	王道如砥	君之股肱	祿既厚焉
君之耳目	貴亦極焉	祿厚驕生	貴極志遷
延齡調上	林甫忌賢	元載專寵	吉甫弄權
取僚位卑	不敢抗言	百官禮隔	誰肯犯顏
阿順久矣	傾亡忽然	性習相近	始終勿渝
進賢爲黨	道則不孤	至公爲任	身則無虞
民既富壽	物亦昭蘇	狂生不佞	敢告僕夫

咸三

四

將箴并序

聖人能御將良將能御兵御得其道則運籌料敵留  
侯運籌知彼我勝敗如觀掌上手剪攻於荆土非六  
十萬不足禦敵晉宣圖於壽春非三百日不足用兵  
其籌料本末若是之審也然而有謀而遲緩者將之  
病也有謀而心速者將之病也故曰志曰智而心怯  
可窘也急而心速可久也有驟勝則驕不可不戒也  
有驟勝則急不可不備也項采敗於定陶驟勝而驕  
者也庸人敗於臨品驟勝而怠者也能理其偏材知  
其所病戒其驕怠是謂知與爲將也伊尹呂望王者  
之將也郟穀管仲霸王之將也孫臏吳起戰國之將

也其材不同同歸於料敵其功不同同歸於用謀謀  
既素定戰無不克故武侯以葛中羽扇指麾三軍羊  
祜以輕裘緩帶總提萬旅謝安知合淝之勝對基自  
若宋武知外水之宜封函預言其何然哉蓋所料無  
失而當必捷者也雖云五帝有五備而無所用是謂  
善師不陣者也湯武之舉是謂善陣不戰者也桓文  
之舉是謂善戰不敗者也錫以爲制理於未亂卽善  
師不陣者也制勝於未戰則善陣不戰者也得機於  
一時則善戰不敗者也又何必桓文之師不及湯武  
之舉乎湯武之舉不及五帝之有備乎韓信以尺書

威三

五

定燕亦善師不戰者也穆子以金城克鼓亦善陣不  
戰者也但務察機在目料敵在心自嚴將軍之令不  
受天子之詔爲將之道盡矣嗚呼機者難得而易失  
功者難成而易敗不可以圖富貴而欲爲將也不可  
以受威嚴而欲爲將也有全材受君之命可也無全  
材辭君之命可也不可以己之好尙而欲陷民於鋒  
刃庫本有也字三軍之起千里趨戰一國奉戰萬民陷阱  
況應機之速破敵之急血膏草野尸擁流水而將帥  
自以爲功名以爲富貴以爲威嚴以爲便利可不測  
隱乎可不咨嗟乎況勝不可保袁紹敗於官渡衆不

可恃馬服挫於長平皆圖以貪名之過無輯原作刑庫本改  
亂愛民之心加有私忿謀逆者原作之庫本改有幸亂而叛  
者如漢之黠布韓王信卽私忿謀逆之人也晉之王  
敦桓玄卽幸亂以叛之之人也輕士卒之死命爲嗜  
慾之深志可不爲傷心哉且周之饑也伐商而年豐  
衛之旱也伐邢而降雨豈徒順於人欲抑亦合於天  
意是謂天人合發萬變定機乎欲期將帥之臣先本  
仁信之用故作箴曰

威三

六

兵者凶器 戰者危事 國有外患 君先擇師  
受服於廟 投鉞於先 鑿門而出 建牙指敵  
一國所仰 三軍以律 苟非將材 必自敗績  
先以仁信 次以智勇 勇則三軍增氣  
智則謀慮必中 信則賞罰無黨  
仁則甘苦必共 信智未明 仁勇或虧  
難保強勝 必致傾危 天之雷霆 驚物爲威  
國之征討 弔民爲辭 晉文伐原 以信爲機  
漢祖約法 以仁爲機 羊祜近吳 以禮爲機  
韓信襲齊 以智爲機 呂蒙得羽 以恩爲機  
合若符契 不差毫釐 叛者伐之 服者捨之  
亂者平之 兇者戮之 譎詐有時 不可常施

殘忍非仁 不可念茲 苟違斯理 是奉其私

嫉惡箴

仲尼有云 人而不仁 嫉之太甚 亂必攸因

苟違斯言 禍反乘身 儻無威柄 又無權政

欲攻其過 適合距命 朱雲抗計 方慶糾彈

愈諫佛骨 黃怒闖官 言出眾怒 貽譏謫竄

原作 上自君臣 下及朋友 善道以告

忠言而誘 言苟弗從 悔追勿後 欲損彼怒

宜緘余口 周公嫉惡 有權有威 去惡之易

易於轉規 伊尹懲過 位重言崇 懲過弗難

咸三

七

速於旋踵 若異於茲 戚無自貽 寬以蓄眾

藏機待時 時至機發 誅除罔遺 誠之守之

無忘箴藥之儼

用材箴

天運四時地生萬類以覆以載各得其位天地猶爾  
人胡求備堯以仁化舜以孝理稷專播穀禹務導水  
聖賢亦然人胡求全是以有才者不必有德有德者  
不必有言與人結交能護其短掩短錄長交即悠遠  
任人之職能從其長錄長掩短那實阜昌無好之則  
忘其不肖惡之則忘其允臧執心至公取其所強焉

或奔踈乃致千里士有跡弛可任以事一善可稱則  
勿求其美然後會眾善以涖庶官民實攸暨

求名箴

君子所懋者德所貴者名名高由于德厚譽美由于  
藝成德藝苟缺謗毀亦生譽善毀惡如影隨形勿學  
小人欲誣君子唯已弗修唯名是企設矯與詐違謗  
避毀矯終失常久而遂彰人皆指笑名亦消亡箴行  
在己華名自至戒於曲求無忝無愧

規過箴

人或過爾欲相規過且未改中已生疑疑不一途

咸三

八

滋蔓多岐微怨召怒何莫由斯怨淺謗生怨深禍隨  
是以君子慎于樞機樞機之理總于慎言規人之過  
其言猶難孰慮其宜細詳厥理言苟輕出過反在己  
雖云忠告不能者止妄欲善導豈獨疑爾愈令其心  
增於汰侈

守默箴

惟天之默三辰燦然惟地之默萬物生焉君子之默  
百行昭宣苟無昭昭之名赫赫之德德未為人所仰  
行未為人之式欲訥而言欲寡而詞孰謂爾無包藏  
孰以爾為秉持夫事有節而理有機機起節會一言

眾怡所謂時然後言敢志聖人之規

聽箴

聽貴於微方謂之聰無怒抗直無悅順從順從之言如簧如綺聞之勿喜當酌於理抗直之言如鋒如鋸勿以爲傷當從其長未必逆耳皆謂之是未必順詞皆生於疑外得所聞內宜深思無自忽略差於毫釐有諭有告語難遽發必託微詞冀爾深察有猜有嫌言雖直形必露微言貴爾審聽心馳意征聽則不明凡聆其語必專迺誠

視箴

咸三

九宜秋節

視貴於微方謂之明察於未兆見於未形蓋以理取不以目覩既得兆朕預圖臧否禍福有自成敗有源得喪有迹理亂有先憂樂在色喜怒亦然如萬物在地而眾象在天如珠玉沉潛而輝采昭宣觀象知來識鑒宜前違難追惡爾自圖全拯危救禍爾合勉旃視人之禍從微拯之無待禍熾方欲扶危視人之難從微安之無待難至方欲維持見機之理念茲在茲



咸平集卷第十四

京兆田錫

銘

湯盤後 白獸樽 夏鼎 卜臺

几 杖 劍 孟

硯 筆 枕 盤

弓 箭 珮 尺

鐘 後序

湯盤後銘 并序

君子為善汲汲惟日不足故湯盤銘曰日新日日新

又日新昔湯作夏諸侯日修厥德以成齊聖廣淵之

道致夏民之心歸亳益眾如渴者赴飲燥然促促欲

速於酌而挹之也故湯德益勝桀罪益大而禍不可

解德勝而位不可避位來逼己是以有夏之賢臣曰

伊尹歸亳而贊之相之有夏之疲民惟億兆望亳而

歌之舞之桀遂喪國其滅也忽焉湯遂得位其興也

勃然大哉聖人之心與天道合天道健而行者也其

行不息故日月代明四時六氣萬彙從之而不斲矣

聖人懋其德兢兢業業日慎一日易曰夕惕若厲無

咎故百職萬國兆民亦從之而無斲矣夫天子大位

聖王守之則大理賢主守之則小康中庸之主守之

得其輔則理失其輔則亂闇暴之主守之則大亂矣

古者盤孟皆銘冀朝用之觀其銘暮用之聖其志聖

與賢克己以荷祿聞與暴肆欲以自敗中庸之主殆

可成或爾錫因作湯盤後申有商之祖訓熙聖人之

大道也曰

成湯銘盤 太甲弗視 微伊尹放于桐宮

宗祧幾墜 克念作聖 罔念作狂 雖曰聖哲

無豫從康 太宗念理 念念不已 果致升平

慎終如始 立宗念理 念念弗虧 姚宋云亡

其德遂衰 噫 修德罔怠 日不暫替

厥民大賴 永克永世

白獸樽銘 并序

君好諫則直臣進而邪臣退君好諛則佞者安而忠

者危悅佞忌忠翹足待亡邦之禍斥邪用直反掌有

太平之期當晉運承金武帝泣旌往君之理亂詳

前代之興亡思得嘉謀渴渴仲山而補袞願聞讜論慕

大禹之拜言於是庭設酒樽樽施白獸使獻言之士

審諤之臣將欲排金門扣玉階抗真誠吐忠諫必得

挹酒漿而見志于旒冕以犯顏法膳夫之佐樽誘隨

季之及雷耳佩玦者知其有斷珥貂者表其外剛招  
虞人以弓則不來賜武夫以鉞則專殺皆用物以旌  
其意也飾外以知其內也所以虎者取其威猛以壯  
其心冀無觸鱗之懼酒者取其醕和俾悅其性以生  
沃心之謀所謂君誘臣之諫也臣合君之道也得澤  
山相感之理見地天交泰之心錫以爲感之以誠則  
純信之士來感之以恩則死節之士至感之以信則  
慷慨之士進感之以言則鯁介之士歸故成湯待士  
於總銜齊桓錄言言字從庫本補於寶法皆降尊嚴而下卑  
賤示誠信而求訂謨豈不大臣固寵則惜言小臣怯

感四

三

威則懼諫苟汲善之誠未若好諫之志不專則上之  
過失或未聞下之精誠有未盡則面柔曰戚施口柔  
曰籛條蔽我聰明壅我嗜慾故君衍見獸樽在下則  
惕惕之志不得不警戒而守也臣見獸樽在前則諂  
諂之心不得不憤悱而發也所謂挹之以忠言酌之  
以直諫味之以醕和之德器之以公共之道苟念終  
以入始慎末而固本則善旌諫鼓又何異焉夫誘諫  
在乎樽而用諫由于君且臣非以直言爲難而君以  
從諫爲難從諫非難辨惑爲難其有豐珍厚貨以移  
君心君則離法而悅之者有悲色哀辭以移君心君

則離法而憫之者有密姻近戚伊優相摩以移君心  
君則離法而惑之者是知執一御眾君之明順諫如  
流君之道苟異於是樽實虛設因銘之云

白虎之象 爲樽之飾 壯彼瞻視 來其抗直

壅蔽斯聞 謨猷必陳 上或違道 下得觸鱗

君或怫諫 臣敢愛身 君臣相濟 上下交親

苟忘念理 惟欲是恣 雖設斯樽 適爲虛器

夏鼎銘 并序 北爲原本 闕一葉 道庫本補

盤古之上有崑崙中柱其周三萬里巨靈之迹有大  
華仙掌其高五千仞一則制黃輿之動一則通洪河

感四

四

之流事亦近情豈齊諸之誌怪言非撫實鄙古人之  
不經唯堯典可詳禹謨斯在當羣陰作沚洪水橫流  
浩浩滔天若載舟也湯湯懷山若習坎也農無田以  
稼穡女無桑以蠶績萬宇將爲江湖兆民憂爲魚鼈  
非聖人之智無以排大難非聖人之功無以濟大艱  
當其鑿龍門通砥柱疏百谷導眾流陰陽戰而復和  
天地否而復泰猶以爲窮邊大澤深山曠野有魍魅  
姦慝之災有猛鷲瘴癘之害俗所未習人所未  
知於是象九州鑄九鼎赫曦連月方收其炎熱九鼎  
俱成山形谷聲如在其初也睿智如神王言如綸命

諸侯以貢金空羣山而伐薪萬鞫一鼓吹風吸雨如  
媧皇仰天待鍊石而將補其終也巽戶風絕離宮火  
歇餘霞猶誤任公臨海得鼈魚而待烹岌岌然在萬  
乘之前巍巍然列雙闕之下日月星辰之分野山龍  
華蟲之文章莫不上應昭回下詳區域未必河圖括  
地象始判華戎保障辨土風方知陵隲有以見鼓天  
下之動入我牢籠取域中之大歸我掌握開生民之  
耳目爲後世之楷模燥濕不變者金之貞濩落能包  
者鼎之量所以紀鏤與山河並久圖象將世運常新  
瞻之在前不出戶而知天下仰之彌高不闕牖而見

咸四

五

天道乃知聖人脩物致用立功成器有位則可保失  
道則相遷故桀昏其德遷之於商得之所以載祀六  
百紂縱其暴遷之於周周得之所以卜世三十洎定  
王微弱戰國縱橫楚子無君敢有輕重之問丘明作  
傳脩存應對之辭見寶鼎之有歸由天命之所授然  
則天下大鼎也黎元鼎能也惟左輔右弼前忠後良  
以文明爲火而鑿之以教化爲味而調之則日月明  
陰陽和天地靜區域安故王孫善言在德不在鼎聖  
人垂訓以道不以強願追三代之闕文以揚伯禹之  
鴻業銘曰

萬象鱗差 璿機正之 六合輻湊 會要觀之  
聖人既作 萬方攸歸 鑄鼎象物 神姦乃知  
金鉉恢廓 寶圓融輝 得之非霸 失之非衰  
霸者道昌 失者德虧 公共之器 聖哲無私

卜臺銘 并序

神以知來智以藏往著龜之靈也識進退存亡之機  
得悔吝吉凶之朕君子之明也漢世高士成都逸人  
信珮仁冠獨得吳穹之爵玄關通鍵自開眾妙之門  
窮達可移其心豈喧靜欲拘其趣故揲著於卜肆將  
誘善於輿人驗太史之簡編考先生之故實人子從

咸四

六

而卜必告之以孝道也人臣從而卜必喻以忠規也  
豈不以蚩蚩末俗若山下之出泉我必導其源而潛  
其流冥冥若真若懷中之無物我必居其靜而觀其  
動以蒙養正若褻衣如爛錦之文用晦而明比良玉  
有成虹之氣故萬乘聞其道玉帛禮之而弗來五侯  
知其賢弓旌聘之而不至是謂水官既廢豈易得於  
真龍弋者可施徒仰觀於黃鵠先生之道既如彼先  
生之名又如此不獨發揮象象喻人之吉凶實將隱  
見市朝鎮人之躁競蓋先生之智靈於著龜先生之  
明洞若水鑑且枯草腐骨安足稽疑坤馬乾龍固無

定體且叔向以五難卜于子干知其茂濟伊尹以五就卜于夏桀知其必亡于公以陰陽卜其子孫知其貴盛智果以視瞻卜于韓魏知其變更又何必詢幽贊於六虛取繫辭於十翼先生以天方啓漢卜孝哀不久乎以天未悔禍卜王莽將篡乎以火德未衰卜世祖中興乎識者知先生以道卜於時退觀理亂昧者謂先生以筮疑隱於闕闔蓬萊水既難駐於仙蹤河漢槎流但遐思於往事願以直筆銘于卜臺曰  
真格仙風 飄如鸞鶴 餘芳遺烈 馨若蘭菊  
流聲走景 變陵遷谷 後人作臺 在坊之曲

咸西

七

難問探著 空思握粟 我來徘徊 詠歌芳躅

几銘

親仁可以自託友賢可以自扶求仁得仁必馳必驅若隱几以召憑几而呼則仁賢斯遯廝役來趨嗚呼賢既遯身即孤

杖銘

持人之顛扶人之危於國也於家也無得而忘之

劍銘

圖難多疑爲甚惑蒞事無斷爲自塞必在淬其志率其職大夫必果敢決斷以取剛克

孟銘

君子憂道食不遑味所以顏子一瓢飲一簞食雖屢空而無恥

硯銘

治石如之何載磨載琢治藝如之何以文以學藝成如之何以禮以樂

筆銘

古之良史言必錄而事必紀若生無令名卽沒加惡諡以爲子孫恥君子措詞幸無自私

枕銘

咸西

八

君子有四時朝以聽政晝以訪問夕以審令夜以安身苟名未揚於親惠未及於民敢思甘寢以志夙興夕惕之勤

盤銘

湯乃聖人猶務日新吾儕何人敢怠於勤用於斯觀於斯卽頌成湯之遺文

弓銘

天之道有弛有張盈則虧盛則亡是以君子以謙而持盈故位彌尊而名愈彰

箭銘

癖許非直忠信爲直勿枉道而詭人常守道而保身

佩銘

信不可忘謙德彌芳服謙佩信其名鏘鏘

尺銘

言與行相顧名與實相副以俾他人取爲法度

鐘銘

德修于內聲聞於外行積于身名彰于人業茂於此  
譽洽於彼其器濩落音則溥博其器春容韻則穹隆  
處厚持重物莫傾動詢爾宏圖應以嘉謨咨爾小道  
隨以忠告恢廓爾量俾人法象無以錚錚所不足尙

咸十四

九  
宜  
秋  
韻

後序

書曰惟狂克念作聖惟聖罔念作狂是聖與狂不相  
遠蓋先王趣人歸善之速也湯聖人也銘於盤有日  
新之戒正考父賢人也銘於鼎有益恭之命苟非聖  
與賢而在中人之域言與行終日不離戒慎則僅可  
免過安敢望惜於君子哉儻斯須而忘檢慎則差跌  
而獲罪戾矣因作箴銘以自戒也

咸平集卷第十五

京兆田

律詩七言

花雨比下秦中

雨裏飛花片片紅，雨微花亂轉溟濛。  
涿川原何處遠，天草簾幕無人半。  
日風寂寞劉楨新，病後淒迷莊舄苦。  
吟中可堪更是黃昏景，鷺冷鴛寒恨想同。

寄蒲城來白小著

春日閑銷一局茶，春愁還得數篇詩。  
高吟大醉何人問，英略雄圖久已知。  
破產雖無容足所，丈夫豈合以

咸五

一宜秋節

家爲時來富貴終，須有懶學梁鴻賦五噫。

離懷

離懷如醉復如癡，脉脉無言不展眉。  
秋草空牽幽意在，征軒疑有斷魂隨。  
殘星更漏門開處，斜月簾櫳酒醒時。  
此恨誰能解，消遣因題紅葉偶成詩。

自勉

飄泊年年頗恨身，梁園未到滯咸秦。  
上樓獨爲青山立，攬鑑初驚白髮新。  
北叟何曾悲失馬，宣尼猶自問迷津。  
功名分有終須得，莫強憂愁耗爾神。

夏日卽事

王師猶未下全吳，何日封章賀獻俘。  
正是鬱蒸生瘴癘，可堪水潦滿江湖。  
咸宜鐵軸千艘盛，勢撼金陵一壘孤。  
壽客無能爲籌略，閑消白日覆碁圖。

春雨

天寒雲彩變春輝，庫本 霽隸來如曉霧飛。  
著物先饒芳草濕，盈空旋霧碧山微。  
鷓鴣村樹密，吹應偏鷺瓦簷高。  
滴尙稀，丞相追班方入賀，沙隄柳色正依依。

樽前吟呈宋白小著

三年多謝主人翁，盃酒相寬禮數豐。  
唯惜時光如走馬，懶詢天道似張弓。  
秋深街巷槐花雨，夜靜廳堂葦箔風。  
盡是無慆腸斷處，都將分付醉鄉中。

咸五

二

代牡丹酬答太素有詩贈牡丹之作

舒元輿是賦家流，我有餘妍不盡收。  
今日謝君貽好句，恨無雙珮略相酬。  
神仙見謫情雖薄，風雨相輕恨未休。  
爲報悅人須以禮，不同蘇小耐慙羞。

多情

多情如病苦難醫，頭緒多於折藕絲。  
送客落花行馬處，望鄉殘月倚樓時。  
憶來幾入春深夢，感極翻成酒後悲。  
大抵爲君言不盡，彩牋閑詠合歡詩。

寄韓丕進士

高堂何峰三十六嵩陽今復往何峰已因詩好聲名  
出却為情高仕進情白鳥白雲秋色樹水南水北月  
明鐘迢遙自得閑吟興誰識夫君是臥龍

覽韓渚鄭谷詩因呈太素

風騷復古少知音本色詩人百種心願熟合依元白  
體清新堪擬鄭韓吟搜來健比孤生竹得處精於百  
鍊金唯我與君相唱和天機自見不勞尋

渭北即事書呈太素

渭北居來似塞垣三逢寇虜度寒暄家貧老幼思歸  
國性僻交朋少及門天際憶遊沙苑寺雪中曾過洛

河村流年

又是重陽節賞菊論詩酒一樽

醉題紅葉

拾筆閑題紅葉時醉容相向亦相宜塞垣風勁應吹  
盡江國霜微想半衰嫌聽滿階鳴夜雨曾看臨水映  
疎籬春光不許長如此旋放寒梅嫩柳枝

寄題象耳寺

二十年前會憶游彭亡渡口泊孤舟一程林下登山  
路百尺谿邊汲水樓磬韻似煙和燭裊松聲如雨入  
窗流別來往事都成夢謹寄篇章問惠休

促織

西風嫋嫋欲昏黃草木蕭蕭綠趨涼閣傍遠燈催絡  
緯獨經遙夜伴啼螿露滿蟲網絲滑斷月照澄江練  
有光幾處疎砧砧紅葉寺誰憐弄杼不成章

憶梅花

三年不見遠江梅長到梅時把酒盃似共故人千里  
別空思近臘數枝開心隨曉月經鄉浦夢與春雲傍  
釣臺金蕊瓊花風雪景憑誰圖畫入關來

和太素春書

風幡輕細翠悠颺樓閣輕寒水滿塘柳絮微煙吟思  
足梨花淡原作臘月睡魂香江山似畫隣湘浦魚笱

膏新憶華陽

早見春陰已無賴可堪中酒惡情腸

和太素早春書事憶遊京國

新年吟詠喜經旬金粟山邊溜水濱微雪尙妨天氣  
暖衰林先讓鳥聲春牽情但恨梅花謝醒酒空思桂  
蠹辛深感相將遊汴水夢中楊柳已迷人

覽太素新編

蜀國香殘似彩霞裝成近集入京華千篇詩好精靈  
哭百軸文雄俠少誇繁富禹呈新職貢妍明春帝曉  
鷓鴣花形庭何處安排好李謫仙才稱草麻

吟情

風月心腸別有情，靈臺珠玉氣常清。微吟暗觸天機  
駭，雅道因隨物象生。春是主人饒蕩，酒爲歡伯伴  
縱橫。莫嫌宮體多淫黠，到更詩狂罪亦輕。

和朱玄進士對雪宋原

風迴玉宇拂窗欄，欲晚層城料峭寒。含月有光吟不  
盡，著煙無迹畫方難。江春南國兼梅落，塞臘西山向  
竹殘。何處多情偏入賞，狂隨舞袖透盃盤。

冬夕書事

堪嗤樓角宋本作客長安，風雪加添近臘寒。凍筆呵  
來書字淡，孤燈挑盡向窗殘。十年苦思詩千首，一夕

成五

五

迴腸事萬端，家住天涯歸未得。嶺梅江蓼自辛酸。

對酒

去年秋值罷文闈，今歲無膠自陝歸。雪月好吟還唱  
和，風雲未至且依違。江南梅早多紅蒂，渭北山寒少  
翠微。猶賴一樽消遣恨，不堪振觸躁時機。

暮公門鄉遇蕭鞠赴任

嶺外路遙君赴任，陝西年盡我歸家。長亭際會情無  
限，一夕分飛恨又賒。夜話無燈松火繼，曉行乘月亂  
山斜。七千里驛誰相伴，雪裏寒梅正放花。

殘冬書事呈宋太玄

歸來何物可消憂，縣寺蕭條懶強游。酒價未償重買  
取，雪詩休厭且交酬。兼憐春近如迎客，莫惜年殘似  
急流。天子承詔重文物，花時早約入皇州。

寄梁周翰補闕揚徽之宋白二拾遺

飄零蹤跡尚堪悲，唯向三賢最受知。少俊有名輸賈  
誼，宦遊多難比張儀。詩中老格何人愛，酒後佯狂識  
者嗤。北省郎官應見誦，明時猶尙進身遲。

寄宋準學士本名準字

鸞輿西幸郊天日，洛水橋南乍識君。投分頃僂無異  
曲，定交蘭菊有餘芬。別來信阻年將盡，望去臺高日

成十五

六

又曛堪恨支離何所似，波中萍葉嶺頭雲。

和宋太玄臘日

逢臘欣酬吟詠才，已知春色向人來。口脂潤逐銀鬢  
賜，面藥香隨鈿合開。梁苑辭臣堪賦雪，壽陽公主好  
妝梅。更憐罷獵歸侵夜，重對歌筵紅燭臺。

三月二十八日書懷

惜春將盡自徘徊，巷館殘陽戶半開。芳樹更無鴛舌  
語，故巢空有鷺歸來。音書杜絕家千里，愁憤消磨酒  
一盃。地狹長沙何所適，行謠方憶摘楊梅。

渭北春盡日作因思蜀洛舊遊寄太素



九十日春知枉度樽前無賴獨咨嗟空城北走諸陵  
道古苑南連百里沙翠憶玉津官舍竹繁思金馬故  
城花去年方與君遊洛况味爭如不在家

卽事

殘花飛盡留芳草索寞孤懷話未能天氣暄寒猶未  
定春衫脫着自無憑荔枝結于思南越湖水宜茶憶  
竟陵看是清和時又過林亭何處度炎蒸

晚望因寄宋太素

春深水榭絮紛紛支策臨高日欲曛故園已迷巴徼  
路斷腸空似嶺頭雲燕飛芳草隨天遠鶯囀殘花隔  
竹聞物景感人情不盡因成吟詠寄於君

幽居

寂寂閑居客至稀靜中滋味意何歸因探易象知深  
旨自喜吟高得化機柔露乍寒蠶欲老草煙纔暖蝶  
交飛樊川物景終南翠遂性空思杜紫微

府解後有詔旨權停貢舉因成長句寄太素

兼簡韓丕茂才

一名僑動皇州寄應王門作解頭將領風騷推李  
杜較量英勇讓曹劉曹公謂劉備曰天下華春闈有  
詔俄中輟秋賦隨時亦暫休金殿制科思取應遠飛

章句問嘉謀詩有勅開貢舉太素時爲

御試二儀合德詩七言六韻用

聖主承祧允澤深乾坤玄化合堯心黃輿比厚施生  
植白日齊明遠照臨周普至仁符積載露流瘡渥若  
春霖游鱗在藻方諸性獷俗乘桴自獻琛和悅感人  
生瑞靄穆清流詠在薰琴小臣幸與觀光試敢效祈  
招頌德音

寄陳處士

簿書軍吏日相隨心在誼譁旨趣卑明月夜吟無意  
緒白雲秋約笑羈縻宛陵古寺經遊少疊嶂名樓眺  
望遲堪重高人陳處士不來尋訪已多時

登郡樓望嚴陵釣臺

谿上嚴陵古釣臺倚樓凝望自徘徊先生能保孤高  
節英主嘗師王霸才日暮白雲迷草莽岸平春水浸  
莓苔登臨不盡微吟興花落東風首重廻

寄陳處士

柳聞江亭春正深黃鶯百囀有餘音自慙分判頰條  
政誰信常懷易俗心吟次落花浮硯水靜中飛絮滿  
簾陰及瓜卽是歸丹闕莫惜時來一訪尋

登疊嶂樓

那在江湖煙樹間謝公遺跡好躋攀詩中勝景堪吟  
嘯池上清風足往還疑思但憐雲映水迴頭不覺日  
銜山登臨屢起歸歎興看是槐花滿故關

和安儀鳳

水國迎涼暑氣消思清吟嘯語雄豪遠如海樹黃雲  
曉健比秋風白浪高麟咎魄無明月珮縱橫爭及解  
牛刀和詩送別昭亭路何似金鑾奪錦袍

送安儀鳳

宣城相送思依依正是紅蓮菡萏時行色迎秋清似  
畫別情因景化爲詩人離湖水南邊岸蟬聽槐花北

咸五

九

向枝天子文明是何地丹霄岐路莫生疑

寄樊郎中

近遣司賓小吏時寄書兼寄十篇詩自慙不是陽春  
曲誰敢徵求作者知疊嶂晚登空遠望昭亭別後倍  
相思夜來還有微吟興風動新荷月滿池

謝晏公

吟成大雅百篇詩首首清新鑿者誰草卷密封先見  
贈藥欄斜倚看多時意如虎窟難中得字比雲峰險  
處奇珍重十僧聲價外江南屈指卽吾師

早秋言懷

清秋江國有餘暄謝朓遺風稱雅言簾下水亭入吏  
靜窗分竹閣簿書繁坐來幽蝶雙飛過吟次高梧一  
葉飄自笑無能蒞公事將何才術報君恩

咸五

十宜秋館

咸平集卷十五

咸平集卷第十六

京兆田錫

律詩七言

寄江南諸相知并序

錫自復命丹墀收官祕省翌日中書傳帝旨投綸言承要衝委用之恩倅近甸轉輸之職因拜表上樂府新解十卷升平詩三十篇驟蒙聖恩遷升小諫澤國桃花之色俄染華纓丹臺藥簡之文遽司編綴未及徧飛牋翰遠謝交朋俄聞信自於宣城併闕寄來之雅句因得七言一章聊用奉酬仍錄所進升平詩以

咸平

一宜秋館

為遠信寄陳處士微公廬江秀才

詩成奏入冕旒前小諫官資驟轉遷帶職喜為仙館吏立班常近御爐烟清華拜命知深忝譽誇非才愧昔賢多謝宣城舊知己寄來新句滿花牋

乾明節祝聖壽

十九首內七首遺落原校注

百辟歡呼降誕辰金樽獻酒願千春延年不假丹砂効享壽全由聖德新古物進來兼藥鼎畫圖早處有仙人君恩若賞歌詩意應念甘泉侍從臣

生日稱觴自六宮香焚甲觀畫堂中太平曆數歸英主上壽年齡屬聖躬玉樹有花因瑞雪鈞天星曲在

虛空三公進賀禎祥事先奏河清達帝聰

吾皇享福自無涯百辟稱觴禮數加韶樂揭天如上帝界鑪香映日似輕霞空中紫氣圓成蓋海上蟠桃暖放花感應聖人千萬壽神仙日月屬官家

皇朝合節號乾明萬國嚶嚶若大庭多士進詩隨禹貢千官獻酒祝堯齡天香曉降聞仙樂南海秋來見壽星黎庶更思瞻盛禮待封日觀禪云亭鸞盃進酒近天顏拜舞風清響珮環瑞日正高重御宴撤鞭纜定再催班霓旌絳節仙家樂金闕銀臺海上山綺陌曉來迴望處建章樓閣紫雲間

咸平

二

聖節祥煙藹御鑪殿庭嚴肅響山呼赭袍日照來天上玉佩風清侍座隅古字數行仙藥訣鮫綃十幅壽

星圖遠方拜表來朝貢兼賀虹流電繞樞漢家臺榭與天通甲觀蒼蒼紫氣中佳節夜來宣受賀壽盃朝進祝延洪管絃嘈噴驚花發風日晴和向

雪融宴次宮鸞忽飛過隨呼萬歲語玲瓏君王降誕繼陶唐每至嘉辰觀異祥宮樹曉來生瑞

露金門夜半有天香皇親朝覲隨章奏中使頒宣散道場萬國人臣皆悅樂巍巍聖德自無疆慶誕長生寶殿中非煙五色覆諸宮酒為天祿資君

壽曲奏霓裳樂帝聰  
翡翠簾前雪氣紫珊瑚  
花紅太平天子聞稱賀  
先喜年年過歲豐

疑歲豐

聖節思歸會帝京  
得隨班列祝文明  
河清見底爲嘉瑞  
海水無波表太平  
月夜忽聞仙樂奏  
官中時有彩雲生  
詩成拜表同封進  
願繼詞臣雅韻聲

日上扶原作浮庫本收  
桑第一枝東方樓閣暗  
光時萬邦將

敢乾明宴兩制應  
宣御製詩樂感羽毛  
皆率舞神和  
福祿自來宜諫垣  
班列天顏近  
暫乞歸朝侍玉墀

河朔雖云近帝鄉  
時逢慶誕祝君王  
身心常在三清路  
曉夕先裝一炷香  
聖壽如山隨地久  
恩光似日與

咸去

三

天長微臣所貴無他物  
唯獻新講十九章

相州郡樓贈高祕丞

年來歸興憶皇州  
頻向花時倚郡樓  
南陌春光芳樹遠  
西郊山色晚雲浮  
國家無事邊陲靜  
風俗還淳禮讓修  
吟得新詩謝知己  
將何才術稱分憂

贈楊監察坦時相州通判原注

昔日長安際會時  
客情鄉思兩依依  
金門次第俱升達  
雲路高低各奮飛  
御史班資知任重  
諫官章綬愧才微  
今來共理蒞宣事  
自古相逢似此稀

郡樓書懷

館殿嘗爲侍從臣  
出分憂寄牧黎民時  
平事簡多公暇  
樓迥風清欲暮春  
樹杪壺關千嶂疊  
天邊漳水綠波新  
帝鄉永日憑欄望  
心羨浮雲向紫宸

池上

溝堰新分野水來  
池邊日夕自徘徊  
餘花飛盡空芳樹  
落絮繁多滿綠苔  
輦下歸心春館殿  
天邊凝睇晚樓臺  
郡齋欲立題詩石  
御史丞郎各有才

暮雨

春天寒慘欲昏黃  
數點霏霏忽繞廊  
城漏暗催相共滴  
花塵輕濕乍聞香  
風生水際來將密  
疑轉簾文灑

咸去

四

處光獨向郡齋心  
自喜豐年宜賀待  
飛章

中夜聞泉

昨日西山野外通  
聲如秋雨帶松風  
誰憐鄴下重城夜  
却似江南解署中  
燭灺垂花飄視席  
月華凝雪映簾櫳  
此時新得潺湲聽  
吟詠狂思學謝公

言懷

遠山蒼翠滿西樓  
直甲遺風古相州  
春晚落花經雨盡  
夜來寒水繞堂流  
詔條靜理無才術  
衮職思歸侍冕旒  
吟寄良交若爲意  
安眠不得似諸侯

呈楊侍郎

權分憂寄理漳濱惠化何曾及相民條奏事宜思復  
古興修風教望還消靜當細雨初封印吟對餘花自  
送春清景好陪池上酌故人情分最相親

除夜

紅燭除花酒滿卮繞廊風細動簾帷已從半夜分春  
漏卽是平明受歲時右省轉官因大慶元正立仗憶  
丹墀吟思何日承宣召却得金門和御詩

元日

去年元會立班時簪綬光輝與禮儀今日洛川逢歲  
旦延留賓客樂昌期朝庫本增補雲暖潤輕陰散晚日融

咸六

明瑞景遲遙念皇州春色早宮花欲發萬年枝

漳川卽事寄韓丕拾遺

漳濱柳色弄微黃春日情懷詠載陽自念安邊無上  
策如何補袞與周行身如迴鴈來河朔心似浮雲在  
帝鄉吟寄昌黎韓小諫嘉謨應有好封章

紅樹庫本有小注此  
下臨州四字

秋來嘉樹色堪攀紅葉沿谿復映山半露寺樓深岫  
裏密籠漁舍夕陽間吟看搖落雄金井醉賞扶疎對  
玉顏水國却疑春野秀似花幽鳥正關關

聖節有懷

南山晴靄御爐烟迴望長安白日邊率眾謝恩呼萬  
歲思歸侍宴已三年翠微鐘磬行香寺紅葉樓臺祝  
壽筵吟想皇州晚來景雲間宮闕夕陽天

秋聲有懷寄副翰宋白舍人

秋聲蕭瑟北山椒賴有琴樽遣寂寥書幌靜憐斜月  
鑿窗燈寒帶落花挑久辭知己來江國少寄音書過  
海潮因想玉堂今夜直建章宮漏正迢迢

釣臺懷古

閑讀銘詞掃綠苔溪邊永日自徘徊白雲遺迹今親  
到青史高名不可陪千古煙霞爲己有一竿風月避

咸六

誰來松巔老鶴應相識時暎和風下釣臺

郡齋書事

江天短景莫相催三度逢花折早梅仙棹遠歸思李  
郭廬山高會憶宗雷林端忽見孤雲出池上欣聞好  
客來昨夜月明霜更苦卷簾黃葉滿青苔

眼日偶題

年來吟鬢已星星烏石谿邊葉又零簾下孤燈刪草  
奏窗間疊障讀茶經瘴鄉怕襲山嵐毒野艇嫌衝水  
霧腥天末豈忘歸去意白雲掩映數峰青

桐江卽事

滄州深隱未言歸三載桐江解印遲官職清華非不  
達性靈疎拙欲何爲閑移夫子青山廟擬立嚴陵釣  
渚碑兼喜谿雲每相狎時來窗戶伴吟詩

秋霖

菊花潦倒雨冥冥秋菌參差上壁生臺榭可堪閑眺  
望池籠不快野心情猿啼山館寒無夢燈背風簾滴  
到明却爲農家妨斂穫叢祠精舍擬祈晴

和溫仲舒殘春遣懷

丹闕年來奏賀頻金輿侍從望東巡越王江上重廻  
首嚴子臺邊再送春水國山川怡道性花時琴酒悅

咸去

吟神煙霞有欲留君往宰相方謀用故人

郡中遣意寄友人

谿雲澹澹浪悠悠十二州中最小州花落喜過流水  
寺月明懶下看潮樓藥欄梅潤秋重換棊局松陰夜  
不收吟寄故人如借問釣魚磯在海西頭

桐江詠

桐谿湛湛見游鱗搖落楓林繞水濱秋色數行沙上  
鴈殘陽一簇渡頭人藍鮮斤竹過深澗雪吼寒潮入  
富春俱是謝公吟詠地伊余何以繼芳塵

偶題因懷張王二諫議

理郡三年政未聞孤城僻在浙江濱金門路遠書難  
寄水國吟餘日又曛半夜啼猿千里客數峰殘雪一  
谿雲詩中贏得爲官况不讓樊川杜使君

七里灘

清泚寒流走白沙釣臺蒼翠遠嵯峨隔谿人語穿芳  
樹岸魚跳落淺莎幾處上源堪涉渡有時野艇併  
來過秋聲不盡吟詩意七里潺湲奈爾何

和溫仲舒寄贈

桐江秋水錦鱗肥閑釣煙波是見機野步共遊芳草  
徑吟情對啟白雲扉醉來拾筆題紅葉睡覺憑欄望

咸去

翠微官滿替人如未到兼葭玉樹且相依

和溫仲舒感懷

郡齋松蓋翠斜欹客至鳴琴汎酒卮江上正當搖落  
景天涯空借太平時雪殘幽谷春難到蘭茂深林衆  
豈知上國三千五百里楊梅熟日是歸期

倚樓

西樓吟倚若爲情情似浮雲處處生翠疊亂山千里  
闕紅翻晴葉一川明散分莖色漁村小斜襯秋光鴈  
陣橫迴望帝鄉歸未得蘆花如雪繞江城

秋懷

兼葭深處古嚴州  
吟向潺湲爲送秋  
雲映疎鐘紅葉  
寺浪搖孤角翠  
微樓土茅路遠  
催先貢霜稻天  
晴趁早收零落  
黃花正西笑應  
憐印綬尙淹留

題天竺寺

三月楊花撲馬飛  
聯鑣來欵白雲  
扉湖邊鐘磬含  
清籟樹杪樓臺  
露翠微野景留  
人狂欲住春光  
啼鳥勸思歸  
萋萋芳草重廻  
首十里松門照  
落暉

茶菜疑  
茱萸堰泊

茱萸堰下泊行舟  
初落帆檣暮雨  
收寒水漾煙輕  
似微雲籠月澹  
如秋登封自惜  
天涯去盛事空  
思國

感示

九宜秋館

史修達曙不眠  
燈耿耿寺鐘遙  
聽在西樓

咸平集卷第十七

京兆田錫

古風歌行

讀翰林集

太白謫仙人換酒鸚鵡裘扁舟弄雲海聲動南諸侯  
諸侯盡郊迎葆吹羅道周矇目若餓虎逸翰飛靈虬  
落日青山亭浮雲黃鶴樓浩浩歌謠興滔滔江漢流  
下交魏王屋長揖韓荆州千載有英氣蘭君安可儔  
寄宋白拾遺

醉中別大梁西歸渭水陽飄然何所似浮雲辭帝鄉

咸十七

一宜秋館

歸來驚歲晏悵然增浩歎景短條云暝夜寒難至且  
拂酒雪花飛早梅思南枝碧落周星紀青陽換歲時  
雙魚忽得書云已外華籍金骨俄輕舉玉霄仍近密  
小諫官職清大才文翰逸獻納有嘉謀英豪伸壯圖  
萬乘是知己三公駭奇士嚴吾侍從臣元白才名子  
揮毫爛彩霞逸性飛湍水不日縵絲綸齋宮承帝旨  
伊余重交結白日貫精誠黃金一諾重鴻毛萬事輕  
微塵彈余冠清泉滌吾纓思佩朝天錄相將昇大清

塞上曲

秋氣生朔陞塞草猶離離大漠西風急黃榆涼葉飛

稽檻罷南牧林胡畏漢威橐街將入貢代馬就新羈  
浮雲護玉關斜日在金微蕭索邊聲靜太平烽影稀  
素臣稱有道守在於四夷

塞下曲

黃河瀉白浪到海一萬里榆關風土惡夜來霜入水  
河源凍徹底冰面平如砥邊將好邀功夜率塵兵起  
馬度疾於風車馳不濡軌盡破匈奴營別築漢家壘  
擴土過陰山窮荒為北鄙天威震朔漢戎心畏廉李  
所以龍馬駒長貢明天子邊夫苟非才怨亦從茲始

結交篇

咸十七

二

為簪莫用王玉脆長憂折連環須以金堅永無缺  
陳餘尚倜儻張耳重交結事勢俄參商干戈自屠滅  
意斷如玦離情忘若絃絕始志何綢繆終讐何勇決  
我願然諾心不得輕相悅

投杼詞

孝為百行本至性由天資曾參善事母母氏賢且慈  
馨膳以饋進承意唯歡怡高堂既自樂織室閑鳴機  
飛語忽來告明識潛深思蓋念事吾孝安得殺人為  
亟聞寧不信投杼遂生疑乃知君臣際反以交朋推  
道德難結固恩情有合離毀譽苟不入讒間無以施



景慕魏文侯滿篋留謗詞樂羊在中山委遇終不衰

擬古十六首

棠谿出精金百鍊無餘滓鑄得芙蓉劔靈輝原作輝庫本改

若秋水陸可斷兕犀陰亦驚神鬼照物雙影寒中霄

靈氣紫有時風雨至欲作龍蛇起海酒與陵肉寶燭

延奇士酣飲取傳觀英圖各相視吐氣成虹蜺將平

不平事大笑荆軻輩卒如兒女子

中山魏公子志意邈難儔朝吸沆瀣精遠與冥鴻遊

風高江浪惡雲黃海樹秋青山對獨酌明月在孤舟

心常懸象魏迹若參公侯縱橫致君術思一伸良籌

成七

三

遊子中夜心功名忽嗟暮黑韶空上書甘泉方獻賦

白日驚壯齒青雲有英願收采苟不時珊瑚亦生蠹

漢鼎鴻毛輕諸侯爭弄兵吳魏已先定立德思功名

據鞍髀肉消感激淚沾纓南陽有奇士三顧精誠傾

龍變得風雨指麾霸王成日月若長在永永懸英聲

碧落登真訣太霄藁簡書安得松喬子仙階一授余

載攬彩虹綬去登紫雲車飄然遠氛俗志逸如龍攄

曲逆漢功臣少年嘗窘厄巷館雖席門軒車盡嘉客

事魏言不從說楚謀無獲來歸隆準公磬伸圖霸策

絳灌競生妬讒非相見迫封金欲拂衣將舉鸞皇翻

豁達英主心信遇終無隔小節不掩名勲庸自輝赫

彌衡鸚鵡詞揮翰無停綴狂甚於接輿才不容當世

身居桴鼓下心在雲天際黃祖情忿來殞之如虎噬

淺水游巨魚宜失縱橫勢

玉樹拭不滅柳帶柔堪結惠然貞婦心皎若天山雪

羅幕生春風珠簾鑿秋月滄波鷺又歸尺書胡斷絕

萱花不須折安足忘君憂青銅莫煩攬適合驚鬢秋

謝安壯未仕定遠晚封侯功名俱磊落時來豈自由

直言如霜刃卒發傷人意痛貫丹誠中無與金瘡理

緘恨若癩痕終身難棄置何隙庫本作隙果報時遂陷無

成七

四

情地雖悔安可追弗反同奔駟君子慎樞機言之豈

容易

楚畹種芳蘭發生逢早春萌芽初莖莖枝葉俄莘莘

幽叢秋既老芳氣冬彌薰馨香當還風晡來襲人

百草莫相妬從之爲爾鄰深林莫蓋藏芬然亦自伸

朝采暮采來虹綬瓊瑤人

天風吹雨來黃土爲柔瑱一經女媧手蹶然含性識

悲哉商子孫不能述祖德愚樸變澆漓化之尤費力

余聞靈鳳膠可以續斷絃又聞返魂香招魂以其煙

因念三季時人爲世態遷遷之不自覺純信成險艱

中含妬與忌外卽怡溫顏覆人如覆局先示其甘言  
中夜蹈虎尾霧海生波瀾投彼機會時傾亡果忽然  
願得靈鳳膠續之於仁賢願得返魂香返其瀟化源  
免令古樂府高歌行路難

廣陵秋節半旗鼓迓靈濤鱗沈雲海遠風激雪山高  
壯哉水濱人游爲水中豪弄濤若平地輕命如鴻毛  
古稱公無渡終渡堪悲號憑深良足畏知險可先逃  
甘言毒人藥巧笑列腸刀狎玩終罹禍險甚於滔滔  
昭然聖賢誠勉旃於爾曹

赫赫英豪士韓侯合子孫千金募死士博浪報君冤

感七

五

國耻尙未雪驥足俄驚奔待搏如猛虎未耀同朝暎  
霸略師黃石大計當鴻門談笑定安危功業遂隆尊  
驚皇不啄粟騏驎不駕轅將從赤松遊高謝漢皇恩  
一旦君臣中奪宗物論喧片詞爲密勿四皓如飛翻  
進退存亡間以智爲身藩

暉陽生孤桐擢幹八尺高風雨萌枝葉驚皇棲羽毛  
天質自含靈衆木非其曹斷爲綠綺琴古人貞金刀  
所製有法象不敢差釐毫重詳舊譜錄試撫觀均調  
其聲清以蕙閭者不貪饗其音安以樂令人消鬱陶  
彈宮聽於君君德如軒堯彈商聽於臣臣道如夔臯

不覺起蹈舞形逸同翔翺願以七寶妝薦之於天朝  
玉軫朱絲絃輝華近赭袍一彈南薰曲解慍成歌謠

感七

六  
宜秋備

咸平集卷十七

咸平集卷第十八

京兆田錫

古風歌行

千金答漂母行

止水明沈沈鑿貌未鑿心丹鳳舞踴踴知聲未知音  
楚王欲圖霸不識韓淮陰淮陰漂母家獨得千黃金

雉媒

東風麥壘青白日桑陰清一雉欲媒眾眾雉無猜情  
五步一飲啄十步一飛鳴閭中觸駭機鏃發如流星  
洞徹羽毛質低推錦繡翎卻宛若召客子常非好兵

咸六

宜秋館

讒言既交搆禍難即隨生齊王聽遊說韓信急功名  
三軍雖罷戍一命遽遭烹古來不疑地悔各堪相警

驚冰詠

赫日生炎暉驚冰方及時邀利有得色冰消俄若遺  
兩失俱無猜雖悔安可追仁惠當務遠勿使失其宜

辨惑篇

春樹桃與李美果終得嘗莫原作春庫本改樹枳與棘芒刺  
還相傷君子所樹黨在擇賢與良其黨苟非人為禍  
亦自殃著者本鈇刀用欲如干將參者本欸段駟欲  
伴驕驕辨之胡不早堅冰自履霜

江南曲題下庫本有三首二字

金蟬飾綠雲細靨藥黃新南浦解清珮西谿采白蘋  
密竹映深花湖山日欲曛春腸知己斷脈脈兩難親  
吳豔若芙蓉乘舟弄湖水照影不知休雲鬢墮簪珥  
含笑忽迴頭見人羞欲死歸去入花谿棹濺鴛鴦起  
金陵王氣消六朝際霸業白雲千古恨空江照樓堞  
虎丘羅蔓草姑蘇委楓葉懷賢思伍員靈濤浩難涉

贈朱玄進士進原作道依本目改

咸六

二

憶昔長安道與君初相識密雲滿天來不見南山色  
美酒斗十千一醉情歡然胸中雲夢澤眼底高陽客  
狂呼月華人撫弄雲和瑟揮鞭過渭川館第相留連  
朝簾杏花露暮樓楊柳煙流輝今六稔交情益相審  
忽忽披君文如截機頭錦余本生天涯散金常破家  
東方上書志高欲凌丹霞安能常戚促雀啄秋田粟  
海路與天遙鸞皇好相逐

華清宮詞

繡嶺葱龍浮瑞氣雲樓靄闕明珠翠禁城綠嶺連九  
天一片笙歌如鼎沸我恐紫鱗丹鳳洲移於近甸資  
宸遊東將大華為城雉北以渭川為御溝又疑西王  
開月圍白雲仙都紫雲府碧瑤新宮初構成借與明

皇白爲主開元之末天寶初天下太平方晏如萬幾  
多暇頻遊宴青門道上馳鑾輿長樂岐頭霸陵岸新  
豐市井驪山畔百里煙波錦繡明寶馬香車若珠貫  
宮中湯泉瑟瑟文滂浚長以蘭麝薰白玉蓮花蹙飛  
浪珠堂繡殿温如春貴妃承恩貌傾國三千宮女朝  
霞飾謝家有女名阿蠻歌舞纖柔柳無力頻喚入宮  
恩寵厚金粟臂環頒賜得秋來嶺上霜月明光照組  
練金吾兵槐煙柳露咽宮漏玉笛一轟巖壑驚春來  
嶺下春波綠夜聽琵琶將理曲幽咽輕攏慢撚聲鸞  
皇引雛啄珠玉嘗記乘輿避暑時御衣輕似紅渠絲

咸六

三

翠輦將遊石渠寺探得姚崇乘小駟往來綠樹影中  
行清涼適稱逍遙意荔支顏色燕脂紅生於南海煙  
瘴中南海地遙一萬里使臣日貢華清宮六宮每從  
鸞輿到遺珠落翠長安道百司既奉玉乘歸湯宮橫  
鑲黃金扉門戈陛戟皆繡衣朝鐘暮鼓含清輝參差  
天上朝元閣往往紫煙飛皓鶴至今碧落星宿繁猶  
似當時掛珠箔

曉鶯

春宵已闌更點急煙柳濛濛露花溼畫堂深邃樓閣  
寒碧紗牕中月華入早鴛百嚙催朝陽簧言綺語何

鏗鏘雲飛雨散夢初破聞時滿枕梨花香豈宛轉十  
三絃高指撥軟宮喉徵舌多改變圓於珠細於線韻  
玲瓏湘妃調瑟煙靄中珠纓寶玦遽相觸東風細響  
原闕庫本補 修篁叢或織柔弓同彩縷繡得輕煙纖微雨  
或輕麗兮如彩毫畫成曉景描春朝間闕落意不  
盡花中似索鸞皇饒迤巡曙色浮林際菊花毛衣金  
作袂一片蘇張俊辯心長與春皇巧遊說

晚雲曲

高唐晚峰欲生雨空山啼猿風嘯虎春雲數片留南  
浦自與鴛鴦共飛舞

咸六

四

御溝

春半桃花水初下一溝澗綠元如砑夾道官城數里  
中靜稱潏潏明月夜千門萬戶建章宮金鑊橫門溝  
閣通三月花飛若零雨水聲何處咽香紅

惜春詞

春色初從江國來湖邊楊柳嶺頭梅梅花飛雪柳垂  
帶遞次相將時節催春力欺寒過江北深谷黃鸝生  
羽翼曉月輕煙禁苑啼南園桃李已成蹊就中何處  
芳菲好春波飛絮魏王堤我憶去年暮春月京洛新  
妝丹鳳闕天津水綠煙樹深萬井笙歌牡丹發天子

鑿輿駕幸時嵩峰瑞靄籠郊圻扈從千官與萬騎  
衛羽林兼飲飛六宮隨駕羅珠翠本諸王從行陪  
七貴香氣成霞金犢車鳴珂中節虹龍駟朱橋細柳  
端門前畫舫橫塘會節園朝花貴俠珊瑚席夜燭嬌  
娥玳瑁筵西樓殘月深宮漏明河半沈垂北斗縱飲  
貪歡意未闌紫陌喧喧人已繁玉鈎掛簾開雉尾曉  
日藉袍朝至尊方今寓止臨清渭杜門無與天涯異  
殊忘詩酒狂蕩心但悅琴書高古意可惜春芳漸欲  
歸五陵煙草方離離迴憶當時洛陽道歌魂空與殘  
花飛

感六

五

風箏歌

白蘋洲暖春風生畫樓檻上銀箏鳴鏗鏘節奏急復  
慢空中一部天樂聲三十六宮深窈窕繡榻藻井光  
相照十三絃上千般聲朝靄微吟暮煙嘯夜來親向  
月中聞繁音錯節何紛紛碎如鸞鈴與珂珮巫山隊  
仗迎湘君晚來金屋愁微雨風細箏聲不全舉依稀  
嬾妾怕人知啾啾切切私相語洪纖漸續何所拘鳳  
凰若對飛鸞孤梧桐枝邊泊未穩琅玕島上鳴相呼  
有時方奏俄中絕宮商斗頓如刀截杏花露重鴛鴦  
寒空見如霜蒨庭月有時半日全無風一一暮天樓

閣紅唯聞鳥雀啄絃上暖珠寒玉何玲瓏清音朝朝  
與暮暮誤聲不管周郎顧祇嫌雅鄭交奏時寶鐸丁  
冬間相妬

聖主平戎歌

玉關秋早霜飛連代馬新羈逞南牧胡人背信闕漢  
邊庫本刻箭為書召戎族漁陽烽火照甘泉疆吏飛  
牋至御前脣謀英武何神速鑿輿自欲平三邊百萬  
羽林隨駕出殺氣皇威先破敵賊臣喪膽遽奔逃漳  
水波清因駐蹕宮錦戰袍花鬪新繡轡珠絡金麒麟  
天顏威武不可犯垂鞭按轡視羣臣金吾隊仗如鱗

感六

六

萃環衛旌旗徑千里漢皇曾上單于臺壯心磊落伴  
風雷比量英武不足數聖文神武雙全才勢可驅山  
塞滄海紫氣逶迤龍鳳蓋金花簇歛若星羅寶鈿乘  
輿翼雲旆塗山禹帝戮防風涿鹿蚩尤死戰鋒鋒鉞  
俱染玄黃血爭如不陣而成功示暇皇歡有餘意御  
筆題詩饒綺思翰林承旨先受宣西掖詞臣及近侍  
詔命交酬繼和來君臣道合何如是和氣感天天地  
寧日融瑞景籠八紘風生旗旆翻龍鳳霜嚴鼓角喧  
雷霆海神來受軍門職太上禱兵尊帝德牢籠萬國  
頌天網庫本誤天網恢恢恩信廣胡兒潰散何比之

大明升空逃魍魎漳川地闊霜草平合圍會獵布天  
兵六師雄勇一百萬六班侍衛交縱橫鐵衣間耀金  
鏃甲披旗雜錯槍刀鳴霓旌似係單于頸獵騎如破  
匈奴營鵝鴞猙獍擗狐兔花廳躍龍驕在御弓圓明  
月金鏃飛妖狐中鏃駭天機兵師會合如波注山呼  
萬歲震邊陲東海爲樽盛美酒斟酌酒漿操北斗鸞  
刀割肉若邱陵軍聲怕如獅子吼三公拜舞百辟隨  
鳴珂飛鞚星離離雲舒二十有四燾傳宣罷獵整魚  
麗勝氣威聲歷千古堪笑驪山稱講武直館徵臣樂  
尾隨太平盛事今親覩會看金泥封禪儀拜章別獻

感六

七  
宜  
秋  
館

新歌詩歌詩何以容易進爲受文明天子知

咸平集卷第十九

京兆田錫

古風歌行

西樓殘月歌

西樓置酒賓客歡西樓酒闌夜亦殘  
汪汪月華如玉盤酒力不禁明月寒

倚柱吟

暮春慘慘黃昏雨零落櫻桃斜掩戶  
未張燈火簾幕深樓閣巢寒聞鶯語  
昔時常說長安好而今厭走長安道  
蘇秦辨說長卿才自笑功名胡宋詩紀事作何不早人

咸平

悄悄倚柱時情脈脈無人知  
憐春惜遠情不盡斜雨兼花閣濕衣

李暮吹笛歌

洛陽少年稱李暮眾推橫笛多功夫  
當時教坊第一部算得比衣皆不如  
天津楊柳籠橋綠隴月澹煙何處  
宿不怕金吾禁夜嚴偷得新翻禁中曲  
曲中次第能記持盡向橋欄閣譜之  
性聰心慧歸來習分明把向月中吹  
五音嘈噴相擬出呼宮吸徵尤奇崛  
誰羨曹綱善琵琶未說陽陶能竇粟  
纏聲不斷如連環重聲忽轉如迴山  
清新不比落梅曲飄飄乍象霓裳

翻碎節繁音交素驕南箕鼓風簫籟窄一斛明珠一

索穿撒落金盤催曲拍鉦撻大抵聲雄豪歷歷出羣

官調高豐隆驚得蚊虻起雨趁雲隨初嘯嗥每到換

頭多頓挫一聲忽迸疑轟破玲瓏祇許牙枝催清脆

不吝他樂和宮城響應聲更渾夜靜月明諸處聞何

人懶憶馬南郡知予已勝栢宋諱缺筆將軍明皇上樓初

聽得聽罷沈吟都不測宣令徧詢坊巷中旋使王人

捕入宮李暮悉心以實對皇慈由是寬其罪後來落

魄如散仙扁舟玩月江湖天繡囊探出金線管揚眉

舐脣徒自憐驚神動鬼吹一曲指法尤高氣海圓波

咸平

浪無風帖然靜千里水面鋪輕煙水族精靈潛鼓舞

老龍變見來相顧因將鐵笛相對吹李暮未識無驚

怖乃知藝但出眾奇不獨人知鬼亦知

峨嵋山歌

高高百里一屈盤八十四盤青雲端星辰淋漓瀉瀑  
布嵐樓雪寺五月寒殘陽忽黑雨雹飛霹靂火著枯  
杉枝登臨慨然小天下迴時一顧東海涯細看朝陽  
初出時火精轉毬百尺圍瞳瞳隴隴浮在水岷眉朝  
雲已如綺

采蓮曲

南谿秋水深淪漣南村美人來采蓮蓮花灼灼葉田田  
田芳桂輕橈蘭作船采采紅蓮幾成束蓮枝交袞相  
撐綠蓮葉滿衣金粉撲蓮子爲盃葉爲足唱歌相並  
畫舸舫願得采賢如采蓮樊姬昔時進燕趙幾人精  
彩朝霞鮮中有二人賢於己柔明婉順君王前堪嗤  
羊侃錦繡妾豔歌留怨朱絲絃

紫雲曲

沈沈鸞殿垂珠箔祥煙瑞氣含樓閣三十六宮明月  
中夜靜無風花自落寶屏珠帳一夢時靈仙初降趨  
丹墀煙衣霞綬赤瑛珮鈞天樂部前參差合奏鏗鏘

感九

三

向金屋云是仙鄉紫雲曲朱絃遠召舜湘靈鳳管應  
呼秦弄玉天漢星流夜旣闌露零珠樹形庭寒芙蓉  
枕上夢初覺猶聞庭際聲珊珊上曉五音十二律仙  
曲記持心歷歷金線龍頭紅玉笛新聲吹得情飄逸  
應是夔襄樂府魂翻得雅音聞至尊俾與霓裳羽衣  
曲遞相奏向梨花園

春洲謠

衣鮫綃兮美人采白蘋兮水濱曼翠翹兮爲飾步羅  
襪兮生塵絛解兮遠道萋萋兮芳草遠山眉兮澹掃

夜宴詞

天如瑟瑟盤恢廓億萬里古稱天傾西北半在地夜  
轉繁星磨海水逡巡轉上星彩高北斗未定光飄飄  
楚王夜入章華宴紅綃燭籠滿宮殿美人歌舞雲雨  
迷不知寒漏催銀箭

送春

花霏霏柳依依留春不住送春歸春歸何處堪圖畫  
春盡江南日暮時黃鸝啼多芳草遠青梅子重楊花  
飛人生三萬六千日與君復有明年期

暮雪

北風慘慘生微雪微雪片片皆橫飛梅花柳絮隨人

感九

四

歸黃雲千里凝無輝唯念蓬蒿何處客組袍不暖飢  
且羸

短歌行

曉月蒼蒼向煙滅朝陽熠熠明丹闕杜鵑催促躑躅  
開鷓鴣已鳴芳草歇芳春若不爲君留古人勸君秉  
燭遊願與松喬弄雲月紫泥仙海鸞皇洲

贈宋小著

紫皇御天方視事將擇靈官補仙吏金波古殿寒星  
簾虹節蜺旌觀就試白哲仙人皆雪衣衣冠森列蟾  
蜍埤寶盤初賜紅霞饌斗魁挹酒空淋漓水精地上



宮花折枝柯渥丹花豔白高於建木老於椿其名仙  
桂長含春又有驪龍長萬尺波濤爲屋淵爲室逆鱗  
滿頰如鋒鋸觸之則怒無人當旁有明珠夜月光宛  
轉炫耀生靈芒能探驪珠折得桂方許駉駕鳳皇  
方合碧落爲星郎所以房星之精姓東方字曼倩受  
天命佐炎漢昂星之靈其姓蕭其名何貴爲相封於  
鄭復有中台稱茂先讀書三十車乃爲晉朝輔相之  
大臣又有長庚字太白下筆一萬字是爲唐朝之後  
人予知下則誕而爲俊傑上則列之爲星辰君曾再  
對珠旒試君才堪作仙官吏驪珠粲粲蟾枝香紫煙

咸十九

五

華綬黃霓裳風裝雲馭憤升陟太霄滯海管翺翺願  
以橫天之鵬爲逸駕垂天之虹作飛梁馳雷走電以  
驚策叱風揮雨前啟行結水精珮雲錦章隨君一至  
於仙鄉

琢玉歌

藍谿中荆山峰結靈凝粹生羣玉飛英蕩彩如長虹  
野人初向深崖得蹋著雲根風雨黑滿把晶熒雪霜  
色特達天姿幾人識治玉之工初琢成熒熒輝彩鏘  
鏘聲方瑚圓璉薦宗廟蒼珉玄圭頌帝庭堯兵曾用  
丹浦戰漢斗已碎鴻門營我願琢爲北斗柄指麾五

星齊七政庶使陰陽造化機四時六氣隨吾令

咸平集卷十九

咸十九

六  
道  
秋  
節

咸平集卷第二十

京兆田錫

古風歌行

酬陳處士詠雪歌

頽川處士情高古，閑臥煙霞向南浦。忘却簞瓢陋巷貧，耽嗜琴書醉歌舞。昨日西風生凜冽，江天慘慘陰雲結。雲色蒼黃千里同，晚來旋旋飛輕雪。寒條黏綴生梨花，梅飄絮蕩相交加。危樓粉飾軒窗冷，橫橋玉碾欄干斜。高人嘯傲吟情動，醉拾江毫呵曉凍。狂才意度若元白，滿牋靈怪如麟鳳。因遣橋僮封寄余，門

咸平

一宜秋館

者稱有陳君書展開，詠雪六十字水晶盤中明月珠。字字纍纍可編貫，句句繚繚意不斷。恨無瑛瓊奉報酬，勝得美人錦繡段。君不聞吾皇在上致太平，地不藏珍天降靈。時聞刺吏奏河清，又報諸侯賀景星。君心幸有經綸術，休向江湖隱聲迹。雲眠雪嘯意雖高，爭似金鑿蓮本作門侍赭袍。不必虹綸十二幃，明月為鈞鈞巨鼇。

桐谿行

東郊驛樹連理枝，西廟叢篁十丈圍。堪將輕素命人畫，資為方物歸京師。公署石楠圓似蓋，畫樓北面當

廳檜桐谿怪石勝，太湖賤如泥土無人愛。天生爾材地且卑，空山老朽人不知。人不知，睦州石史作歌詞。

苦寒行

昨日北風高，霏霏滿天雪。千里六出花，六日飛不歇。深山深一丈，樹木凍欲折。平地盈數尺，布肆不成列。覆物生輝光，照人清皎潔。紫塞羣玉峰，滄溟白銀闕。篔簹竹為琅玕，松風篩玉屑。官吏來參賀，物情亦感悅。瘴癘已消除，豐穰及時節。長吏因疾志，請假來一月。病眼為寒昏，風頭因冷發。湯藥厭服餌，酒肉悉罷輟。夾幕映重簾，爐茵與衾褐。祿粟不憂飢，帑俸無之絕。

咸平

二

江海主恩深，素浪心激切。兒童溫且飽，當風泝凜冽。朝索暖寒酒，暮須湯餅設。不知有飢寒，燈火夜暖熱。越人輕活計，春稅供膏血。及至風雪時，日給多空竭。樵蘇與網捕，負薪冰路滑。口噤無言語，股慄衣疏葛。藜藿不充飢，凍餓多不活。慙惶襦袴恩，徬徨空殞越。因作苦寒行，聊與兒童說。

酬桐廬知縣刁衍歌

詔守江西新定郡，二年撫俗誰相問。白浪青山繞郡城，臥理煙霞稱嘉遯。帝鄉迢迢天一涯，子牟戀闕人不知。慷慨情懷何企慕，宋璟政事杜牧詩。六縣萬家

人輯睦魚鹽利人茶貨足公家事簡案牘稀芳草疏  
籬映空嶽楊柳湖邊觀釣魚芙蓉池上靜看書優游  
天爵浩然性貴如三人承明廬靖節先生來訪我欣  
然延入皇庫本作黃堂坐歛襟欲坐先發言捧出尺書雙  
袖間七軸好詞同跪授儒雅禮豐情意厚主人識鑿  
非延陵金石何煩榮固陋且真瓊瑤未暇看高談如  
綺有餘歡黃鸝百轉天欲暮客去斜陽已半軒焚香  
道院無人到風花拂几收真誥却取文編一一看南  
朝體制多淵奧兩軸七字五字詩珠貫纍纍樂府詞  
古於禪月畫羅漢麗於范蠡進西施議論精微窮理

咸三

三

窟賦詠升高能體物一篇序送周子通飄飄思若翻  
冥鴻自有滄浪高尙志因人命筆生詞鋒嘗聞水國  
清輝殿曾事吳王侍文宴田園未遂歸去來嚴子臺  
邊知一縣古人窮則善一身達則惠澤如陽春一邑  
生靈如受賜何須兼濟方爲貴金門吏隱能安身何  
必棄官爲逸人桐廬山水幸堪賞歌詩酬唱且相親

贈別琅邪評事兼寄兩制舊交

醴泉少府王評事秀氣神清好奇異讀書擊劍善彈  
琴仲容信是青雲器我從蜀國來咸秦長安久客多  
風塵因此移居清渭北與君在彼初相識相識經今

二十年支離契闊長相憶去年罷直西掖垣君亦醴  
泉方解官關中路遙宛丘道不遠千里來相看我忝  
淮陽知郡事郡齋喜聞嘉客至槐花黃時初到來菊  
花開時言欲迴主人苦留留不住爲君采菊登高臺  
高臺臨古道北走音奏漢書曰北走邯鄲道還京秋已老白日遠  
長安西歸出關天已寒神仙作尉道雖在骨肉爲累  
心且寬與君俱年五十一老去時光轉堪惜况今秋  
暮冬欲殘七十唯餘十八年未知十八年之間悲歡  
得喪與險艱到得七十卽爲幸此外浮生何足言明  
日正逢重九日未忍與君張祖席樽前新菊含露滋

咸三

四

茱萸丹實星離離茱萸擷芳菊延壽酒滿滿莫固  
辭淮陽郡吏若早替帝鄉卽有相見期兩制交朋若  
相問爲我勤勤多謝之

酬宋湜賈黃中二學士菊花之什兼呈諸廳

學士

靖節先生曾賞菊東籬有霜花正開翰林主人共原  
人庫本改賞菊北門吟詠有餘才一唱再和才力健兼金  
酬以瑛瓊瑰善歌使人繼其志遠寄淮陽知郡吏淮  
陽郡中方燕居跪讀重緘尺素書中有五章章八句  
復有三章同一處五章千葉菊花詞一章副翰學士

詩一章酬和季左司人前再讀與三復人從日邊初  
到時欽手先問諸學士駭目乍闕文字奇兩制別來  
今已久朝寄宛丘權太守眼底唯嫌簿領繁耳冷不  
聞騷雅言重陽錫宴不得與湛露空思奉至尊忽捧  
新詩若爲意聞詩勝得千金賜受知益感恩願深吟  
賞請言清麗致清如玉樹生天風麗若露花開錦宮  
水精盤中置明月絳火珊瑚枝葉紅珍則難酬青玉  
案文律詞鋒併化工因事喻懷堪自惜神化丹青與  
刀尺丹青暈淡刀尺裁先春雪中生早梅春饒桃李  
及時發牡丹占斷芳菲來芍藥羞人嬌且妬玫瑰倚

咸平

五

欄笑欲語帝里春從何處歸巫山雨散朝雲飛遺紅  
墮翠歸天下不失年年三月期天生百卉各有時彼  
何太盛此何遲兼葭蒼蒼凝白露西風蕭蕭向秋暮  
月華離落有霜華映籬叢薄生黃花花寒葉冷無蜂  
蝶固無寶馬與香車每因九月當重九暫時采擷浮  
樽酒金鈿浮動萬歲盃爲君慶祝南山壽菊不能言  
爲作歌金壺酒傾生綠波重臺千葉若堪賞栽培好  
近金鑾坡原誤

進瑞雪歌

聖德昭彰動天地歲歲豐稔爲上瑞明年有閏節氣

遲冬深有雪方及時三農但喜及時雪天心帝力豈  
得知臣忝頒條君近輔勸課農桑理與賦宛丘之下  
爲封部宣布皇恩愧襦袴王澤流而有頌聲因而拜  
手獻歌行歌云歲云暮兮日云暮白雲初向斜陽度  
斜陽輶掩雲舒布慘慘陰風生北戶風來帶得霏霏  
花花輕片片如瓊葩凍黏寒綴紛交加陌上逡巡鋪  
玉沙琪樹瑤臺相間出落梅墮絮初堆積映箔橫沾  
翡翠紋拂窗斜度瑠璃隙飄飄千里度龍山表丈蕭  
關與玉關海上銀臺對金闕水精簾櫳鑒明月萬年  
枝上夜輝光上林先似梨花發黎元有望既滿望手

咸平

六

足舞之而蹈之因思去歲在京師國家將議改元時  
時雪未呈盈尺瑞百神奔走應禱祈海風吹起澄江  
練織女金刀碎裁剪剪作天花撒翠微茫茫六合生  
光輝明月宮中玉杵霜兒擣藥雲母飛風篩乍似  
琅玕寶翔鸞飛下啄瑤墀金門廊廡龍尾道賀雪干  
官趁朝早吾皇爲喜表豐年六出飛花不令掃樞相  
侍臣初奉宣宣赴中書賜御筵光祿移厨供玉饌上  
樽賜酒中官勸宣令不醉不得歸席上仍令各賦詩  
詩成封進同奏謝御制歌行競傳寫拜舞歡呼感聖  
明千年遭遇作門生微臣忝幸在兩制得以歌詩樂

太平而今出典淮陽郡組綬輝華佩金印才微任重  
副憂勤履薄臨深守廉慎聖人德澤如陽春陽春及  
物無不均微臣懷抱如葵藿葵藿向陽堪喻身今因  
瑞雪獻歌詠西垣再願續絲綸

留別司中正學士

玉人欲歸留不住南山出雲作朝雨雨中却柅使車  
輪主人重得延嘉賓嘉賓有詩留別我句句高奇字  
字新新若新花凝宿露高似秋天曉星而奇於雲起  
成峰巒鮫人淚珠盈玉盤浪大月照如金線金線交  
加珠可貫玦離環台間珠圓風生玉步聲珊珊珍奇

咸亨

七

若此爲重賜齋沐焚香然後看三復吟看既忘倦命  
筆和來才思緩桃李難剛瓊玖珍野老美芹聊贊獻  
與君俱是錦江人今幸星輅來過陳鄉情交分忍輕  
別少留可待早秋辰秋光月華伴行色步步隨君歸  
紫宸

代書呈蘇易簡學士希寵和見寄以便原諫  
矣庫

本題之于郡齋也

金殿嘗聞金口言詞臣官職是神仙三年偶忝西垣  
職致身似得文章力感激思酬聖主恩危言所以難  
緘默出入金門與玉堂屢因狂直拜封章禦戎救早

無上策言詞不足動君王改官出職歸郎署榜闈正  
秩慙叨據仍命淮陽頒詔條元正不得與趨朝中書  
舍人捧寶策加美勳稱尊帝堯大明殿裏上壽酒翰  
林學士先羣寮獨有淮陽知郡吏爲典郡符蒙借紫  
閣門引謝正衙辭撰日念公辦行李都門柳色早春  
天繁臺寺中排祖筵誰至滿勸不惜醉醉別上馬魂  
黯然客心易感須如是迴意故國三千里子雲相如  
俱蜀人我今五十君青春春秋鼎盛正清貴我年漸  
以下坡輪下車猶未踰期月官舍初經禁煙節殘陽  
乍聽吹角聲臺榭梨花簇香雪獨酌不歡何所爲孤

咸亨

八

懷無緒懷已知十八學士相念否應笑骨凡格且卑  
地仙敢言謫仙宦海槎却有上天時陳州去京地不  
遠莫惜音書來慰勉若得工夫可作歌歌中言語不  
厭多畢三情旨頗似我向二宋四及李大請與副閣  
王舍人呈似此歌希唱和庫本此下有小注二十字  
云畢相士安向相敬中來

送韓援赴闕

逢君南浦落花時送君南浦草離離魂自與白雲  
斷兩槩去時乘夕暉昔時漢家稱八使登車便有澄  
清意吾皇宵旰念黎民歌詠皇華遣使臣昭文館殿

選學士廵撫使名號新二人分得淮南道人自日  
邊來既早敷宣朝旨達君恩淮陽父老私有言言逢  
太平歌且舞利病達聰皆悉聞我昔南宮與西掖後  
來謫宦爲遷客慶澤量移往單州長淮塗次泊孤舟  
昌黎工部未相識一見怡然如舊遊詩酒論交各相  
許何如李白杜工部海上往來將月餘煙波寄詩兼  
寄書書裏情深若江漢詩中意重若瓊瑤今說歸京  
忍輕別別夜波光蕩明月若到朝廷話鄙夫爲說子  
牟心戀闕闕下交游憶者誰翰林蘇軾韓損之韓不字損  
之憑君與達相思意夢向金鑾歎北扉

感二十

九

思歸引

河朔受詔書移官向湖外初問禁法茶次問丁身稅  
稅口徵四百茶利高十倍老死及充軍縣籍方消退  
采摘不入官公家定科罪何以升平時遺民猶未泰  
何以在位者興利不除害我願罷秩歸天顏請轉對  
一言如沃心恩波必霽霽

歸去來

歸去來詩不云乎王事一埤遺我兮終日孜孜心力  
疲勞齒髮衰爾今已年五十二前去七十幾多時爾  
性雖拙頗好學爾才雖短頗好詩文學歌詩之外非

樂爲金門玉堂若無分隨分官職胡不歸苟能遺得  
婚嫁累又何苦憂伏臘資爾不聞仲尼曰飯疏食飲  
水曲肱而枕之樂亦在其中浮雲富貴非爾宜表聖  
表聖爾當念茲而在茲勿使無其實而有其詞爾若  
捨靈龜而觀朶頤無乃見爾癡爾癡

感二十

十宣秋館

咸平集卷二十

咸平集卷第二十一

京兆田錫

頌一

河清頌 并序

臣嘗覽圖謀曰河千年一清聖人之大端也考鄜元之水經稽夏書於禹貢洪河千里一曲上應雲漢發岷山而疏砥柱貫中域而注滄溟駭浪朝宗通濁涇而一色靈長薦祉帶清渭之澄澗所以彰睿聖之乘時表升平之應運自陛下臨御十有三載以堯舜之道行風教以文武之德化要荒禮讓興而刑罰清兵

咸平一

宜秋館

革偃而邊防靜五星不差於軌道百穀屢報於豐年信及豚魚應大易中孚之象仁敷草木協國風行葦之詩諒壽域之可躋宜華封之來祝是以功成則韶護之音必作理定則俎豆之事畢修方潔祀於先農式告虔於后稷青壇翠幄列於國門之東葱蒨縹衡實彼公田之次五輅南轅之在馭三推御耜以將親粵若澶淵之濱雷澤之潏獻歲發春之五日東風解渾本互作凍於增冰初漣漪以成文旋浩渺以交漾澄清見庶榮光襲人沈潛可鑒於游鱗浮動遠涵於瑞日守土之吏乘輅之臣曾父老以載觀馳賡章而上達

聖恩宣示瑤圖讓德於圓靈臣下歡呼金門拜表以稱賀百執事蹈舞以就列億兆眾歌詠於逢時豈不以立德升聞而象緯呈休王澤旁流而山川薦瑞矧太史鉤盡之經瀆桃花竹箭之迅湍人壽之言古賢惜其難俟靈源之異聖出慶於榮觀與夫芝房寶鼎之歌瑤騫醴泉之詠豈同日而言哉臣忝竊代言慙非稱職歌時樂聖合陳葑菲之詞載筆侍耕得紀河源之瑞頌曰

咸平一

二

漢國慙為帶滄浪愧濯纓鑿人曾爽澈潤物達句萌明月兼淮映榮光向海傾王正春尚淺帝甸雪初晴萬國觀農祀千官侍御耕奏章馳象魏拜表會公卿薦祉臻川瀆言祥自水衡出圖同表異習坎象持盈珠濺龍門溜雷奔砥柱聲宜清渭合湛可玉壺盛更顯皇猷洽彌彰理化行百王堪讓美三代豈稱英深廣源流遠涵濡品奠貞土膏承積澗水澤効殊禎羣后思東觀吾皇符告成徵臣獻詩頌葵藿比忠誠

藉田頌 并序

國家嗣位之十三載王道清夷邊防靜謐時和歲稔

遠至邇安藉田可復於坊耕后稷宜修於祀事足以  
勸三農之本備九年之儲貴戚知稼穡之艱難宗廟  
亨粢盛之豐潔於是坐朝堂以端拱召公卿以就列  
謂三事大夫曰邦國之本惟民也黎元之命惟食也  
使男有餘粟女有餘布老者得衰羸之養少者知耕  
稼之勤衣食既豐禮節自曉然後風俗易化刑罰不  
用無乃為王者之所務乎羣心允諧百辟聽命由是  
金門曉闕御札初下布告自邇以及遠號令雲行以  
雨施翌日命宰臣昉曰藉田大禮爾為之使俾禮典  
詳而樂章備百職舉而千畝修又命翰林學士宋白

咸二十一

三

賈黃中曰爾等司公草於禮儀典導從於鹵簿然後  
百執事駁奔走各奉其職無曠厥官泊獻歲發春乙  
亥御辰農祥晨正農事將起六宮獻種稷之種千官  
從耕藉之儀金輿玉乘和鸞萬騎以翼衛東郊南畝  
華夷億兆以駢闐觀我冕而朱紘躬秉黛耜游庫本  
場染履御于三推公卿大夫自五至九庶人終畝禮  
容皇皇若煙非煙和氣翳鬱拂青壇而映翠幕藹春  
野而麗朝陽旣而奉常變六樂之懸太僕進六駢之  
轡金輅盤纓之次列黃麾羽林以馳驅迴御鳳樓揭  
雞竿而赦天下所謂聖人作而萬物覩王澤流而頌

聲起臣職居禁掖才愧司言願續誥以非工竄禱潤  
色因待耕而獻頌用慶升平美盛德之形容紀皇猷  
之萬一也頌曰

聖主文明 時方太平 四鄙無事 萬邦咸寧  
貫索星稀 所以措刑 泰階文符 可以偃兵  
物俗丕變 禮讓興行 條風塊雨 年惟順成  
屋粟里布 歲有常征 濟濟之眾 蚩蚩之氓  
若登華胥 若造大庭 藉田之禮 歷代久廢  
乃下御札 宣示中外 乃命有司 詢謀經制  
祖述三皇 憲章五帝 蠲潔之享 割牲奠幣

咸二十一

四

清明之誠 三酒五齊 后稷豆籩 先農壇陛  
鐘磬羅列 冠劍繁會 千官侍耕 諸侯助祭  
居靡都鄙 人無華裔 疊迹駕肩 拑裳連袂  
觀我耕藉 勸民樹藝 布德覃恩 行慶施惠  
惠澤霽流 天光下濟 禮儀彬彬 文物皆新  
聖德動天 至誠感神 嘉雪應候 和氣先春  
梅飄灑道 絮落清塵 馳道若砥 列壠如鱗  
鹵簿雲羅 車旂星陳 輝輝煌煌 闕闕麟麟  
三推禮畢 五輅迴輪 普天之下 率土之濱  
知我勸農 悅我為民 彫幾返樸 風化還淳



廟祧之享 黍稷之辰 蕭茅鬯酒 藉田而有  
黍稷稔盛 藉田而取 潔其簠簋 豐其俎豆  
致享藝祖 展禮先后 祝史正辭 神降之祐  
繁祉來宜 戡穀允受 時歲豐穰 生物暢茂  
帝王之孝 永言在茲 黎元之本 莫重於斯  
惟倉惟箱 如京如坻 有醴有醑 爲盛爲粢  
神既歆之 民實賴之 臣參詞臣 官爲右史  
因獻斯頌 得以言事 鄉飲之禮 行之甚易  
庠序之學 復之可以 古典鬱堙 由人振起  
千載一時 允謂昌期 時不再來 臣實惜之

咸三十一

五

登封降禪 願陛下行之

太平頌 并序

聖朝垂統十有八載皇帝以仁賢之德由晉邸而卽  
大位嗣王業而承廟祧天地氣和日月貞明協千齡  
之會昌應萬民之推戴昔舜有大功二十而堯以鴻  
圖付之漢文以五讓天下而公卿大臣立之推魯史  
之遺文得漢家之故事傳功比德吾皇兼之稽義文  
出震之格言徵戴禮向明之大位黃麾列仗洪寶傳  
國百辟山呼而稱賀萬方波朝而會同一之日覃連  
山作解之恩布率土膏災之令與民更始趣物於新

號令一發罪繫咸釋雷霆振幽滯江海蕩痕瑕自華  
及夷逢時樂聖聲悅成歌頌形動爲鼓舞易不云乎  
天地革而四時成聖人作而萬物覩也書不云乎民  
非后不父后非民不立律曆有五勝之策圖讖應一  
人之運夏后得內禪之禮周家稱太弟之賢公劉積  
仁然後武王成王享大位高皇撥亂然後文帝景帝  
致太平晉以金德王而孝武稱賢唐以武德取而太  
宗好理在原作或庫本改淵或同躍所以見王者之興大明  
方融於是喻聖人之道自天厭唐德昭宗失國四海  
九州瓜剖豆分朱氏稱梁石家號晉居於岐者有僭

咸三十一

六

王之車服據於鄴者擁圖霸之甲兵金陵繼闔廬之  
雄南海有尉佗之盛湘潭咫尺與中國稱鄰庸蜀險  
固以一方自大天子之守不過三千里諸侯之兵何  
啻八百乘中原鹿走高材得犄角之名海水鯨飛黔  
首困懷襄之害或暴秦之祚纔二世而亡有夏諸子  
或再稔而謝夫差劔盾修武備以方勤叔孫豆籩飾  
禮容而未暇不有天命國何以興未遇真主亂無以  
弭玄穹所以睠命皇宋於焉勃興獄訟謳歌捨丹朱  
而歸舜禮樂征伐黜諸侯而尊王強本弱枝兼亡取  
亂自茲始也初則滅李筠於澤潞次則覆重進於維

揚南平荆門西舉劔閣命伏波之將以清嶺表詔樓船之師以克江南係三僞主生致闕下求諸前代罕有威武若斯之盛也故匈奴畏服而請吏南蠻奉琛而納款雖先朝之英武底窳寰區由吾君之密謀贊成大業昔魯衛爲兄弟晉鄭稱昭穆咸能夾輔王室保扞宗周而春秋紀其勳也昔唐祖革隋由太宗之功明皇滅燕賴肅宗之力靈區果大定宗社乃再安故實錄紀其事也仲尼稱其或繼周者雖百代可知披皇圖而稽帝文揚英聲而騰茂實堯有天下以文思允恭之聖得邦國社稷之臣始以義和爲日官次

咸三十一

七

以重華錄大政曰垂庫本作棄曰契克諧俞往之言曰夔

曰龍盡協疇咨之命所謂精求理亂明辨凶賢眾賢

既登庸四凶遂流竄然後土階三尺茅茨不剪垂衣

而天下理不亦陶唐善政太平乎洎舜格藝祖纂堯

之績輯五瑞以來羣后巡四嶽而省輿民協時月之

無差同律度而必審聰明咸達樞機不雍猶謂其臣

曰予欲左右有民汝翼予欲宣力四方汝爲華蟲藻

火之文以汝明之六律五聲之音以汝聽之猶以上

之過失或未聞下之謀猷有未達法謗木之求理建

善旌以表誠語曰舜無爲而理又曰韶盡美矣又盡

善也斯乃有虞之克肖唐也至於禹勤力於溝洫致美於綬冕設虞求讜言之善泣辜見卹物之仁拜伯益之昌言誅防風之後至傳曰微禹吾其魚乎語曰吾無間焉大哉湯革夏政應乎天順乎人用王者之干戈救生靈之塗炭肇征葛伯四國悅之後戰鳴條天下尊之設總街之大庭訏謨畢至解野人之密網曆數攸歸書曰東征西夷怨南征北狄怨斯所以見禹湯之致雍熙也雖典籍所備載今古所熟聞然則遠取前王近方聖代則堯舜爲帝道也禹湯爲王道也舉是四君子而比萬乘主且何愧焉曠數千載之

咸三十一

八

間踰七十君之盛中有漢氏稱刑措而不用迨至唐室有四釋而自還亦足方駕皇風並驅大道臣今謂繼唐者非大宋乎自陛下臨御以來天下之目顯然觀朝廷之所行天下之耳專然聽國家之所務陛下果以天爲貌以道爲心以萬民爲體以六合爲家謂三王之禮不相沿五帝之樂非相襲或因仍舊制或釐革故事發先庚之教令施渙汗之恩私始以宣邊爲遠圖次以納諫爲切務振幽拔滯旌賢進能蠲關市之征勉農桑之業哀悼寡惻隱困窮禮高年尊有德封樹降漏泉之寵室家覃疏邑之榮王言如絲

其出如綸不終朝而詔下朝堂未及夕而令敷國內  
纓浹旬而恩均天下宜乎至和之氣感於天地不測  
之神發為禎祥六辯弗迷四溟無蕩五緯燦編珠之  
彩三階若懸衡之平雨流潤以如膏雪盈尺而呈瑞  
闔闔風來而應候貫索星稀而省刑太史銅渾不失  
陰陽之節容成玉曆遂更正朔之文驗休徵考洪範  
善謀則時寒自應霽聖則甘澤不愆斯皆德動天以  
昭彰物有感而通泰語封疆則東際桑林之國西走  
葱河之道日南萬里設都護以懷柔漠北五原化單  
于之獷鷲有以見王者無外書軌大同豈止代馬新

感三十一

九

羈願備六閑之御名羣入貢來稱九譯之朝論都邑  
則陳留古封商丘雄地仰渾儀則房心之分按地圖  
則豫州之域左控齊魏右引淮湖關里開以綺紛湊  
舟車以鱗萃皇居壯麗信威戎而憚夷都人雜遝實  
駕肩而擊闕閱文物則司徒以七教理兆民樂正以  
四術教胄子賢良待公車之詔俊造升天府之名煥  
然若重離之明炳焉得奎星之象諒千古之下與三  
代同風班馬文章列芸閣麟臺之次嚴吾侍從居石  
渠金馬之中觀武備則精兵三百萬功臣二十四世  
祖兼昆陽之眾曹公得劉琮之兵是以軍容益嚴國

威大整雖四鄙無事靈臺有偃伯之期而三農之隙  
司馬有教戰之法比夫驪山講武陋唐世原作紹之  
庫本改  
草儀澤國觀兵鄙楚君之憑軾言盛禮則君尊於上  
臣肅於下法厚坤之有別本太一以為容民得之則  
父子親而兄弟和國用之則祭獲祥而戰必勝然後  
以車服而別之以爵勳而辨之以珩珮和鸞以聲之  
以黼黻絺繡以文之故百官象物而動九貢不戒而  
至聽雅樂則五音正六律和用於方澤而地祇升奏  
於圓丘而天神降振作于廟知祖考之來思錫洋于  
庭感鳳皇之戾止朱于玉戚兩階見象武之容樹羽

感三十一

十

崇牙六佾辨用文之德詳制度則明堂為布政之宮  
太社為禮神之本金城儼百雉之峻天門踰兩觀之  
崇謁靈臺以觀常文闢太學以優儒教連營葦布若  
羽林之四十二星列署鱗差比太微之三百六位驗  
豐富則全齊曰魚鹽之國右蜀為金碧之府南越出  
珠貝北燕多健馬國家既網羅六合庭衢八荒異物  
內流而國用饒萬貨均輸而公帑富隴隋文之儉德  
稱有羨財輕漢武之事邊犂興徭算較版籍則既庶  
矣又富矣所謂積於不涸之倉務稼穡也藏於不竭  
之府勉桑麻也皆陛下躋之仁壽之域導其生殖之

源故比屋可封外戶不閉仲尼觀蜡退而稱三代之英伊尹持衡慨然慮一夫不獲語臣寮則廟堂之上得賢相也三軍之師皆良將也可以侔周之十亂虞之五臣儒雅雍容登瀛洲而論道英雄慷慨畫雲臺而紀勲功成理定既如彼禮備樂修又如此陛下猶以本枝百世封建親戚恩之先而禮之大者也乃謂侍臣曰昔周王涖祚以輅車旌旃夏后之璜玉封父之繁弱迫闕鞏之甲密須之鼓姑洗之鍾商民之族以爲分物用彰國家之庸而賜諸弟封伯禽於魯封康叔於衛封唐叔於晉左史書之至今主稱爲美事

咸三十一

十一

朕於是命有司陳玉策冠劔函簿鼓吹以營巨四履之國封皇弟爲齊王又命太常以金輅請旆柅圭瓚疏鷄首千里之封遷侍中爲京兆尹又命禮官以虎符獸節赤芾金舄分南梁十四郡之地升太保爲興元連帥信堯親九族周重宗盟楚國析珪稱莊王之九德漢家刑典非劉氏而不王宜乎皇基若磐石之安宗室比維城之固庸知卜代之吉何止於三十年之永將踰於萬齡君有威儀而可尊臣有禮法而可仰天下無事海內有截皇風蕩蕩尊盧赫胥之朝民物熙熙柏皇陸粟之世脫寶劔以賜騎士却駿

馬以駕鼓車惜中人之產而罷露臺愧吳芮之心而賜几杖集書囊以帷殿列諫疏於御屏觀明堂以去咎刑畫衣冠而別有罪野老或不知帝力公卿亦耻言人非行萬里不持寸金消五兵可爲農器海牛南臥遠夷占以來朝楛矢東歸旅宰司其所貢魚在藻以遂性鴉食椹而懷音瑞露凝甘降竹柏之上景星垂象助晦朔之明器車知厚載之仁丹甌表將豐之兆莫生近砌因更月而呈芳蕙在中包軍作萃長華房亦無風而自動書曰魚鼈咸若詩稱行葦不傷由庚蓼蕭悅適人之見采芝房寶鼎流樂府以登歌信宗廟之

咸三十一

十一

垂靈當天地之交泰攸宜垂黹纘凝冕旒棲神於穆清守道乎玄默遊大庭以怡睿覽升姑射以適皇情於是三事大夫率百職卿士秉栢圭以就列委蒼珮以颺言曰陛下德掩前代功格玄穹古稱因天事天因地事地封禪之禮歷數十世而無覩焉天其命陛下修闕典秩無文哉不然安得民和神悅兮若是乾符坤珍之畢臻臣等遐詳舊儀得之新禮欲願陛下觀羣后於東國展嚴禋於岱宗命虞官相高卑之儀詔掌固施表著之次泰壇三龔祠昊穹之神圖陞四周列衆星之位雲門大獲施於重壇之中句陳執金

周於四門之外玉輅金根翼於道殊珍泉寶旅於庭  
庶邦冢君四夷首長環天壇而序立飲飛之將羽林  
之兵衛禁署以增威於是宵漏未盡中嚴外辦服冕  
表而上征鳴玉鸞於太清祈昭嘏於萬靈布福壽於  
羣萌探金策以受神休原作林庫本改封玉檢以成大禮然  
後勒丹碑於雲際霈玄澤於天下以彰盛烈也不使  
七十二君獨美於古先也皇帝嘉庫本作秉忠誠之懇禱  
而猶懷謙德而未報既而聲聞於外下臣得之於道  
塗不覺抃蹈以爲美盛德之形容無先於頌雖非才  
之無取幸昌運之重熙願以詩聲揚于王庭曰

感三十一

三

德厚稱帝	仁勝爲王	仁德兼備	謂之三皇
天命靡常	邦國其昌	吾皇嗣位	南面垂裳
左唐右虞	超周掩商	大業於鑠	鴻名焜煌
二儀幽贊	羣靈協祥	河圖啟瑞	洛書含章
運逢交泰	時來允臧	君明臣賢	禮備樂詳
書軌大同	貢輸相望	風雨弗迷	黎元咸康
至和之氣	感天之陽	日流嘉彩	星垂瑞芒
三香之茅	茁然呈芳	九苞之鳳	飄然來翔
堪備縟禮	升告穹蒼	泥金載密	燎煙高颺
鸞車珮衣	交鳴鏘鏘	天靈地祇	降福穰穰

用顯我皇 太平昭彰 億萬斯年 永永無疆  
武有七德頌 并序

聖人守法度以信禁過差以義剪禍亂以兵示人之  
誠惟信爲速感人心之惟義爲速濟信與義惟兵爲  
速兵不可弭堯舜猶用之以禁暴武不可黷湯武猶  
敢之以愛人故周禮則曰兵有九伐魯史則曰武有  
七德兵者利用也生殺賞罰出於己旌旗金鼓榮於  
目摧堅破剛快於意苟不以道德仁義主張牢籠以  
彰明武德則濫戾之過返諸己而驅除之柄在於人  
也夫物之不附由曲直相戾人之不親由間隙所生

感三十一

五

間隙既生曲直不入則情離意逐心越意去聖人以  
兵附而麗之合而會之兵猶器也歛拂戾違慢之國  
以納諸器而提挈以致霸王之業其在周易象曰頤  
中有物噬嗑比天地爲頤也萬民爲頤中之物也聖  
人以甲兵爲齒牙噬而合之乃能通也小則以五刑  
而大則以五兵威而懷之使心不離糾而合之使意  
不散所以大國畏其威而安靖也小國懷其德而慈  
和也昔周德下衰經武之柄爲齊桓晉文所用是以  
徵包茅示禮遷邢器示仁伐原示信蒐軍示義故魯  
衛宋鄭曹邾杞郟以土地封畛之大小貢賦藝極之

輕重奉齊晉以司盟瞻齊晉而爲命蓋服有禮而畏  
有法也在二霸猶然況聖人暢之如天載之如地燭  
之如日月涵之若江海所加之兵所臨之國非土地  
是貪惟封疆是正非玉帛是取惟職貢是徵非威武  
是耀惟凶慝是服非震怒是逞惟教告是明觀其以  
兵除害所以見禁暴之德也以順爲武所以見戢兵  
之德也有功而不伐所以見保大之德也克亂以策  
京觀所以見定功之德也所務不違民欲所以見安  
民之德也興廢繼絕所以見和衆之德也動不耗國  
所以見豐財之德也暴既禁則兵可戢兵既戢則大

感三十一

五

可保保其大則功可定定其功則民斯安民既安則  
衆自和衆既和則財乃豐強兵之本在農務農之本  
在民安民之本在德兵與農交相養德與刑交相用  
利與害交相生聖人觀象而動非七德不妄動也聖  
人見可而進非七德不妄進也故詩人美禁暴之德  
則有於鏢之詩在也美戢兵之德則有載囊之詠在  
也美保大之德則有九王之篇在也美定功之德則  
有耆定之章在也美安民之德則有釋思之什在也  
美和衆之德則有綏萬之歌在也美豐財之德則有  
屢豐之頌在也今國家德兼於堯舜功高於湯武苟

不形容盛德蹈舞頌聲則亦司言之罪也敢拜手獻  
頌云

於鏢王師 煌煌其武 如龍如螭 如熊如虎

以道以德 爲鉞爲斧庫本作鉞 以仁以義

爲干爲櫓 惟亂是伐 惟凶是取 能禁其暴

削其土宇 能戢其兵 肅其部伍 善保其大

仁信周普 克定其功 禮樂歌舞 聿安其民

惠若時雨 撫和其衆 衆實安堵 既豐其財

實乎斧戾 言有訓誓 伐有鍾鼓 以威以懷

以招以撫 柔亦不茹 剛亦不吐 孰爲厲階

感三十一

五

孰爲怨府 如工理木 如農事畝 正其微墨

以合規矩 去其稂莠 以養稷黍 爲黎庶君

作諸侯主 萬方黎元 莫予敢侮 小臣獻頌

願播樂府

祝網頌

昔夏王縱暴庶民罹毒痛之災成湯修仁四國有旋  
歸之意雖空桑之子來翼霸圖而九戎之兵尙爲桀  
用非至仁無以克敵非全德無以勝妖至仁伊何澤  
及草木全德伊何信孚禽魚故盤有銘而敢憚于勤  
兵以律而得以專討葛伯有弗祀之過農夫值奪餉

之仇湯於是始行問罪之征用慰來蘇之望諸侯聆  
之而胥悅生靈悅之以知歸所謂三分天下而湯有  
其二猶以為桀雖溢惡而君不可伐靈茅銛戟未興  
時雨之師神蛟應龍已有躍淵之吉一旦飾高蓋以  
言邁適郊原以肆懷觀山澤之虞人形殺心而祝網  
曰自天之降從地以出四方來者皆入吾網湯聞之  
曰嘻盡之矣非桀之徒歟孰能與於此乃命解其三  
面更教之祝曰欲左者左欲右者右高下如之吾取  
其犯命者於是漢南諸侯咸聞帝乙之言蓋知聖人  
之德由是鼓舞以慕化歌謠而歸亳一時而至者凡

咸三十一

七

四十有六國書曰惟天輔德其命靡常宜乎順天人  
合發之機膚屠數在躬之運進破安邑遇戰鳴條陳  
逆順以香師康皆聽命以寬仁而伐虐誰不歸懷遂  
俘至於三讓乃擢圖於萬乘考緯誓之據實稽瑞牒  
於前青有自靈銜鉤黃魚化至視拱穀而妖亡福屆  
原作或 廟本 廟本 廟本 廟本 廟本 廟本 廟本 廟本 廟本 廟本  
命之符赫奕而尚懷慙德惕然罪已豈非聖人以至  
公而大權自獲因勞謙而徽號難辭雖云解密網於  
一時原作夫 其實示深仁於萬國法天道恢疎之家  
見君恩皆肆之懷蓋禮有三驅釋前禽而不取法踰

再赦當撤懸而弗張原本 足以知有商懷惻隱之仁  
後代仰高明之德事在世紀安敢忽諸因作頌以美  
之曰

網罟之設兮蓋取諸离以畋以漁兮必戒乎時桀惡  
日侈兮民心益離湯仁天授兮曆數攸歸解中野之  
網兮更其祝詞諒好生惡殺兮示君父之慈宜其享  
天祿兮垂千古而是思

五聲聽政頌庫本有并序二字

昔文命事堯之明受舜之禪大功赫奕炳於日月至  
仁涵濡霈若雨露然以堯之聖猶以謗木聽於人以

咸三十一

末

舜之才猶設善旌求其過况我臣於唐乘四載而平  
水土嗣於虞觀七政而御曆敢忘踵其懋德師其  
明規於是設五聲以示誠俾羣賢而納誨故題於簾  
曰教我以道則鳴鼓告我以宜庫本 則撞鍾示我以  
事則振鐸語我以憂則擊磬告我以獄則揮鞞五音  
在器五器在懸設於朝列於庭外以示國人內以示  
庭臣食土之毛居土之濱在予之化爲予之民苟有  
道有宜有事有憂有獄必從予而伸必率意以陳堂  
雖深於千里善意嘉謨不得不聞天雖高於九重芻  
言蕘詞不得不達享予之祿立予之朝唯予職是守

唯予過則規苟有道有宜有事有憂有獄必從而言  
必面而諭雖憚犯顏而良規嘉畫不得不聞雖畏直  
諫而忠誠赤心不得不見符箒之設有所取象天有  
五緯國有五教君有五官臣有五諫欲召五諫遂設  
五聲聲如五達之衢廓之而無壅諫如五土之民懷  
之而則來鼓之音博而達故使教我以道者鳴鼓而  
言焉鐘之音屬而整庫本屬作厲整作切故命教我以宜者擊  
鍾而達焉鐸之音流而不蕩故令教我以事者振鐸  
而述焉磬之音哀而思故勅喻我以憂者擊磬而伸  
焉鞀之音慘而急故詔示我以獄者揮鞀而至焉處

咸二十

九

至尊之位持思理之心聞其摯擊之聲知有睿諤之  
人耳則矍然心則惕然或投袂以起或推几以出或  
仄席以待或怡顏以接所以下之情無不通也上之  
過無不聞也是知聖人位愈高而心愈慎當懷襄之  
際墊隘是懼慮萬物汨為萍藻憂萬民化為鱗介堯  
咨于朝鯀殛於羽水土之職我專其任溝洫之勤我  
致其力聞昌言而必拜聆呱泣而弗視天鑒其勤神  
贊其功圖出于河書出于洛蒼水使授以秘籙淮渦  
神鑱於深淵一旦百谷皆導而順流九州大同而交  
泰偃豬之地化為沃衍隰臯之土鞠為芻牧土有柔

桑田有嘉穀所謂聖人有巨功天地也有大資於生  
民也堯既錫以玄圭舜乃授之大寶定公有微君之  
歎宣父伸無間之言然猶日加慎也夕加惕也慮政  
有闕恐過未聞籛是建五聲采衆善衆善既至萬機  
聿理名愈崇德愈隆道愈彰惠愈洽禹迹萬里禹謨  
斯在鼓鐘之器筍簞之用與夫考擊於樂府振作於  
公宮特異也退頌聖德以彰鴻勳頌曰

立大功兮享大位慎其終兮德不匱菲其膺兮厚祭  
祀惡其服兮美黼展猶詢賢兮以自樹欲問道兮常  
自裕羅五聲兮啟諫路用羣材兮爲國輔幹於道兮

咸二十

三宣秋節

邦彌阜基於德兮名轉固不然安得聲爲律而身爲  
度

咸平集卷二十一



策對一

制策

皇帝若曰國家承五代亂離之後稽三王質文之變太祖以神武定天下太宗以聖文化域中萬里封疆復禹舊迹二聖功業與天比崇德化所被靡不祇若日月所照罔不率俾自開創致升平迨四十年矣朕以寡昧嗣纂大位遵守先訓慮弗克負荷夙夕未遑寧居惟萬務之幾微鑒燭未明中心浩然罔知攸濟

感二十一

一宜秋館

兢兢業業五載于茲矣鎮撫夷夏康濟黎元雖下承成規事仍舊貫庶政用乂寓縣久安屢降詔書旁求謹議五日轉對亦復往制尙慮君子難進嘉言攸伏故詳延賢良方正之士咸造于庭欲聞經國之謀輔原闕庫本補時之策明予于大道致予于至理今予大夫其發揮理本揚道要言又庫本作曰從朕敢忘洪範之訓噫大道之行三代之英仲尼其猶喟然又書不云乎克念作聖孟軻曰堯舜亦人朕永惟皇王之理思復三代之迹堯民比屋可封舜韶鳥獸率舞夏后魚鼈咸若文王虞芮讓畔何千古難繼其或繼之者

厥道何從厥理安在其次適時之務安可忽諸今三邊無虞重譯入貢制獫狁自古無上策禦姦究不得已而用兵方求聞所未聞得所未得慮黠虜乘間屢來騷邊遷賊負恩罔畏干紀致勞征戎每煩供饋供饋出於民力征戍資於國用專利山海殖貨關市或譏王道之未融豐財於農桑節用於制度其如邊備之未足斯二途取捨其術安在又古者十一之稅秦氏庫本太庫本半之賦其按田收租始自何代計口定算肇於何時春秋曰近鹽庫本公室乃貧管子曰謹正鹽筴其義相反何所適從又勤郵人隱奉若天道而

感二十二

三

間歲以來陰陽不和水旱作沴寒暑罹於疾疫歉儉致其流亡夫安上理民禮樂爲急禮以本天地樂以和神人豈陰陽之或差致水旱以作沴札瘥天昏流庸浮冗無乃禮樂之用其未至乎嗚呼上失其道民散久矣講議禮樂子將疇咨觀禮以知興亡審樂以明理亂非賢臣弗達子大夫懷才抱器學古待問知已慰薦副朕所原誤求各罄爾之所長交修予之不逮敷之條對靡有所隱

試同人策

問君子之儒貴乎博學者所務先乎辨疑吾子各著

奇能榮來庫本觀國願以咨詢之志樂闢辨博之詞  
三皇之名互言靡定五霸之號所載亦殊堯知縣凶  
何以用之治水舜事父孝何以不告而娶范宣之讓  
能易變厲之心文王之仁不變崇侯之惡皇舞用於  
何際甲曆起於何時良平之功與謀何人最善韓柳  
之文與行孰者為優漢高稱善御英雄何以致韓黥  
之叛周公有信睿之聖何以生管蔡之疑幸略為於  
指明冀用祛於憎昧

二

問皇家創業垂二十年平楚取蜀係吳破越復三代

感三十一

三

之王略消羣凶之厲階正朔遠頒恩信大布外域爭  
輸於貢奉云亭方俟於登封然念三晉遺黎未霑皇  
澤一方鉅盜猶保孤城世宗興問罪之師大勳弗集  
先帝有平凶之志聖策未伸觀往古之用兵實研幾  
於料敵山川形便始務諳詳攻守利害必精計畫昔  
晉宣決勝以周期而可取壽春充國圖邊請益兵而  
方濟戎捷揣摩之術毫釐靡差國家以德懷來用眾  
敵寡位獻俘於宗廟方擇善於臧謀子大夫久練時  
幾雅稱國士願畫蕩平之策勿陳游誕之詞

私試策

第一道

問國家奄有中區誕敷文德考河圖而拓地象率土  
皆賓蒐兵實而閱武功遠夷咸伏葦爾并土猶怙堅  
城興周宣六月之征尙聞逆命用虞舜兩階之舞無  
以懷柔子大夫榮與國華久諳方略願聽蕩平之策  
以觀經緯之才

對

對庫本無此字兵貴伐乎深謀妖不勝乎盛德仁修而擴  
驚自化備設而攻取無疑我國家丕建洪圖垂二十  
載先朝以神武之略蕩定天下吾皇以聖文之德撫

感三十二

四

育中區萬方咸賓九貢來底蠢茲弁土久隔皇風雖  
懷之以德而弗來震之以武而未服亦猶鷺營巢而  
在幕魚失水以居陸雖暫苟活其能久存管子云料  
眾以攻眾孟子云王者之兵惠若時雨今料眾之義  
請試陳之以國家之土疆遠且萬里以聖朝之士卒  
精而久練府庫豐實雖漢武事邊之財未階於今矣  
黎元富庶雖玄宗開元之間未侔於今矣以此眾戰  
何敵弗克以此眾攻何城不降國家但欲示之以仁  
而使自知歸化之以道而俾其自服也又何疑苗民  
怙險度七旬而弗歸崇侯弄兵必因壘而方至必欲

誅元惡以示法弔遺黎而表恩則兵家之謀有五間之術司馬之法有九攻之義原作儀庫本改舉必成功動無遺算然兵者詭道戰以譎勝當太平之世實愧言之以威服之以德化之在此二道也謹對

第二道

問以禮化民推誠致道必因讀習方致淳和驗前代鄉飲之儀見躋俗禮容之盛有唐之後歷代弗修今國家方屬於升平俎豆諒宜於修襲所冀白華播曲誘孝悌於深心清管登歌發融和於庶筮嘉言復古虛意待賢願指明其是非仍發揮於損益

對

對同  
先王制作禮樂化導黎元亦猶置水于盤方圓斯就鎔金成器模範靡遺觀鄉飲之儀喻國人之禮俾日而習之月而化之聞管磬之音則和樂生于中矣觀樽彝之設則恭肅加乎外矣閱賓主升降之容則知尊卑有序矣熟雅頌誘喻之意則知孝悌有自矣斯禮久廢淳風未還詳天命之有歸俾吾皇之復古宜乎海內大定寰中大理日月宣明乎天道風雨咸若乎成功民心悅隨物性交泰鄉飲之禮白華之歌願復行之天下之幸謹對

第三道

問懷才待舉隨計觀光苟非該博之儒宜稱詢謀之旨三王禮樂胡不相沿百代職官何因繁省孟子稱至仁無敵安得苗民弗恭仲尼云積善餘慶曷以丹朱不肖瑤琨篠簜貢自何州淮濟江河發於何郡春秋以藏冰得禮則風雨弗迷洪範以修德動天則陰陽自順惑乎確論無所適從高談勿吝於辨疑奧學用觀乎厯試

對

對王者功成作樂理定制禮故唐虞之功成乎揖讓則大章簫韶之樂作焉湯武之理定于平蕩故司儀奉常之禮異焉玉帛之容取乎化民心不取乎觀閱也金石之奏取乎和物性不貴乎銷洋也蓋隨時之理亂因時以損益故三王禮樂不相沿也職官之數亦然書曰唐虞建官惟百夏商官倍亦克用乂周漢以降迨及有唐沿革不同繁省靡定酌理言之苟得賢才雖簡略而亦理苟曰常吏雖官長以何爲苗民終服于舞干有以見至仁無敵也丹朱得備于虞賓有以見積善餘慶也瑤琨稱珍篠簜充貢貢自維揚之域詳乎有夏之書河發源乎崑丘江濫觴于嶧冢

淮濟之出載籍備存藏冰而風雨弗迷申豐之言未臻至理也修德而陰陽自順箕子之辨乃可垂訓也錫淺陋之學不足以待問王庭葑菲之詞不足以發揮庫本作古義傍徨震恐不知所裁謹對

開封府試策第三道

第一道

我國家誕膺景命爰創洪圖立萬世不拔之基成四海混同之化主上大明繼照聖德日躋乙夜觀書旰食聽政訓兵練將以養銳務耆勸農以豐本孜孜不倦豈無意乎豈不以薊北戎人尙侵禹畫河東餘孽

咸三二

七

猶保臯巢然則二寇歡盟數世連結畏中原之強盛曲陳欵附之誠憂同惡之危亡潛懷救解之計若擊之則有阻夷狄來王之意若置之則恐違生靈俟望之心取捨之間後先安在秀才博達今古洞照機宜來覘國光豈無良策試爲條對將副虛求

對

兵貴伐乎深謀妖不勝乎盛德仁修而獷驚自化備設而攻取無疑我國家光啟寶圖垂二十載先朝以武功定天下吾皇以文德化域中故四夷咸賓九貢來底雍熙之化升平之運今其時矣蠢茲并土尙隔

皇風懷之以德而弗來震之以威而未服怙戎人之強揆幸同惡以相濟孟子曰至仁無敵於天下管子云料備以攻備備存而弗攻今國家民俗宣和提封遐遠府庫豐富兵革精練以此勝敵何敵弗克以此攻城何城弗降主上但欲修德服匪人之心養威惜黎元之力何憂有苗負固不歸舞干之化裔戎懷詐外示欵塞之心而已哉必欲念一方之遺黎釋二寇之逆節則兵家之法曰去其所恃又曰用間有三若以聖人用間之術絕叛人所恃之心則自然盟好攜疑而黨援孤子也若是則舉一并上若吹鴻毛則戎人救解之謀無所施焉外域欵附之誠化爲信矣書軌混同之策英威庫作武蕩定之機在斯術也昔羊祜取吳猶以仁義吳中感惠不稱祐名矧蕞爾賊臣安足爲聖朝言議也謹對

咸三二

八

第二道

問有國者設爵求賢懸科待士雖古今之通制在沿革以殊途周開後造之科漢重孝秀之目皆因鄉曲之譽遂登公卿之府末俗澆薄浮競成風或託勢援以干有司或假梯媒而取上第有唐季世此弊尤繁今國家以文教大興古道盡復若采聲華於鄉曲恐

漸成朋比之風但合程試於有司又慮開請託之路取士之道何術為先秀才若策試於天庭將何辭以待問

對

求賢擇才周禮精其術也升廉舉孝漢制得其要焉何哉士之賢愚審乎鄉黨故鄉舉里選之目王制備焉才之優劣審乎策略故直言極諫之科漢書備焉觀歷代之取人詳賢才之中選唯周與漢最得其宜迨至有唐首開貢籍于時中太常之第者尤為寵榮雖公卿之才自茲而得而仕進之典亦由是興今國

感三十一

九

家采三代之典謨熙百王之禮樂精擇賢能之士待以爵祿之榮尙慮妄干進於有司竊虛名於由徑莫若損益先王之術審詳取士之機先試之以經濟之謀後訪以英翹之譽責其實稱乎名若名實之相符必是非之立辨又何慮啟侍心於請託鼓虛譽於比周也謹對

第三道

問周均井賦漢重力田皆敦本之良規為後代之成式稅關市者始防游惰論鹽鐵者亦救弊俗何溘古之漸醜遂未作而忘返不耕而食者塞路不織而衣

者實繁浮汎之戶漸多兼并之家日富恃豪強者或勢侵於州縣逼飢寒者亦難守於巨閥以至賦籍不增版圖亦耗近世談論之士亦有沿革之書皆非永遠之謀唯取一時之利我國家政同三代道邁百王博訪羣謀思臻至理秀才道窮秘奧識洞古今來副虛求必懷良策且井田之利可以復於古否力嗇之科可以行於今否游惰者何以使之返本兼井者何以使之均齊禁豪強者何法拯飢凍者何術試為縷陳無甚高論

對

感三十一

十

昔黃帝設井田之法周文用土著之令故生民之眾寡由是而詳焉王者之征賦由茲而均也洎秦君圖霸商鞅適變廢哲王經久之術濟強國縱橫之用井田遽廢阡陌驟興兼井之弊遂生賦輿之法不一洎漢家垂統武帝事邊以鹽鐵六筦之財佐疆場連年之用末作益甚而黎元愈困後代救時之弊者或以土斷禁流亡之俗或以常平均豐歉之民牢籠萬邦平準百貨信史備載斯言可徵夫井田之賦千古絕迹不可復也力田之科前王所行未足尚也使游惰者返本莫若利其衣食之源使飢凍者相濟莫若抑

兼并之人也兼并既抑則貧富自均貧富既均則豪強自禁其術安在在乎王者提利權而均國用也重輕萬貨歛散百穀乃其術焉錫愧無待問之才幸與觀光之試智策無取方略靡詳憂畏徬徨不知所措謹對

試進士策

第一道

問富國備邊實資農戰化民導俗本貴儒玄尙玄以清淨為宗尊儒以禮樂為本書稱偃武春秋謂不可弭兵禮重中庸刑法欲畏如觀火聖人垂訓取捨何

感三

三

從國士懷才是非必當願聞至理上副旁求

第二道

問聖人之性與天地合故不待多學一以貫之又云終日終夜不食不寢以思無益不如學也垂訓各異其理何從夫臣之事君將順其美而魏徵之諫請停封禪父有諍子不陷合名而瞽叟不賢未聞諫諍請發揮於古道冀釋去於所疑

第三道

問易道精微王弼之注行之久矣羣儒共傳而云進物之速義不及利成物之終利不及義嘗思至理其

不然乎湯武之兵興於二季豈非義也孔孟原本作聖諱庫之言垂於萬古豈非利乎況裁事得宜而謂之義進成於物豈有異焉幸聞嘉言以祛未悟

第四道

問書云師古易曰隨時執守則昧於時機適變則達於古道比德於玉仲尼何獨佩象環知幾其神周公豈或僱讓口繫于金柅未詳金柅之定名席上之珍莫辯席珍之奧旨子該通為學茂秀懷才觀光斯來待問程試幸悉至理以副旌求

第五道

感三

三

問摘山煮海以資軍儲關譏市征亦裨國用自蒐狩教習之禮廢而黜閱召募之事興乃徵齊民永充士卒又因廣福碩度緇黃故祠部籍名其眾動盈萬數戎麾隸役終老不復歸農故一夫之耕支贍靡足一婦之織供億無餘致田疇少闕於荒閑租賦急用於徵督子有何術為究斯言

第六道

問井田難復策論已相承備言屯田可興士卒又難為兩役邇來雖聞建議未見成功所以備邊有饋運之勞積粟無通濟之術其理安在幸為敷陳

開封府發解策

第一道

強學待問儒行所先博物辨疑識者當務成湯七號  
幸略紀其徽稱文王九德亦可舉其成數漢雜霸道  
孝元之志不同鄭鑄刑書叔向之心特異是非安在  
取捨何從苟孟言性之有殊孰者為當管樂立功之  
俱善何人最優守道不如守官官非道何以能守教  
民不如化民民非教何以能化文行忠信忠信非行  
歟禮義廉耻廉耻非禮歟復井田則其議屢聞行鄉  
飲則其禮尚在方當明代可舉而行子大夫以為何

咸三二

三

如幸詳斯言悉意以對

第二道

古者蒐狩之禮以教民戰征伐之際稽諸版圖里閭  
有士卒之名井田賦馬牛之數聚之則蓄為我武散  
之則復為齊民洎王道其亡霸圖相繼以兵逞欲以  
民養兵兵農由是遂分財用以茲不足筦榷以為國  
計賦租先於軍儲因茲游惰之人罕務耕桑之業加  
以不耕而食不蠶而衣其徒實繁豈可悉數議復古  
則見非於知變論適時則思有所聞今浚塞屯田防  
秋戍卒疆場無事可力稽以服勤戎狄之虞則被堅

以禦侮可以救三時妨奪之害免千里輓饋之勞佇  
聞嘉言以觀方略

第三道

儒者之行貴難進而易退君子之德先人而後己所  
以鄉舉里選既升俊造之名循名責實乃得公卿之  
器貴其身所以錙銖視國尊其道故有師傅之稱洎  
叔世以還其風不振漢以詔策取賢良方正之才唐  
設科場較詩賦文論之藝雖英髦間出豪傑並驅然  
有進不矜藻其行能退不砥礪其名節豈俗之澆薄  
使之然化之敦勸未至也今議賢良之薦必自於鄉

咸三二

三

里文行之選不由於科場冀士林茂三代之英賢路  
導四科之士佇聆商較以副薦揚

設邊吏對

昔漢孝武勒兵十八萬北過天山旌旗林植徑周千  
里金鼓川沸庫本作不絕聲聞于天匈奴震恐不敢抗威  
棄衙帳而遯帝升單于臺有顯武驕傲之色乃有邊  
吏老矣然精強嬰鏃狀貌魁傑若賈餘勇遂屬囊韃  
請見于軍門上召與語曰若居邊鄙多歷年矣諒諳  
練戎政而詳悉事機今天山之北大漠空曠經川通  
谷平原險蹊車戰之地騎鬪之場客主便利者凡有

幾何其次濫車之水伏兵之道堡衝壘要時糧輓芻之所復何從而善若當悉意以陳朕欲周知其名數期以殄滅匈奴而後已邊吏曰臣遠祖唐堯時爲華封人嘗因祝延洪之壽于堯堯乃嘉其忠孝命世爲疆場之吏俾食關塞之征厥後歷夏商周以迄于聖代子孫嗣襲不絕臣雖不佞今辱守祖先之職疆場之事敢有越思於是以山川形便之地堡壘控扼之勢泊戰鬪利害與烽燧遠邇悉陳于上前帝益悅而善其稱職命增之寵數邊吏辭之曰臣受國深恩今數十稔未有塵露裨益敢以口給之對遠欲邀陛下

感三十一

五

寵光臣嘗讀家藏之書見唐堯帝天下以清靜爲理先勞精於求賢果得舜於側陋舜由是舉十六相而去四凶海內大理以至于無爲當時遠夷慕德咸相率而朝貢其言具列于唐虞之書及禹貢載要荒之義是也舜禹繼堯而理不更其道故有明珠大貝奇器貝馬迭充王庭有以見皇風王化覃及殊俗梯航險深而至者然于時不以窮邊極裔爲意而以修德化下爲先洎太康喪國四夷來侵賴后相纂嗣且征且討或叛或服然德信衰薄未足來遠迨成湯文王勉道勤仁故羌髡鬼方復修朝貢大約道德服人之

心而兵革制人之方與其制人之方曷若服人之心故春秋謂武有七德所以王師一出若時雨之降旱歲也然猶聖人不得已而用之今陛下承文景理平之運海內豐富時和民安胡不端居穆清垂拱而理上法堯舜禹湯之德使渙汗之令一發天下若風行草靡而自躬勞聖駕親董戎行頓兵於烏鹵之地豈不聞先帝却千里馬罷露臺而遠人自歸仁乎況兵不苟聚戰不幸勝苟聚則財耗而民困幸勝則害多而利寡設使陛下得戎虜之地譬如石田何所用也臣雖愚騫竊爲陛下不取武帝不悅事邊益急由是

感三十二

六  
宜  
秋  
節

伐朝鮮驅林胡取莎車滅葉護連年不息海內空匱乃下令鬻爵得以補吏入粟得以免徭用度未足遂取管權之利算及舟車而民益困搜粟都尉諛上而言利不已請田輪臺帝方大悟追往年邊吏之詞下哀痛之詔命封富人將以息天下然困耗已甚矣



表一

謝御製和祝聖壽詩表

臣錫言今月十七日宰臣瓊赴中書伏蒙聖慈宣賜御和臣所進乾明節祝聖壽詩二十韻者俯拜皇恩仰闕睿藻駭凡目而怔忡失次閱聖文而榮抃交并中謝伏以華封慶祝之辰里社呈祥之節頌聲合貢忠懇冀伸豈謂皇帝陛下降御製而頒宣命台階以錫賜始歡呼而跪受終惕厲以退思且書曰賡歌詩

咸平三

一宜秋能

稱大雅但美升平之際會或揚德業之形容未聞臣下獻封菲之詞君上答英華之什斯實皇朝新事玄貺殊恩用編瑤編六義常彰於睿思永庫誤末光寶運千齡永固於昌期臣無任感恩荷聖榮耀兢惶激切屏營之至

進籍田頌表

臣錫言伏以東郊之儀籍田之禮歷代久廢明詔復行闕典既修無文成秩三農知勸詎忘稼穡之勤萬乘親耕將備粢盛之薦凡居率土孰不歡呼臣中謝伏惟皇帝陛下體天覆育並日照臨以百姓而為心

慮一夫之失所講求典禮咨訪闕遺導其衣食之源務以農桑之本祥符交薦上瑞必由於豐年王道已融聽政尚勤於日旰以為籍于千畝禮有三推耒耜寘之於輅車種稷獻之於官禁表身先於貨殖果德動於昭回嘉雪應期盈尺已豐於渥澤大田將稔載歌方美於京坻易曰先天既便蕃於景貺書稱固本乃勉勵於羣情將以致孝享於宗祧貽慶賴於黎庶

聖朝師古有以見勸農務穡之心來葉庫本誤業美談可以播下管登歌之曲臣幸逢昌運忝列侍臣清禁緘綸殊乏論思之用黃門進牘難偕體物之詞敢不祇率鄙懷比求音於扣寂謳謠聖德因獻頌以達誠固慙封菲之文上黷冕旒之鑒然國家盛事已聞野老之歌臣子為心合效華封之祝謹詣東上閤門進籍田頌一首千冒宸嚴臣無任惶恐激切屏營之至

咸平三

二

進文集表

臣錫言臣聞美盛德之形容謂之頌抒深情於諷刺莫若詩賦則敷布於皇風歌亦揄揚於王化下情上達周禮所以建采詩之官君唱臣酬舜典於是載賡歌之事既逢清世何讓古人木鐸求規諷之詞彌光聖德金門獻芻蕘之說式表忠懷中謝伏惟皇帝陛下

下以唐虞莫大之德修湯武無敵之仁富壽于生民  
慈儉曰至寶塗山高會執玉帛者華戎瑞牒載書萃  
郊敷者麟鳳讓圓靈以玄德推臣下以赤心皇勲帝  
功可以封泰山而禪梁甫至德大業可以作韶樂而  
建辟雍永隆千載之基高冠百王之業伏念臣藝文  
素淺學識非精逢時悞受於聖知中第早塵於睿鑒  
代耕以祿歷試諸艱初命授將作監丞再命歷左右  
遺補庫本作拾遺遇郊丘之恩澤轉記事之班資尸素爲  
虞廉勤益勵仍念策名之歲親聞金口之言常令各  
守謙和莫忘筆硯邇後或漳濱近郡或江外遠官莅

感三

三

事之餘修詞敢怠況帶史臣之職慮孤英主之知嘗  
因疊嶂危樓旣登高而必賦釣臺淺瀨亦倚棹以成  
詩豈唯杼子牟戀闕之心其實歌文王南國之化菁  
英雖寡編綴靡遺三度拜章聊舉箴規之職八年外  
任復歸侍從之班因輒上言却乞在館蒙聖恩之俞  
允仍舊貫以編修清閣濡毫愧乏素臣之作丹墀珥  
筆慙非右史之才陛下旣以文學知臣臣敢不以文  
字報答陛下今錄得在陸州編集中歌詩賦頌共十  
軸謹詣東上閤門進獻播樂章於金石文彩非工祈  
睿鑒於冕旒罪尤可待干冒宸扆臣無任惶恐激切

屏營之至

進河清頌表

臣錫言伏觀中書門下奉宣示澶濮二州奏今月五  
日黃河清者伏以千年之運聖祚方興四瀆之中洪  
河爲長波瀾清泚表嘉瑞以無疆圖牒昭宣協皇家  
之有感中謝伏惟皇帝陛下唐虞至德湯武聖功夕  
惕勞懷掩文王之勤儉夙興求理侔大禹之諮詢是  
以王道融明猶日中之臨照鴻猷浹洽比天覆以恢  
崇夷狄綏懷邊防久靜黎元富庶風俗還淳禋宗類  
帝以嚴恭纘祖承祧以祗慄公田載籍將以奉清廟

感三

四

之姿盛闕典咸修將以報先農之功烈萬邦玉帛方  
會於觀耕九曲河源遽聞於飛奏勾芒應律東風已  
泮於輕冰川后呈祥習坎不生於濁浪虛明洞乎鑒  
物清潔可以濯纓潤下朝宗示寰區之靜謐儲靈効  
祉知社稷之感通何讓重華臨觀授出圖之異堪嗤  
孝武中流告沈玉之誠宜播登歌永光信史豈青雲  
千呂能昭文物之朝滄海無波更表聲明之化佇候  
白茅藉用薦三脊於泰壇明水潔清首五齊於玄酒  
告成功於東岱示底貢於西籒升中秘玉檢之封永  
久嗣瑤圖之盛臣才非典誥職忝續綸文翰是司豈

稱代言之用頌聲合貢用彰盛德之容謹詣東上閤門進河清頌一首干冒宸嚴無任惶恐抃蹈激切屏營之至

賀德音表

臣錫言今月二十一日刑部連到德音已晝時施行訖伏以絲綸作解之恩非時霽霈華夷至和之感向日歡呼中謝伏惟皇帝陛下神道知幾文明以理金玉必貞於王度機衡以奉於天時宜乎二儀萬靈祥瑞交薦五風十雨稼穡屢豐所以答上帝之高明思下民之勞苦念其闕乏或貸以餘糧卹其罪辜或省

感三

五

乎庶獄尙疎法網用滌恩波取連山宥罪之文行出綽省災之令重刑減降殘賦蠲除仍寬聚嘯之徒俾啟自新之路人心感悅春雲護肅殺之威帝德昭宣秋日麗清光之彩臣忝分憂寄方遠丹墀臣無任抃蹈激切屏營之至

二

臣錫言今月九日夜遞中刑部牒連到德音減降釋放罪戾者伏以歲時更始制旨惟新協陽春以布和與品策以覃慶凡在臨照孰不歡呼中謝伏惟崇文廣武聖明仁孝皇帝陛下為政以德守位日仁明義

以禁於民非推恩式致於刑措是以號令渙發當王正視朔之辰動植咸亨應天道施生之候詔命朝出寢區夕周重刑遞降於徒流輕罪悉從於釋放山林聚集之盜容以歸還城池失守之臣許合引見物情舒泰聖德融明躋人於仁壽之區致理成升平之化臣忝分符竹屢換星霜近奉詔書即歸丹闕拜聽德音之宣諭躬先士庶以歡呼仰聖人之道如日中慶王者之恩及天下臣無任抃蹈激切屏營之至

賀正表

感三

六

臣錫伏以千載良辰三陽合朔東風入律雲韶諧太簇之音庫本誤奇北闕稱觴簪紱慶華封之祝伏惟尊號皇帝陛下明融瑞日德動玄穹皇極中庸納生靈於壽域青陽左个布政令於明堂璿樞頒正始之文寶曆永無窮之祚臣忝膺重寄方遠明庭無任瞻天祝聖抃蹈激切屏營之至

賀冬表

臣錫言伏以氣序方周陽和來復祥雲五色映瑞日以堪書丹鳳九苞應黃鐘而率舞伏惟法天崇道皇帝陛下膺乾納祉與天同休臣叨奉詔條出分重寄土圭測影空傾葵藿之心玉殿歡呼莫與鷓鴣之列

臣無任瞻天祝聖抃蹈屏營之至

二

臣錫言伏以一陽革故萬彙鼎新雲物呈祥珥筆可  
書於魯觀日華表瑞測圭增麗於堯階伏惟尊號皇  
帝陛下德合穹蒼功宣造化聰明文思之道光被華  
夷陰陽寒暑之機昭垂原誤待言動玉璫履長之節  
瑤圖膺惟永之期臣叨奉朝章出分郡寄黃鍾應律  
空馳率舞之心景殿稱觴莫與歡呼之列臣無任瞻  
天祝聖抃蹈激切屏營之至

進乾明節祝聖壽詩表

成三三

七

臣錫言伏以節逢降誕運屬升平禹貢萬邦賀紫禁  
延齡之慶漢官百辟有黃金為壽之儀若以詩綺靡  
於緣情頌形容於盛德上采賡歌之旨旁宗大雅之  
詞律以新聲文之近體為理世變風之什慶良辰繞  
電之祥用表精虔實符忠願中謝伏惟皇帝陛下睿  
聖凝圖文明致理三雍禮樂敦風教於昌期萬國黎  
元悅仁和於太古封人受賜歡呼祝壽之時丹鳳有  
靈鼓舞聞韶之際伏念臣素無文藝叨受皇恩備位  
諫垣未舉箴規之職出官河朔慙非經略之才子牟  
雙闕之心欣逢合節堯帝千齡之福願與稱觴情動

于中詩聲于外因成乾明節祝聖壽七言詩十九首  
謹繕寫進呈干冒宸聰臣無任瞻天戀聖慶抃激切  
屏營之至

謝勅書獎喻上章表

臣錫言臣今月十九日伏奉勅書以臣所貢封章特  
加獎喻仰荷皇明之鑒靈勝光寵之詞榮抃徬徨敢  
處無地中謝臣聞敢諫非易納諫尤難蓋以臣下抗  
言多致觸鱗之怒帝王至貴駭聞逆耳之言苟非天  
鑒昭彰臣誠果敢何以見聖主優容之德何以伸直  
臣譽諤之心所以陶唐盛時猶設登聞之鼓有虞至

成三三

八

理許書告善之旌蓋思誘敢言之臣亦欲聞未知之  
事伏念臣遭逢陛下塵忝諫官雖精誠之中思有所  
報而激切之志未有所伸近者伏蒙聖恩榮有差遣  
當金殿入辭之際泊天階宣上之時遂以寶封直進  
御座小臣愚昧所見尋常妄言軍國要機朝廷大體  
退而恐懼伏待誅夷然於忠亮之心少贖貪養之罪  
豈期聖造特軫皇慈優降詔書褒稱賤品仍頒御札  
宣示羣臣見皇王鑒燭之明示天地包容之量朝廷  
雖理而陛下未以為理黎庶雖安而陛下未以為安  
自此言路洞開朝綱益整所謂堯惜一夫之不獲舜

於一善而悅聞成湯之德益新大禹之謨自遠太平已致比屋可封豈獨微臣之榮諒實天下之幸臣無任感恩荷聖激切屏營之至

謝除右補闕

臣錫言臣今月二十日於天雄軍得河北南路轉運副使李瑄差軍將賚送進奏院遞到官告一通勅牒一道伏蒙聖慈授臣右補闕餘如故者綸言進秩諫省增榮祇荷寵章徬徨交積庫本中謝伏念臣叨居侍從有玷清華薄才悞受於聖知非次驟分於憂寄積粟備邊之策豈是所能豐財利國之謀又非素習

感三

九

伏遇禮行清廟功告圓邱慶澤惟新雖下周於庶品優恩特異俄叙轉於華資臣每讀唐書載觀名士裴度蘊三公之業歷此清途吳兢有良史之才當茲褒職臣識非淹遂辭愧菁英直館踰年未舉編修之職乘輅將命俄兼飛輓之司微効弗伸榮遷驟至太平無事忠言寧補於皇猷封禪有期覲禮但思於丹闕臣伏限所守不獲奔詣宸階無任瞻天戀聖感恩激切歡呼屏營之至

賀曹彬奏勝捷表

臣錫言今月七日進奏院狀報三月十七日并州鴈

門兩路前軍都部署侍中曹彬等奏三月八日并十日殺下蕃賊二千餘人餘三千餘人中傷其餘並皆逃逝并涿州寰州等偽命官吏率百姓僧道歸降已安撫訖者伏以皇威大振戎捷遐聞才興貔虎之師遽破犬羊之眾照臨所被歡抃皆同中謝伏惟尊號皇帝陛下撫寧萬國底定三邊武經方詠於止戈文德誕敷於振鐸尚以薊門遺俗久不隔於虜延燕朔舊疆宜復歸於王略安邊上策或伐叛以懷來命帥嘉謀亦乘機而破敵淳水朝宗之浪方鼓威聲藁街獻捷之音載光睿算臣伏限所守不獲奔詣闕庭無

感三

十

任瞻天戀聖歡呼激切屏營之至

賀潘美奏勝捷表

臣錫言今月十三日進奏院狀報三月十九日至二十日雲應幽朔等州行營都部署太師潘美等奏偽命節度副使趙希贊等率軍民一萬五千餘人歸降并飛狐北殺下賊軍三萬餘人活捉到偽命冀州防禦使大鵬翼康州刺史馬贊已下及收到衣甲器械羊馬牛畜牌印等不少者伏以睿算無遺王師繼捷塞外之飛章疊至寰中之吉語交聞中謝伏惟尊號皇帝陛下聖德昭彰天機果斷垂衣裳而致理治卽

用文利孤矢以宣威動惟經武狼星未滅宜鉞鉞以  
專征虎旅爭先鼓雷霆之奮怒佇係單于之頸郊廟  
獻俘卽覃英主之恩策勲飲至車書混一歷敷登三  
表瑤圖保大之功行玉檢告成之禮臣限拘外任恭  
聽捷音無任歡呼慶快激切屏營之至

賀容懷意奏勝捷表

臣錫言今月十七日進奏報三月二十五日至二十  
六日內品容懷意等走馬到關奉大軍於涿州南殺  
下蕃賊一千餘人并應州及飛狐軍偽命官吏率所  
屬一萬餘人歸降收到衣甲鞍馬錢帛糧草不少者

感三

三

伏以廟朝決勝將帥成功四夷八蠻益震威加之令  
一月三捷未如神速之謀凡被照臨同深慶快中謝  
臣聞周稱獫狁漢曰匈奴負恩則違背驩盟肆暴則  
侵撓邊鄙苟非皇威景鑠王道融明授金鉞以專征  
出玉關而拓境則何以致腥羶族類來朝禮義之鄉  
烏鹵山川復正要荒之服伏惟尊號皇帝陛下至仁  
無敵我武惟揚以帝堯丹浦之師破醜虜黑山之衆  
未踰浹日連下數城豈煩築壘以受降但慶獻俘而  
執馘飲馬長城之窟金石登歌鳴鸞日觀之峰人神  
共悅臣任當求瘼職忝記言屢聞奏捷之音限遠對

敷之列臣無任惶戀歡呼激切屏營之至

賀潘吉奏勝捷表

臣錫言今月二十六日進奏院狀報外殿直潘吉今  
月三日走馬到關奏三月二十八日大軍到靈丘城  
下偽命官屬七千餘人歸降收到衣甲器械錢帛糧  
草不少者伏以王者之師有征無戰廟謀之勝一舉  
萬全捷音屢下於邊城喜氣彌高於率土中謝伏惟  
尊號皇帝陛下日新聖德天贊皇勲舜千方舞於兩  
階禹會悉朝於萬國蠢茲戎醜敢追靈誅勞將帥以  
專征出車徒而薄伐天山牧馬瀚海洗兵我師無遺

感三

三

鏃之勤彼寇有絕絃之敗燕然銘勒信千載之一時  
梁甫豈籟俟八鸞之肆覲臣亟聞飛奏但切歡呼白  
日傾葵藿之心滄溟繫匏瓜之迹不獲隨例蹈舞闕  
庭臣無任慶快惶戀激切屏營之至

賀李規奏勝捷表

臣錫言今月三日進奏院狀報四月九日外殿直李  
規走馬到關奏大軍收下雲州殺戮賊軍並盡所有  
百姓並依聖旨存留安撫訖并收到衣甲器械鞍馬  
錢帛糧草極多者伏以王師乘勝戎壘克平盡白日  
之照臨慶皇家之勝捷中謝伏惟尊號皇帝陛下恩

流萬國威馭四夷執玉塗山獫狁曠賓王之禮洗兵  
瀚海嫖姚成破虜之勲嬰城固守者必誅後后昭蘇  
者卽赦果需涵濡之澤俾新汙染之民七德彰明三  
邊靜謐佇魁渠之係頸生致闕庭用億兆以爲心躋  
于壽域臣忝分朝寄遠在海涯恨無羽翼以奮飛徒  
仰天顏於咫尺臣無任惶戀歡呼激切屏營之至

賀張明奏勝捷表

臣錫言今月七日進奏院狀報四月九日至十一日  
外殿直張明等相次走馬到闕奏大軍於新城東北  
并蔚州南飛狐口殺下蕃賊二千餘人活捉到四百

感三

三

餘人收到鞍馬衣甲器械不少內外文武臣寮取十  
三日稱賀者伏以細柳出兵伏皇威而必勝甘泉舉  
燧與飛走以俱來凡聞克捷之音共慶蕩平之策  
謝伏以王者用刑之理叛則先誅戎人伏莽之心困  
猶思鬪伏惟尊號皇帝陛下兆民子育六合家爲宇  
大信於豚魚薰至和於草木所以嘉禾生而靈芝出  
白雉貢而丹鳳來蠢茲種落之人不及飛鳴之類敢  
背恩信尙肆陸梁勞沙塞以驅除汗霜鋒之殺戮雲  
驅雷掃蠹散狼嗥委戈甲以谷量收馬牛於風逸猛  
將與謀臣之捷青史書勲三公率百辟以朝黃金上

壽臣忝分憂寄屢聽邊功美盛德之形容空思作頌  
慶吉音而鼓舞莫覩獻俘臣無任歡呼惶戀激切屏  
營之至

賀簡昌壽奏勝捷表

臣錫言今月十一日進奏院狀報四月十八日內品  
簡昌壽走馬到闕奏大軍於飛狐北口下寨有蕃賊  
救援蔚州尋趕趁二十餘里殺下首領二人并殺契  
丹三千餘人捉到馬三百餘匹收到衣甲器械不少  
者伏以驅除戎狄恢復邊陲四方聞勝捷之音千載  
慶升平之運中謝伏惟尊號皇帝陛下功超邃古道

感三

三

掩前王念汙俗之來蘇軫漁陽之未下風雷威令體  
天道之惡盈鼙鼓戒嚴謀帥臣之薄伐追奔逐北斬  
馘獻俘以敗不相救之戎立舉必成功之策佇清氛  
禔卽詠凱旋漢家無烽火之虞禹畫正要荒之服臣  
限遠朝闕叨守詔條陪壽觴稱慶以無由望魏闕歡  
呼而但切臣無任抃蹈惶戀激切屏營之至

賀張冲奏勝捷表

臣錫言今月十六日進奏院狀報四月二十五日張  
冲走馬赴原作闕奏大軍在蔚州城下有城內壯丁  
許彥欽等結連本城兵士五千餘人殺逐出契丹首

領蕭毀理及捉到僞命同州節度使充蔚州鹽城使  
耿紹并男孫共四人把定城池歸明尋入城安撫者  
伏以廟社乘靈邊疆克復三軍勇勝之勢迅如疾雷  
萬方慶快之心融爲和氣庫本作中謝膏雨伏惟尊號皇  
帝陛下體法玄穹建用皇極勝妖以聖明之德禦侮  
行仁義之師禹別九州夷狄遠居於荒外唐分十道  
雲嵐近在於河東戎性不常狼心既野中原多事叛  
違則輒肆侵漁聖主臨朝攻取則自然敗此城中士  
庶或逐出於元凶塞外貔貅或生擒於渠帥斯乃天  
贊平戎之策神資無敵之謀致彼人心自相矛盾成

感三

五

我國討不動干戈金微玉關復置羈縻之郡楊柳林  
杜庫本詩柳秋杜落佇旋邏遶之兵昭彰聖功歌詠睿德臣  
伏限所守恭聽捷音阻觀露布以獻俘但仰雲天而  
拜慶臣無任歡呼惶戀激切屏營之至

賀盧漢贊奏勝捷表

臣錫言今月二十三日進奏院報十二月二十五日  
代州駐泊副部署盧漢贊等差高班內品李延遇入  
奏契丹賊軍入界打劫尋於土鑑寨殺下蕃賊斫到  
首級二千餘个活捉到契丹五百餘人馬一千餘匹  
及殺下北大王男一人監軍舍利庫本作錫哩一人首級

奪到牛羊車帳衣甲器械不少者伏以方隅勝捷之  
音天聰遠達華夏歡呼之列日域遐周中謝臣聞邊  
鄙之虞有備無患蕃戎之性驅去復來是資邏沙之  
兵時聞克捷可賞嫖姚之將屢獻功勳伏惟尊號皇  
帝陛下道德爲藩慈儉曰寶王度貞明於金玉皇風  
混下於車書戎狄來朝必飾藁街之館犬羊入寇卽  
興榆塞之師周憲章五帝之謀得駕御四夷之術俘  
囚操袂郊廟登歌彰軍禮之允修見睿謀之不測臣  
方膺詔旨將赴闕庭臣無任瞻天望聖歡抃激切之  
至

感三

五

咸平集卷第二十三



表二 勞記附

賀田重進奏捷庫本誤勝表

臣錫言今月五日進奏院狀報十一月三日定州駐泊都部署田重進奏殺下蕃賊并奪到鞍馬衣甲器械不少者伏以師出以律動必成功天道惡盈叛必先討多壘已平於千里捷書何止於百函中謝伏惟皇帝陛下義軒道德湯武功勳寰區已致於升平黎庶方躋於富壽彤闈日旰猶聽政於萬機清禁漏殘

感三

一宜秋節

已求衣於五夜動圓穹而感方載祥瑞畢呈左滄海而右流沙車書混一豈謂垂衣之化未賓左衽之人舞干羽以不來出車徒而薄伐一之日則壺漿滿道來迓王師始則汙染之人背胡沙而歸漢土二之日或力屈來降或困猶思鬪此乃腥羶之衆依水草而擾邊疆廉頗諸練於邊機魏尚弛張於方略風毛雨血比驅獵於戎夷神算天機已蕩平於區域

二

臣錫言今月五日遞中報十二月五日定州駐泊都部署田重進等奏易州十一月二十二日契丹賊軍

入界打劫遂差三指揮却往北界二十八日打破歧溝關殺下賊軍一千餘人收虜到鞍馬牛驢不少所有歧溝關城內錢帛糧草衣甲及人戶舍屋並總燒蕪訖今月八日內外文武百寮稱賀者伏以邊上捷音遠聞於旒宸宸中喜氣高薄於雲天中謝臣竊以戎人犯境蕭關必務於驅除猛士守方沙塞果聞於克勝伏惟皇帝陛下躋民壽域偃伯靈臺列庭衢於八荒執玉帛者萬國契丹獨建諸族尙未來王稽塗山後至之誅逞代馬新羈之惠廟堂成算既增貔虎之威將帥立功式表雷霆之怒

感三四

二

三

臣錫言今月三日進奏院狀報十二月十八日定州駐泊都部署田重進等奏十二月二日殺下契丹五千餘人收衣甲器械不少者伏以兵機貴速矧如時雨以行師戎壘盡平屢慶使星之告捷中謝伏惟皇帝陛下王道方融玄功不宰消厲階於邊鄙躋壽域於生靈周宣伐獫狁之詩已流金石漢史滅匈奴之策旣委廟堂千里天山已爲內地三秋沙漠永息驚烽農夫狎野以耕桑將吏勞旋於封爵玉關虛候混書軌於外區金策告成讓功庸於上帝臣忝權符竹

限遠闕庭

賀南郊表

臣錫言於涖州伏觀今月十七日赦文南郊禮畢者禮盛嚴禋恩覃在宥凡樂文明之化靈勝舞蹈之歡中謝伏惟應運統天睿文英武大聖至明廣孝皇帝陛下聖德日新睿謀天縱晉越既歸於土宇華夷遂混於車書貞觀太平未侔今日開元無事豈及此時公卿既上於鴻名玉帛爰新於祀典一陽來復隨德澤以融和肆赦從寬霑恩波而滌蕩幽囚盡釋連欠咸蠲軍功示悅賞之誠戎莽布懷來之信贈加風樹

感四

三

封及闈遷客官資復以出綸之命遠人家屬遂其懷土之心念功先厚於策勳郵物下周於掩骼連山觀象既符作解之思率土歡心大慶禋宗之禮臣限拘所職不獲奔詣闕庭

二

臣錫言今月五日伏親制書南郊禮畢改元大赦者臣已盡時宣諭訖伏以郊廟薦享神人以和至誠既達於圓穹慶賞遂周於率土覆載之內并躍皆同中謝伏惟皇帝陛下端拱無爲太平已致兆庶既躋於富壽萬靈方效於禎祥所以祀天報光大之功爲民

禱豐穰之福升煙纜畢惠澤旁流庫本作敷固圍久空仍布告災之令桂蒲無警亦覃肆赦之恩征賦已輕更令蠲復徵償至寡咸許復除天波蕩滌以無遺王道坦夷而有截勳庸先賞勞効均酬俾人敦修睦之風命之封蔭延世舉郵孤之典榮以存亡加以矜寬居作之人牽復左遷之吏和氣周物祥光麗天所以曆授人時遂改雍熙之號禮成樂備佇修封禪之儀臣限權六條方遙雙闕不獲奔詣玉階無任樂聖拊蹈激切屏營之至

謝轉起居舍人表

感五

四

臣錫言今月七日遞中伏蒙聖恩賜臣官誥勅牒特授臣起居舍人依前直史館者祿膺寵命遷陟華資不離近侍之班俄忝記言之職徬徨拜受榮懼交并伏念臣遭遇明時踐揚清貫才識固慙於兼茂勤勞常愧於未伸遺補美官繼塵闈籍封章鄙見嘗受聖知加以兼館殿之清華厯藩宣之委寄榮踰始望泰已居多豈謂纔畢嚴禋遽霑慶澤珥筆丹墀之下戀關深頌條滄海之濱分憂豈稱敢忘恭恪以贖貪叨

陳州謝恩表

臣錫言臣去年十二月二十七日蒙恩改授官資兼受勅權知郡事已於今月八日上庫本作任訖祇膺朝命頒守詔條內省非臨蒞之才外任當重繁之寄感戴恩寵雖實知榮夙夕憂惶何以致理中謝臣每念文學之性固無所長諒直之心庶幾有補始自祕省擢升諫官初上封章遽蒙聽納尋下御札徧求直言仍賜臣勅書以示嘉獎以臣所言者罷交趾之役以臣所諫者去髡鉗之刑其餘所陳不敢備述勅書喻臣曰今後凡有見聞更在無辭獻替或行或寢斷自於朕心盡節盡忠勿渝於爾志臣所以嘗思啟沃上答

感五

五

聖明每有見聞必陳章疏非敢沽直臣之譽但欲酬英主之知臣蓋遠人幸逢昌運冒涉遐阻入關知蜀道之難孤苦零丁挈家比秋蓬之轉遇陛下初登寶位親主文衡於七十四中忝第二人及第不數年列在遺補帶館殿之職先前年擢知制誥為侍從之臣忝幸若斯報答無所去歲稍因愆亢方軫念勞臣奉勅於太一宮薦告靈仙祈求雨雪臣所以輸忠罄節因事上言言多狂愚事頗切直天聰采聽亦有施行聖慈優容幸無罪戾洎陛下受寶策以新徽號御正殿以朝千官臣以歲節假中先受恩命為差出則無

例告謝未朝謝則無因立班行事捧策之儀空思珮委祝壽稱觴之禮不與山呼戀闕之心但傾葵藿頒條之寄若履冰淵朝廷重委之榮懼不克荷交親相勉之意亦有所聞以臣屢因上書致茲落職雖文翰之職豈臣所能而物論之間以臣為誠臣心匪石雖獲罪以宜辭眾口若鉗豈達聰之有補況臣迹踈性拙言直道孤慮公事之闕遺去天顏之咫尺敢不躬親郡政上副憂動佩服官箴免孤任使然錫盡心無愧期百生酬君父之恩揣分自知重兩制比神仙之職

感五

六

海州謝恩表

臣錫言伏蒙聖慈以臣莅事疎遺錄問淹滯尚寬恩宥責授檢校右散騎常侍海州團練副使已於今月十一日到州訖祇膺朝命感懼難任中謝臣聞懲勸欲行賞刑必正示無私於天下表至理於區中寶聖明所守之先綱紀有常之始臣素無才識本乏聲塵每念生於劍南鄙在草野父母訓勵早令讀書鄉里薦稱遂謀干祿相繼數舉未成一名洎朝廷書軌混同文物光被臣始攜持老幼涉厯險艱往來成秦羈旅京闕值陛下嗣登寶位振起儒風微才不遺羣英

咸至臣年三十九及第便授官資遠不因人驟升華  
貫閣下三載每愧忝塵淮陽二年遂致遺曠據其罪  
戾合竄遐荒尙蒙宥過之恩俾列副戎之秩東海之  
郡去京不遙南風之薰順流而下程途自便骨肉隨  
行罪重責輕恩深感極洩涕知幸驚魂省躬循過咎  
之所因荷生成之罔極披陳愚懇雖在表章敘罄感  
懷合貢歌詠謹奉表稱謝并進五言感恩詩二十  
三韻干冒宸嚴以聞

謝量移單州表

臣錫言今月四日進奏院遞到官告一通勅牒一道

感志

七

貢授單州團練副使散官勲如故者五色絲綸頒於  
海上貳車官秩移近京師既拜命以欣榮彌省躬而  
感懼中謝伏以禋宗云畢慶賜遂行捨爵策勲方霏  
惟新之澤赦過宥罪遐均作解之恩臣每念遭逢驟  
塵清切入居綸閣莫伸潤色之勞出典郡符有悞憂  
勤之旨俾從左宦尙未周星爰遇嚴禋例該殊渥滄  
溟之上隨槎泛以將歸白日之輝覺葵傾而愈近敢  
忘補報仰答休明

謝特授工部員外郎表

臣錫言臣今月二十六日蒙恩特授工部員外郎爲

無例於崇政殿告謝尋於二十七日謝恩訖臣伏觀  
臺司引見左降官凡百餘人唯臣獨授官資復齒班  
列循省榮懼不知所裁中謝臣伏以受恩特庫本作獨深  
敘感亦切苟不披露肝鬲敷陳始終則何以表聖人  
特達之恩何以見微臣遭逢之幸伏念臣稟受之性  
愚直自知遐遠之人孤危自奮遇陛下肇登寶位親  
主文衡臣詞藝非長器能無取軒墀之下賜以策名  
科第之中復在殊級揚歷官序便居侍從之班臨莅  
公途常守廉勤之節此外不忘筆硯載成詠歌始因  
進升平詞擢爲諫官後因上封禪書令知制誥遷授

感志

八

非次報答無由是以有所見聞輒形章疏靡詳事理  
屢貢芻蕘臣子之心唯思謙切君親之意不罪狂愚  
陛下所以賜臣獎喻勅書欲廣上言之路陛下因臣  
特降御劄旁求敢諫之人德至明而無不照臨道至  
大而無不包納臣又嘗因聖節執貢蕪詞蒙陛下怡  
天睠而優容降宸章以宣和臣又嘗因時雪輒進歌  
行珠旒亦賜於披觀金口曾垂於嗟賞臣至愚至陋  
無藝無能有如此徽榮有如此遭遇雖殺身無補於  
萬一而過分寧免於顛墮洎閣下改官淮陽典郡素  
無政術但守詔條然京輔之間豪猾難理州郡之職

智慮不周負陛下拔擢之恩孤陛下憂勤之旨致有公過上煩聖聰每思受恩既異於常倫受責亦宜於加等陛下尙寬朝典俾副戎車不踰年逢赦量移未周歲抽歸引見臣得生還帝里獲面天顏慶幸已多私願已適豈期聖造復實周行自衆多罪人之中授清華外郎之秩拜官之後受命以來夙夜省循俯仰慙懼感君恩之特異倍激私誠慮公道之或虧實憂官謗將何名節用贖疎遺敢不遵臨深履薄之旨守補過盡忠之訓冀伸微效上答鴻私

代李給事惟清讓密地表

感三

九

臣某言今日伏蒙聖慈賜臣官告勅牒以本官同簽署樞密院公事者絲綸之命恩出非常樞務之榮任當不次循涯增場聞寵若驚中謝臣聞天高聽卑陳力就列古既存諸方策今得敷爲讓章竊以臣本諸生素非奇士偶讀書史遂玷科名遭逢盛時驟居清列才能無取器業無聞歷官以來微効蔑有常憂隕越每誠庫本滴盈而陛下擢於流品之中實諸華顯之職望爲大諫謹言無補於清朝遷拜冬郎駁奏豈伸於厥職才微任重既而罷錢穀之司責淺恩寬尙命以藩宣之寄番馬重地交廣要衝上奏詔條外

撫荒服敷宣朝旨遵守官箴飲冰潔於誠心食蘖苦其精節洎改轉輸之命慙非幹濟之才三年海濱偶免遺曠千里闕下仰戀聖明詔書爰來晷旒入覲未踰月復其官秩不浹旬授原作此恩榮兢惶失圖寵用過分蓋深嚴之地近密之謀非臣顓蒙所能負荷況今提封萬里守在四夷帷幄之謀軍國之務英主裁斷近臣僉同臣也何人敢言是選伏乞陛下特廻成命俯亮愚衷別擇才能以裨任使則微臣有妨賢之責敢不罄陳陛下垂則哲之明必俞所讓

賀傅潛等庫本等下勝捷表

感三

十

臣錫言今日八月進奏院狀報鎮定高陽關馬步軍都部署傅潛等奏九月十七日先鋒都監石普等殺下蕃賊二千餘人斫到賊頭五百个奪到馬五百匹衣甲器械不少奉聖旨取二十五日稱賀者伏以明君御宇聖機方協於天機猛士守方武略咸遵於廟算果致平戎之績以成禦寇之功凡在照臨孰不歡慶臣嘗讀漢書每籌邊事當文帝承祧之始有匈奴犯塞之虞騎入雲中兵屯細柳但設備胡之策未聞克狄之功伏惟崇文廣武聖明至孝皇帝陛下道冠成康德高文景承太祖太宗之大業應無爲無事之

昌期三邊平寧萬邦謐靜禋祀宿齋清廟方表孝思  
以上十字 疑有譌脫 効慶靈者百神執玉帛者萬國豈犬羊之  
眾敢肆猖狂勞獍虎之師遂行剪滅以前茅之斥候  
成破竹之功勳捷奏星馳朝闕旒冕歡聲雷動夕徧  
寰區千官慶武定之基四海仰威加之德臣伏限所  
守不獲稱慶闕廷

賀冊尊號表

臣錫言臣伏覩報狀宰臣百官上冊尊號者伏以聖  
主承祧方新鳳曆羣臣推美爰上鴻名巍巍既與天  
比崇赫赫同大明之照凡在覆載無不歡呼 中謝 臣

感吉

七

早逢昌運常事先朝見盛德大業之光輝成積善餘  
慶之昭報仁莫先於守位孝莫大於揚名伏惟崇文  
廣武聖明仁孝皇帝陛下寶祚傳昌璿圖毓粹三載  
諒陰之禮候紀爰周千官拱極之儀推崇敢後以爲  
至道廣大上玄崇高經天緯地謂之文禁暴戢兵謂  
之武惟睿曰聖燭理爲明孝惟百行之先仁冠五常  
之首封章屢達聽覽方廻冲讓合於道樞虛受符於  
易象尚以薦享清廟禋祀郊丘方從徽美之稱以示  
後先之式恭以春秋鼎盛皇王節高雖成康仁賢豈  
迫盛烈文景儉靜孰侔嘉猷慶賜浹於華夷大禮光

於典策南山在詠永隆萬壽之期北極居尊益表千  
齡之運臣限拘符竹方遠闕庭不獲從玉輅之清塵  
侍祠俎豆捧寶函之編簡就列軒墀

感吉

七  
宜  
秋  
館

咸平集卷第二十四

表三 笏記附

賀大赦表

臣錫言臣今月十四日伏觀制書大赦天下者伏以聖德廣大鴻名昭彰報功于天推恩逮下發洙汗之大號示乾健之垂文慶賞兼行罪戾並釋覆載之內歡呼畢同中謝臣聞郊祀天地配享祖宗孝莫大於斯禮莫盛於此伏惟崇文廣武聖明仁孝皇帝陛下紹登寶位繼守丕圖英睿稟於自然仁和發於至性

感五

一宜 秋館

三載恭默萬方平寧示慈惠則刪約條科念忠賢則委用耆舊文德在省禮樂居先武功其神暴亂自弭以一陽來復有事于南郊肆赦遂行宣令于北闕夕徧天下先陽春而布和風行域中與品物而更始釋放刑禁矜寬過尤蠲復租征招懷違叛勲勞先賞遺滯旁求惠字惇稜恩加存沒合天波之蕩滌同壽域之躋升鳳儀九成方樂升平之化山呼萬壽佇觀封禪之儀臣恭守詔條遠在淮表執籩豆而待祠祭就列無由傾葵藿而仰照臨馳誠但切

謝加勲表

臣錫言今月九日伏蒙聖慈賜臣官告一通勅牒一道加上柱國者祇荷寵光不任感懼進受勲級彌覽忝塵伏念臣幸逢昌運早踐周行東觀西垣揚歷斯久內庭外郡委任非輕慙無茂異之才上答照臨之德今以郊祀云畢慶賞方行是先春布令之辰與物惟新之際懋功業者酬其爵土旌績效者轉以勲階臣素無微勞亦受殊賜柱國加於上字庫本作字既荷峻遷勵節發於中誠敢忘盡瘁

行在起居表

臣錫言今月十五日遞中伏觀御札以逆胡犯順大

感五

二

駕親征法天道之運行舉王師以薄伐百神受職二儀儲祥風霜助肅於皇威金玉必真於聖裕臣錫伏限所守不獲扈隨

賀聖駕還京表

臣錫言今月七日伏觀制置茶鹽司報狀聖駕正月二十二日還京者伏以萬方係望鸞輿景從以天旋六師凱還鳳闕策勲而飲至照臨之下歡慶畢同臣聞聖明御宇既任賢撫理以安民夷狄犯邊則命將驅除而出境布在方策形於詩聲伏惟崇文廣武聖明仁孝皇帝陛下嗣啟丕圖恭臨大寶聖文神武稟

自天資賡算英謀諒符幽贊八表混同於書軌百蠻  
奔走於梯航詔邊吏以戢兵來遠人以修德而契丹  
久隔朝化未悛禍心侵軼邊陲劫略生聚疆場飛奏  
將帥請行聖慈軫卹於黎元大駕躬親於征討天道  
助順王師立功不替月而塞垣謐寧未踰時而車輅  
旋復星辰環拱既瞻北極之尊士庶山呼佇慶東封  
之禮臣忝分朝寄遠限淮濱當鳴鸞順動之時無由  
扈從及翠鳳廻還之日莫遂班迎仰首堯天向日但  
傾於葵藿馳心魏闕朝宗空羨於波瀾

賀德音表

感三五

臣錫言今月九日遞中刑部牒連到德音釋放罪戾  
及蠲免逋欠招懷違叛旌舉勞能者已畫時施行申  
奏訖伏以漢殿凝旒百辟慶朝元之禮舜絃應律萬  
方覃在宥之恩凡仰照臨孰不慶抃中謝臣聞順時  
布令必欽若於典章視朔臨軒宜普行於恩澤伏惟  
崇文廣武聖明仁孝皇帝陛下動天以德守位以仁  
建中于民推恩待下金玉必真於王度地天交泰於  
昌期以月紀筵賓日當初吉袞冕升太微之座星辰  
羅拱極之班君臣會朝盛禮斯畢雷雨作解恩制遂  
行歡聲遐徧於八紘喜氣盡浮於雙闕德音所至庶

獄咸空惠渥秀流通租盡釋卹滯淹則吏員減選示  
綏懷則寇盜攸歸捐軀爲國者存歿霑恩抱器懷才  
者薦揚有自風行地上旣符發號之文雲起封中佇  
慶告成之禮臣謬膺朝寄遠奉詔條星霜再周未展  
涓埃之効軒墀久別但傾葵藿之心

賀老人星表

臣錫言今月十六日進奏院錄到宰臣與百寮詣東  
上閣門拜表賀老人星見并批答者伏以聖君御曆  
自膺萬壽之期上帝垂祥方協千齡之運中謝臣聞  
動天以德由誠信發于中與日齊明謂照臨迨庫本  
作逮

感三五

四

于下伏惟崇文廣武聖明仁孝皇帝陛下纂承二聖  
勤勞萬幾以大舜仁孝之心嗣守洪業以軒皇清靜  
之理撫安生靈時當太平物遇至化和氣所感殊祥  
遂臻南極見乎壽星東壁燦其垂象應秋分之日當  
夜朗庫本之時兆民式瞻仰黃明潤大之色太史伏  
奏還祉祐昭彰之符洪範休徵一曰富二曰壽陛下  
富有萬國壽比南山宰臣百寮旣獻華封之祝微臣  
外任但懷子牟之心魏闕來歸將僅庫本于三載堯  
樽上壽阻與於干官

賀尅復益州表



臣錫言十月三十日進奏院報十月八日閩門准樞密院劄子雷有終等奏九月二十日已取下益州城池入城殺下賊軍三千餘人所有在城百姓並無殺害已招安訖九日文武臣寮稱賀者伏以聖君御極當書軌之混同叛卒逆謀怙山川之險阻梟巢既破龜城已窺凡在照臨孰不慶抃中謝伏惟崇文廣武聖明仁孝皇帝陛下謨猷天縱道德日新至信及於豚魚深恩被予草木昨以坤維分野民或懼災并絡妖氛兵因致討成算授之於中禁捷音自至於外區劍閣先平刀原本州後破王師出如時雨儒臣應於

咸三五

五

將星果成克捷之功共樂升平之慶臣忝分朝寄遠在海陵闕邸吏之飛申已除小寇聞鼎司之入賀盡率具寮限守士於淮濱阻綴班於闕下誠如葵藿但傾向日之心迹在江湖空羨朝宗之浪

賀殺下王均表

臣錫言今月五日進奏院報雷有終差寄班供奉官安守忠到闕奏石普楊懷忠馬貴同共部領軍馬往榮州路趕趁潰散軍賊王均等十月三日到富順監楊懷忠馬貴前陣先與賊人相見一合殺下軍賊斫到王均首級掩殺招降到賊人并草補人員等共六

千餘人奪到衣甲器械物色不少其賊並已剪除淨盡奏聞奉聖旨劄與中書閣門御史臺取今月二十二日稱賀者伏以王師所至無不成功賡略遐宣屢聞獻捷凡在區宇孰不歡呼中謝臣每讀邸報方樂時平巴蜀久安邊隅無事防秋戍卒忽自叛違禦侮出師已闔剪滅由天道之助順見聖策之無遺伏惟崇文廣武聖明仁孝皇帝陛下嗣守丕圖恭臨大寶躋民於仁壽之域待下以誠信之心猛士守方以恩威而撫馭遠人受賜同覆載之生成豈謂將校負心輒懷逆節據城池而僭竊勞師旅以蕩除尙望生全

咸三五

六

更敢逃遯天施疎網豈漏凶徒陣有前鋒先誅元惡斷其首領奪到甲兵掩殺至多招降不少捷奏星馳於闕下歡聲雷動於域中益部山川永息寇虞之患蜀城父老式歌弔伐之恩仰慶昌期彌隆景運臣忝分朝寄介在淮濱趨玉階以無由望金門而伸悃

遺表

臣錫言臣聞修短之期固有定數臣子之志空戀明時忍死遺言瞑目長往臣誠悲誠咽頓首頓首伏望陛下以慈儉守位以清淨化人居安思危居理思亂與宗廟社稷爲福與天下億兆爲主臣無任感咽悲

哀之至謹上遺表永辭聖明臣誠哀誠咽頓首頓首  
謹言

謝知制誥笏記

臣錫言臣伏蒙聖慈賜臣官誥一通勅牒一道特授  
臣知制誥者祇荷寵榮不任感懼伏念臣聲光素淺  
文藝非高東觀濡毫不足與史官之列西垣掌誥安  
能司王者之言豈謂聖慈擢升清近續綸鳳閣慙非  
潤色之才委珮龍墀忽在論思之地敢不冰泉勵節  
緝素研幾上酬英主之恩仰奉詞臣之職

謝工部員外郎笏記

感五

臣錫言伏念聖慈賜臣官告一通勅牒一道特授臣  
工部員外郎者祇荷寵光不任感懼伏念臣素之時  
才謬分憂寄爰因公過出佐方州未逾年逢赦量移  
未周歲蒙恩引見自循過咎敢望恩勞豈謂聖造矜  
容宸慈光被俾歸郎署復齒班行敢不進思盡忠退  
思補過上答乾坤之施用明砥礪之心

謝直集賢院笏記

臣錫言伏蒙聖慈賜臣勅牒一道令直集賢院者祇  
膺榮命感懼交并伏念臣學識才能不備時彥華資  
顯職屢忝恩光未伸微勞復霽殊渥金殿集仙之職

玉階近侍之榮內省庸虛益慙尸素敢不服勤儒行  
砥礪臣誠上酬覆載之恩永報照臨之德

謝復戶部郎中笏記

臣錫言伏蒙聖慈賜臣官告勅牒授前件官依前充  
職者祇膺寵命感懼交并伏以慶賜方行殊私驟及  
郎曹念舊既承牽復之恩帝澤惟新實繫遭逢之幸  
伏念臣器能無取文學非優早揚慙於清華每兢慙  
於尸素豈期聖造擢實榮班復五品之華資益知忝  
冒樂千年之景運彌覺光榮唯勤忠恪之誠上報照  
臨之德

感五

謝皇太子笏記

臣蒙恩授戶部郎中仍舊直集賢院充職者祇荷寵  
光不任感懼伏念錫素無才識早玷官常爰當慶賜  
之辰復荷優隆之寵此皆伏蒙皇太子鴻私廣被睿  
德無私致粉署之殊榮爰陞賤品荷儲闈之大造徒  
激微誠永勵恪勤上酬覆燾

謝改吏部郎中依前直館笏記

臣錫等言伏蒙聖慈各賜官告勅牒蒙恩除授吏部  
郎郎中仍舊充職者祇荷寵光不任感懼竊念臣等  
器能無取文學非優遭逢既自於先朝揚歷驟升於

清質或綸閣效職或史閣策名但貽尸素之譏未展  
涓埃之報今伏遇陛下嗣登寶位光啟鴻圖普覃雨  
露之恩仰荷雲天之澤郎中上

謝改賜章服笏記

臣錫言臣蒙恩改賜章服祇荷寵光不任感懼伏念  
臣素無文藝本乏時才遭逢既自於先朝揚厯驟升  
於顯秩忝塵斯久報效未伸每愧貪叨但慙尸素豈  
謂聖慈曲被寵命惟新象簡朱衣念其久賜金章紫  
綬錫以增榮唯勵丹誠上酬立造

謝充彭城郡王生辰使笏記

感五

九

臣錫言伏蒙聖慈差押賜彭城郡王生辰例物者祇  
膺睿旨感懼交并伏念臣早受聖知累塵近職內庭  
差使未踰浚甸王邸誕辰復合將命荷稠重之渥澤  
循省難勝承瞻注之光榮兢慙愈切

謝兼侍御史知雜笏記

臣錫言伏蒙聖慈賜臣官告勅牒授兼侍御史知雜  
事祇荷寵光不任感懼竊念臣才能無取齒髮已衰  
尙列軒墀每慙尸素忽沐涵濡之澤遠塵端副之榮  
矧以申明典章必資諳練故實俯循閭閻寧振起於  
朝綱仰玷選掄但傍徨於官次敢忘勤瘁上答休明

謝改諫議大夫笏記

臣錫言臣伏蒙聖慈賜臣官告勅牒授臣右諫議大  
夫散官勲封賜如故者祇荷寵光不任感懼伏念臣  
遭逢景運揚厯官途慙無絲髮之微勞上答君親之  
大造豈謂天恩曲被宸睭猥臨實諸侍從之班授以  
箴規之職彌憂官謗上負聖知敢忘獻替之誠上答  
照臨之德

謝覃恩笏記

臣錫等伏蒙聖慈各賜官告勅牒改授官資祇荷寵  
光不任感懼伏以千年景運慶賜方行五品華資非  
才豈稱唯勵忠勤之節上酬覆燾之恩

感五

十  
宜  
秋  
節

二

臣錫等伏蒙聖慈各賜官告勅牒改授官資祇荷寵  
光不任感懼臣等遭逢英聖塵玷清華當策勲行賞  
之辰荷稱物無私之澤或超陞顯秩或牽復舊官省  
循咸愧於非才報効敢忘於盡瘁唯勤忠恪上答文  
明

咸平集卷第二十五

奏狀一

謝郵刑

右臣今月二日遞中伏奉勅書以蒸暑之時條理刑禁并賜臣優詔勉喻者纔臨畏景遽軫皇慈仰瞻貫索之文刑章已指俯閱出綸之命王道彌光伏念臣職忝分憂任當求瘼上體哀矜之旨敢忘勤瘁之心囹圄潔除飲膳供給湯藥必蠲於疾苦水漿用滌其煩蒸每務躬親不至淹滯仁主好生之德既已昭彰

感三六

一宜秋節

微臣述職之誠唯增恭恪臣已畫時錄勅施行訖

二

右臣今月二十五日遞中伏蒙聖慈賜臣勅書一道以時及鬱蒸恩隆軫惻丁寧諭郵刑之旨慮有滯淹撫問承出綍之文彌增惕勵臣竊念早塵瘡鑿擢在掖垣每畏景之纔臨觀舊章之必舉哀矜之意既得代言欽卹之詞亦曾起草况今自為長吏恭布詔條導俗宣風固當已任親民聽訟但守公方仰分宵旰之憂未展涓埃之効敢不屬因炎暑更切專勤疾病者湯藥必供縲紲者飲食無缺掃除禁室置給水漿

重囚則無至淹延輕繫則逐旋疎理淡日常親於慮問園扉迨及於空虛上酬委任之恩共慶長贏之令仍尋錄勅散下管內施行

三

右臣今月十七日遞中伏蒙聖慈賜臣勅書一道以炎蒸之時下欽卹之詔凡守官次祇奉朝章始聞命於哀矜次符恩於撫問愧并交切循念尤深臣本非強明屬當委任自分竹使再歷梅時慙無安撫之才仰副憂勤之旨當赫日可畏南風正薰敢不上體皇恩俯遵時令大小之獄豈但躬親夙夜在公不合淹

感三五

二

滯至于飲食充給囹圄潔除或水漿滌其煩蒸或湯藥療其疾病已有先勅徧下有司謹當宣布詔條勸郵人隱協天地長贏之令應帝王軫惻之仁

四

右臣今月二十六日遞中伏奉勅書為郵刑獄兼蒙恩獎諭者伏以天道運行既當炎暑皇慈軫卹諒協長贏慮庶獄之滯淹憫縲囚之困苦出綸之命務在矜寬解網之仁孰不感戴臣忝分憂寄恭守詔條敢忘躬親免辜委任訟庭聽斷雖愧通明園扉禁留常動決遣况刑清事簡運屬升平合肅恩寬人無枉濫

皆聖主慈仁之所及豈微臣政理之可求丹詔過臨特諭哀矜之旨黃沙既啟盡承欽卹之恩臣尋依勅命散行管内訖

五

右臣今月十三日遞中伏奉勅書以候及長贏時當炎暑獄訟之理既上軫於聖慈撫問之恩亦下及於凡品俯僕披閱虔恭奉行况宣導化風臣之職分躬親刑政敢忘專勤重輕禁繫之人無至淹滯供給潔除之事不住指揮仰副詔條勉遵朝旨順時布令合大道之昭明矜罪卹刑暢物情而舒釋人歸帝德舞

感六

三

詠南風之薰身係使符思歸北闕之下

六

右臣今月二十四日遞中伏蒙聖慈賜臣勅書一道令疎理刑獄兼加撫諭者伏以南風之薰舜絃方奏北闕之下漢詔爰行既自邇而陟遐協順時而布令當天道長贏之際推帝心欽卹之仁方國咸周共體哀矜之旨園扉所繫盡承疎理之恩玄象夜闕庫本作曉貫索驟稀於星彩丹書曉讀出綸俄自於日邊臣謬以頒守六條躬親庶獄但仰泣辜之德慙無聽訟之才唯勵恪勤庶無淹滯夙興夜寐虔遵明慎之文事

簡刑清唯樂升平之運

謝賜冬衣

右臣今月十三日祇候內品任延保到州伏蒙聖慈賜臣紫欵正緜旋補一領并勅書撫問兼賜屯駐本城諸軍員寮等衣襖已准宣俵散訖伏以江國祈寒之際金門慶賜之初瑞雪纔飛早梅方折俯閱出綸之詔拜手知榮跪承挾纊之恩撫躬增感竊以臣忝分憂寄豈著微勞揮涕淚以霑襟寧酬玄造對衣裘之在笥益勵丹衷

二

感六

四

右臣今月二十三日教閱內品林延壽至伏奉勅書賜臣紫欵正緜旋補一領兼賜屯駐本城員寮衣襖已准宣俵訖歡呼拜恩俯僕跪受詔以出綸之命宸獎難勝頌之在笥之衣戎容共悅伏念臣久違近侍繼忝分憂美服爲榮敢忘益恭之訓撫躬知感寧酬慶賜之恩

三

右臣今月四日翰林待詔王祐至伏蒙聖慈賜臣勅書一道勉諭并賜紫欵正緜旋補一領兼賜就糧諸軍員寮等衣襖尋准宣俵散訖伏以祈寒之節初戒

於霜嚴慶賜之恩普覃於天下守方猛士衛社勲臣  
宜挾纊以頌宣表出綸之渥澤臣忝分朝寄叨布藩  
條慙無襦袴之謠亦荷衣裘之賜俯伏拜慶歡呼戴  
恩喜動連營春色先歸於細柳職拘守上夢魂徒繞  
於禁林

四

右臣正月二十八日翰林藝學光祿寺丞郝承惠到  
伏蒙聖慈賜臣紫欵正解旋欄一領并賜勅書無問  
兼賜員寮衣襖已准宣佞散訖臣忝分憂寄未展微  
勞爰及祁寒例霑慶賜俯僂聽出綸之命歡呼承在

盛天

五

笥之衣禮厚頒裘省躬靡稱恩深挾纊撫己難勝唯  
堅忠恪之心上報照臨之德

五

右臣今月八日使臣後苑打毬祗候三班奉職張珏  
押衣襖到伏蒙聖慈賜臣勅書一道并紫欵正解旋  
襖一領及軍員冬衣等已依宣命佞散訖伏以祁寒  
初戒慶賜咸均星使降于禁闈時服頒於郡國竊以  
臣素無才術叨奉詔條歲月再周勞効未著承出綸  
之問諭荷挾纊之恩榮捧圭而既覺難勝束帶而益  
知靡稱歡呼就列拜聖君臨照之私感激于懷愧微

臣尸素之幸敢不恪居官次慎守公方冀伸絲髮之  
微勞上答君親之厚施

六

右臣今月日秋官正趙昭益到州伏蒙聖慈賜臣勅  
書一道撫問并紫欵正解旋欄一領者伏以祁寒初  
屆慶賜遂行天人降自於禁闈時服頒宣於外郡臣  
忝分憂寄恭守詔條愧無勞能亦荷寵錫俯僂闕出  
綸之詔歡呼承挾纊之恩輕暖在躬禦風霜之凜冽  
兢慙省己霑雨露之涵濡唯勵丹誠上酬玄造

賀德音

盛天

六

右臣今月三日夜密院馬遞到勅書一道以炎蒸時  
序推恩既表於哀矜輕重刑名布合普行於減降已  
晝時散下管內施行訖照臨之內歡慶畢同伏惟皇  
帝陛下道洽泣辜仁深解網四時合序獲賓方戒於  
長羸萬物勞懷庶獄先憂於枉撓至于言形罪己念  
切向隅徵無納者悉與蠲除杖已下罪特合免放動  
天以德仰瞻而貫索星稀感物以誠解愠而南薰風  
至臣忝頒條詔已踰歲時愧無微勞上答玄造每道  
朝旨固圍靜而屢空方樂時康刑法措而不用

二

右臣今月十三日遞中伏蒙聖慈賜臣宣頭一  
決遣者陰陽之數亢早有時聖哲之心宵旰爲念慮  
科條之尙密致刑罰之未平爰以深春稍愆甘澤遂  
降哀矜之詔用彰軫惻之仁遞減重刑俾從輕典人  
心感悅和氣舒以雲行天意昭彰玄貺流而雨施宣  
勅之日尋有滂沱播種之時悉得霑足仁主好生之  
德變沴爲祥蒸民受賜之心式歌且舞臣謬膺朝寄  
恭守詔條夙夜在公敢忘惕厲躬親庶獄常慮滯淹  
絲綸爰降於矜寬縲紲盡除其禁繫幽鑰夜動圓扉  
曉空睿德所覃大賚斯普仰稟憂勤之旨俯增尸素  
之懷臣尋依勅施行訖

感三

七

謝賜曆日

右臣十二月二十九日遞中伏蒙聖慈賜臣宣頭一  
道雍熙四年曆日一軸者伏以堯帝授時之典周官  
頒曆之儀君命先春感嶺梅而盡拆王正告朔催江  
柳以俱新伏念臣叨守六條已更三載俯閱履端之  
始豈勝慶賜之恩

二

右臣今月十二日伏蒙聖慈賜臣雍熙二年曆日一  
軸仍降勅書撫喻者臣久遠近待方忝分憂律曆頒

行俯僂拜授時之賜絲綸聞念歡呼馳就日之誠榮  
并交并不知所措

三

右臣今月一日進奏院遞到宣頭一道賜臣舊化二  
年曆日一卷者伏以皇明示信帝德先春頒寶曆以  
授時平分四序表瑤圖之撫運永慶千齡拜受捧闕  
省躬知感臣忝膺朝寄方布藩條讀汜氏之農書合  
周公之時訓勉人耕作欣節候以無差與衆頒行見  
陰陽之不忒豈煩闕牘天道已知徒限部符宸階尙  
遠

感六

八

四

右臣今月十九日伏蒙聖慈賜臣咸平三年曆日一  
卷者伏以日宮供職既遵守於舊章王者授時遂頒  
行於新曆履端於始舉王於中三百六旬七十二候  
開卷有得俾人不迷慶賜所均先春而至臣忝分憂  
寄恭守詔條黎元是親勸課爲本紀候昭著與農書  
而共披陰陽運行同聖德之廣被仰應玄造豈勝丹  
誠

五

右臣今月四日進奏院遞到宣頭一道伏蒙聖慈賜

臣咸平四年曆日一卷者伏以星廻于紀月周于天堯仁既別於上立禹服遂頒於新曆臣才非典郡任重親民披分至啟閉之文知勸課撫綏之節所念一遠天闕三換王正寒暑往來鴻鴈遂隨陽之性草木萌動葵藿有向日之心萬國授時拜闕但欣於慶賜明堂讀令禮儀空羨於榮觀

進賀聖節

右臣伏以千齡應運萬國同歡彩虹流渚以呈祥率土充庭而執贄前件絹出從公帑入貢宸階用馳北闕之心仰祝南山之壽謹差某乙押領上進干冒宸

咸三六

九

宸

二

右臣伏以虹流華渚電繞辰樞凡居率土之濱咸祝後天之壽前件原闕庫本補絹出於公帑貢入明庭遇千年慶誕之辰同四海歡呼之志謹差某乙押領上進干冒宸宸

三

右臣伏以上帝垂祥聖人誕慶當紫氣充庭之日是黃金爲壽之辰况祝堯齡皆循禹貢前件絹賦租所入京國上供願同率土之濱用慶後天之算謹差某

乙押領上進干冒宸宸

四

右臣伏以承天嘉節謝聖良辰凡居禹貢之封疆盡祝堯仁之富壽前件絹邦民租賦國帑貯留用充貢奉之儀以表虔恭之節謹差某乙押領上進干冒宸宸

代宰相謝社日宣賜

伏蒙聖慈宣賜酒食環原作餅等仲陽嘉月王庫本作主社良辰錫御府之酒漿頒太官之餅餌祇受愧惕感戴交深捧觴雖對於堯樽借箸未伸於漢殿徒積素

咸三六

十

餐之責豈勝推食之恩臣等無任惶懼激切之至

謝除姪男昌裔連庫本作連下同水主簿

右臣今月二十一日伏蒙聖慈賜臣姪男昌裔官告一通勅牒一道授將仕郎連水軍連水縣主簿者雲天之澤俄及於私庭綸綍之恩遽加於猶子顧微勞之未展慙內舉以非宜况茲叙蔭出身本因覃慶起家入仕固無他能但以臣解績誥之職司荷頒條之寄任遂拜章以陳乞方積憂虞蒙宸旨以曲從特與除授里閭之內一家增榮骨肉之情聚族知感矧於近地効此初官軍庫本作軍昌之間公事不少敢不丁寧



訓勵重疊諭旨俾將冰蘖之心上報君親之施

謝加朝散大夫階

右臣今月八日進奏院遞到勅牒一道蒙恩加朝散大夫者國家以因時覃慶與物惟新勲階叙進之恩本酬殊効雨露無私之澤亦及微臣祇荷寵光豈任感懼臣竊念素無文學驟忝披垣遭逢致身實知玷幸出入受命徒罄忠勤方解職於綸閣俾頒條於藩省原作階銜轉改名品遷升益爲按部之榮彌勵履冰之節

謝賜御製雪詩

感六

七

右臣伏蒙聖慈宣示御製雪詩者伏以聖德動天累副憂勤之念嘉祥降雪已彰豐稔之期曆歲俄新抒妍詞於歌詠宸慈曲被俾凡日以闕觀拜捧增榮歡呼失次伏惟皇帝陛下道起三古功冠百王日覽萬機躬親庶政朝廷之事無不允釐天下之民已臻至化然五行常數稍致亢陽九年之儲素有豐備而陛下勵精益切求理彌深以至引咎膏以在躬走禱祠於羣望聖心如是天鑿聿彰雪觸石以朝墮千里同色雪繽紛而夕降盈尺呈祥宿麥成滋大田斯溥三農相慶於閭里百穀將詠於京坻是以感兌悅於宸

衷炳乾文於御唱白雲之句固莫繼於菁英黃竹之歌豈可侔於藻麗攸宜祕之瑤檢播以鈞天永新二雅之音式茂載歌之作臣素無才識忝備掖垣紫微紅藥之司已慙非據白雪陽春之曲受賜難勝

進瑞雪歌

右臣忝分憂寄祇守詔條勸課農桑宣導風教臣之本職敢不專勤臣實非才豈忘惕勵上賴聖德下奉朝章所以獄訟稍稍公事亦簡禾稼大稔封部無虞唯自入冬尙未降雪蓋明年有閏節氣枝遲宿麥未妨農候不失竊聞深軫聖慮偏令禱祈臬動天心聿

感六

七

彰報應當州今月十一日已得時雪將表年豐遠近之間必獲霑足豐穰之瑞所宜詠歌臣早以非才擢在清貫因思去歲亦是深冬六出呈祥方覩盈尺兩制同列俄受急宣俾於中書錫以良會上樽賜酒光祿移厨聖制歌行初蒙陛下宣示御筵賦詠亦合臣等進呈白雲黃竹之謠豈憂稼穡君唱臣和之美堪載策書臣亦親聞德音願歌茂實合以六蜡之月佳雪及時撰成封菲之詞上贖晷旒之鑿干冒宸辰

進瑞麥

右臣伏以聖德所感和氣發祥旣表異於來麩實殊

常於合穎豐年爲瑞靈貺有歸伏惟皇帝陛下德合  
二儀仁深萬彙薰絃在御應朱明長養之時秀麥乃  
登彰玄造豐穰之理瑞圖所載信史可書既獻自於  
西疇合貢之於北闕臣職叨長吏任重親民躬覩慶  
靈豈任抃蹈謹差押衙云云

進賀南郊

右臣伏以聖君纂嗣諒陰之制爰除景運升平郊祀  
之儀遂展凡居率土咸貢明庭前件絹帛民樂輸公  
帑所積用慶禋宗之禮冀伸贊幣之誠謹差某乙奉  
狀上進干冒宸嚴

咸未

圭宜 秋簡

咸平集卷第二十七

京兆田錫

奏狀二

進應制詩

右臣昨日閣門奉傳聖旨宣召赴賞花曲宴者伏以  
良辰美景錫宴追歡仰承明聖之恩方屬升平之運  
詩稱在鎬豈足擬於皇猷歌有橫汾安得侔於盛事  
竊念臣器能無取文學非優早塵侍從之班屢赴深  
嚴之召每惟微忝常積兢慙美盛德之形容達微誠  
之慶抃欲陳歌詠上黷冕旒限以閣門曾受指揮不

辰三

宜秋館

許進獻文字今屬上林春曉內苑花新汎蘭酒於堯  
樽詠柏梁於漢殿雖芳叢應制劔庫本渚裁詩慙非  
敏妙之才但抱怔忡之思數日前輒嘗賦牡丹詩賞  
花詩賞花釣魚詩釣魚詩因得盈編皆金門應奉之  
詞悉丹禁芳菲之景不敢藏秘是用進呈與今日奉  
宸旨所賦詩同進歌時樂聖爰因侍宴之辰比興緣  
情蓋受言詩之賜干冒嚴展

謝賜九經書

右臣當州為無經書乞自辦紙就國子監印取九經  
歸州今月若干日伏奉勅牒蒙恩却給還紙特宣賜

九經書并釋文者伏以聖人之道著在典墳英主之

恩頒于郡縣是使桐廬陋壤化為禮義之鄉鈞瀕遺  
民永習詩書之訓伏念臣忝分憂寄權守詔條文翁  
勸學之風慙無祖述宣父化民之道敢怠師資是以  
輒貢封章乞印經籍上干旒冕方冀典憲之誅俯降  
絲綸特允芻蕘之請賜書湖外文明益播於頌聲函  
丈席間問學驟新於王澤佇俟緘之湘帙實彼頒宮  
鄉校請觀咸遂專經之志郡人傳寫免勞闕市之勤  
仰荷殊恩永為盛事

乞住連水軍寄居

咸三

右臣近蒙恩澤量移單州榮慶之懷尋具表章稱謝  
行邁之次輒有衷懇披陳臣昨離海州今至連水訪  
聞綱運稍併河道未通孤舟深憚於沂流盡室復當  
於畏景乞從私便須至上言進退憂虞不知所措夙  
夕猶省豈合徵求但以君親之恩所祈或遂日月之  
照洞鑒無遺臣素以寡貧又無兼力所到之處既闕  
人船出陸之時仍乏鞍乘欲乞且寄連水以俟後時  
郊禋庶令親屬之間稍遂便安之望干冒旒展

謝許連水寄居

右臣今月十四日伏覩勅下連水軍伏蒙聖慈依臣

所奏爲乞於連水軍暫住以俟後時郊禋兼蒙恩便於連水軍請給料錢者臣伏念請求之懇雖上達於天聰憂惕之心慮有煩於聖聽方虞罪戾難逃鈇鉞之誅豈謂允俞俯降絲綸之命加以天慈曲被月俸仍霑郵其羈旅之人遂以便安之志省躬懷感聚族知恩白日近於帝鄉舉頭雖見滄波遠於魏闕迴首猶賒恭俟鳳曆三周雜竿肆赦已遂量移之志例該牽復之恩當補過以輸忠冀酬恩而展效

謝姪男昌裔加階

右臣今月十六日遞中勅牒到臣姪男前連水主簿

感三

三

昌裔蒙恩加文林郎階者伏以禮畢園丘慶尊方國自天之澤既霽霑於寰區猶子之榮遽轉加於階級光生里巷寵渥私庭載惟枝葉之親得與簪纓之列舉家知感聚族爲榮難酬覆燾之恩徒訓廉勤之節臣昨因論官已遂量移尋蒙聖慈許寄連水忽覩絲綸之命榮慶既同但傾葵霍之心歡呼所共

乞直館

右臣輒披丹懇上黷宸嚴進退憂虞難逃罪戾寔貧困迫須至敷陳伏念臣遭逢盛時際會英主謬因文學悞受聖知塵忝既深驟列縉綸之職勞能莫展豈

仲報國之誠迫至授以正郎委之近郡時才闕儒有孤委任之恩公過謫遷旋遇龐鴻碑本作之澤泊歸丹闕復賞通班尸祿曠官彌深惕懼陳力就列將贖貪叨伏乞聖慈俯垂照亮念臣曾備員於東觀嘗寓直於西垣願伸撰述之微勞上紀文明之盛事干冒旒展

奏魏廷式封駁

臣今月二十六日受實封勅一道爲魏廷式封駁陳恕等不起晡臨還司勅其奏狀云臣與田錫同共取旨其田錫妄奏聖君遂相矛盾臣奉聖旨令獨署名

感三

四

銜駁奏奉勅宜令田錫詳所奏分析聞奏右臣昨二十二日於長春殿與魏廷式進呈劄子臣未讀劄子先奏稱魏廷式將斷勅取聖旨魏廷式遂將三司鹽鐵使陳恕等不起晡臨斷了還司勅對御披讀又將刑統第一策於御前讀曰禮者恭之本恭者禮之興故禮運云禮者君之柄所以別嫌明微考制度別仁義責其所犯既大皆無肅恭之心故曰大不恭於是臣遂奏云御史中丞李惟靖所奏元無大字祇稱有此不恭陛下遂取刑統看并看元勅臣又奏大不恭有八條臣又奏曰臣按故事凡制勅有未允當卽駁

正其事封還詔書謂之封駁今此勅已斷遣了臣又奏臣昨日與魏廷式商量此勅緣是斷了勅然不敢堅執緣張鑾是臣親情慮魏廷式有所疑今日須至於陛下當面敷奏臣又奏曰臣於法律不熟魏廷式本是法科成事臣乞稭令魏廷式自駁奏尋蒙陛下謂魏廷式曰祇卿獨自駁奏又再謂魏廷式曰卿自駁奏臣又奏曰魏廷式欲法寺定斷元條若陛下寬減其罪所貴恩歸陛下臣之所奏陛下必一一記得今魏廷式稱臣妄奏聖君所奏安敢輒妄魏廷式又稱臣遂相矛盾緣所見與魏廷式所見不同所以

咸五

五

不敢與之同駁奏以此魏廷式奏臣遂相矛盾臣與魏廷式同句當審官院通進銀臺封駁司豈敢與之矛盾若魏廷式所見與臣所見同卽臣方敢與之同封駁若魏廷式所見與臣所見不同卽臣豈敢與之同封駁臣謬因文學偶忝科名幸以遭逢驟塵華顯効官史閣但閱圖書供職校垣曾知制誥典謨之事則嘗聞之刑律之書未嘗學也昨八月八日閣門受勅差臣與魏廷式同職句當敢不盡忠於陛下敢不共力於同官實非妄有奏陳輒相矛盾仰祈聖鑒俯察恩誠

秦州謝上

右臣昨奉詔旨差知秦州已於今月五日到任生事訖伏念臣素無才術驟厯官常先帝悞知寘之外制陛下擢用列于內庭臣每憂致疎遺慙無裨益難進易退輒效古人量材授官因告明主遂有狀奏乞歸館中兼以太祖史書久未了畢集賢職分願効勤勞豈謂聖意丁寧優寄差使出合典郡委以親民告謝之時既叨敦喻入辭之後仍有所陳遽荷殊恩累降中使再蒙召對復得頒宣仰戴恩光實踰始望恪守官次敢不盡忠自至臨行合有所奏爰當發日會上

咸五

六

實封竊計愚誠尋達睿聽臣識見素淺年齒已衰惟陛下以特達知臣唯臣以愚直奉陛下兼因宣召面奉指揮候到本州若有公事或入遞申發或赴闕奏來臣實何人驟承宸睭况外郡以常行之事自素有定規若舊勅有未便之條必奏取進止臣乍違嚴展每念覓旒敢竭愚誠敬塵聖鑒

秦州乞替

右臣輒披丹懇上黷皇明仰祈臨照之恩俯鑒憂虞之抱臣至道三年蒙恩差與魏廷式同句當審官院通進銀臺封駁司事因魏廷式奏三司使陳恕已下

犯大不恭罪爲所奏與御史中丞李惟清所奏不同  
臣所以不敢同其所奏自是魏廷式與臣不和以此  
上章乞歸館殿適值三館中差安德裕席希叟韓援  
宋鎬王綸李建中張復曾會樂史路振等出典州郡  
時聞聖意謂臣亦求差遣遂有勅差臣知泰州臣以  
本無意求出祇爲魏廷式性識麤疎難與之久處臣  
所以先自求退乞歸館殿因詣崇政殿告乞免此差  
遣聖旨未允臣更不敢辭免遂等候春水進發未進  
發間伏觀二月五日御札以彗星見令臣下各陳所  
見臣遂於三月七日上章是日至未時宣召顧問蒙

感七

七

恩以臨行特有頒賜八日朝辭九日復進封劄子十  
一日中使至再宣召於崇政殿西閣顧問仍蒙金口  
問喻甚日進發祇半年與替兼奉聖旨或有事要面  
奏但乘遞馬赴闕臣到任上事後尋發奏謝狀中亦  
略言訖蓋州郡常事可行卽行不足更煩聖聽但憂  
離遠陛下左右之後或有讒謗所以臣不遂半年與  
替之詔臣今在任已二年八箇月三逢聖節以官秩  
未滿朝覲無由不獲隨班上壽所謂身在江湖之上  
心歸魏闕之下揮涕感戀情不能忘雖夙夜在公敢  
不惕勵而旦夕望替蓋憂疎遺兼去年曾具奏聞爲

臣男長城與卽今知興元府國子博士許逖家結親  
於今年四月成迎訖緣許逖始因官在泰州居住臣  
久在任慮非穩便願歸京師且在館殿供職伏望聖  
慈允臣所奏

謝得替

右臣今月一日伏蒙聖慈賜臣勅一道差膳部郎中  
崔維翰知泰州軍州事替臣今臣候替人到交割訖  
發來赴闕者臣伏念近發奏章求解所任追思僭易  
方抱憂虞蓋以臣素無才能叨膺任使考秩將滿勞  
效蔑聞雖常佩官箴敢忘惕勵而願歸仙殿庶免曠

感七

八

遺豈謂皇明俯鑒於忠誠詹德特容於上請今已祇  
受制旨恭俟替人當獻歲之令辰捧出綸之優詔俯  
僂拜命歡呼戴恩路雖遠於清淮心已歸於丹闕朝  
覲在卽榮慶交深

謝賜御制社日詩

右臣伏蒙聖慈以社節御製詩賜直館已下令依韻  
和來者伏以文昭天德實炳三辰詩與道鄰式合萬  
象豈臣固陋所能討論所念臣遭逢盛時伏事先帝  
愿清華之職次塵侍從之榮班或上苑花時或中秋  
月夜得與言詩之賜屢陳應制之詞雖采葑每愧於

緣情而傾藎但承於委照今遇陛下嗣膺寶曆恭守  
丕圖以秋社之令辰慶豐年之嘉節堯樽湯鼎賜嘉  
會於館中聖藻宸篇示同歡於天下物情欣戴膺澤  
汪洋臣既就列歡呼觀皇家之餘慶省躬感泣觀雅  
道之重光敢不仰紀王猷上膺宸旨在心日志樂三  
農豐稔之時扣寂求音頌千載會昌之運謹繕寫應  
制七言四韻詩詣通進司隨狀進呈

謝賜御製重陽詩

右臣伏蒙聖慈以重陽五七言詩二首賜直館已下  
依韻和者伏以千年嘉運九日良辰宸歡發於詠歌

感七

九

膺意屬於豐稔雲天六義下館閣以傳觀風雅二章  
與星辰而並麗臣忝竊近職原作瑄屢遷遭逢聖  
時塵露無益憂慙交集節序惟新良期當采菊之辰  
故事有登高之會君唱臣和雖理道可發於詩聲金  
馬石渠而就列亦承於宣示受命兢惕構思怔忡俯  
慙葑菲之詞豈稱絲綸之詔

進撰述文字草本

右臣昨五月八日蒙宣詔顧問之次臣因奏乞以經  
史中要切之言書於屏風實於御座之側所貴旦夕  
披覽如座右銘之類臣又奏今陛下以何道理天下

願以皇王之道為理臣奏舊又有御覽但記分門事  
類共三百六十卷取日覽一卷可周歲讀徧然不如  
節略經史子集作三百六十卷或萬機之暇日覽一  
卷所費理亂興亡之事常在目前也臣欲撰進至明  
日又再承召對宣諭所言皇王為理之道可欵曲著  
撰進來臣遂略言尚書堯舜典是帝道其注亦甚分  
明陛下稱朕亦常看尚書其注頗甚易曉臣又奉聖  
旨令寫先帝時所進封章臣自請假往鄭州迴尋寫  
先朝時所進封章已於五月二十六日詣東上閣門  
實封進呈訖所有撰進文字兩本隱其名 庫本無三字注今且  
各寫兩卷進呈取進止欲依此撰進如聖旨允所奏  
即乞內降劄子指揮所是餘一卷軸稍多候撰及三  
五十卷旋具奏草進納今詣通進司進上件草本四  
卷隨實封狀聞奏

感七

十

謝內降劄子獎諭

右臣昨日通進司差人送到實封內降劄子一道伏  
蒙聖慈特加獎諭并以臣所進文字合餘上卷帙旋  
撰集得相次進來者臣本無器業素乏才能遭逢先  
朝驟歷華貫祇事陛下未展微勞昨因召赴深嚴再  
承顧問遂有所奏欲以皇王之道編撰進呈遠承英

睿之知特垂聽允洎撰集之次館中將文曆令臣署  
字隨例勘書所撰集既密受指揮不敢洩漏其校讐  
又難爲訴免不敢奏聞相次奉勅考試舉人昨已了  
畢遂進所撰草本取候進止豈謂聖恩曲被瘡獎端  
臨退思庸淺之才曷稱照臨之德俯伏愧荷兢惶失  
圖今因事復有愚誠合取聖旨爲所撰進文字卷軸  
稍多所有館中勘書欲乞蠲免貴一志得專於檢閱  
數年方就於功夫兼得逐旋進呈以備接續披覽仰  
祈立造俯鑒丹懷

奏乞不差出

盛七

三

右臣所撰進文字旋進五卷訖未審陛下書於屏風  
已真座隅否所進文字隱名庫本是臣致君於堯舜  
之心也嘗因宣召陛下問臣所進文字幾日撰得一  
卷臣奏五日撰得一卷臣因以日計撰成之數一年  
計七十二卷五年方得成就雖五日撰得一卷然須  
子細披詳慮有差錯或悞則檢會比覆以至寫淨可  
七日至八日方了一卷今以八日之數大槩總計一  
月可得三卷一年得三十六卷十年方得三百六十  
卷別隱名庫本一十卷不在計數又作數計外其餘已  
進十七卷訖餘三百四十三卷計九年餘六箇月方

始成就臣慮十年之間陛下差臣出官若臨時求免  
差出是違王命也又慮十年之間陛下差臣蒞事若  
至時欲免差遣是違聖旨也以臣愚見若差出一郡  
不過治一方上五字依庫本增若留臣在館殿常以皇王之  
道致陛下於堯舜也若差蒞事不過供一職孰若留  
臣在左右得以帝霸之道致陛下於堯舜也臣始乞  
免勘書欲專以撰述蒙聖恩尋有內降劄子下館中  
矣臣又乞借書欲廣於聞見亦得睿旨尋有內降劄  
子下館中矣臣既有書檢閱又無事牽束以副陛下  
降綸言獎喻之恩足以成微臣奉聖旨著撰庫本作述之

盛二

三

志今陛下春秋鼎盛英睿天資聽政之餘好古不倦  
若師皇王之道日新厥德必十年之內能致太平若  
遵帝霸之道夕惕若厲則千載之運永固鴻業臣雖  
衰邁得見太平之時臣之私幸足矣臣雖愚蒙得成  
所撰之書臣之夙願亦足矣如聖慈允臣所奏乞御  
批劄子直付微臣貴無洩漏緣所撰書未成須至慎  
密庶免譏謗也干冒宸嚴

奏蔭長男慶遠

伏以皇家積慶聖主誕生當斗樞繞電之辰感思祝  
頌仰日馭葵傾之際輒方披陳願垂臨照之恩實荷



生成之德伏念臣迹惟羈旅年已衰邁忝冠待

庫本補

曹叨兼憲署風霜舉職愧未展於臣誠雨露均恩因

仰祈於子蔭臣有長男慶遠竊嘗訓勵今已長成遇

華封祝壽之時起宗嗣奉先之念乞該恩例願在宦

途冀微臣告老之年得嗣子及親之祿伏望陛下俯

垂睿鑒恕以物情牛畜有舐犢之心烏鳥懷反哺之

性以臣子簡望式君父推恩進退憂虞不遑寧處干

冒宸辰

右臣伏以忠於國莫先於至公孝於家莫重於繼世

臣去年因逢聖節輒露私誠以六典素有明文五品

感七

三

得用資蔭遂上言長男慶遠幼能寫字長好讀書隨

臣出入為官見臣日夕莅事頗知畏慎稍識公方雖

文學之間未能應舉而恭謹之性足以幹家臣以年

齒已衰生涯未有除俸祿充給之外無田園終老可

歸慮一旦云亡卜葬無地一家私屬失所可憂遂拜

封章與長男希求入仕及經旬月聞正郎無例該恩

然臣男慶遠自來與臣寫所奉封章與臣寫所進文

字年已成立性亦恭勤欲及臣未死之時聊慰臣有

後之意望不候聖節不候郊禋乞陛下垂特達之恩

遂微臣懇求之請况臣年六十有三餘七年當已致

仕以人生百歲七十者稀未知七年之間得事陛下  
否若一旦溘如朝露永謝明時則遺表進男亦無及  
矣臣不避罪責因悉敷陳伏望聖慈俯垂憫念干冒  
宸辰

謝傳宣

右臣昨日中使至伏蒙聖慈傳宣昨日所上表朕已

知令安心著述文字必不別有差委者伏以王命猥

降睿旨密宣既聞命以兢榮益省躬而愧惕竊以臣

遭逢景運忝竊居多欲報殊私涓埃未效念尸祿素

餐之責靡所遑寧因聖恩召對之時輒有稟覆欲以

感七

三

管闕之見采摭羣言庶期日覽之時發揮古道資帝

堯欽明之德副虞舜好問之心退思學識非精見聞

未博以檢闕須備非三館固難得書以卷帙稍多非

十年豈易絕筆是以輒陳私懇上贖宸嚴方懷憂懼

之心未寧丹素忽有宣傳之旨曲賜允俞感君親獎

激之恩成臣子撰修之志供集賢之職雖愧古人戀

承明之庭豈憂外任天顏咫尺五日一與朝參聖運

升平十稔得終事業守官次莫榮於此受聖知莫幸

於斯

知雜後謝傳宣

右臣十六日中使至傳宣旨近者覽卿章奏恐有住  
滯爲越誠信差出句當不欲別差人來卿自來章疏  
所司不敢住滯並總收得今日所爲除改事此名位  
朝廷甚難其人亦不妨撰述慮少暇可慢慢撰述候  
及卷數進來但安心勿過慮或有所見逐旋聞奏不  
欲召卿兼今後不更差人并降劄子去與卿便穩及  
今後奏狀不要可漏字原作子上更著白帖子言裏面  
有貼黃卿自來奏狀朕一一親覽但祇狀內著黃貼  
子者俯伏聞命釋愚臣危懼之心兢榮失圖感英主  
照臨之德臣蓋念於通進司每下奏狀執政間或有

感七

五

探人古謂禁闈有九重之嚴中堂喻千里之遠蓋虞  
左右輒蔽聰明所以下之情誠少得上達聞聽今陛  
下宣示以臣自來章疏所司不敢滯留臣之至愚固  
無可采但以有所聞見敢不敷陳既一一盡達宸聰  
則區區得罄臣節仍喻臣以近所除兼職朝廷甚難  
其人臣實何人當茲重選將何稱職但奉至公上酬  
聖知以贖官謫仍勉臣以不妨撰述候及卷數進呈  
令臣但安心命臣勿過慮或有所見逐旋奏聞臣學  
識非優器能無取但以遭逢景運涓埃無報國之勞  
采摭羣書細素形致君之志撰集未畢除改忽新慮

構罪尤合先敷奏豈謂封章朝達宣旨夕傳優容同  
覆載之仁敦喻表慈憐之旨柏臺莅公之暇竹簡著  
書之餘得以阜囊上陳丹陛雖虛佇讜直無間於芻  
蕘而仰鑒融明願傾於葵藿干冒旒展

謝宣賜弟亡孝贈

右臣昨日伏蒙聖慈以臣弟喪亡特有宣賜受命纔  
畢中使言廻雖尋拜於奏章尙未罄於愚懇伏念臣  
自離鄉井頗歷星霜以岐路之阻修念兄弟之契闊  
豈謂私門積憂爰及連枝遠地聞喪遂陳假牒有司  
所奏已煩贖於宸聰就寺舉哀忽頒宣於孝贈緡錢  
出於內帑酒醴降於上樽臣實何人遽霑優渥光生  
里巷禮異品倫生成仰莫大之恩存歿荷殊常之賜  
省循憂惕不知所裁

感七

六

謝聖旨許諫事

右臣前月二十八日長春殿伏蒙聖慈宣喻臣昨所  
奏之事朕一一披覽又以其人介然別無朋黨可耳  
仍舊令臣知之卽不得洩漏者兼再奉聖旨有可奏  
之事但上實封以廣朕之聞見臣受命已來今已浹  
旬內省惶懼何以堪勝所念臣實何人一無識見但  
以直道早幸逢時先帝以臣遇事敢言特降勅書獎

喻陛下以臣所進文字隱名內降劄子褒稱荷

木作又特

兩朝優假之恩實干載遭逢之幸敢不益堅夙志彌勵愚誠天至高雖管闕詎識於運行日至明而圭測亦知其長短今陛下嗣守大位臨御兆民博訪賢良躬親機務日新厥德夕惕若厲以大舜好問之意文王猶勤之心昭九廟垂休之靈保萬世無疆之祚臣謂蕭牆之外有可聞之事非因奏覆固不可得而知况於遠者乎清禁之中有欲見之事不因求訪固不可得而見况不求訪乎然為臣事君孰敢不盡忠節明主待下常欲聞其直言春秋日子好直言必思自

盛七

七

免於難詩曰既明且哲以保其身故象繫示吉凶之微冀君臣保始終之分所以君不密則失臣失臣者為大臣所憎嫌為近臣所排斥憎嫌之深者則讒構其罪戾而寘之於刑戮排斥之遠者則誣枉其過咎而逐之於遐荒此由不密在於君而所失在於臣也伏念臣識既凡庸性惟慙直供職兼於臺憲莅事在於獄刑固無微勞但憂獲罪若恭陛下與臣為主則大臣必因事見誣故逐度所上實封皆乞留中不出蓋慮事不密而身已危矣况臣無才略安足廣陛下見聞臣之愚蒙敢不守陛下宣喻憂畏惶恐倍萬常

情

轉諫官後謝傳宣

右臣今日中使趙誠信至傳宣昨日所進實封已收得朕亦子細披覽但安心著撰文字必不差出如要上殿先奏來者伏以臣誠上達必憑奏牘之詞天聽下臨忽降出綸之旨俯伏聞命兢惶失圖竊以臣以授官資塵忝清近志有所蓄理合備陳仰黷宸嚴方憂罪戾豈謂皇明燭察比太陽之照臨聖造優容同昊穹之覆燾憂疑遠釋歡抃交并柏臺既免於重難竹簡得專於撰述况聖朝無事阜囊虛獻替之詞諫

盛七

六

省餘閑細帙遂討論之志比在家修史雖遠愧於古人以戀闕著書實仰依於明主餘取上殿進止必先有狀奏聞

謝兼史職

右臣叨列諫垣又兼史職聖恩曲被私願允諧榮莫如之幸實多矣榮幸交集感惕彌深告謝之時雖依常例中謝之禮莫遂對敷蓋閤門以既該勅差內殿即舊無謝例臣雖已赴職豈敢寧心竊念臣近纒改官又乞兼職實憂冒黷自掇悔尤豈謂人欲天從遽降出綸之命才微識淺慙非載筆之臣蓋陛下恕以

迂疎邨其衰老實在優賢之地不離近侍之班獻替  
箴規敢忘匪懈述修編撰唯守靖共時政記得見鴻  
猷起居注式資潤色纂成日曆賡續季編冀鉛槧之  
微勞展涓埃之薄効諷從五諫仰遵將聖之言運偶  
千齡幸紀太平之事

告假謝傳宣撫問

右臣昨日伏蒙聖慈以臣有狀暫請患病假特差中使  
傳宣撫問兼依允所奏不差醫官者伏念臣拙於脈  
理昧於攝生致久病未安服餌少効豈謂聖恩之軫  
側俯憐疾苦之纏綿雖自來內殿起居不敢許免因  
昨日隨班舞蹈頓覺衰羸以此須至上言仰干睿聽  
犬馬之疾既已醫治君親之恩曲加勉喻情有所感  
不覺涕零

奏蔭次男慶餘

右臣伏以千年慶誕之辰萬壽延長之日臣輒披丹  
素上告慈仁臣男慶餘訓以詩書教之忠孝幸因聖  
節願在宣途仰祈日照之明俯鑒葵傾之懇干冒宸  
展

咸平集卷第二十八

京兆 田錫

制詔

永清軍節度使駙馬都尉王承衍姝王氏封  
琅邪縣君

勅具官王承衍姝王氏賢明為德婉淑其儀環珮中  
於禮容蘭蕙藹其令範嬪于良族既詠栢舟茂我皇  
姻宜封石窳載協雲雷之澤俾疏湯沐之封

衛州衛縣簿王光圖可衛州司理

勅具官王光圖能以公才往為邑佐恭勤足以贊宰

感天

一宜 秋館

字廉慎可以典獄刑不離汲郡之寮俾掌理官之職  
當思盡瘁無陷非辜

三司大將加恩

勅躬耕之禮用示於勸農慶賜之恩必均於効職以  
爾等各伸勞績常夙夜以在公例授恩榮表雲雷之  
霈澤

皇城司勸契官仇延郎可銀青階兼官將東郊先

除授  
原注

勅具官仇延郎有司上言先事列職俾靖恭於禁籍  
宜時茂於朝章假以官賓兼之憲職冀以階資之寵

參乎儀衛之司恪奉斯恩無怠所守

端州防禦使李克文落起復依舊端州刺史  
充本州防禦使

勅具官李克文明於韜略真以幹能弓貨克嗣於家  
聲符竹早隆於邦寄頃因禮制俾奪哀情泊喪紀以  
外除茂朝章以斯在任當禦侮寵列頒條眷惟高要  
之民實佇撫臨之政勉膺嘉命無替思規

道州軍事推官知長沙縣趙沂可將作監丞

勅具官趙沂經術策名賓榮從事試廷評之美職藹  
邑尹之嘉稱宜示朝恩俾陞京秩用酬勞績更勵恪

感天

二

勤

朔州觀察使左驍衛大將軍趙希贊可秦州  
刺史

勅分朕憂寄頒于詔條親吾黎民行其風教惟良之  
命既難其人作牧之榮實重其選以爾具官趙希贊  
忠貞抗節毅勇存誠弓冶襲其慶靈韜鈴著于績效  
以拱衛腹心之任委察廉風俗之能邊鄙用寧俾發  
受賜宜膺茂賞別降璽書准甸之邦漢符劇郡命以  
俾又疇其允釐佇騰禱禱之謠達予聞聽豈吝絲綸  
之詔獎爾賢能佩茲訓詞予予明命

太常丞張適父好問前守黃州麻城令可授

太子左贊善大夫致仕并妻封邑號

勅具官張適父好問早彰幹局之才頗著親民之譽克生合子為朕良臣涵濡郊祀之恩翊贊官僚之職宜膺慶賞仍遂優榮

勅具官張適妻王氏中饋傳芳宜家稟德女範訓從於和惠夫賢贊自於柔明宜膺疏邑之榮用洽禋宗之澤

大理司直前青州錄事參軍麻希夢可守工

部員外郎致仕

感天

三

勅具官麻希夢朕嗣位十有三載天下無事思勸農務本躬耕籍田改元乃與物維新發號則均人之慶可以行古道禮高年由是赦書有賜爵一級之命而希夢年過九十以伏生之經術壽考踐厯官途而為廷尉屬寮兼憲府之職督郵罷秩頤養于家守臣上言軒墀引見嘉其華皓是用旌陞榮之列宿之班優以懸車之秩所以表朕養老尚齒之意也

著作佐郎梁宜可舊官

勅具官梁宜儒行克脩宦途早踐嘗列秘文之府頗彰稽古之名禮制既終朝章可復小著清選士流所

榮勉膺綸綍之恩無忝圖書之職

知廬江縣劉寅可蒲城令

勅具官劉寅雅有才名早彰官業既茂絃歌之化宜更銅墨之資關輔之間蒲城劇邑往膺朝命撫我黎元廉明則吏屬知方惠愛則鰥寡受賜勉高課第當議甄升

右司諫直館王仲華監察御史潘太初等母

封太君

勅具官王仲華母信都戴氏聖善之賢慈仁之訓克生合子為吾諫官朱紱彩衣足榮具慶粉田石窹未

感天

四

該邑封嘉其孝養之心特乞優隆之澤宜從子貴式顯母儀俾新湯沐之封以適庭闈之意

前兼州刺史陳文顯可起復雲麾將軍

勅金革從權禮典既稱於無避苴麻易制國恩宜茂於必行具官陳文顯器識淹深才謨明允著公侯之名節彰竹素之勳勞寄重圭符嘗布詔條之化禮居苦塊俾新綸綍之恩冀移孝以資忠表奪情於優寵光祿寺丞前知緜州彰明縣李簡能可著作

佐郎

勅具官李簡能早以公才俾權邑政而廉幹之譽聞

於使車舉奏之章達于朕聽小著清簡是命甄升更克勉於律身勿有孤於知己

前蓬州伏虞令盧情可華州鄭縣令

勅具官盧情亟為宰字備著廉勤昔國家平定於并汾當岐邑饋供於芻粟幹於事任尤見勞能三峰之間百里之政親民命爾下車推仁勸課為先惠郵是務俾我赤子知吾任人儻聞政聲當有升獎

著作佐郎滕玄錫可舊官

勅東觀為郎佐於著作士之清選也具官滕玄錫歷茲美職爰屬家艱祥禫既除恩榮可復勉祗服於官

次俾允稱於朝章

五

前漢陽軍漢陽尉李日休可本軍司理

勅具官李日休軍壘之間刑獄尤重苟非勤幹寧應選差閱長吏之奏章俾正於理椽繚緘無合於淹滯絲綸豈吝於甄陞

前濱州軍事判官李準可光祿寺丞

勅具官李準恪勤官業裨贊郡條在公既著於廉能滿秩來參於選調有司引見俾陟京寮列寺甄升勿孤朝獎

前守霸州大城令張守中可許州別駕

勅具官張守中朕昨籍田行慶渙汗推恩民之高年尚云賜爵吏之暮齒忍棄其人爾早居銅墨之資嘗蒞邊防之邑謠言衰邁爰此對敷特示朝恩俾升郡佐

密州別駕蘇德祥可殿中丞分司西京

勅具官蘇德祥早彰文價實粵通儒題別乘於百城既聞清慎俾亞司於六尚允稱甄升勉膺出綽之恩無忝分曹之命

光州勅史王明可禮部侍郎

勅中臺六卿之職斯為重任而設以卿亞苟非智識

通敏機務淹詳公望素高

六

惟允則何以為時瞻重稱吾簡求以爾具官王明真庫本方特操沉毅有謀臨事彰適變之才奉上見盡忠之節剖竹每聞於課第兼禱必藹於政聲朕嘗便殿與言觀其敷奏方略才用良足嘉稱宜副疇咨以旌茂賞春官峻秩可以貳之禮闈崇資諒無忝也爾識量既如彼而縣厯又如此豈煩訓告勉荷寵光

翰林圖畫待詔夏侯延祐可廬州巢縣令

勅具官夏侯延祐早以藝能列於禁署每聞恭恪克守官箴可以命之親民觀其莅事遂爾上章之意勿

辜非次之恩清廉可以保躬畏慎所以無過繪事後素是為禮歟能達斯言必善為政

### 高麗使副判官等授官

勅朕以推恩示信覃聲教於殊鄰進秩書勳賞勤勞於將命式表綬懷之德用旌恭恪之誠具官某遠自辰韓來朝象魏涉滄波之萬里輸職貢於九重方物充庭達帥臣之忠節華簪就列有專介之禮容言念使乎宜加朝獎或紆轂從大夫之後或握蘭參郎吏之班勳級增榮器名非假勉荷殊常之寵無忘來遠之恩

### 感天

### 高麗職員軍將等授官

勅具官某等列外區之右職達主帥之明誠遠涉滄溟底其方物載念恭勤之節宜隆旌賞之恩憲府華資儲闡美秩加以參六勳而示賞表重險以懷來無忘訓激之詞益勵忠貞之操勉膺鳳綍歸耀鷄林

### 禁軍將校授官

勅具官某軍旅之事朕所悉知殿廷之間今自訓閱至於將校例有甄酬習兵鈴韞武藝是爾之事業捍邊鄙為國家是爾之胸襟此時立功與吾展効言念於爾無後他人俾升遙郡之榮仍列親軍之職

勅具官某職効和門班升禁旅早習訓齊之令素彰勇敢之名言念勤勞特加旌賞部分未遷於騎籍朝恩無忝於龍綸勵乃忠誠膺吾嘉命

勅刺舉之任恩寄非輕廉察之權寵章則峻具官某氣惟驍勇志則忠良禁庭居列校之班武略負兼人之藝閭蕩寇則詞意慷慨能處眾則禮貌恭和為吾武臣深協時論自升守土仍著風謠雖竹符以遙領之榮而襦袴有來蘇之詠今則方當蒐乘屬在講兵擇其將領之才副我旌求之旨必增賞秩用壯宣威名器昭其材能車服榮於廉問服我休命爾其念之

### 感天

### 八

勅朝廷武備雖在擇人爵服恩加實期報國况以廉車之秩列于禁旅之班苟非簡在朕心何以副於公議具官某忠能有勇智則多謀韞金石之明誠稟風霜之勁氣而能以和處眾以禮事君自錫寵於圭符聞載歌於襦袴今國家爰因蒐乘將務平邊念既屬於貞師命宜隆於出綍委以察廉之寄實于親侍之行盡爾忠謀膺吾異獎

勅車服之榮固不虛授軍旅之賞亦不徒施或先其勞所以悅使或後其報所以酬勳具官某列在親軍職為諸校有謀有勇盡節盡忠夙夜見其公勤委使



詣其敏幹或帶專城之貴或居練武之權章綬在躬  
圭符領郡雖爲榮達更議甄升宜加魏闕之恩可布  
漢條之詔俾遷要劇仍委察廉

勅親軍之職廉郡之榮藉貞純果毅之臣副委用勲  
勤之寄具官某名因勇立節以忠聞明誠恪事於君  
親銳氣誓平於戎陣而况早經任使夙著勞能識兵  
謀之卷舒習陣法於奇正若委之集事必能守方今  
命爾之察廉居吾之三將佇伸報効用答恩榮

勅君賞臣以爵秩下報上以勲庸存諸典章謂之名  
器具官某志懷忠恪節槩矜修殿于師津之貞深得

感天

九

武經之要自居親衛彌見公勤荷隆渥之未加於念  
勞以何有特命察廉之寵用旌優異之恩

前資州內江令鍾文拯可黃州黃陂令

勅具官鍾文拯爾以內江罷秩華陽改官屬有銜原

除遠聞陳乞俾換闕員之命式補選調之資牛里

黃陂佇聞善政單車之任廉幹有聲咸俾吾民實受

爾賜則將獎遷善職無所吝焉

前濟州金鄉令孫運可左替善大夫致仕

勅具官孫運朕以躬耕之禮既則古先慶賜之恩必  
加耆宿爾早紆命暇今享遐齡當殿披陳臨軒召見

宜霈雲天之澤俾光蒲柳之年晉秩官坊諒爲嘉寵  
懸車里第足遂優閑勉思渙汗之文以協貞頤之吉

吏部流外銓勒留官涿州固安簿鄭德明可

陳州項城簿

勅具官鄭德明寮佐之才勾稽之職膺茲除授勉在  
恪勤儻有勞能豈無外獎

耀州司法王繼榮可邠州宜祿簿前耀州同

官尉陶化成可耀州司法

勅具官王繼榮具官陶化成一邑勾稽之任六聯掌  
法之能苟非廉明寧副獎用令以繼榮佐邑理命化

感天

十

成列椽曹無忝予恩勉恭爾職疑有

前舒州太湖尉方宣可和州應陽令

勅具官呂文仲舉具官方宣今應陽令闕員方求廉  
平之吏俾之撫綏而文仲稱爾理行是用命爾往莅

厥邑苟三載考績課第頗高是文仲不謬舉人而爾

亦不悞知已也

前大理評事呂覃可舊官

勅具官呂覃孝爲百行之本禮有三年之喪爾居親  
憂既去厥職今除禫制宜復舊官獄獄是思朝章勉  
稱無忘聿修之訓更揚匪懈之名

前夏州節度推官王九言可宋州觀察支使  
勅具官王九言早彰佐幕之才能舉鞠刑之職秩滿  
受代課第可酌睢陽詔條方藉參贊勉荷甄升之異  
渥用伸廉恪之政聲

馬守榮諸司副使

勅具官馬守榮早列班資頗聞恭謹屢膺朝委亦著  
勞能向公罔怠於夙宵莅事足專於才識苟無勸賞  
靈表旌酬是用進階秩於明庭列職司於近務更觀  
勤恪式副甄升

如京副使劉承德可濠州團練副使崇儀副

盛天

十一

使劉永恭可頻州團練副使供奉官劉永和

可武騎尉唐州長史

勅具官劉承德等各榮使職或列廷臣事吾軒陛之  
間雖經任用更爾內外之命式示遷除貳車之榮上  
佐之職恪謹日守循省勿忘

大理寺法直官傅珽可廬州錄事參軍

勅具官傅珽精彼刑書直于法寺三載既周於考績  
六聯宜示於陟明用旌丹筆之勞特茂紫泥之寵爾  
其表儀諸掾糾正羣司來効儻伸叙遷寧吝

衛尉寺丞張自明可右贊善大夫賜緋

勅具官張自明早以時才列于通籍嘗因左宦真彼  
京寮聞兢慎之聿修在擬升之可復青宮命秩茜綬  
采章無忘若厲之誠勉答惟新之寵

前充職

勅朝廷以法律委廉平之士以爵秩賞勞効之人茂  
績旣彰明恩豈吝以爾具官李壽參亞寺卿之職詳  
明邦憲之微課最宜旌封章自達俾陟圖書之府以  
獎前勞勉膺綸綍之恩且仍舊貫更體哀矜之旨勿  
渝明慎之心

盛天

十二

追官人韓勵己可青州臨淄簿勒停人王崇

吉可建州建陽簿

勅具官韓勵己等早歷官途嘗因公過旣聞修省宜  
復遷升各膺佐邑之榮勉贊字人之政無忝茲授俾  
餘自新

除名人宗文式可東岳廟主簿

勅除名人宗文式雖効官常有虧家檢抵律旣從於  
除免滌瑕宜示於甄升祇命嚴祠無忝勾稽之職榮  
名官路更度如在之誠

故淄州勅史累贈太子太師李處耘可贈侍

中

勅國家褒贈之恩臣子哀榮之典式昭故實可舉而行故具官李處耘忠亮事君韜鈴立節既荷葭李之寵宜增漏壤之恩矧堂構之上言冀琰詞之餘寵俾列珥貂之貴追酬露冕之榮貞魂有知可膺賁贈

勒停人郭文集可邢州平鄉令

勅具官郭文集頃為宰字既失茲兼滌瑕宜示於恩榮出綽俾新於邑理勉膺嘉命以補前非

追官人吳衡可密州安丘令停官人陳吉甫

可陳州商水尉劉鼎可晉州汾西簿

感天

三

勅具官吳衡等各因遺曠追削官資既推舍垢之恩宜復惟新之命或升宰字或掌句稽當補過以省循副盡公於錄用

相州永定令李昭嘏可濮州鄆城令

勅具官李昭嘏臨蒞邑政頗著廉能部送軍儲嘗聞了辦洎繁難之試可亦勤幹以足稱既召對於軒墀宜踐更於銅墨撫綏勸課稱茲寵榮

太子中允御史臺推直宋鎬可監察御史

勅具官宋鎬憲府為察公才稱職既茂強明之績仍聞慰薦之言霜簡遷升勉服輝光之命臺綱整肅更

觀糾察之能

左養善大夫程文度可監察御史充荆湖轉

運使

勅國家轉輸之任荆湘衝要之邦必擇周才付茲重委厥職既稱於繁劇改官宜陟於清華以爾具官程文度以文學策名以貞固幹事嘗莅京口鬱有政聲俾升執憲之班往莅汎舟之役伸爾嘉畫稱予懋恩儻奏課之有聞固陟明之無吝

賜中丞知貴州朱允元可國子博士

勅具官朱允元南海列郡貴為衝要之邦爾昔頒詔

感天

五

條分憂寄而兼幹之外方略用心嘗與轉輸掩捕寇賊谿洞既闢於靜謐禱禱諒藹於聲光苟無旌酬宜示獎勵是用升爾為學官之秩亦表吾通籍之間有能副予委任可以為邊吏也勉膺寵命無替始終

司門郎中知福州源護可兵部郎中依前知

州

勅朝廷命南宮郎分吾憂寄而薦歷繁劇以課第上聞者得不時庫本隆異獎超授名曹以勸賞焉具官源護早踐周行素彰公幹所至為理雅有政聲方茲念勞懋其成績會以章奏達于聽聞予於寵榮固無

所春是用命爾爲司戎大夫在郎署間實爲華顯東  
治名郡勉布詔條無怠初終佇聆殊効

起復如京使順州團練使石保興可落起復

加金紫光祿大夫依舊官

勅內列近司外分憂委任之恩斯茂旌酌之命宜  
隆具官石保興忠諒存誠恭謙得禮克嗣弓箕之業  
頗知鈴略之書寵之以剖符榮之以練武而能敏於  
莅事勤以奉公於貴介諸子之間無簡傲驕人之性  
嘗因在疚爰舉奪情既終制以加恩必進階以懋寵  
勉荷惟新之澤無忘盡瘁之心

咸天

五

界歸明人張崇敏康廷弼可將軍

勅具官張崇敏朕以環列之尹翼衛之班苟非忠貞  
靈稱甄獎以爾名彰毅勇識蘊變通嘗受職於虜廷  
願輸忠於魏闕馳驅入塞既傾葵藿之心優異推恩  
宜濡雲天之澤拱宸峻秩爪牙之寄攸親事主良規  
金石之誠益固勉膺嘉命彌勵匪躬

勅康廷弼志稟忠良心明逆順恥列酋渠之職來歸  
禮義之鄉臣節可嘉予恩豈吝是用實于拱環之秩  
總諸交戟之班賞爾勤勞襲朝廷之冠蓋表吾寵異  
參宸極之爪牙勉思盡瘁於夙宵無忝殊常之渥澤

前果州西充尉陳文廣可陳州南頓令前秦

州清水尉林思問可耀州華原令

勅具官某等民乃朕之赤子爾爲朕之命官念黎庶  
之是親實慘舒之攸繫以爾尉司罷秩俱聞捕獲之  
勞宰邑闕員命布清廉之政勉思恭慎以答恩榮

習進士李涉可宛丘簿

勅李涉文藝飾身進修爲業雖月桂未題於金榜而  
縣花宜佐於銅章仍以爾父居樞近之司有義方之  
訓試爾公幹列于官途勉贊親民勿忝殊渥  
大名府參軍党待問可鄆州盧縣簿

咸天

六

勅具官党待問早居官序頗歷公途俾伸莅事之才

往佐親民之任恪勤自勵甄錄斯酬

戶部員外郎充史館修撰胡旦可知制誥

勅朕以王道致時雍人文化天下而訓誥之職待從  
之臣必敷求其才簡拔精選俾朕約束言語與三代  
同風以爾具官胡旦學識該通筆力遒健傑出多士  
綽有大庫本名自中臺爲郎史闕供職得春秋之微  
旨見褒貶之餘才然未司吾言寧滿爾志是用升于  
清切之禁觀其潤色之詞無令元白常揚專美前代  
勉修儒行以答殊恩

陳州參軍劉澤可光州司理判官

勅具官劉澤移易更員佐理刑獄既資廉幹俾無滯留爾方自乞於劾官予即命之以莅事勿孤獎擢更勵恪勤

勅賜同學究出身趙日用可徐州彭城主簿

勅具官趙日用以爾兄作掾饒陽歿於王事存亡之念良所嗟稱昆仲之間宜加甄錄佐邑為理莅事劾官慎守廉勤以酬獎擢

許州司法宋可觀可許州司理

勅具官宋可觀爾事郡為司法掾而長吏選擢可典

感天

七

獄刑無以丹筆之重輕而悔黃沙之鞠効往踐厥職勿累知人

故容州觀察使劉文裕可贈宣遠軍節度使

勅朝廷褒贈之恩臣子哀榮之典載稽彝訓式表始終具官劉文裕韜略英才公侯合德稟直方之器識茂勲績於旂常自廉問宣風化條綬遠賓海著兼禱之詠佐時圖饒鼎之名奄忽遽聞悼傷靈弔宜舉飾終之禮用彰念往之懷旌節之榮藩宣之秩俾增輝於窀穸示追寵於明靈真魂有知欽茲賁飾

將作監丞朱澤可右贊善大夫

勅具官朱澤素曉習於科條備覆詳於校牘俾差推鞠益見精勤敷奏之言明敏其事可茂勞能之賞用彰旌陟之恩勉祗命於儲闈冀增榮於閭籍

廬州慎縣尉盧顯忠可廬州合淝令

勅具官盧顯忠格令近條全火獲賊殊其考課旌以勞能爾効官既著於廉勤舉職頗聞於屏肅宜更黃綬俾佩銅章爾其惠郵惇嫠敦勵風俗使農桑知勸而與賦及期當議獎升勿忘終始

供奉官殿直殿本目前承旨加恩

感天

五

勅具官某朝廷耕籍之儀綸紵階升之命用均慶賜以勸勞能以爾忠於事君勤於莅事列班行而素久經委任以居多既因作解之辰宜洽惟新之寵勉成茂績以稱殊私

樞密院押衙知客李繼敏可東明令

勅具官李繼敏職隸樞機之地服勤典謁之儀言念勞能方行慶賜瞻惟畿邑委以親民勉守官箴勿辜朝獎

襄州鄧城尉權知穀城縣事褚德臻可穀城令

合

勅具官褚德臻効公勤於尉職權宰字於鄰封二邑

之民稱爾廉幹十連之帥舉爾強明俾之布政於象  
雷必能綏我之赤子勉致惠和之化以酬旌陟之恩

著作佐郎郭堯卿可殿中丞

勅具官郭堯卿素有公才明於法律卽達詳刑之旨  
尤彰鞠獄之能洎觀敷陳宜加獎擢俾自麟臺之秩  
升爲御府之寮勉荷寵章無忘恭恪

御史臺孔目官門下省雜事南曹諸司勒留

歸司等官可中書省主書門下省主事千牛

衛長史及簿尉司馬勒留并出外縣簿尉

勅國家以耕籍之儀內外洽涵濡之命具官某等官

歷天

九宜 林備

曹委質公幹小心星霜備歷於勞能雨露宜均於恩  
渥省庭禁衛郡佐邑僚各勵恭勤以奉爾職

夏州錄事參軍宋若拙可著作佐郎

勅具官宋若拙爾爲糾掾綽有公才載披敷奏之詞  
宜懋勤勞之績蘭臺美秩小著華資勉膺獎擢之恩  
更勵恪恭之節

制誥

諸衛上將軍宋渥等加恩

勅朕以躬耕之禮初畢於東郊慶賜之恩方行於北

闕矧在拱環原作之列早彰宿原本衛之勲宜茂寵

章以新賞典具官宋渥等為吾心腹列在爪牙忠貞

之大節無渝英果之威名自得功崇社稷勲鑿鼎彝

擁旄疇昔之殊庸出綽惟新之寵數恩光並及渥澤

斯均俾增井賦之榮用治籍田之慶勉膺嘉命益勵

感五

一宜秋館

輸忠

承清彰德等軍節度使駙馬都尉王承衍男

世隆魏咸信男亮並加階勲如京副使

勅具官某男某生于戚里為吾外孫稟明訓於義方

昭合名於士範才能可試慶賜宜均是用加珥貂騎

省之資帖執簡鳥臺之秩茂之勲賞進以階資莅于

使局之名命以副車之職勉圖成効無怠寵光

河中府推官張文琇可大理寺丞

勅具官張文琇自膺朝獎往贊藩條睠惟按鞠之能

允協察廉之政長吏言薦廷臣舉揚闕稱善於眾多

俾陟明以旌賞丞于法寺典彼刑章勉膺用爾之恩

勿悞知人之鑒

前趙州軍州事判官李慕清可光祿寺丞

勅具官李慕清倖彼藩條幹於王事洎銓衡之引對

俾綸綍以旌升是用擢自賓筵列于卿寺甄爾才而

適用體予意以勤公往踐厥官勿忝嘉命

前利州司戶鄭子捷可楊州參軍

勅具官鄭子捷維揚名郡命爾為參卿掾月有幣俸

慎爾前勞日無公事以爾備位儻能砥礪別議恩榮

追官人高紳等授官

感五

二

勅追官人高紳等各因譴累追削官資既當覃慶之

時宜霽惟新之澤延評理掾禮寺京察勉勵在公思

補前過

洪州觀察推官馮源可承清軍書記

勅具官劉掾舉具官馮源爾以公才列于賓席按章

旌審莅事強明廷臣舉稱是用甄獎俾掌羽書之職

仍兼霜憲之資廷評且貫於舊銜幕畫佇聞於方略

儻副知己盍吝加恩

汝州團練推官前知絳州太平縣事路表正

可河南府推官

勅具官路表正爾以賓幕之名往莅絳臺之邑洎聞  
考課益見廉能洛師按章朝命推擇勉副甄升之寵  
更觀幹敏之才

勅賜同學究出身宋純可密州安丘簿

勅具官宋純爾父適莅饒陽歿於王事載念公忠之  
節特隆慶卹之恩命爲邑僚勉學親民之政榮其堂  
構俾伸幹蠱之才

內班都知押班已下加恩

勅具官某朕以旣舉籍田之禮方覃率土之恩矧列  
軒墀常親左右宜均嘉慶俾洽鴻私以爾等奉上之

感三

三

心無渝忠恪適時之智各韞周通夙宵匪懈以在公  
事務服勤以成績爰新渥澤用示甄升或進以階資  
或榮其爵邑勉荷雲雷之寵更增班秩之榮

前著作佐郎楊異可舊官

勅具官楊異爾以文學之稱列在圖書之府旣終喪  
紀宜復朝章與祕省之清資實士流之嘉選服勤儒  
行砥礪時才別俟恩榮以伸器業

儒州縉山簿李文益可太府寺主簿

勅具官李文益更能廉謹佐宰邑以効官經術該通  
在王門而侍教爰因朝慶是陟府寮詩書訓導之能

方資師授簿籍句稽之職更試公才

起居舍人李若拙可贈鐵判官

勅朕以管權之利軍國是資必求經濟之謀委以重  
繁之務以爾具官李若拙素有文學藹然聲光加以  
通明善於操制珥筆軒墀之下直史是咨運籌征賦  
之能幹時攸屬勉倅銅鹽之職更觀盤錯之才

幕職加官

勅王者展籍田之禮慶賜遂行賓從列幕府之榮寵  
章斯洽具官某等成懷器業素蘊籌謀或樽罍蠶蠶  
之談能申婉畫或牋奏翩翩之俊俱藹聲光渥澤宜

感三

四

均華資式叙粉闈兼秩勲籍增榮勉揚裨贊之才用  
答優隆之命

秘書省正字劉巨川可太常寺太祝

勅具官劉巨川朕以爾父歿於王事念往卹孤命爾  
効官列於祕閣當慶賜遂行之際申賞延于世之恩  
勿墜家聲勉揚官業

勅停追官人林疇等加官

勅勒停前某官某嘗因譴累除削官資旣逢慶賜之  
辰方舉棄瑕之典往寮軍倅尉掾奉常勉膺露霽之  
恩以補曠遺之過



堂後官一本目無一字十五人轉官

勅國家行籍田之禮覃慶賜之時以爾具官某等素以才能早彰勞績丞相之府既列職以為榮王者之恩方出綸以均寵蘭臺美秩棘寺華資勉祗荷於寵光更靖共於官次

守當官等二十人受官

勅具官某等各以勞能勤於職次既偶覃恩之際可膺進秩之榮宜錫階資或升佐職題輿初命勉荷殊遷無忘夙夜之勤以答雲雷之澤

故諫議大夫劉保勳可贈工部侍郎

感五

五

勅生享顯秩歿有追封表君親終始之恩彰臣子忠貞之節况歿於王事殲我邦良宜因覃慶之辰特茂飾終之典故具官劉保勳早登華貫素藹嘉稱玉瑄融和粹之誠冰壺瑩潔清之操踐更臺閣茂著風猷正直表於搢紳簡廉允於公議洎邊朔平戎之役見馳驅盡瘁之勞哲人其萎悼百身以何贖徽章有贈加三綬以宣忘是用旌爾貞魂因子大慶冬官亞卿之秩可賁漏泉勤王隕命之靈諒歆玄澤申思念往式表予懷

前大名府朝城令劉昇可京兆府鄠縣令

勅具官劉昇宰字邑里部送軍儲聞勤幹以奉公因疾病以離任痊損引見除授攸宜鄠杜之間賦輿為劇臨蒞之際廉恪居先親吾之民勉爾善政

宋州寧陵尉趙全可本州左司理

勅具官趙全朕以州郡理獄之掾必委廉勤聞爾作尉寧陵頗彰公幹宜膺新命往莅厥官儻固圖以屢空加綸綍而豈吝

開封府祗候都孔目官左右軍巡使及諸王府內知客等加恩

勅國家因慶覃恩自邇及遠矧京府左右之職王門

感五

六

親近之人必均寵榮用甄勞績具官某選於班秩擇以公才裨祗事於磐維觀恪勤於夙夜果能盡瘁匪懈畏法保躬式當作解之辰宜洽惟新之澤勉膺嘉命益勵忠誠

西頭供奉官白守琪可崇儀副使

勅具官白守琪朕以儀衛之司使副之職必求公幹用稱甄升以爾自列班榮亟膺任委恭恪盡忠之節周通莅事之能備作彰聞可以遷陟式予職局展乃時才儻著勤勞更茂光寵

耀州節度李繼捧母漢陽郡夫人吳氏可進

封南陽郡太夫人祖母河西罔氏可特封西

河郡太夫人

勅耕籍之儀則后妃獻種稔之種闡闡之慶則命婦進湯沐之封具官李繼捧母賢和並茂貞淑允修榛栗得婦贄之容蘋藻協母儀之訓生育令子為吾帥臣剖符仗鉞之榮既彰家範石窠魚軒之貴宜懋國封勉遵內則之規佇奉公桑之禮

東頭供奉官折御冲可崇儀副使加階勳

勅具官折御冲早列通班素彰勤績祇命屢膺於任使莅官備悉於器能是用旌酬以勸勞効帖以省秩

感无

七

兼之憲銜仍觀適用之才俾列副車之職勉於忠恪以答恩榮

故左僕射致仕贈侍中沈倫可追封魯國公

勅追榮念舊悼往申思方當覃慶之辰宜舉飾終之禮故具官沈倫巖廊耆德社稷純臣輔邦國以貞方遺子孫以清白儒行昭明於信史忠規模範於搢紳既諸止足之誠遽起殲良之歎徽音豈味慶澤宜優龜蒙進大國之封洙泗協漏泉之澤式揚嘉命以慰

英魂

六宅副便張茂宗可西京作坊使

勅具官張茂宗嘗以文學早策科名爰自清班俾從使職謙恭周慎所莅可觀勤幹通明何用不適雖未周歲律而益見時才宜自副車之名序遷繕工之局表文武之兼濟彰委任於踐更勉答寵光別伸殊効

宰臣三代追封

勅國家覃慶賜之時幽顯追崇之典實因賞以示勸旌貽厥以延恩某官某曾祖母淑善慈仁既作嬪於祖德賢明軌範果垂慶於孫謀宜其光大庭闈昭宣輔弼湯沐遺榮於封國雲雷飾寵於漏泉

皇姪孫惟叙等三人加官

感无

八

勅朕以勸勉三農既舉籍田之禮敦叙九族宜均出綍之恩所以榮茂本枝繁昌奕世也皇姪孫某等岐嶷早彰於令器温恭自毓於賢才閱詩禮以飾躬諷圭璋之比德或慶隆未邸或粹稟青宮協雅頌於振振錫貽謀之翼翼是用榮之階爵列在拱環兼中臺端撥之資加憲府準繩之秩增其勳賞進以戶封爾其礪行以砥名勿怠推忠而盡節佩此明訓為吾令孫

致仕分司等官加恩

勅國家行籍田之禮內外覃慶澤之恩比雨露以成

均協地天之交泰以爾具官某等各以才行萃列班  
資或洛邑分曹荷朝章於結綬或燕居優秩得禮典  
於懸車增其井賦之榮茂以勳階之賞俾膺嘉慶以  
洽鴻私

押東郊進奉衙內指揮使并衙前職員等加

恩

勅籍田之禮所以獻種稷奉粢盛躬耕既畢於三推  
覃慶是均於萬國某等各以將命來貢明庭宜嘉勤  
恪之誠俾浹涵濡之澤勉膺寵異更勵公忠

翰林書畫琴院醫藥等待詔加恩

感五

九

勅籍田之禮久廢今朕行之慶澤之恩既普與眾同  
之某等技藝精通履行純謹各奉禁林之職夙彰藝  
圃之名覃恩既洽於涵濡祇寵勿忘於惕勵

中書守當官李恭等五人可簿尉

勅具官李恭等各以公勤供於職次既布惟新之慶  
宜膺懋賞之恩邑佐親民尉司主盜廉慎勉脩於官  
庫本誤爾業甄升宦咨於朝章

追官人張仁操等除官

勅張仁操等有過則既正典章遇赦則必該慶賞宜  
需龐洪之澤用昭蕩滌之恩改行自新以酬寵渥

攝太祝郭賁可正太祝

勅具官郭賁朕昨率古禮耕籍田祀先農遵故典而  
太常六祝或有攝官以爾賁恭命祇肅奉職勤勞必  
也正名以示優渥爾其砥礪用答恩榮

知制誥制

勅朕嘗讀漢書闕其制詔譽不過實詞不近誣有周  
官之遺風得王言之大體深詳其旨嘉歎久之今命  
詞臣典于文誥豈惟周漢之制抑慕唐虞之文苟非  
兼才靈副茲選以爾具官某名卿之子修身踐言士  
流之間好古博雅策名以文章之價莅事有廉幹之

感五

七

稱宣室召之而與言相府命之以再試甚有詞彩可  
以甄升是以實之披垣觀其識用爾其秉筆立意代  
予措詞必有宗師勿近浮鄙俾一時訓誥為千載典  
謨也

二

勅朕每讀易至言出乎身加乎民行發乎邇加乎遠  
未嘗不惕然增念所以言必顧行行必顧言書之為  
典謨用之成風教以爾具官某素有文學可掌絲綸  
爾知朕之言乎懲惡不近誣獎善不過譽爾知朕之  
行乎舜聞一善以服膺湯務日新以為德爾秉筆之

際斯言莫忘

拾遺直史館制

勅諫垣之職史閣之才必文學可稱聲實相副加之  
識量方協簡求具官某文必宗經學實為己清慎簡  
直温恭粹和自中第於時髦既效能於官業聞其聲  
彩是用詔徵列獻者之清曹觀紀述於直筆斯為嘉  
寵爾其勉之

二

勅書館之職不限資地亦無常員惟文學兼著名識  
交茂者得與茲選以爾某策名時俊流譽科場修詞

感五

三

益勤為學自懋泊試之莅事亦藹然有聲是以召詣  
公車待問宣室茂秀文行果稱詢求筆削箴規可以  
超獎佇諫垣之風彩揚史閣之聲光副予憐才無忝  
厥職

三

勅朕以六經之術化於人以三代之文訓於下俗用  
丕變才亦挺生時之得人斯亦為盛以爾某精用意  
於為文無倦勤於積學自擢科第迫厯官常藉藉之  
名流在眾口翹翹之選簡于朕心是用升之諫寮實  
為良史佇爾匪躬之節伸爾執簡之能無俾得人專

美前代

著作直館制

勅蘭臺著作史閣清華苟非其人何以輕授以爾某  
策名俊造馳譽輩流試之臨民善於為政專於好學  
敏於屬詞吾觀有書可以資爾之游泳直館之職足  
以榮爾之聲光

二

勅麟臺有著作之局晉則專掌注記唐則兼撰碑辭  
稱是職名必擇英茂以爾某敏於為學長於屬詞性  
稟貞方識亦通悟實之秘閣足茂爾之聲光閱我羣

感五

三

書更廣爾之聞見無忝甄擢以孤恩榮

諫議大夫制

勅朝廷設諫諍之臣舉箴規之職雖云慎選實在無  
遺何以忠謹在乎人而用捨由乎上或直言未當或  
敢諫不從徒為備員適謂虛器也以爾某素有文學  
頗厯官常効用以來聲塵有得觀其風度之淹雅曠  
庫本其理行之貞方是用升于諫垣列為近侍六典  
謂事之大者庭諍事之小者上封爾無越思靖恭斯  
職爾無養望或忝厥官佇聞蹇諤之名稱我清華之  
選

幕職州縣官料錢勅

勅王者設官分職求才任能俾庶績以允釐自黎元  
之受賜然責其廉則豐其祿督其理則足其家朕自  
臨御以來十有四載或親民之吏或佐幕之寮觀其  
考課之間悉乃燕平之績苟不均其資俸何以絕其  
覬覦自來應幕職州縣官料錢皆一分見錢二分折  
色今有司建議事貴酌中宜令今後中停支與見錢  
一半支與折色俾令稍足更勵向公凡爾庶寮勉荷  
優渥

咸平

三宜狀

考詞

錄事參軍朱適

具銜朱某糾轄勤廉監臨辦濟檢身守法精意奉公詢於衆人甚有清譽據考課令明於勘覆稽失無隱爲句檢之最一最以上有一善或無最而有二善爲中上朱適明於勘覆稽失無隱之外有清慎明著之善考課宜爲中上

涇縣簿王中古

咸平

一宜秋館

具銜王中古考課之令品第有常功卽明言過亦具舉示否臧之必信冀黜陟而可憑王中古既職簿書兼司寇盜閱其所理良亦能官獲賊之功以勞可賞輸銅之罰非已受職依長定格宜省有殿罰者其考亦降一等今考宜書中下

太平合賈昭偉

具銜賈昭偉宰理太平縣歷二考版圖閱戶數及三年地賦所征總有二萬國家恩信逮下凋弊漸蘇而能莅事施勞在公無過考課品第格令分明善不妄加詞尙撫實今考依書中上

太平簿張誦

具銜張誦披詳考帳品教政能市肆無賒苛見其廉也宣省無責罰知其寡過也擒獲正賊表其有功也佐理一邑彰問三善餘詞難下恐亂否臧實行可稱信若符璽依令與格考書中中

南陵令孫甚夷

具銜孫甚夷國家克復江南選擇良吏委之宰字俸無凋殘孫甚夷邑在南陵政稱寬簡版圖計戶流者旋歸輿賦常程欠者有納准長定格第二考且書常考宜曰中上

咸平

二

南陵簿楊光益

具銜楊光益佐理南陵諳詳吏道郡中諸掾稱舉其名無何司寇闕員俾之承乏觀其所理勤恪廉平召而與言謹密恭遜泊來書考再審厥官在任無曠遺莅事能幹辦初考獲賊准格不許更書今考獲賊依令得以稱善據考課合四善二十七最中恪勤匪懈爲一善職事修理供承強濟爲監掌之最一最以上有一善爲中上品較諸邑課績可稱雖進考有文而定格難越俟至終考旌陟良才今依書爲中中

靈國簿康震

具銜康震邑有萬戶闕令與尉能兼其職善守厥官  
有司稱刑獄無冤考帳見宣省無罰煩獲盜賊良辦  
徵輸考司憑品較之詞真筆絕否臧之幸依按格令  
書曰中中

宣城合毋克溫

具銜毋克溫宣州六邑宣城居首閱其版籍僅二萬  
戶較其租賦盈十萬數兵戈之後災歎相仍凋瘵之  
餘葺理非易毋克溫植性寬簡莅事廉平既闕佐寮  
又兼捕盜考較在任自無疎遺品第其功依書中上  
司法參軍張玄珪

咸平

三

具銜張玄珪精詳法書諳熟吏道勤廉通悟而秉節  
無渝遜順恭和而臨事有斷聖朝平復疆土擒滅姦  
雄吳之奧區宣爲劇郡習俗未深於教化比年仍值  
於凶荒民貧盜生自掇刑網訟多事冗空黷政條張  
玄珪三載莅官庶事能理有司勘帳稱獄無冤考狀  
較能直詞無愧據考課令推鞠得情處斷平允爲法  
官之最公平可稱爲一善有善有最書爲中中

涇縣簿王中古

具銜王中古莅官以來今滿二考邑吏供帳府掾按  
詞課績有無臨莅臧否煥然斯在可得而書徵督租

征多及分數取責市肆稱無餘苛仍獲賊徒足爲功  
課今依合格書爲中中

旌德簿劉德元

具銜劉德元詳覆版圖考閱帳狀旌德名邑令尉闕  
員能兼厥官無曠所理擒捕盜賊徵督賦輿詢會有  
司比較終考無宣省責罰無市肆餘苛臨莅疲民庶  
幾奉職按格考第書曰中中

錄事參軍朱適

具銜朱適宣城之郡古號名藩皇風近被於全吳遺  
俗尙疑於大信民鮮畏法獄不暇空矧以歲徵之征

咸平

四

踰五十萬月供之籍僅百餘帳管庫出納儲廩支收  
句稽簿書主掌刑禁適莅厥職衆稱其廉年任再周  
課考有合善最如一品第無私詞何敢誣書爲中上

南陵合孫甚夷

具銜孫甚夷自宰南陵已周三考常式佛書於茂績  
有司上請於直詞湖鄉地卑水潦繼作吳中俗薄恩  
信未知加以農鮮服勤逃者大半賦有常限勅有倚  
徵課第臧否帳狀可覆詢於掾吏援行格文事有可  
憑許書常考曰中上

南陵簿楊光益

具銜楊光益司寇改爲司理聖朝新典也楊光益召自南陵權理院事將僅周歲乃得替人有司具舉其勞能常式請書其考第因閱所斷之獄杖刑三百七十九徒罪三十五大辟五十六輕繫遞罰總而計之凡七百餘人吏稱廉平人無怨讟直筆旌顯書日中

### 宣國簿康震

具銜康震宣國萬戶之邑征賦管榷僅十餘萬朝廷選吏難可其人震莅厥官合尉俱闕上兼宰字之政下總擒捕之司邑無流民人鮮爲盜徵歛云足征利

咸三

五

弗虧衆人悅寬裕之心諸邑推辨集之地按考帳而下直筆固無矯焉考書中中合終考之格令也

### 司法參軍張玄珪

具銜張玄珪國家長定格考課條件凡一十有六應州縣吏員考滿未替在任復經於周歲有例許書於四考張玄珪掌用筆定刑之外兼權戶掾仍主句司錢穀簿書常勤較覆賦輿條限靡往舉行戶雖有逃稅幸登數詳條內災沴之處許得常考六邑乃江湖之地頻年罹水潦之災考書中中亦合常式

### 宣城合毋克温

具銜毋克温在蜀乃公卿之後聖朝受擢用之恩渡江而南莅宣首邑性寬裕政簡易在任滿四載今書第四考夏徵之賦及九分已上災傷水潦戶逃二千四百按格令之常式詳考課之舊條直筆無私書爲中上

### 太平簿張誦

具銜張誦與賈昭偉共理太平之邑俱滿三考司分雙伸於考帳品量各見其官才戶口存亡賦與納欠課績次第臧否無殊書爲中中循舊式也

### 太平合賈昭偉

咸三

六 宜 秋 節

具銜賈昭偉國家設考課之法官吏在任功過必書將以憑否臧而定黜陟也江南歲多不稔農鮮服勤信卜筮而佞鬼神棄耕桑而從網罟是以民無土著家無積儲太平在公邑之間土田瘠而物貨薄災傷之地常考可書今依仍第二考書爲中上

### 涇縣簿王中古

具銜王中古涇州獨理考限三周常程賦租徵歛有足全火盜賊擒捕無遺品第功勞直詞無愧中中之考依格而書

### 咸平集卷第三十終



先君贈工部郎中墓碣

先君諱懿字伯達嘗論曰余去本京兆人因唐末亂離僖宗幸蜀爾相徙家至于此錫披譜牒錫高祖開曾祖易直祖誠皆高尚不仕先君好術數聚書數千卷博施濟眾交親有婚嫁之累而屢貧者悉為嫁娶焉指館之年無疾而終嘗先會鄉里別親族大畧于廳事之南廡壁曰亡六月二十三日果於是日終焉蜀後主時陵州刺史趙庭讓聞先君好古博施之名署攝本郡司馬享年四十有八以丁巳年六月二十三日終乃周顯德五年蜀廣政二十年也冬十二月八日

墓碣

一宜 秋節

葬于縣西北歸仁鄉崇教里大塋也先君嘗作壽墳既而筮之曰斯墳也吾不得而居之洎沒後果別卜宅兆而葬焉先夫人楊氏世以孝行稱事舅姑以孝聞婦道母儀合於詩禮甲寅年十一月五日終享年四十三乙卯年春二月葬在先君墳西南五十步以龜筮叶從不宜行合祔之禮由是先君之葬同大塋而別封樹錫兄弟三人兄繼雲錫名繼冲後改曰錫弟繼英姊一人適宋知讓妹二人仲適鮮延壽季適楊懷貴俱以合淑聞雲後更曰錫錫入闈拔解開封府寄應首薦御前就試太宗嗣位之三載歲在戊寅

九月二日一舉登第釋褐將作監丞歷著作郎左拾遺右補闕起居舍人知制誥兵部員外郎戶部吏部郎中弟英在故鄉守先人之舊廬錫弟兄相次云亡兄亡於鄭弟終於蜀錫幼好讀書慕楊雄相如為文先君曰觀爾之性必光大吾門也當立身揚名勉副吾望乎爾也歷諫省拜章言事太宗以勅書獎諭曰勅田錫省所上書具悉汝賢路奮身諫垣就列罔効循循之輩竊祿居官思齊諤諤之臣拜章言事適符虛位諒慰深衷朕頃以交趾封郵非時怙亂廣南轉運有狀奏聞言其王師之眾枉被賊臣所害念其曾

墓碣

二

未効貢豈可不為救焚爰命偏師往安彼俗固不食其土地况尋罷其干戈且如京西閑田素來窪下就開池沼良有其由一則以安泊戰船一則以澄淨水潦既益皇都之壯麗亦資士庶之遨遊况其執役之流皆是下軍之士固不曾差驅編戶妨奪農功又如髡鉗之刑前王所用若此之於剽別諒有其等差且合斷頸之徒得遂全身之路誠非酷法卻大好生自覽爾封章固亦軫余懷抱見合檢尋制度別較重輕今後凡有見聞更在無辭獻替或行或寢斷自朕心盡節盡忠勿渝爾志其於嘉歎無廢寐興故滋獎諭

想宜知悉泊 ● 太宗晏駕 皇上嗣位 太宗所賜

勅書已編於實錄矣先君訓諭之言俾立身揚名以

光門族幸兩朝遭遇 聖主身既立而名已揚矣先

君累贈工部郎中先夫人追封京兆縣太君慮年祀

寔遠乃撰表墓之碣立于先君夫人二墳之間嗚呼

霜露之感載懷怵惕風樹之悲無所迫及思畫錦還

鄉而未遂涕泣西望因嘉州通判大理評事萬簡赴

任託召妹夫楊懷貴與姪嗣宗同訪求貞石以刻斯

文時咸平五年歲在壬寅冬十月十日嗣子朝請大

夫尙書吏部郎中兼侍御史知雜事上柱國京兆縣

開國男食邑三百戶賜紫金魚袋錫撰述

感慕

三五 秋館

跋

此本為南昌彭文勤知聖道齋中故物乃明祁氏澹

生堂舊鈔卷首有芸相親筆識語鄂中徐行可得之

漢上出以見示假之遂錄藏於篋笥亦既數年矣兩

次至京就 文津閣本悉心詳按彼此均有脫簡互

異之處亦有館臣為避諱改易者文獻通考載咸平

集五十卷范文正作公墓誌亦云五十卷今本三十

卷其為後人重編當無疑義原編既不復見傳鈔亦

屬希覲大約此集有無宋刊尙俟攷證元明以下藏

書家錄目所載皆出傳鈔似無刊本也繆藝風先生

咸敏

一宜 秋館

有按本會元假按先生既沒藏書散出此願不償良

呼負負田表聖奏議凱切敷陳久有繼軌陸宣公之

譽其他詩文氣象宏博允為北宋大家如表文中

潘美等賀勝表諸文可以互證史事甚多彭文勤識

語有論旱災論邊事兩篇鈔附於末之語附后原鈔

已佚兩篇均在名臣奏議中遲日當由庫本鈔出并

所輯集外詩文編為輯補焉癸亥仲夏南城李之鼎

識於南昌世業堂

宋本乘崖先生文集

續古逸叢書

之四十一

上海涵芬樓景印吳  
縣潘氏滂憲齋藏本




垂崖先生文集序

宣教師知鄂州崇陽縣主簿勸農營田公事天台 森柳 題辭

故禮部尚書忠定張公以直道事

太宗



真宗雖不登相位而眷倚特隆天下誦其事業而鮮有知其文者今觀其文大抵脫去翰墨畦迳無屬辭綴文之迹而磊落實大以肆方國初踵五季文氣之陋柳仲塗穆伯長輩力為古文以振之公初不聞切磨於此而當時老於文學者稱其秉筆為文有三代風蓋其光明碩大之學尊主庇民之道英華發外而經奇典雅得於天韻之自然殆非言語文字之學所能到也崇陽本公遺民也後之君子欲誦其詩讀其書將於其乎取而無傳焉可乎森柳初至邑會舊尹三山陳侯樸授一編書乃

公遺文欲刊之縣齋而未果屬使成之讀其歌詩有古樂府風氣律句得唐人體若聲賦之作又其傑然雄偉者因揭以冠編首或者以小英歌等不類公作然其詞艷而不流政自不害為宋廣平梅花賦耳語錄舊傳有三卷今采摭傳記僅為一卷以附焉遺事所載未備輒以所聞增廣又於石刻中增收詩八篇好事者有為公年譜亦加刪次別為一卷尚論其世者宜有取爾舊本得之通城楊君津家凡十卷今為十二卷其會粹訂證實屬之尉曹孫君惟寅而使學生存中參焉外有韓魏公所作神道碑內翰王公送公字崇陽序李巽巖祠堂記項平庵北峯亭記此其文皆知公之深者爰並錄之覽者得詳焉

乖崖先生文集目錄

第一卷

賦

聲賦

放盆池魚賦

鯨鯢魚賦

第二卷

古詩

悼蜀四十韻

勸學篇

愍農

緝書齋

陽春曲

勸酒惜別

解嘲篇

師鳳謠

驚樓曲

贈劉吉

送韓史君赴任越州

留別博州推官楊丹

淮西叙別

淮西有答

寄晁同年

寄程說傳逸人

與進士宋嚴話別

贈聶堯

謝所知

送張及三人赴舉

蕭蘭篇

東門行

白駒謠

憫旱

結交篇

祛惑篇

酣飲

二月二日游寶曆寺馬上作

書園吏申花開勝子

孟孟詞

筵上贈小英

第三卷

律詩

登崇陽縣北峯亭

登崇陽縣美美亭

縣齋秋夕

登黃鶴樓

新秦遣懷

登麟州城樓

郡齋秋夕

鄂中留別平仲

至道乙未蜀中送人東歸

再任蜀川感懷

蜀中傷陳恕左丞

寄傳逸人

每憶家園樂寄傳逸人

送張及之任穀城

送趙寺丞罷秩遊青城山

金陵郡齋述懷

郡齋書情寄仙遊張及

淮陽書懷寄朝中親舊

遊趙氏西園

上楊大諫

寄田錫舍人

寄潭州劉郎中

寄栢閣宗洵上人

寄郝太仲

送別蘇寺丞

送別祝隱士

送馬道人歸天台

送人北遊

歸越東舊隱留別秦中知己

贈祝隱者

贈孫曹二生

郊居會傳逸人

再會傳逸人

貽傳逸人

第四卷

律詩

郊居寄朝中知己

懷張白逸人

訪人不遇

和人惜春

詔宗入殿院見示詩集

依韻答人九華山圖

和人登朗州江亭

答人惠四明山蕉葉扇

旅懷

洛中寓居

公暇偶作

舟行感懷

舟次辰陽

目五  
九十三

游桃源觀

舟中晚望桃源山

幽居

旅懷

吳宮石

旅中感懷

退居近墅

歸隱嵩陽

本農

喜雨

秋霖

庭竹

朝日蓮

弱柳

曲湖種柳

新移蓼花

第五卷

律詩

目六  
九十四



秋日登美美亭

縣齋感懷二首

寄高主簿

同章主簿祈雨

新市驛別郭同年

早發鄂渚

晚泊長臺驛

新秦送入東歸

相州官舍

赴職荆湖途中作

杭州一百五日水心亭留題

夫差廟

過華山

途中

驪山感事

再任益州回留題劔門石壁

洛中

舟行

峽路阻風

過武陵溪二首

桃源觀

夜坐

吊屈原

苦熱

雨衣

又

諭意

方竹

又

方竹杖寄蘇內翰

柳枝詞

和人牡丹

寄傅逸人

關下寄傅逸人

秋日寄友人

送別王秘丞

送別李司直

送魏道士

答劉道人

暮春憶友人

遣興勉友人

謝雲居山人草鞋

請人畫嵩山圖

鷺鷥

聞鷓鴣

第六卷

雜著

詹何對楚王疏

擬富民侯傳贊

釋芥贊

唐衢贊

異獸圖贊

木伯傳

蘇公堰銘

目錄九

七十八

張氏新小橋銘

三不欺箴

懼箴

禱箴

謁狄梁公廟文

罵青蠅文

第七卷

書

上宰相書

寄張太玄書

答馮華進士書

與蘇貞外書

大名府請首薦張覃書

寄馮華李鏐書

回路逸人卷書

答王觀察書

答汝州王大監書

答楊內翰書

目錄十

八十九

寄張及寺丞書

與洪州安撫王雜端郎中書

與大諫陳情書

謝焦文學書

答友生問文書

第八卷

記

麟州通判廳記

陝府迴鑾寺記

益州重修公署記

重修轉運司公署記

春日宴李氏林亭記

序

送趙况進士謁李負外序

送田錫韓丕之任序

贈丘生別序

許昌詩集序

送進士張及赴舉序

碑銘

大宋贈左監門衛將軍上官公神道碑銘

第九卷

表

通判相州求養親表

荆湖轉運蒙 恩獎諭謝表

奏鄭元祐事蒙 恩獎諭謝表

讓起復表

謝起復表

賀西川賊平表

杭州蒙 恩獎諭謝表

謝恤刑表

賀 聖駕幸澶州還京表

謝除吏部侍郎表

益州謝降 詔獎諭表

益州謝傳 旨獎諭表

昇州到任謝表

第十卷

表

賀東封禮畢表

謝賜御製御書封禪銘贊記副本表

甘露賀表

謝加階封表

昇州謝傳 宣撫問表

謝加工部尚書再任表

昇州又謝傳 宣撫問表

進文字表

謝除禮部尚書表 東封恩

賀祀后土禮畢大赦表

謝加階食邑表

謝封贈表

辭赴陳州表

陳州到任謝表

第十一卷

狀

著作佐郎求充幕職狀

奏鄭元祐事自陳狀

申堂自陳狀

謝賜曆日狀

廣都縣馮某毆母待罪狀

西川回乞持服狀

再任益州謝傳 宣撫問狀

昇州謝就差江東安撫使狀

謝傳 宣撫問失火及安撫人戶事狀

謝進文字賜 詔獎諭狀

昇州謝 恩撫問狀

謝賜衣襖狀

病瘡乞任使狀

陳州謝傳 宣撫問狀

第十二卷

語錄

乖崖先生文集目錄

乖崖先生文集卷第一

賦

聲賦并序

聲賦之作豈拘模限韻春雷秋蟲之為事也蓋取諸聲成之文王化之本苟有所補不愧空言爾賦曰

罔象迷冥大人忽生混沌初竅呀然震驚二儀吐形萬靈吐英天機動制軋而為聲故形有美惡焉聲有小大焉伊物類之動作俟人事而克全至于大雷隱空萬竅吼風不為之隆品物磨臬羽足動發不為之末未若人聲與天通功與物長雄口吻之啓義於厥躬道機之張騰凌鴻濛其所聞者羲黃唐虞繼踵而至宇宙隘其神造化侔其智在聲之常也得不回天而動地觀其得一之發清清泠泠涼寰洗瀛萬類聽之如憎而醒仁信之發溶溶弈弈呼道振德萬類聽之如白破黑曰禮曰義相迭而起鳴孝響悖駭心清耳萬類聽之如愁得喜廣成五老聞而啓

齒曰是何帝皇之聲也如此九道交訛華夷和歌蠢動鼻息歡哈寔多其在物也昭昭融融萬緣和同萬類響空答天之功其在人也萬心氣平萬口宣騰雲門六英答君之聲故知五音八聲聲之枝歟金石絲竹聲之器歟若本不正而聲不清何嘗動天地泣鬼神而有諸三王迭生異業同聲唱古寡應呼今得精儀禮以之繁會時風為之勁清作禮者有周旋之矩制樂者有大武之名故聖人之音鏗如銛金四人之治潺若流水加以商辛夏癸行無轍軌情慾沸空滯哇盈耳民不知告政聲遂毀幽厲繼作心胡可度唱僻者輕脫和偽者交錯鼓鉦之響日馳禮義之風日薄王道民政潰然投壑攻乎三國之音聚為終身之樂秦恠一聲天搖地坑烘赫火烈荒茫海傾阿房輦材枿臬山迴紫塞築壘旬轟震雷鉗聖愚儒四海睽孤刮剝亡命痛腦連脛于是民失其業怨口喋喋野薄其農荆榛颺風刑失其矩民哀無所兵甲填委死為怨鬼故

怨之為氣也散為霧塵積為屯雲閉鬱六合陽  
靈不曠怨之為聲也烈風相倚怒濤兼起鬼哭  
於郊神號於市川谷為之聞擊山巖以之崩地  
陳吳一呼而宗社瓦毀天窮地終醜聲不已洎  
于漢唐惟高與光太宗續堯開元嗣皇皆智冠  
絕古氣凌昊蒼倚天憑怒即動盪於八荒按劍  
大呼即交映於中方借力者黎獻助聲者賢良  
亦不能廣仁義於遞奏使道德之擊揚掩商秦  
之餘韻系唐虞之聲芳者也未若

我后凝神定思誠求理致與聖作則為難於易  
惟禮是崇惟仁是嗜叩乎杳冥清淨以聽聞古  
謬惑皇心不平於以忠良是旌息嗟吁之聲不  
肖是黜息濫謬之聲均物惻隱息哀怨之聲厚  
施薄歛息流亡之聲四人是別息澆競之聲狂  
犴是理息冤枉之聲道德是守息兵革之聲人  
勞是恤息彫斲之聲小人是遠息邪佞之聲正  
音是奏息愆懣之聲音哉壯矣堯嗟舜驚致章  
濩之調下覺唐堯之頌輕浩浩蕩蕩無得而名

謂聲之襲也揚溢昭灼上賢下愚既歡且譁鳥  
獸踳踳蟲虺躍躍信千載之一時與有生而同  
樂余欲引聲而作未知何若

放盆池魚賦 并序

皇宋宥天下十一年予自洛徂陝陝牧以近戚  
得侯不喜儒墨遂憇駕於易兵部之館庭戶之  
間有盆池焉綠萍小鮮雜其中以節兒童之樂  
樂即樂矣大違夫物之性也遂命放之感而  
成賦

粵若金張貴孫風臺露軒珠翠爛目煙華斷魂  
未盡環異慘然綺思遂命破苔紋陷陶器上分  
紅杏之陰下決蓮塘之水於以責女胥誠童奴  
緊蛛絲之孳網針織之魚魚亦繼致浣適我意  
宅與綠萍恩溜香餌日夕夕予戲汝戲想其  
魚乎寧云意歟稟天仁兮化質飲泉靈兮孕軀  
豈不有晞狀運海之類豈不有慕力噴雷之徒  
既履漸於鱗鱗安蹶蝶於汚瀦今者不樂動乃  
觸乎四隅客有詞軫窮轍詩歌行葦將聞

去聲

童子之欲用汲生之理無毀爾缶無覆爾水  
江湖可待與彼游泳之因罇俎不離解彼囚拘  
之耻去去魚兮丁丁我私游必避其醜類食無  
貪於薰飴比目義而可友文鯮賢而可肩壯禹  
門之燒尾擬碣石之撮鱗如此則脫地壘排天  
池鯨鯢為之戢鯨波神為之驚嘻彼貴尺澤者  
曾何足知自邇圖遠通谿泛谷一動一息爰長  
爰育斜流可畏蚩蛙之聲下多非淺渚那輕牧  
豎之鈎頭更曲得有况若前事力乎大流欽王

第一卷

賦五

鯨鯢魚賦 并序

太平甲申歲余知邑罷歸浮江而北有若覆甌  
者漾於中流移晷不滅舟人曰此噴魚也觸物  
即怒多為鷗鳥所食遂索書驗名古謂之鯨鯢  
魚爾因而賦之亦欲刺世人之褊薄者  
鴻濛積氣化生品類順天者自得美名逆天者

謂之凶器天亦不問任性而已鯨鯢微物江漢  
有諸性本多怒俗號噴魚其或天晴日暖風微  
氣和鱗者介者潛泳江波被大君之惠化共委  
委而佗佗鯨鯢憤排迎流獨逝偶物一觸厥怒  
四起勝欲裂腹不顧天地浮於水上半日未已  
物或存觸怒亦復始意謂天昊曠越不與我遣  
大江之西流神龍僥默不與我禁水族之勿游  
何巨魚之矯首何靈龜之縮頭何稱義於比目  
何為祥之躍舟此類可怒者甚眾使我卒歲之  
沉憂有若世之小人兮才荒性卑謂道德不可  
以稱據謂仁義不可以取資咸呼志狂而識昧  
獨謂量絕乎天維妬泄憤冥眸自欺觸藩增  
咎至死莫知尤忍鯨鯢之遷怒慊此善譬之非  
宜嗚呼造化不能移爾之性萬類不能與爾之  
競雖海有納亦物之病乃為辭曰  
鯨鯢褊僻常蘊怒色性不我移仁者爾惜殊不  
知老鷗伺隙翮翮鼓翼啄腹為食其怒方息焉  
非爾賊爾自貽伊戚者也

第一卷

賦六

乖崖先生文集卷第一

第一卷

七

十四



乖崖先生文集卷第二

古詩

悼蜀四十韻并序

至道紀號元祀春正月為審官院考績引對

天子曰天厭西蜀歲荐飢饉任失其人枉政偷

剥民興怨嗟構孽肆暴授命虎旅殄滅兇逆矧

彼黔首不聊其生官人安民朕意罔怠寬則育

姦猛則殘俗得夫濟者實難其人爾惟方直歷

政有績平夔幽避徃理其俗克畏克愛汝其欽

哉祗奉厥命乘輅西征夏四月二十有八日供

厥職噫謀術庸陋罔敢怠忽豪猾抑之賦歛乃

息存恤窮困招綏流亡杜厥剝削宣揚皇風間

一歲而民弗克安非郡縣之罪偏將之罪也有

聽者孰不知民心上畏王師之剝掠下畏草孽

之強暴乎良家困弊漸復從賊庶賒其死深可

愆也

天子遠九重孤賤者憚權豪而不敢言嗚呼雖

採詩之官闕之久矣然詞詠諷刺道不可寂然

某敢作悼蜀古風詩四十韻書于視政之廳有  
識君子幸勿以狂瞽為罪

蜀國富且庶風俗矜浮薄奢僭極珠貝狂佚務

娛樂虹橋吐飛泉煙柳閉朱閣燭影逐星沉歌

聲和月落鬪雞破百萬呼盧縱大噱遊女白玉

璫驕馬黃金絡酒肆夜不扃花市春慚作未稼

暮雲連紈繡淑氣錯熙熙三十年光景倏如昨

天道本害盈侈極禍必作當時布政者罔思救

民瘼不能宣淳化移風復儉約情性非方直多

為聲色看從欲竊虛譽隨性縱貪攫蠶食生靈

肌作威恣暴虐佞罔

天子聽所利唯剝削一方忿恨興千里攘臂躍

火氣烘寒空雪彩揮蓮鏑無人能却敵何暇施

擊斝害物黷貨輦皆為白刃爍瓦礫積臺榭荆

棘迷城郭里第鎖蒼蕪庭軒喧鷺雀斗粟金帛

市束芻羅綺博悲夫驕奢民不能飽葵藿朝廷

命元戎帥師盪兇惡虎旅一以至梟巢一何弱

燎毛燭晶燹破竹鋒熠燿兵驕不可戢殺人如

戲謔悼耄皆麗誅玉石何所度未能翦強暴爭  
先謀剽掠良民生計空賒死心隕穫四野構豺  
狼五畝孰耕鑿出師不以律餘孽何由却鄙夫  
熾蜂蠆寡術能籠絡邊陲未肅清胡顏食天爵  
世方尚奔競誰復振譽謬黃屋遠萬里九重高  
寥廓時稱多英雄才豈無衛霍近聞命良臣拭  
目觀奇略

勸學 示弟說

大化不自言委之在英才玄門非有閉苦學當  
自開世上百代名莫遣寒如灰晨雞固自勉男  
子胡為哉胷中一片地無使容纖埃海鷗尚可  
狎人世何嫌猜勤慎君子職顏閔如瓊瑰剋薄  
小入事斯異真可哀放蕩功不遂滿盈身亦災  
將心須內疚禍福本無媒

愍農

悠悠世事稱無窮千靈萬象生虛空活人性命  
由百穀還須着意在耕農自有斲民逃禁律農  
夫倍費耕田力青巾短褐皮膚乾不避霜風與

毒日暮即耕兮朝即耘東坻南壠無閒人春秋  
生成一百倍天下三分二分貧天意昭昭憐下  
士英賢比跡生寰宇懲斲濟美號長材來救黎  
元暗中苦我聞愍農之要簡而平先銷坐食防  
兼并更禁貪官與豪吏愍農之道方始行

緝書齋

綠流北面桃花中書齋閉鎖塵濛籠紗窓挂戶  
明月空塔前草深鳴細蟲千書閱久陰生蠹治  
世之文欲無緒彫梁語驚不復歸華池皓鶴先  
飛去我來慈駕吟清春呼奴嘯匠連揮斤一日  
整庭戶二日交荆榛雜草留蕙若掃逕連松筠  
千花萬木似得意幽香細韻來相親衆口藉藉  
道一以如初新伊余世上耽書客古今萬事羅  
曾臆運海搏風當振翼任是青天更高碧

陽春曲

東風習習吹庭樹知道春權移日馭青紅獨解  
露春心凝冷無言避春去大有閉堦白日長清  
詞麗句祝春皇春皇不肯論功烈惟有年年君

道昌

勸酒惜別

春日遲遲輾空碧綠楊紅杏描春色入生年少  
不再來莫把青春枉拋擲思之可不令人驚中  
有萬恨千愁并今日就花始暢飲座中行客酸  
離情我欲為君舞長劔劔歌苦悲人苦厭我欲  
為君彈瑤琴淳風死去無回心不如轉海為飲  
花為幄羸取青春片時樂明朝匹馬嘶春風洛  
陽花發烟脂紅車馳馬走狂似沸家家帳幙臨

第二卷

古詩三

晴空

天子盛明君正少勿恨功名苦不早富貴有時  
來偷閑強歡笑莫與離憂賈生老

解嘲

我本高陽徒平生意氣凌清虛詞鋒即日未見  
試壯年束手來窮途蛟龍豈是池中物風雨不  
來狂不得五都年少莫相猜鸞鳳雞犬非朋儕  
志士抱全節愚下焉復知寧作鸞鳳飢不為雞  
犬肥君不見淮陰漢將未逢時市人頗解相輕

欺又不聞宣尼孜孜救亂治厄宋圍陳亦何已  
往者尚有然余生勿多恥休誇捷給饒聲光莫  
以柔滑勝剛方我愛前賢似松栢肯隨秋草凋  
寒霜道在康民致堯禹豈要常徒論可否興來  
轉脚上青雲何必羸驢苦相侮

師鳳謠

我聞丹山之鳳非有八翼四足兮又何羽毛之  
稱奇蓋仁於不殺義於知時既信厚於動止而  
淳音其用稀是以衆鳥樂而從之吾疾夫世之

第二卷

古詩六

小人兮曾不知仁義之所為故卷耳蹙頰背而  
疾走兮吾鳳之師

驚棲曲

天昏昏月娟娟驚棲之鳥伊啞而翩翩豈非海  
寒天風惡扶桑半折枝菓落又非鷓鴣之不仁  
鄧林何苦難容身吁噓哉鷓鴣弄翼出蓬蒿欲  
就鸞鳳高壘菓安菓待何時平林客低枝低枝  
苦賤良可越却厭爭飛笑鷓鴣星稀夜寒啼轉  
多恐作枝間斷腸血人生功名難與期聽之永

夜生憂思援琴欲理驚棲曲調苦聲悲不相續

贈劉吉

天地有至私劉生與英氣學必摘其真文能取  
諸類叫回堯舜天聒破周孔耳通塞不我知要  
在歡生意居危不苟全憑艱立忠義仕江南為  
主指斥奸

倭曰果信是  
人國將士也歸國有賢名

天子聞之喜倒海塞橫流掀天建高議治黃河  
有功議

邊將不才廷  
辨大目阿諛冒死雪忠臣證揚業忠赤  
為奸目所陷讜言警

貴侍重指中  
貴弄權四海多壯夫望風毛骨起如今竟

陵城推司茶菽利鶴情終是孤仁性困亦至勞

勞憂眾民咄咄罵貪吏方期與叫闍此實不可

弃如何不自持稍負纖人累酣歌引酒徒亂入

垂楊市狂來拔劍舞踏破青苔地群口咤若竒

我心憂爾碎請料高陽徒何如東山器請料酒

仙人何如留侯志去矣劉跋江深心自為計

送韓史君赴任越州十二韻

聖皇憂越人與之求良牧韓侯簡帝心受詔荒  
東服再拜陳苦詞目生非碌碌未得滅匈奴雖

榮亦為辱戎醜方款盟宸恩倦兵黷難展窮北

威遂作東南福况有重慎資足致奸巢覆况有

明怒懷可使夷人伏行歌煙靄空坐嘯江山綠

無憂報政遲只怕徵還速他日遺遠書幸勿忘

蘭菊

留別博州推官楊丹

郊亭欲別時霜葉翻空日男兒志在乘長風去

便離憂慘顏色鏤錚煌煌對尊酒醉舞不成空

握手恥唱悠悠易水歌羞折絲絲關外柳我欲

為君操峻節研清詞古來賢聖同驅馳連城白

壁不足道濟時才略為藩籬一以荅惠貺再欲

酬心知從今明月夜應有遠相思

淮西叙別

天門高弓未我揭驅馬淮西阻風雪高陽狂客

夜敲門清談大笑傾金尊一飲史君樓騰騰醉

未休再約娛賓曲歌舞喧耳目宛若是子之哲

弓精神多嶮竒穆矣簪纓之後弓動止饒令儀

繁花不染君子道大鵬自有飛鳴時何顧我之

彌彌不可無言而辭

淮西有答

天教明道知經綸只在尊君兼庇民鶴板未徵  
身且賤輕車素珮遊紅塵飄飄飄齊與魯半  
醉半醒陳復楚夜倚西風拔劍舞拔劍舞擊劍  
歌青雲路遙心奈何

寄晁同年

昔同白日昇穹碧還同水國司民籍三年不見  
頻寄書兩月相過忘行役桃花江上雪霏霏黃

第二卷

古詩九

鶴樓中風力微幽勝逼人竟欲飛此時不醉無  
與歸人間美事應有主別馬蹄露邊塞土南樓  
一望心淒迷昨夜踈簷滴寒雨休誇筆力馭真  
風勿憶雲山千萬重但偶西風一行鴈殺青相  
問莫辭慵

寄程說傳逆人

綠楊陰映長楸道桃杏初花紅影小手扶大白  
口談天得意相歡不知老一從召入金馬門三  
載長纓事邊徼幾欲含毫寄別離悠悠亂思如

芳草

與進士宋嚴話別

人之相知須知心心通道氣情轉深凌山跨陸  
不道遠躡屩佩劍來相尋感君見我開口笑把  
臂要我談王道幾度微言似愜心投杯著地推  
案叫此事致之無復言且須舉樂催金船人生  
通塞未可保莫將閑事縈心田興盡忽告去挑  
燈夜如何彈琴起雙舞拍手聊長歌我輩本無  
流俗態不教離恨上眉多

第二卷

古詩十

贈聶堯

聶堯懷抱何翹然遊心聖道三十年智泉湍激  
橫碧海文山奇崛凌青天神充氣溢眸子好常  
談盡是經綸道早求入用活蒼黔莫向塵中虛  
自老

謝所知

皇風浩蕩吹天地天下英髦連鳳起海鵬一飛  
一萬里三尺微風何足謂

送張及三人赴舉

才雄揚子雲古稱蜀川秀千載遺英聲三賢繼  
其後文章積學成孝友亦天授遠郡得充庭期  
將免固陋

蕭蘭

種蕭芳蘭中蕭生蘭亦瘁他日秋風來蕭蘭一  
齊敗自古賢者心所憂在民泰不復夢周公中  
夜獨慷慨

東門行

淫淫六合生萬靈周公孔子留賢名伊余志尚  
未著調秋風拔劍東門行金龜典酒知是誰逢  
君使我臺雙眉眼前萬事不足問要須醉倒高  
陽池

白駒謠 別喬隨

白駒如龍兮透而迤紅韉未絆兮天之涯秋風  
萬里思鄉時傷離群兮嘶復悲

憫旱

皇天詔龍司下土穀苗乾死天未雨如何不念  
蒼生苦村落斂斂椎旱鼓

結交

古人死恨為交難交心不移誠可歡須知閻水  
生波瀾壯夫一欲摧心肝

祛惑

過與夜光不肯要捉得泥丸弄到老因嗟蜀望  
無曾懷至今號作思歸鳥

酣飲

不敢指天象象中皆有神不敢說人事謾致姦  
邪嗔豈若內酣飲兀然陶吾真吾真小不見吾  
真大無倫真苟無所適亦免招悲辛堪笑古人  
愚刺轆徒殞身

二月二日遊寶曆寺馬上作

春遊千萬家美女顏如花三三兩兩映花立飄  
飄盡似乘煙霞我身豈比浮遊輩蜀地重來治  
凋瘵見人非理即傷嗟見人歡樂生慈愛花間  
歌管媚春陽花外行人欲斷腸更覺花心妬蘭  
麝風來遶郭聞輕香昔賢孜孜戒驕蕩猖狂不  
是風流樣但使家肥存禮讓歲歲春光好遊賞

書園吏申花開榜子

後園花開紅滿枝太守倦遊紅不知看花小吏  
報花信太守茫然心忽悲頭上光陰瞥爾過昨  
日少年今老大見說花間舞蝶狂翻飛更着遊  
蜂和

孟子詞

党項婦女卷葦葉吹之名曰  
孟孟寄情託意近類桑間

胡中不識春時節門外春迴花未發奴家聞道  
漢宮春遙望南天拜新月拜新月攢雙眉別部  
胡笳聲亦悲低頭自歎胡無知

第二卷  
古詩十三  
筵上贈小英

天教搏百花搏作小英明如花住近桃花坊北  
面門庭掩映如仙家美人宜稱言不得龍腦薰  
衣香入骨維陽輦轂如雲英毫郡輕紗若蟬翼  
我疑天上婺女星之精偷入筵中名小英又疑  
王母侍兒初失意謫向人間為飲妓不然何得  
膚如紅玉初碾成眼似秋波雙臉橫舞態因風  
欲飛去歌聲過雲長且清有時歌罷下香砌幾  
人魂魄遙相驚人看小英心不足我看小英心

本足為我高歌送一杯我今贈爾新翻曲

乖崖先生文集卷第二

乖崖先生文集卷第三

律詩

登崇陽縣北峯亭

高榭臨公宅凭軒萬木秋  
亂雲橫島嶼鳴鴈下汀洲  
到此欲長醉何門銷舊愁  
若為陶靖節容易賦歸休

登崇陽縣美美亭

萬象盤迴颯年來此創亭  
喧闐當邑地清絕倚禪高  
砌迫波流碧牕涼洞壑青  
人家晴渡口漁釣暖沙汀  
岸竹風成韻阜禽曉曬翎  
栽花多是藥題壁半書經  
遠客憑消恨高僧與勒銘  
掃苔朝復暮閉日醉還醒  
不可窮吟思將須列畫屏  
浮虛莫輕賞美美獨丁寧

縣齋秋夕

才薄難勝任空銷懶惰情  
公堂群吏散苔地亂蛩聲  
隔歲鄉書絕新寒酒病生  
方今聖明代不敢話辭榮

登黃鶴樓

重重軒檻與雲平一度登臨萬想生  
黃鶴依稀煙樹老碧雲塊亂晚風清  
何年紫陌紅塵息終日空江白浪聲  
莫道安邦是高致此身終約到蓬瀛

新秦遣懷

貂褐久從戎因令筆硯慵  
梳中見白髮枕上憶孤峯  
風動沙昏晝寒多雪折松  
此心無與問長願酒盈鍾

登麟州城樓

莫問戎庭苦高欄是夕攀  
時清官事少邊靜戍人閑  
雉堞臨寒水穹廬倚亂山  
皇恩正無外不擬更移關

郡齋秋夕

久負嵩雲約年來半白頭  
風驚落葉夕雨滴戍城秋  
調古將誰合心狂謾自愁  
遲迴不能寐重起凭危樓

鄴中留別平仲

聞說懷經濟乘閑過隱廬  
話言殊不逆交分合



何如道愧將時背心非與世疎淒淒重惜別蟬  
噪古槐初

至道乙未蜀中送人東歸

綠楊陰裏卓旌旃一曲離歌獨泫然顧我無才  
狂似鹿羨君清節直如絃錦城寇難初平日帝  
里春和入謁天好竭忠誠佐真主莫教奸佞苦  
妨賢

再任蜀川感懷

官職過身鬢已衰傍人應訝退休遲從來蜀地

第三卷

律詩三

三〇五

稱難制此是君恩豈合遠兵火因由難即問郡  
城牢落不勝悲無煩苦意思諸葛只可頌條使

衆知李順劉幹王均十年三亂蜀人人思得為

非此宏才異略則不濟也方今天子仁聖國富

兵強只宣馭遠寬平之詔禁暴刑殺之令不半

蜀中傷陳恕左丞

英賢去世世同悲管焉才能更比誰心盡西山  
離隱後名喧深殿受恩時謀猷不枉稱人傑精  
審真堪作吏師謾就高原向東哭路長天遠豈

能知

寄傳逸人

鷗鷺伶疎野朝昏遠戶飛有誰知此意獨立對  
斜暉落葉堆荒徑澄泉照白衣聖君方急善應  
好下魚磯

每憶家園樂蜀中寄傳逸人

每憶家園樂當年枉用心翻身期濟物明代已  
腰金守道知無取防姦似不任休今得休去誰  
肯羨為霖

第三卷

律詩四

三〇六

每憶家園樂名賢共里間劇談祛夜瘧關室中

於韓城終夕談話諸幽夢得鄉書每發家書漸

長性情懶隔年音信疎終嫌累高節不得薦相

如淳化末余直省密使人密誘傳意勉之仕

送張及之任穀城

不求灼灼不卑垂自愛先賢力自為德行舊多  
鄉曲譽文章新受聖皇知辭親西國春方好去  
路千峯鶴亦隨若到縣封修政術漢南良牧是

元龜李道

知州

送趙寺丞罷秩遊青城山

公餘長閉目只是老心情聞道尋山去連忙出  
戶迎好峯須到頂靈跡要知名迴日從容說余  
將少解醒

金陵郡齋述懷

傍人往往羨清途野逸情懷亦自扶官舍四邊  
多種竹潮溝一面近生蘆病嫌見客低徊甚老  
覺臨官氣味鹿不信浮名是身累有時閑撚白  
鬚髮須

郡齋書情寄仙遊張及

老去慵仍甚榮名舊日疎又因經歲病不答故  
人書閉閣僧歸後看山吏散初何因問心跡之  
子最相於

淮陽書懷寄朝中親舊

聖恩重疊念龍鍾新賜淮陽地望崇纔有筋骸  
堪策杖更無情緒可憂公日思舊隱歸何計或  
問前程笑拍空昨日凭高向西望滿川煙樹雨  
濛濛

遊趙氏西園

蜀中春艷世間殊比竝陳園恐未如數里花光  
浮暖日六街塵淨見香車翻空雅樂催歡處入  
格新詩上板初方信承平無一事淮陽閑殺老  
尚書

上楊大諫

東南雲物異端正產賢人才大何高古名雄始  
入秦文江橫舫檝藝圃剗荆榛民事憂徧切金  
門老更親天教任孤直帝亦賞清貧功業榮書  
史銓題洽縉紳苦聞辭祿綬遠擬訪仙真却顧  
希顏者遲留塞草春

寄田錫舍人

當年心計此心知忽忽逢人亦自疑枉是憂公  
生白髮有何長略謝清時林僧已怪抽身晚朝  
侶猶嫌到闕遲多喜通規識幽抱路遙無處寄  
相思

寄潭州劉郎中

官途聲稱舊便蕃朝列皆推比竝難受任已過

唐刺史結銜猶是漢郎官遙知萬井嗟何暮  
酷愛諸峯病亦看老大情懷更多感相思重疊倚危欄

寄栢閣宗滄上人

周襄風雅變詩匠著禪衣身世閑雲片煙霞共  
鶴歸引泉涼月動掃徑落花飛自信干時拙終求對掩扉

寄郝太冲

閑愁休問意休疑此事關身合再思心靜易求  
長世法氣狂難與少年時新編到底將何用舊好如今更有誰猶憶公堂秋會否遠憶寒竹夜風吹

送別蘇寺丞

公身多不定何路慰飄離莫以微言合苦將幽  
思悲山程朝醉少雪屋夜眠遲即問逢春約芳菲折贈誰

送別祝隱士

龍鍾塵滿衣特叩柴扉暫慰經年別人驚千

里歸山川秋末後風雪鴈來稀莫便長休去明  
時待發揮

送馬道人歸天台

逢山長欲便辭榮見說天台益自驚絕頂要歸  
終久住此時無計伴師行囊携鼎藥身難老路接仙橋眼更明莫笑官途滋味薄五湖曾有片帆輕

送人北遊

慈親別幾時又作北遊期萬馬方征虜單車欲  
訪誰遠身孤劍共幽抱素琴知應渡黃河夕波濤驚夢思

歸越東舊隱留別秦中知己

客亭揚柳葉初殘歌咽秋空慘別顏吟愛好峯  
歸越路醉衝寒雨出秦關煙蘿庭戶重栖倚漁浦人家舊往還縱使功名無分得免教心在怨尤間

贈祝隱者

當年辭聘幣高卧魯郊西道與常流別名將往

哲齊細蟲喧四壁芳草暗前蹊猶有談玄叟時  
時一杖藜

贈孫曹二生

西洛繁華外幽竒二隱同喧卑不入耳賢達許  
高風宮水當門落僧園舊徑通看書悲往事坐  
石嘯晴空世界搜吟內山川曠望中憂人過憂  
己豈是卧雲翁

郊居會傳逸人

久客倦驚菟田居乞暫安義寧忘力學貧要奉  
親歡枕外河聲老門前野色寬支流狂遶砌叢  
葦品當攔書葉招鄰彥扶筇話肺肝吟懷難契  
遇醉語動辛酸隱几歲時變凭軒雷雨殘致君  
須有分會此擲魚竿

再會傳逸人

分到知心死不輕幾年曾是愴離情微風吹雨  
鴈初下落葉滿堦蟲正鳴時靜苦嫌論劍略簞  
涼頻喜轉琴聲從來共約雲泉老肯向人間占  
好名

貽傳逸人

少年名節動人羣避俗深居積水漬幾為典衣  
留遠客半來欹枕看閑雲門連酒舍青苔滑路  
近汀沙白鳥分誰道無心活黎庶數篇新製詠  
南薰

乖崖先生文集卷第三

乖崖先生文集卷第四

律詩

郊居寄朝中知己

年來流水壞平田客徑窮愁自可憐汀葦亂搖  
寒夜雨沙鷗閑弄夕陽天狂嫌濁酒難成醉冷  
笑清詩不直錢碧落故人知我否幾回相憶上  
漁船

懷張白逸人

昔年吟社偶通隣常貴高風入格真名好已期  
天共歇性孤翻與世無親梁園醉別花燒眼楚  
寺秋歸鶴伴身從此幽懷不能說五湖煙月二  
京塵

訪人不遇

舊徑莓苔合兒童獨閉門踏霜歸遠店涼月照  
空尊鴈響蒹葭浦風驚橘柚村知音在何處凝  
寂欲銷魂

和人惜春

白日不暫住催春去忽賒頻須傾綠蟻未忍掃

殘花漸恐凋雙鬢堪驚遠別家歌臺重一望煙  
柳數行斜

訓宗人殿院見示詩集

句好如天設看來字字精功夫能到此心意可  
知清已得風雅正任從時士輕何當較才用期  
與二南并

依韻答人九華山圖

每憶眠雲處當簷列翠屏有時聊極目盡日坐  
忘形去此心惟苦懸圖恨忽醒數峯秋欲活虛  
籟夜重聽地鎮三吳遠天連萬古青幾人曾得  
道是草即通靈松鶴閑窺鼎龕僧聞誦經終須  
卜長往回首謝明庭

和人登朗州江亭

城上江亭簇暮煙城根老樹浸江瀾何人臨靜  
夜譚罷獨客凭高秋興寬直下路通諸國遠偏  
東山隔半溪寒漁翁似會清吟意笑逐江鷗過  
淺灘

答人惠四明山蕉葉扇

團團休復頌齊紈蕉葉精新舉世傳更愛四明  
來處異可量三伏用時便已無酷暑侵肌骨肯  
放青蠅觸几筵因藉仁風慰黎庶寧知不及古  
人賢

旅懷

移文休誚客衣塵欲去終慙未了身一夕亂蛩  
驚別恨滿塔紅葉愴吟神東周住久知音少白  
杜拋來舊業貧猶喜陶潛遶籬菊帶霜開得數  
枝新

洛中寓居

風塵籍籍伴窮迷旋賃高齋洛水西綠樹不知  
遊子恨夕陽閑引杜鵑啼苔侵舊徑來人絕花  
滿南軒翠竹低自笑詩書冷無味抱琴階下草  
萋萋

公暇偶作

世情多與道相違偶忽公閑便息機貪競已從  
心下絕愛憎還覺眼中稀時文鍊漉教歸正聖  
易參研盡入微本要資身兼報國安知四十九年非

舟行感懷

風帆江上往來頻魚叟應多笑此身自愧無才  
酬聖澤已甘行樂負青春疲羸未復空志味綱  
緒難條欲問津更擬傾盃祝天地世間不用長  
奸人

舟次辰陽

昔賢勞苦為憂官我自無才欲忘食嗚棹幾程  
灘勢惡宿亭一夜雨聲寒山連古洞蠻煙合地  
落秋畚楚俗歡雖指公餘便東下好峯猶得捲

簾看

遊桃源觀

一從仙去失仙源樹老臺荒又幾畚塵世莫嗟  
無分到星壇空自有名存竹邊風健秋醒眼花  
底泉香夜斷菟多少尋真舊題處我來重與拂  
苔痕

舟中晚望桃源山

仙山初指眼初明倚棹因妨半日程雲裏未忘  
尋去路世間爭合有浮名巖空閣老松千尺天

靜時聞鶴一聲更謝暮霞憐惜別滿坡紅影照  
崢嶸

幽居

落花時節掩關初請絕江城舊酒徒滿屋煙霞  
春睡足一溪風雨夜燈孤易中有象閑消息身  
外無求免歎吁多謝巖僧頻見訪欲迴流水又  
踟躕

旅懷

儒術精窮久風塵鬢欲衰知音豈易得搔首獨  
何為寓舍思親處秋原墜葉時樂天吟更苦笑  
殺五陵兒

吳宮石

四正題曰醉石囓藥  
石歌月臺朝天壇

何人移置向何年牢落空庭見斷頑竹外松間  
滋澹堦土昏苔染更爛熯貪憐翫月名偏好莫  
問朝天信不還閑醉閑吟聊自得漸無寬夢憶  
歸山

旅中感懷

人世貪名豈是閑幾回思筭幾淒然故鄉路遠

不得信寒月夜來還復圓霜趁悲鴻歸楚澤風  
移殘燒下秦川莫言酒作銷憂物更有新詩一  
兩篇

退居近墅

選得煙村寄掩扉拙謀翻似解忘機名場未入  
老將至鄉信不來春欲歸窻背晚陰黃鳥語簾  
橫幽徑落花飛何由盡會蒼蒼意時復攜筇上  
翠微

歸隱嵩陽

浮世事無限何須要到頭壯心為客盡孤跡卧  
雲休匣劍已全棄林僧亦少酬從來愁恨意乞  
待外人愁

本農

奢競若不息生民只有冤誰搜元化窟鑿斷麗  
華根使絕侵奪苦著為明聖恩何煩重師古即  
此是羲軒

喜雨

救旱功何遠淋漓晝復昏風雷潛助勢草木豈

知恩積霽消殘影枯源漲舊痕朗吟渾得意重  
起凭前軒

秋霖

觸石便溟濛經旬失遠空深疑竹箭浪兼起蓼  
花風淨長苔痕綠寒催木葉紅蒼蒼不可問惆  
悵漢陵東

庭竹

挺秀誠堪貴蕭疎在薜庭小桃遮不得深雪放  
教青影射池光冷聲敲鶴夢醒牽吟莫可極重

寫上前屏

朝日蓮

少得方爲貴根莖豈異蓮高低全賴水舒卷自  
知天已任羣芳妬難妨後笑偏向明終有待呈  
艷不爭先愛重頻移席徵求苦費錢蘭蓀饒酷  
烈桃杏媿奢妍應瑞花中絕標名世上傳須栽  
禁池內用表太平年

弱柳

枝莖何弱種何緣著架扶持勢可憐但見低垂

長衛足更無踈竦欲參天離情謾指千條線野  
興堪驚一點煙最惜柔謙似君子夜涼重起遶  
欄邊

曲湖種柳

曲湖連曲接平蕪前事因循好歎吁不見有源  
堪畎鑿便來此地費功夫蛙能聚響難停息蓮  
本含香舊已無夾岸近教多種柳少延春色向  
城隅

新移蓼花

蓼叢疎淡老相宜移傍清流曲岸西紅穗已霑  
巫峽雨綠痕猶帶錦江泥吟狂不覺驚幽鷺立  
困翻疑在舊谿官滿便應離此去可量心緒更  
難齊

乖崖先生文集卷第四



乖崖先生文集卷第五

律詩

秋日登美美亭

野人官職與心違何况經年未得歸  
一夕秋風無限思偶來凭檻到斜暉

縣齋感懷二首

前朝官政似無端彭澤先生百日還  
堪媿崇陽九河客明時不敢自歸山

傍人休愛命皇華即問何能報國家  
長憶鄉園舊廬舍會須拋印自鋤瓜

第五卷

律詩一

五

寄高主簿

青霄數日路岐通何惜江頭暫駐蹤  
猶有同來未歸者縣齋寥落倚千峯

同韋主簿祈雨

樓鸞聲譽喧羣口擲地辭華衆莫儔

禱處萬家瞻仰

新市驛別郭同年

驛亭門外叙分攜酒盡揚鞭淚濕衣  
莫訝臨岐

再回首江山重疊故人稀

早發鄂渚

五里亭東曉色分數峯連絡倚青雲  
迴頭却愧公車役孤負滄州野鶴羣

晚泊長臺驛

驛亭斜掩楚城東滿引濃醪勸諫慵  
自戀明時休未得好山非是不相容

新秦送人東歸

郡齋空古塞垣西纔喜相逢又解攜  
若值山東豪俠問嵇生慵更作書題

相州官舍

林木千重閉郡樓西山濃翠去無由  
思量自古逃名者多少清閑到白頭

赴職荆湖途中作

關下過從禮數頻到官憂事更勞神  
每逢山驛連宵住似待孤雲憫此身

杭州一百五日水心亭留題

湖邊三月百花紅湖上遊人處處通  
莫怪此渠

來便去都緣心地似虛空

夫差廟

由來邪正是安危不信忠良任伯嚭自古家家  
有容冶何須三國殢西施

過華山懷白雲陳先生

性愚不肯林泉住強要清流擬致君今日星馳  
劍南去迴頭慙愧華山雲

途中

人情到底重官榮見我東歸夾路迎不免舊溪

高士笑天真喪盡得浮名

驪山感事

古來仁聖最憂多合倚承平縱逸麼行幸未停  
歌未闕羯胡兵已渡黃河

再任益州迴留劍門石壁

劍門山勢碧摩天匹馬重來鬢已斑多賴皇明  
燭幽遠兩川無事得生還

洛中

翠輦西巡未有期玉樓煙鎖鳳參差可憐三月

花如錦狂殺滿城年少兒

舟行

江邊煙草濕沙白頻翹鷺一雙細不知  
雨中時起閉船窻

峽路阻風

嵩雲草草失前期佐主無才鬢有絲牢落江灘  
阻風夜峽猿聲裏坐多時

過武陵溪二首

生平苦愛山兼水南國晴疑盡可携即問世間

誰見我舟初下武陵溪

武陵山下水冲溶往事追尋興莫窮欲就漁人  
問閑趣葉舟齊過蓼灣東

桃源觀

簷下山光砌下苔人間重遇眼重開舊林諸子  
休移請已許孤雲作計迴

夜坐

流水涓涓落砌莎竹窻殘月冷無多傍人不念  
思鄉苦獨奏南樓一曲歌

吊屈原

楚王不識聖人風縱有英賢志少通可惜靈均  
好才術一身空死亂罹中

苦熱

赫日炎炎爍遠空泉邊樹底亦無風行人莫便  
多辭苦猶勝東郊炙背翁

雨夜

四簷寒雨滴秋聲醉起重挑背壁燈世事不窮  
身不定令人閑憶虎谿僧

又

簾幕蕭蕭竹院深客懷孤寂伴燈吟無端一夜  
空階雨滴破思鄉萬里心

諭意

但求報國莫求名說著陰功是有情楚漢既分  
寰宇定留侯先意便辭榮

方竹

筍從初籜已方堅峻節凌霜更可憐為報世間  
邪佞者如何不似竹枝賢

又

枝枝方直綠參參林葉踈紅始見心却恐當時  
惡圓佞結根遙向楚雲深

方竹杖寄蘇內翰

一尋方直剪湘煙欲寄先愁見賞難指佞扶危  
兩堪試惟憑不作瘦藤看

柳枝詞七首

玉門關外絮飛空破虜營前晝影濃可使消兵  
無好術忍教攀折怨春風

青連遠戍和煙重靜映疎櫺窳縷輕遊子不歸

春夢斷南軒一樹有啼鴛

遠映天街近遠池長條無力自相依上陽宮女

愁方絕又是東風有絮飛

輕柔多稱地多宜繞種纖枝又引枝不及垂陰

向黎庶春風一路送云隋

海潮聲裏越谿頭誰種千株夾亂流安得辭榮

同范蠡綠絲和雨繫扁舟

帳偃纓垂已有名水邊花外更分明前賢可得

輕詞句幾變新聲入鄭聲

吳王愛重為遊從歲歲添栽後苑中家國旋三  
臺榭毀數株臨水尚牽風

和人牡丹

桃源分散恨無期忽意江城見有時歌遶醉圍  
拋不得幾人終夜起題詩

寄傳逸人

當年失脚下魚磯苦為明朝未得歸寄語巢由  
莫相笑此心不是愛輕肥

闕下寄傳逸人

踈踈蘆葦映門墻更有新秋膾味長何事輕拋  
來帝里至今寃夢遶寒塘

秋日寄友人

柳條風暖會吟時林下池邊屐齒移別後過從  
更踈懶暮蟬嘹亂不勝悲

送別王秘丞

帝鄉三十年前別江外相逢鬢已衰清論未窮  
行計速為君臨水立多時

送別李司直

亭下依微見遠村亭中離恨若為論數聲歌罷  
揚帆去民吏相看有淚痕

送魏道士

江上蕭蕭木葉飛天台狂客杖藜歸莫嫌俗吏  
勤相顧曾是嵩陽舊掩扉

答劉道人

嵩陽峯底洞中天曾共浮丘對掩關知道高閑  
少兼濟折腰從此到人間

暮春憶友人

楊花零落暮春風醉起南軒夕照紅閒倚樵桐  
坐無語故人相隔海門東

遣興勉友人

人生三萬六千日二萬日中愁苦身惟有無心  
消遣得有心到了是癡人

謝雲居山人草鞋

雲居山客草鞋為鞋路轉千峯此寄來昨日公餘  
偷步躡萬端心緒憶天台

請人畫嵩山圖

嵩陽三十六峯寒向爲明時隱遁難却顧事繁  
思不及如何與作畫圖看

鷺鷥

碧盧風暖律精神煙澹煙濃片影分天怪覓魚  
心未足不教名與鶴同羣

聞鷓鴣

畫中曾見曲中聞不是傷情即斷魂北客南來  
心未穩數聲相應過前村

第五卷

律詩九

百十

乖崖先生文集卷第五

乖崖先生文集卷第六

雜著

詹何對楚王疏

楚王問詹何治國之法何對曰治身重詢之故又曰未有身治而國亂者也以其言近易知多所忽略稽昔聖君鮮不先身而後國者或說心君也股肱肘腋臣下也皮臚藩輔也心苟動興支趾隨作此徒比言曾未知乎治矣於戲治身之道顧若轉九克若迴山蓋知之匪艱而行之

第六卷

雜著

惟艱也故求其治身必先治心治心之本在乎中正日思之月習之歲用澄明物無藏照若是則精神以寧貪慾不生心定身休何往為咎由此治國則忠讓之入若百川蹈海無與逆也仁政之施若時雨流天無與止也以此選賢導直是前以此授職無濫厥官以此治民本正化均以此治兵謀猛相成異哉正慮明斷慎若膠固治定端冕號為昇平中正於身其幾矣乎故使淫聲邪視拂然不入讒惑小人惕息罔暇豈能

干政以亂國耶堯舜禹湯得治身之要聰明著焉國用化焉辛癸幽厲失治身之要邪僻入焉國是亂焉嗚呼身治而化未至堯舜者有之矣未有身不治而國無危者也因疏詹何之言彰載治之要由身形國藉司君鑒焉

擬富民侯傳贊 并序

第六卷

雜著

漢書

漢武晚年以丞相為富民侯富民大本也侯爵勸功也推導之若此將復古王之功歟嘻大朴未散民命在天風教既闢民命在賢賢不可黷黷之非賢先王仁孝以辯之民不可擾擾之生弊先王簡儉以御之粵自桀作瑤臺民始知勞秦易井田民始知弊所謂上闊其欲而下散其束四人桓桓去勞就安百途鑿鑿彫偽散朴衰周之民也其可哀哉一作之百取之班白不得息稚齒而趨驅焦勞力竭而飢凍繼之浮民葑我利非賢盜我食何嘗少得佑助徒俾日攻之故謂令德日理窮兵亦私末途喧喧而大本取弊者於斯也哉非有大聖上智其誰拯之歟漢

洗秦弊七十年武威文經漸被四海以高祖之仁文帝之儉尚不能推民壽鄉功磨三代加於武皇事威窮侈四十年間民力凋半亟下富民之詔尊為上公之號憂勞誠思亦至矣乎徒知民富而後國昌不知國正而後民治吁不能師三代育民之法以事末術良可悲矣亦由止奔流之舟雖萬斯篙未若五尺之纜之要也療已弊之民雖百斯術未若一正其本之仁也嗚呼末途未塞本弊不正欲民富國昌者未之有也

第六卷

雜著三

三〇五

漢雜霸道史或過矣余愛其君有富民之志且榮富民之號又憤不能開通之因附史氏作贊以矯之贊曰  
五后之世事簡而民靜夏商周之世事正而民治故貧富之名稀所稱焉三代之季四人亂倫百途競新蚩蚩餓死無階休存之遂使抱仁義智能者易以要功於其間如武皇帝命富民侯又如何哉又如何哉

釋斧贊 并序

里人命斲斷為釋斧余觀而義之曰釋所以逐惡也斧所以利用也力驚心怠者無執是柄惡亂我苗將飢我族故聖人之化人也有心哉詰誅暴慢斯近仁矣是以堯翦四凶蓬蒿斷芽周鋤二叔藜莠絕本嗚呼既竭其力又稱其用復何患者乃為贊曰

大田茫茫釋斧鑿鑿蓬賊莠斫我斧是芟王食匪難禮義是前飴背黃髮鼓腹便便周廟之詩頌以勸漢侯之詞閔以哀賞子誅兮正由是哉

第六卷

雜著四

三〇六

唐衢贊 并序

天之道繫乎慘舒人之情出乎哀樂慘舒之大者聖人之運也哀樂之大者賢人之心也若慘者何天地闕而不通萬靈否而遮蒙聖人君子無因搖動於其間故慘酷外感而悲哀內作仲尼之泣麟袁安之流涕豈不兆乎哀者也若舒者何天地環復千年會昌聖人導道於上賢人陳力於下和氣駢合而頌聲作故南薰之凱康下武之熙穆豈不兆乎樂者也唐衢生唐之

衰踞於天地間不得攘袂矯首徒於生民仁智  
咽結動輒慟哭哭之時義遠矣哉軍國失禮則  
哭之賢良失志則哭之嘻生之不爾無以見救  
世之心免訐刺之禍仁之至美蓋得泣麟之遺  
旨耶余直慙生之有志無時前不決開元之餘  
風後不見我

宋之太平因與紀贊以旌遺寇贊曰

嗟嗟唐生逢世述道德閉咽惟慟哭聞高高  
蒼穹迢遙聖風哭之不應徒傷厥衷世人不良  
嗟生之狂餘哀不朽露唐之醜已焉哉聖人泣  
麟千載為偶

異獸圖贊 并序

昔人好怪者指是方朔所說纂錄海荒之外奇  
禽怪獸圖而寶之或得鳳之一毛麟之一角肖  
人而體雜混醜怪摠命曰異獸圖蓋四氣不  
合而生生故不具而不得容於中國也已嗚呼  
天之限物率偶然爾知獸怪而遠之不知人醜  
獸者不遠之天果無心也已抑圖記之設非紀

則戒天下之醜行者焉人誰明之系以為贊  
贊曰

混元運行與物為形形氣不淑以獸為名爾形  
大醜爾心或否海荒之外恣其所有人誰圖之  
觀必駭嗤雜中國而醜行者彼何人斯

木伯傳

木伯字巨材世稱處豫章者為甲族巨材其後  
也其先著姓於庖犧氏佐青帝籍發生之德死  
而命神曰勾芒族散天下五分之一鴻黃氏識

其貞且良第擢用之大濟厥美民到于今稱之  
曰若涉水之航兮登山之梯兮宴兮依兮無暴  
我長幼兮克肖基構者世不嘗絕或云火化已  
先民知附賴故淳仁之後鮮宇鈞惡從蒙弱幽  
鬱亦不敗世教耳巨材得太和正氣生而雄奇  
始七歲有凌雲之姿漸長磊落見節榦善吟嘯  
風月俊如鸞鶴麟鳳者競狎之加以性寬簡重  
厚縱燕雀輩流接之泊如也漢天子將即明堂  
議三代巖野瓌秀咸見徵用巨材隨吏君見長



安宮百工僉曰伯也有棟梁之器宜其荷重任

翼羣材者也進用可上旨尋封為大梁侯出納

明命於邦有光不顯諫徹訐不處君於不義或

大事用頗引周公之法正之帝謂侍臣曰體天

崇高纂承鴻緒配地博厚以朝萬靈政聲教本

平乎中揚溢乎天下皆大梁侯之功也諛言不

入愆懣不作熙熙然朕心用平又其功也宴見

以時義必正色望者若虹蜺架天左右前後輝

如也鴻筆厖老頌帝功者戶歌之一日從容謂

第六卷

雜著七

三百

柱史曰吾輩委質聖朝幸亦至矣恥下君於三

王今僅昇矣徒以貞幹無怠於任過久不退將

羣邪巨蠹疾我歟後大梁侯去位不以其禮而

漢中微嗚呼鍾莽之亂謚號無存焉

史臣曰木非端木後也梁非魏大梁也予聞其

生而雄傑德也藏器待時智也繼仁者之後孝

也處大位而不敬節也與羣材而立義也朝會

以正功也致君於三王忠也大梁侯之德與士

師乎雖老不知退何累於全德耶

蘇公堰銘 并序

鴻河走孟門東五百里地平無岸郭每淫夏雨

注萬壑奔集漾沙汨泥漫猛可畏故聖人導九

河以驅其間去聲禹越千歲九河遂沒漢亦悼

子之歌東潰西決世無常波濱隅之人世無常

家是是

天子趨民以隄防之後周蘇允平嘗宰澶淵之

臨黃刮剔舊弊以身正民事有妨蠹雖郡侯不

能易其令義苟利物縱灼身無以懼其心先十

年河敗西鄙民魚交居公慨然曰冬水既道春

土可封民不得利者令宰之咎也因詔下興土

功遂大索丁徒囊錘就任騰溝濶渠順河為勢

除貴長孤弱外無遊縱除風雨冥夜不息民咨

至勞公愛至利不逾月而大堰成春波鬪來餘

怒自息旅民喜農轉飢為豐三紀之間復魯衛

之風 皇朝十二年河南潰於帝丘明年北陷我

邑人人驚奔逃死不暇是堰也亘四十里而廬

萬室遠乎哉賢人之用心也安則民被惠災亦

第六卷

雜著八

三百

民依之與彼竊祿賊民者如何哉嘻賢人之功  
不得光溢騰大達達不朽亦文士之過也丙子  
歲余遠來省親日賞其上忻然勒銘以示來者  
銘曰

衛東之地蠖弱兮鴻河肆其橫流平民轉泊兮  
恥如深讎蘇公來堰兮析民牢愁沙濤雷波禁  
束如死公二十年乘畝比比民亦何知怨苦忘  
美歲老復決陷于全封是堰稜巨萬室來同衆  
苦吟歎始頌蘇公之功於戲既利物以稱仁不  
竊祿以汗身卷六邈為倫吁嗟蘇公兮  
無羞於世之人兮

張氏新小橋銘

粵若選勝尚奇見善稱難者與夫創新謀始遠  
矣哉新小橋即張氏林泉之所建也通溝漲白  
所以瑩林榭之輝丹檻凌虛所以喧耳目之用  
利有未濟人其捨諸於是哲士預能梓匠視力  
役夫未疲飛梁締構通竹陰之雙隧導賓階之  
四達蒼雲夜斂疑上架於星河零雨晝晞訝傍

牽於蟬螻既萌謀始得無健稱者歟其謂成功  
則細創心是難執彼量大昭焉著焉鄙乎隱鱗  
之狂寧謝題柱之作染翰之末聊述銘云  
設險者水謀始者賢飛梁締構呀豁林泉往復  
攸濟微乎捨旃誰謂巨川不能駕焉

三不欺箴 并序

君臣人之綱也仁義人之宅也是以緣情制禮  
因事立法此曠古聖賢宅人之典也故立法不  
易者為經利事可師者為傳此又垂訓示人之  
深旨也若子產之明子賤之恕西門生之猛皆  
宗主仁義合附民欲三之不欺于斯傳矣某心  
愛仁義力趣聖域嘗謂誠不至而師古者惑也  
誠至而事異者泥也未若輔諸道求諸心行之  
不回久而必至齒仕已來求望彌篤三之不欺  
獨因心出上不敢欺君下不敢欺民中不敢欺  
心書帶鏤誠用以自勉豈古人之所未知將後  
生之所為妄也乃為箴曰

古三不欺怒猛以明休民為宅與世作程今三

不欺君民心兮誠人所及胡用言之克欲自刺  
救為身規君道湛然臣道乾乾調君私己是謂  
欺天民生嗤嗤惟賢是資欺枉以勢仁者不為  
心為道源執之誠難利亦易誘邪亦易干一失  
其正名辱身殘惟慕惟懼心焉是刊庶幾茲世  
無羞厥官

懼箴 并序

余幼荷父母之訓長師聖人之道必純必信用  
慶於心年甫弱冠始接人事事茲與人鮮有通  
者豈為善之未至耶將學不知乎變耶退而省  
己作懼箴以自勗

口乃禍府交為禍媒交莫浪合口宜慎開導我  
之得兮綸然而去絲然而來謂我之失也錚若  
破缶割如驚雷蓋淺狹以自播豈眾民之喧聒  
苟非洗慮以內觀兮如乳兒之抵虎他人何由  
其拯哀不切懼惕徒飛嫌猜其敗已也又何  
尤哉

褊箴 并序

褊之於名不通也內德既褊君子之道何由外  
矣儻予作箴欲自繩云

百行同轍一褊則闕褊以敗德為主患之大者  
有數萬緣交奔有逆有諛執謙為都廓禮為府  
褊既不生患將焉舉入則有親出則有君為政  
在慎疑如北辰奉親或褊子道是淪事君或褊  
臣節不伸臨事或褊稔害下民匪惟害民抑亦  
毀身存思積懼久然通真又嗟古人忠於為君  
妙謀正諫暗投於君不自蘊過速禍厥身是以  
屈原流於湘濱德興行先昭如戴天篤行不廢  
坦為真賢或道隨俗變心為利遷辱身敗教褊  
小人焉商韓之輩死其宜然人生碌碌人心返  
覆猶人不持適於窮谷智困於褊仁固不足伊  
余小人生三十春盡力聖教窮奇古人道豈易  
荷性將難馴諒茲生之何云獨箴褊於其紳

謁狄梁公廟文

皇宋文士張某再拜致言于有唐巨目梁公  
若子負氣男子學入聖理純正積中文言任己

期欲擢去庸訛彰顯正始使溶溢乎天地洞格  
於鬼神上欲昇君魁為堯鄰下欲鑄民熙熙如  
春惟公昭達察予悲辛今則荏苒光陰壯有及  
矣結括宏圖流浪千里秋聲寥寥遠客心死樂  
公清風拜於廟址即問窮通胡彼焉此嗚呼大  
丈夫豈徒言哉

帝闕難寓晨飢暮寒進身非援如捫青天天理  
冥冥愚實難知報應如日昭昭莫欺小儒願福  
亦人之私將出身以事主幸明神其祐之

罵青蠅文

火帝降炎日興邈矣六合歆然如丞萬物長羸  
如騰如凌不可謝其玄造不可名其至能忽陰  
薄陽化生青蠅觸類苒苒朋飛莖莖糴糴而蠹  
芳筵預登當是之際無人不憎我疑奸人之鬼  
倭人之魄堙鬱不散託蠅寄跡不然者何以變  
白為黑變黑為白所以恣其點染所以遂其讒  
慝奸佞之作敗君之德黑白之變為物之賊所  
謂欲蓋而彰順非而澤使潔者不得自明玄者

不得自默連璧失珍兼金奪色致義士之感心  
幾拊髀而太息衆君子矯而議曰

天運地施融融蚩蚩何者不有何生不滋信妍  
醜以自任亦浩混乎無知蠅斯眇末胡足罵為  
殊不知天地不言假手仁者持準操程以上化  
下使惡不黷善真不累假廓唐堯之雍熙稱周  
王之風雅防邪之萌雖小不捨厚汙若成悔何  
及也于是連呼童奴疾致如意當案輟餐對客  
攘臂指西風而罵曰未斷爾祖終惡爾類營營  
乎青蠅止于藩

乖崖先生文集卷第六

乖崖先生文集卷第七

書

上宰相書

月日貢士張某再拜上書於相君 黃閣下 某聞

宰執之重百於機宜貢士之列一於有司咸欲越局導志瀆於相公者率不過速於求用矣若言從中行從正雖有越局相公必謂儒職也非罪也苟詭戾怪險迷憯自高相公雖不罪之匹夫之義者不由也某匹夫之好義者欲頌相公事業相公事業布在人口陳於宋史頌之便佞也欲論終古致治之蹟即相公盡知之欲縱辯奇譎邀於相公即儒者恥之欲較時事感動相公殆非布衣之職一欲自尊其愚干於相公伏望愍憐之竊念某少也賤生九河間左右無賢戚之助力學著文殆十七年家貧無書必俯伏人門以觀覽每一思親即千里自至餘無廢時其間賢於己者破囊從之不肖者縱連几儲羶併筭發帛內隱寒餓不為前顧也又謂仁義禮

法便世之府從而成文大乖體律好古之願止於是以其之心播於文章某之行播於知友豈敢專守匹夫縱適河曲偷安於聖時哉遂期鄉書趨來闕下恭以

天子文明將拂猥濫故宗伯大夫之門不可易入也野儒朴文不可易聞也進故無倚退將不武是故直書狂愚干犯嚴重亦未知獲儒職也儒罪也恭以相公建造太平啓導賢路若片善可採獲受其賜則寒素幸甚死生幸甚臨紙皇恐書不能盡某頓首

寄張太玄書

洛陽張九狂不似我而道機筆力偉卓神妙屢奉清論醒人心脾時聞綴章驚動豪俊談歡未幾違離如何仰在今秋為我仕進榮諸侯貢賢之籍解天子仄席之慮狂生今來亦有此意况大丈夫內明外潔氣盛骨強方當驅智勇以代天工豈可懼朱紫而樂雲泉者哉炎涼屢變氣候增淒西望英標隱若蒐動故洛神宅山川氣

清秋原葉下秋閣月午時忽相思寄我鳳凰關  
下耳

答馮華進士書

茂才足下昨日曲承惠顧次示种李二進士新  
文四章危坐諷吟竟夕忘倦英槩之氣駭人  
神竟不知其然而然也故少有老成之風嘻可  
畏也詞有復古之志又其難哉觀夫貞良持便  
於用者有若寧州石硯銘故詭時之流罪之小  
能致明於大者有若挑燈杖讀故汲賢之君預  
之賦冢宰之職酌致君之道有若甘棠頌故偷  
薄之巨誨之歌贊帝德以告成功有若洛都鳳  
樓頌故纂堯之績大之非命世豪傑何能及是  
歟得謂韓柳之下外堂者也虎子七朝已見食  
牛之氣鳳雛五色即登王者之瑞努力自負佇  
俟大來門弟子若是師其如哉某亦何人敢議  
臧否徒進樂善欽才之志二三子詳察之不悉  
與蘇負外書

負外足下某聞古之士有感人知遇以至殺身

者豈徒然哉嘻知人之心易為義歎人之急易  
以惠惠與義古人資以殺身也某誠蒙弱不迨  
古人明惠之下寧無感心哉某幼專事儒積未  
知變本之以言行窒于利舌卒而為文章用鮮  
時態十年於今無求知於王公大彥之門者愧  
有所未至也復不能曲事辭氣為小郎輩取容  
哉故窮病湮厄步走千里其窮可固也其志不  
可變也足下鑒量有斷存念下流始則怡色劇  
談誘以勵行之節終乃翦榻開館待以殊士之  
禮在乎所感則深而所愧益厚何者與人之安  
而義及之君子也待人之安而力不報之廢民  
也某之所懷寧忍愧惕伏足下相門遺芳稟  
操特異敦仁義於是辯世道於是文彩彬煥為  
時命且某所祇陪無一補効豈不與廢民同哉  
昨日不遠京師載異門館雖足下信其無他而  
同類見罪于某曰子之志行將膚偽何且京洛  
貴門待子非薄而屢去之將何以出身為帝者  
之且歟某即曰以獨客之職而邦國之事責之

是乃可乎退唁身世不覺悲歎大丈夫行年三十不能自立而獨終日戚惻處人簷下信乎末者也矧復上露恩紀細碎鄙懷其可略也閣奉談笑將逾浹晨感遇之私戀戀曷已諒犬馬之何効而松柏之有心聊布尺書用宣款素庶幾詳察之不宣某再拜

大名府請首薦張覃書

十月十四日應鄉貢進士舉張某謹再拜獻書于小宗伯席間昨日公府試罷羣口騰議以某

第七卷

書五

三十一

名在張覃之右雖未知實恐惕無量竊以張覃者內實敏直外示謙和樂貧著書十五年未嘗一日變節事繼母恭懼猶初授教時一家熙熙有若太和之俗矣且魏大都也萬人畢詞謂之君子况郝馬魏之輩十年往來相與探討某也不佞心常慕之明公下車在近計部旋遺將以某之文近覃之文未若覃之德遠某之行萬萬也竊敢僭冒聞于視聽惶恐抑又聞古之取士也先以德行聞今之取士也先以文辭聞

古之得士也鮮今之得士也衆畢藉其用克歸於真故周設俊造專德行可進也漢定四科衆善可進也迄于有唐大正貢部偉行奇業者盡取之非行而文詞者亦取之流於百世之下將為不易之典國家四海久安賢俊間出得士之衆於古無上猶復及言思賢於內詔諸侯貢士於外恭惟明公以德行宏才克應其選一命而通治大郡再命而通治大都

第六卷

書六

三十二

皇上海於用明公也欲因明公之賢誘天下之賢某亦何人來預明試始隨貢士之列卒得知言之地感遇忻慰通於曾懷因欲盡陳其愚執伏望愍憐之某嘗少年不量力秉志勵行期到古人十五年逼寒餓絕往還除比歲一寧親則月無廢日然其心頑難通故文詞不逮於覃也性復迂怪執行望於覃遠矣明公決以某為先是不知覃之善行播某之惡也若樹覃為先則詭薄之俗可易仁義之風可扇又乎乎古昔尊德上賢之教也幸甚幸甚某若鬱而不伸則負

掩賢之過言之越職則有犯上之罪伏望終始鑒宥之某再拜

寄馮華李鏐書

二生足下嘗謂丈夫之知人也必矯俗以自是必推心於無間如某何人下辱交結愉愉笑歌不在塵俗之調章章話言動由霸王之略人競駭心某竊畏感既月又離其歲有聚必見其散者也洛陽春輝明媚可惜狂客無心鞭馬東去誠憂喜不足以干達士之懷其知己之別也寧無意歟二生臨歧隱忍相顧洛水潺潺下咽離恨嵩雲杳杳動慘行色狂歌醉吟不覺千里某之此來自待益厚囊有君子贈言之詩悼遠之序偶關東俊民時令展讀雖多二生有神筆力亦謂我如何哉仁達之惠又兆於斯其或風物交感芳尊在筵忽忽憑欄引頸西望未知吾友亦為何心况今旬吳平定之後羣華拜詔之歲明天子方將化定八紘準格萬祀必大索賢豪料治機括明詔將下秋貢日逼勉哉二生可出

仕也神仙洞府固在帝鄉青雲階級未遠筆下即俟陰律告窮春氣有力龍躍鵬怒相期於鳳凰闕下耳

回路逸人卷書

路生外多仙風內蘊王略四十不仕三吳浪遊口多寡詞人莫之識一昨不遠千里來過弊封試與微談驚我忘食履行得賢人之操立言臻作者之規若是則心未弃言世有

明主宜揖好爵以從美名俟其著動簡書流惠民庶當浮海上與赤松子遊未為晚矣因復盛卷聊用披導吾子詳察之

答王觀察書

月日具官某北首再拜致誠於觀風十一兄執事少年無思筭好陪狂徒高談極飲致踰壯歲方遂策名泊于登朝又倅邊郡塞外清恬公中事稀日與虎侯雜戲為樂五木未止六博已興投壘弈碁排象旋子斯實眇末無足快心其祈至者蹴鞠引強擊射筭帖攘袂掣肘嗥呼爭贏



有以壯臨軍之容資佳會之具其或八月草枯  
比日縱獵寒風吹面則皴裂皮膚驚塵隨人則  
緇黑衣屨渴飲已冰之酒飢餐連血之肉馬不  
絕馳弓不下臂知得俊為快不知勞筋為苦也  
又若天清氣和列坐暢飲樂奏繁劇驍猊引前  
盤槊擊劍以電轉奔騎角觝以虎爭餘興未窮  
則巨觥相罰非倒甕非頽冠略未云止與希生  
者道真堪喪竟時弟年方盛氣尚壯酒量過常  
遂成飲酒沃入膜內栖於膏中良醫不逢積痼  
成疾陰濁之氣久而下垂既漸逼於膀胱寔難  
歸於胃腑下洩無路上蒸為瘡如斯之深又將  
一紀與膏肓以同道亦腐脇之異名縱得神醫  
亦難措手誠由性愚不知攝養貪酒不知撙節  
之所致也非身災命滯之有云今則暫食瘡痛  
飲水血流到闕七旬未能入見上負明君捨爵  
之恩下累平生行心之願由此而較乃是罪人  
數年前兄為中執中執者諸侯跋扈宰相弄權  
授受匪人風教頗辟法度踰紊私謁公行繩違

整綱真執憲之用也俾天子之道廓如坦途謬  
濫之蹤泯然亡絕豈異乎獬豸有睨大阿欲揮  
持正之風凜然可懼故公卿庶正不可得而狎  
也兄懇苦相念略無避嫌親染簡題手封靈藥  
遠在千里致于下交必欲祛弟羸疴使之丁壯  
起弟驅走使之報君有以見君子之用心憂於  
仁急於義不與古賢並者其誰可方爰屬阻脩  
尋闕報復諒不以為慢而信為感之深兄臨民  
有仁馭遠有術苦寒在候善飯是宜無任祝頌  
瞻望之至惟兄察之不宣某再拜

答汝州楊大監書

張老子今年七十矣癖病有加氣血衰劣每一  
餐訖酒然沉昏益之瘡疼殆不可過入靜自守  
以真排邪半夕之餘差可稍省然了公事接見  
賓僚一日之勤略不容息若是者二年矣莫暇  
問人事之可否詢交友之動止去年冬暮忽覩  
來緘讀之再三未閑厥故泊于釋手略無記憶  
今年春半再惠手畢詞旨勤勤情分周至即弗

審大年官若是而守若是耶大年俊敏絕倫朋  
比生愧言詞正直人情所厭非遇至明之主憐  
非常之才即踐愧厭之機已被不測之咎又思  
大年稟氣本薄長年多病應遂移疾之請任此  
高閑之官盛年辭榮是名高格吾曹碌碌豈能  
一希光塵手嘗以世之才豪須藉智識智識主  
之則豪氣不暴縱不與伊呂並轡正合著名垂  
範不朽屑屑罹禍者自古何限蓋智不及氣爾  
君子之心本於有濟流光莫繫瞥然過生好事  
難成昔賢所歎若其通達胡爲大年悟解無空  
素養道氣公暇虛室自奉天和憂無從來患將  
何有餘生之快獨擅所得全似終窶掃地莫致  
潤屋尤謂貧中淨潔者也大年大年知張老乎  
老子心無蘊畜絕情絕思情絕則聚散是閑思  
絕則榮賤一致顧身世若脫屣豈能念他人乎  
因是報章苒苒替晚大年察之見卜告老永與  
世絕縱命在我豈能堪久大年自持勿以此老  
爲念也

答楊內翰書

內翰大年負絕世之才遇好文之主跡繫中禁  
聲馳四方苟加頤氣於和嗇精於漠了然獨到  
邈與道俱必臻長世之期足稱瑞時之表也豈  
伊老劣過示安有喜愧再三言不盡意

寄張及寺丞書

寺丞別來無恙穀城報政古人之政也棘寺命  
官亨衢之始也誠以吾宗心識明達志尚康濟  
必謂資世之寶而誠主道之器也信乎所莅民  
仰其休又賀仙遊偶此仁政浮誕觀德以歸厚  
兇狂不懲而自馴浸滂淳和粉飾風教才之所  
至政必速成餘加頤神用卜長世是懇懇之願  
也劣從髭髮俱白飲餌漸微然而筋骸亦且輕  
健未能告退以養病身忽至測測耳今年之內  
再信見遺誠素有加喜愧無盡

與洪州安撫王雜端郎中書

國家關土萬里列郡五百以臨邊制遠者不下  
五十州處要分部者又爲十四路須資偉碩用

宣廟略除三事司會外聖君所屬莫若十四路之重乎吾人識本明達道存兼濟所臨之地民仰其休洪大郡也安撫殊號也歲旱民之吾君是憂爰藉英材以濟艱梗使兇渠屏息疲羸昭蘇吾人能之矣久不奉面常懷清芬遠聞此行喜不自勝非遠拜覩更不多云

### 與大諫陳情書

某爰從受學以至登朝心實自強性不為惡故惟大諫細所具知一昨曲賜薦論力相引用才臨赤縣便摠轉輸在手聖恩不謂不隆矣在乎知已不謂不深矣到職已來每事為戒一則恐乖士人之行二則慮傷見知之明三則不敢負於初心四則少欲加于民政其中事有小便者職分而已何足陳哉身受大謗者貪夫亂之無所尤也近聞鼠輩多相構誹兼被奸人屢有奏毀仰惟天鑒察其無私信為善之不渝果非禍之難入生所幸者君有賴焉况某年近知非髮已半白比於少壯又加退思大諫觀某之心本

康人之心今於斯也豈有害耶觀某之行慕古人之行今於斯也豈有變耶常慮愚淺無所効施其如怯正大權訥於辯對俛爾自守低隨眾流遂使好直之心不能盡露佐君之略不得自顯尤所短也竊常患之早賜不剛之議誠得之矣聊藉筆削以代面言庶寬投杼之疑以釋彈冠之願是所幸也

### 謝焦文學書

文學鳴棹遠來攜文見贄言詞典正允多作者之風理道宏深備見致君之略官雖小譴心實自怡可謂處困益真將飛必伏者也豈伊老劣辱此過從欽奉之餘感愧何盡

### 答友生問文書

茂才足下嘗聞交不本勢利真丈夫之交談不亂得喪真君子之談通預乎是吾友其人矣竊嘗接武亦既冥語信其言有格而意有斷直乎今而洞乎古復加肯顧博我以文長牋巨編通為友贄觀乎其文健若決萬人之敵其理切特

盡懲勸之旨方謂登崑丘者嵩華難為山瞰鰲  
海者江河拙於水又焉異志責時文之理於彼  
人斯於戲文者儒之職言者文之端子誠儒矣  
得不洗露狂斐以盡知己之進退歟嘗試論之  
曰天地闢聖人作大朴散禮義興謂乎五常所  
以佑天地之功謂乎六籍所以挾天地之塞萬  
古而下其誰異諸故君曰父子非文言無以定  
其分朝會揖讓非文言無以格其體政以正之  
非文言無以導其化樂以和之非文言無以節  
其變咸迹於行事播為文章嘻聖人之道我也  
有旨哉故鼎有銘而樂有詩禮有誄而書有誥  
紛綸衆製六籍悉備焉周漢已降代不乏賢視  
文之否臧見德之高下若以偶語之作參古正  
之辭辭得異而道不可異也故謂好古以戾非  
文也好今以蕩非文也出乎是者予焉及知生  
之文理雄富談議正直允所謂大夫君子歟如  
子顓蒙何勝告誘丁丁友聲寧緩報應即不知  
謂前言之如何方今

明天子在上子將出仕更賴正人多所訓導聊  
具報復意不能悉其白

乖崖先生文集卷第七

乖崖先生文集卷第八

記

麟州通判廳記

今之通判古之監郡郡政之治助而成之郡政之戾矯以正之此足以宣天子之風達窮民之志也我國家開疆八荒列郡五百皇德所被入用胥悅皇威所加罔不震恐故使一儒者鞭制荒外何其壯耶麟州舊壤寔曰新秦按秦武王轉徙東民以實此土又用滋富因以名之漢隸

第八卷

記一

三十一

朔方之郡唐為勝州之域匈奴接荒在河一曲党項部族漢民混居長城基前屈野川其右左帶樓煩之境南徧赫連之鄉惟府由茲層齒相輔開元年中羣蕃構逆燕公張燕公致討請城麟州所以安餘種也顯德之末劉崇不賓楊侯作藩移壘斯堡所以護并寇也顯德五年通判之職殆未嘗設雍熙二年夏六月始某拜命倅蒞是邦其輯兵綏民禦侮致餉利與守牧相為表裏爰卜安堵以宅厥處取材因舊不奪民力廳事

敞閑獨首陽位故廳停也使停息其間又廳聽

也欲聽行其教蓋禮之攸屬民之是依得不慎

哉於戲君道惟艱艱於審賢目道惟艱艱於克

官民道惟艱艱於能安若是廳也帝王之詔令

存焉千里之刑政繫焉苟職君之務如飢嗜食

待君之民如子俟息則明恕中出刑政用清內

杜擅權之吏外絕無告之民謂斯廳也宇覆疆

內人用休息若忽君之令寇君之政掠民膏腴

為妻子謀則志辱於貪事成於濫既厚蘊積之

責亦速覆舟之咎謂是廳也醜甚屠肆其何遊

焉賢行難著仁心易墮敢鏤廳壁取為政規後

之君子勿為妾也時皇宋雍熙二年八月日記

陝府迴鑾寺記

粵若我佛之教也以大悲憫拔無量苦厄大智

慧破一切邪見色想未空文字流行滋法雨之

惠施清火宅之煙焰茫茫芴芴資精進以成果

悠悠兇俗識嚮善以蒙福存諸中國者正由是

歟周天王書懸象之變漢天子證金人之夢其

源濫觴寢以成海吳魏之右咸與伸之廣於晉  
宋盛於齊梁也王城郡縣想象於祇園名山大  
川半同於鷲嶺靈因聖果釋典備存焉迴鑾寺  
者唐代宗返正之所建也天網踈踈胡羯肆虐  
惟陝之休鑾輿至止土德斷而復續者黃帝所  
以告帝休也青天裂而再補者尚父所以戡巨  
難也大明始更帝其念哉大曆二年詔陝牧節  
東諸侯歲貢之貨為朕寺之所以表殊績而謝  
玄聖也寶應元年荐賜名號所以誌聖感而示  
無窮也緇徒雲趨歎甚希有洎唐祚告衰內夷  
作梗巢孽蔡盜揭竿而趨流毒於陝彌歲未殄  
檀爐靈利資為烽候之具清磬鴻鐘翻成鞀鼓  
之響殊功勝事一旦委地者哉降及有梁纘天  
稱帝宗呂異王允釐斯土謂六度可以參五常  
存善所以增厚德眷彼遺堵遂發誠願我賂既  
以雲委四衆因而影附民力不匱功用斯集猗  
乎大像中尊欲示有為之教三門外阨因嚴象  
帝之居高閣層樓若峯之時長廊正殿如翼相

第八卷

記二

三

附冥堂食廬罔不兼備天祐二年夏四月門吏  
告成王命我先師審志大德主焉師姓郭氏當  
郡沙子人也幼趨精舍因成習性之漸長悟塵  
累卓有擺落之志謂心可傳禮長智於咸鑄歎  
聖將遠參文殊於五臺戒珠不缺慧炬增照既  
兆真寂之應終動王侯之請登堂之後歎言善  
哉靜節可以勵俗有作所以成住室與磬懸行  
亦冰立顧榛蕪如寇讎隨意剝落為坎埴非心  
地與之平坦日塔月衢以至休哉言念蒸入迷  
遠真覺故和其容以附衆正其詞而行化惟和  
與正其漸民之級歎於是登師堂者頑必易慮  
誕必守節瞽用開視愚或成哲豈徒超玄邁空  
獨利學者亦使忠義仁孝因由是生今主院某  
志本孟浪心隨昭通事師如父禮師如佛三十  
年內一物不遺寔僧國之能賢而玄門之宗主  
也某器其克肖覩此盛因略助援毫用存實錄  
金壇示法愧引喻於無窮石柱疏詞冀存功於  
不朽時皇宋開寶七年月日記

第八卷

記四

三

益州重修公署記 并梁周翰係

按圖經秦惠王遣張儀陳軫伐蜀滅開明氏卜築是城方廣七里從周制也分築南北二少城以處商賈少城之跡今並堙沒命郡曰蜀郡自秦至漢民戶益繁改郡曰益州由漢至唐逆順增損出諸史論此不復言隋文帝封次子秀為蜀王因附張儀舊城增築南西二隅通廣十里今之官署即蜀王秀所築之城中也唐玄宗幸蜀昇為成都府唐末政弛諸蠻內寇高駢建節即時驅除以為居人圍閉多縈腫疾始築羅城方廣三十六里清遠江元在州前因築羅城開移今所顧城之大小足以知四民之治否朱梁移唐鼎遠人得以肆志王建孟知祥迭稱偽號乾德初王師吊伐申命參知政事呂餘慶知軍府事取偽冊勳府為治所淳化甲午歲土賊李順據有州城偏師一興尋亦殄滅是年降府為州危樓壞屋比比相望臺殿餘基屹然並峙官曹不次非所便宜至道丁酉歲某始議改作計工上請帝命是俞仍委使手

第八卷

記五

三百三十五

以董于役其計材也先二年討賊之始林菁陰深多隱亡命許其剪伐以庫康莊得竹凡二十萬木椽二萬條賊亂之餘人多違禁帝恩寬貸捨死而徒又以徒役之人陶土為瓦較日減工人不告倦歲得瓦四十萬新故相兼無所闕乏毀逾制將顛之屋即棟梁桁櫨之衆不復外求平屹然臺殿之址即磚礎百萬之數一以充足其計役也得繫岸水運二千人更為三番分受其事夏即早入晚歸當午乃息冬即辰後起功

第八卷

記六

始申而罷所以養人力而護寒燠也自夏徂冬十月工畢無遊手無逃丁所謂不勞而成矣其計匠也先舉民籍得千餘人軍籍三百人分為四番約旬有代指期自至不復追呼由臺殿之土資圻墁之用與夫塹地勞人省功殆半其東因孟氏文明廳為設廳廊有看樓廳後起堂中門立戟通於大門其中因王氏西樓為後樓樓前有堂堂有掖室室前迴廊廊南暖廳屏有黃氏名畫畫雙鶴花竹恠石在焉衆名曰雙鶴廳次

南涼廳壁有黃氏畫湖灘水雙鷺在焉其畫二壁泊鶴并皆

於壞屋移置因名曰畫廳涼暖二廳便寒暑也二廳之

東官廚四十間廚北越通廊廊北為道院一廳

一堂廚與道院本非正位蓋樽減古廊二礎之

外盈地所安也涼廳西有都廳廳在使院六十

間之中所以便議公也院北有節堂堂北有正

堂與後樓前堂為次西位也節堂西通兵甲庫

所以示隱固也涼都二廳南列四署同寮以居

前門通衢後門通廳所以便行事也公庫直室

客位食廳之列馬殿酒庫園果疏流之次四面

稱宜無不周盡踈筲奇樹香草名花所在有之

不可殫記東挾戍兵二營南有資軍大庫庫非

新建附近故書改朝西門為衙西門去三門為

一門平僭偽之跡合州郡之制允謂得中矣不

損一錢不擾一民得屋大小七百四十間二營不在數

有以理事矣若俟木朽而後計役耗官損民何

啻累百萬計州郡興修無足紀錄且欲旌其削

偽為正無惑遠民使子子孫孫不復識逾僭之

度恭以給事聖門上賢當朝碩德立言稽事理

合化元不虛美不隱惡文成筆端動即不朽欲

憑實錄以光遠方其興修事跡已述在前給事

中判昭文館事安定梁周翰係曰夫九州之險

聚於庸蜀為天下甲也五方之俗擅於繁侈西

南為域中之冠也多獷鷲而奸豪生因厯雜而

禮義蠹朝廷精求良牧憂在遠人每難其材頗

精厥慮亦時有違拂上意侵鑠下民理絲而數

焚澄水而屢撓公屬賊鋒肆虐之餘主將驕兵

之後收其汚染滌惠澤以天波拯其傷夷示大

造於聖詔萬族有其生意比屋返其營蒐伊公

之推心合 主上素志顧公府之故治皆偽政之

遺基乃削大壯之宏規俾循列郡之常式不勞

弊於民力不糜散於國財歲未云周民觀驟改

凡視事之所泊燕勞之堂寮吏之所休遊賞之

所適竹樹花卉所至畢臻自韋南康驕悍之餘

孟先主僭悖之後共安其過以聞或高才沉

於下寮治聲被於四遠鄉黨之孝悌巖谷之貞純



悉係明揚用稱中旨加之辯惑煥然易從如此則上無曠官下無冤人馴良適意兇邪喪朋欲民不謳歌於路時不頌雍熙者未之有也至于移多補少利於均輸漕輦羨積上實天府茲為心計較然後知於戲若道皆得人雖四海之千萬里之遠 聖君覽御如在目前所謂今之轉運兼國家分制行臺之權亦公卿試吏之地烏獨曰三司子司手就裁朝廷數十州事以尊主庇民為己任者轉運也豈不曰公卿試吏乎江南轉運司開寶甲戌歲取偽司會府為之大中祥符己酉春民火因風立焚千室老屋承勢化為煨燼某既慙且懼亟思繕全復嘉二公臨事稱職不敢以撓為憚不敢以勞為詞戶借一工工輸十日末春經始首冬畢功所喜者民不知倦官不至費公宅成焉顧庭除之廣袤棟宇之多少有次有列來者咸覩他日朽去記將何益今所記者欲後之君子慎惜名器修舉職業使非道不得萌生而平民受賜足以擅試才之譽

副臨軒之囑不其偉歟與夫循默養名怙習以成風若今之所營實歐以合道輕浮潛厚凶枝濱仁循吏所能允克皆踐苟採訪之吏亟以狀聞而疇庸之恩過當下需參三事之庶政翊大君之鴻猷休泰之辰恢闡益盛乃中外之同詞也周翰柴愚有素顏鑄寧希自罷禁林出判上館漸迫老傳之齒復多負薪之憂滯思本微小才疑盡遠承延矚久未稱懷蓋明公語營繕之源叙致周密垂勸戒之旨通協神聰止以寵示之文便為貽代之式輒書後係聊贊元功時學士侍郎授代歸朝之年撰行之日周翰謹述于碑之陰云

昇州重修轉運司公署記

聖人造天下必區土以居民畫疆以為國小大之政授之賢才俾風教下暢民情上達上下交得則治道具矣有唐列天下十道國家因唐舊制道置轉運使主焉豈徒提行臺漕運之職亦以代古諸侯分制之權期部執事不得擅為異

法也誠以命令稟於天子其昭著能事厥惟善  
良苟郡縣不德奸豪任情蠹弊因仍刑罰不正  
民有不得平者征斂違度巡護不謹毒有流於  
下者咸得致詰裁正與自大者不同日而議也  
時皇宋大中祥符二年十二月二十二日記

春日宴李氏林亭記

人生無賢愚孰不欲快身於顯貴休思於榮賞  
二者天下之通美小不適宜則儒者黜其非道  
矣李公之林亭適宜矣公之門勳耀於世孝友  
光於家得不崇軒館疏亭苑以發其榮耶天衢  
九通我宇其中背室迎陽亭林鏤芳故賢者謂  
其外作官勞內適情性不肖者謂其外張威氣  
內盡荒伏若李公之賢遠矣朝倫之傑時樂其  
遊文墨之雄日願其交於以季春元日宴於羣  
士陽光入林宣露和氣酒酣樂備羣公賦詩九  
河生倡言於坐曰且大梁天帝之都畝地千鎰  
一廬十金安然關廣庭作芳致豈不尊性而貴  
奇歟人生世中百勞萬窮安然齎榮賞豈不德

至而貴顯歟身服世榮或蕩而輕安然與賢者  
遊豈不志大而識遠歟更若剋萬峯畦百藥豈  
不安仁而履義歟松篁嘯風恠石嵌虎豈不體  
節貞歟又焉嬰花迸紅乳草織綠而已竹林誕  
放金谷滌侈亦奚足儔也堅此志節全此令儀  
何嗣業之不顯何編簡之不榮野夫非佞直序  
芳猷凡諸同筵名于右

序

送趙况進士謁李負外序

世祿之子有奇節異才者尤令人多之天水趙  
况故右丞之幼子也當食齒未堅而孤既冠而  
貧苟非正氣內融真道公入安不為驕蕩所溺  
而羈惓所困者耶前年予來洛中豪貴哲士往  
往頌其能試與之語廓然見丈夫之氣觀其草  
詞索意則語韻暢不摘其遠尤能辨舜禹商  
周所由之道揚孟韓柳駁正之旨其庶矣真可  
多也哉亦謂士之貯道德盤盤然若大塊咽風  
崇丘苞雲曷莫施之乎今年秋果為洛侯以賢

名貢之趣來京師詔已罷舉嗜貴人子義且自  
負苟未能通任於國君焉有蹂汗腸肺曲媚以  
厚已耶雖梁穎二賢器爾亦甚彼何力緩爾屑  
屑乎餓僮羸馬將嫁於齊寒氣酸骨寒風慘肌  
蕭條千里此行謂何且大丈夫旅於天地通塞  
不足易其慮何小勞暫別驚心乎戒車之晨賢  
俊三十輩歡餞於原昌黎韓丕謂詩以將之九  
河張某序行以多之已而曰齊邑李大夫天下  
之賢今從之遊他年再會帝鄉揣爾用心之道  
進如何也

第八卷

序二

三五五

### 送田錫韓丕之任序

宋皇嗣天子仁明而多文功發正治為太平先  
是用頓天網羅英豪以至中夏荒徼弗敢隱其  
賢歲貢于闕下者五千輩號秀異者五百人  
皇帝顧喜策問金殿有以革前法之弊樂得賢  
之衆既得之亟用之當陛釋褐初命監州曠古哲  
王審賢進用之蹟莫若斯之盛者也萬衆驩唱  
流震天下九河生聞而夥歎疾至輦轂性愚既

扭無與人事故不果知階青雲者若之賢乎韓  
田二生預熟其操觀其言非仁義不出回行非  
仁義不履文彩純正爭走造化嘻可畏也仰天  
頓首多賀 明天子得賢之實有若是哉是行  
也衡宣千里之邦可以揚大帝之風達君子之  
志編民有教十室有耆艾俟其化行而希顏  
者來上都予即磨其風度如何爾僕馬在御江  
山匪遙亭柳弄黃離酒泛綠盡醉即去勿作兒  
女子之訣也

### 贈丘生別序

英賢生於世豈徒爾哉必與神龍岳雲曹走天  
下方今時運和會 天子仁聖動植之類咸迎  
其休況於人乎况於賢乎丘生之賢世亦罕得  
執行之淳專文之真闕邪偽如含恥極丘軻之  
遺風問其年則冠而有加責其名則炫駭京國  
何金馬之未試休栖栖於旅途炎光熾空淮海  
千里牽喻不留訣我東去雖雲龍之氣有時而  
神若王孫羈孤寧不歎惋眾君子悵餞隋岸聲

詩贈行下交淺蕪聊爲序引賡奏孤舟一章以  
杼勤懇詩曰汴水湯湯維舟中央其去也茫茫  
其來也茫茫與其濟兮焉知古之人不同舟而  
樂康

許昌詩集序

文章之興惟深於詩者古所難哉以其不公行  
事之跡酌行事之得失疏通物理宣導下情直  
而婉微而顯一聯一句感悟人心使仁者勸而  
不仁者懼彰是救過抑又何多可謂擅造化之  
心目發典籍之英華者也洎詩人失正採詩官  
廢淫詞嫚唱半成謔談後世作者雖欲立言存  
教直以業成無用故留意者鮮有如山僧逸民  
終老耽翫搜難抉奇時得佳句斯乃正始之音  
翻爲處士之一藝爾又若才卑不能起語思拙  
困於物象興詠違於事情諷頌生於喜怒以此  
較之果無用也其中淺劣之尤者體盜人意用  
爲己功銜氣揚聲略無愧耻嗚呼風雅道喪若  
是之甚歟許昌薛侯詩人之雄乎觀夫所尚率

以治世爲本隨事刺美直在其中放言既奇意  
在言外謂才俊之偉也蹂躪時事聚爲國風謂  
風流之至也貴農賤賈資爲心術苟引而伸之  
豈不能黜邪歸正去煩從簡致君道有緒而民  
業用休唐德下衰薛其已矣夫世議自伐寡於  
謙稱胡不云主道之過乎往往逸韻流入鄭聲  
如吳姬并洛歌人等詞盛傳人間未易刪去知  
言之愛掩覆無由蟻臯之缺白珪之玷也斯言  
之失君子之薄也操履之跡可不慎歟薛詩千  
餘篇少得全本咸平癸卯年余移自咸鎬再莅  
三川歲稔民和公中事簡時會同列引滿酬詩  
因議近代作者各出薛集僅將十本五言七言  
二韻至一百韻凡得四百七十篇爰命通理太  
常博士王好古太子中允乞伏矩節度推官韋  
宿從長參校依舊本例編爲十卷授鬻書者雕  
印行用字未盡精篇亦頗略與夫世傳訛本深  
有可觀是年乙巳秋八月樞密直學士尚書刑  
部侍郎知益州兼兵馬鈐轄張某序

送進士張及赴舉序

益都去帝鄉四千里平昔英俊怠於進趣况更  
賊亂之後例闕資生之計鄉老之薦聲譽久絕  
今年秋華陽邑大夫以三進士為請試官頌其  
文閭里稱其行又嘉其跡忘遐闊心戀明聖有  
以彰遠人既又吾君德澤流被於無窮也近世  
取鹿鳴之什以饗貢士斯筵之啓殆若是乎舉  
送官老不勝酒亦醉且喜因詩以將之眾君  
子詞學先鳴請為賡歌之

碑銘

大宋贈監門衛將軍上官公神道碑銘

通天地之道謂之聖通人物之道謂之賢聖賢  
不偶於時者有之矣未有不知道而能聲名光  
大者也公聖門之賢者高陽氏之裔楚大夫子  
蘭之後世有明德家傳懿行祖某父某值唐末  
亂罹隱德不仕公志度閔遠履行脩謹長於干  
戈之時不廢俎豆之業始學禮知三代損益藝  
精鄉人諭之請仕公曰唐德下衰諸侯擅命土

宇分裂命且無幾况春官氏失職仕進不由權  
倖者鮮矣若由道以行己雖執鞭之士吾無與  
辭苟枉道以事人使羸金列駟吾恥有也兵戰  
無日民力不堪大梁四通供餉兼倍一日諸父  
曰爾不應鄉選當休吾家乎遂從三司省召為  
主藏吏居積歲以清謹聞選為寧州糧料使又  
轉鄜州糧料使備軍期也乾德初前軍剋蜀又  
選為洋州糧料使荆土久又蜀川既平轉江萬  
艘委積無筭承命于荆以董財計當時處此職  
者以侵民聚財為己任以買權徼勢為能事奢  
靡擬於公室氣艷侔於貴胄公獨儵然如古貞  
士嗚呼安卑以樂志捨利以趨義豈不謂聖門  
之賢乎開寶七年公年六十三遘疾於荆之傳  
舍臨終謂長子正曰吾學與仕越四十年志無  
所適此亦命也爾讀春秋知褒貶之旨更版攝  
得為政之要當誠明以遇物則終身不匱當篤  
志以臨事則所向皆得顛沛造次無忘於仁能  
成吾志死且不朽長子泣血奉訓扶柩以歸服

除由攝資授殿前承旨以材能累遷西京作坊副使充劔門關使淳化甲午歲盜起兩川蜀城俱潰衆號百萬直趨劔門加以敗卒二官先日而至人心恐悚投死無地乃誠曰有議北歸者梟首有不用命者支解人皆怙息不敢仰視獨提兵出關連戰連却賊氣於是沮矣我關於是固矣以奇功超授六宅使劔州刺史明年

天子以主將遷延餘寇未殄遂授峯州團練使西川招安使以代焉既擒且誘示信推仁七旬

第八卷

第三

三

賊平多見全活次年秋巡檢不仁官軍生擧嘯聚三命圖爲亂階三日而四郡不守五日而兩川震驚決於次晨長驅入益自戒師旅逆戰方井戰酣兵却衆皆失色於是下馬揮劔有死無二鼓怒增氣戰功遂成賊有逃刃者命一介之使擒於蠻中人有未諭者飛剋賊之意遍於川峽人人頓安如脫虎口既屠其賊又安其民所謂仁勇兼致者也尋授南作坊使賞軍功也議者謂劔門之守堅守也方井之戰死戰也非此

重貽 吾君之憂乎重罹川民之患乎寵厚譽遠誠有謂也明年替歸授東上閣門使其戰守之奇蓋由誠明篤志動不忘仁成先訓也其功業之著蓋立身行道光揚令名成先志也傳不云不在於身而在子孫乎上官氏之謂矣淳化郊祀慶恩公以長子官贈率府副率至道中再贈率府率

今上即位加贈左監門衛將軍娶表氏今長安郡太君惠淑慈愛有賢母之稱生男五人女二人長男正前所謂有軍功者第五男某見任右

第八卷

第九

三

班殿直仁而有斷衆伏其能三男早卒長女適三班奉職張奭次女未笄而卒咸平二年八月四日葬於開封府封丘縣舊鄉某原里也詠與公長子同方井之憂因而歎狎熟知善行是用直書乃爲銘曰

猗歟哲人懷明抱真志高位下德不及民平生之意傳於嗣子遂崇戰功成公之美因加榮封綽然華宗所謂生不易操死而志通者也嗚呼

休哉

乖崖先生文集卷第八

第八卷

銘五

乖崖先生文集卷第九

表

通判相州求養親表

臣某言臣聞以祿奉親孝子之常道也從人之  
 欲聖主之廣愛也臣中謝竊念臣生居仄陋長  
 值太平遇 陛下好文故臣一上取進士之第遇  
 陛下求治故臣再任為登朝之官揣分撫躬磨  
 頑礪朽使臣冒白刃履重艱不足以謝 陛下待  
 臣之賜也况河相大鎮王連疆委重者親民  
 望美者倅郡猶復拳拳誓志欲求改官者蓋遇  
 陛下孝治之時臣有遺親之咎也重念臣十年  
 聚學悉是離鄉兩任遠官皆非迎養近因受命  
 曾到舊廬雙親扶羸顧臣以泣臣非死木得不  
 傷心臣亦引諭國恩用相慰勉終且戀其本土  
 不肯隨臣之官朝夕系思方寸已亂臣又聞不  
 可再得者父母幸而獲遇者聖君若不剖心見  
 詞違制以請則上幸 陛下廣均物之恩下使微  
 臣負終身之戚臣之家屬近隸濮州竊聞州城

例有酒稅望迴天眷察臣愚衷則臣乞納外朝  
 兩官換監濮州一務臣非矯激蓋欲明危迫之  
 志也若此則內有承顏之美外諧陳力之方匪  
 惟臣身獨荷榮遇亦使四海之內百世之間孝  
 子良臣聞風增慶其如畢身命報鴻私生民常  
 心豈合陳露干犯 天慈臣無任戰汗激切望  
 恩之至謹奉表陳乞以聞

荆湖轉運蒙 恩獎諭謝表

臣某言今月二十七日密院遞到勅書一道蒙  
第九卷  
 恩特賜獎諭者皇文昭爛睿眷重深拜恩而力  
 若不勝揣分而心無所措中謝臣聞量材受官  
 明君之善教盡力事主臣下之常心苟規矩之  
 不踰則上下之交慶臣之所佩謂之至言恭惟  
 徽號皇帝陛下應運乘乾體天行道謂文為理  
 時之本故親策賢良謂公為御下之規故明懸  
 教令信無幽而不燭在有物以咸蘇昭昭然穆  
 穆然誠千載之一會也竊念臣賤同草芥器甚  
 斗筲徒因總髮之年便學為臣之業以至出隨



鄉薦恭逢聖時當召試金階賜科名於異等洎  
掄官天府委漕運之要司恩遇有加驚愧無盡  
是以身爲外事公作中謀既不敢曠職徇情惟  
自適亦不使容奸黨惡以博虛名方虞積毀  
以銷金豈意飛聲而悟主爰迴聖獎俯降天書  
匪徒一介之臣傳榮不朽用使九流之士礪志  
無窮此蓋 皇帝陛下鑒洞古今義形普率欲  
貪邪之易慮故廉慎以爲文臣復何功可以當  
此惶駭之至莫知所裁得不益勵至誠恭遵大  
教雖削繁理劇未通使物之宜而竭節盡忠更  
切報君之願云云

奏鄭元祐事蒙 恩獎諭謝表

臣某言今月十七日密院遞到勅書一道蒙  
恩特賜獎諭者恩自天來榮加望外拜伏之次  
惶駭失圖 中謝臣聞君道明則臣誠著上好禮  
則下興讓此有國之大章治朝之餘裕也如臣  
操植無一可堪徒自出身遭逢聖主過有采聽  
擢充轉輸臣雖愚蒙亮切感憤是以不捨晝夜

惟思公忠以便民尊主爲常規以除邪翦弊爲  
己任遂致貪官詬怒豪吏震驚謗聲塞於道途  
毀狀聞於旒冕恭惟神斷處在不疑使臣勤劬  
得盡任委此所謂 陛下至明而臣誠稍著也  
近者制置使紀臣職事上達宸聰感天眷以軫  
憐加璽書之慰勞臣雖不稱伏用增慙且制置  
使與臣生平未嘗識面略聞履莅便與薦論絕  
古人忌黨之私見義士徇公之節此所謂  
陛下好禮臣庶興讓也明矣大恩莫報至聖難  
名但切戰兢以下終始云云

讓起復表

臣某言今月三日閣門勾喚蒙恩特授臣起復  
依前守尚書虞部郎中充樞密院直學士散官  
勲賜如故者臣聞父子之情其喪也有終身之  
戚君臣之義其深也有起復之文如臣顛蒙方  
負罪孽忽被殊寵寔難爲心臣誠感誠咽頓首  
頓首竊念臣河朔單門天下孤跡值文皇之肇  
運偶儒學以謀身始中懸科既不由於勢援洎

充近侍皆出自於天恩未能公道以誓誠豈意私門之降禍故當屏絕以履哀摧伏蒙 皇帝陛下過聽微臣稍於勤盡起從苦次令就朝行雖出縛是榮頗耀士人之目而舊巢興感若為禽鳥之情欲望特輟明恩許全私禮服麻啜菽期少報於劬勞移孝資忠庶無違於風教干冒天慈臣無任祈天瀝懇哀摧哽咽之至謹奉表陳讓以聞臣誠哀誠切頓首頓首謹言

謝起復表

臣某言今月五日准中書劄子伏蒙 聖慈以臣所讓恩令不行一依指揮給假候回日朝謝者皇私日麗曆渥春迴退惟賤微再切驚懼臣誠慶誠幸頓首頓首竊念臣處世無才逢時有幸既將身以許國兼得祿以榮親所恨者先臣卧疾之初關於嘗藥所苦者丹旒出門之日不得攀棺遂瀝懇以祈天冀投誠於終喪伏蒙法天崇道皇帝陛下憐其近性示以奪情殊常曲降於恩輝自遠許從於假告靈前一慟庸知

有後之人此外何求但覓報君之路臣無任感天荷聖激切屏營之至謹奉表稱謝以聞臣某誠榮誠感頓首頓首謹言

賀西川賊平表

臣某言今得鈐轄進奏院告報寄班恭奉官安守忠到闕奏十月三日富順監與賊相見一合殺下軍賊斫到王均首級掩殺招降到賊人草補人負共六千餘人其賊並已翦除靜盡者臣當時集軍州官吏僧道百姓曉諭訖小醜亂常

偏師致討尋聞就戮大快羣情中謝竊以太祖

開基廣之以教導太宗臨極益之以慈仁萬方浹洽於皇恩百姓不知於日用恭以 皇帝陛下道光先志化被無垠含氣遂生如逢於煦日行譟載路共贊於昌時而獨王均愚不畏天飽思吠主扇搖兇黨搔動邊城 皇帝陛下猶示招綏冀其悔悟迷而不復有煩問罪之師困極斯逃方信滅身之禍雖將臣之宣力由英王之授謀四海一心同慶於此臣叨塵班苑獲守藩

方誠無執銳之勤實愜除奸之願云云

杭州蒙 恩獎諭謝表

臣某言今月十五日進奏院遞到詔書一道為本州百姓滕超等舉留臣蒙恩特賜獎諭者臣叨任藩宣曾無政績忽因民欲俯降天書光寵異常惶駭失據中謝臣聞舜稱善人即不仁者遠漢求良吏即守道者前所以極理體之大中致生民於康樂也恭惟 徽號皇帝陛下遵漢之道行舜之心與一事未嘗不恭儉為先命一官未嘗不惠愛為寄故得朝風寬簡世態淳和史官但記其時雍野老不知於帝力臣叨塵有位獲預頒條雖志在推忠莫著分憂之効而心期濟眾未知為治之方徒以浙右近年民間小歉既蒙明勅與蠲之於賦租復降異恩又賑之以口粟此皆皇猷所被民事重蘇靜言所因於臣何有顧惟下俚不識大端譽臣之長掩君之惠敢干雙闕留舉微臣蓋遇 皇帝陛下道在包荒恩從獎善既不民之僭冒亦不究臣之

曠遺便枉璽書曲形慰勞人百皆喜臣獨未遑且以江外諸州杭為巨鎮臣之到任已踰二年未能使民絕忿爭未能使吏知廉恥蒿萊之有所不盡鬪獄訟之有所未盡空自謂孤奉舜稱略無善行謬榮漢選不見良能是以臣受寵載驚覲顏增愧也得不更思體國益用竭誠求古人化俗之方副 明主愛民之旨望禪萬一少報生成

謝恤刑表

臣某言伏蒙聖慈賜臣恤刑詔書一道臣已當時行下訖時屬長贏恩推欽恤渙若好生之德彰乎慎罰之文遠邇之心歡抃失次中謝臣聞昔者明王之治天下也作是五刑明茲三訊所以重生民之命而為大化之防恭惟 徽號皇帝陛下儉以率眾仁以愛人治定功成刑清事簡猶慮煩陽之候不無輕繫之人首發德音俾觸網者有自新之路復頒明詔欲分條者絕舞法之心式是大和同登於道至若有虞之畫象

大禹之泣辜用此憂勤曾未差忒臣本疎材術  
謬掌郡符不能宣導於化風未得空虛於囹圄  
僂懷恩顧伏用兢慙是以益勵至誠恭遵大訓  
雖知聽審難臻明恕之方一覬寬平少副哀矜  
之旨云云

賀 聖駕幸澶州還京表

臣某言今月七日入內高班王某至伏審

鑾輅已於十九日却還京闕者中外士人朝昏

系望纔聞返駕共慶丹誠中謝竊以四海久安

三農始隙忽意北夷之俗輒萌犯順之機恭惟

皇帝陛下忘黃屋之尊務息民之道聊舉省方

之典因陳問罪之師果致雜虜革心使人請命

屬大道含容之德不責小瑕而著明臨照之恩

許其通好允得弭兵之略兼光柔遠之風華夏

之情歡抃交至云云

謝除吏部侍郎表

臣某言今月 日密院遞到官告一通勅牒一

道蒙恩特授臣中大夫吏部侍郎加食邑五百

戶食實封二百戶上柱國仍放朝謝者臣聞周

寵名侯始行加地之賞漢崇良吏方推增秩之

恩不啻委及於匪人有以騰輝於當世豈以天

官少宰上柱殊勳中大夫漢之清資食實封唐

之極賞一日併授在臣何堪儻誓責實之文深

黷陟明之典榮多益懼處不知寧中謝竊以臣

才不兼人愚惟守己每念流年易失好事難成

故急急以行心亦拳拳於勵節爰自出專外計

入直中樞歷司臺省之權兼攝諸侯之政謂奸

回不比無以增聖主之明謂兇惡不除無以解

黎元之患臣行此志殆十五年豈不有惡上之

民曲飛謗議豈不有怙權之黨妾指瑕玼絕無

一日之尤以汙三章之法者蓋由 先皇帝知

臣於疇昔 陛下明臣於當今獨慶逢時過於

往哲臣之感憤豈易為言一昨移自雍郊委臨

蜀土單騎徑發冒熱而來冀伸馭遠之勞少達

報君之志是以宣揚聖化下慰疲羸啓導皇威

傍加兇醜人似知勸歲仍小康惟將不辱命為

榮亦以免厚譴為幸豈期磨眚超與巨官渙汗  
已行辭拒無所伏遇 徽號皇帝陛下明同皦  
日愛若陽春行周文之小心惟公之恤有漢高  
之大度眾善皆臻歲久而天地同和道在而人  
神交感然後九儀述職五輅鳴鑾謁清廟以祀  
親登泰壇而享帝大賚之慶已洽萬方議者謂  
陛下展禮上玄讓功也推恩百辟勸善也廣金  
帛之賜戍卒忘勞加封贈之官人子盡孝寬有  
罪叙有過蠲逋租召云命仁之至也舉賢才廣  
諫諍旌貞退惠力田義之和也浩乎真風邈不  
可紀巨愚望 陛下日慎一日雖休勿休光揚  
二聖之風越在三王之上含生之眾百世同歡  
重念臣無昔賢良吏之稱獲當代出倫之寵草  
芥自比雨露所滋益堅犬馬之誠望答生成之  
賜云云

益州謝降 詔書獎諭表

臣某言今得進奏院遞到詔書一道轉運使黃  
觀奏據本州將吏僧道百姓等舉留巨事蒙恩

特賜獎諭者民情上達天澤下臨責實徇名未  
著分憂之効僥榮冒寵難逃飾詐之譏循省所  
因喜愧交至 中謝 伏以蜀土奧區素稱重地國  
家慎委本為難材况列卿帶職之資屬為郡摠  
戎之美眾臣之內少此兼榮竊念巨河曲微生  
儒門末造憑詩書為捷徑取忠義為先聲果逢  
求治之朝驟有絕倫之遇入登臺省幸聯心膂  
之臣出守山河全控咽喉之地故合竭誠報國  
百計安民遠仗皇威奸惡少聞於屏息傍宣聖  
化疲羸近似於昭蘇此蓋 徽號皇帝陛下知  
臣向公任臣不貳縱有關政不能移天覆之私  
縱有謗書不能惑聖明之慮是致孤臣有賴遠  
俗無虞竊惟經亂之人易得在心之感謂臣滿  
歲必差替官輒萌犯上之機因用留臣之奏曲  
蒙慈旨不責狂言降天上之徽音作劔南之佳  
氣庸知異獎推為勸善之恩却掃無功積有臨  
深之懼得不更思盡瘁恭守成規庶求鎮靜之  
方少輔庵鴻之德 云云

益州謝傳 旨獎諭表

臣某言六月二十五日巡撫屯田員外郎謝濤等奉傳 聖旨獎諭臣知卿為治極好得卿在彼朕無西顧之憂庶事更切用心者邊臣之職正恐未周金口所稱已傳不朽何此中才之質得勝絕世之榮直恐捐軀無以報德中謝竊念臣出身至賤遇主非常強任將期方離巖谷兩髦始白已作丞郎况兼直密之資允在得言之地恨不能長纓請試北係單于雙闕頌功東封

第九卷

卷十三

三十八

岱嶽此國家之所不欲而卿大夫之所未裕也一昨西蜀居人頻經擾攘九重選吏願屬精勤臣當奉命之初實愜寸心之願所喜者勝殘馭遠得施報國之勞所幸者去易就難少追偷安之謗臣是以推誠官列示信戎行布均一於吏民亦誠勵於兇惡併逢稔歲偶免敗官此蓋皇帝陛下德澤四充聲明允塞蠻夷向化邊方無警併之虞士庶歡心守土慶下帷之治猶復居安與念用照而明傍遣使車撫安遠俗特傳

天語下慰孤臣謂臣分西顧之憂深知不稱使臣有過身之譽以至無言但銘勸善之恩庶保

有終之節云云

昇州到任謝表

臣某言伏奉六月二十七日勅差臣知昇州軍州兼提舉江南東路兵馬巡檢提賊公事已於八月二十二日到州署事訖恭以道有所存物無不遂臣縈宿痲分合退身皇情重惜其辭榮大鎮許從於卧理感深出涕恩極難言中謝臣聞

第九卷

卷十四

三十九

昔者聖君之御人也博愛溥施包荒濟美九有仰大中之化羣倫無不達之情伏惟 皇帝陛下恭己臨朝推誠接下英斷比於 太祖寬仁類於 太宗謂選能為共治之資則躬行採錄謂節用為恤民之本則慎乃盤遊加不忘功兼之念舊有若陳緯苦戰田錫直言越次褒延驚駭視聽梁周翰前朝名輩邢昺望苑元勳俱及耄年不許去位非常禮遇優與俸錢四海之人聚首而議以為 陛下之德有以繼舜齊堯輝宗映

祖若周文之兢持未足多也書美昌言禮貴養老未為奇也雖聖政無涯不可妄紀而生民受賜抑又何名竊念臣本族無稱學文自任爰從中第洎至登朝徒切礪精少防於責實絕無朋比曲借於餘光凡四轉官便參樞要復三數歲已忝丞郎信明時驟進之身過往哲九遷之遇退量淺劣不稱明揚止在捐軀聊以報國重念臣少因酒過晚覺病多仰天眷以撫安煩國醫之診護其如氣候漸劣根本難瘳既乖侍從之

第九卷

表十五

三

儀實玷衣冠之列豈敢便謀致政堅請分司重閤輒拜於封章小郡覬全於頤養不謂睿慈惻愍允澤霑濡作藩更委於兵權赴任仍兼於水路而復中官賜藥內府支金謂九轉之靈丹可延性命謂三錢之秘寶足了生涯天意所鍾愚臣備識必將垂世流為美談知微臣遇主之榮比肩舊老廣陛下愛人之旨接武前皇臣雖事上之少勞陛下待臣之已甚而况江山秀絕民物駢繁獄訟簡清事務整集上仗神砂之

力下因僚吏之勤望保殘年再覩雙闕此愚臣之願陛下之恩也既感陛下憂臣之身臣敢不憂陛下之事一欲宣導風化惠綏黎元兼令兇怯之人漸識淳和之理憑茲懇款上答恩休云云

乖崖先生文集卷第九

第九卷

表十六

乖崖先生文集卷第十

表

賀東封禮畢表

臣某言今月六日密院遞到敕書一道十月二十六日皇帝封禪禮畢大赦天下者臣當時集軍州官吏僧道百姓曉諭訖伏以真聖有作萬方樂推非升中無以告不世之功非太平無以行希代之事盛禮云畢鴻休允敷極於無垠不任大慶中謝臣聞安大衆定大業者至德動天地

感鬼神者至誠至誠昭晰以發中玄化浸淫而應外然後五兵消偃九有澄清迨於升聞克洽穹昊若夫守治定之理修報本之儀常祀之餘盛典多默自前世稱頌者七十二君漢纔依稀唐亦梗槩以至躋生民於壽域納仁義於中途踵無懷因嚴之風述虞舜東巡之美系我聖宋成乎嗣君恭惟皇帝陛下大道之尊中天而立咨唐堯之宇覆法姬周之砥平密勿萬機巨度遵於繩準精明一德黎元但覺其昭蘇加

以天資孝慈則人歸恭順力行節儉則物有羨饒和氣四充百穀屢稔戎狄不召而自至禎祥過抑而益彰有以光揚祖宗輝映今古善頌之口何得而名於是遐方觀國之賓奔馳道路東

魯系來之老萃集闕庭洎于黔首緇黃三事庶尹累陳昌平之績請行封禪之禮皆曰陛下德至於天故有祥符降空羣鶴引駕德至於地故有嘉木連理芝草分莖昭示衆靈無以殫紀陛下果不可固讓人情果不可固違者上答神

休下祈民福也是用降時巡之詔著紫望之儀馳道不除帷宮不飾菲薄之至也無勞居民無天生物仁愛之深也皇皇翠華駸駸羽衛方冬之麗日增燠千里之織埃不飛既祗肅以登封復懇惻以降禪莫茅成禮雖資北里之禾檢玉報功寔有上玄之命是謂禱祈之善恭讓於天曠蕩之恩宏被於下無一事不更於臨照無一物不遂於霑濡熙穆淳風輝煥清世追蹤五后式觀紀號之文邁德宗周更遠卜年之數巨職



叨近列任忝名藩蓬大中開泰之期見往代未  
行之事病知分薄難伸苞蹕之心老覺才微莫  
逮歌虞之意云云

謝賜御製御書封禪銘贊記副本表

臣某言進奏院遞到編錄封禪記丁謂等起請  
御製御書泰山銘贊記抄錄副本一卷賜臣者  
聖作深玄人所難觀外臣有賜恩出非常中謝  
臣聞渡汾流詠止歎於凋年過沛興歌庸思於  
共守豈若天祚明德功格上玄既東巡以告成

第十卷

表十九

三百五

復勒銘以見意煥乎盛業垂彼無窮誠明代之  
嘉猷而真聖之能事也恭以皇帝陛下生知  
要道天縱多能體二聖之仁明鑑百王之得失  
側躬致治元化大同以至和氣四充祥符下集  
覽闕下諸生之議感泗上父老之言遂事升中  
以展大禮皆謂太平者前王難及之事陛下  
致之泥金者曠代不修之典陛下行之嚴父  
配天孝之至也為民祈福仁何遠哉事感宸衷  
言成國典眷茲近列許遂榮觀寔類管窺莫從

天際有若歸功天地推德祖宗謙讓在思惕厲  
為誠此人世不名之福乃社稷無疆之休也臣  
叨塵要職獲守維藩拜賜已來歡心莫極雖収  
藏有耀永為傳世之珍而衰劣無能但見感恩  
之淚云云

甘露賀表

臣某言當州自十一月八日甘露降鐘山太平興  
國寺松樹大小約千株經月尚在者竊以神物  
斯來太平之驗耳目相接遠邇同歡中謝臣聞

第十卷

表二十

三百六

政由德成物以類應雖天地之博大而草木之  
纖微有感必通無遠不至恭惟皇帝陛下真  
誠御世廣愛臨人人心平和天意響答始東封  
之行慶忽甘露以儲休此實陛下勞神在中  
而致美於外也德之所感昭然不誣觀其凝若  
雪霜甘同飴蜜千株徧結足名希代之珍再月  
未融是表無疆之福臣器能淺薄蹤跡遭逢任  
守連城目覩嘉瑞替人物感通之理抑有前聞  
紀 皇王遐邈之風曾無異見云云

謝加階封表

臣某言今日進奏院遞到官告一通勅牒一道蒙恩特賜臣大中大夫進封開國公加食邑五百戶勳實封賜如故者祥符遠燭允澤旁流方忻樂聖之心又荷惟新之命退量不稱徒切增慙中謝臣聞廣大者天博通為聖天德茂而物遂生聖道行人受賜既云不宰何以識其裁成寔曰無名何以盡其言喻亦猶惟堯與舜法地象天致巍蕩以無稱類生成於不報也

第十卷

表二

三

恭惟 皇帝陛下千年應運一德承乾念創業之克艱未嘗逆豫慮一物之失所每切憂勤明誠既感於人心聖化遂通於天意故得真仙降祉瑞謀呈文適彰卅世之期允協大中之道載惟靈契事過於龜龍方表立功理同於三五而復順陽春而在宥舉賞典以加恩善讓不居莫見裁成之朴天下蒙福但歌仁壽之風臣位亞天官職參樞要叨預分符之寄仍司禁暴之權江外素清經歲但窺於兵籍郡中無事下悖徒

守於詔條常慮敗官復榮寵數階封益峻名跡增華較其冒賞之由實屬逢時之幸得不飲冰勵節體國為心庶求靜治之方少助無為之化去

昇州謝傳 宣撫問表

臣某言今日三月三日入內侍高班陳文懿到州傳宣賜臣 御札劄子撫問臣疾患者螻蟻微軀雲雷重施頓覺已蘇之命如登萬舞之庭寵勵過常感愧何盡中謝竊念臣河壻賤類朝右孤根徒將學古之心以勗事君之節 先皇知

第十卷

表二

三

臣守道擢在清流 陛下察臣好公委之巨鎮嘗謂官高効淺任重才微履薄臨深一欲少逃於官謗安民被物尤慙無補於皇風一昨蒲柳向衰犬馬生疾據醫工之切脉本自中傷用灸以然膚即時氣正既緣在假合具奏聞伏蒙 皇帝陛下專命使人特頒宸翰何郡官之眇末勞天眷以安存同暗室之睹朝陽類寒暑之遇春煦篤君臣之分遠不能名傳家世之榮久將益茂恭期畏慎以報生成 云云

謝加工部尚書再任表

臣某言今月 日入內侍高品楊保政齎到官  
告一通勅牒一道蒙恩特授臣工部尚書散官  
勳封食實封賜如故仍放朝謝兼奉勅量留一  
任者非常之寵出自天心三品之資實踰愚望  
再循再省以榮以驚中謝 臣聞漢命二千石非  
政績昭彰者未嘗增秩唐歷三百年非功行超  
絕者不得尚書流為美談因成故事如臣虛謬  
過有遭逢處近侍之班無一言報國守諸侯之  
郡無一善及人縱加勵朽之勤難贖冒榮之責  
而况年容向暮疾疹相仍中間伏閣拜章懇求  
外任近者因心戀闕欲望替歸遂寫情誠遠塵  
疏冕豈期睿眷曲示憂憐命星使於層霄宣王  
言於南服增正卿之秩允謂異恩許再任之官足  
明重寄匪惟臣愧亦駭衆情益以唐賞能臣漢  
旌良吏前載希有近代罕行一朝併賜於褒崇  
何路重酬於名器所以臣愧不稱而衆駭異常也  
臣得上體虛懷俯安遠俗使無違誤少副倚

此云云

昇州又謝傳 宣撫問表

臣某言三月日入內侍高品趙履信到傳  
宣伏蒙聖慈重疊撫問臣者國有常典郡實分  
符何守吏之瑣材勞聖君之重顧遠傳中旨下  
慰殘軀恩既有加喜亦難盡中謝 竊念臣幼而  
嗜學家本無書閱市尋師久嘗涉歷策名委質  
始預遭逢自謂不蠶而衣不耕而食徒憑官勢  
坐庇宗親故檢身每切於勵精承命不辭於艱  
險以至懲奸析滯廢寢忘餐靜辦公家一欲酬  
君之寵祿緝緘黎庶一欲答民之供奉是致過  
冒寒温有乖調護盛年抱疾向老便衰一昨西  
蜀替歸中樞隸職信班行之絕跡覺聖騰之異  
倫其如癖氣傍攻少納大官之膳頭瘡下瀝有  
漸清蹕之塵所以臣喜偶昌期而悲逢薄祐也  
遂陳丹悃求莅偏州感動皇情俯從臣願付金  
陵之重地委江介之諸軍無廢攝生僅同卧治  
未期報政忽復遷官信使纔迴中貴又至瘡痍

之末既沐軫憂飲食之間亦令順適下安孤跡  
傍駭羣情巨竊覽遺編選觀往哲有才大而君  
不用忠盡而君不知者多矣若臣寒素起家清  
朝見任功未著而賞厚誠未立而信深者幸也  
蓋遇 皇帝陛下以至聖之能守可大之業明  
以御下則邪正畢見其心仁以安人則高卑各  
遂其性是以臣粗推愚款盛荷殊知豈不使四  
海之中九流之內壯夫激節列位快心有以頌  
陛下禮士之風遠逾列聖賞微臣飭身之未無  
愧前賢臣之叨塵自難言喻但期強飯一箕分  
憂庶躬有卒之誠少報不名之德 云云

進文字表

臣某言因接內侍高品趙履信言話履信謂臣  
曰多見朝臣言尚書文章高古理道深遠聖君  
好文何不寫錄一本進呈者始聞此說不覺驚  
心又緣臣詞學登科聖君獎遇若無所獻何謂  
盡誠繕寫之時戰汗交至 中謝 臣聞於師曰文  
章興於遠古文物備於三代前聖有作後聖所

第十卷

表二十五

三百一十

因著之簡編流為國典誠萬代不易之道也率  
由齊上下之儀定人倫之序正教所設作生民  
之坦途五常所施為濟用之樞紐是故聖君願  
指於上賢彥駉騫於下文士之筆斟酌於中陳  
布道德施張化風有以懲有以勸有以規有以  
諷正議不回則皇猷允若書法不隱則姦邪洗  
心行以踐言文以見志千狀萬態不失乎忠信  
助治之大端豈止垂諸空言而已與夫多覽廣  
記稱博士之流走翰飛文擅應用之最者異日  
論也此乃聖賢事業豈愚淺能臻乎以至臣三  
年不敢構思五年不得措詞竊擬遺餘粗陳梗  
槩故於著撰不能編綴自謂上不至溥文下不  
迨應用已甘守拙期於畢 一遇 太祖開基  
太宗臨極平蜀來越降吳下并復炎漢之士疆  
廣有唐之郡縣列官既眾取士益繁故夫俊造  
之科始有殿庭之試臣幸一上中選再命登朝  
勵好古之心為事君之節飾學文之志為臨下  
之資功未昭著官已崇顯此蓋 先帝喜於獎

第十卷

表二十六

三百一十

善陛下急於勸能致臣叨塵特邁流輩諒無異略以報厚恩惟切履冰少塞非據豈期朝列曲諭臣文愧研究之本疎何傳說之過實臣又聞遇文明之治不以文為不類也逢知己之主尚或形跡不忠也希顏雖勞面墻無取敢持燭火輕冒曷日允謂不知量也甚矣臣曾著聲賦一篇妄紀皇王治亂之本擬富民侯傳贊一篇譏漢武不盡富民之術詹何對楚王疏一篇似近治身之要過此片善偶得一鱗詩短章稍

第十一卷

卷二十七

三百十五

免塵雜共寫錄成百篇味死附進云云

謝除禮部尚書表 東封恩

臣某言云云蒙恩特授臣禮部尚書加食邑三百戶云云國有大賚臣叨峻遷俯儀拜恩惶駭失據中謝臣聞今之尚書乃周之六卿也位次上公職當獻可若非道堪尊主智足利人處其易循循得善事之稱履其險依有不奪之節者苟踐斯任謂之匪人如臣操修素甚鄙薄加之識昧而復才卑有若居安思危慎名與器聖

慮精到臣豈合云至于屢奉詔條詢採民瘼臣未嘗陳一便人之策未嘗舉一有道之官未嘗議聚斂之臣侵下僥寵未嘗糾欺違之吏黨惡自私實辜旰食之求頗玷上卿之秩謂之識昧不其驗歟恭惟皇帝陛下道大無名量深無際示不矜之善則臣庶洗心隆克儉之風則黔首滋富遂致西戎即叙北虜請和耕者極於邊方武具陳於內府此陛下柔遠之略與周比崇越前年東幸泰山肆觀羣后封天禪地檢玉

第十一卷

卷二十八

三百十五

泥金此陛下報本之功與舜同道歲二月西巡狩至于汾陰盡禮於誠惟德是享此陛下修墜典主百神眇眇漢唐曾不足擬臣幸被太平之休烈遐觀盛德之形容慕臯陶愛君之心無臯陶頌君之業坐致三品能無愧乎所謂才卑不敢逃責臣謹當守陛下之疆土宣陛下之化風俾頑者嚮方飢者得食兼撫屬城之衆少寬南顧之憂仗此勤劬期報萬一云云

賀祀后土禮畢大赦表

臣某言今日日密院遞到祀后土禮畢赦書一  
道臣當時集軍州官吏僧道百姓宣諭訖希世  
盛事作解鴻恩歡洽之聲隱然雷動均和之氣  
邈與春迴中謝臣聞汾脽上臯坤儀中宅自漢  
皇之觀輿復唐后以致誠年祀濛濛聲響都絕  
蓋戈旄之未偃而黎獻之未康雖欲在思實則  
罔暇恭以太祖皇帝沉謀英斷應天順人西  
取三川南定百越荆蠻既入江吳以朝太宗  
皇帝天資聖文神贊明德控并門之逆節旌浙  
右之忠淳於以躬選惟良坐理中道可久之業  
無得而名伏惟 皇帝陛下繼體承乾祖仁昭  
義好聞正直樂事謙和以唐虞濟物之心下安  
率土以周孔治時之法上守慶基遂致風教大  
和天人合慶沙漠難羈之虜不召而來天書莫  
測之祥應期而至躋生民於富壽見昌世之形  
容一之日封泰山禪社首功之至也二之日幸  
汾陰祀后土禮之得也大恩四出覺萬有以重  
熙溢美無窮真聖人之能事臣父塵要職獲守

維藩前導後從既無階於扈蹕式歌且舞徒有  
幸於逢時云云

謝加階食邑表

臣某言云云蒙恩授通奉大夫加食邑五百戶  
者皇猷致美臣下霑榮捧授之間驚惶失次中謝  
竊念臣素無勲績叨預官常江介剖符偶免敗  
官之責帝鄉卧疾未知就列之期伏遇 皇帝  
陛下法道為宗與聖作則萬善中蘊大明外敷  
故夫濟世之恩鎮作無名之朴是致春融萬國  
影附四夷至德升聞仙祖來格示延長之年曆  
諭清淨之化源煌煌然業業然有以見天人合  
慶社稷永貞亦謂越千古以未聞垂萬嗣而獨  
出能稱頌者恐難為詞豈比夫周穆瑤池空贊  
白雲之曲漢皇蘭殿惟留非聖之言予以覃霈  
恩答嘉貺允諸有位盡被殊遷臣官忝上卿名  
已過實復增階級更益戶封惟虞漸老之身難  
答自天之寵云云

謝封贈表

臣某言進奏院遞到官告三通臣王父某蒙

恩贈太常卿王母謝氏追封新昌郡太夫人妻

王氏進封太原郡夫人者雲雷重施存沒霑恩

榮忝過常喜愧交集中謝臣聞綏和人紀允屬

於君臨振舉家聲用光於子道非偶昌平之運

克隆彰勸之風則何由變單門為華宗登朽骨

於名路恭惟 皇帝陛下仁明濟代孝愛動天

四氣均和萬方熙穆然後修墜典禮百神議法

從寬惟民之恤衝衝列辟仰慶賜以榮家眇眇

第十卷

卷三十一

三十一

舊臣咸賞延於繼絕昭然大賚邈矣難名竊念

臣識昧知微學慙博古遇八表來王之日用人

處多當九重選吏之時出身特異致使蕃於官

秩寔暉映於鄉閭所幸者厚入俸金嘗豐饒於

甘脆所喜者重加贈典復光揚於令名既彰為

孝之心未有資忠之効臣不得不強扶衰病益

勵廉勤宣聖化於平民俾其遂性示皇威於醜

類望至悛心少寬南顧之憂以達事君之節

辭赴陳州表

臣某言三月十六日中使傳宣安慰臣及賜臣

勅牒一道差知陳州仍放朝辭者天寵異常人

情皆喜於臣之分其榮可知中謝臣聞以義激

志者志極於義以仁感心者心極於仁寔國家

統御之大章嘉臣庶遵向之常理臣學不知道

心豈辯仁幸逢明聖之朝驟踐樞衡之職東吳

西蜀忝預控臨計省憲臺粗曾揚歷分憂察俗

既無利事之勤均物繩違又乏當公之譽徒以

位叨三品祿厚千鍾適臨蒲柳之秋忽生犬馬

第十卷

卷三十一

三十一

之疾深莫能療頭瘡起自於膏肓命或可延陰

氣非干於臆腑伏遇 皇帝陛下仁以濟代聖

無不通未明求衣慮一物之失所虛懷待物無

一善以見遺溢美具彰稱頌難際是以臣未伸

臣節過荷聖知江介告勞特恩與替帝鄉縈疾

傳宣免朝若較之於身則榮由寵及若議之於

國則禮自臣違此實關心惕然如疚不仕則弔

古人無志於尊君以食計功廉士猶嫌於竊祿

臣久妨就列坐請俸錢顯成慢上之尤兼負素

餐之責是以巨量其筋力尚可驅馳遂貢赤誠  
乞從外任將勤補拙修誠望附於闕官捨逸從  
勞本願覲當於臨遠豈謂 皇帝陛下軫其久  
病念及衰年俾近王畿處之善地長河路便一  
行穩泛於清流古郡望雄平昔皆稱於易治况  
臨公之不復聚族以養和此謂仁以感巨心  
義以激巨志期不惜死上報所因再念巨幸偶  
昌期何多薄祐身世欲將於比喻神鬼但覺於  
悲涼初疑泛海之槎暫來天上翻類拖腸之鼠  
却到人間今則見促舟人已裝行具延時滯日  
欲去還留指德澤以爲言詞不盡意望皇居而  
積戀淚下霑衣乍遠帝鄉 云云

陳州謝到任表

臣某言三月十六日中使至傳宣安慰臣并賜  
勅牒一道差臣知陳州仍放朝辭者臣已於四  
月十六日到州署事訖臣身繫惡疾志切辭榮  
忽被鴻私令鎮雅俗衆所皆喜臣獨何心 中謝  
臣聞君使臣以禮巨事君以忠禮無正名合宜

乃得忠無定跡盡悴者稱實人世之通方古今  
之常道也竊念臣識量褊促學問荒淺爰從捨  
釣便遂登科不二十年致位通顯此誠 先帝  
憐臣執古陛下知臣愛公非次轉官越常賜  
與增官途之壯觀發儒苑之光華較微臣報國  
之勞累二聖勸能之旨每一念此重生慙顏以  
至入直樞衡踐歷臺省略無片善裨贊大猷出  
鎮藩方兼掌兵柄全虧異政宣導淳風泊至垂  
年又苦病腦以飲食爲滋瘡之母以萬脇爲養  
痛之根久醫不痊者飲食豈可全去彌年不死  
者臟腑未嘗有虧昨在昇州初覺增劇非時替  
罷得遂生還久住帝鄉絕不入覲有司舉例合  
至免官 皇帝陛下獨斷見矜寬給假日雖衆  
議無苦而於臣何寧臣又聞無功苟祿者不仁  
以身違律者有罪既不忍乞歸田里亦不敢端  
坐私家遂貢赤誠求展外郡 皇帝陛下選之  
近甸付以華封兼放朝辭取使之任臣舉家順  
水信宿到官顧其解宇清虛民俗淳厚過客甚



少公事亦稀足以稱 陛下憂軫之懷足以致  
老臣延求之望再造之賜何得而名臣之此來  
史氏必載云禮部尚書張某久病頭瘡難於巾  
裹到闕七月不赴朝參憲司彈云臣寮在假百  
日不朝者准式罷免 皇帝寬給假告倍加安  
存不去官不停俸異恩也張某感憤中發上疏  
自陳巨瘡腫雖深形氣尚健乞知藩服少贖悔  
尤 皇帝親指於陳委之俸外加給賓事  
官供安養之餘吾事亦集仍有疾疾與免朝辭  
新例也自今及古以臣事君未有來不朝參去  
不辭謝者老臣之內寵遇莫儔臣不敢指今之  
士大夫助臣快愜却謂千百世後覽宋史者須  
至掩卷酸鼻上以仰 陛下寬仁厚禮以待老  
臣下以慶微臣遇主遭時有蒙餘裕與夫汲黯  
稱病俾卧治一方何曾免朝許就家視事不同  
年而比也重念臣忠節甚薄 陛下禮數過常  
位已隆矣年已老矣幸已極矣名不朽矣犬馬  
殘軀死且無累更欲節餐護氣祛毒添年一望

第十卷

表三十五

三十一

再入九重之城得覩 至尊之面是臣懇懇餘  
生之幸願也云云

乖崖先生文集卷第十

第十卷

表三十六

三十二

乖崖先生文集卷第十一

狀

著作佐郎求充幕職

右某聞太平之士逸樂其生者蓋外任其力而  
內榮於心也某河朔窮生志尚愚梗耽樂聖道  
遺墜家業辭親就學十七年適中一第纔展慶  
問便除遠官雖入俸頗繁而致養不給寔由輦  
餉迢遞勞費為倍矣今者雙親暮年某亦得替  
到闕若畏避觸犯隱而不伸是負 明天子愛  
人之心賢宰相均物之意又緣天闕嚴深無路  
自達欲望憫其賤類特與奏陳或許就除幕職  
一官使得挈負親老以就官食如此則外任其  
力而內榮於心也殺身報君乃是所職仰對鈞  
造豈容佞言

奏鄭元祐事自陳狀

右某嘗聞盜憎主人民惡其上者蓋奸邪之利  
利於私身忠良之利利於便國非夫遇至明之  
主任不疑之臣則何由辨搆惡之小人絕害公

之流議也竊念臣志耽聖教生值休明思忠亮  
以佐時期明恕以惠下爰從列仕累次臨民非  
敢自賢粗免官謗一昨浚郊不治 陛下召臣

以代之荆湖曠官 陛下召臣以董之臣雖愚  
淺不逮古人豈不欲盡率至誠少報恩遇有慢  
官留務者必為 陛下督之有蠹民妨治者必  
為 陛下繩之有利小害大者必為 陛下陳  
之有侵事敗教者必為 陛下革之有廉能稱  
職者必為 陛下揚之其如均黠徒戒巨械下

荆蜀之積實天府之藏臣職分之易事也且臣  
部十二州之衆得無違教害衆之民奉私欺法  
之臣若使官官自勵人人自勸即無煩 陛下  
動憂勤之思而降糾察之令臣亦知革人之弊  
而怨隨之發人之惡而害及之若退顧猶豫曲  
求自安不惟負 陛下委授之常宜抑亦損臣  
生平之志節昨見荆朗造船工課不等歸峽納  
木人戶怨咨遂具奏章乞行磨勘尋奉勅命委  
臣差官其監場鄭元祐抗拒使臣不回文牒令

男詣闕毀臣職司蓋由黠猾之徒妄作誣賴之計要相玷黷所在淹延若鄭元祐不虧課程無夾欺弊即合喜於黠檢以銜功能既自作不常官覺其隱翻鼓青蠅之翅將加白玉之豐以是較之情可知也前所謂盜憎主人民惡其上者正合於斯儻非陛下任使不疑英明獨斷即臣公以獲罪直以見允取醜於時議也臣又聞戕寇之士分命之臣養名自全者多志身為國者少苟有不畏強禦直道事君者陛下擬使為之尚慮退志何況察一船場之弊便構一轉運之非豈徒害制事之常規亦恐好公之輩因而斂手矣幸賴天鑒察臣被誣不便加刑就令取問照臨若此冤枉何虞既摧稔惡之謀足勸為忠之道臣之感愧溢於心骨盡節盡誠死且不朽矣除奉勅取問匿住勅文四箇月及改差令孤穆緣由已具供通外臣有情血合具伸陳云云

申堂自陳狀

右某伏以 明天子未明求衣思萬方之俾又賢宰相吐餐待士欲庶政之允脩故夫有識之徒以至莅官之衆咸期竭力少荅無私某世本單微心常退靜因會拔茅之勢遽塵內閣之資前年以待疾高堂許賜便家之祿去歲以論官兩省允膺按部之司任既過常心切懷懼得不朝勤夕惕徇公滅私兼屢奉於詔條使糾提於弛弊一錢系籍便要知其所來一物失宜亦要知其所自况務有大於此者害有深於是乎細行推研乃為職分昨見荆南造船場較功之處虛占匠入納木之時更苦編戶曾看帳籍甚不整齊遂具奏章乞行磨勘尋奉勅命委某差官其監船場鄭元祐不自省循轉增乖越隱藏文層抵拒使臣既堅無上之心更欲構人之罪令男進狀謗某職司里語有云青蠅竊糴而後玷時明可賴白璧經煉以方真幸賴台慈俯加信察是使亂官之輩無以藏奸兼令奉事之司得行展効除奉勅取問匿住勅文四箇月及改

差令狐穆緣由已具供通外某有情血別具剖  
陳云云

### 謝賜曆日狀

右某伏奉詔書賜臣某年曆日一本祇荷寵靈  
不任感懼伏以正璠圖頌鳳曆國家之大典也  
均農時分地利生民之司命也恭以 皇帝陛  
下統元行化賜曆宣風使九圍動合於天時百  
姓無差於日用臣謹同民庶共戴恩休瞻望  
闕庭云云

### 廣都縣馮某毆母待罪狀

具官臣某具馮某犯事斷遣云云  
右謹具如前竊以守土之官化民為本民既不  
孝臣實曠官汙辱典常甘俟誅責臣無任兢惶  
戰越待罪之至云云

### 西川回乞持服狀

右臣聞惟孝與忠臣子之司命也苟一曠闕永  
成罪尤竊念臣才不逮人任過其量頃因西蜀  
嘯聚兇徒 先皇帝曲有選掄委之臨控五年

之內雙親繼亡蓋當責重之時難拒奪情之命  
今叨差替已至闕庭雖盡瘁之勤本無可錄而  
罔極之痛不能暫忘伏遇 皇帝陛下孝治萬  
方恩周庶品臣乞曲 典禮追復心喪儻寬卒  
歲之期少緩終天之戚云云

### 再任益州謝傳 宣撫問狀

右臣今月六日入內侍高班羅自賓至伏蒙  
聖慈傳宣撫問臣腦後感筋塊子兼獎諭臣治  
西川稍分聖憂者祇荷寵靈不任感懼竊念臣  
本族至卑當朝孤立 先皇帝採其虛譽擢在  
清流 陛下錄以微勞頻加峻秩萬端增感欲  
報無由一昨西蜀闕官九重降命既令典郡又  
委臨戎好職併兼仰聖代推恩之澤遠人難制  
是微臣展効之秋適值民安仍加歲稔皆皇風  
之下及豈臣力之所能伏蒙 皇帝陛下遠遣  
近人特傳密旨謂臣拙政全解聖憂謂臣微病  
重千聖念可謂情同慈父煦若陽春顧惟螻蟻  
之賤軀曷謝生成之重施况臣病亦甚淺老不

至羸與同列以推誠覲一方之無事憑茲懇款  
上答恩休

昇州謝就差江東安撫使狀

右臣奉勅就差充江南東路安撫使者過惟委  
遇不勝悚惶伏以江外諸州古聲重地賦輿繁  
錯邑屋駢羅仰大君之照臨致羣情之熙穆適  
偶亢陽斯久美稼併傷聖恩轅上供之軍儲助  
來春之民食衆所爲感口不絕言猶復假臣以  
安撫之名委臣以摠制之柄有以知 陛下憂  
民之至切慮事之至深也臣內揣不才何堪重  
寄謹當勵力而復疚心宣皇澤以濟困窮因兵  
威而懾兇醜覲其屬部咸取綏和竭茲犬馬之  
誠少輔憂勞之意云云

謝傳 宣撫問失火及安撫人戶事狀

右臣今月十四日得入內侍殿頭郝昭信到  
州傳宣王智家失火卿何不早與救滅致傷人  
口仰安撫人戶者拜命之次驚懼失圖竊念臣  
謬處要官叨知大郡雖切向公之志全無利物

第十一卷

狀七

三百九十五

之能况當州經僞號之餘庶事失酌中之理街  
衢褊隘諒車馬以纒通屋宇低徊復茅竹之相  
雜一昨陽春始半時雨稍愆烈燄忽飛狂風併  
作人不及走目不暇旋一食之間千室俱燼雖  
有貔貅之士參以保甲之民衆力同馳百心一  
濟併防庫務及護衙城猛勢之中幸而獲免皆  
疑天火或說人災寔由郡政之未孚致使炎靈  
之不祐俾民罹禍貽君遠憂臣合自疏愆充請  
行典憲甘從深譴以謝無功伏蒙 皇帝陛下

第十一卷

狀八

三百九十五

特遣近人遠傳宥命撫安居戶奠祭云鬼被苦  
之家已識哀矜之旨垂白之老兼聞感泣之聲  
臣敢不益勵赤誠恭求要道期收來効少贖前  
非臣與經人戶人無任感天荷聖激切屏營之  
至云云

謝進文字賜 詔獎諭狀

右臣今月日伏奉詔書一通蒙恩特賜獎諭臣  
者祇荷寵靈不任感懼竊念臣生逢昌運志慕  
前修拋色養於高堂訪良師於千里苦心十載

遊藝百家強求治法之指歸不識聖賢之事業  
志之所至文亦偶成調淺語疎茂有詞人之體  
時通命會偶登俊士之科歷官必奉於規程臨  
事幸逃於曠敗伏遇 皇帝陛下由文嗣業以  
道濟時天祿石渠盡得班揚之列百辟卿士同  
遵周召之風臣過受聖知莫伸臣節敢編舊草  
上貢明庭自謂流螢不可呈輝於皦日共嗟瓦  
礫如何比譽於兼金浼冒至深惶駭莫極枉煩  
睿覽兼辱重書既敦獎善之私復見匿瑕之  
旨詞臣草翰不譏為學之非金口所稱益覺立  
身之幸臣得不更研儒術少慰民心望禪靜治  
之風上答非常之寵云云

昇州謝 恩撫問狀

右臣四月日侍御史趙湘到州奉傳聖旨撫問  
臣治郡不易頭上瘡子痊否祇荷寵靈不任感  
懼竊念臣素昧攝生早踈戒酒因成癖飲薄在  
中煦撩之雖得暫通食後依然復故引不歸胃  
傳之入頭積鬱既多瘡痂斯見醫工切脉惟云

五臟以皆安瘍人傳膏未覩一毫之為減蓋由  
臣光陰遲暮氣血衰微諒難盡保於瘡平止可  
更堅於調護而幸官曹知勸黎庶輕徭兼緣靜  
治之時希有撓心之事覬延筭數上奉君親伏  
蒙 皇帝陛下曲賜軫憐遠加安撫手舞足蹈  
似非多病之身寵異榮深不類具負之列得不  
恭遵善訓懇守冲和勵益壯之筋骸了旋生之  
公事少分憂寄以報鴻私云云

謝賜衣襖狀

右臣今日日某官至伏奉詔書賜臣簇四鴈兒  
細錦綿旋攔一領大綾夾襖頭袴一腰并屯駐  
駐泊本城軍負等初冬衣襖者祇荷寵靈不任  
感懼恭以 聖主推恩本期於均物下臣宣力  
貴在於報功臣素昧政材謬膺朝寄風猷未著  
徒煩求瘼之心頒賚忽臨但覺華身之幸彼其  
有刺履薄是虞此蓋 皇帝陛下秉道惟微納  
隍是則端居秘殿念分命之勞式御重裘思切  
肌之冷用使司衣葺事中府掄官遍走列城第

賜新服綵紋綵錯與麗日以爭光詔旨隱憂擬  
陽春之並照臣得不徇其所自勵廼寸誠更求  
鎮靜之方少贖冒榮之咎云云

病瘡乞任使狀

右臣賦分本微長年多疾昨因增劇洪恩特賜  
於替歸至此未瘳中旨累加於存恤而况千官  
事主古有定規百日不朝理合去職臣自到雙  
闕已是半年未能暫入於金門未得一親於鳳  
宸心緒若失徊惶可知兼復憲府有彈閣門舉

第十一卷

卷十一

二百九

例宸衷獨斷展假與臣一身高枕以就醫盡室  
安心於飽祿撫疾疾賜寬饒聖君之大德也破  
舊章私寵澤臣下之深咎也憤然中作期於請  
行臣今瘡痛未平形氣尚健乞降明勅差知外  
藩不以煩難兼之遠惡聞命即赴是臣素心冀  
伸報國之心少贖素餐之責兼乞後苑便服以  
辭云云

陳州謝傳 宣撫問狀

右臣今月得內侍高品岑素到州傳宣撫問臣

頭上瘡子可殺疼痛好自將治者祇荷寵靈不  
任感懼竊念臣年當衰頹病在膏肓今春已來  
其候稍變蓋由癖路漸滑頭瘡益深一飯露唇  
則終朝腦痛勺水入口則連夜血流直緣漏膺  
之病莫責神醫之効以至形容迥劣步履艱難  
猶堅勉強之心上副倚毗之命伏蒙 皇帝陛  
下遠傳天語下慰愚臣致喜氣以內充復榮光  
之外集得不持誠自勵荷寵若驚庶遵靜治之  
風少報大門之德云云

第十一卷

卷十一

二百九

乖崖先生文集卷第十一

乖崖先生文集卷第十二

語錄

公曰事君者廉不言貧勤不言苦忠不言已  
効公不言己能斯可以事君矣

公曰為政之道府吏曰治未也庶民曰治未也  
僧道曰治未也未若識見無私學古之士曰治  
斯治矣

公曰臨事有三難能見一也見而能行二也當  
行必果決三也

初知益州斬一猾吏前後郡守所倚任者吏稱  
無罪公封判令至市曹讀示之既聞斷辭告市  
人曰爾輩得好知府矣蓋李順嘗有死罪繫  
獄此吏故縱之也

公性剛毅寡欲唯着皂絕絕角帶不事外飾因  
責決一吏彼枝詞不伏公曰這的莫要劍喫彼  
云決不得喫劍則得公牽出斬之以徇軍吏愕  
眙相顧自是俱服公之威信令出必行

主帥帳下寵幸恃勢嚇民暴取財物民有訴者

其人縋城夜遁公差衙校往捕之戒曰爾於擒  
得處則渾衣撲入井中作逃走投井申來是時  
羣黨恟恟知其已投井故無它議又免與主  
帥有不協名

李順黨中有殺耕牛避罪逃亡者公許其首身  
拘母十日不出釋之復拘其妻一宿而來公斷  
云禁母十夜留妻一宵倚門之望何踈結髮之  
情何厚舊為惡黨今又逃亡許令首身猶尚  
顧望就市斬之於是首身者繼至並遣歸業民

悉安居

時民間訛言云有白頭老翁午後食人男女郡  
縣饒饒至暮路無行人公召犀浦知縣謂曰近  
訛言惑衆汝歸縣去訪市肆中歸明人尚為鄉  
里患者必大言其事但立證解來明日果得之  
送上州公遂戮于市即日怙然夜市如故公曰  
妖訛之興沴氣乘之妖則有形訛則有聲止訛  
之術在乎識斷不在乎厭勝

公採訪民間事無遠近悉得其實蓋不以耳



目專委於人公曰彼有好惡亂我聰明但各於其黨詢之再詢則事無不審矣李旼問其旨公曰詢君子得君子詢小人得小人各就其黨詢之雖事有隱匿者亦十得八九矣

轉運黃虞部好舉時才之士公勸曰大凡舉人須舉好退者好退者廉慎知恥若舉之則志節愈堅莫舉奔競者奔競者能曲事諂媚求人知已若舉之必能矜才好利累及舉官故不少矣其人既解奔競又何須舉也

公問李旼曰子同入中有善講習者否旼以同門生劉武對公遂辟充州學主諸生受業者五十餘人每休務日就學置酒以勸勞之自是蜀人不以千里為遠來學者甚衆

公寢室中張燈炷香通夕宴坐郡樓上鼓番漏水歷歷分明儻一刻差誤必詰之守籤者指名伏辜謂公為神明公曰鼓角為軍中号令今令在前尚不分明其餘外事將如何也

公寢室中無侍婢服玩之物聞如也李旼嘗侍

坐廡下因謂公寢禪室不如公哂曰吾不為輕肥為官以至此吾往年及第後以詩寄傅霖逸人之前年失脚下漁磯苦戀明時未得歸寄語巢由莫相笑此心不是愛輕肥豈今日之言也

公問李旼曰百姓果信我否對曰侍郎威惠及民民皆信服公曰前一任則未也此一任應稍爾秀才只此一箇信五年方得成

公謂李旼曰大小之事皆須用智智猶水也不流則腐若凡百不用智臨大用之際寧有智來

公謂李旼曰子還知公事有陰陽否對曰未也曰凡百公事未着字前則屬陽陽主生也通變由之着字後屬陰陰主刑也刑貴正名名不可改

公謂李旼曰子異日為政信及於民然後教之言及於義然後勸之動而有禮然後化之靜而無私然後民安而樂業矣行斯四者在乎先率其身不然則民退必有後言矣又曰子見舊政

之弊其大者卒不須革觀覺而動乘而革之  
雖痛繩以法亦怨不生也

李旼苦疴既瘳請謁公曰子於病中曾得移心  
法否對曰未也公曰人能於病中移其心如對  
君父畏之慎之靜久自愈

公閱邸報忽再言可惜許門人李旼請問之曰  
參政陳左丞恕無也斯人難得唯公唯正為國  
家歛怨於身斯人難得退為詩哭之

乖崖先生文集卷第十二

忠定公傳 出東都事略

張詠字復之濮州鄆城人也舉進士知崇陽縣  
又知浚儀縣稍遷太常博士為荆湖北路轉運  
使入覲除虞部郎中授樞密直學士同知銀臺  
封駁司張永德為并州帥有小校犯法答之至  
死詔按其罪詠封還詔書且言陛下方  
委永德邊任若以一部校故推辱主帥臣恐下  
陵上自此始太宗不從未幾果有營卒脅許  
軍校者詠復引前事為言太宗乃改容勞之  
出知成都府時李順亂後寇掠之際民多脅從  
詠移文諭以朝廷恩信使各歸田里詠曰前  
日李順脅民為賊今日吾化賊為民不亦可乎  
後廣武卒劉旰謀作亂掠懷安破漢州及永康  
軍蜀州招安使上官正頓師不進詠以言激正  
勉其親行仍盛為供帳餞之酒酣舉爵謂將校  
曰爾曹受國厚恩此行當直抵寇壘平蕩醜類  
若曠日持久此地即爾死所矣正懼由是遂取  
勝時民間訛言有白頭翁午後食人男女郡縣

譊譊至暮路無行人既而得倡為訛言者戮之于  
市即日怙然詠曰妖訛之興沴氣乘之妖則有  
形訛則有聲止訛之術在乎誠斷不在乎厭勝  
其為政恩威並用蜀民畏而愛之初蜀士知向  
學而不樂仕官詠察郡人張及李畋張遠者皆  
有學行為鄉里所服遂延獎加禮躬勉就舉而  
三人者悉登科於是蜀之學者知勸文風日振  
詠在蜀采訪民間事悉得其實嘗曰詢君子得  
君子詢小人得小人各就其黨詢之則事無不  
審矣入拜給事中為御史中丞以工部侍郎出  
知杭州遇歲歉民私鬻鹽者輒寬之使獲安濟  
有與其姊婚訟家財者婚言婦翁疾篤子纒三  
歲遺書明言異日資產以十之三付子餘七與  
婚詠曰汝婦翁智人也以子幼託汝苟以七與  
子則子死汝手矣命以七給其子餘三給婚時  
皆服其明決知永興軍真宗以詠在蜀治行  
優異復命知益州仍加刑部侍郎真宗遣使  
傳諭曰得卿治蜀朕無西顧憂歸朝求知穎

州 真宗乃命知昇州州率火災詠廉知民之  
不逞者為之懲以峻刑其患遂息轉工部尚書  
進禮部詠自金陵造朝以腦瘍未見詠恨不得  
面陳所懷乃抗論言近年虛國家帑藏竭生民  
膏血以奉無用之土木者皆賊臣丁謂王欽若  
啓 上侈心之所為也不誅死無以謝天下章  
三上出知陳州初詠與青州傅霖少同學霖隱  
不仕詠既中第致位光顯散遣親密四方求霖  
者三十年不可得詠守陳一日霖來謁閤吏走  
白詠詠責吏曰傳先生天下賢士吾尚不得而  
友汝何人敢姓名乎霖笑曰別子一卅尚爾耶  
是豈知世間有傅霖者乎詠且問昔何隱今何  
出霖曰子將去矣來報子爾詠曰詠亦自知之  
霖曰知復何言翌日而去後一月而詠卒年七  
十贈右僕射謚曰忠定詠剛方尚氣嘗有士人  
游官遠郡不能制其僕詠假以出郊斷其首而  
還又有小吏忤詠械其頸吏恚曰吏罪不至斬  
詠怒其忤即斬之少學擊劒好為大言喜事奇

節嘗謂其友人曰張詠幸生明時讀典墳以自  
律不爾則為何人邪故其言曰事君者廉不言  
貧勤不言苦忠不言已効公不言已能斯可以  
事君矣詠下急不喜入拜有拜之者則速拜不  
已或倨坐忿罵嘗自号乖崖公以為乖則違衆  
崖不利物云

送公宰崇陽序

王禹偁

今之縣尹古之諸侯自秦郡天下小國皆化為  
縣縣有政聽郡條而後行縣有長觀牧守而後  
動秩卑祿微弗足自庇固不暇使風俗之移易  
逮乎炎漢隆興始有重外之旨故命郎官出宰  
百里之邑秩四百石尊其位厚其祿蓋欲分君  
憂而求民瘼也由漢而下邑官益卑故梁竦有  
徒勞之言淵明起折腰之嘆儕胥伍吏區區于  
風塵間遂使抱王佐者恥而不居黷貨利者稔  
而自處苟縣政有闕率曰吾將罷茲邑而適它  
邑烏用革焉縣人有病亦曰吾將捨此民而莅  
它民烏用易焉觀其視一邑之政臨一邑之民

若行客之宅邸舍也待旦而去固無所惜焉風  
行雷同浸而成俗良由國家小親民之任輕字  
人之官之所致也將極其弊非聖人孰能制乎  
宋天王嗣位之五載親選貢士分甲乙科中甲  
科者通理郡事乙科者專任縣政尊以廷評之  
位重以使者之車縣政有闕得以擅革縣人有  
害得以專易既革且易不康何待詩所謂能官  
人者豈獨美于文王乎清河張詠字復之本宅  
九河間少有奇節釣魚侍饌外讀書無虛日秉  
筆為文落落有三代風今春舉進士一上中選  
將我王命葢乎崇陽分君之憂使帝心休休乎  
求民之瘼使人心熙熙乎江流之南郡大惟鄂  
鄂人得賢亦孔之樂波映鸚洲煙藏鶴樓白雲  
芳草思古悠悠堂有鳴琴足以振穆若之風樽  
有醇醪足以養浩然之氣維江湯湯鑑其襟袖  
維山峩峩媚其戶牖鱸得魴鱸果多橘柚吏隱  
于茲足保無咎且優且游勿為江山羞復之勉  
旃云爾

宋故樞密直學士禮部尚書贈左僕射

張公墓誌銘

錢易

公諱詠字復之族本居鄴占籍於澶之臨黃家  
世遷徙今為濮之鄆城人也曾祖立祖母李氏  
祖鐸祖母馬氏皆潛德不耀肥遯立園考諱景  
先以公為秘書丞時授大理評事致仕淳化四  
年秋卒以公貴累贈太常卿妣謝氏追封新昌  
郡太夫人咸平中合葬於鄆城公幼負奇骨不  
為兒戲既長出閭里奮然就學太平興國四年  
秋詣大名府舉進士今相國上谷公即其友也  
共以書白尹薦張覃為解首故河朔間有廉遜  
之風焉明年春試於便坐擢上第除廷尉評知  
鄂州之崇陽六年 郊祀轉將作丞雍熙元年  
天禮遷佐著作三考既理民疏其善固留之公  
判而絕之民不敢留解任除太子中允通判麟  
州時夏臺未安邊鄙方聳公多以兵法從事洎  
西戎即叙亦公之有畫焉端拱元年籍田轉秘  
書丞二年春充禮部考試官畢通判相州上言

具慶之下不便迎養乞督濮之市征詔從之旨  
甘從志歡於菽水雖推木之茸斯不爲愧  
年抽赴闕賜五品服知浚儀縣振北部之風凜然  
可畏未幾出爲荊湖北路轉運使即故樞密宋  
公文靖李公與今上谷相國之所薦也彰善癉  
惡知無不爲淳化四年 郊禋轉太常博士其  
年夏詔赴闕賜對長春殿錫金紫翌日除虞部  
郎中浹旬授樞密直學士賜錢五十萬始判銀  
臺通進司兼門下封駁事仍總三班院五年八  
月出知益州中謝日 面賜白金一百四十斤國  
家以大軍未集留半歲不遣公潛使人納于內  
帑至秋有詔督行遂馳駟而往終不復言至道  
二年就轉兵部郎中丁太夫人憂隨凶訃除起  
復之命重方面之寄也 今上嗣位就拜左諫  
議大夫學士如故歷四考歸闕得告拜墳域於  
濮上尋徵爲給事中戶部使七旬授御史中丞  
咸平二年春與故禮部尚書溫公同知貢舉其  
年夏改工部侍郎知杭州五年冬替知永興明

年春轉刑部侍郎復爲樞密直學士再知益州  
景德二年就轉吏部明年解政還輦下復管三  
班院兼判登聞檢院時瘍發于腦艱於晨擲拜  
章求外任養病遂知金陵後兼充江南東路安  
撫使值東封轉左丞既滿民留再任就拜工部  
尚書祀汾陰加禮部尚書而厥疾增劇乞還京  
自草奏書求分司洛下詔不允出知陳州至大  
中祥符八年八月一日棄館舍於理所享年七十  
詔贈尚書左僕射前夫人唐氏先公而卒繼室  
太原郡夫人王氏即故河陽三城節度使同中  
書門下平章事顯之女也以天禧二年終于陳  
州之私第咸擅女德崇婦道而配于公子從質  
衛尉丞公之棄世後二十八日以哀毀遘疾而殂  
孫曰約曰綜曰綽皆奏授將作主簿曰紳尚幼  
女一人適故翰林學士王公禹偁之子奉禮郎  
嘉祐祥符九年十月卒外孫曰壽今任鄆城簿  
以天禧四年八月二十九日權葬于陳州宛丘  
縣孝悌鄉謝村里也公累階至正奉大夫累勲

至上柱國累爵至開國公累食邑至三千七百  
戶食實封至四百戶五福俱集少多奇節歷八  
座之重受 二聖之知所恨者不至三事晚嬰  
奇疾耳公生平以剛正自立智識深遠海內之  
士無一異議不事產業聚典籍百家近萬卷博  
覽無倦副本往往手寫至於卜筮醫藥種樹之  
書亦躬自詳校自少學劔頗得妙術無敵於兩  
河間好弈棊精射法飲酒至數斗不亂惡人諂  
事不喜俗禮士有坦無他腸者親之若昆弟有  
包藏誠素者疾之若仇讎公之臨民也吏不敢  
欺始若摘發而頤指之間終存仁恕之道公之  
決獄也人莫能測初若疑誤而片言之下盡窮  
幽隱之跡著文不雕飾咸撫實事集十卷自謂  
之乖崖公公之典貢部也盡得寒士杜絕私託  
禮闈舊風翕然復振任臺丞也拜白簡彈執政  
之失言者人甚危之而公正色不顧有風憲紀  
綱牧餘杭也時值歲歉人多以私鹽犯禁而公  
皆異斷之不過二十罰於是日數百輩噤言邏莫

戡巡檢使已下簪笏入而啓之曰法旣亂矣將  
何爲禁公怡然撫之曰當夜會飲與爾等言之  
其夕自行酒謂之曰錢塘十萬人飢者將八九  
苟不以私鹽自活或一旦蜂聚數千輩盡其死  
命擾其不飢者爾等將奈何吾俟其秋田有成  
則約之以法於是皆服高識聞之泣下是歲杭  
人直至秋成無一夫爲盜復有民家子與婿爭  
其家聚曰先人遺命候分時婿當與七分子與  
三分手澤之誓固明焉公命爵酌之曰汝父智  
人也况汝父死之日子方三歲故託養於婿婿  
已四十苟子有七分之約則子死於婿之手矣  
今當七分歸子三分歸婿婿與子皆號慟再拜  
仰如神明兩任坤維也悉寇盜之後兵火之餘  
公理殘破禦權要無毫髮敢動者時屯軍尚多  
賊熾未息城中窘急無旬日之糧公乃封府庫  
榜城門賤鹽貴米俾博易之相次儲備悉周始  
安川蜀矣在建康也舊回祿之孽人不安堵公  
得其竊發者折脛而斬之火是後絕公爲理之

道皆此類也其服仁行義危言極諫諒標之史官此不具載易咸平二年貢部生也以孤見收擢之高第永言投報徒鏤肝骨今春得公弟殿中丞誥書一通叙公之美見託為誌且恩館之下固不可遜乃淚筆方礎庶存萬一銘曰

有大丈夫磊磊落落不為股肱忽遷舟壑愛子繼亡令孫胡託錢塘遺愛益部清風金陵奇政茲盜消蹤唯陳卧理積瘍而終霜碣號秋銀旌建夕宰木宵寒佳城晝閒萬古千齡此焉為適

故樞密直學士禮部尚書贈左僕射張

公神道碑銘

韓琦

故樞密直學士禮部尚書贈左僕射張公以魁奇豪傑之材逢時自奮智略神出動業赫赫震暴當世誠一代之偉人也某向守大名其孫堯夫主簿元城一日具書來告曰堯夫之曾祖昔事太宗真宗朝勤勞內外有大名於天下而自葬距今歷年久矣墓碑之刻闕然未立請書其實以表神道固祖烈之益光也某嘗總領史

局觀所載公文武大節頗亦詳矣然其絕異之政與夫遺愛之迹較然著于人聽者猶未完悉今得與鉅賢論次而發揚之以昭示于後世誠所願已公諱詠字復之世本鄆人後徙居澶之臨黃及公葬其先于鄆城故為濮之鄆城人曾祖諱立祖諱鐸遭唐末與五代之亂皆潛養德業退處無悶父諱景以儒行自富鄉里稱之公登朝授大理評事累贈太常卿公少儻有大志尚氣節重然諾為學必本仁義不喜浮靡太平興國四年秋與忠愍寇公同赴大名舉議將首薦公公以同郡張覃素有文行即率寇公上書請以覃為冠一府欽歎遂如公言士論多之明年春擢進士第授大理評事知鄂州崇陽縣事六年遇郊恩改將作監丞雍熙初遷著作佐郎歲滿擢太子中允通判麟州事端拱籍田恩轉秘書丞代歸通判相州事公以親老辭得監濮州稅俄選知開封府浚儀縣事賜五品服時寇公與文靖李公故樞密副使宋公湜連薦其



才擢荆湖北路轉運使淳化初就改太常博士  
制置使稱其能詔褒美之 太宗素知公可用  
召還超拜虞部郎中賜三品服未逾旬擢為樞  
密直學士知通進銀臺司兼門下封駁事勾當  
三班院時張永德為并代帥小校犯法杖之而  
死有詔按罪公封還詔書曰永德方被邊寄若  
責一小校遂摧辱之臣恐帥體輕而小人慢上  
矣不納既而果有營卒脅訴其大校者 上始  
寤公言面加慰勞四年冬東西兩川旱民飢吏  
失救卹寇大起五年正月賊首李順陷成都府  
詔遣昭宣使王繼恩充招安使率兵討之復命  
公知成都府事五月繼恩破賊收成都 上留  
公至秋始遣行時關中率民負糧以餉川師道  
路不絕公至府問城中所屯兵尚三萬人而無  
半月之食公訪知鹽價素高而廩有餘積乃下  
其估聽民得以米易鹽於是民爭趨之未踰月  
得米數十萬斛軍中喜而呼曰前所給米皆雜  
糠土不可食今一一精好此翁真善幹國事者

公聞而喜曰吾令可行矣時益雖收復諸郡餘  
寇尚充斥繼恩恃功驕恣不復出兵日以娛燕  
為事軍不戢往往剽奪民財公於是悉擒招安  
司素用事吏至廷面數其過將盡斬之吏皆股  
栗求活公曰汝帥聚兵玩寇不肯出皆汝輩為  
之今能亟白乃帥分其兵尚可免死吏呼曰唯  
公所命兵不分願就戮公釋之繼恩即日分兵  
鄰州當還京師者悉遣之不數日減城中兵半  
既而諸軍請食馬芻粟公命以錢給之繼恩話  
曰馬不食錢給錢何也公聞召繼恩謂曰今賊  
餘黨所在尚多民不敢出招安使頓兵城中不  
即討芻粟民所輸今城外皆寇也何由得之繼  
恩懼即時出城討賊公計軍食有二歲備乃奏  
罷陝西運糧 上喜曰向益州日以乏糧為請  
詠至方踰月已有二歲備此人何事不能了朕  
無慮矣公以順黨始皆良民一旦為賊脅從復  
其間有疲弱偶挂盜籍者當示以恩信許其自  
新即揭榜諭之已而首者相踵公皆釋其罪使

歸田里一日繼恩械賊數十人請公行法公詢之悉皆前所自首者復縱之繼恩恚而問公公曰前日李順脅民為賊今日僕化賊為民不亦可乎公度繼恩日橫不能改亟以狀聞願選忠實可倚者與繼恩共事庶不敢獨任上乃命入內侍省押班衛紹欽充同招安使自是繼恩兇勢為屈未幾二人者皆召歸就以劔門關總管上官正為招安使順之餘黨公撫安于內正擒討于外再閱月而兩川平至道二年改兵部郎中繼丁父與母新昌郡太夫人謝氏憂皆起復三年秋西川都巡檢使韓景祐為所部廣武卒劉肝所逐率眾掠懷安軍破漢州公方與僚屬會大慈寺報至飲燕如故舉城憂之賊又掠邛蜀將趨益公適會客報者愈急公復不問其夕始召上官正謂曰賊始發不三四日破數郡勢方銳不可擊今人得所掠氣驕敢逼吾城乃送死耳請出兵比至方井當遇賊破之必矣正即受教及行公為出送于郊激其盡力正至

附集十五

三百二十七

方井果遇賊一戰斬肝首餘黨盡平眾益服公料敵制勝人所不及真宗即位遷左諫議大夫咸平初召拜給事充戶部使改御史中丞承天節大臣主齋會被酒不如禮公彈奏之無所憚二年與溫公仲舒同知貢舉俄以工部侍郎知杭州事時歲飢民冒禁販鹽捕獲者數百人公悉寬其罰官屬執言不可公曰錢塘十萬家餓殍如此若鹽禁益嚴則聚而為盜患益甚矣俟秋成取爾當痛以法繩之境內卒以無擾歲將滿杭人詣闕請留有詔褒其善政五年冬改知永興軍府事初公之自蜀還也詔以諫議大夫牛冕代公公聞之曰冕非撫御才其能綏輯乎始踰年果致神衛大校王均之亂遂冕據益州後雖討平之而民尚未寧會益守馮公知節徙延安上以公前治蜀長於安集威惠在人復以公為樞密直學士遷刑部侍郎知益州事蜀民聞之皆鼓舞相慶如赤子失父母而知復來鞠我也公知民信已易嚴以易凡一令之

附集十六

三百三十一

下人情無不慰愜蜀部復大治轉運使黃觀以政迹聞賜詔加獎就改吏部侍郎命謝濤巡撫于蜀上遣濤謝公曰得卿在蜀朕不復有西顧之憂因詔公與濤議鑄景德大鐵錢于嘉州一當小鐵錢十銅錢一于今便之景德三年召還復掌三班院兼判登聞檢院中歲瘍生于腦不能巾擲求知潁州上以公名臣有人望兩守益部政無及者不當屈于小郡以真定府青州皆大鎮也聽公自擇公皆不就上曰昇州可乎公即拜命大中祥符元年東封恩轉尚書左丞時金陵大火災居者不安公廉知皆姦民所為潛捕得之乃命先折其脛斬之以徇火患遂絕中使祠茅山還言城中有黃雀蔽日而墜空中聞水聲上視占書主民勞謂輔臣曰但守臣得人此固無患今詠在彼又何虞也三年春秩滿昇民請留遷工部尚書再任俄以江東旱命兼昇宣等十州安撫使祀汾陰恩加禮部尚書以瘡疾甚上章求分司西京上閱之

亟令代還不能朝懇請便郡差知陳州事終于八年八月一日年七十上嘗稱公有將相器以疾未及用至是大痛惜之命優贈官仁宗朝追謚忠定公天賦正直濟以剛果始終挺然無所屈撓自力學筮仕則有澤及天下之心而以富貴為薄逸人傳霖高蹈之士與公素善公嘗與夜會劇談時諸鄰多病瘡者一夕頓愈逮登第與傅詩有巢由莫相笑心不為輕肥之句此見公之志也嘗訪三峯陳先生搏一見公厚遇之顧謂弟子曰此人於名利澹然無情達必為公卿不達則為帝王師其為高人推重如此早學擊劍遂精其術兩河間人無敵者生平勇於為義遇人艱急苟情有可哀必極力以濟無所顧惜當官凡所施設動有遠識始時人或不能測其後卒有大利民感無窮至自奉養逮于服玩之具則寡薄儉陋雖寒士不若也公退關靜室焚香燕坐聚書萬卷往往手自校正旁無聲色之好臨事明決出人意外凡斷罪以辭者人

皆集錄于今傳之在餘杭有富民病將死子方  
三歲乃命其婿主其貲而與婿遺書曰他日欲  
分財即以十之三與子而以七與婿子時長立  
果以財爲訟婿持其遺書詣府請如元約公閱  
之以酒酌地曰汝之婦翁智人也時以子幼故  
以此屬汝不然子死汝手矣乃命以其財三與  
婿而子與其七皆泣謝而去服公明斷前後治  
益變利之政不可悉紀舉其大者則公嘗以蜀  
地素狹游手者衆事寧之後生齒日繁稍遇水

附集十九

三十一

旱則民必艱食時米斛直錢三十六乃按諸邑  
田稅使其價歲折米六萬斛至春籍城中細  
民計口給券俾輸元估糴之奏爲永制逮今七  
十餘年雖時有災饉米甚貴而益民無餒色者  
公之賜也蜀風尚侈好遨樂公從其俗凡一歲  
之內游觀之所與夫飲饌之品皆著爲常法後  
人謹而從之則治違之則人情不安輒以累罷  
去嘗寫其真自號乖崖子復爲贊曰乖則違衆  
崖不利物乖崖之名聊以表德及公之亡也蜀

民聞之皆罷市號慟得公遺像置天慶觀之仙  
遊閣建大齋會事之如生至今不懈昔召公分  
陝而治民愛而思之嘗聽訟于棠下戒勿翦伐  
羊公在襄陽立碑峴首民戴遺德過輒墮淚後  
歷千餘載能繼其風凜然如存者獨公一人而  
已公有清鑒善臧否人物凡所薦辟皆方廉恬  
退之士嘗曰彼好奔競者將自得之何假吾舉  
益不貢士者幾二十年學校頽替公察郡人張  
及李畋張達者皆有學行鄉里所服遂延獎加

附集二十

三十二

禮躬勉就舉後三人悉登科歷美官於是兩川  
學者知勸文風日振由公之誘掖也文章雄健  
有氣骨稱其爲人嘗爲聲賦梁公周翰覽而歎  
曰二百年來不見此作矣有文集十卷公以某  
年某月某日葬于陳州之某地夫人唐氏先公  
而三繼王氏故河陽三城節度使同中書門下  
平章事顯之女封太原郡夫人天禧三年終于  
陳之私第子從質衛尉寺丞公云未踰月哀毀  
而卒一女適故翰林學士王公禹偁子奉禮郎

嘉祐孫幾人某為某官銘曰

太行峙朔河瀉天河山之間實生大賢賢不  
徒出惟聖偶焉發為事業文武之全兩治西蜀  
荐綏南夏易亂以寧即荒而化夫惟管蕭尚足  
王霸如公之材不宰天下而俾惠澤止濡一方  
錫民父母遺國棟梁有煒公蹟日星之光何假  
斯文始傳其芳

湖北漕司乖崖堂記

李燾

乖崖堂為忠定張公復之作也乖則違衆崖不

附集

二十一

三百廿二

利物此復之自贊其畫象云爾象故在成都仙  
遊閣上或摹寫置鄂之部刺史聽事後屋壁間  
迫隘囂塵與象弗稱余既更諸爽塏并書所以  
作堂意揭示來者謹按復之名詠郢城人太平  
興國五年第進士宰崇陽有異政淳化初繇浚  
儀擢使荆湖北路閱三歲召拜樞密直學士尋  
出守成都大中祥符八年卒於淮陽追謚忠定  
則皇祐三年詔也復之矯節景行海內傾屬其  
居朝廷之日少處方面之日多不登相位君子

歸譏于時寇平仲王子明皆復之同年皆賢者

平仲相 真宗攘却戎狄天下至今受其賜而

復之顧謂澶淵一擲我不能為使復之當平仲

之任其處此必有道矣玉清昭應宮之役子明

不能強諫奉天書行事每有愧色復之獨抗疏

乞斬丁謂以謝天下子明病革 真宗擬相復

之則復之云矣使復之無恙丁謂何敢肆其姦

欺周懷政雷允恭亦安從始禍復之嘗譏平仲

不學無術或謂復之太過而平仲獨心服焉未

路低回還秉鈞軸訖與禍會視復之學術寧不

少愧哉復之本不欲仕希夷子謂當拯民於水火

不宜輒自肥適復之乃仕攘袂纓冠誠非得已

凡所與交多方外佚人視弃軒冕猶弃敝屣耳

其至大至剛以直之氣一生未始少屈至今廩

然也畫象服飾悉如隱者是殆將乘星載雲揮

斤八極超無友而獨存夫孰敢嚇以臭腐拘係

之使從乎惟茲江山皆復之舊所經行風期神

會尚能為余一來舊史恨復之下急躁競此蓋

當時奴婢小人私謗竊議果不足信要當以宋子京趙閱道韓穉圭司馬君實所錄爲實上章攝提格則涂甲子眉丹凌李壽仲仁父書

崇陽縣重建北峯亭記 項安世

國家開荆之初治體恢洪世論闕曠外以兵界郡備雖寡而政得立內以民界縣位雖下而教得行士大夫養氣知道有行己濟時之功小民愿慤從令有尊君親上之俗方是時九河張公以伊筦之才解褐赤墀下授大理評事知鄂州

崇陽縣見旺有負菜向村者問而撻之曰此惰農也土俗以藝茶爲生令皆拔去植桑曰人將推汝此二事付之淺俗必曰行詭政撻無辜民何疑而公安爲之民安聽之教成俗遷垂利百世豈公與民獨得至此識治者必知所自來矣縣之西曰美美亭縣之北曰北峯亭皆公游賦之地民舊以西亭祠公隆興二年沼其前以物魚鼈移公置北亭上亭久復廢慶元初主簿王君田奉公像祠于學六年知縣事任君希夷謂祠

于學良是然亭乃公啓惰旺處也敬隆而迹泯士事而民弗瞻則公之意其存者有幾乃復亭於此山上摹公像龕之使來告曰九河公文在方冊行在記錄功在太史至今言淳化咸平者猶以得公爲盛况吾縣在窮山中戶不能四千而其民乃得親受公教令今其在者皆雲若昆朝耕白泉之陂莫祝龍巖之谷遺迹隱然與二亭而四可不謂榮乎幸勻我一記俾君姓名與榮其間安世按公以太平興國五年與寇萊公同第進士寇宰巴東公宰崇陽皆在今湖北路至淳化元年公復爲荆湖轉運使時猶未分南北計其條教在民應不減治杭蜀時今陳師道王得臣書中所記皆止二事則知當時已相與恠此然則士之行志豈易事哉蓋嘗聞公之學遠有原緒以太極爲本以陰陽爲端視天下禍福無足動其心者惟以尊主庇民崇本抑末扶正黜邪爲己任其爲治務端好惡以新民明賞罰以率下議者以公似諸葛孔明推此類觀之

英霸明豁誠庶幾焉然吾視任君操行修嚴而詞兒淵邃幹略堪濟而風致遐謐大率揆宜施化量俗立規不爲改視易聽之事而民自以不欺此其作計非襲公明甚顧慨然與公相期亭上若出一門是必有可思者又按陳氏書言公問菜時實坐城門下王氏則云登喜豐亭見之今亭名小異而事與王合以余觀於張公當依陳說爲近未知它人以爲如何併書之以告來者嘉定三年正月十九日江陵項安世記

忠定公遺事

公令崇陽民以茶爲業公曰茶利厚官將推之不若早自異也命拔茶而植桑民以爲苦其後摧茶他縣皆失業而崇陽之桑皆已成其爲緇而北者歲百萬匹其富至今始令下惟通城一鄉不變其後別自爲縣民亦貧至今也公在崇陽嘗坐城門下見里人有負菜而歸者問何從得之曰買之市公怒曰汝居田里不自種而食何情耶笞而遣之

張忠定守蜀聞萊公大拜曰寇準真宰相也又曰蒼生無福門人李畋怪而問之曰人千言而不盡者準一言而盡然仕太早用太速不及學耳張寇布衣交也萊公兄事之忠定嘗面折不少怨雖貴不改也萊公在岐忠定在蜀還不留既別顧萊公曰曾讀霍光傳否曰未也更無他語萊公歸取其傳讀之至不學無術笑曰此張公謂我矣

右見談叢

昔忠定張公坐北峯亭視亭上田疇膏腴而無水利稍闕雨澤未多旱損公相視山川原隰高下可決渠圳通流灌溉遂於白泉上源爲陂堰水入圳溉田數百頃後無復旱傷之憂公決遣多坐此亭視百姓農作勸勤責怠故能地無遺利焉

右見圖經 云見忠定語錄

公嘗爲崇陽宰又嘗爲湖右漕有功德在民知植桑折絹事有足紀蓋崇民自昔惟以摘山負

販為業而不知有蠶繅機織之勤公至教其技  
茶而植之以桑厥後絲帛不勝用而民益富乃  
号劇邑然生齒滋衆而聲價騰溪山峻險而漕  
運阻歲常以支移苗斛為艱及公領漕又為請  
于朝俾以緡代詔下遂為永制詔今稱便

右見通城縣祠堂記 令饒伯達撰

故尚書張詠嘗謂人曰吾榜中得人最多慎重  
有雅望無如李文靖深沉有德鎮服天下無如  
王公面折廷爭素有風采無如寇公當方面寄  
則詠不敢辭

附集二十七

三十八

右見王文正公遺事

乖崖守蜀兵火之餘人懷反側一日合軍旅大  
闕始出衆遂嵩呼者三乖崖亦下馬東北望而  
三呼復攬轡行衆不敢驩或以此事告韓魏公  
公曰當是時琦亦不敢措置

右見塵吏

李順王均亂蜀張公鎮成都一日見一卒抱小兒  
在廊下戲小兒忽怒批其父張公見之集衆語

曰此方悖逆乃自成俗幼已如此况其長成豈  
不為亂遂令殺之數日間又一卒相毆公問知  
其一乃上名遂斬次名自是一軍肅然

公凡有興作先帖諸縣於民籍中係工匠者具  
帳申來分為四番役十日滿則罷去夏則卯入  
午歇一時冬抵莫放各給木札一襖以禦寒工  
徒皆悅有一瓦匠因雨乞假公判云天晴蓋瓦  
雨下和泥事雖至微公俱知悉

右見危史

附集二十八

三十九

張詠知益州有巡檢所領龍猛軍人潰為羣盜  
龍猛者本皆募羣盜不可制者充之慄悍善鬪  
連入數州俘掠而去蜀人大恐詠一日召鈐轄  
以州牌印付之鈐轄愕然請其故詠曰今盜勢  
如此而鈐轄晏然安坐無討賊心是必欲令詠  
自行也鈐轄宜攝州事詠將出討之鈐轄驚曰  
某今行矣詠曰何時曰即今詠顧左右張酒具  
城西門之上曰鈐轄將出吾今餞之鈐轄不得  
已勒兵出城與飲於樓上酒數行鈐轄曰某願




有謁於公詠曰何也曰某所求兵糧願皆應副  
之詠曰諾老夫亦有謁鈐轄曰何也詠曰鈐轄  
今往必滅賊若無功而返必斷頭於此樓之下  
矣鈐轄震慄而去既而與賊遇果敗士衆皆還  
走幾十里鈐轄召其將校告之曰觀此翁所為  
真斬我不為異也遂復進力戰大破之賊遂平


右見涑水記聞

附集二十九





寇忠愍集



錄藏宋萊國忠愍寇公詩集引

惟有天下之大才斯成天下之大務所謂天下之大才前代姑置弗論若宋萊國忠愍寇公者非其人與其相眞宗也虜犯瀘淵勸上親征不動聲色而措天下於泰山之安非成天下之大務與竟以讒譖謫居遐荒齋志以沒人皆冤之尋詔歸葬洛師又詔復官爵又詔節惠易名又詔史臣述功行以垂後世卒於公無以損而公之名愈彰彰於世矣承裕年甫三十餘讀公之詩知其有劉長卿元微之之風格於是錄而藏之時時展讀則公平生爲人之大概未嘗不往來於胸臆間也時弘治庚申歲夏四月平川王

忠愍文集引

關中叢書

承裕書

萊國寇忠愍公旌忠之碑

參知政事孫抃奉

勅

上祀合宮之明年夏四月召兩府臣諭之曰故太子太傅萊國公寇準方嚴鯁亮有文武偉才在

太宗

眞宗朝建大功立大節輸謀納忠誠貫白日不幸以譴終朕甚歎嘉之其敕史氏譔揚勳烈具誌于石用垂示來世遂以命臣抃翌日又下詔賜旌忠之額且親篆以賁寵焉臣承命恐悻謹拜手稽首書其事公諱準字平仲其先出

忠愍文集

關中叢書

上谷昌平蓋春秋時司寇蘇公有勞於王室因官以命氏後世率多聞人若東漢恂子翌漕河內破蘇茂畫像雲臺爲中興勳臣曾孫侍中榮以辨繁亡匿宗黨潛散他土故譜牒亡傳又數世有徙居馮翊者籍于三峯下遂爲華州下邽人曾祖賓祖延良以唐末亂不仕父湘博古嗜學終有文章名晉開運中登甲科冠多士後應辟爲魏王記室焉知人者惜之以公貴封燕陳晉三國公贈官至太師尙書令曾祖母白氏祖母鄭氏母趙氏封許陳曹三國太夫人準始生風骨峻爽與常童不類及從師入學校趨隅占對毅然有成人風采旣冠讀左氏公羊穀梁傳不俟講說

不循注疏三家異同之說輒援筆剖析以辨明之辭適理  
正沛若大手先儒老生曰是真所謂宿習者年十九一舉  
擢進士第解褐授大理評事知歸州巴東縣時太平興國  
五年也後三歲補大名府成安軍三遷殿中丞調兵食于  
西夏還差通判鄆州得召見稱旨遂給札試禁中授右正  
言分直東觀中謝日賜緋袍銀魚罷汶上之命充三司度  
支推官俄轉鹽鐵獨司判官公事會詔百官邊事準極疏  
利病天子器之擢署尙書虞部郎中充樞密直學士賜金  
紫判吏部東銓未幾丁曹國太夫人憂有詔權奪不得已  
起視事淳化改元授左諫議大夫充樞密副使尋改同知

忠愍文集

二 關中叢書

樞密院事封上谷縣開國男是年十月領青州明年九月  
召赴闕守本官參知政事中進封上谷郡開國侯至道二  
年閏七月知鄧州

眞宗皇帝嗣位遷尙書工部侍郎咸平元年五月移河陽  
軍二年八月改同州三年夏朝京師行次闕鄉就授鳳翔  
府五年五月詔詣行在轉刑曹權知開封府六年六月遷  
兵部充三司使進封開國公時始復鹽鐵度支戶部爲一  
使景德六年特授守本官同中書門下平章事集賢殿大  
學士二年十一月加中書侍郎兼工部尙書三年二月罷  
相進刑部尙書知陝府祥符初扈從東封回遷戶部尙書

知天雄軍四年四月改兵部尙書車駕幸亳權東京留守  
六月遷檢校太尉同中書門下平章事充樞密使八年四  
月罷機務授同中書門下平章事持節鄧州諸軍事行鄧  
州刺史充武勝軍節度鄧州管內觀察處置使知河南府  
兼西京留守司移判永興軍天禧元年二月換節襄州三  
年四月詔赴京六月特授行中書侍郎兼吏部尙書同中  
書門下平章事充景靈宮使集賢殿大學士十二月改尙  
書右僕射四年六月罷相授太子太傅進封萊國公九月  
降授太常卿知相州八月移守安州途次棗陽貶道州司  
馬乾興元年二月再貶雷州司戶參軍準疏通博裕果敢

忠愍文集

二 關中叢書

沈毅能斷大務不循細檢喜風幹善議論與人無城府接  
物無崖岸顧大義可爲者必奮厲翔躍以身先之其勇若  
賁獲至於外險中艱斬然涯垠亦坦坦無退衄意聞一善  
薦道推輓不進用不已附離苟合者疾之如仇雖初補吏  
治二邑推至信部中會期賦役止計鄉里姓名論寺門民  
赴之無毫髮稽遲者本道論薦至有以魯恭卓茂爲比嘗  
奏事

眞宗言切直上怒起準以手攀帝衣復御座持議益勁固  
神色瞭然事既決乃退上曰此眞將相才吾得之若唐文  
皇倚魏鄭公爾歲大早上問政闕失準對曰在洪範天人

之際若影響是固刑有所不平爾祖吉王維皆陛下朝臣  
 頃曲法受財各鉅萬計吉伏誅家具籍沒維止校于私室  
 仍領濠之定遠簿蓋參知政事沔同母弟也陛下重輕如  
 是亢熯之咎殆天所以誠告上嗟悟者久之咸平景德中  
 契丹頻歲犯塞多縱遊騎剽略小不利即引去僞徜徉無  
 鬪意準曰是狂我也願朝廷練帥領簡驍銳分據要害地  
 以捕之是冬果大舉舉國來寇越以橋攻高陵直抵于瀘  
 魏將飲馬河瑞

眞宗憂之召羣臣議或曰寇深入矣宜戒嚴京城益重兵  
 守衛或有西南之幸準止之曰淺議方今聖德明備上合  
 忠愍文集

四 關中叢書

天心將臣協和參講師律若帝馭順動一舉而北彼黨類  
 自當遁走設未然則出兵以撓其謀堅守以老其衆顧主  
 客勞逸之狀我得勝算必矣上悅於是大駕北征至瀘南  
 城中外獻言願駐蹕以觀形勢準曰不過河則人心未寧  
 膚氣未懾非所以取威決勝也且王超領勁兵屯中山以  
 扼其吭李繼隆石保吉以大兵扼其左右肘四方征鎮赴  
 援日至何慮而不進固爭之連頓首於上前意氣詞語憤  
 然感慨是日幸北寨御北樓觀視營壁撫勞部伍軍民歡  
 叶自近及遠聲振于數郡虜相視怖駭不能成列俄而勁  
 弓伏發殄其元帥因密奉書以請盟朝廷始遣曹利用往

成之御史缺準取沈毅敢言士塞詔同列者不悅屢白吏  
 持例文進準曰宰相所以器百官今用例則所謂進賢退  
 不肖乃虛語耳命去之故士擢用在準持衡時得人爲多  
 先帝倦庶政丁謂曲姦迎合結權倖以用事準請問便殿  
 數其姓名曰某與某皆壬人異時不可輔少主願更擇方  
 亮大臣爲羽翼矧皇太子睿德天縱英聲日茂延師傅議  
 經史默識古今成敗事見臣僚決機務周知天下安危計  
 雖周之成漢之昭殆難以擬議陛下胡不協天人之係望  
 講宗社之正謀引登大明敷照重霄固祖宗萬世之基本  
 言訖俯伏嗚噎議未下明日黨人以急變聞飛語密中準

忠愍文集

五 關中叢書

準坐此得罪既行過零陵踰大陂護兵從騎先後不屬溪  
 夷乘間鈔掠而去已而酋長召告之曰聞寇準在道若等  
 柰何竊賢相行囊神明其祐若乎趨遣種人持所掠還準  
 伏道下引罪且拜公慰遣之至南海晨旦朝謁從事如常  
 時謂其子曰守法奉正士人常操以窮通成敗易之者非  
 吾意先是署東偏屋凡數楹陋不庇風雨準完基訪材構  
 爲層樓置几榻其間經史老莊及天竺書環列前後暇或  
 看誦之賓至則憑高瞰虛笑語燕燕若初無廊廟之貴者  
 嶠南山水峻絕其道路往往斬崖瀕澗曲折高下馬不能  
 平進郡縣官有伐竹爲輿以迓準者準謝曰吾罪人騎

馬足矣冒炎瘴捫險阻日行百里左右爲之泣下準昂然無隕穫容色其度量過人如此及雷陽吏以圖獻閱視之首載郡東南門抵海岸凡十里準恍然悟曰吾少時有到海祗十里過山應萬重之句迺今日意爾人生得喪豈偶然耶自是色空夢幻深詣諦法危坐終日寂無他營天聖元年閏九月移授銀青光祿大夫檢校國子祭酒行衡州司馬是月七日以疾終於貶所年六十三嗚呼非常之功遇非常之器業然後成不世之節待不世之忠賢然後立且準初繇計府入輔屬三聖紹統四隅和晏上方講稽儒術尊右文教以成太平之形容敵人睚眦出我不意衆號

忠愍文集

六

關中叢書

百萬北方騷然文紳武綏策慮倒置準抗難犯之色建不拔之議天威輝揚霆激而雷掣大惠鋪迪春熙而日融民焉息肩士也卷甲懷彼氛稜凝爲至和逮今三紀矣而羽書不馳烽燧不舉義信惇結古無與鄰準之功馬伏波周尙父之功矣洎自秦川再相時闡親政猾儉當路恟恟中外靡遑底寧準密圖本元深遏萌漸毅氣一吐形于謨明排邪斥疑濱死不顧闡準之風者心魄駭禡而後知大正不可干大奸不可肆大名不可取大器不可窺佞夫忠懦夫有立志及

眞皇棄天下倖黨斂手畏伏忠義兩宮坐朝庶政平一輔

翊慈惠卒隆寶圖準之節霍子孟狄梁公之節矣準篤志于學而晉公亡歲時祠祀感激涕淚泫然若孺慕者終其身不易在成安兄弟以下葬爲請準曰未也父爲士子爲大夫葬則士祭則大夫吾先人以文學中高第卒事王藩若追贈未逮則倍臣矣吾豈忍以士禮葬旣通顯乃護二喪還成安太子遣中貴人勉諭贈恤恩數踰等大爲搢紳榮初丁崖貳政以諛冒自任又能陽爲戚施伺人顏色密圖忌間之漸一日會食政事堂羹瀝準鬚謂起以袖徐拂之準正色曰公忝國大臣乃曲躬爲官拂鬚耶謂大愧其後邪正寢戾甚於冰炭簧言營營日肆媒孽準簡固醇挺

忠愍文集

七

關中叢書

未始一疑於心故及南遷之難至今天下皆冤之無幾何謂敗得竄道繇海康準從者有欲釋憾謀不利於謂準知之陳大席一廡間設戲具悉召坐且命之博弈因隱机觀焉聞謂行乃罷平生著述於章疏尤工國政民事亡巨細鈞校利害爲上悉陳之其旨粹其言簡故多所開益餘藁都焚滅棄去雖至戚不得見好爲詩警策清悟有劉夢得元微之風格其氣餒奇拔則又過之準起諸生兩朝內外更委幾四十載其間較評詮選總決浩穰主財利之煩膺居留之重助敷密畫參告大猷剖符十藩持節二鎮一踐樞弼再登宰輔小則糾逖逋隱刷除弊欺嚴之以關防正



之以繩墨差立定格牢不可踰大則鼓動賢業彌綸帝載  
朝家糸之休戚政教關之治亂表正四海斷焉一德凡累  
封戶萬二百真二千七百爵上公階勳極品功臣始賜推  
忠佐理加推誠保德崇仁忠亮翊戴人臣之遇其亦至矣  
然而不置私第不營田園所得俸賜皆分給宗黨故舊去  
之日家無餘資及

朝廷許葬洛師獲還之費僅能完給久之詔復舊官爵賜  
諡曰忠愍公前娶許氏故給事中仲宣之女不及準而亡  
再娶宋氏故左衛上將軍邢公延渥之女封晉國夫人準  
無子以弟之子隨爲後隨勁介有履行終于殿中丞女四

忠愍文集

八

關中叢書

人長適樞密使尙書吏部侍郎同中書門下平章事王曙  
次適太府卿畢慶長次又爲畢氏繼室次適司封員外郎  
直史館張子臯孫四人長諲贊善大夫次誦誠並大理評  
事次諭未仕君子謂公慮己也輕以約謀國也勇而固義  
在則死不足畏義亡則生不足惜勢無以移其操利無以  
疾其心出處始終孚合大正昔之垂勳名載簡編者有幾  
宜乎沒世三十年而猶天子思之生民懷之搢紳景行之  
古風穆然炳炳如在詩云樂只君子邦家之基準之謂也

銘曰

太宗膺圖章聖御極丕昭武經誕布文德準起孤童遂階

貴籍歷事兩朝荐釐庶職剛嚴俊明篤厚直直非義不蹈  
非忠不迪開補治具桓桓智力指陳機宜侃侃容色遼人  
猖狂入犯王域蟻結魏南狼跳燕北準抗一言羣類惕息  
天嗣繼照闔慈參翊猜萌搆險佞間投隙準矢一謀姦人  
踧踏晏晏萬務愉愉四國如石之堅我社我稷如山之安  
我疆我場亮節高峙讒言衆惑勞旣不圖咎從而得風濤  
暮涉瘴嶺晨陟氣凌飛雲誠貫白日至于隕世曾靡憂戚  
道無久否帝用近惜申詔在庭俾書其實海田變更陵谷  
遷易準之大名時萬時億

忠愍文集

九

關中叢書

新開寇公詩集序

道州介乎湖南廣西之兩間江山迴合秀潤所鍾風俗淳厚其民尊賢樂善為兩路甲自昔聞人如陽亢宗元次山呂溫薛伯高等相繼為州刺史邦人榮之經數百年至今祠事不忘也次山嘗節度荆南又經略容管等入州矣然世必曰元道州而獨道州祠堂在焉丞相萊國公以元勳大德歷事

太宗

真宗二帝膏澤滲漉衣被天下方其盛時出入將相雄藩鉅鎮分闡授節濟民利物隨在周洽暮年遷謫始至道州

忠愍詩集序

關中叢書

其在道州也躊躇退縮卷而藏之固無向時之施設也然百餘年間求其遺迹而諸鎮之客館皆丘墟矣惟道州有寇公樓尚繪公像事之豈非尊賢樂善之俗然乎宣和壬寅次翁受命假守既至拜公像凜凜若見其人方且朝夕磨勵取公師法施之郡政顧樓久不葺迺命工易棖桷之腐朽者完甃砌之頽闕者飭聖牖之漫漶者既煥然一新矣又得公詩三卷凡二百四十篇為校正其訛錯鏤板傳久且公之事業焜耀竹帛與日月爭光非待詩而後傳也蓋以慰邦人無窮之思而么麼趨趨亦庶幾託公詩以不朽乎宣和五年十二月朔濟南王次翁序

忠愍公詩序

國范雍述

金紫光祿大夫行尚書戶部侍郎知河陽軍州事上柱混茫之始判而異焉騰為輕清降作重濁著之顯者從其類矣是故三辰晶明委照萬寓風雲縹緲周流入極附於天也培塿成垤因之原隔潢汙積泓隨其窪窳從其地也其間萬物悉由稟焉若稟之清者飛則為鸞鳳鵬鵠走則為麒麟駟駁茂則為芝蘭菹芷植則為松桂筠篁引而伸之不可勝數人為物之靈也是以得乎輕清則為賢為聖為明為哲為君仁而睿為臣正而肅為父慈而溫為子恭而順發為事業則惠愛同濟聰敏純慤形於文章則典切淵奧鴻博麗正斯蓋出乎異稟忠愍公所謂輕清之降靈焉其鍾體質也溫粹莊厲和氣襲物其立臣節也端亮平直英風可尚其施政教也寬簡明裕視民如傷其為文章也優贍微婉屬意綿密尤工於詩曲盡風雅藻思宏逸峻格高遠因興發詠必根於理得騷人之旨趣焉故所成篇詠膾炙眾口傳寫寶秘恨不多得鴻筆奧學靡不欽歎故樞相文康即公之婿實有道之士焉志公之墓敘初知巴東日詩家者流目為冠巴東以方前代羅江東趙渭南也錄公警策之篇若遠水無人渡孤舟盡日橫到海只十里

忠愍詩集序

關中叢書

過山應萬重此詩二全篇也等句又謂公之為詩必本風騷之旨

而以感傷為主嘗為江南春二絕其一曰波渺渺柳依依

孤村芳草遠斜日杏花飛江南春盡離腸斷蘋滿汀洲人

未歸其二曰杳杳煙波隔千里白蘋香散東風起日落汀

洲一望時愁情不斷如春水人曰少貴無不足者其據辭

綺靡可也氣焰可也惟不當含悽爾今而思之迺暮年遷

謫流落不歸之意詩人感物固非偶然時以為文康公之

知言也大約公之為詩多有此意又如聞杜宇云曾為深

冤無處雪長年江上哭青春平林雨歇殘陽後愁殺天涯

去國人此非先詠南行之事乎公平昔酷愛王右丞韋蘇

忠愍詩集序

二 關中叢書

州詩吟詠斯則過矣雍頌為公倅常從游謙多聞其得意

之句情思閑雅聽之忘倦隨錄簡牘才數十篇今守三城

會監軍趙侯臨即公之中表也日與游接時道公詩因請

於公家盡錄昔所存紀得二百餘篇并前之所錄不在此

數者及謫官後趙公所記共二百四十首類而第之分為

上中下三卷其餘流落無復求購懼歲久磨滅因序以成

編此第言公之詩也若大節賢行則有追諡詔旨存焉亦

錄于集首俾開卷者不獨仰騷雅之道爾

贈諡誥

知制誥丁理行

勅夫徇義保躬賢哲罕兼其致原心觀行褒沮得伸其公

惟節惠之舊章實經世之明勸不有正議孰旌遺烈故開

府儀同三司太子太傅上柱國萊國公寇準器質莊重風

猷簡貴感會先聖綢繆上司明心若丹直道如矢逮余主

鬯之日實乃秉鈞之秋圖惟協恭罔有二事遵盜言之嗜

沓挾危法以中傷白璧易污具錦難辨再罹遐謫遂及云

亡終悲寒露之歸徒軫幽泉之痛間雖游伸澄雪追賁寵

嘉而誅功易名尙闕恩禮沉謀秘畫淪于疑論逝者莫愬

朕甚憫之諡法有危身奉上曰忠佐國遭憂曰愍合是休

典慰其煢魂宜特賜諡曰忠愍

忠愍詩集序

三 關中叢書

忠愍公詩集

忠愍公詩集卷上

開府儀同三司太子太傅贈太傅中書令上柱國萊

國公寇準著

奉和御製中秋翫月歌

戒井銅龍漏水平玉輪初滿物華清光連南極星輝正影  
泛中天帝宇明風來蘋末披輕霧香濕蘭叢浥零露絳河  
橫度燦雲章靈鵲羣飛遠官樹法久照今慶昌時樂芳宴  
兮忘疲數睿文兮玩澄景當嚴更兮漸永九門祕邃敞堯  
宸靄靄金波矚目頻進牘豈能抽鄙思賡歌深媿預朝倫

奉聖旨賦牡丹花

時正言直館

忠愍公詩集卷上

關中叢書

栽培終得近天家獨有芳名出衆花香遞暖風飄御座葉  
籠輕靄襯明霞縱吟宜把紅牋劈留賞惟張翠幄遮深覺  
侍臣千載幸許隨仙仗看穠華

奉和御製南郊禮成

荐降靈符昭瑞命交修感則薦清衷朝眞曲里揚丕烈類  
帝圓壇報昊穹述職萬邦咸執玉來庭異域協占風禹功  
高大天無極堯德明如日正中福浸含生臻富壽澤流綿  
宇霈龐鴻燦盛豐潔神皆饗金石和平政本通鬱鬱雲煙  
當書麗熙熙景物共春融羣臣忭蹈瞻宸辰願比南山祝  
壽躬

奉和御製眞游殿上梁

敦崇妙本膺丕貺濬發鴻源示永年吉語密傳當乙夜粹  
儀祗覲擁祥煙皇心翼翼精齋至祖德綿綿道誨宣誕集  
純禧彰錫羨交修茂典表欽先爰稽大壯新瓊宇仰法殊  
庭設綺筵山積瓌材咸備矣神扶華棟見巍然元龜獻兆  
良辰協哲匠施勤庶藝全四柱如翬循寶勢觚稜削玉燦  
珠躔黼帷夙設宸居麗翠葆躬臨聖志虔報答明靈陳盛  
會睿詞敷暢煥雲牋

奉和御製郊外觀稼

天苑清塵宿雨收翠華觀稼慶盈疇氣和玉燭成豐歲露

忠愍公詩集卷上

關中叢書

冷金莖凜素秋日麗鮮原平杳杳煙含嘉穀鬱油油共知  
省斂敦農事信史騰芳紀聖遊

瑞慶園觀稼奉聖旨次韻

善苗棲畝昭靈貺禁苑鳴鑾值素秋斂籍神倉符禮本采  
詩良耜慶農收宴開雲幄皇慈洽日駐天衢睿賞留千載  
逢辰增嶽抃清塵叨從屬車遊

應制賞花

上苑經春雨宸遊屬盛時花光籠寶檻柳色暗龍池漱灑  
雕觴滿融和暖日遲共歌成至樂千載播聲詩

應制太清樓觀書

仙禁開書府神毫紀格言簡編包舜禹圍範總乾坤稽古  
崇邦教斯文闢聖門從遊觀奧秘何以報宸恩

御製乃眷儲闈方崇學術錫羣書於冊府勵至業於  
承華日命近班同觀盛事七言十韻詩一首奉聖旨  
次韻

景命昭彰佑德基元儲敦裕協祥期寢門劬至嘗無忘學  
肆多聞詎有疑金玉騰音鏘睿旨簡編中錫振良規河圖  
奧秘言誠訓藝圃優柔善益資玉宇風清傳密詔蓬山雲  
委錫芳鞋天顏不遠回宸眷肉味都忘聽寶辭燕翼詒謀  
欣教盛上庠隆道慶才奇叨逢華日居黃閣久待宣遊近

忠愍詩集 卷上

三 關中叢書

赤墀恩厚荐承三書接力微寧致百工熙東闈疏問英猷  
遠聖慮乾乾更念茲

御製慶先后升附禮成七言六韻奉和

天錫靈符興寶祚澤流綿宇福合生蒸蒸至孝咸歸厚翼  
翼精衷尙執盈順考漢儀彰道廣欽崇周典闡文明豆籩  
合饗豐盛備管磬同和雅奏成愛景融輝昭善應非煙絢  
采協殊禎尊升茂典光惇史稽古鴻猷振帝紘

應制賞花釣魚

龍禁合佳氣鑾輿下建章碧波微蕩漾紅萼竟芬芳玉罍  
春醪滿金波畫漏長逢時空竊抃萬寓正懽康

和御製降聖節內中道場觀瑞鶴神雀歌

秋殿霜凝當永夕靈場齋潔方無數高眞諄誨昔親聞上  
帝休禎今再覲鬱葱令卿雲仙鶴兮不羣肅清兮采席神  
雀兮振翼香飄華燭焰亭亭風度翠簾聲歷歷嘉應紛綸  
寶運昌聖人功與天無極

奉和御製奉祀述懷歌

巍巍至德充綿寓翼翼宸心臨兆庶覆育懷生動法天講  
求茂典皆師古協和神化踵唐堯彬蔚頌聲踰吉甫赫奕  
皇威振入荒清夷王度綏中土豐年朝野正懽康溢牒充  
圖福紀祥睿聖繼明恢大業禎符錫祚降穹蒼省方展案

忠愍詩集 卷上

四 關中叢書

宣邦職登岱銘功舉國章睢上埋牲專事地漢唐故實存  
聞記精靈昭感果潛通瑞應昭臻知所自飈羽光臨神告  
彰洪源肇啓僊游暨瀨鄉舊壤關珍詞款謁齋莊敦睿意  
譙都奏牘達彤庭耆耄雲趨共瀝誠順考皇儀尊妙道再  
修盛節徇輿情聲明文物當興運申命羣儒究禮經秩秩  
德音咸布惠穰穰景福必求成恭虔茲祠爲齋久企仰眞  
風志克勤肅奉蕭薌嘉薦備廣覃慶賜湛恩頻式揚丕烈  
心彌潔祇上鴻名道益伸將覩虞巡陪法從幸同鳧藻樂  
昌辰

大安殿致齋

國陽崇大報王宇藻多儀散致尊王度懷柔祝帝禧儲精  
通合漠玩志協微夷律正風來迥宵長月上遲漏筒聲浙  
瀝陞戟影流離夙戎羣倫序交懽百慮怡星繁陳法仗雲  
密蔭平達傳曉鳴梢動威容罄率祇

大安殿酌獻天書

聖運昭惟永高眞協降祥方嚴泰壇祀先薦釜山章典禮  
官無曠涓辰筮有常中天華闕秋象哀眸容莊宵迥星河  
燦風微羽衛揚獻酬靈契接陟降寶儀彰顧謁欽元命寅  
恭達上蒼彌文輝竹帛備物儼蕭薌尊道宸心至登春雅  
俗康猶將奉齋潔禔福俟穰穰

忠愍詩集 卷上

五 關中叢書

西垣致齋日因成一章呈二相公

攝事脩雩祀齋居近紫庭千門夏雨歇高樹夕陽生更散  
掖垣靜風來鍾漏清巖廊慙舊德書殿愧羣英白髮將何  
補丹心忽自驚敢言陪邴魏三接奉休明

瓊林苑應制

鳳蹕出重城宸遊順物情檻花紅藥盛苑樹綠陰成雨過  
池塘靜風來殿閣清樂和堯酒滿千載樂昇平

和御製祀后土

臨晉迎清蹕靈壇備克禋薦誠祠后土求福爲蒸民展義  
王猷遠推恩慶賜均千官陪漢祀萬國奉虞巡仗衛明初

日郊原麗上春花飛函谷路柳暗大陽津宿麥深藏雉柔  
桑遠映人河流迴二陝山勢壯三秦蕭鼓聞睢上旌旗過  
渭濱天聲 野兵氣懾 隣在鎬皇懽洽橫汾睿藻新  
周南慙滯迹空想屬車塵

述懷

吾家嗣儒業奕世威冠裳桂籍冠倫輩天下知聲光有才  
無其命不得步玉堂余亦好古者詩禮承餘芳赴義忘白  
刃奮節凌秋霜垂衣遇聖主射策遭時昌十九中高第弱  
冠司國章棘寺陪法吏奉使安殊方薄才難變俗賤節唯  
勤王務簡忽興念不覺心徬徨慈親違萬里瘴雨悲南荒  
端居增浩歎離恨銷剛腸木落多異感蟬鳴非故鄉長思  
千萬乘奉職昇周行步武親王陛獻納肩忠良功成自高  
退散髮遊滄浪

古別意

水螢光淡曉色寒庭除索寞星河殘清樽酒盡豔歌闕離  
人欲去肝腸絕露荷香散西風驚征車漸遠聞鷄鳴深閨  
從此泣秋扇夢魂常在遼陽城

江南春

波渺渺柳依依孤村芳草遠斜日杏花飛江南春盡離腸  
斷蘋滿汀洲人未歸

忠愍詩集 卷上

六 關中叢書

追思柳渾汀洲之詠尙有遺妍因書一絕

杳杳烟波隔千里白蘋香散東風起日落汀洲一望時愁  
情不斷如春水

遠恨

敗葉亂如雨暮蟬聲似哭感物悲昔心佳期悵難續雲山  
雖阻歎韶華若在目深情染綵牋密密空盈幅温瘴鴈不  
來遊魚隱深谷羽鱗孰可憑音書安可復焚灰寄長風字  
滅魂亦逐

雜言

我徒曠達由胸臆恥學鯁生事文墨蛟龍長欲趁風雷騏  
驎焉能制啣勒鏘金佩玉良有時巧色諛言盡虛飾功名  
富貴非偶然揚子草玄徒默默楚蘭罷秀足蓬蒿青松委  
幹多荆棘爭如一醉度流年免使悲懽蕩情域

忠愍詩集

卷上

七

關中叢書

秋興呈裴李二同年

秋興逐涼吹颯然驅煩襟人悲故鄉遠葉落空山深楚俗  
傷去恨秦城稀來音何當返燕渭自樂於園林  
歲晚亂山外野望誰能同寒沙明夕照敗葉驚西風孤煙  
暝汀樹霜氣高秋空徘徊念前事旅恨良難窮

暇日遊建平三閭故里廟貌荒涼慘動耳目噫賢者  
之祀世不絕享郡無正人遺棄若是感事傷俗因留

斯句

人生苦遠遊多是悲登眺況復念三閭遺蹤良可弔道直  
出章華才高逐邊徼冤聲噴夜江愁色迷煙嶠斷碑沒敗  
莎古木吟荒廟祠正少來奠岸峻稀停棹神容漬老苔壞  
壁通殘照舊徑失朱門空庭起寒燒餘基雖索寞清問長  
光耀旌賢誰再興勿使過者諄

水閣晨起

板閣常晏眠偶獨起清旦月落簷鳥語煙開客舡散長江  
色自澄汀樹聲空亂羣動又復然勞勞可長歎

晚望有感

出門望寒野四顧惟椒坡憶昔楚大夫還此情如何殘陽  
半明雨水落西風多因同下蔡恨不覺增悲歌

庚辰歲將命至巴東時已秋序霜荷索然偶賦是章  
用遣幽恨

乘輅偶將命撫俗煙江湄地僻接窮峽務簡稀公期秋信  
任無趣野懷良自宜月白夜蟬響池暗風荷衰溪雲入破  
牖山菊開疎籬蕢酒不能醉鄉園空結悲徘徊獨凝望目  
極長天涯

成安感秋

蟬噪木葉下遠客忽驚秋凝恨悲晚候萬緒皆如抽芳時

忠愍詩集

卷上

八

關中叢書

同夢幻急景如奔流念我何爲者年來生百憂貧居負勝  
事壯歲傷羈遊臨民慚墨綬垂釣思滄洲達則濟天下窮  
當守一丘胡能効時輩覲冒隨沉浮

感興

憶昔金門初射策一日聲華喧九陌少年得意出風塵自  
爲青雲無所隔主上掄才登桂堂神京進秩奔殊方墨綬  
銅章竟何用巴雲瘴雨徒荒涼有時扼腕生憂端儒書讀  
盡猶飢寒丈夫意氣到如此搔首空歌行路難

暇日

江樓書靜春陰變日午簾空飛乳鷺帆稀客散野岸空隱

忠愍詩集

卷上

九

關中叢書

隱遙峯望中見

又

郵亭落日多飛絮琵琶音重江春暮坐久凝眸欲斷腸梅  
雨如煙暝村樹

南浦

春色入垂楊煙波漲南浦落日動離魂江花泣微雨

長郊雨餘遠樹減翠新蟬忽鳴激耳嘹唳久客孤坐  
情如何哉形之于文聊以自遣

遙山夏雨歇遠樹涼風至憑欄偶開襟新蟬動秋思沙溪  
潔細流庭木驚疎翠節候又復然幽憂斯所萃芳歲若奔

流義光不停感物悼前期誰知此時意

雲霽池上

雲霽池上亭晴光照泉石暖覺岸冰銷靜聞簷溜滴務簡  
身暫閑景幽心自適極目望南山圭峯露微碧

有寄

金陵煙草綠玉塞霜天白萬里隔關山年來斷消息

忠愍詩集

卷上

十

關中叢書

忠愍公詩集卷上終



忠愍公詩集卷中

春日登樓懷歸

高樓聊引望，杳杳一川平。遠水無人渡，孤舟盡日橫。荒村生斷鷺，深樹語流鶯。舊業遙清渭，沉思忽自驚。

秋思

秋氣動天地，恍然情未窮。故園應墜葉，昨夜又西風。白草侵危堞，寒濤接遠空。搢頤當此景，無語夕陽中。

再歸秦川

阮路何方盡，西歸興未勞。河流經陝狹，山色入秦高。返照明秋壘，孤村接暮濤。還如丁令至，故里滿蓬蒿。

忠愍詩集 卷中

關中叢書

秋夜獨書勉詩友

西風驚萬木，危坐思悠哉。故國經年別，秋鴻半夜來。人應多弃善，天豈不怜才。休學嚴夫子，荒涼老釣臺。

長安書事

一從洛邑移秦甸，三見東郊綻早梅。蓮府晝閑鈴閣閉，柳營春暖射堂開。齋壇首冠慙諸將，相印兼營接上台。何事燕公輕仗鉞，却言分闔事羸才。

重陽登高偶作

務閑留上客，佳節值重陽。旨酒浮仙菊，清歌遶畫梁。高城明落日，疎樹覺微霜。且盡登臨興，餘歡尙未忘。

塞上

春風千里動榆塞，雪方休。晚角數聲起，交河水未流。征人臨迥磧，歸鴈別滄洲。我欲思投筆，期封定遠侯。

寓居有懷 時年十四歲

疎林頻落葉，孤僻繼離騷。獨坐聞鴻遠，閑吟見月高。夢回更自永，思苦夜何勞。寂寂西郊內，披衣聽海濤。

重到進公院

伍年重到支公院，物態人情盡不同。唯有寒檉暗秋色，依然蟬噪夕陽中。

野步

幽景恣追尋，遲遲傍柳陰。靜思非世務，孤立是閑心。村迥遙峯出，溪明返照侵。片沙招野步，白鷺伴高吟。積雨迴塘漲，微晴疊翠深。春鳩鳴古寺，煙草入平林。迸筍行無定，飛花勢不禁。凝然客亭上，鄉思獨沉沉。

忠愍詩集 卷中

關中叢書

秋日原上

蕭蕭古原上，景物感離腸。遠嶠收殘雨，寒林帶夕陽。溪聲迷竹韻，野色混秋光。吟罷還西望，平沙起鴈行。

江上晚望懷所知

遲遲述遠信，閑立大江隅。遊子在何處，秋風吹五湖。潮迴沙鳥聚，岸闊釣舡孤。歸去還堪嘆，田園半已蕪。

秦中感懷寄江外知己

念子隔江海浩然時已秋  
蟬鳴關外樹人在水邊樓  
髮白猶搜句時清尚旅遊  
遙思當永夜不寐向孤舟

水村即事

虛齋臨遠水吟釣度朝晡  
葦岸秋聲合莎亭鶴影孤  
片雲藏疊巘野燒起寒蕪  
獨步時吟望離人隔五湖

暮秋感興

苒苒前期遠窮途一可傷  
有時聞落葉不語立殘陽  
塞草秋先白溪沙晚更光  
那堪望天末燕鴈又成行

秋夜感興寄吳順之

耿耿不成寐楚鄉經暮秋  
故人遙海嶠寒月滿江樓  
閉戶生蒼蘚安閑到白頭  
如何太平日獨不出汀洲

夜坐有懷寄張士遜

清秋吟更僻況復古亭間  
少夢蟲聲碎無風樹影閑  
月華澄曲沼霜氣滿空山  
不見張夫子誰人共往還

送人下第歸吳

鶯老計還失負書歸故鄉  
杏園無近路澤國有高堂  
白鳥迷幽浦寒猿叫夕陽  
離懷休墮淚春草正茫茫

秋訪江上友生所居

苔石陡寥落坐來生遠愁  
故人應罷釣寒葉自驚秋  
村隔

平沙暝江和暮靄流徘徊不能去此處有扁舟

年少嗟羈旅煙宵未進能  
江樓千里月雪屋一龕燈  
遠信憑邊鴈孤吟寄嶽僧  
爐灰愁擁坐硯水半成冰

貽趙少府

夫君何感命拾載困風塵  
薄宦須流落孤吟更苦辛  
山寒泉易凍邊近草難春  
珍重常招隱慙非孟子鄰

春日懷張曙

時年十六歲  
不見張夫子巖花幾度新  
久閑空賦命遠別更傷春  
雨艇秋天末煙蕪隱渭濱  
濱應嗟年未冠已作異鄉人

初夏雨中

綠樹新陰暗井桐雜英當  
砌墜疎紅重門寂寂經初  
夏盡日垂簾細雨中

感興寄蓮嶽一二詩禪友

西風傷遠別前計競成非  
芳草此時暮故山何日歸  
禪應同雅道貧合長天機  
翻憶雲溪伴無慘對落暉

贈隱士

夫子才名重貧居志未勞  
吟當寒夜苦閑到白頭高  
心地通禪寂田園近海濤  
不知千載後誰更續離騷

湖上作

湖上作

極目望南浦望中生遠思鴈沉芳草渡燒斷夕陽陂歲月  
寒萍梗江山念別離猶餘清夜夢暫與白雲期

有懷

春川春婉婉漢水路迢遙不待凭危檻離魂已暗銷

送李生歸秦中

酒闌還執手之子擬歸秦風雪過殘歲山川近早春久遊  
詩思苦遠別柳條新後會知何日空餘淚滿巾

書懷寄韋山人

萬事不關慮孤吟役此生風騷中旨趣山水裏心情衆木  
彫寒色空江噴暮聲終期謁君子同遠綠苔行

忠愍詩集

卷中

五

關中叢書

閑夜園碁作

歸山終未遂折桂復何時且共江人約松軒雪夜碁

紙鷲

碧落秋方靜騰空力尙微清風如可託終共白雲飛

春雨

散亂繁花塢空濛暗柳堤望迴腸已斷何處更鷺啼

夜坐懷故友

西風起窮巷衆木又彫零蕙浦月華白竹窗燈影青故人  
難重見鄰笛不堪聽行傍秋池上孤吟對遠星

南陽市上各賦玉蝴蝶花一絕

堪賞東君造化奇裝成蝴蝶滿纖枝粉融輕翅攢花蕊疑  
是尋芳未去時

鄴北旅中懷友人

浮世多塵事悠悠難定期夢闌懷遠夜秋盡望鄉時道在  
應無悶風澆自業詩何當歸釣渚搢肘一沉思

弔任瓊處士

一生長抱恨終亦是貧居遺信留孤鶴營墳賣古書竹齋  
無俗物秋圃有寒蔬福善何言味悠然望太虛

秋懷

落日留不住默然空淚零敗莎侵陋巷疎葉滿閑庭有趣

忠愍詩集

卷中

六

關中叢書

窮風雅無機敵杳冥浮榮安足戀歸去亂山青

送友生下第南歸

頻頻退禮闈此去欲忘機霄漢貧難達江湖老獨歸程遙

秋浪疊村暝夜燈微應使爲儒者翻悲苦業非

邊城春望

獨望原西路離襟倍黯然青山遮故國絕塞度新年風聚  
沙迷岸煙開燒滿川歸心正無際驃騎莫留連

草

獨步高原上依依動所思無人尋蕙徑落日滿江湄楚澤  
晴芳處秦川晚翠時此中興廢事千古復誰知

送左眉州之任

分官離法署承命守眉州山館鄰孤寺春城過亂流江雲  
長映日蜀魄似悲秋到郡揚清政遺黎病必瘳

楚江夜懷

西風生遠水蕭颯度吟臺明月夜還滿故人秋未來寒蛩  
啼暗壁敗葉下蒼苔誰念空江外年年首重迴

春日書懷

曾讀前書笑古今恥隨流俗信浮沉終期直道扶元化敢  
為虛名役片心默坐野禽啼晝景閉門官柳長春陰世間  
事了須先退不待霜毛漸滿簪

忠愍詩集

卷中

七

關中叢書

離京日作

離歌豈忍罇前聽別恨無由醉裏消余久不飲酒故有是句惟有夢  
魂歸北闕不知京洛路迢遙

夜泊江上

歲暮峽中村維舟古樹根羣峯初落日夜後獨聞猿流水  
自無盡客愁那可論平明離楚岸迢遞指吳門

新蟬

寂寂宮槐雨乍晴高枝微帶夕陽明臨風忽起悲秋思獨  
聽新蟬第一聲

寄獻廣南許虞部

南國江山五十州星郎從此播芳猷詩窮雅道皆清唱官  
重名曹未白頭望斷巒村煙樹遠吟殘橫月海風秋三年  
政滿迎丹詔諫署重膺仄席求

送吉上人

新鴻并落葉正逐朔風飛此地仍分首何山是所歸問程  
雲棧遠宿館雨燈微莫恨天涯別重尋志未違

秋夕書懷

官路時風漸識情一悲前計遠愁生深秋寒氣侵燈影半  
夜疎林起雨聲縣印終年拘吏役煙蓑何日避浮名窮通  
休問巢蓮骨大抵無徒是至清

忠愍詩集

卷中

八

關中叢書

春郊閑望

風騷高處謝知音公退何妨縱野吟弱柳不能牽別恨片  
雲應念識閑心沙平古岸春潮急門掩殘陽暮草深凝望  
江臯動幽興數聲鐘磬出西林

雨中書事

一雨起前浦霏微向暮秋誰方眠釣艇我獨在江樓山晦  
峯巒隱煙凝島嶼幽何當見晴旭得泛迴丹

夜懷寄友生

遙夜獨無趣恍然思故交泉聲飛石壁星影動林梢志壯  
難低俗情閑任獻嘲秋山雖入望猶不似衡茅

秋夜懷歸

背窗寒燭影沉沉楚客鄉思欲不禁板閣漏殘人自遠水  
螢光淡夜方深牢愁聞雨眠疎屋歸夢隨雲徹故林憶著  
煙村舊風景柿紅時節又鳴砧

夏夜閑書

雨濛村落野梅黃茅閣長吟水氣涼幽鳥遠聲來獨樹小  
荷疎影占前塘閑心終不忘魚釣澹水真宜習老莊報國  
自知無世用煙蓑何日臥清漳

秋興浩然追憶館殿致偶成長句寄徐休學士

輶車南去詠江天閑憶羣賢倍黯然御水莎青孤立鷺宮

忠愍詩集 卷中

九 關中叢書

槐煙冷數聲蟬石渠吏散簾風靜鳳闕雲歸露景鮮幽致  
不知何日共思君唯賦帝京篇

宿江西寺

獨宿西林夜凝然靜擁袍巫雲秋暝峽楚月冷生瀟莎敗  
蛩猶噪鄉遙夢亦勞霜風開落葉還欲續離騷

聞杜宇

曾為深冤無處雪長年江上哭青春平林雨歇殘陽後愁  
殺天涯去國人

巴東寒食

春雨蕭蕭寒食天遠行猶在楚江邊人思故國迷殘照鳥

隔深花語斷煙薄宦未能酬壯節良時空自感流年因循  
未學陶潛興長見孤雲倍黯然

春晚書事

春盡江天景寂寥思鄉還共楚雲遙林花經雨香猶在堤  
柳無風絮自飄水國獨慙臨縣邑煙郊爭合負漁樵青梅  
時節遲歸計且逐餘芳帶酒瓢

月夜懷故人

清夜月初滿薛庭吟更幽梧桐疎影老蟋蟀亂聲秋舊國  
情何極空江思欲流故人今底處危坐獨凝愁

和趙瀆監承贈隱士

忠愍詩集 卷中

十一 關中叢書

不愛簪裾陪盛列終年深隱養天機靜聞風雨眠漁艇閑  
稱林泉掛道衣門接水村多野色鶴當莎徑立殘暉高吟  
幽賞無羈束始覺趁時事非

雨夜書事

離人聽積雨滴滴動鄉心故國程猶遠重門夜正深氣昏  
濛燼燭巢冷語棲禽遙想江南岸餘花委故林

歸州留別傅君

楊柳如絲拂畫橋此中留語欲魂銷還愁別後巴東館獨  
聽空江半夜潮

秋晚閑書

吟情自覺都無趣，況復離居感物華。厭讀羣書尋野徑，閑收落葉煮山茶。燒殘寒菊花猶在，霜過香橙味轉加。因想前期重搔首，不堪秋思極長沙。

聞笛

平野人歸後，孤城日落時。西風聞一笛，惆悵憶桓伊。

縣齋春書十二韻

縣幽無俗事，公退只高吟。江到荆門闊，山連蜀國深。峽雲長映日，蠻雨易成霖。羣雀鳴春院，饑猿叫夜岑。庭荒多古木，地僻見沙禽。印鑱殘陽後，人歸疊翠陰。思鄉空索寞，素分信浮沉。樂靜稀塵累，甘閑負壯心。衰容常懶懶，病髮豈忠愍。

詩集

卷中

十一 關中叢書

勝簪寡欲慵，求友防邪每。自箴澆風終，恥合前事固。難謀望斷天涯外，離魂欲不禁。

予頃從穰下移涖河陽，泊出中書復領分陝，惟茲二

鎮俯接洛都，皆山河襟帶之地也。每凭高極望，思以

詩句狀其物景，久而方成四絕句書于河上亭壁。

堤草惹煙連野綠，岸花經雨壓枝紅。年來多病辜春醉，惆

悵河橋酒旆風。

蟬鳴日正樹陰濃，避暑行吟獨杖筇。卻愛野雲無定處，水

邊容易聳奇峯。

岸闊檣稀浪渺茫，獨凭危檻思何長。蕭蕭遠樹疎林外，一

半秋山帶夕陽

暮天寥落凍雲垂，一望危亭欲下遲。臨水數村誰畫得，淺

山寒雪未銷時

秋夜懷洛下一上人

遊宦忘機久，心源亦自澄。夜聽吳苑雨，秋憶洛城僧。木菓

驚棲鳥，寒窗暗靜燈。何時過竹院，一得問三乘。

題花

繁花昨夜香苞裂，露裏風吹照野時。能與離人添悵望，一

時留與子規啼

春望書事

忠愍詩集

卷中

十一

關中叢書

因晴每日向吟臺，縱目山城景象開。白鳥靜投沙浦去，落

花閑逐野泉來。客愁已被楊煙染，春色難甘蜀魄催。看即

流芳無處問，但將餘興帶黃醅。

秋日懷友生

寂寂感離羣，前期何足云。人從秦嶺別，蟬向楚江聞。村送

孤煙起，山空白日曛。更逢疎葉落，愁緒轉紛紛。

春初夜書

水國淹留歲月空，雲山東去阻千重。欲令遙夜春愁薄，須

賴黃醅臘酒濃。南浦有潮春柵鎖，西窗無睡怯嚴鐘。誰家

幾點畚田火，疑是殘星掛遠峯。

江上

古岸蕭蕭聞去鴈平蕪杳杳更斜暉空江極目望不盡楓  
葉半紅人未歸

夜望

南亭閑坐欲忘機望久前村島嶼微數點寒燈起煙浪江  
艇應見夜漁歸

送人

客亭殘照裏歌闋獨南行芳草無斷色離人多別情遠塗  
方不極長笛更飛聲莫動鄉關念徒令白髮生

早春

溪水覺暖微函碧山杏經春半吐紅不向此時拚一醉到  
頭無計奈春風

惜花

深謝暖風傳馥郁長憂夜雨暗催殘黃昏欲放笙歌散更  
遶朱欄子細看

微涼

高桐深密間幽篁乳燕聲稀夏日長獨坐水亭風滿袖世  
間清景是微涼

帝城秋望

登臨秋向盡千里見王畿過雨山逾翠經霜菊漸稀平原

忠愍詩集 卷中

十三

關中叢書

夕靄起高樹宿禽歸一望關河道空令詠式微

禁中偶書所懷呈內翰同年同院二學士

朝回內省中默坐對西風秋色澄寒沼朝陽上古桐龍墀  
慙近侍魚浦憶疎蓬會待酬恩了煙蓑伴釣翁

新秋

孤吟遶桐砌時節又西風悵望新秋在歡娛往事空柳條  
微減翠蓼穗已飄紅正是多傷感仍將別恨中

春晝

年長追遊興漸凋况兼巴峽景蕭蕭閑齋爲謝楊花到時  
拂殘書慰寂寥

忠愍詩集 卷中

十四

關中叢書

秋日晚晴池上作

雨歇南山積翠明淡雲消盡遠天晴漪漣不動秋塘靜獨  
拄寒筇遶岸行

夏日

離心杳杳思遲遲深院無人柳自垂日暮長廊聞燕語輕  
寒微雨麥秋時

留題郡樓

千里關河一望間登臨長到夕陽還欲驅征旆歸朝去更  
倚高樓看暮山

青州西樓雨中閑望

海上秋添寂寞情萬家煙樹暝重城蕭蕭細雨遙天暮獨  
向空樓聞笛聲

中書秋日有懷青社舊遊因書一首

掖垣秋色生雞樹忽憶青丘感舊情曾倚西樓吟暮雨數  
峯寒碧遠高城

贈寶上人

重城蕭寺雖留滯野鶴由來性本閑寒聲終宵鳴竹院虛  
窗盡日對秋山旋移怪石資吟賞應有孤雲共往還自笑  
紅塵成底事幽期長是負松間

雨夜許氏第會宿各賦四韻

忠愍詩集

卷中

十五

關中叢書

雨夜銷煩暑林塘向夕幽庭虛惟欠月樹冷欲生秋河北  
嗟新別罇前念舊遊若非逢勝會何以解離憂

水閣夜望書懷

水閣中宵動寥寥起遠思秋風生折葦星彩動寒池白社  
孤前約青雲少舊知苦吟空自歎風雅道由衰

離京作

致君才業本無能戀闕情懷老不勝欲過龍津重回首曠  
矚初日上觚棱

洛陽道下感懷

文陛初辭咫尺顏恩深猶綴輔臣班漢庭舊友彫零盡獨

擁雙旌入武關

初到長安書懷

薦承丹詔撫彫殘適值年豐萬井安舊職尙兼黃閣貴前  
驅新擁碧油寒淨冷風竹經宵聽老愛山雲盡日看魂夢  
不知關塞外有時猶得到金鑾

遊花巖寺

寺對南山積翠濃水村鷗鷺下遙空層樓望盡樊川景恨  
不凭欄煙雨中

寄京兆向相公

敬中

九萬鵬霄振翼時與君同折月中枝試思淳化持衡者得  
忠愍詩集

卷中

十六

關中叢書

到如今更有誰

和向相公見寄

玉殿登科四十年當時交友盡英賢歲寒唯有君兼我頭  
白猶持將相權

送轉運梅學士

詢巡邊郡四首

悵飲惜離羣窮邊去路分雪深山館夜孤鴈背燈聞  
絕塞程方遠窮陰歲欲殘石城歸夢斷隴月照人寒  
水遠沉來信山長疊去愁夜深關月白休凭驛邊樓  
夙駕巡邊微歸程隔亂山長安花木麗春苑待君還  
春書偶書



白晝偶成芳草夢起來幽興有誰知風簾不動黃鸝語坐見庭花日影移

秋夜懷歸

渭水苔磯阻舊遊夢回空館卻凝愁一聲江笛巴雲暝半夜山風楚樹秋星落古池孤影動燈搖疎壁冷光幽遲明不味空搔首蹤跡何由得狎鷗

憶洛陽

金谷春來柳自黃曉煙晴日映宮牆不堪花下聽歌處卻向長安憶洛陽古歌云金谷園四柳春四柳春來似舞腰那堪風景好獨上洛陽橋

長安春望感懷

忠愍詩集 卷中

十七

關中叢書

灞岸春波遠秦川暮雨微凭高正愁絕煙樹更斜暉

春晝

午書花陰靜春風數蝶飛坐來生遠思深院燕初歸

岐下秋書

碧樹微涼露氣清感愁懷舊獨含情西樓月夜明如水只欠桓伊一笛聲

憶岐下小池

長憶西園清夜景酒闌無不獨臨池可憐隴月三更白誰見紅蕖露滴時

岐下西園秋日書事

務簡羣吏散披襟幽興長松篁經晚節蘭菊有清香水淨澄秋色山高見夕陽身閑心自泰何必濯滄浪

秋懷

輕雲不動日微陰高樹無風秋色深獨聽暮蟬臨水坐十年林壑阻歸心

秋

自古名高衆毀歸只應身退是知機林風驚斷西窗夢一夜秋聲憶翠微

冬日北齋

寒風颯颯響庭槐愛日明窗坐北齋閑憶故山歸未得舊忠愍詩集 卷中

十八

關中叢書

遊時展認雲崖

秋齋

霽景有誰同遠望秋懷無奈只悲歌雲收遠嶠凝嵐翠雨歇空庭敗葉多

洛陽有懷岐山舊遊

綠鬢年來已漸彫舊遊芳草路迢迢山橫遠翠疑歌黛柳拂輕梢認舞腰秦甸夢回空有恨洛城吟斷獨無憀斜陽更上高樓望始覺離情一倍饒

憶岐下舊遊

二年岐下假詩侯事簡民安選勝遊花寺水村時駐馬莫

天秋雪獨登樓靜眠鈴閣聞羌笛閑酌松醪引越甌別後  
幾回空有恨葉飛蟬噪動離愁

無題

金甲珠襦鏤繡局杜城殘月葬娥英春風候館花如雪空  
有鶯傳度曲聲

秋日登後樓

遠山重疊故關遙公退乘閑上麗譙今日登臨秋思苦雨  
荷風葉共蕭蕭

早春

星紀周天運微陽氣候新郊原初度臘梅柳暗驚春故國

忠愍詩集

卷中

十九

關中叢書

無書久孤峯入夢頻年加自多感況復送歸人

南陽夏日

綠楊陰密覆回廊深院簾垂晝景長人靜獨聞幽鳥語風  
來時有異花香世間寵辱皆嘗遍身外聲名豈足量閑讀  
南華真味理片心惟只許蒙莊

夏日有懷

庭樹陰陰夏景遲閑房愁對暮簾垂因思往歲陪天仗正  
是瑤池賜宴時

途中作

秋末楚雲端行侵苔蘚斑愁腸不厭酒病眼豈逢山遠路

有時到宦遊無處閑卻思清渭北煙柳掩柴關

喜吉上人至

喜師來訪我幽會興何長清論都無倦鄉愁頓欲忘疏林  
秋色暮虛閣水風涼久坐慵言別微陽下短牆

書黃山館壁

殘日住孤館遲遲行古臺大河連野去白鳥背城來離恨  
渾如結鄉心漸欲灰山花半寥落酒在社前開

巴東驛秋日晚望

楚驛獨閑望山村秋暮天數峯橫夕照一笛起江船遣恨  
須言命冥心漸學禪遲遲未回首深谷暗寒煙

忠愍詩集

卷中

二十

關中叢書

掩卷

掩卷頻秋望無人共展眉殘陽留古樹白鳥下寒池簪組  
心還倦風騷志未衰登臨一長嘆還失渭川期

巴東書事

鄉思終日有孤淡厭琴樽衆木侵山徑寒江逼縣門浪沉  
灘見鯨雨過壁生痕憔悴悲蘭蕙因思楚屈原

池上秋書

虛齋獨語復書空閑對林塘思少同霜葉聲乾飄夕照露  
荷香冷泣秋風時平偶作青衫吏心老渾如白髮翁昨夜

渭川歸好夢一舸煙雨打孤蓬

書懷寄郝監軍

索居終日學忘機深歎高堂養獨遲自問江村紆墨綬何  
當煙浦坐魚磯夢迴渭水秦雲斷望盡巴山蜀魄飛好怪  
多才郝夫子道孤俱未及輕肥

南平驛

心隨流水還鄉國身向青山上屈盤秋夢不成秋雨細西  
風一夜客亭寒

悶書

秋憶故鄉魂欲斷晚臨寒浦思如流歸來古屋寒燈暗能  
較騷人幾處愁

忠愍詩集 卷中

二十一

關中叢書

秋寄江上吟僧

掛錫在荆楚杜門無往還潮聲到孤寺月色遍前山一鴈  
驚幽思西風慘病顏何當重攜手高步白雲間

江上晚望

寒鐘來極浦古寺隔重巖斜日搢頤坐天涯落月帆

金陵懷古

極目望吳甸野煙凝亂流夜來榆塞鴈叫斷石城秋舊苑  
荒餘草平川半古丘遲遲獨迴首落日一蟬幽

暮春感事

春至又春暮閑心成古心花光隨雨薄草色共煙深粉蝶

稀狂影黃鸝送好音餘芳留不得還共夕陽沉

秋興

窮秋九月西風高疎林木落聲蕭騷出門長望無所適唯  
見空江生暮濤

春日閑望有感

水鄉春氣變新正風物光榮異帝城閑步偶尋芳草色空  
林獨聽鶯鶯聲煙霞未得從幽興吟賞潛悲減舊情燕麥  
楊花自搖蕩不知離客困南征

江上聞鷓鴣

水村煙樹與雲平閑倚孤舟念遠行無奈鄉心倍寥落殘

忠愍詩集 卷中

二十二

關中叢書

陽中有鷓鴣聲

醉題

榴花滿瓮撥寒醅痛飲能令百恨開大抵天真有高超騰  
騰須入醉鄉來

和趙監丞春江送別

孤舟東去水煙微久客那堪更送歸三月江頭春盡日片  
帆輕絮共紛飛

送李生二絕句

愛君白髮無羈束命駕常為千里遊一夜春江又迴棹當  
時風雨滿汀洲

又

晴色半和行色遠江頭別來欲何之數盃酒盡又南去正是落花春暮時

與詩友會宿

此夕南軒宿論詩萬慮忘苦吟秋信近寂坐漏聲長空靜燈光暗桐疎露氣涼幽懷聊自遣山色漸蒼蒼

南冠亭秋晚閑望

南冠亭外淡江天夕客登臨更浩然遠浦秋深翻白浪孤山日暮起蒼煙已嗟異國逢衰節況復西風聽亂蟬倦鳥知還雖有意故林無奈隔秦川

忠愍詩集 卷中

二十一

關中叢書

峽中春感

二年窮峽外不見帝城春覽照知年老逢花感恨頻浮榮何足貴幽別轉難伸終憶歸清渭林泉卜舊鄰

東歸再經狹口

復命經三峽波瀾極目愁片雲生斷壁孤石礙中流道路連巴塞風煙接楚丘重來登望處因念昔年遊

江上晚行

秦川不得卻歸耕奉詔年來在楚城孤寺殘鐘催夕照汀洲疎葦送秋聲西風獨起湖山思久客應知寂寞情野鶴漸無驚弋意對人孤立水煙平

初秋卽事

古邑端居夏景移炎飈經雨自收威蓮衰小渚秋光淡蟬噪平林夕照微冷句每招江客和深心終約嶽雲歸晚涼却近南亭立獨看沙鷗向浦飛

蓮

數柄疎荷出小池幽香深謝好風吹曉來秋氣凝清露似學湘妃怨九疑

望都雨夜

孤驛蕭條風雨夜夜深窗竹動秋聲離魂無睡難成夢却遶長廊獨自行

忠愍詩集 卷中

二十四

關中叢書

成安秋望

入月西風蟬噪時蕭蕭疎葉已辭枝煙村物景都無賴況是登臨有所思

夏日晚涼

微涼天氣似秋期風觸疎簾影自移遠夢有時尋水寺孤吟終日對莎池笋梢成翠堆輕籜梅實翻黃壓嫩枝兀兀騰騰聊自遣此懷深謝野僧知

輦下書懷

身名長似夢家計盡蕭然旅宦遊梁苑歸心滿渭川郊原秋變色桑柘晚生煙願得長閑去何妨老一廛

冬日偶書

戶庭初過雪鳥雀亦聲稀天淡雲容結林寒日影微虛名何足道前是旋成非簪紱全忘念終須掃澗扉

巴東縣齋秋書

訟庭終日靜琴鶴亦長閑晚樹生涼吹秋思在遠山水穿吟閣過苔透印床斑幸有江雲看何須卜往還

江行書事

孤棹泐流岸凝懷似舊遊朝雲生嶽頂斜月動江流賤節難于世離心易感秋因思六朝事千古有遺愁

月夜懷杜陵友生

一忝輶車命三逢水國春重看漢浦月獨憶杜陵人旅宦違前計歸田失舊隣年來更多緒清淚滿衣巾

贈僧

重城須久往塵事日全無落葉驚秋信思山展舊圖貌同仙鶴瘦心似片雲孤念我浮名在還將靜者殊

楚江有弔

悲風颯颯起長州獨弔靈均恨莫收深岸自隨浮世變遺魂不逐大江流霜淒極浦幽蘭莫波動寒沙宿雁愁月落煙沈無處泊數聲猿叫楚山秋

秋雨懷友生

忠愍詩集 卷中 二十五 關中叢書

江城秋雨歇孤坐役吟身草色荒三逕蟲聲滿四隣邊鴻來已近庭葉落還頻對此空搔首無由面故人

南亭

初夜南亭望清吟露濕衣雨餘羣籟發天淡數星稀秋氣又還至故園猶未歸虛堂愁重入燭白冷光微

贈惠政上人

惠政成安人也此詩碑在成安縣公祠西壁

寥寥長日掩松關白首忘機古寺間香燼石房終曉講葉堆莎徑憶秋山澄泉心地清無染野鶴精神老更閑孤坐有誰同此意白雲空見諸禽還

輦下春望

忠愍詩集 卷中 二十六 關中叢書

獨向東門凝日望園林無處不啼鶯鄉心已似楊花亂歸路那堪野草生紫陌盡應趨勝地紅塵誰肯受閑名年來却羨滄江叟長在湖山聽浪聲

題楊氏別墅

門巷枕江濱疑將俗境分湖山晴後見天籟靜中聞徑僻苔空老林寒日漸曛高懷無一事長歲似孤雲

再到鄴下有感

漳濱勝地皆牢落晚歲重來恨莫收極浦寺藏雲樹老故人門鏤雨苔秋煙霄得路輸時彥泉石心機阻舊遊今日重思昔年事放懷惟上夕陽樓

成安秋望有懷

年加心地轉如灰書篋經旬亦懶開詩句偶吟皆感事文章無用獨傷才秋蟬殘韻搖疎樹夕照寒光下古臺閑遶岸莎看野水暗流紅葉不重回

書懷寄唐工部

不才曾忝吾君選紫殿科名志已酬孤立敢言逾素分高吟深愧預清流西風獨見江籬暮紅葉還思苑樹秋多謝明公知賤節每貽清句緩牢愁

鄴中和崔邁著作

虛室凝愁厭夜眠長吟靜對欲涼天夢迴故國入空遠望

忠愍詩集

卷中

二十七

關中叢書

斷重城月自圓時泰未能拋組綬性孤終是憶林泉明朝奉詔遐方去何處煙江寄客船

獨倚空樓畏景殘凝眸魂斷楚雲端猿清好雜江聲聽山遠宜和霽色看鳥掠平蕪堪入畫風來危檻欲生寒蕭蕭前浦歸帆靜落日長吟且凭欄

漢上偶書

謫仙唐室遊茲郡花下聽歌醉眼迷今日漢江煙樹靜更無人唱白銅鞮李白常有歌云日欲落岷山西遊客醉歸花下迷鹿門小兒齊拍手欄街爭唱白銅鞮

春陵聞鴈

蕭蕭疎葉下長亭雲淡秋空一鴈經惟有北人偏悵望孤城獨上倚樓聽

又

危欄秋盡偶來凭霜落秋山爽氣澄誰道衡陽無鴈過數聲殘日下春陵衡州有回鴈峯云鴈止于衡陽

贈魏野處士

人間名利走塵埃惟子高閑晦盛才欹枕夜風喧薛荔閉門春雨長莓苔詩題遠岫經年得曾戀幽軒繼日來却恐明君徵隱逸溪雲誰得共徘徊

忠愍詩集

卷中

二十八

關中叢書

忠愍公詩集卷中終

忠愍公詩集卷下

荆南秋望

西風吹戶牖猶自客荆蠻積水浮秋漢微陽淡遠山蟬稀  
疎葉盡雨歇片雲閑何日忘簪紱深居石室間

江上送別

浪疊春江遠樹微落花風雨共淒淒愁人此際腸須斷况  
是登臨更送歸

送人往嶺表

炎光君此去旅恨杳何窮海樹瘴煙黑蠻村山路中

秋日

忠愍詩集 卷下

關中叢書

柳衰蟬噪寒煙淡地迥山遙暮雨收宛是昔年秋氣味只  
添多病與離愁

留題洛北羅漢閣

地高閣迥宜閑望望盡雲山首懶迴林下野僧應笑我半  
年旌旆四曾來

判都省懷感

昔為學士掌三銓屈指年光三十年秋雨滴堦桐已老白  
頭重到倍依然余頃年手植桐樹在省有朽者

輦下春日

雨餘宮闕麗春陰三月花光照上林誰倚青樓望歸騎日

斜南陌柳煙深

南宮宿齋靜思陝城東閣竹

南宮向夕景彌清風竹蕭然動遠情憶到陝城東閣伴拂  
窗敲砌送寒聲

途次方城

方城舊路四曾過此度偏饒悵望多獨倚客亭思往事南  
陽何異夢南柯

經郴州永興驛

昔擁雙旌在斗城今朝孤館語同名天遙秦樹無因見極  
目空饒悵望情

忠愍詩集 卷下

關中叢書

臨海驛夏日

嶺外突蒸當盛暑雨餘新館覺微涼最怜夏木青陰合時  
有鶯聲似故鄉

海康西館有懷

風露淒清西館靜悄然懷舊一長嘆海雲銷盡金波冷半  
夜無人獨凭欄

長安春日

淡淡秦雲薄似羅灞橋楊柳拂煙波夕陽樓上山重疊未  
抵春愁一倍多

病中書

多病將經歲逢迎故不能書  
惟看藥錄客只待醫僧壯志  
銷如雪幽懷冷似冰郡齋風  
雨後無睡對寒燈

長安春晝

務閑公府都無事騎吏前驅  
引馬行雨霽晚街官柳色日  
長春寺講鐘聲雲山已有終  
南秀泉石猶思洛下清聞道  
曲江新水滿欲攜歌管出重城

宮詞

長門秋夜雨窗外滴寒聲悔  
不先辭輦應無別恨生

柳

絲翠最宜經宿雨絮飛爭忍  
逐香塵簾垂獨院無人處一

忠愍詩集 卷下

三 關中叢書

樹風搖日午春

杜陵

燕有情還至花無主亂開杜  
陵人不見夜月自徘徊

左馮寺樓閑望

閑思至道年中事獨倚左馮  
城外樓目斷平臯人不見暮  
天無際水悠悠

偶書

往事都如夢流年只斷魂不  
堪春盡日細雨欲黃昏

途次鄧州

南陽西去見遺基駐馬平郊  
遠樹微自笑平生無所著不

如山鳥解思歸

春雨

漠漠霏霏著柳條輕寒爭信  
杏花嬌江南二月如煙細誰  
正春愁在麗譙

感舊

長思密勿侍甘泉丹地翱翔  
獨少年重到文昌倍惆悵秋  
風霜鬢共蕭然

途次二絕

秋風故關路蟬噪日斜時有  
客驅征馬茫茫天一涯  
大澤荒草闊行人心慘悽邊  
雲時斷續流水自東西

忠愍詩集 卷下

四 關中叢書

寄漳川隱士

志高長說恥鳧趨歲晏園林  
戀隱居陋巷自甘棲短褐侯  
門終不曳長裾夜吟雪屋冥  
搜句春結烟簑老釣漁爲我  
紅塵偶爲吏近來還寄絕交書

又

慵趨大廈戀山薇立志由來  
與世違溪上有時逢靜釣雪  
中長日掩閑扉自知天爵高  
人爵不愛朝衣換布衣我逐  
浮名任飄泊清泉難得共忘機

題巴東寺

寺在啼猿外門開古澗涯山  
深微有徑樹老半無枝望遠



雲長暝談空日漸移恐朝金馬去還失白蓮期

贈隱士

夫子住東野經年不到城愛吟無俗趣貧靜得閑名荒徑  
侵山影虛堂出燕聲或慙爲俗吏泉石負幽情

南亭晨望寄唐知印

夢覺偶晨起南軒還獨過曉光生遠樹露氣冷疎荷窗白  
遊塵少風清靜興多遙知江郡守幽趣在煙波

殘月

半夜沉清影宵殘猶半吟已甘垂樹杪由得掛天心淡色  
迷蓬戶餘光映宿禽誰家傷早別凝思共沉沉

忠愍詩集

卷下

五 關中叢書

又

光隨春偏細影共夕煙流若近明河歿還疑墜玉鈎

巴東有感

長歲天涯悲斷梗逢君無處不傷情那堪日落紅樓伴更  
聽蕭蕭杜宇聲

首夏書事

窗戶經初雨風清野景饒閑庭猶戲蝶高樹已鳴蝸世態  
貧中覺鄉思醉裏銷縱吟還獨步 復過溪橋

和李逢同年水閣閑望

務簡凭危檻凝然感物華孤村經野燒極浦見漁家難急

舟難渡山高日易斜明時如道在焉復痛懷沙

塞上秋懷

未識窮邊苦今遊信有之秋林殘照後關路獨行時磧迥  
風長急天寒鴈度遲離心已無賴更聽戍樓鼙

送人歸吳

忽憶湖山景沿流興不窮孤舟將去夜絕塞已來鴻白髮  
前期近滄川舊業空明時方道在莫更學漁翁

秋日

江天物候潛衰變氣爽初疑夏景餘雨漬亂苔侵古壁風  
飄紅葉滿荒渠晚雲連嶽幽藏寺秋水澄江靜見魚昔歲

忠愍詩集

卷下

六 關中叢書

一鳴無所恨綠槐金藥任蕭疎

寄贈笠澤處士

笠澤漁人高節奇白頭猶自著蓑衣吟過竹院僧留宿鈎  
罷煙江鶴伴歸花落砌邊春雨歇酒醒林際夕陽微中朝  
名士皆知已多說東來信亦稀

柳

曉帶輕煙間杏花晚凝深翠拂平沙長條別有風流處密  
映錢塘蘇小家

喜吉上人至

鄴北至夔城三千里外程勞尋苦吟伴獨入亂山行楚水

秋無際巴猿夜有聲逢師不能寐因話故鄉情

早秋二絕

年光苒苒暗推移坐惜流年感舊期獨聽早蟬秋色裏潘安初見二毛時

一聽早蟬響坐悲芳歲闌新秋空索寞前事但心酸

秋日武關道中

行塵漠漠起西風來往征軒似轉蓬駐馬幾多愁思苦亂蟬衰柳武關中

早春

日暖經冰泮潛回律管春初驚柳色重漸見草芽新罇酒

忠愍詩集卷下

七關中叢書

留懽少雲溪入夢頻惟應五侯地行樂及芳辰

書山館壁時年十九

秋作西南使千林覆去程四時無日影終夜有猿聲路入溪雲過人穿鳥道行不堪孤驛望風雨動鄉情

送趙主簿之任惠安

蕭蕭征騎立長亭遙指天涯萬里程尊酒欲闌人欲別夕陽絲管盡離聲

秋氣凜然庭木將墜道謙上人有南征之役賦詩祖行

洪府多佳致師今欲此行寒山連楚遠白浪浸吳平煙雨

經秋迴霜鴻入夜鳴到時春未暮閑聽鷓鴣聲

酒醒

勝遊懽宴是良圖何必淒淒獨向隅深院酒醒春日晚只聞芳樹語提壺

南陽春日

水滿池塘花遶城日斜南陌暖風輕千門柳色春煙淡獨倚高樓聞暮鶯

春日長安故苑有懷

唐室空城有舊基荒涼長使後人悲遙村日暖花空發廢苑春深柳自垂事著簡編猶可念景隨陵谷更何疑入梁

忠愍詩集卷下

八關中叢書

朝士無多在誰向秋風詠黍離

送人遊邊

遠行當歲暮冰雪路難分足馬陽關外邊聲落日聞

冬日偶成

正是旅愁悲遠宦況逢邊塞向殘年輪蹄影絕冬深路鳥雀聲稀雪後天探騎經旬無使客戍樓終日有烽煙病來無復拈罇酒獨向虛窗盡日眠

九日羣公出遊郊外余方臥郡齋聽水因寄一絕呈諸官

菊老東籬人病酒西風黃葉滿荒田不知今日登高興何

似虛堂聽水眠

春日偶書

柳岸花塘慵獨賞  
閉門春盡阻閑遊  
少年多故心先老  
却被人疑似白頭

送温尚書入洛

蕭蕭紅葉馬前飛  
又送王孫畫錦歸  
却到舊遊應悵望  
故溪秋蘚滿魚磯

小韓店

昔從鄴下游梁苑  
孤店曾經十數迴  
歲月暗移人事改  
白頭重到小韓來

忠愍詩集卷下

九關中叢書

虛堂

虛堂寂寂草蟲鳴  
敲枕難忘是舊情  
斜月半軒疎樹影  
夜深露更淒清

憶樊川

閑想舊遊都似夢  
別來秦樹又西東  
高秋最憶樊川景  
稻穗初黃柿葉紅

東窗

徙倚東窗夜未明  
悄然幽館獨凝情  
燈搖古壁愁蟲怨  
露下疎林宿鶴驚  
道在任從時態薄  
年加潛覺睡魂輕  
待酬北闕君恩了  
歸聽水泉落石聲

九日不飲

雲淡長空日欲斜  
水邊衰柳噪寒鴉  
病來不飲空淒感  
獨遶東籬詠菊花

和人春暮

流年賦分長多感  
盡日長思立短亭  
猶謝海棠花始發  
似留春色向凋零

又

昔曾過洛浦遺恨  
寫蒼苔往事詩空  
在春深我獨來

早行

嚴鐘將報曙遊子  
已登途野火時明  
滅殘星似有無

忠愍詩集卷下

十關中叢書

忠愍公詩集卷下終

再開萊公詩集後序

萊公兩朝大臣勲業之盛掀天揭地人皆知有其名而往往或不知有其詩何也蓋勲業有以揜之也伊尹之訓周公之誥著在方冊表裏典謨而自古及今論文者必曰孔孟而不曰伊周蓋伊周之可稱在於興商輔周訓誥之作不足道也公清才雅韻冠絕一世播於篇什平淡淳正得風雅之體自其少年從仕以至立朝退處懽愉逸樂激烈憤惋無不並見於詩太原范伯純始收什編錄分為三卷春陵得之尤其後也蓋公晚年遷謫嘗至春陵邦人思慕不忘由是建樓畫像以崇朝夕然而詩編之傳家不百一

忠愍詩集後序

關中叢書

焉逮宣和間王公次翁來茲曳組景仰前修因取舊集刊板以傳士夫鼓舞以相夸詫而春陵景物由是增輝矣近時楊守惇亦即舊板重加刊治至此未幾而字之漫滅者復且過半數適茲承乏政事之餘取而閱之深恐浸以失真復命校正鳩工一新焉昔白居易謂劉禹錫之詩在處應有神物護持禹錫一文人徒以句韻之工識者奇之尙且如此況公文章所在當如何哉吾又知自有不可得而漫滅者存焉爾隆興改元七月 日長樂辛敦書  
此集只存六十六張少二十四張道光十八年夏四月  
孝廉孟熙李公補刻焉 聞山王稷謹識

予昔時錄藏宋萊國忠愍公詩迄今幾四十年懼其字畫磨滅而未可以言久也且公為華之下邳人予忝鄉曲之末方圖刻之轉相流布俾公口齒膏馥霑被後人而力未能近攝三原縣事零陵蔣君鑿至會予于歸來之堂話及公之言行傾仰切至予因曰家藏公集舊矣出以示之喜而懷歸遂捐俸以永其傳則其為學之要為政之體可以見矣時嘉靖乙未歲春正月丁卯平川野逸王承裕記

忠愍詩集記

關中叢書

跋

右寇忠愍詩集宋寇準撰史稱萊公華州下邽人下邽初屬華州後降爲鎮隸渭南有萊公專祠祠藏殘缺譜牒猶載萊公七歲登華山詩謂有宰相氣槩蓋公自幼時卽以詩才名於時特壯年勲業蓋世非文人學士可比故不以鏤玉覓金見稱然清詞麗句又往往爲人所錄藏南謫以後散佚不可收拾范氏彙集成編<sub>註</sub>有上中下三卷與道州二百四十篇之數適合今王康僖公所得爲二百八十字首則是旁搜博採又有增益矣孫氏碑記謂公詩警策清悟有劉長卿元微之風格其氣鏃奇拔則又過之范序亦

忠愍詩集

跋

關中叢書

謂可方前代羅江東趙渭南非虛諛也版經翻刻訛誤甚夥茲爲詳加釐正重印流傳亥豕魯魚庶幾鮮矣民國二十五年二月校

長安宋聯奎

蒲城王健

渭南武樹善

2

3

4

日照許氏鈔本

河南集

印林原題





序

積于中者之謂道發于外者之謂文有道有文然後可  
以為君子道有用舍文有泰否然用舍否泰存命不在  
道與文也君子不以其道之窮而輟于為道道之不行  
而不廢于學文故雖身厄于當時而名顯于後世者由  
此也河南穆公諱修字伯長天平人少舉進士有名廣  
場中真宗封泰山之年詔齊魯諸生以經明行修公寔  
在其選越三年就銓調補泰州司理參軍居職以直自  
任無與合者人皆憚忌卒誣之罪遂貶池州再逢恩徙

河南序跋

穎蔡二州為太學掾卒不復用明道元年秋九月終于  
家如公可謂命之窮道之不行也已而未嘗廢文大凡  
有作莫不要諸聖賢而立言合諸仁義以為質平時所  
見于簡策者殆踰數十萬言時人得之且愛且學及公  
之歿無擇求遺文于嗣子熙得詩五十六書序記誌祭  
文總二十與無擇所藏增多詩一十二書序各一多從  
其舊友而求之往往知愛而不知傳故無獲焉姑類次  
是以為三卷題曰河南穆公集云時慶歷三年春南康  
清修閣中

穆參軍集世間行本無是序余于康熙戊子春購  
得洛陽九老祖龍學文集讀之而見是序揀出冠  
之編首遂稱全璧竹垞朱彝尊識  
右祖序及朱跋從張本逐寫並 四庫總目提要  
錄冠于首家本記

河南序跋

二

欽定四庫全書總目

穆參軍集三卷附錄遺事一卷 大學士于敏中家藏本

宋穆修撰修字伯長鄆州人蘇舜欽集有修哀文

稱其咸平中舉進士得出身而集中上潁州劉侍

郎書稱某以大中祥符中竊進士第邵伯溫易學

辨惑亦稱修為祥符二年梁固榜進士宋史本傳

又云真宗東封詔舉齊魯經行之士修預選賜進

士出身所述小異似當以白敘為確也修初授秦

州司理參軍以伉直為通判秦應所誣構貶池州

河內集卷一

一

再逢恩徒賴蔡二州文學掾明道元年病卒宋人

皆謂之穆參軍從其初官也修受數學於陳搏先

天圖之竄入儒家自修始其文章則莫考所師承

而歐陽修論尹洙墓誌書謂其學古文在洙前宋

子名臣言行錄亦稱洙學古文於修而邵伯溫辨

惑稱修家有唐本韓柳集募工鏤版今柳宗元集

尚有修後序蓋天資高邁沿溯於韓柳而自得之

宋之古文實柳開與修為倡然開之學及身而止

修則一傳為尹洙再傳為歐陽修而宋之文章於

斯極盛則其功亦不渺矣據蘇舜欽哀文稱訪其

遺文惟得任中正尚書家廟碑靜勝亭記徐生昌

墓誌蔡州塔記四篇不能成卷祖無擇集有修集

序稱其遺文於嗣子照得詩五十六書序記誌祭

文總二十次為三卷其序作於慶曆三年所刻詩

文之數與今本合蓋此集猶無擇所編之舊也王

得臣塵史述史驥之言譏其作巨盜詩以刺丁謂

為有累於道考邵伯溫辨惑載修於丁謂為貧賤

交謂後貴修乃不與之揖謂銜之頗為所軋修集

河南集卷一

二

中聞報自崖徙雷一章即為謂作則驪所謂累於

道者病其挾私怨耳然其詩排斥姦邪尚不致乖

於公義未可深非又葉適水心集識呂祖謙宋文

鑑所收修法相院鐘記靜勝亭記二篇為腐敗羸

澀亦言之已甚惟第三卷之首載亳州魏武帝帳

廟記一篇稱曹操建休功定中土垂光顯盛大之

業於來世又稱惟帝之雄使天濟其勇尚延數年

之位豈強吳庸蜀之不平又稱至今千年下觀其

書猶震惕耳目悚動毛髮使人凜其遺風餘烈又

稱高祖於豐沛光武於南陽廟象咸存威德弗泯  
 其次則譙廟也云云其獎纂助逆可謂大乖於名  
 教至述守臣之言有吾臨此州不能導爾小民心  
 知所奉是亦吾過云云顯然以亂賊導天下尤為  
 悖理尹洙春秋之學稱受於修是於春秋為何義  
 乎自南宋以來無一人能摘其謬殊不可解今承  
 睿鑒指示使綱常大義順逆昭然允足立天經而定天  
 紀豈可使之仍廁簡牘貽玷汗青謹刊除此文以  
 彰衮鉞其他作則仍錄之用不沒其古文一脉華

河南集卷一

三

路藍縷之功舊本前有劉清之序佚而不載今從  
 龍學集補錄遺事一卷不知何人所編亦附載備  
 考諸家鈔本或稱河南穆先生文集或稱穆參軍  
 集祖無擇序則稱河南穆公集參差不一今考文  
 獻通考以穆參軍集著錄蓋南米時通用此名今  
 從之焉

河南集卷一目錄

穆修伯長

詩

江南寒食

送毛得一秀才歸淮上

食魚

魯從事清暉閣

送葛源之太和主簿

送靈師歸吳

河南集卷一

四

江南春

寒食

江上送陳翹還無為

殘春病醒

書事覺巷

和毛秀才江墅幽居好十首

燭

過西京

賦催妝

送孫立東游

邨郭寒食雨中作江南體

清明連上巳

合歡芍藥

故侯園

送定師南游

送人至邊寨

巨盜

汝陰偶書呈一二知己

河南集卷一

五

除夜

城南五題

郊步

獨游

貴侯園

朱亥墓

玉津園

燈

登苗子臺

希言官舍種花

登女郎臺

友人燒筍之約未赴

別穀熟尉李七同年

樊博士化州監鹽

丙寅春雨

贈適公上人

一百五日同周越陳永錫游吉祥僧舍

題李士言秀才別貯帕

河南集卷一

六

南陌

雨中牡丹

思邊

聞報自崖徙雷成一章

秋浦會遇

卷二

文序

答喬適書

上大名陳觀察書

上潁州劉侍郎書

上監判郎中書

唐柳先生集後序

送李秀才歸泉南序

張君字敘

送魯推官赴南海序

送李秀才應陳州舉序

送呂公初序

送崔公盈序

河南集卷一

七

卷三

記 墓誌 祭文

亳州魏武帝帳廟記

任氏家祠堂記

蔡州開元寺佛塔記

養正堂記

亳州法相禪院鐘記

靜勝亭記

明因院羅漢像新殿記

東海徐君墓誌銘

祭第二子文

穆參軍遺事

河南集卷一

八

河南集卷一目錄終

河南集卷一

穆修伯長

詩

江南寒食

江城水國春光饒清明上巳多招邀花陰連絡青草岸  
柳色掩映紅欄橋歌調謳啞雜吳俗髻髮疏削傳南朝  
誰憐北客未歸去楚魄湘魂唯暗消

送毛得一秀才歸淮上

江天梅雨畫蕭蕭送別愁吟白紵謠處士才高融未薦

河南集卷一

一

騷人魂斷玉方招自傷樵驥心千里空羨冥鵬志九霄  
酒罷征鞍迢遞去不堪回首木蘭橈

君歸迢遞淮西路我客蕭條秋浦城惻惻相看復惻惻  
行行送別重行行途中猿鳥哀聲斷馬上雲山遠碧橫  
富貴窮通俱未決直傾樽酒沃離情

食魚

南有嘉魚異常趨四月期江天專伺至煙網密爭垂乍  
戲汀蘋末初循水荇沼競搖新舫艫寬卓碧鏈漪占浦  
搜深藻空波出素髭數頭餘尺質二色類銀姿貨鬻斯

為切鮮腴敢暇知青錢邀價直華屋市新奇珠沫綠條

煦霜鱗逐刃隨扣顛瓊聚骨剖腋錦分肌味佐芳菘愜

香參苦筍宜羹膩融膩玉膾筍胃一作寒絲湘鱓非吾

偶河魴孰與夷薦新奚向鮓稔毒即殊鱣鱸訝休官易

鯖嫌酒醒遲自當頻佐膳所惜易過時

魯從事清暉閣

庾郎真好事溪閣斬新開水石精神出江山氣色來疏  
煙分鷺立遠鷺見帆迴公退資清興閑吟倚檻裁

送葛源之太和主簿

河南集卷一

二

勿歎從卑位聊欣適去情秋風九月急飛鳥一帆輕  
斫江鱗活杯嘗楚釀清歡一作推華莫回首寵辱正堪驚

送靈師歸吳

靈師殊可尚頗不類浮屠託迹唯依佛留心獨喜儒風  
塵倦京洛水石憶句吳破寺杉松老南歸舊隱孤

江南春

杜若溪邊待釣船怨紅傷翠助鵬鵠戰回春事青蒲劍  
買破韶光綠荇錢千嶂遶圍芳草國一江晴浸斷霞天  
未知多感多愁客何處偷尋魏底眠

寒食

江邊又寒食，僮客奈離。恨滿王孫草，愁多望帝禽。鷄  
毳輕薄，事歌酒晏，游心盡付吳兒輩。唯知屏跡深。

江上送陳翹還無爲

江山一作上。寂寥春雨晴，江邊冉冉春潮生。相逢未盡斗

酒醉相送，又速孤舟行。篔簹竹，窮鎮秋浦，郡煙波渺隔無  
爲城。音塵兩地，不千里，勿使負君金玉聲。

殘春病醒

風簾窸窣，燕咩咩，臥對殘芳起。鬱陶乍困游車一作春

河南集卷一

三

尙在未扶醒，枕日初高，煩腸屢沃，疴難解，病髮慵簪。癢  
更搔，欲爲風光輕賦，別正無，慆賴染江毫。

書事覺菴

惠澤涵濡，四海同微生。曾莫預昆蟲，不參品物，陶鎔外  
獨作窮人，蓋載中深，穿已顛猶磷石危。若將籜更推，風  
一家，寄命嗟無地，何負神明與上穹。

和毛秀才江墅幽居好十首

榮陽毛生有墅在宣城之南陵，嘗作卹居詩十  
首，其詩用律格五言四韻，每篇皆同上之一句。

元和長慶來，詩人多是體生之。往還躡而和者，  
數人暨攜北來，出以相示，予諷其篇而悅其事。  
既恨未得往從之，游喜用其韻而繼之，得以盛  
言生所居之樂，宣城實江外之郡，而墅且在焉。  
因首用是句。

江墅幽居好，當門看水田。鷺鷥閑夕照，秔稻秀原煙。野  
殿無完齒，山衣有敗肩。遙聞雙闕下，簫鼓樂豐年。

江墅幽居好，溪山數里長。徑通茶塢綠，門枕橘園香。藉  
石還勝榻，聽松不讓篁。閑游驚里巷，自作隱淪裝。

河南集卷一

四

江墅幽居好，老農時款扉。濁醪尤共醉，野話坦無機。山  
雨欲到檻，竹風先滿衣。南溪秋更樂，稻熟又魚肥。

江墅幽居好，賓來定不愁。酒釀新出壓，魚活旋離鉤。移  
席追松影，調琴和澗流。陶然方外樂，名教學何由。

江墅幽居好，柴關帶竹籬。田頭餉耕後，樹裏灌園時。鄰  
靜鳴秋織，樵閑對野棋。抵巇非我事，大笑引蘇錐。

江墅幽居好，何妨鄙事添。神隨山父饗，策學野人占。露  
草牛羊喜，秋霖黍豆嫌。短牆衰柳下，寒水半渠淹。

江墅幽居好，名山對九華。疏篁十餘畝，古屋兩三家。確

下雞爭黍籬根虬逐蛙水邊閑送目獨鳥在秋槎

江墅幽居好身如醉伯倫浮名拋可得荒晏罷何因酌

酌乘籃輿道遶岸角巾人閒莫回首容儻不容真

江墅幽居好人閑晚最孤魚臨溪樹釣鳥隔水煙呼野

竹挂薜荔山花睡鷓鴣畫工能狀出差殺輞川圖

燭

一箔珠簾掩映垂房櫳清染麝香枝佳人明影橫哀柱

狎客分光綴豔詩禁鎖翠明初唱漏宮窗紅短尙圍棋

長宵且乘歡游去無限風情見古辭

河南集卷一

五

過西京

西京千古帝王宮無限名園水竹中來恨不逢桃李日

滿城紅樹正秋風

賦催妝

嚴妝應在繡闥中似鬪春芳折曉風試問天桃臨碧沼

何如豔質對青銅

送孫立東游

詩筆知名曾苦刻文章多難久漂流睢陽縱酒黃金盡

提劍東方蹕一游

邨郭寒食雨中作江南體

寂寥邨郭見寒食風光更著微雨遮鞦韆閑垂愁穉子

楊柳半溼眠春鴉白社皆驚放狂客青錢盡送沽酒家

眼前不得醉消遣爭奈惱人紅杏花

清明連上巳

改火清明度湔衫上巳連芳辰來屬續游事困聯翩酒

帳經旬直花司併日權俠兒狂不足猶恨促春妍

合歡芍藥

薰風對折心香破浩露雙滋粉面新油壁車中同載女

河南集卷一

六

菱花鑑裏並妝人皇英帝子鍾遺豔琬珍宮姬託後身

誰道獨呈芳瑞晚也勝常調牡丹春

故侯園

池館朝來瓦礫存路傍看取故侯園身便作荒涼計

祇樹芳菲不樹恩

送定師南游

營營學佛徒皆喜嘗吾道憐師獨異羣儒藝知探討誦

詩三四章往往見詞藻玉璞在琢磨不難成至寶知子

本好古身服仁義老勤請送行詩安足慰枯槁別時汝



穎路涼葉驚秋早南游何當還江潭無限好

送人至邊寨

豈憚河湟遠男兒效主恩窮邊人不到孤戍自分屯馬  
放胡沙爇烽傳塞日昏軍前初謁帥戎服走驍門

巨盜

嗣皇登位始凝旒巨盜尋將相印收漢室有靈誅賊冀  
舜廷無患放凶兇獍狙豈稱周公任豺虎猶寬巷伯投  
願斬都衡謝天下不然何用正王猷

汝陰偶書呈一二知己

河南集卷一

七

汝陰窮採計何疏四十無成坐諷書不務功名師裨買補  
切闔獨將仁義守遽廬敢同賈傅希前席況異鄒生託  
後車除泥諸公時一醉等閒猶且忘歸歟

除夜

燈前清淚落衣聞守歲分爲客是閑老母今年七十  
壽觴爭忍對慈顏

城南五題

郊步

野水岸邊蓬草歇平林煙畔逐花行雨晴南陌塵埃洗

倍覺風光奪眼明

獨游

水曲林幽獨杖藜邨筒香入亂花攜輕肥不得尋春意  
動要笙歌逐鳥啼

貴侯園

名園雖自屬侯家任客閒游到日斜富貴位高無暇出  
主人空看折來花

朱亥墓

閑登朱亥游俠墓卻望梁王歌吹臺臺上墓邊芳草綠

河南集卷一

八

游人心事立徘徊

玉津園

君王未到玉津游萬樹紅芳相倚愁金鎖不開春寂寂  
落花飛出粉牆頭

燈

杳杳有時常永恨依依何處照閑眠靜臨客枕愁寒雨  
遠逐魚蓬耿暝煙纖影乍欹還復立冷花時結不成圓  
銷魂猶憶江樓夜曾對離觴賦短篇

登莒子臺

苗圃邱壠在莒臺荆棘深憑高一極目懷古重傷心平  
楚蒼煙暝遙峯白日沈誰論客懷抱灌木自悲吟

希言官舍種花

纔初看君栽小園已報新花著桃李感時勝物情何多  
發詠長篇託興比爲言桃李富華實君子盛德尤所似  
荷荷相倚臨芳辰輔導春宮如宰揆旁有百卉爭妍舒  
特煩化匠施剗劓誇紅鬪紫亦可憐各事繁華一時爾  
繁盛寧將此花同令人慕輒狂不已義和奔御催春歸  
祇得銜盃且歡喜君看灼灼枝上英半雜泥塵成落藥  
盛衰不獨草木然人事悠悠盡如此

河南集卷一

九

登女郎臺

臺前流水眼波明臺上閉雲鬢葉輕莫把姑蘇遠相比  
不曾亡國只傾城

女郎名字本風流好與州人作勝游儻使此臺猶醜女  
汝陰城裏一荒邱

友人燒筍之約未赴

久約燒林筍何時會勝園未嘗清氣味每厭俗盤飧漸  
痛煙犀老方憐露錦繁如何玉川子苦惜籜龍冤

別穀熟尉李七同年

騎驢登縣門肩肩復何言留館空乾舍屢攜梅福樽凶  
荒歧路極冰雪歲時昏明日別君去依然蓬跡奔

樊博士化州監鹽

鹽嗟已非職況復極南之莫識州名化徒聞水涉灘樹  
驚人而果俗駭鳥言夷去去惟強飯徵遺歲可期

丙寅春雨

天地開春暉羣陰爭閉之行行二月路寒威切人肌淫  
雨恣凌虐淹旬下無時頑雲埽壘合直向平地垂蒸人

河南集卷一

十

其愁歎萬物皆瘡痍眾木有芳華摧阻不得施青苞斂  
絳萼同向枝上萎民麥悲已病泥中聊參差嘉穀失播  
種雖晴諒胡爲蠢彼田中氓豈惟念身饑州縣責常賦  
嗷嗷訴之誰幸不爲盜起多應盡流離吁哉致此異其  
咎安所尸悒悒窮巷士屏身伏茅茨讀書抗前古得失  
心頗窺天理不難究可以人事知且欲上其說懼非已  
所宜有職彼尙默未當僭汝卑勉汝無妄言言出禍汝  
隨誰識此懷抱獨自空嗟嘻

贈適公上人

喜得師消耗從僧問不休苦吟成白髮多病寄滄州道

氣閑尤勝書鋒晚更道相思二千里阻別十三秋六合

勞生耳休追萬事不雲羅荒舊隱知友落新邱想歎歐

生逝應問李氏憂師曩受國子博士李公深遇實與其子之奇相好李博士去子得無悼念

尋思祇如此必竟欲何求未即無言問方期勿藥瘳終

為嵩少約築室共夷猶走久有嵩少之志去將有期同欲招師而偕往也

一百五日同周越陳永錫游吉祥僧舍

痛飲方期數百杯尋芳何事又空回花愁酒困春無著

卻訪野僧蕭寺來

河南集卷一

十一

題李士言秀才別貯帕

蘭蕙靡衰輕綃帕略許攜持又索還題破白雲深有意

要傳消息到巫山

南陌

南陌一雨後東風三月天殘花亂芳草輕絮散春煙影

色真愁絕歡悵重棄捐悵悵有餘恨醞醱詎能獨

雨中牡丹

萬金期勝賞三月破穠芳妒忌巫娥雨摧殘洛苑香怨

啼甄后玉寒山貴妃湯掩歛無聊極誰來替斷腸

思邊

去年何時君別妾南園綠草飛蝴蝶今歲何時妾憶君

西山白雪暗秦雲玉關此去三千里欲寄音書那可問

聞報自崖徙雷一章

從來崖貶斷還期間徙擊雷眾共疑卻訝有虞刑政錯

四凶何事不量移

秋浦會遇並序

大中祥符五年為海陵郡司理參軍居職以不

能俯仰自全不幸為姦人所伺誣搆以事因被

河南集卷一

十三

罪南謫為池州參軍貶斥中且聞所天之艱朝

廷以罪犯不許奔哀窮冤悲苦生人所無寄一

室於浮屠宮闔戶日日外絕還往留歲餘過赦

聽以所毀間將示之宥俱待命者有前泗州錄

事參軍清河張木亦受譴來是州前赦一月至

與之居泊比接既相弔語且悲且歡張君簡篤

有文信義人也自是游處以日兩盡款慰若忘

窮否之為爾予自至以艱憂中目不能視文字

矧為隣偶之辭乎述此稿厥事聊用拾之為長

詩一千二百言匪以言詩也據憤悵之辭也池

州古秋浦地命為秋浦會遇詩云

離離幽遐地栖栖會遇人窮愁艱理勝羈旅易情親豈  
意當漂謫茲諧卜並鄰温温窺表粹晏晏奉嬉嘖直道  
談端闊橫流語下堙綺文何斐疊瑰行亦璘玢敦分初  
投漆文言卜飲醕操心忠義合開口肺肝陳其味隨時  
理俱成迷患因禍來非造次語及自酸辛眾奮溷山舌  
孤縻坐獄身詆誣惟脰臆鍛鍊止逡巡囚任棺桐躍冤  
靈斗劍伸君辜一作愆成很羶張君之冤由羶漬者我患

河南集卷一

三

構姦秦

秦應者本以嶺南小吏承攝州縣久而得真命官年七十餘通判是州為人狡多刻多疑納郡

細之語以子嘗駭之會守郡者疾病諸從巧縱鈇刀事皆他適得久專郡事遂與其下構予之禍

筆幽爭調鬼神精誠懷皎日悲憤貫高身素誓端清檢

期無取玷淪斬芻嘗鼓篋臥囊先書紳側壁疑曾辨鈞

金法所循得情奚示喜伏念不忘句粗評上三章直何

辭一馬貧決曹誠自任

今之司理參軍蓋古之決曹也司舉仰誰論錄

參軍唐亦號膺破藏姦柱網埋翦暴輪存心固慨慕有

司舉從事位敢希遵驥驟程初發虹蜺氣未振沮磨圭失色萋菲

錦爭新肯或奇虛刃翻成害實質木招孤秀伐珠撥閭

投噴跼踟同非聖敦犖眾忌洵棘心終妬蕙蓬首不差

榛冶媚皆狸貉跳梁並狡獪不無嫌虎據的是惡鸞隣

合力邪攻正連謀偽背真蠅聲移枯楊渠列蟻漏壑嶙

响抵玉為几礫摧松作弊柳椎埋智直墮排陷堵潛填

卑溼終投誼愁憂遂放均嶺辜除蓋幙照覆隔蟾跋流

落窮山崦夷猶積水痕望家惟實泣向國祇低羶艱毒

天崩杞謹中間朝邑遭危歲在辰以丙辰正庭闈偏祀

帖伯仲邀瓊瑰媿未鳴夷死慙如渾敦器睚盱搖尾獸

宛轉膝腮鱗已嘆棲遲郡尤居寂寞濱土風傳細碎心

河南集卷一

十四

事遭凶屯 郭周 援人煙簇野津賈櫓通勁越商颿

扶芝切徹歐閩溪婦收菰米邨娃貧竹薪回頭跋渺渺

動足石磷磷再見來巢乙支鳥頻聞入市寅虎每入市

滿林垂嘯狖當面走鷲鷹水寺傳將久沙禽漸欲

馴無心從碌碌任志守諳諳早作慵洮盥宵眠獨嘆呻

机牀閑筆格窗牖亂書筠舊葛那支暑貧 續辰未

嘗游井開況復出城闔悒悒危腸潰昏昏病目矚梅蒸

衣醜醜瘴觸面黧皴未免雞猜鶴徒希鵲庇鷄素鷲求

庾悅碧鶴事羣詵詎識開三雅奚論指一罔歡無官局

事病免府趨塵避路深藏拙忘機獨任純鳶輕機鸞  
奴前瘦麒麟瑣謫連城寶驚疑照席珍泥蟠虬肆苦塗  
曳蠲嘲頰機弛干鈞奈剛摧百鍊鎮憂宜悄悄說吹  
更猜猜漸豆多聞耳全膠欲語辱已甘鍾律啞難鬪金  
雷震近歎非辜者還稱被譴臻堪持言自解辜以命相  
詢頓覺窮通外殊驚得喪混豈煩懷魯汶並說忘岐爾  
茲共追隨日時逢景物春雜花明浦嶼細草染郊吟繡  
羽來穿柳收鬢去采蘋畫船江汎汎銅鼓野蕭蕭荷芝  
卷生清蕪菁秀出聯叢暄茶正發秧煖稻初勻遠步尋

河南集卷一

五

芳徑閑留坐翠瀨小蠻聊倒榼獨繭垂緝煙杪聞啼  
魄沙塹遇祭獮道宮披古碣僧閑凭雕楯滯迹慙魚鳥  
樂蕭方等云吾嘗夢爲魚因化爲鳥方其夢也何樂如之其覺也何憂斯類良繇吾不及魚鳥遠矣歸懷  
謝茗尊後魏王肅事南朝好茗東又飲茗羹及北還誰  
又好羊酪或問苦何如酪曰酪與爲奴耳誰  
憐秦逐客自恥晉繹臣學憶居州里文智力組紉曹倉  
祛社稷任苑荊荆榛壯節輕宗慙奇材櫟卞彬賦毫擗  
藻繪詩墨泗珙琳始角詞場勝終馳義轍麟戰瘡知景  
陌盟手敢他援勇候邀圭爵功期取鼎茵鄉書先鸚鵡  
省薦半龍荷藝竊登廷試名叨擢帝宸闕巖趨紫貝陛

峻拜蒼銀變化初飛壁挺和卻在釣三年紆選調一命  
就陶甄穴驟司罔罔卑纒服瓊珉上條非遂霸同列異  
超珣介立旁無援陰排密有資隄防雖少戇城河亦多  
迤緘已能傷雁罟仍未放麟踰年留異域肆會奉版禮  
仰問蒼蒼理難窮蕩蕩仁良圖君未聘薄命我方漚蓬  
藿何當返蘭茝自可紉肴蔬調旨膳春稅給租緝寄傲  
邱名麥遺榮野號莘退藏師李謚貴顯讓顏竣躡跡三  
高士追狂六逸民耕皋營酒秫樵谷訪琴柏畚土封花  
撥誅茅出果榛前音臻此音誅園中持鉞鋪林下設罝良至理

河南集卷一

六

鵬齊鷓浮生菌等椿未甘捐糞土所幸曳絲綸南面同  
堯禹巖廊卽甫申固應容一叟鼓腹得還清

河南集卷一終

穆修伯長

文

答喬適書

月日河南穆修白秀才足下近辱書並示文十篇終始讀之其命意甚高自及淮西來嘗見人言足下少年樂古文固耳聞而心存之但未敢輒輕信人說今遂果知足下能然蓋古道息絕不行於時已久今世士子習尚淺近非章句聲偶之辭不覺自浮軌濫轍相跡而奔靡有

河南集卷二

一

異塗焉其開獨敢以古文語者則與語怪者同也眾又排誅之罪毀之不目以為迂則指以為惑謂之背時遠名關於富貴先進則莫有譽之者同儕則莫有附之者其人苟無自知之明守之不以固持之不以堅則莫不懼而疑悔而思忽焉且復去此而即彼矣噫仁義中正之士豈獨多出於古而鮮出於今哉亦由時風眾勢驅遷溺染之使不得從乎道也觀足下十篇之文則信有志於古矣其書之問則曰將學於今則慮成淺陋將學於古則懼不取名於世學宜何旨引韓先生師說之說

以求解惑為請足下當少秀之年懷進取之機又學古於仁義不勝之時與之者寡非之者眾不得無惑於中焉是以枉書見問某不才而棄於時者又何足為人質其是非可否徒以退拙無所用心因得從事於不急之學知舊者不譏其愚且翫或謂之為好古焉故足下以是厚相期待者蓋感其聲而求其類乎可不少復其意耶試為足下言之夫學乎古者所以為道學乎今者所以為名道者仁義之謂也名者爵祿之謂也然則行道者所以兼乎名守名者無以兼乎道何者夫行道者雖固有

河南集卷二

二

窮達云耳然而達於上也則為賢公卿窮於下也則為令君子其在上則禮成乎君而治加乎人其在下則順悅乎親而勤修乎身窮也達也皆本於善稱焉守夫名者亦固有窮達云耳而皆反於是也達於上也何賢公卿乎窮於下也何令君子乎其在上則無所成乎君而加乎人其在下則無悅乎親而修乎身窮也達也皆離於善稱焉故曰行道者有以兼乎名守名者無以兼乎道有其道而無其名則窮不失為君子有其名而無其道則達不失為小人與其為名達之小人孰若為道窮

22 B

之君子矧窮達又各繫其時遇豈古之道有負於人耶  
足下有志乎道而未忘乎名樂聞乎古而喜求於今二  
者之心苟交存而無擇將懼純明之性寢微浮躁之氣  
驟勝矣足下心明乎仁義又學識其歸向在固守而勿  
離堅持而勿奪力行而勿止則必立乎名之大者矣學  
之正偽有分則文之指用自得何惑焉不宣某白

上大名陳觀察書

觀察閣下修嘗病近世以來文武異道將相異材爲弊  
于時久矣古之所謂口文武之道蓋一道也但治亂之

河南集卷二

三

用殊所謂將相之材皆通材也由出處之寄異未有不  
達權謀而名能相國者未有不明學術而名能將兵者  
則古之取將相也率由文武之道一焉近世則不然謂  
儒爲文謂卒爲武苟登之爲相矣則不復寄以軍武之  
任而曰此文人也不足語以武苟拔之爲將矣則不求  
以儒術之學而曰此武夫也不當責以文時旣擇將相  
之具不同人遂目文武之術爲異時之所以不得其人  
人之所以不得其用其弊皆出於此乎修嘗願識如古  
之賢傑之人文究經綸武洞權變弛張諧物理動靜應

機會陽開陰合與鬼神造化爭其功用無所施而不得  
者如此之人逢其時運其才出入乎文武將相地使剛  
鱗匹夫號名主將者觀之聞之色死氣喪俛首聽命知  
將帥之道不在於彼而在吾儒也豈不偉哉求之當今  
他未獲視唯服閣下之才德風略於斯有年矣伏惟閣  
下名極而望峻識淵而量宏視鼎甲之第於當年若掇  
遺物之易蹈雲漢之衢于平昔如馳坦途之速周歷清  
美深集禁密言蔚典冊筆動雲雨當斯之時天下之人  
其言問下之文章真辭臣矣一旦奉明詔去內庭統將

河南集卷二

四

符分廉問奠枕攸倚來藩北門命下之晨威聲四出當  
斯之時天下之人又言問下之氣略真帥矣天下之所  
以稱之如彼者何如此者何非私言也抑以問下之才  
全能鉅無施不稱文德武備靡不在躬也附眾卻敵靡  
不如意也以是而天下言之爾然則雖古之賢傑復生  
諒何以加此修可不嚮風馳想氣激神竦求一識大賢  
君子之風采忽不自知其貧且賤羸羸躡屨來及魏都  
亦旣至止復徬徨踟躕不敢徑進則訪謀於諸府僚從  
事或有言曰公性嚴急難犯也或曰公性深沈不測也

始聞之甚懼且疑徐念之則悟以解曰彼言公嚴急難犯者其非也公方負天下文武之望以賓接士大夫爲切務顧肯肆嚴急難犯之性損其容納度量乎斯不然矣彼曰深沈不測者宜有之凡大賢君子動作施爲皆不使人闕其涯畔今公柄國重任殿河朔上流禮接邊鄰鎮靜方域非深沈不測其何以制遠御眾乎苟行事深淺動爲人料其孰曰大賢君子乎其深沈也則宜矣既以是解之因從而語曰夫深沈不測則臨事好思臨事好思則心存默識今公誠如是則賢不肖進於前必

河南集卷二

五

有所取舍矣宜乎人人萌進見萬一之望焉敢用致書數百言於左右以爲進見之禮俯伏檠戟之下以俟進退之命閣下賜與之見則敢進見實旅人寒士之幸也不賜與之見孰敢求之見蓋躡薄之命不獲過於大賢君子之知矣窮達進退庶卜是日敢不唯所命之伏惟少賜憐察幸甚修恐懼再拜

上穎州劉侍郎書

月日某謹齋戒擇日裁書百拜有聞於密學侍郎閣下某竊惟哀矜惻隱君子之常心困迫饑寒小人之切慮

儻以小人困迫之患仰扣君子哀矜之心苟君子不聞則已其或聞之則必動於心大則必見於色當爲咨嗟慘怛憫而矜之雖未知必假之大恩與否其無拒絕弗顧之理明矣某是以不敢疑懼期得溯於府庭之下庶窮悴之迹少或布聞於左右如獲贖犯尊威之罪而難用默默自己者其勢與誠危且窘也某死罪死罪某以大中祥符初竊進士第解褐爲秦州司理參軍時年齒且少心壯氣銳實不能與俗相俯仰謀爲自全之道卒爲是累一旦挂於刑章毀官喪祿斥爲敗具於今十年

河南集卷二

六

初爲池州參軍日屬所天奄歿朝廷以始得罪譴不許奔憂時國子博士辛公辛公卽公之外舅也方爲是郡哀其艱禍窮感特以事聞果允朝旨聽其北還因獲生見老母稚弟於京師不然非辛公之力將以悲憂死之江外常念辛公之賜厚矣某家園素來貧虛蹙不足以給養其生奉老母旣茫然無依卽棲於京師亦無他圖以其都會之地平生舊游或時得達悲其窮者輒有分濟至將丐四方大抵取塗似便以故久寓京師用不能出家雖寄託京城身常奔走道路老幼十口食于一身遲遲終歲且



不能周其養粥今春國家恩詔特下失職尤累之人許以自新由是某竊有食祿之望半年住京延伺一命雖室有十錢之物亦盡爲薪水屋直之費無何二月之詔裁廢某嘗與一二人同詣宰相被告其下五人獨得從自新之典惟某六人復寘散地但某受是命抑不敢不知幸焉文學掾古之美名汝陰郡今之善地守茲郡者復朝之重賢得古善地而事重賢信爲幸矣然事有便於名而不便於實安於公而不安於私者雖聖人將不能以居焉某昨自趨府之後退伏逆旅舍中所相親

河南集卷二

七

者唯形與影每念年高之親旁無兼侍計日所食殆絕而莫續念之至此則不覺心目俱斷涕霑於襟將爲之奈何因自謂曰憂思無益也今爲孤親之計莫如直以誠言於旌旆之下使重賢君子察而知之然後乞告歸養以慰倚門悽悽之望將無不可者故官無職事所守俸不救于口腹頽土昔未嘗游足無可及之門是乃真羣中之長物耳久留此將不難死於窮餓一身窮餓而死可也如老母何如幼穉何是以不得不以誠而自陳所謂以小人困迫之患扣君子哀矜之心識者必不謂

逆理而動惟寬明仁惻矜而察之優而容之不加大罪則生死幸甚情志殞迫辭無緣飾干冒尊聽憂灼失措某頓首

上監判郎中書 那

月日具官某謹拜手書於監判郎中執事某爲兒童歲多依外門祖氏家山是得服執事之名久矣逮十歲許從先君官南北則不常其居年已長卽入舉子場干時求進爲人事羈束皇皇汲汲至於今不獲拜盛德於左右往年見先君問執事拜官寵澤優渥時謂某曰昔日

河南集卷二

八

汝外王父屢與吾言及其僚友家子弟敦偉可器異者獨曰那君久遠職位不同吾輩幸記之今誠驗其語汝外王父可謂知人吾爲太學生時亦嘗辱那君游他日汝見之必修子姪禮小子奉是言不敢遺忘於時某方再舉於有司雖一名似失所望其後選授秦州司理參軍區區曹掾未終秩而數禍繼作所天奄喪艱苦無訴去冬適自南歸一家貧寄京師薪米不給老幼數口嗷嗷待哺相時未定旋奔走於外以謀其食越春涉夏無時少息所以未遑進見於執事者蓋此也近日思京城

都會之地苟無俸入儲蓄之備未易久居方謀今秋將家還汶上鄉里葺先人故田以養老母之膳因自爲息身之計既如此卽望執事之門愈將無及矣重念先人忝執事疇昔之舊不能當此時一請見門下是自取疏外于長者而不行先君在歲之命也前度日竊不量度遂造於門館既獲以名通伺命遣延開蒙執事辭以他故徻徨引退愧生于顏歸自思曰執事所以拒而不見者責其進謁之晚故也執事其實未盡察知亦宜乎責之以晚也某又豈敢以不見望于執事雖然苟獻而不

河南集卷二

九

以言自辨其所以進謁之晚之故則是終得罪於長者足以爲恥今盤桓忸怩數日而復進其言庶幾執事覽其言而盡賜察知或哀以故人子而命之見則復敢以見如不命以見則終不敢見唯執事亮之不宣某再拜

序

唐柳先生集後序

唐之文章初未去周隋五代之氣中間稱得李杜其才始用爲勝而號雄歌詩道未極渾備至韓柳氏起然後能大吐古人之文其言與仁義相華實而不雜如韓元

和聖德平淮西柳雅章之類皆辭嚴義密製述如經能峯然聳唐德於盛漢之表蔑愧讓者非先生之文則誰與子少嗜觀二家之文常病柳不全見於世出入閒者殘落纔百餘篇韓則雖目其全至所缺墜亡字失句獨于集家爲甚志欲補其正而傳之多從好事訪善本前後累數十得所長輒加注竄遇行四方遠道或他書不服持獨齋韓以自隨幸會人所寶有就假取正凡用力於斯已蹈二紀外文始幾定而惟柳之道疑其未克光明於時何故伏眞文而不大耀也求索之莫獲則旣已

河南集卷二

十

矣于懷不圖晚節遂見其書聯爲八九大編夔州前序其首以卷別者凡四十有五眞配韓之鉅文與書字甚樸不類今蹟蓋往昔之藏書也從今覽之或卒卷莫迎其誤脫有一二廢字由其陳故刪滅讀無甚害更資研證就眞耳因按其舊錄爲別本與隴西李之才參讀累月詳而後止嗚呼天厚予者多矣始而麗我以韓旣而飢我以柳謂天不吾厚豈不誣也哉世之學者如不志於古則已苟志於古則求踐立言之域舍二先生而不由雖曰能之非予所敢知也

送李秀才歸泉南序

景德四年與泉州進士李君相識於京師游處且久于時予與李君俱少年有壯心操紙筆入都省應主司之試躍躍有矜負之色窺科級致仕進自期待者甚銳明年春不幸則皆無成以罷後月餘遂各去京師而歸其居地既遠且絕不相聞知如是別者十一年始復會于京師得一舉酒而相歡對一語及往舊事悅焉不啻如夢面老而心衰則相與皆然也予中間雖僅成一名今又失其祿食子則猶舉於進士場中嗟乎子與子嚮之

河南集卷二

十一

志願百莫從其一二而意態度十已亡其六七信乎人物於天地閒甚易老且死耳別十一年而一相聚顧昨日之少壯忽已凋耗今聚未久而復別別聚苟又加如是知他日之相視復不如今晨之視昔時也必矣今子別我而歸我眷眷不能已者其以故人也其俱不得志也其相遠而難相聞也其會之或賒於前也其將為之奈何請且序情而歌事以為子送詩云

聞越子所家告以歸期征別語黯然發憤氣一作意鬱以盈男兒志未就口腹常不營故為京城中日與芻豢爭

隋河三月路柳色傷遠行十千大梁酒金鼎為君傾酒酣微悲歌眾坐皆聳驚去矣丈夫別安用兒女情

張君字銘

春秋之法書字為廢有以知君子之尚其字也然則古之名與字以相配字者所以表名也清河張君行始字友直猶以其取義未定也而訪之僕辱其久游不獲議為一作徐思之因更請字曰元膺方前字於義為洽而又正與名會且元為長善則仁義統稱士能膺之行孰大矣張君以辭學累舉進士始得明之定海尉祿雖卑

河南集卷二

十三

才不踰一有其字其字職與其位甚尊而才甚愧者孰賢愚焉子既為述其字又以勉其行故為之敘

送魯推官赴南海序

為人之佐其難矣哉夫令而行之者其長之所專也從而輔之者其佐之所守也凡政有害於公有悖於理知無必從之道則政有必失之患為其佐者罪先及之故曰為人之佐其難矣哉然則如何其可也曰盡其職而已矣居上者賢已當公而正之不賢已當直而輔之輔

與正非已之職歟正之而不從則雖獲罪乃有之矣於其職也實無媿焉今之從事於二者或莫率是道不涉於欺則陷於隨居上者其人果賢其政果明是宜順之於下以成其美已則曰我爲人佐遂能無一言爲之損益吾何以食其官卽強出白黑以紛亂之此非欺而何居人上者其人果不賢其政果不明是宜直之於下以救其過已則曰我爲人佐言不吾取事不吾專力與爲敵徒速悔戾易若附離唱和取容免責苟全吾位而去此非隨而何予謂士之居其位事其人旣不可欺亦不當隨不欺不隨唯職所宜而已矣魯君以辭學中名自邑佐而游郡幕皆有所稱今將復佐於南海南海際南之鉅府也方問其長則天子諫臣賓接寮屬當獎正與直用是知志必上行苟上下協公以從於理予見南海之政獨追於古而荒夷之民大浹其惠也

送李秀才應陳州舉序

陳許于京師猶唐之視同華實四方藩輔之府來鎮其地者常自大官出故每貢士歲進士獲送名於書者其榮與王府偕 上之四年太傅隴西公領陳之二年也

河南集卷二

三

隴西公之賢時莫不聞禮才接善博取而廣納不以位望驕物四方之士走陳而獻藝求願曰伏於門進士李生諷前一年嘗自蔡往以其業修請謁禮一見獲遇甚厚自是復歸探學尤至益有聞焉今茲歲會辟選舉生將韞挾其技舉於陳同儕輩欲生留於斯者或解以他語予謂李生是舉往得宜者三焉隴西公喜能樂善固材駿所歸地首藩輔其名躡易發而光且復聞舊貫在焉有是三者可無行乎其戒子僕其袜子駒吾將饒子以壺而送子諸塗

河南集卷二

直

送呂公初序

爲善汲汲於報報未至則更而去之末哉學者能顯窮一致蹈道自樂而不變庶幾君子之志者邪與其達而安不若困而固之之難也公初生於儒門庭間道爲名進士十五年僅然獲一第後數歲始選得州參軍日趨走塵土執下賤事充乎貌顏未嘗爲 可憐之意予知道固於內外物不待閒而入也 不然豈免誹怨呻噓賦躍發於中而表之歟居 職踰年以家艱去之蘇予重其別先行以告曰慎 無中廢則豐報且將及豈

惟寬裕於賤用哉瀚表空裕處文  
義似皆不缺

送崔伯盈序

士困窮而篤於學庶民困窮而篤於利學卒利亦久且  
博哉或泰於交或數世而弗斯焉庶民日羸日陷若坳  
坎聚源不注則涸故少息則怠及學之利也蓋異于是  
焉伯盈篤于學者也學三年而益困未知所以爲利今  
歲詔罷舉妻死身病子單母寄海上思侍以孝之道用  
不能往因射他州之無有者居諸臺將自潁川之伊洛  
走奏中都浮葦蕩波龍藏泊過姑蘇入吳興出谷水靈  
省於東安少進於越抵句漏圖庶民之利者將行予慮  
君韜于貨而落學故序庶民之道以告焉

河南集卷二

五

穆 修伯長

記

亳州魏武帝帳廟記

謀東有祠歸然宅於衍之上者粵魏武帝之祠歟嗚呼  
帝實此土人始以諸生去任為吏則圖大略雄偉不世  
之量屬炎運衰息皇綱紊絕海內震擾羣雄並爭於時  
得乘機會策嘯叱馳騫乎其間用能建休功定中土垂  
光顯盛大之業於來世焉當帝之經營征伐也袁紹父

河南集卷三

一

子據兵河朔吳權蜀備內窺中夏帝挾持漢室抗力三  
方慷慨興言則失彼匕箸從容計事則走人頭願卒滅  
袁而沮權備之強者惟帝之雄使天濟其勇尙延數年  
之位得徐圖成敗其伐謀制勝料敵應變之下豈江吳  
庸蜀之足平哉至今千年下有觀其書猶震惕耳目聳  
動毛髮使人懷其餘風遺烈矧謙之舊邦祠堂在目像  
貌如生里人事之故不祇畏前代帝王莫不皆有祠廟  
秦漢以還首事之主得廟祀鄉里事若於時者惟高祖  
之於豐沛光武之於南陽廟像咸存威德弗泯其次則

譙廟也赫然有豐沛南陽之迹焉此三君者皆由微時

仁恩長者為鄉里人所愛後思懷其德共自尊祀之遂

傳於今不息也真宗皇帝車駕有事於寔宮之歲詔增

帝故廟而新之容像載嚴有焯有耀以帝之明靈加吾

宋振顯其迹德用益興矣乎乾興元年春今樞密左丞

相清河公來撫於亳至之三日謁於祠下既退命左右

使謂邦人曰武帝廟享於此土久矣庇於爾民厚矣水

旱菑害爾民請馮疾病疫癘爾民禱焉毫之士微帝之

福不既多乎今其廟與像則詔修之顧惟殿內廊廡帷

河南集卷三

二

帳之蔽使埃埽及座延於冠冕為闕孰甚吾將自出私  
俸盡為具武帝洎文明三殿之帳誠無為艱如彰爾民  
漫帝之咎以吾臨此州不能導爾民心知所奉是亦吾  
過故遂使告於爾民眾聞公言慙且喜曰亳民聞鄙蔑  
有所知蒙帝之休罔識攸報為罪大矣今我公有言始  
克知過俾獲逃罪於帝之靈繫我公之恩是賜是賴敢  
不聞命即眾入請曰幸公皆許民營之願不煩公也公  
曰吾本率將自具既思同爾民於欲不可盡專吾當與  
爾民共其事即以俸緡合民之用命工偕作未歲而三

帳成卽置其殿內有帳之號非縮帛是製而成以木者  
圖其久也其年十一月公承詔歸機密之地公在亳不  
滿歲而去既去之日猶始至之辰是歲亳人饑公至關  
卽上言得徙淮南數州廩米來貽一本作給亳人億公之愛人  
甚矣使循常有位者得入聞爲天子近密委其民而去  
之雖草莽之不若又暇顧其饑哉公前居一州猶且勤  
勤爲州人求福於前代帝王不懈今君爲朝廷一本作朝廷爲  
親近大臣其贊帝王治以福於天下之人肯又懈乎天  
聖元年二月初二日記

河南集卷三

任氏家祠堂記

今上之元年尙書康懿公由參知政事出領太平郡君  
一年以齊國太夫人春秋益高至陳懇言求爲本州以  
便其養詔尋從之於是復自邳而卽曹既至未期歲屬  
齊國艱憂公遂去位而以私館居則盡斥絕梁肉弗視  
惟菜茹食以終日公魁碩人也至是頓被瘠毀體軀不  
支家人憂其憊甚爭止之乞稍進葷茹以自持助公曰  
吾頃服從王事有家靡居左右承顏情至闕違今日得  
躬奉喪紀敢尙不率盡子道耶皆不聽越三日竟以毀

瘠而不起嗚呼公其可謂孝德有聞也矣將終願謂其

子都官員外郎中師曰吾年踰六十壽不爲少官至大

府位不爲輕今得收其躬以獲及於先人之舍亦已幸矣

然獨所恨者不克及吾之存畢先塋事耳吾俸賜之餘

力足以舉爾其勉之唯速無緩都官念康懿戒付刻切

時雖齊國在殯求欲苦廬守禮斯亦不得卽以縗服畫

而從事於外始卜其阡於曹之南近郭未及葬也日往

自視樹墓柏或數千疲心瘁躬事以遽立旣而治其第

之側隅起作新堂者徹三室而闢五位前後左右皆有

河南集卷三

四

宇以引掖之華以丹刻之飾六年春某東行見同年都  
官兄於曹一日目是宇而言願我無以致孝愛於先親  
先兄將以是升畫像而薦歲時焉苟無述也其何以貽  
厥聞請以事屬諸子某辱兄之命不敢讓乃言茲宇之  
設其近於家廟者邪惟家廟事自唐人修尙舊禮粗復  
其製時衣冠室襲行之始著唐德而旣往旋又廢於五  
代之兵興自是以來將相文武之家無復知言此者增  
築第產之盛則知患其不崇且廣終莫患其先廟之闕  
而不立古君子不敢以私褻交於神明故制器服立宗

廟以祀其先示誠潔也今人既用常所器服而又祭之於寢蓋亦不知事神之道使士君子之祭疑於匹庶人之祭久矣儻非世陷者矩率禮敦教一作孝之族其孰克思之其族維何其在康懿公之門乎康懿公姓任氏其門自唐洎五代晉漢周傳官不息以入國朝是興贈開府儀同三司太史尚書令兼中書令諱載儀同高才偉識藉問鑑世德豐以約委羨厥後實有賢子五人皆齊國太夫人白氏之出兵部尚書贈左僕射諡康懿諱中正其長子次中孚西頭供奉官閤門祇候次中行尚書

河南集卷三

五

列是以顯考主父神次不敢盡陟而時享合敘抑有常焉劄按前代私廟並置京師今本不從廟稱而復設於居里敢請號曰家祠堂者信適事中而允時義矣噫家廟者豈不可復矣乎苟復之則已如未之復則斯堂也於奉先之道得一時之禮矣

蔡州開元寺佛塔記

西佛氏法唱中夏爲祀于中夏先王之遺民樂聞其法尊雄一旦從而和之棄世守常義弗顧而爲其徒者靡然傾天下四人之業胡其盛之如是耶豈佛氏之法爲能本生民甚惡欲之情而導之耶不然何以能鼓動羣俗之心唯趨號令之齊一也夫生民之情大矣聖人知其不可充也爲之著禮明義以節養之使不流不窘安其分盡其常以生死焉而不及他道者三代之民也今佛氏之法後三代而作極其說於聖人之外因民所欲惡而論以死生禍福之事謂人享有於其身者皆由死生往復而取之方於植物者根於善善以之而生於今種夫惡惡以之出於後其爲貴爲富爲壽爲康寧皆根夫善者也而統謂之福爲賤爲貧爲疾爲夭皆種夫惡

河南集卷三

六



者也而統謂之禍福之報不移也世間其說甚懼謂  
死且復生則孰不欲其富貴康壽而惡其賤貧疾夭雖  
君子小人一其情也然如何即可以違所惡而獲所欲  
曰非去而爲佛之徒讀佛之書則不可人所以悅其法  
而歸其門者爲能得已惡欲之心乎佛亦安能彊使人  
附之哉如死生禍福之說使禹湯文武周公孔子亦嘗  
言之則人必亦從此六聖人而求之如其聖人所不及  
唯佛氏言明之則人焉得不從佛氏而求之也予謂世  
有佛氏以來人不待禮義然後入於善者亦多矣佛氏

河南集卷三

七

其亦善導於人者矣嗚呼禮義則不競宜吾民之皆奉  
於佛也宜其佛之獨盛於時也佛日益盛徒日益繁則  
當有異行之士奮臂而出力樹塔廟以廣弼其法之興  
就其實而言之則隆塔廟誠佛氏之末苟以時觀之能  
恢赫顯灼使人見一本之起恭生信則無如塔廟助佛  
之大故雖窮遠僻阻川塗所出必有佛之塔廟以瞻嚮  
於俗也矧中州近壤之衝會乎然而佛塔與廟抑有其  
說中藏像事而旁棲徒眾者實爲廟唯佛塔之說當必  
得親佛所遺爪髮齒骨一種或積精力所成如珠璣類

者釋氏皆所謂舍利者也然後面以金石窺首義地而  
藏焉因起浮屠於上以表識之是曰佛塔耳諸所立者  
靡不然而蔡州開元佛寺其踊躡成七級浮屠者是謂  
葬佛頂骨舍利焉其始自雍熙四年故相太子太師呂  
公爲郡日其佛骨自京師降呂公尋之去郡以屬僧志  
者俾後興塔於寺以葬奉之後志方肇心會卒曰僧榮  
者復上承之自是迄大中祥符初榮始再議所舉得喬  
張二豪吏歸入費用僅獲就事於時浮屠纔基一級而  
已榮終度力難以竟即又罷去於是州耆釋叟衆惜其

河南集卷三

八

跡已植而止相與謀其可以終事於塔者復得寺僧海  
微而請之微一本無而起應請實堪其任今塔之所以  
獲立自海微力塔既立未致備飾而微沒時天禧二年  
也付其事於門人永昌纂之永昌紹成師志罔有暫懈  
悉心募力未幾而闕飾云具其範鐵塗銀穎然而擢立  
其端者是曰相輪其棟石甃瓦翼然而周蔽其址者是  
曰散水計二事役費於浮屠者亦三之一焉皆永之爲  
也永其可謂善繼師之勤矣較三四釋之功是則靡於  
志基於榮克成乎微而大備於永雖經始營爲殊先後

鉅細其因作之蹟則皆有力於塔者其所謂異行之士  
歟塔始於大中祥符初迄於天聖之六年出入二十年  
之際厥有成績其糜用財力積削亦至矣永師列其本  
末來請得以著成於記

養正堂記

韓君堯言登進士第九年始再任爲泗州錄事參軍到  
官之五月以解舍感狹由視事廳一本有則字達乎寢他無  
晏休之地俯廳西北隅先有屋數楹已故敗就摧因令  
堂而新之以備其所爲晏休者於時河南穆修訪君淮

河南集卷三

九

上目其始立君曰爲我命以名而記之卽從而言曰堯  
言少年以文辭上第其視富貴爲朝夕事今十年間乃  
猶盤回效州縣職屑屑以斗石祿爲急著公衫把手板  
旅進退郡庭下瞻望上官顏色非爲計之得矣不獨如  
是復爲讒狡小輩走謗議其閒誼謔不已所以古人憤  
悒脫冠委印綬不顧而去蓋此也堯言曾不以是動其  
心汨汨隨波上下無所可否獨何歟將有其說人抱蓄  
才識凡得以施用者不有高位當遇知己去是則才之  
與識或不可使以外發發輒受攻於物知乎此者近易

之蒙蒙以養正之謂焉非變通之才孰取之今堯言居  
是職其有以幾乎予與堯言交舊而復同年登科不謂  
不知其平昔雄逸豪偉真無顧避座有論說不輕以氣  
語低人至是乃能列鋒稜藏戢崖岸約束若纖謹男子  
爲者終日挈挈守其曹事不少爲俛眉動容起倦忘意  
眞可尙也堯言旣爲斯室將施名而屬予予悅堯言所  
守從而得堂之名卽命其堂曰養正旣命之沿其名以  
爲記

亳州法相禪院鐘記

河南集卷三

十

古之爲鐘其用大矣樂記稱黃鐘大呂又春秋傳稱師  
有鐘鼓曰伐則是鐘爲禮樂之備又爲征伐之具其用  
之大樂可調陰陽感人神導天地之和用之軍旅可以  
讐不軌懼不庭振邦國之威考是二者則鐘爲禮樂征  
伐之器久矣三代之際以及秦漢皆不變其用今是鐘  
也專爲釋氏之器亦從可知也東漢之運將季西域之  
法聿來流晉宋而益崇涉齊梁而大盛率天下而從其  
教擬王者而關其居無王公無士民無高卑貴賤豈不  
從而信奉之不從而歸依之以求其福報乎如是則盛

矣大矣佛之爲法也既與中國聖人之道並行於時則所謂禮樂征伐之器者安得不入於佛之宮哉佛之宮其徒羣棲而旅集多者數百人而居之其朋既繁不常厥處將齊彼眾非言得通則必聲物以齊之求物聲宏達而及遠者莫踰於鐘是言鐘爲佛宮之用其在茲乎亳州法相禪院有主院僧海宣者謹行之僧能勤以募眾崇揭土木門堂殿廡總百餘間多宣師所葺也聚徒先仇資膳悉備警旦暮者其闕惟鐘州人時氏豐財好佛之士也一旦詣宣而謀曰一鐘之費其用幾何願輸

河南集卷三

二

其資獨營斯善師即計其用度告之遂以錢若干昇師復謂曰鐘之成也匪高弗居則並請爲居鐘之樓以此土不產美材因命僧海真南抵於舒鞭其材木匠爲成器而離之自舒及譙使以舟力雖皆出時氏然能減費便事者蓋二師心計運度之謀也天聖元年春始召鐘人與其鼓鑄液彼金錫一冶而成鐘事既立樓材亦至建於殿南東偏居鐘於上層堯鞏飛雙鸞震疑疑崇構上凌煙空琅琅洪音遠落霄外於以壯觀精宇於以號令羣緝且叩焉使思其所以息晦明風雨不迷厥時

據釋氏言鐘之聲叩之可以上極天界下洞幽泉導死者冥昧之魂出地獄沈淪之苦故死者之家嘗賂金帛衣物求擊其響若如此說則非獨用之節昏曉戒食腹而已又復能售極苦之資助釋氏之費焉鐘不可闕於

佛宮

一本有明矣亦字

靜勝亭記

州郡有兵馬監押職設今代專督州中姦爭火盜泊軍籍庫兵馬征酒權之事則皆與守同管署自政賦財幣刑罰訟獄之類則一不

一本有闕字

及其職位優其務守簡

河南集卷三

三

蓋士之階武而升者非歷勞八十餘年不被茲命凡尸之者能持謹常不失局事鉅細不闕筆可否歸之州足爲稱任雖材且無所施願或每每好用自擾以招權樹威而病其職者多矣潁川陳君永錫始以公侯裔縻迹落武一再遷爲右侍禁蓋漢之郎將類也來監蔡之郡戎爲人力文服古而雅任闕達樂所守無事唯比旦一過廳還則擁書自娛常言吾職甚逸吾性加疏思得灑然空曠一字爲寄適之地盡糞除耳目俗譁而休吾心焉廡中舊有亭其制卑而久爲之易去故材俾豐宏之

前數十步間夾樹碗蔬蹊果外先峙射棚棚豈清趣  
中宜有哉然與亭遠甚不大與亭害故亦不廢姑存之  
亭成陳君謀予以名予請以靜勝命亭陳君之飾是亭  
豈志於靜者邪夫靜之闕仁人之所以居心焉在心而  
靜則可以勝視聽思慮之邪邪斯勝心乃誠心誠性明  
而君子之道畢矣否是無實而守空器也不與夫盜名  
而居者比歟後之縻斯職據斯亭者亦復能悅靜而思  
勝乎苟能善矣無爲自擬而病其職以守亭之名爲亭  
之媿也

河南集卷三

三

明因院羅漢像新殿記

鉅常熟縣治之東南越三十里有浮屠居曰明因本道  
化中之錫名也浮屠師業者緇居之能勤飭其軀靡懈  
以哀力於民之里召塑工爲五百像釋謂之羅漢者加  
新其殿構而納之辛亥歲夏五月告畢工師求記之以  
文子儒者稱浮屠之法懼非所能請以目所常觀浮屠  
者並緣土木佛事終依之爲茲以幸其身而敗污其類  
者言之亦足以昭師之善矣予行天下往見山墟林野  
閒有級輒以爲佛塔者其址之豐若將爲百尋之高或

不數尋而罷有植木以爲佛廟者其基之博若將爲百  
楹之廣或不數楹而止其委巖餘材猶棄積於下訪之  
其側則曰始佛之徒也將欲有爲於是張其勢甚盛苦  
其行甚篤至能黜衣退食盡用於佛初人大爲傾信而  
悅助之貨斯萃欲斯至自是每十其獲不一入於佛常  
私其九以自取人復覺之信遂以衰以故卒無有立而  
亡去之予謂此無他也由始信而終欺也宜其無成效  
焉凡倡事之道已必先信猶懼人之莫應矧已爲不信而  
欲人之應世未之聞又獨釋氏哉今師營是像作是殿

河南集卷三

四

必有得於信之術矣不然何能遽有就之如是也嘗聞  
東南人尤嗜於佛至有傾資舉產以爲奉而無愛者師  
而後能益謹其術而待之庸知里人之有力焉不盡爲  
師之奉也

墓誌

東海徐君墓誌銘

進士徐孝山喪其父執喪之三日得友張生道卿所錄  
父事拜且泣復授之張生並繼以語俾來請曰孝山未  
卽殞生尙惟喪事不可緩將卜葬以某日期日且迫敢

迹其實託銘於先生用刻而納之以光永幽窆予既受而閱其始卒乃謂曰是葬也蓋得其禮矣比今貴家富族將葬其先必惑葬師說拘以歲月畏忌大至違禮過時久而不克葬者多矣生能葬以其道正合士禮逾月之制此獨可尚又安能拒請而勿銘也按君諱文質字處中其先祖父嘗寓籍并土之文水逮君之考猶爲晉人考生未亂而孤兒教育於季父氏既而復會朝廷以兵取太原既平大徙并民入處之京輔考於時與其族來京師遂家焉自是得游太學爲生徒治春秋經傳前

河南集卷三

十五

後四舉有司竟不及錄而終考始娶潁川陳氏女亡再娶清河張氏生男子二人女子二人次子曰文蔚少卒獨君爲前室陳氏所生二女子今皆適京師長族由君而下始爲京師里人凡并人其俗剛厚而勤蓄能自節損以立衣食諸來徙之戶初雖貧劇者居久而皆爲富室矧其宿有齋者蓋可知故考亦用是而植其家考之歿遺其規法於君君於此蓋爲之善守者也君常念陳氏早世又傷父之不逮故事後親彌盡其力無何數年張氏又終初君亦嘗受經於儒官馬龜符有慕仕進心

至悼親之繼喪顧門中時無強子弟可任懼覆先人遺業則爲不肖子因刻力事生於家非時節慶弔大事不出門如此者蓋有年天聖八年適五十忽得疾醫累月弗愈以是年七月十七日卒於居君凡四娶室軌先喪有四男五女初室李氏無子長子孝山出次室李氏景山德山皆未及娶五女子亦幼在室孝山有諸弟妹合族謀葬得其年八月二十一日藏君於東京之祥符縣開封鄉西韓邨先墓之次以次室李氏爲合初李氏次苗氏李氏三室皆同穴而異棺斯實禮也銘曰惟古之葬等殺異宜日月有數無越厥期末代不然感於葬師陰陽拘忌率常過時其孰警此伊徐氏子以時而葬順理之軌既合既耐有銘有記如君之藏民亦鮮矣

河南集卷三

十六

祭文

月日阿爹以果子飲食弄具祭於第二男道子之靈嗚呼汝生而慧疑體質粹奇舉家愛憐保養甚厚始三歲則微有知見詩書能舉能視吾與汝母其喜可勝謂汝他日必大吾門如何不永四歲而天嗚呼哀哉汝歿之辰我客京師家避吾僦不以時告我之既還聞汝中塗

延道哀號知無及矣但與家族相持殞絕嗚呼生人之  
理有幸不幸惟彼頑塞輒踐遐年念汝豐完反成殤子  
嗟乎天道既使之育育而不長孰如弗生免此大痛嗚  
呼汝舍我去無時復還我思汝悲何時而已汝王父王  
妣旅櫬未葬俟畢先塋以歸汝骨草瘞郊次祖母俯近  
此魂有依無至驚怖父臨祭汝汝其享之號訣終天相  
期泉壤尚饗

穆參軍遺事

穆修字伯長汝陽人後居蔡州師事陳圖南而傳其學  
修少豪放性偏少合多游京洛閒人嘗著其詩句於  
禁中壁閒真廟見之深加歎賞問侍臣曰此為誰詩  
或以穆修對上曰有文如是公卿何以不薦丁晉公  
在側曰此人行不逮文由是上不復問蓋伯長與晉  
公有布衣舊晉公頃赴藥酒伯長猶未仕相遇漢上  
晉公意欲伯長先致禮伯長竟不一揖而去晉公銜  
之由是短于上前後晉公貶朱崖徙道州伯長詩云

河内集遺事

郗訝有虞刑政失四凶何事不量移可見其不相善  
也伯長祥符二年梁固榜登進士第調海州理掾以  
忤通判遂為摺拾由是削籍隸池州其集中有秋浦  
會遇詩自敘甚詳後遇赦敘州文學參軍故當時呼  
之曰穆參軍老益貧家有唐本韓柳集乃正於所親厚  
者得金募工縷板印數百集攜入京師相國寺設肆  
鬻之伯長坐其旁有儒生數輩至其肆輒取閱伯長  
奪取怒視謂曰生輩能讀一篇不失一句當以一部  
為贈自是經年不售時學者方從事聲律未知為古

文伯長首為之倡其後尹源子漸洙師魯兄弟始從

之學古文又傳其春秋學云 辨惑

陳搏好讀易以數學授穆修伯長修授李之才挺之之

才授康節先生邵雍堯夫 同上

李之才字挺之青州人倜儻不羣師事伯長伯長性嚴

急稍不如意或至呵叱挺之左右承順如事父兄略

無倦意 同上

富韓公初游場屋穆脩伯長謂之曰進士不足以盡子

之才當以大科名也公果禮部試下繼以賢良方正

河内集遺事

登第 聞見錄

本朝古文柳開仲塗穆修伯長首為之倡尹洙師魯兄

弟繼其後歐陽文忠公早工偶儻之文故試於國學

南省皆為天下第一既擢甲科官河南始得師魯乃

出韓退之文學之公之自敘云爾 同上

祖無擇字擇之蔡州人少從穆伯長為古文後登甲科

同上

歐陽文忠公作蘇子美文集敘云天聖閒予舉進士於

有司見時學者務為言語聲偶摘裂號為時文以相

誇尙而子美獨與其兄才翁及穆參軍伯長作爲古  
詩雜文時人頗其非笑之而不顧也其後天子患  
時文之弊詔書諷勉學者以近古由是其風漸息而  
學者稍趨於古焉

漢上朱震子發言陳搏以太極圖傳種放放傳穆修修  
傳周茂叔 朱晦菴記太極

河南先生師魯古文學於穆伯長伯長有文十餘篇行  
於世韓柳之文因伯長而後行國初知者有柳開 言行

河南集遺事

三

尹師魯傳文章自唐末歷五代氣格卑弱至本朝柳開  
始爲古文學天聖初洙與穆脩大振起之

文章自唐衰歷五代日淪淺俗寢以大做本朝柳公仲  
塗始以古道發明之後卒不能振天聖初公獨與穆  
參軍伯長矯時所尙力以古文爲主次得歐陽永叔  
以雄詞鼓動之於是後學大悟文風一變使我宋之  
文章踰漢唐而躡三代云

唐正元元和間韓退之主盟於文而風雅最盛寢及五  
代其體薄弱皇朝柳仲塗起而揮之髦俊率從焉仲

塗門人能師經探道有文於天下者多矣洎楊大年

以應用之才獨步當世學者刻詞鏤意以希髣髴未

暇及古也其甚者專事藻飾破碎大雅反謂古道不

適於用廢而不學者久之洛陽尹師魯少有高識不

逐時輩與穆伯長游力爲古文學士林始聳焉復得

歐陽永叔從而振之由是天下之文一變而古是大

有功於道也 范仲淹撰尹師魯文集序

予識浮圖祕演二十年初見時多與穆伯長游伯長剛

峻人罕能與之合獨喜演演善詩復辨博好論天下

河南集遺事

四

事自謂浮圖其學而儒其心若當世有勢力者冠衣  
而振起之必舉舉取奇節今老且窮其爲佛縛詎得

已耶伯長小州參軍已死演老浮圖固其分也 師魯文

歐陽文忠公論尹師魯墓誌云若作古文自師魯始則

前有穆脩鄭條輩有大宋先達甚多不敢斷自師魯

始也

明道先生作邵康節墓誌云昔七十子學於仲尼其傳

可見惟曾子所以告子思子思所以授孟子者其餘

門人各以已之所宜者爲學雖同尊聖人所以因而入



者門戶則衆矣況後此千有餘歲師道不立學者莫知所從來獨先生之學爲有傳也先生得之於李挺之挺之得之於穆伯長推其源流遠有端緒今穆李之言及其行事概可見矣

呂氏家塾

邵堯夫先生受學於李挺之之才李之才受之於穆脩伯長伯長受學於陳搏希夷其所傳先天之學具見於易圖皇極經世書故程伯直作堯夫墓誌云推其源流遠有端緒

呂氏家塾

哀穆先生文

河南集遺事

五

嗚呼穆伯長以明道元年夏客死於淮西道中友人蘇叔才子美作詩悼之遣人馳弔之痛夫道不光予又次其一二行以鑒於世爲文哀之先生字伯長名脩幼嗜書不事章句必求道之本源皆記士徒無意處熟習評論之性剛介喜於背俗不肯下與庸人少合願交者多固拒之議事堅明上下古今皆可錄然好詆邪弼斥言時病謹細後生畏聞之又獨爲古文其語深峭宏大羞爲禮部格詩賦咸平中舉進士得出身調秦州司法參軍牧守稱其才貳郡者惡之又

嘗以言忤貳郡會守病告貳郡者私黠吏使誣告先生賂具獄聚左證後召先生使衆參考之由是貶池州中道竄詣闕下叩登聞鼓稱冤會貳郡者死後受譴於朝後累恩得爲蔡州參軍先生自廢來讀書益勤爲文章益根柢於道然恥以文干有位以故困甚張文節守毫毫之士豪者作佛廟文節使以騎召先生作記記成竟不竄士名士以白金五斤遺之曰枉先生之文願以此爲壽又使周旋者曰士所以遺乞載名於石圖不朽耳旣而亟召士讓之投金庭下遂促

河南集遺事

六

裝去郡士謝之終不受嘗語人曰寧區區餬口爲旅人終不爲匪人辱吾文也天聖末丞相有欲置爲學官者恥詣謁之遂不得嘗客京師河南邸中往往醉暮歸邊地如不省持者夜半邸人猶聞其吟誦呻吟聲因隙窺之則張燈危坐若讀執卷亦出曙用是貸其資母喪徒跣自負槨成葬日誦孝經喪記未嘗觀佛書飯浮圖氏也識者哀憐之或厚遺則必爲盜取去不然且病或妻子卒後得柳子厚文刻贊之售者甚少踰年積得百緡一子輒死將還淮西道遇病氣

結塞胷中不下遂卒吁噫天之厭文久矣先生竟以  
黜廢窮苦終其身願其道宜不容於今世然由賦數  
騎隻常罹兵賊惡少輩所辱困其節行至死不變有  
孤孺且幼遺文散匿不收伯長之道竟已矣乎初先  
生死梁堅自解以書走上黨遺子欲訪其文俾子集  
序之去年赴舉京師歷問人終不得一篇惟有任中  
正尙書家廟碑靜勝亭記徐生墓誌蔡州塔記皆平  
昔所爲又不足成卷今舅氏守蔡近以書使往其家  
且求其所著文字未至開作文哀之道不勝於命命  
不

河南集遺事

七

右蘇子美文

蘇才翁子美悲二子聯句 穆脩伯長  
凌孟陽伯華

有客自遠方來以二子說穆子疾病初家事巨細缺  
鄰人苦其求 才翁 醫師久已訣案杯大小空布被旁  
午裂餘喘尙能鼓 子美 老憤知已結目淒望羊泓髭  
斷反蝟苗憂酸繫餘生 才翁 啾啾留永訣語妻日後  
計書策未可徹教子立世資 子美 圓曲勿自悅吾屬  
何流離眾人方草竊淩子久道路 才翁 十口著羈縲

恰旅重江開正值大饑節既無裏飯交 子美 疾走繼

粗糲又無執爨人及時沃枯渴惜哉損天命 才翁 痛

焉在親經帝胡生爾身世復稱爾傑胷伏氣萬丈 子美

腸貯怨百折艱難泊風波憔悴墮霜雪口僕勤龍鍾

才翁 弱女癯瘵躉文隨寒餓空道與煙焰滅魂兮竟

何歸 子美 去矣不得別長府豈無財莫濟醫藥切太

倉豈無粟 才翁 莫解腹腸熱天子聖在上海內清欲

澈伊人何不官 子美 既死安得活朝青與暮紫神喜

天不軋高車與怒馬 才翁 門滿道不絕之子苟閒厠

河南集遺事

八

斯民方貪養高亢世弗親 子美 方嚴鬼所擧敢言才

足珍盛免否來齧思潛淚輒抽 才翁 慘舊面成蠹舉

目此牢落側身今鄙嫖箴言耳空虛 子美 險論口呢

輒作詩告石梁聊以慰寒骨 才翁

世不知爲古文已獨爲之是儒之特立者也吾見三人  
矣董生當秦滅學之後明孔氏之道述曾子之言其文  
甚近古也雖同時若嚴助教皋謂應義理子長相如博  
辨無極亦自爲其文而已未始識董生之用心由東京  
以後歷魏晉五代而文益衰至唐昌黎公始知尊孔氏  
貴王賤霸大變而古李翱皇甫湜從而和之然其後亦  
無傳焉唐衰更五季其敝又甚至我朝乃或推孫丁楊  
劉爲文辭之雄是時穆參軍伯長獨不以爲然實始爲  
古文在尹師魯蘇子美歐陽公之先自爾以後學者益

河南集遺事

九

以光大非止求夫文之近於古而已蓋異端既闢則必  
以聖人爲師不專注疏則必以經指爲歸學均爲已一  
變至道溯其承傳遠有端緒口云銀闕關書售與有力  
焉愚嘗評穆參軍之復古以爲不在董生昌黎公之下  
永州州學教授宣徽陽捨得參軍之文於其從孫化州  
使君淮仲零陵靈進士張淡吳綸校之不鄙謂愚可記  
歲月深惟會友輔仁之義有不得而解者輒書其後大  
不自量淳熙丁未孟秋既望衡陽假守臨江劉清之謹

題

右河南集三卷宋穆脩伯長著末附穆參軍遺事一卷  
跋一首道光十有五年歲在乙未閏六月日照許瀚依  
舊鈔本手寫原鈔有顯然譌誤者正之有誤而介於疑  
似者仍之有譌而莫從是正者闕之有原鈔闕者口之  
雖有文理約略可推者不敢臆補也立秋次日寫畢記

河南集遺事

十

河南集遺事終

河南集跋

宋穆脩河南集三卷附穆參軍遺事一卷日照許印林手鈔本凡詩五十六文二十後有劉清之序與四庫本同脩以古文名所作當不止此而所傳者止此許所據爲舊鈔本是卽此三卷傳本亦甚希也脩傳易學於陳搏南軒易說於禖卦傳云此聖人之深意惟穆伯長老蘇明之諸家並不達此則脩本有說易之書南軒猶及見之尹師魯從脩游傳其春秋學則脩又當有說春秋之書是脩不僅以文名而今皆不傳則其所不傳者

河南集跋

十一

多矣集中亳州魏武帝帳廟記提要斥其謬而刊除之論極嚴正曹操本不當有廟而記云眞宗增故廟而新之又稱今樞密右丞相清河公來撫於亳出儔緝合民之用成三帳置殿內清河公張知白也當時頗負人望其事固君相唱之脩不過爲之記述耳司馬溫公通鑑且以正統予魏北宋人議論如此不必以此病脩今仍存之以著其實四庫本題曰穆參軍集今仍曰河南集者仍其舊也宣統二年正月沈家本跋

河南集校語

河南集刻既竣又得舊鈔本穆參軍集卷首題范陽祖無擇撰之編并有祖序一篇則為朱竹垞老人從祖集錄出者諸文之數與祖序相符是此集實祖所編定祖少從穆學為古文乃親炙之人而所得者僅止此則穆文之散佚者多矣祖序言明道元年終于家而蘇子美哀文則俾將還淮西道遇病遂卒殆得病于道至家乃卒也祖言題曰河南穆公集而此題穆參軍集乃後人所改卷首有張穆朱記知為石洲

河南校語

一

所藏本今取二本相校記之如左石洲藏本稱張本日錄送人至邊寨 至許訛主從張本改凡言許訛者準此

思邊 張脫此目

卷一江南寒食誰憐北客未歸去 未歸許作歸未從

張改

食魚 常趨四月期 趨張作趣

數頭餘尺質 尺張作玉按下有羹臠融膩玉句玉字

複

湘鱗非吾偶 鱗許作鱗鱗無仄聲從張改

送葛源之太和主簿秋風九月急 秋許訛愁

寒食僉客柰離 離下缺一字張作情 情不合韻疑

是心字

書事覺菴何須神明與上穹 穹許訛宦

和毛秀才江墅幽居好十首 張自二首以下有其二

至其十九題目許十首缺一張本為其二今補錄於此

江墅幽居好南塘枕野亭 菰蒲顛風綠葦蓋波青

繫葦一漁艇翹烟雙雪翎相攜二三叟扶醉不曾醒

藉石遣勝榻 石許缺從張補凡言許訛者準此

河南校語

二

野話坦無機 坦張作但

名教塾何由 塾張作繫似當作塾

籬根玃逐蛙 虬張作虬虬廣韻五忽反蛤蟹

漏房櫳清染麝香枝 香枝二字許缺

宮窗紅短窗圍棋 宮張作官

故侯園池館朝來瓦礫存 朝許訛早

身前便作荒涼計 便張作使

送人至邊寨 至許訛主

巨盜願斬都衡謝天下 衡張作衝

郊步雨晴南陌塵埃洗 洗許訛死

希言官舍種花化匠施剗削 張削下有小注刻鏤文

也四字

丙寅春雨摧阻不得施 阻張作沮

贈適公上人小注師曩受國子博士 受許訛授

走久有嵩少之志 走張作脩

聞報自崖徙雷一章聞徒擊雷眾共疑 擊張作驚

秋浦會遇序生人所無 無許缺

述此竊 竊下許脫有北歸望且感張相遇憂患間因

河南校語

三

思非言無以道十九字今補錄於此

羈旅易情親 旅許訛理

囚任棺桐躍 棺桐張作桐棺

側壁疑曾辨 壁張作壁

蓬首不羞螻 羞許作羞茲從張作羞

蠅聲移括揭案列切 張括作祐列作劫

排陷堵旋填 張填下有小注涉鄰切三字

夷猶積水痕 痕張作垠

已嘆棲遲郡 已許缺

動足石磷磷 足許缺

小注虎每入市 市許缺

沙禽漸欲馴 漸許缺

宵眠獨嘆呻 獨許缺

泥蟠虬肆苦 虬肆若張作虬律若按皆龍蟠泥其

肆矣則作虬是律若乃肆苦之訛

塗曳蠓嘲頻 蠓張訛蠓楊雄解嘲執蠓而嘲龜龍

不亦病乎

難鬪斧雷震 斧許訛金

河南校語

四

殊驚得喪泯 泯下張有小注平字

細草染郊畛 畛下張有小注音珍二字

銅鼓野蕭蕭 蕭下張有小注于巾切三字

蕪菁秀出瓏 瓏下張有小注音鄰二字

遠步尋芳徑 步許缺

道宮披古褐 古張作石

僧閣凭雕楹 楹下張有小注音循二字

滯迹慙魚鳥 慙許訛暫

小注好茗東 東張作偏按東偏疑皆訛

奇才驟下彬 驟許訛藥

盟手敢能按 按下張有傳云涉他按衛侯之手按子

寸切又七道切十七字

闕嚴趨紫貝 趨許訛

充驟司囹圄 允許訛穴

貴顯讓顏竣 竣許訛踰

卷二答喬適書又學識其歸向 向張作嚮

上大名陳觀察書古之所謂文武之道 謂下張無空

格

河南校語

五

眞帥矣 帥上張有將字

上頌州劉侍郎書仰叩君子哀矜之心 仰許訛抑

死之江外 之張作諸

上益判郎中書前度日 度張作數

送李秀才歸泉南序况焉 况張作恍

而意態 態許訛能

別語將發 別許訛刑

張當字序孰賢愚焉 愚許訛遇

李秀才應陳州舉序 上之四年 上字上張不空

格按原文因上字當擡頭故空一格非缺文

送呂公初序 此文張無空格許校云空格處文義似

書不缺是也

送崔伯盈序學三年 三下張有十字

走奏中都 奏張作秦

卷三任氏家祠堂記今日得躬奉喪紀 躬奉喪三字

許缺

竟以毀瘠而不起 毀瘠而三字許缺

顧謂其子 謂其子三字許缺

河南校語

六

官至大府 官至大三字許缺

以獲歿於先人之舍亦已幸矣 之舍亦已四字許缺

白唐泊五代 泊許訛復

蔡州開元寺佛塔記爲祀於中夏 祀張作寺字二字

于許訛千

從而和之 之許訛

四人之業 之許訛

唯趨號令 唯張作如

而不及他道者 他許訛也

再議所舉 議許訛識

而請之 請許訛察

小注而請之微 微許脫

義正堂記雄逸豪偉 雄許缺

明因院羅漢像新殿記構而納之 構許缺

祭文既使之育育而不長 育而許訛又則張育訛育

今改正

遺事 此卷不知何人所輯兩本之文同而次序不同

今從許

河南校語

七

首條性偏少合 偏張作禰

八條小注太極 張極下有圖字

哀穆先生文予又次其 予許缺

貳郡者惡之 惡許訛聞

私點吏 點二本同疑當作點

節使以騎 以許訛之

暮歸邊地 邊地張作過之

悲二子聯句圓曲勿自悅 悅下張有時時命不復說六字

按圓曲句疑或作時命不復說張本注于句下上時字

當為一作二字之訛

僕僅龍鐘 僕上許缺一字張作从

弱足癖整躄 癖張作癡

劉序穆參軍之復古 復古二字許缺

宜陽歐陽椿 宜歐陽三字許缺椿張作椿

鄉貢進士張淡 鄉貢二字許缺淡張作談

輔仁之義 義許缺

河南校語

八



晏元獻集

一卷  
補編三卷

懷寧姜筠



宜秋館據仁  
和勞季言增  
輯本校刊

欽定四庫全書提要

元獻遺文

臣等謹案元獻遺文二卷宋晏殊撰殊字同叔臨川人景德初以神童召試賜進士出身慶曆中拜集賢殿學士同平章事元獻其諡也事迹具宋史本傳東都事畧稱有文集二百四十卷中興書目作九十四卷文獻通考載臨川集三十卷紫微集一卷陳振孫云其五世孫大正為年譜一卷言先元獻嘗自差次起儒館至學士為臨川集三十卷起樞廷至宰席為二府集二十五卷云云今皆不傳此本為

國朝康熙中慈谿胡亦堂所輯僅文六篇詩六首餘皆詩餘殊當北宋盛時日與諸名士文酒唱和其零章斷什往往散見諸書如復齋漫錄古今歲時雜詠侯鯖錄西清詩話所載諸詩此本皆未收入未為完備然殊在北宋號曰能文雖二宋之作亦資其點定如能改齋漫錄所記白雪久殘梁複道黃頭聞守漢樓船者其推重可以想見

原集既已無存則此哀輯之編僅存什一于千百者亦不能不錄備一家矣乾隆五

十年四月恭校上

總纂官 臣 紀 昀 陸錫熊 孫士毅

總校官 臣 陸 費 墀

原序

宋自真仁兩朝數十年天下太平其時賢相接踵而起悉皆光明俊偉沈毅磊落之人其所樹立著典冊而垂不朽歷代以來相業之盛未有能過者也而晏元獻公以齠年而受人主厯階廕仕至於入操大政進受封國優游於省闕之間保功名以克善其終可不謂榮哉雖比別本有於字當時平仲諸君子所謂澶淵之役贊親征而退大敵當北使時正和議以尊國體定策禁中際危疑而聲色不動此數大事者若少有遜焉然遠考其畧如建言太后垂簾廟之所宜

元獻遺文 原序

一宜 秋 備

論張耆不可為樞密請出官中長物助邊蓋其表表者其所以立朝亦已為無負矣至公在真宗時時有所問輒答奏并草封進示不泄後仁宗類為八十卷藏於禁中又別有文集多至二百四十卷亦取入秘府故均不傳於世今傳之者止狀記銘詩寥寥三四而此外之歌詞較多世之論者以為其甚於言情不無以嫵媚為病蓋公遇當太平無事之世既已靖共盡職退食多暇因而間作終屬其少年蚤進而又為其性情才致所近前後宰相如介甫美成亦有為之者非獨公也且公為人慎密恭儉今讀其答贊善中

丞家書諄諄以節用保家為言此豈有富貴驕淫之習足以相染於此知歌詞所作蓋以託興非其實也今取而登之比於唐之為詩猶其初云繼公起者以公第七子叔原所為詞附於集後以俟後之人并及焉慈谿胡亦堂二齋序

元獻遺文 原序

二宜 秋 備

元獻遺文

宋晏殊撰

劄子

天聖上殿劄子

朝廷者天下之本也自古未有朝廷治而天下不治者亦未有朝廷不治而能治天下者故曰正朝廷以正百官正百官以正萬民正萬民以正四方此不易之序也太宗皇帝嘗以邊事問御史中丞王化基化基對以治天下猶植木所患根本未固固則枝幹不足憂今朝廷治則邊郡何患不安化基之言甚簡且

元獻遺文

一宜秋備

要真知治本者也且人君無職事惟辨臣下之邪正實人君之職也然古今說者以辨邪正為難臣竊以為不然在人君用心何如耳別本作爾使人君之心是非好惡每存乎私則邪正之辨實難人君之心一循乎大公至正之道則邪正之辨何難之有唐明皇用姚崇宋璟則天下治方是時是非好惡無私意故也及用李林甫楊國忠馴至大亂此其心非不知林甫國忠之姦邪特便其能徇己之私爾書曰有言逆於汝心必求諸道有言遜於爾文獻作汝志必求諸非道為人君者能不忘乎此而邪正有不辨者臣不信也

狀

進兩制三館牡丹歌詩狀

臣准傳宣劄子奉聖旨令兩制三館賦後苑諸殿亭牡丹歌詩者化合天人祥開卉木協風靈雨散為膏壤之滋共藉并柯布在密青文鑑作清之圃文鑑作圃畫品難形於卓異瑞圖不盡於芳妍乃詔儒臣各摘華藻匪太平之特異文鑑一作盛榮遇之及茲昔者虞舜膺期有臯陶之賡載周宣繼業聞吉甫之誦章蓋默助於謨猷不專工於辭翰迫於漢室尤好藝文別館離官多命從臣之制作倡優鄭衛已無前古之箴規中

元獻遺文

二宜秋備

葉以還其風未泯永平神雀之須孝明稱美者五人正元重九之篇德宗考第於三等並垂編簡式著熙隆洪惟聖運之會昌可繼重華之輝耀然於眾製未復前修思諷諭者隱其誠而靡宣局聲律者豔其言而罕實不足以上裨睿覽下達民情效明良喜起之音續雅頌清微之範姑用登高而能賦庶幾博奕之猶賢雖文鑑作周叶旁文鑑作精求豈任多愧臣首當庸濫實玷恩華與寤文鑑改以思覲惶別本作愧無極其兩制文鑑有侍講學士龍圖閣待制自章得象已下十三人三館秘閣自康孝基已下二十七人歌詩共一百

四十首謹隨狀進以聞

記

庭莎記

介清思堂中燕亭之間隙地其縱十八步其橫南八步北十步以人跡之罕踐有莎生焉守護之卒皆疲瘵者芟薙之後文鑑勞於後作夏畦蓋是草耐水早樂延蔓雖披文鑑心隕葉弗之絕也予既悅草之蕃蕪文鑑而又憫卒之勤瘁思唐人賦咏間有種莎之說且茲地宛在崇襟車馬不至弦匏不設柔木嘉文鑑皆卉難於豐美文鑑非下有草也無所宜焉於是傍

元獻遺文

三宜

西墉盡文鑑修徑布武之外悉為莎場分命騁人散

取增殖凡三日乃備援之以丹榭溉之以甘井風光

文鑑作四泛纖塵不驚嗟夫萬彙之多萬情之廣大

合元氣細入無間罔不稟和文鑑作用不期適因乘

仁相適別本區別顯仁措置有規生成有術失之則

敦獲之則康茲一物也從可知矣乃今遂二性之域

去兩傷之患偃藉吟諷無施不諧然而人所好尚世

多同異平津客館尋為馬廐東漢學舍間充圍別本

蔬彼經濟所先而汚隆匪一矧茲近玩庸冀永年

是用刊辭于石文鑑作知所留意文鑑作庶通賢君子知所留意倘與

我同好庶幾不翦也

銘

几銘

小飯防饑跬行虞跌巾有角墊衣存文鑑衽缺惟忠

與孝則罔摧折

書

答贊善兄家書

十一哥贊善兄十一縣君尊嫂座前殊再拜別本無

三莊客至知大事禮畢日月迅速哀痛無極奈何奈

何記文本及寄殊生日衣服及孩兒孀子別本作等

元獻遺文

四宜

信物甘子黃雀鮮等領訖地遠不須煩神用况人事

有何窮極盡漫錄無知置得宅子大抵廉白守分為

官須隨宜作一生計且安泊親屬不必待錄改齋漫

豐足管見范應辰率家人持十齋自云一則勸其淡

素好善次則減魚肉之價聚為生計果置得一兩好

莊及第宅免於茫然此最良圖况宦遊有何盡期兼

官下不可營私魏四工部然須內外各宜錄改齋漫

儉一作約為先方可議此殊家間僕使等直至今兩

日內破一頓猪肉定其兩數或回換買他魚肉此持

久之術是以常為宗親及相知交遊言之建節之說

皆虛傳也今邊事尙未息須當他委二里任乃建節或

兼見命必不于優問處用此職況須因干求經營方

受殊一生不曾干求況今位極人臣更何顏求覓是

以須待出于特命且不能效人干請結託以至勢雖

漫錄恬靜若非漫錄久特差則遠近高下應難推避

不然則必不可漫錄求請凡虛傳者但請勿信古

今賢哲有識見漫錄知恥者量力度德常優不能

任者不佞漫錄當負以重媿畏重漫錄責是以

終無佞漫錄求其更識高者非親耕不食非親蠶不

衣漫錄徐孺子之類是也蓋功利不能及人而

坐受竊其膏血縱無禍亦須愧赧也殊從來多介僻

者理在此今因信畧及之此外希順變善居不備弟

漫錄此注作大字

答中丞兄家書

殊再拜三哥廷評三嫂座前領手書深喜王事外萬

福安甯此中婆婆新婦等如常寄物甚多倍煩神明

骨肉不必如此四郎思晦下面三孩兒貽矩宗愿知

已取在彼知令讀書否假如性不高亦令讀書學詩

學禮宜親老宿有德之人所冀向後自了得一身免

辱門戶也此最日夕急切事二十七甯殿直二年大

段聽人言語謹卓別本不曾出入兼識好慈善得德

非力免勞人心力亦應是從有家累知情身事兄弟

且免一件憂煎因信上聞希令諸子知之若能稍學

好事免爲人所嗤笑成立得身父母一生放心有望

矣門前不免文獻本要令小後生輕薄不著實者來

往或尋得一有年文獻本甲嚴謹門客教訓諸子

甚好先少師所以常孜孜於此事重念余白饒鼎朴

實嫌其餘輕薄殊日思量方知是格言也近日京師

官中行公事甚多細視多是人家子弟輕事玩狎非

類致之者是知小兒女尤宜親近有德遠輕薄之徒

也二娘子已商量與應茂才異等秀才富弱爲親極

有行止文藝三郎一面爲問覓新婦婚姻事逼日日

嬰心也

五言古詩

列子有力命王充論衡有命祿極言必定之致

覽之有感

大鈞播羣物零茂歸自然默定既有初不爲智力遷

禦寇導其流仲任派其源智愚信自我通塞當由天

宰世日臯伊迷邦有顏原吾道誠一槩彼途鍾原本

錄文百端卷之入織毫舒之盈八挺進退得其宜夸

樂非所先朝聞可夕隕吾奉聖原本作先師言據文鑑改

和王校勘中夏東園

東園何所樂所樂亦多一作非塵事野竹亂無行幽花晚

多思聞看一作魚尾漪赤一作暗辨蜂腰細樹影密遮

林簾梢狂胃袂潘蔬足登膳陶疏徑取醉幸獲我汝

交可一作都忘今昔世歡言捧瑤佩願以疏麻繼

七言律

初秋宿直

絳河星斗夜闌干禁署沈沈閉九關上帝冊原本作丹據文

改善羣玉府仙人宮闕巨鰲山涼蟾影度秋陰薄促

元虞道文

漏聲來夜唱閑擁鼻原本作隱兒據文鑑改吟多欲愁絕嚴鐘

淒斷樹烏還

安昌侯

蓮勺移家近七遷魯儒章句世相傳關中沃壤通涇

渭堂上繁聲逐管絃身服儒衣向蔡義日將卮酒對

彭宣高墳丈五陽陵外千古朱雲氣凜然

無題

油壁香車不再逢峽雲無跡任西東梨花院落溶溶

月柳絮池塘淡風幾日寂寥傷酒一作中酒後一番蕭

瑟禁烟中一作索魚書欲寄何由達水遠山長處處同

憶臨川舊遊

仲子幽居香藹問迴環十畝盡林巒遊魚倒泝清泉

急乳雉鶩飛夕燒別本作照乾繫馬短亭乘草茁攜壺芳

樹值梅酸浮生莫道今如昨曷月朋簪急此歡

詩餘

浣溪沙

闌苑瑤臺風露秋整髮凝思捧觥籌欲歸臨別強遲

留月落謾成孤枕夢酒闌空得兩眉愁此時情緒

悔風流

又

元虞道文

三月和風滿上林牡丹妖豔值千金惱人天氣又春

陰為我轉回紅粉面粉毛刻作臉彼誤向誰分付紫檀作

誤心有情須殢酒杯深

又毛列無毛晉注云青杏園

青杏園林煮酒香佳人初著薄羅裳柳絲無力燕飛

忙乍雨乍晴花自落閒愁閒悶日偏長為誰消瘦

減容光

又毛晉注云向誤

一曲新詞酒一杯去年天氣舊亭臺夕陽西下幾時

迴無可奈何花落去似曾相識燕歸來小園香徑



獨徘徊

又

宿酒纔醒厭玉卮水沉香冷嬾薰衣早梅先綻日邊枝  
寒雪寂寥初散日毛刻作後春風悠颺欲來時小屏

閒放畫簾垂

又

已是毛刻作一向年光有恨身等閒離別更銷魂酒筵歌  
席莫辭頻 滿目山河空念遠落花風雨更傷春不  
如憐取眼前人

更漏子

元獻遺文

九宜 秋 備

寒毛刻作塞雁高濃毛刻作仙露滿秋入銀河清淺逢佳毛刻作好  
客且開眉盛年能幾時 寶箏調羅袖軟拍碎畫堂  
檀板須盡醉莫推辭人生足毛刻作多別離

鵲踏枝

檻菊愁烟蘭泣露羅幙輕寒燕子雙飛去明月不暗  
別本作離恨苦斜光到曉穿朱戶 昨夜西風彫碧  
樹獨上高樓望盡天涯路欲寄彩鸞無書毛刻作尺是素

山長水闊知何處

鳳銜盃

留花不住怨花飛向南園情緒依依可惜倒紅斜白

毛刻作向彼一枝枝經宿雨又離披 毛刻作憑朱檻把金  
扈對芳叢惆悵多時何況舊歡新恨毛刻作阻阻心期滿  
眼是相思

清平樂

春花秋草只是催人老總把千山眉黛掃未抵別愁  
多少 勸君綠酒金盃莫嫌絲管聲催免走鳥飛不  
住人生幾度樓臺毛刻作三臺

又

秋光向晚小閣初開譙林葉殷紅猶未徧雨後青苔  
滿院 蕭娘勸我金卮慙慙更唱新詞暮去朝來老  
盡毛刻作卽老人生不飲何為

又

春來秋去往事知何處燕子歸飛蘭泣露光景千留  
不住 酒闌人散仲毛刻作草閒堵獨倚梧桐記  
得去年今日依前別本作然黃葉西風

紅窗聽

記得香閣臨別語彼此有萬重心訴淡雲輕靄知多  
少隔桃源無處 夢覺相思天欲曙依前別本作然  
是銀屏畫燭宵長歲暮此時何寄毛刻同託鴛鴦  
飛去

撼庭秋

別來音信千里恨此情難寄碧紗秋月梧桐夜雨夢  
回毛刻作無寐樓高目斷天邊毛刻作雲黯只堪憐  
悴念蘭堂紅燭心長焰短向誰人毛刻作淚別本誰  
人垂作何

少年遊

暮蓉花發去年枝雙燕欲歸飛蘭堂風軟金爐香煖  
新曲動簾帷家人拜上千秋毛刻作壽深意滿瓊卮  
綠鬢朱顏道家粧束長似少年時

木蘭花

東風昨夜回梁苑日脚依稀添一綫旋開楊柳綠蛾

元獻遺文

三首

目暗折海棠紅粉面無情一去雲中雁有意歸來  
梁上燕有情無意且休論莫向酒盃容易散

又

池塘水綠風微暖記得玉真初見面重頭歌韻暗鈿  
珠毛刻作入破舞腰紅亂旋玉鈎闌下香堦畔醉  
後不知斜日晚當時共我賞花人點檢如今無一半

又

朱簾半下香銷印二月東風催柳信琵琶旁畔且尋  
思鸚鵡前頭休借問驚鴻去後生離恨紅日長時  
添酒困未知心在阿誰邊滿眼淚珠說毛刻作不盡

帶人嬌

二月春風正是桃毛刻作花滿路那堪更別離情緒羅  
巾掩淚任粉痕霑污爭奈何毛刻作千留萬留不住  
玉酒頻傾翠毛刻作眉愁聚空腸斷寶箏柱人間  
後會又不知何處魂夢裡也須時時飛去

踏莎行

細草愁烟幽花怯露凭欄總是銷魂處日高深院靜  
無人時時海燕雙飛去帶緩毛刻作羅衣香殘蕙炷  
天長不禁思迢遞毛刻作垂楊只解惹春風何曾繫  
得行人住

元獻遺文

三首

又

祖席離歌長亭別宴香塵已隔猶回面居人匹馬映  
林嘶行人去棹依波轉畫閣魂銷高樓目斷斜陽  
只送平波遠無窮無盡是離愁天涯海角尋思遍

又

碧海無波瑤臺有路思量便合雙飛去當時輕別意  
中人山長水遠知何處綺席凝塵香閣掩露毛刻  
紅箋小字憑誰負毛刻作高樓目盡欲黃昏梧桐葉上  
蕭蕭雨

又

小徑紅稀芳郊綠遍高臺樹色陰陰見春風不解禁  
楊花濛濛亂撲行人面 翠葉藏鶯朱簾隔燕爐香  
靜逐遊絲轉一場愁夢酒醒時斜陽却照深深院

漁家傲

宿蕊攢攢毛刻作金粉開青房暗結蜂兒小斂卻毛刻

面似啼開毛刻作還似笑天與貌人間不是鉛華少華

毛刻軟香清無限好風頭日脚乾催老待得玉京仙

子到憑毛刻作剛向道紅顏只合長年少

又

越女採蓮江北岸輕橈短棹隨風便人貌與花相關

元獻遺文

三宜秋館

豔流水慢時時照影看粧面蓮葉層層張綠織蓮

房個個垂金盞一把藕絲牽不斷紅日晚回頭欲去

心撩亂

玉樓春毛刻無

綠楊芳草長亭路年少拋人容易去樓頭殘夢五更

鐘花底離情三月雨無情不似多情苦一寸還成

千萬縷天涯地角有窮時只有相思無盡處

阮郎歸毛刻無別見

南園春半踏青時風和聞馬嘶青梅如豆柳如眉日

長蝴蝶飛花露重草烟低人家簾幙垂軟鞦韆情困

解羅衣畫梁雙燕歸

蝶戀花

簾幙風輕雙語燕午醉醒來柳絮飛撩亂心事一春

猶未見餘花落盡青苔院百尺朱樓閒倚遍薄雨

濃雲抵死遮人面消息未知歸早晚斜陽只送平波

遠

又

六曲欄干偎碧樹楊柳風輕展盡黃金縷誰抱毛刻

細別本毛刻作穿簾海燕雙飛去滿眼

遊絲兼落絮紅杏開時一霎清明雨濃睡覺來人不

語毛刻作驚好夢無尋處

晏叔原詞附

臨江仙

鬪草堦前初見穿鍼樓上曾逢羅裙香露玉釵風靚

粧眉沁綠羞態毛刻作粉生紅流水便隨春遠行雲

終與誰同酒醒長恨錦屏空相尋夢裡路飛雨落花

中

又

淺淺餘寒春半雪消蕙草初長烟迷柳岸舊池塘風

吹梅並闌毛刻作雨細杏花香月墮窗前有意毛刻

頭意從前虛夢高唐覺來何處放思量如今不是夢  
真個到伊行

蝶戀花

卷絮風頭寒欲盡墜粉飄紅日日香成陣新酒又添  
宿毛刻酒困今春不減前春恨 蝶去鶯飛無處問  
隔水高樓望斷雙魚信惱亂層波橫一寸斜陽只與  
黃昏近

又

醉到毛刻西樓醒不記春夢秋雲聚散真容易斜月  
半窗還少睡畫屏閒展吳山翠 衣上酒痕詩裡字

元獻道文

圭道秋備

點點行行總是淒涼意紅燭自憐無好計夜寒空替  
人垂淚

又

欲減羅衣寒未去不捲珠簾人在深深處紅毛刻杏  
枝頭花幾許啼紅正恨清明雨 盡日沉香烟一縷  
宿酒醒遲惱破春情緒寄毛刻信還因歸燕誤小屏  
風上西江路

鷓鴣天

彩袖殷勤捧玉鍾當年拚却醉顏紅舞低楊柳樓頭  
毛刻月歌罷毛刻桃花扇低毛刻風 從別後憶相

逢幾回魂夢與君同今宵剩把銀釭照猶恐相逢是  
夢中

又

鬪鴨池南夜不歸酒闌紈扇有新詩雲隨碧玉歌聲  
轉雪繞紅裙毛刻舞袖回 今感舊欲沾衣可憐人  
似水東西回頭滿眼淒涼事秋月春風豈得知

又

陌陌毛刻濛濛殘絮飛杜鵑花裡杜鵑啼年年底  
事不歸去怨日毛刻愁烟長為誰 梅雨細曉風微  
倚樓人聽欲沾衣故園三度羣花謝何事毛刻天

元獻道文

圭道秋備

涯猶未歸

生查子

金鞭毛刻美少年去躍青驄馬牽繫玉樓人綉被春  
寒夜 消息未歸來寒食梨花謝無處說相思背面  
秋千下

南鄉子

綠水帶春毛刻潮水上朱欄小度毛刻橋橋上女兒  
雙笑靨妖嬈倚着欄杆弄柳條 月夜與花朝減字  
偷聲按玉簫與毛刻柳外行人回首處飄蕭毛刻迢迢  
若比銀河路更遙

清平樂

留人不住醉解蘭舟去一棹碧濤春水路過盡曉鶯啼處  
渡頭楊柳青青枝枝葉葉離情此後錦書休寄畫樓雲雨無憑

又

西池烟罩毛刻作草何處毛刻作恨不尋芳草毛刻作早滿路落花紅不掃春色漸隨人老  
遠山眉黛嬌長清歌細逐霞觴正好毛刻作在十洲殘夢水心官殿斜陽

又

暫來還去輕似風中毛刻作頭絮縱得相逢留不住何況相逢無處  
去時約畧黃昏月華却到朱門別後幾番明月素娥應是消魂

木蘭花

鞦韆院落重簾暮寂寞春閒扇綉戶毛刻作彩筆牆頭紅杏雨餘花門外綠楊風後絮  
朝雲信斷知何處應作襄王春夢去紫騮認得舊遊跡毛刻作踪嘶過畫橋東畔路

菩薩蠻

哀箏一弄湘江曲聲聲寫盡湘波綠纖指十三絃細將幽恨傳  
當筵秋水漫玉柱斜飛雁彈到斷腸時

春山眉黛低

玉樓春

一尊相遇春風裡詩好似君能毛刻作人有幾吳姬十五語如絃能唱當時樓下水  
良辰易去如彈指金盞十分須盡意明朝三丈日高時共拚扶頭醉不起毛刻作醉

頭扶

阮郎歸

殘毛刻作舊香剩殘粉似當初人情恨不如一春猶有數行書  
秋來書更疎毛刻作鳳冷枕中毛刻作鸞孤愁腸待酒舒夢魂縱有也成虛那堪和夢無

虞美人

飛花自有牽情處不向枝邊舞隨風飄蕩已堪愁更伴東流流水過秦樓  
樓中翠黛含春怨閒倚闌干見毛刻作遠遠毛刻作自彈雙淚惜香紅暗恨玉顏光景與花同

又

曲闌干外天如水昨夜還曾倚初將明月比佳期長向月圓時候望人歸  
羅衣著破前香在舊意誰教改一春離恨嬾調絃猶有兩行閒淚寶箏前

踏莎行

雪盡寒輕月斜烟重清歡猶記前時共迎風朱戶背  
燈開拂簷花影侵簾動 繡枕雙鴛香苞翠鳳從來  
往事都如夢傷心最是醉歸時眼前少個人人送

御街行 按是詞毛本不載  
詞綜作無名氏

霜風漸緊寒侵被 詞綜作袂 聽孤雁聲嘹唳一聲聲送一  
聲悲雲淡碧天如水披衣告語雁兒畧住聽我些兒  
事 塔兒南畔城兒裏第三個橋兒外瀕河西畔小  
紅樓門裏 詞綜作外 梧桐雕砌請教且與低聲飛過那裡  
有人人無寐

六么令

元獻遺文

元獻遺文

日高春睡喚起嬾裝束年年落花時候慣得嬌嗔 毛刻  
作足學唱宮梅便好更煖銀笙逐黛娥低綠堪教人  
恨却似江南舊時曲 常記東樓夜雪翠幙遮紅燭  
還是芳酒盃中一醉光陰促可惜 毛刻作會笑 陽臺夢杳  
毛刻 無計憐香玉此歡難續乞求歌罷借取歸雲畫  
堂宿

總校官編修 臣 吳裕德

檢討 臣 徐鑑

校對監生 臣 蔡本俊

元獻遺文

元獻遺文補編卷一

宋晏殊撰 仁和勞格季言輯

文

中園賦 宋文鑑卷二

在昔公儀身居鼎軸念家食之貧文鑑厚斥芳蔬之

荐款文鑑作 粵有仲子堅辭廩祿齊率齊原本遺體

於中野灌百畦而是足惟二哲之高矩藹千齡之信

噴雖顯晦之非偶諒謨猷而可復豈不以崇高宅乎

富貴聲教移乎風俗四民謹舊德之業百乘鄙盜臣

之畜義理愧文鑑於交戰矛盾豈文鑑分並馨代

元獻遺文補編卷一

宜 狀

工而治兮戒在貪競付物以能兮使其茂育斯有位

之良訓乃羣倫之所屬天地閉兮賢隱且網張兮獸

伏怖炎火之焚石而東甌之毀積甘田畝以昏作晦

膏蘭而擇福我負子戴兮終年靡勞夏葛冬裘兮匪

躬是辱斯遁世之攸處詎紛華之可瀆眷子生兮曷

為幸親逢乎盛時進寬大治文鑑之責退有尙文鑑

農之貨求中道於先民樂鴻鈞於聖期寓垣屋於窮

僻傲林巒於蔽虧朝青閣以風退飭兩駮兮獨歸窈

藹郊園扶疏町畦解巾組以遨遊飭壺觴而宴嬉幼

子蓬鬢瑞人布衣嘯傲齋碗留連清澗或捕雀以承

蛸或摘芳而翫蕤食周粟以勿踐詠堯年而不知琴

風颯以解愠田雨滂兮及私爾乃壇杏蒙金蹊桃銜

碧李雜紅標奈分丹白梨誇大谷之種梅騁含章之

飾烏勃旁挺來禽外植櫻胡品糕而形別棠棣名同

而實析大棗朱柿兮駢發棗棗安榴兮開折文鑑棋

植以馨烈蒙采枳椇以甘芳見識援奠奠於林際架

葡萄於沼側況夫霜薤含潤露文鑑葵薦澤芹自南

楚蒜來西域蘇桂抽穎蓼萎凝液葦薺更茂非詩代

殖苜蓿麗篋蕤荷幕懸鍾山之菘韭早晚吳郡之莧

茄紫白織女耀而瓜薦大昂中而芋食匏瓠在格以

增衍蒸蘆絲原作絲據陰而可摘若其愈疾栽菊忘

憂樹萱香珍綠蕙媚服崇蘭玉藥金葶相思杜鵑辛

夷襲紫芍藥含丹游龍出隰芳苾生原籬種彫暮宮

槐合昏四衢綺錯五出星聯蕤蕤蘇回落葉纂纂初

妍護臺香而蝶亂聚崖蜜以蜂喧與夫猪苓馬勃澤

菹溪蓀荔芸禦凍椒桂含温莢房入佩荻首登殮辟

荔成帷昔邪在垣獨樵除渴酸漿泊頰菖蒲感於百

陰葶蔥萌於大寒卷施心拔而不死虎鬣蔓生而自

懸絛首牛脣之夥鷄腸烏豕之繁紅糝稠膚丹房碧

延或山經之號著或藥錄之名傳至夫松檜被徑梧

秋蔭軒江蕉凝牛餽切綠海栢渾圓石南文鑑舊蔚扶

老榮纏蟲嶸筠之東美垂溪柳之三眠或後彫而秀

出或總翠以相先叢灌駢滋翽飛所據驗九扈以農

正祭五鳩而民聚戴駕與蠶織之候布穀起耕耘之

務當陸成而鷓鴣云止麩麥秀而倉庚始翥伯勞驚

於早寒盍且戒乎將曙晨風不繫而逐雀斲木無聲

而食蠹鷓介立以擅澤鳥羣嗽而反哺鷓匪陋於荆

棘鷓無營於鐘鼓順時律以弄吭樂天和而命侶鶯

溢溢以交賀鵲脩脩而告文鑑語既盪爵之不設在

榴巢而可俯談王道於樵子接歡歌於壤父鑿坎井

元獻遺文補卷一

三直

之凝冽決清渠而灌注愚抱養以殫力智設棹而盡

慮咸不病於夏畦各無憂於梓茹懿夫觀品彙之零

茂識元精之所存觀百嘉之穰儉明四序之無愆動

植飛潛兮得宜乃悅雨暘寒燠兮協度而蕃且復諭

名花於君子興瑤草於王孫采家臣之秋實歌上瑞

之豐年資旨蓄而御冬擷眾芳而鍊顏至若巖客幸

臨良辰是遊載掃危榭爰張宴豆蒙山騎火之茗豫

北釀花之酌或秋奔以當局或唐弓而在殼哨壺柱

矢之設傳篋榜蒲之侑誠一笑兮相樂亦千金而為

壽瀉毫臚以摘思極朋情而卜晝送歸鴻兮海孺揆

鳴琴文鑑兮賓右舞長袖兮相屬命歡話兮遞奏無

取次公之狂不遺椒舉之舊春晚晚兮氣佳臨高臺

兮淑華夏恢台兮日永蔭茂林兮脩迥涼月皎兮鐘

漏寂朔霰飛兮天宇復廓丹府以懲忿悅靈龜而繕

性茲所謂祛魯相之介節畧於陵之獨行却園夫之

利兮取彼間適荷王國之寵兮遂夫游泳禽託藪以

思鴛獸安林而獲騁倡伴乎大小之隱放曠乎遭隨

之命庶幾文鑑育於嘉運契哲人之養正

昔在軒后旁羅俊英乃有蒼頡思周神明下倅羽族

之迹上法奎園之精始造古文播於寰瀛爰及東漢

紀年熹平其臣蔡邕譽聞帝庭矚鴻都之歲役掃聖

帚而字成寓物增華窮幽洞靈肇此一體用飛白而

為名飾宮闕之題署助聖賢之藝能厥後累朝之臣

習此奇蹟代百名系存乎簡籍然猶獻之白而不飛

子雲飛而不白伊唐二葉追及高宗咸所留意亦云

盡工分賜宰弼渙揚古風若乃宮硯沉碧山鑪泛清

原作精據 恣冲襟之悅穆拂神翰以縱橫空濛蟬翼

玉海改 之狀宛轉蚪蟻之形爛皎月而霞薄颺珍林而霧輕

曳彩綃兮泉客之府列織縞兮夏王之庭仙風助其

元獻遺文補編卷一

四直

飛白書賦文鑑 王 海卷三十四



縹渺辰象供其粹凝信一人之妙用非末學之能稱  
而況取象八分資妍小篆玉潔冰潤龍驤虎變合心  
手以冥運體乾坤之壯觀

辭升儲表 代 聖宋名賢五百家  
播芳大全文粹八

臣某言伏覩內降制書以臣為皇太子者初聞中旨  
但集於悚兢退省屏資不遑於甯處敢陳丹赤上瀆  
威顏臣某 中謝 臣聞易象垂文戒立身之非據聖人  
敷化貴育物之得宜小言而大祿者猶謂冒居德薄  
而位尊者孰允公議而況元良之建盛典素陸震豫  
離明載前聞於八象星暉海潤昭茂實於兩儀必英

元獻遺文補編卷一

五 宜 秋 節

譽之有聞則具瞻而斯協伏念臣性惟庸昧識 周  
通毓質天庭幸依於累善蒙榮霄極豈著於盛猶疑  
猷 恭惟尊號皇帝陛下受命紫清集符温若協三靈  
之丕佑臻萬國之同和乃眷本支荐加寵秩而自啟  
封淮甸胙土江吳列尹正之崇資陟盤維之峻級兩  
宮視膳日奉慈嚴六學傳經時親典誥喜因心而盡  
禮樂覃思以知新漸冀組脩用符訓導敢謂宸襟過  
聽綸帛忽頒將闕儲章俾膺睿渥側聆布告增惕神  
魂覩眉目以何施蹈冰淵而靡措蓋念邦家名器詎  
可以忝塵君父生成諒垂於保庇儻微恩之驟及諒

頑鄙以曷勝矧在幼冲方期最厲將何以雍容鶴禁  
表貳桂宮翊贊嘉謨迺下壽街之牘詳求多士旁延  
望苑之賓度仰昊穹載陳悃悃伏望陛下軫彌高之  
聖念推善貸之深仁察以妙齡蓋非飾讓寢茲茂式  
協乃慎徽則赫赫昌朝咸契大中之化區區積質俯  
安若厲之誠冒昧自陳期於得請

辭升儲表 代

元獻遺文補編卷一

六 宜 秋 節

臣某言臣自沐徽章再陳封奏至誠雖極宸聽未迴  
仰批諭之猥臨積兢慙而匪據臣某 中謝 伏以量力  
度德立身之格言授才任能有國之通制而況明離  
著象蒼震垂文聿崇守器之規仰協重輪之永必資  
盛德用贊大猷伏念臣植性迂疏秉心蒙滯萬期嘉  
會託層漢之靈源千載昌辰荷慶雲之洪蔭伏惟尊  
號皇帝陛下纂承真系茂闢丕圖泥金荐禮於蒼旻  
錫壤推仁於宗緒上公進秩半楚疏封俾陟上庠欽  
聞雅誥眷旨吳會薦啟藩維漢節誕頒夏璜昭錫奉  
日嚴於温清慕時習於謙細居業寡聞冒榮為愧逮  
荷紫清之命越升儲兩之崇風旨乍聆神魂增駭疊  
陳款款願寢洪私天鑒彌高綸言益厚冰淵自處彌  
劇於九回肺腑虔祈難逃於三瀆伏望陛下廣至仁

之茂育推妙道之善成俯降堯曦旁回禹律特收渙汗爰示於推臨翼息踰涯庶安於庸陋由衷所極得請為期

侍讀學士等請宮中視學表事文類聚遺集三宋文鑑六十三

伏奉聖旨以時暑暫住講書至秋涼仍舊者運當文

治日侍文鑑講筵以炎暑之盛隆遂紫宸之游息載

頌明旨九合舊章伏惟皇帝陛下應運挺生代天化

育御承光之法座臨照九圖奉長樂之慈顏緝熙萬

務緬懷三聖撫愛兆民知王業之艱難識帝模之宏

遠於是頌稽古道崇尚素風命冊府之儒臣敝金華

元獻遺文補編卷一

七宜

之經席包周眾說既析於篇題齊魯善言彌勤於聽

覽屬南薰之屆候憫會弁之增勞暫錫假甯聿昭恩

遇臣等退惟鄙質幸此親逢敢忘矇瞽之言仰效涓

毫之助竊以四方無事百度允釐宮禁之間穆清多

豫伏願重漢皇之六合文鑑惜夏禹之寸陰時習所

聞愈精大義聞揮仙翰式就神功彰睿德之日新廣

鴻猷之天賦如此則宗祏景福贊明主之保邦夷夏

仰瞻識大朝之垂教

祖士衡起居舍人告詞洛陽九老祖龍學文集十四

勅故左原作右據僕射兼門下侍郎平章事向敏中

孫女婿朝散大夫行右司監祖集直集賢院同修起

居注同提舉在京諸司庫務司上輕車都尉祖士衡

早以舊名擢於上第工文合雅繕學宗經登冊府以

細書佐地官而治賦亟升華貫綽著時才眷吾輔臣

惟爾外族奄茲淪謝增用憫傷爰降寵榮及其姻屬

特遷史帙無忘欽承可特授行起居舍人時尙書戶

部員外郎知制誥太子舍人上十五字臣晏殊行天

禧四年四月日下

舉范仲淹狀范文正公年譜

臣伏以先聖御朝羣才効用惟小大之畢力協天人

之統和凡有位於中朝願薦能於丹旻不虞進越用

廣詢求臣伏見大理寺丞范仲淹為學精勤屬文典

雅略分吏局亦著清聲前曾任秦州興化縣興海堰

之利昨因服制退處睢陽日於府學之中觀書肄業

敦勸徒眾講習藝文不出戶庭獨守貧素儒者之行

實有可稱云欲望試其詞學獎以職名庶參多士之

林允洽崇邱之詠

答樞密范給事書宋文鑑卷一百一十二

殊聞之於師曰經者世之典常也無典常則制不立

學者人之砥礪也無砥礪則器不備以周公之才朝

元獻遺文補編卷一

八宜

讀書百篇夕見七十二士猶恐不足以仲尼之聖自謂非生而知之好古敏以求之易象天地以文鑑無以字之準矣禮文鑑曰君子學以聚之問以辨之商書帝王之範矣亦曰王人求多聞時惟建事學于古訓乃有獲然則生民以來鉅聖大賢未有捨夫學者西漢中葉儒教尤盛公孫宏董仲舒用經義決朝廷大政綽有風采夏陽男子犢車詣闕自號辰園萬目皇皇未知所措傳不疑侃然正色引春秋而戮之孝宣霍光擊節驚歎且曰公卿大臣當用經術明於大誼降及東漢茲道彌篤唐柳冕有言西漢尚儒明於理亂

元獻遺文補編卷一

九宜秋備

是以其人智東漢尚章句師其傳習是以其人守名節此其效也前代為學迭相師授是以聖人之旨無不坦明近世業儒怠於講肄是以先王格訓有所滯濠唐李善精於文選為之注解因以文鑑無以字用教授謂之文選學皇朝太平興國中詔館閣讎校漢書安得文鑑裕取西域傳山川名號字之古者改附近古集語錢熙謂人曰予於此書特經師授皆有訓說豈可胸臆塗竄以合詞章則知文選漢書尚行教授經墳大典可廢講乎殊嘗切志茲說以悟朋從至於倡尋儒風恢崇教本雖有素蘊不文鑑能及也今者明

公過聽愛忘其陋惠貺與侍講孫公書述岷山人武陵昌期博貫諸經召真門下樞鉉之隙與之論議且欲出其譏述質於大儒辨正臧否以明公共齋盟披讀載欣以忭首見執事經國佐王之志中見執事樂道尚賢之素末見執事選眾成人之美非夫操尚敦懿規模宏廓元元本本焯見夫人明自乎識覺先於後恤橫目之流故文鑑勤洗心而拯接則安能屈彥輔之重勗碩生之業不遠百舍命蒿萊之隱淪惕見分陰細細素之潭奧恂恂佼佼若是之深厚哉夫然則穆微風養萬物致隆平頌文鑑清廟躋大猷於羲

元獻遺文補編卷一

十宜秋備

吳紹不績乎衡旦斯有日矣眷惟房虛無足稱算猥沐甄采參於季孟私用澡槩靈府温存文鑑無存字循循藝賀吾道之有宗主跋斯人之蒙潤澤奚獨五典琴筑三年呻吟腐脣以守黃卷焦心而窺斷簡者哉機軸嚴密慮難省謁敢布肝膈復於閣侍

五雲觀記 茅山志五

丞相冀文穆公卽世之明年其小君許國夫人聞於內朝請建道館於茅山之南麓以為公棲神之所聖上追念大臣哀憐時思特命郡守舊相李公迪主其營繕又勅公門下吏右侍禁張得二董其力役後十

四年夫人以制度之未備申命公之猶于右班殿直  
士顯往增葺焉始賜名曰五雲觀僦工於天聖之丙  
寅已事於康定之庚辰其廣袤因崖巘之回抱其奧  
阨岨起廣除環構修廓夏行高閤濬開庖厨有方廡  
庫有次其外則壇場著前朝之蹟洞穴表靈峰之蘊  
喬松夾植蔭行旅之勞良田外營資糗膳之給妙擇  
勤士恭修秘式其所以尊奉遺貌妥安淨眾者罔不  
周具惟道家者流有清淨沖虛之說歸真返樸之教  
後代悅其風者觸類而長於是乎幽經秘訣之敷演

元獻遺文補編卷一

二宜秋節

清都洞臺之照臨三雲八景之鍊修童初廣寒之遊  
集上自后辟迄於臣民用資化源著在彝典初真宗  
皇帝既偃武節聿修文事封泰山款后土謁仙里建  
靈宮務輯一王之儀迺追前代之盛公於是時都將  
相之重極風雲之過與一二元老泊鴻儒碩生內則  
翊贊宸猷外則討論經禮用削藁之沉密荷沃心之  
賞詩借前箬而謀定申巽風而令行至如檢玉分邱  
壑縮睢壤近甸巡豫嘉壇衷對咸遵秘籙聿彰勤任  
用三洞之科式先八鑿而啟行公則參儀衛之職焉  
寅受天瑞欽崇祖烈五嶽升號靈泉效祉並敝真宇

茂昭元貺公又感置使之任焉總集髦雋紛披載籍  
擷百世之龜鑑述方來之矩矱復詔公之典領焉公  
又以混元之法有坐亨會匪笈所蘊源流實繁欣逢  
盛明得用論次乃復選通達其學者校讐而辨正焉  
名山洞室之藏金簡玉文之萃多所刊定訖無抗謬  
本至性之沖漠益聖期之參會倘伴乎叢霄大霞之  
境諷詠乎廣韶曲素之篇寤寐赤松之遊沉酣金七  
之藥間接真土高談妙樞由是儵然有乘雲驂蹻離  
人拔俗之想出沐休暇或元辰令吉特想世事虔修  
淨醮壇宇嚴邃旌幡颯纒杳塵寰之不接疑景象之

元獻遺文補編卷一

二宜秋節

有聞絲襪寢久積精忘倦乾興壬戌歲分符秣陵眷  
言茲山實邇郊次俄奉中詔卽伸嘉薦注慕靈壤表  
回淨城迫爾自得澹乎忘歸隱士朱自英者肥遯中  
巖載更年所公樂其素尚宛若石交還朝秉鈞之再  
歲以其名聞召至都下冥語紳繹異於常倫及其還  
山又約他日卜隣洞府音旨隆密朱生異之後數月  
而公捐館舍且有遺語卜茲締構前後所費私帑凡  
百五十萬官給不豫焉續詔自英往還臨蒞之皆從  
公之素志也按真誥言句曲地肺土良水清謂之華  
陽洞天可以度世種民是處三災不干又言至忠至

老之人皆先受靈職次為列仙歲登降其幽明如人間之考績則公之結思密岫歸誠妙象豈徒然哉矧夫出應賢運越登極位佐時勲大用物精多非特受靈氣負踰羣品曷以協昌辰之偉任非默契仙籙往階真格曷以顯太和之挺生質於前聞其有冥合鳴嗜乘時奮庸文武之柄尊主芘物罄其蘊懷執方持衡不疚風議烜赫輝耀以功名自終然後脫遺世氛與美門偃佺之徒相期於煙藹之際不其盛與其不偉與夫人恪奉治命無忘遙追其嗣子殿中丞寅亮瞿瞿協心克終勝槩足播徽範永光圖史謂殊夙以

元獻遺文補編卷一

三宜 敬 備

文翰游公館宇見託撰述著之金石是謂拜禮命之辱而忘其為陋蕪公姓王氏諱欽若字定國夫人姓李氏公之邑里世系厯官差次上載史牒下刊碑誌此得略而不書慶厯二年歲次壬午十月晏殊記

御飛白書記 玉海卷三十四

日新盛德天縱多藝師心獨運冠世研精萬象奔馳於筆端三辰原作宸棟 玉海改奮湧於毫末翩然而鸞皇飛翥婉然而虬龍蟠躍聖域之雄觀書林之具美一字可以逾華表羣臣莫能望清光摘染所及洪纖畢該字由入其胸懷風雲出乎掌握造化協原作逸據 玉海改其

隱顯陰陽順其卷舒發虛無之蘊而森為眾形收雷霆之動而歸於精象非元聖之獨智孰能與於此乎

徐公文集後序 騎省集

徐公既沒門人等論次其文為三十卷曩秘閣吳正儀今翰林穎川公並為之序論之詳矣都官員外郎胡君克順通才博雅樂善好賢早遊騎省之門深蒙鄉里之眷寶茲遺集積有歲時鏤板流行庶傳悠久因以丞相趙郡文貞公鄧帥隴西公所作墓誌輓詠等列於左次用垂茂實俾題於後以記厥由大中祥符九年八月太常丞集賢校理晏殊序

元獻遺文補編卷一

四宜 敬 備

連珠一首 宋文鑑卷一 百二十八

時平德合秉鈞者續隱於幾先運極道消享位者譽隆於事外是以房杜之恩勤莫二無迹可尋郭裴之退黜居多其名益大郭汾陽裴晉公也

元獻遺文補編卷一

元獻遺文補編卷二

宋晏殊撰 仁和勞格季言輯

詩上

假中示判官張寺丞王校勘宋文鑑二十四

元已清明假未開小園幽徑獨徘徊春寒不定斑斑

兩宿醉難禁盞盞杯無可奈何花落去似曾相識燕

歸來遊梁賦客多風味莫惜青錢萬選才

棋盤石徐表然武夷志略

洞仙遺下石棋盤人到壺天靜處看十九路誰彈黑

界幾千年自帶雲寒面平可步流星勢塵淨元無舊

元獻遺文補編卷二

一宜秋館

蘇癡乾鬣聲中聞子響不知還許採樵觀

詠上竿伎石林詩話侯鯖錄事文類聚前集四十三

百尺竿頭裏裏身足騰跟挂事文類聚作倒駭傍人漢陰有

叟君知否抱甕區區亦未貧

弔蘇哥以下西清詩話

蘇哥風味通天眞一作青恐是文君以上人何日九原

芳草綠大家攜酒哭青春

煮茶

稽山新茗綠如烟靜挈都籃煮惠泉未向人間殺風

景更持醪醑醉花前

孟蘭盆老學庵筆記

紅白薇英落朱黃槿豔殘家人愁溽暑計日望孟蘭

古瓦硯詩張殿院惠硯箋三

鄴城宮殿久荒涼縹瓦隨波出禁牆誰約薛文成古

硯等閒裁破碧鴛鴦

已恣玉鋒磨薛骨更持蟾淚溼雲根欲知千載淒涼

意尙有昭陽夜雨痕

賦得秋雨臧奎律隨十七

點滴行雲覆苑牆飄蕭微影度迴塘秦聲未覺朱絃

潤楚夢先知蘼葉涼野水有波增澹碧霜林無韻溼

元獻遺文補編卷二

二宜秋館

疏黃瑩稀燕寂高窗暮正是西風玉漏長

春陰臧奎律隨十

十二重環閣洞房悄悄危樹俯迴塘風迷戲蝶閒無

緒露真幽花冷自香綺席醉吟銷桂酌玉臺愁作澀

銀簧梅青麥綠江城路更與登高望楚鄉

送凌侍郎歸鄉事文類聚外集十曹氏歷代詩選

江南藩郡古宣城碧落神仙擁使旌事文類聚作君津吏戒

船東下穩縣僚負弩晝歸榮江山謝守高吟地風月

朱公故里情曾預漢庭三獨坐府中誰敢伴飛觥

巢父井汝州志

稟生值堯年率性在龐厚安巢一枝上豈曰鴉居陋  
 頽波人洗耳曾不汚牛口諒茲耕耒暇鑿井隈林藪  
 含飴鼓其腹帝力與何有遂令千載外此地存遺發  
 泓然逼喬木宛若棲峙疑時之誤舊鄉人揭題勝行旅諧  
 瞻觀我來觀古蹟愕立徘徊久淒其望清風不獲見  
 師友願言斟酌拭面洗心垢翹勤慕高躅感慨陳  
 危酒思齊胡可望庶以寬容翥風駕恨長途憑高重  
 回首

題東湖涵虛閣 江西詩話

水有支流樹有孫重重門巷挂朱軒三君雅望標人

元獻遺文補編卷二

三宜秋館

傑千里澄波隔世喧西對戶庭徐孺宅北傳鐘梵給  
 孤園欲知嗣續無窮勝兩兩榮歸漢使輶

西垣榴花 千家詩選

山木有甘實托根清禁中歲芳搖落盡獨自向炎風

金鳳花 事文類聚後集三十三

九苞顏色春霞萃全芳備祖丹穴威儀秀氣殫全芳

題品直須名最上昂昂驥首倚朱欄

憶繞朱欄喜自栽繁叢高下幾番開中庭雨過無人

跡狼藉深紅點綠苔

張太傅生日詩 事文類聚新集二

三陟槐庭二將壇册書文武載勳賢辭榮尚峻經邦  
 秩養素方臨釣渭年清會別開金谷墅新吟多雜藥  
 珠篇驚姜今日增華耀海內簪紳共祝延一作

以下陳思

奉和 真宗御製後苑雜花海棠 海棠譜

太液波才綠靈和絮未飄霞文光啟旦珠琲密封條  
 積潤涵仙露濃英奪海綸九陽資造化天意屬喬絲

海棠

輕盈千結亂櫻叢占得年芳近碧權逐處間勻高下

萼全芳備祖作逐處開齊高下幾番分破淺深紅煙晴始覺香纓

綻日極猶疑螭帶融數夕朱欄未飄落再三珍重石

元獻遺文補編卷二

四宜秋館

尤風

又

杳靄何驚目鮮妍欲蕩魂向人無限思當晝不勝繁

浩露晴方浥遊蜂暖更暄只應春有意留贈子山園

又

昔聞遊客話芳菲濯錦江頭幾萬枝縱使許昌詩筆

健可能終古絕妍辭

又

濯錦江頭樹移根藥砌中只應春有意偏與半粧紅

和樞密侍郎因看海棠憶禁苑此花最盛

青瑣曾留眇珍叢宛未移幸分霖雨潤猶見豔陽姿  
岸幘來未檻攀條憶絳鞋能令人愛樹不獨召南詩

雪中宋文鑑卷二十七

平臺千里渴商霖內史憂民望最深衣上六花非所  
好畝間盈尺是吾心

轉運度支得青州資政黃素書韓吏部伯夷頌

許昌相公以詩跋尾遂為七言因而記及謹用

拙篇紀咏

首陽垂範遠吏部屬辭深染翰著嘉尚糸言光德音  
褒崇亘千禩精妙極雙金題詠益珍秘用昭賢彥心

元獻遺文補編卷二

五宜秋備

次韻謝借觀五老圖鐵網珊瑚畫品

道明回詔樂清閒便向中朝脫冕冠百日秉樞登相  
府千年青史表旌桓泰運正隆嫌氣熱乾剛初整畏  
冰寒迢遙唱和多高致儀象霜風俾後看

留題越州石氏山齋會稽掇英總集

書仙十閣壯儒宮靈越山川寶勢雄岫栢亞香侵几  
席巖花迴影入簾櫳千秋碧鎖東南竹一水清含旦  
暮風文酒雅宜頻讌集謝家蘭玉有新叢

和宋子京召還學士院復齋漫錄

網索軒窗遠整坡羽衛重獨舟還下瀨星駟出飛龍

賦待三英集詩書五吏供會看邊燧息橫觀能改素漫錄觀

送鉛山周尉鉛書五

風烟占上饒屬邑寄山椒仇覽同棲棘陶潛共折腰  
安輿方就養黃綬豈辭遙善績青箱業興廉有漢條

金柅園新編方輿勝覽二十一

臨川樓上柅園中十五年前此會同一曲清歌滿樽

酒人生何處不相逢

七夕歲時廣記二十六

雲幕無多斗柄移鵲慵烏慢得橋遲若教精衛填河

元獻遺文補編卷二

漢一水還應有盡時

題登縣西門周襄王廟李壁王荆公詩箋注

人來人去市朝變山後山前煙霧凝縈帶二州河洛

水寂寥千古帝王陵

贈李陽孫古今薄姓統譜七十二

不忍與君別憐君仁義人三年官滿後依舊一家貧

金燈花全芳備祖前集二十六

蘭香蕪處光猶淺銀燭燒時焰不馨好向書生窗下

種免教辛苦更囊螢

草全芳備祖後集十



春盡江南茂草深  
繞池樂樹一作碧岑  
長安官舍  
孤根地一寸幽芳萬里心

元獻遺文補編卷二

元獻遺文補編卷二

元獻遺文補編卷二

元獻遺文補編卷三

宋晏殊撰 仁和勞格季言輯

詩下 此卷之詩均見歲時雜詠

立春祀太乙

紫花一作毛雙節引青童一片空歌韻曉風太昊茲辰

授春令鸞旗應在靄雲中

華燈明滅羽衣攢翠柳蕭森綏檜寒千步回廊繞金

殿水蒼瑤佩響珊珊

上巳瓊林苑宴二府同遊池上卽事口占三首之二

殿後花枝白間紅樓前當道綠楊風橫飛絲縷波光

元獻遺文補編卷三

外例寫朱橋一作楊水影中

曲榭廻廊手伎喧綵樓朱舫鼓聲繁游人已著濃春

去不待歌長舞袖翻

寒食東城作

玉城百五車馬繁重帷黜幕紛郊原遊人得意惜光

景恣筭複樹登高軒平蕪遠水知何許眼裏一作人迢

迢空處所梨花澹豔柳絲長百計撩春作烟雨歌吳

聲中半一作平落暉瑤鞍繡閣一作轍尙遲歸荒田一作草

人間事誰向伶原一作燐淚滿衣

七夕

百子池深漲綠苔九光燈迴照一作浮埃天孫寶駕

何年駐阿母殘輪此夜來空外粉筵和霧溼靜中珠

幌徹明開秋河不斷長相望豈獨人間事可哀武夷山歌

唱人間可哀之曲

中秋月

一輪霜影一作轉庭梧此夕羈人獨向隅未必素娥

無悵恨玉蟾清冷桂花一作孤

奉和聖製元日二首

夏正標吉朔義感載初辰柏葉清樽舉椒花綺頌陳

年芳隨律盛皇澤與時均共有華封意昇平億兆民

元獻遺文補編卷三

人正肇屆時多祐感歷惟新景載陽雙闕布和雲氣

郁千門獻壽玉聲長東風入律三邊靜北斗回春萬

物芳朝暇肅城頌瘡藻摛紳交抃捧堯章

癸酉歲元日中書致齋感事

一葉玉春拆瑞筍八齋西省多香濃多年不宿金闈

署自天聖三年乙丑歲十月十四日由翰半夜再聞

長樂鐘卻展舊編探史漢更慙高步接夔龍十思三

省無荒豫千載亨辰豈易逢

壬午歲元日雪

千門初曙散星河颯灑貂裘潤玉珂白獸樽前飛絮

早景陽鐘後落梅多無聲暗重瓊林彩有意微藏壁  
沼波三殿端辰得嘉瑞不須庭燎夜如何

奉和聖製立春日

紫宙星回後青郊斗轉時上林鶯囀早南畝雪消遲  
雲喬千祥集風條萬類滋皇情同率土黔首頌昌期  
陰陽自協璇璣運和煦潛隨緹管升十二紫闕魚籥  
啟九重曉闕絳烟凝芳華稍變青門柳寒凍微消北  
陸冰宸藻下頒羲又麗八洪民庶保年登

奉和聖製新春

斗柄東回六合春堯天應象與時新銅壺瑞氣延疏

元獻道文補編卷三

三首 賦 節

漏青輅祥風繞畫輪雲裏樓臺高郁郁中原陽碧  
鱗鱗千村粉萼梅英吐百尺金絲柳帶勻秉錄調元  
功有序在璿觀妙政惟醕仰瞻魏闕宣和會共識皇  
恩子萬民

奉和聖製上元夜

蘭燈照夕開南闕星弁飛樓拱北辰在鎬正逢全盛  
日祝堯皆是太平人流風舞妙翻成字積雪歌長迥  
遠塵鸞鶴寶函頒睿什明良賡載想同倫

和扈從觀燈

詰且睢與下桂宮盛時爲樂與民同三千世界笙歌

裏十二都城錦繡中行漏不能分晝夜遊人無復辨  
西東歸來更坐嵯嶢闕萬樂錚錚密炬紅

奉和聖製上元夜

勾芒司節令鶉火中星規廣陌消塵霧重城集宴嬉  
仙韶聞玉瑄寶焰列瓊枝萬國同嘉會胥庭卽此時

奉和聖製上元 三首

協風陽律應滿砌莢莫新絳闕羅千衛華燈曜百輪  
悠悠未央夜粲粲彼都人萬寓今無外登臺共樂春  
鳳掖千門迥金缸四照然市闕通夜闕歌肆與雲連  
疊鼓迷清漏遊車際曉天泛宵仍潔祀蠶麥佇登年

元獻道文補編卷三

四首 賦 節

鷄火告中時皇州盛若茲九陽同化洽萬象得春熙  
樓月將收晚歌雲欲度遲布和周海域翹螭遂收宜  
上元夕次韻答張諫議

歌吹歡娛夕衡門可屬垣九城寒漏徹三市寶燈繁

酒想藉山醉詩慙淺樂翻如容陪後乘那避八騶喧

次韻和天章范待制上元從事會靈觀

春鶯欲滿枝荷橐從遊時旭日生華蓋靈風入羽旗  
酒含瑤玉淺香度博山遲共識天顏近都忘晝漏移  
丁巳上元燈夕 二首

九衢風靜燭無烟寶馬香車往復還三十二天應降

瑞盡移星斗照人間

百萬人家戶不屬管絃燈燭沸重城遊車正滿章臺

陌為報天雞莫浪鳴

正月十九日京邑上元收燈日

星逐綺羅沉曙一作晚色月隨絲管一作歌舞下層臺千輪

一作萬穀無尋處祇似是華胥一夢回

元夕

星聚寶燈連九市水流香轍度千門姮娥似有隨人意

柳際花前月半昏

上元日詣昭應宮分獻凝命殿以憲職不預班

元獻遺文補編卷三

五宜

健獨歸書事

別殿香三炷斜廊酒一盃官閒非侍從騎馬卻歸來

奉和御製中和節

正元崇吉序寶曆記良辰營室影曦轉勾芒令祀新

堯奠方告朔漢斟更宜春蒿萊農畔候如膏灑澤頻

奉和聖製社日

天官告曆占元日浹寓祈農協盛時芟柞尚傳周室

頌粉榆仍秩漢家祠三農普遂耕耤樂萬室均承雨

露滋推策授人敷景化穰穰喜覩億年期

社日

山郡多暇日社時放更歸坐客獨成悶行塘閱清輝

春風動高柳芳園掩夕扉遙思里中會心緒悵微微

寒食遊王氏城東園林因寄王虞部

謝墅林亭汴水濱偶攜佳客共尋春看花縱擬思君

子對竹何曾問主人促席一作日正逢羲日緩醜顏仍

有郢醪醇胡中九列無閒暇願作新詩贈季倫

次韻和叅政陳給事寒食杜門感懷二首

班班疏雨欲晴天翹避春風入醉眠新火未來絲閣

靜砌苔窗樹兩依然

謝堂新句入清歌雨箔風簾有燕過未免芳辰嘆心

元獻遺文補編卷三

六宜

賞始知猶患陸才多

奉和聖製上巳日

青陽三巳日佳氣九城中洛飲傳周俗秦詩載鄭風

停輪疑浮桂醕解袂泛蘭叢選勝開慈宴多歡組綬

同

上巳賜宴瓊林與二府諸公遊水心憩於西軒

二首

三月楊花飛似雪內園桂樹綠成陰何妨寫盡憑高

意十步虹橋徹水心

咽雲簫鼓傳聲沸臨水樓臺倒影多吟繞曲欄無限

思精風遲日滿烟波

上巳瓊林苑宴二府同遊池上卽事口占三首之一

看留融冶日添長萬品無涯入醉鄉誰道人間泛仙  
境水心樓殿半斜陽

端午作

汨渚沉沉不可追楚人猶自弔湘累靈均未免爭瓊  
湄卻道蛟龍畏色絲

社日戲題呈任副樞

開樽幸有治蠶醞把葉能無送燕章所惜司停近飲

會近年二府以秋  
宴近不賜社宴不如村叟醉秋光

元獻遺文補編卷三

乙亥秋節

丙寅中秋詠月

玉籥秋初半冰輪歲有期苦吟含翰久清宴下樓遲

雁怯波光動蠶愁葉影危烘簾頻卷押温耐旋凝漸

皎外蟾生滴寒中桂有枝星文藏熠燿露彩見華滋

苑靜疏螢溼巢空鷺鶴移漸穿鳴瑟幌偏鑿讀書帷

濛谷徒催曉織阿莫放虧陳王收妙舞疑待仲宣辭

次韻和王校勘中秋月

廣寒仙曙愜心期秋半梧臺木葉稀有客正吟星北

共何人重賦鵲南飛光含綺席傳三雅影逗蘭房撒

九微趨府逸才過飽掾不辭終夕賞清暉

次韻和司空相公閏秋重九中書對菊

兩掖儀臺峻珍叢應序黃積分廻令節伏檻賞幽芳  
昧谷重延律仙州剩借霜冒寒知慧苦逾分得莖香  
漢室羣生遂虞亨萬事康與人同所樂留翫屬澄觴

九日北郡登高見寄

前日登高泛玉卮擊銅賡唱有新辭如何偶作銷魂  
別又復重吟把菊詩上苑盍簪延景刻北都招轄盛  
官儀煩君見想權言者可奈衡門絕貢藁近日諫臣  
請二府罷

接賓以專國論執政奏許休  
務見客常日則門無車馬矣

中秋月與通判徐仲謀謙縣李宗  
易將作監主簿張彭同賦

元獻遺文補編卷三

八宜秋節

二十六句內此時心賞并中分九秋夜占斷百宵明

冷照蘭闥澈光含綺席清誰知滄海曲珠蚌最盈盈

九日宴集和徐通判韻

散插黃花兩佩黃粉餽蓬餌醕觴初清歌咽後雲生

袂妙舞翻時雪滿裾上客采香逢木蜜佳人投釣得

王餘秋光困指猶三七莫向賓朋綺宴疏

次韻和史館呂相公九日偶寄時史館充大內  
修葺使罷重陽

鳳閣千門制不奢上公精意在朝家重陽蜜餌承班

詔西苑瓊樽輟泛花蕭相未央功已半漢皇宣室宴

哀苑

非賒由來位極姑行樂目斷黃墟酒旆斜

八日菊是日與集賢彭秘書丞集賢王寺丞共  
良水富監丞弼王進士許西園會飲同

賦此題泊酒胡一章薄暮  
王殿中軫見訪因亦與會

瑞莫才半折金藥已爭妍幸得重陽近貪爲一日先  
登高謀宿約泛酒試芳筵詰旦尋餘馥明知賞愛偏

重陽夕內宿

把菊醒陶酒揚鞭入漢闌聚蚊秋未息獨鳥暮先歸

世有涼暄隔人無今昨非悠然倒館佩頻夢北山薇

九月八日游渦徐通判李憲縣楊察監  
丞朱從道縣尉同之

黃花夾徑疑無路紅葉臨流巧勝春前去重陽猶一

元獻遺文補編卷三

九宜

日不辭傾盡蟻醪醇

閏九月九日

閏秋重九再佳辰猶見黃花衰露新更作登高亦何

害恨無彭澤苦吟人

和至日北園讌集

清曉融風肅桂堂郡寮多暇舞筵張是日大  
傳賓命臺高已

驗雲容媚日暖懸知刻漏長溪子弩寒千里命蘭英

酒熟共傳觴自曹事集神都近預拜需函慶一陽

奉和聖製冬至

吉序冠三正民時協盛成歲穰千畝實氣爽六符平

肆樂遵年律迎長藹頌聲雲濃燕雁度雪霽楚蘭榮

異域梯航集諸侯篚貢盈堯仁敷萬有同此一陽生

奉和聖製除夜二首

祕掖栢軒嚴萬戶慶宵躔次會三辰丹闈肅穆猶凝

夕佳氣蕊瓏漸報春調歷自將穹厚永聖辭常與歲

時新送寒旁磔迎和令率土羣生仰昊旻

珠躔回碧落絳燎燭青規瑣闥窮籤度層臺玉漏移

納新皇澤普順節聖情怡萬宇長安陌鄉儺集此時

和三冗除夜

星漢廻曾宇填篋集上都夜寒凝爆燎春氣入屠蘇

元獻遺文補編卷三

十宜

九陌傳珂乘千門促漏壺此時開棣宴仍在碧城隅

次韻和致仕陳相公除夜

從來歲除詠託諷情非一公在維師年久諧歸政逸

辛盤具芳郁柏酒澄嘉粟猶厭賀車頻晨門動圭華

御閣四首

鶯谷春風柳上歸禁園芳樹漸依依堯年億萬如天

遠萬國歡心拱太微

屠蘇醴酒盈金尊鬱壘神符衛紫關三境上眞垂介

福祿祿洪算等南山

南國睢胡奉紫庭九重樓閣瑞雲生丹臺玉策延洪

算八表歡娛四海清

習習條風拂曙來清香猶綻雪中梅屠蘇酒綠鑪烟

動共戲宜城萬壽盃

內廷 四首

玉殿初晨淑氣和璧池冰解水生波颯白聖母增年

歷萬壽無疆積慶多

獻壽椒花泛淥醪迎祥一作朱戶帖仙桃彤庭玉殿

鐘烟起靄靄卿雲瑞日高

池水初解雪初消十二重城曉日高颯颯和風遠珠

樹千年春色在蟠桃

元獻遺文補編卷三

三首

三百六旬初一日四時嘉序太平年霓衣絳節修真

錄步武祥雲奉九天

東宮閣 二首

銅龍樓下早春歸三朔元辰在此時椒柏暖風浮玉

罕兩宮稱慶奉皇慈

條風發歲協初辰元圃搖疑山景象新千載百靈資

介福滄溟重潤月重輪

立春又詞

御閣 四首

合月歸餘屆早春羲舒相望協元辰初陽乍逐青旂

動聖壽長隨鳳歷新

三素雲中曉望時上眞駢盞綠參差丹臺自有長生

籍睿算方延億萬期

青輅迎春習習來天泉池上曉冰開珠幡已報三陽

候柏葉將陳萬壽杯

綵幡雙燕祝春宜獻壽迎祥重此時臘雪未消宮柳

碧早鶯聲在萬年枝

內廷 四首

朱戶未聞迎綵燕東郊先聞舞雲翹姜任盛德符青

史金屋千春奉聖朝

元獻遺文補編卷三

三首

柳燧青青淑氣和冰紋初解穀文波淑風殿裏黃金

屋應候稱觴獻壽多

才聞太昊行新令更祝元君望景輿白玉龜臺資壽

歷千春鴻福此春初

雙金樓勝延嘉節五絲為幡奉紫庭春色漸濃人未

覺玉階楊柳半青青

東宮閣 三首

青幡乍帖宜春字翠旒初迎入律風一有元良昭大

慶問安長在紫宸中

碧燕幡長綵樹新宸門瑞珮慶初春邦家累善鍾儲

貳皎皎重暉在壁輪

皎冰千片解華池神水香醪滿爵卮旭日九門凝瑞

露東甯朝拜奉宸慈

御閣 端午

沐浴蘭湯在此辰內園仙境物華新輕絲五綵纏金

縷共祝堯年壽萬春

初垂彩丈迎新節復結香茅致百祥就日望雲皆善

祝聖人洪算與天長

獻壽競為長命縷迎祥還佩赤靈符端門漏永晨曦

上颯颯秋風遠帝梧

元獻進文補編卷三

三宜 賦 節

雕盤角黍競時宜粗織風華奉紫闥海日乍昇丹禁

曉文人清影照金扉

內廷 四首

百草闌餘欣令月五絲縈後祝週年洞房風暖垂靈

變神沼波深競綵船

披風別殿地無塵辟惡靈符字有神九子糴香仙醴

燕共瞻宸極祝千春

由來佳節載南荆一浴蘭湯萬慮清仙苑此時收百

藥鍊丹飛石保長生

一一雕盤分楚饗重重團扇畫秦娥宮閣百福逢嘉

序萬戶千門喜氣多

昇閣 二首

朱邸沐蘭逢令節丹廷祝壽喜嘉辰兩宮榮養延多

慶百福潛隨命縷新

織組文綰載舊儀晨朝丹辰奉天慈六齋清素來多

福歲歲今辰侍燕時

御閣 四首

五綵絲長繫臂初萬年芳樹影扶疏豈勞方士標神

篆自有真靈衛帝居

九子樓新傳楚俗赤靈符驗出新方漢宮盡祝如天

元獻進文補編卷三

三宜 賦 節

壽鵲尾鎪烟起瑞香

乍結香茅祈福壽更纏金縷貢芳新丹臺素有延生

錄歲歲迎祥在此辰

仙家既有靈符術越俗兼為競渡舟三十六宮遲日

永綺窗朱戶彩雲浮

東宮閣 二首

揚子江心鑄錯成俗傳茲日最標靈宜猷視學通文

史問膳多歡奉帝廷

百藥初收味最良玉函仍啟太清方扇裁葵葉風頻

度漏轉金胥日更長



元獻遺文補編卷三

臨川雷鳳鼎編校

跋

有宋臨川以文章名位顯者晏文獻與王荆公為最著荆公詩文流布至今幾於家有其書惟晏文獻之臨川集三十卷二府集二十五卷別集二卷北海新編六卷廬山四游詩一卷久經湮沒天壤間祇存其目而已 四庫館臣採輯大典時亦未及此祇著錄慈谿胡亦堂輯本一卷文詩各六篇餘則詩餘也其散見於各總集者均未輯錄著述之顯晦亦有幸不幸焉丁氏善本書室藏有仁和勞季言增輯原本蒐輯較多蠅頭細字朗若列眉甲寅秋月遂錄於江南圖書局屬臨川雷菊農君代為編校成補編三卷因合胡輯付之剞劂至於勞輯之零章斷句難於編入者俟後有所輯當再編補遺焉丁巳三月鄉後學李之鼎謹跋




常熟瞿氏藏明成化本

武溪集

桂坊題





宋史本傳

余靖字安道韶州曲江人少不事羈檢以文學稱鄉里舉進士起家為贛縣尉試書判拔萃改將作監丞知新建縣遷祕書丞數上書論事建言班固漢書舛謬命與王洙并校司馬遷范曄二史書奏擢集賢校理范仲淹貶饒州諫官御史莫敢言靖言仲淹以刺譏大臣重加譴謫備其言未合聖慮在陛下聽與不聽耳安可以為罪乎汲黯在廷以平津為多詐張昭論將以魯肅為羸疎漢皇吳主熟聞皆毀兩用無猜豈損令德陛下自親政以來屢逐言事者恐鉗天下口不可疏入落職監筠州酒稅尹洙歐陽脩亦以仲淹故相繼貶逐靖緣是益知名徙監泰州稅知英州遷太常博士復為校理同知禮院慶曆中仁宗銳意欲更天下弊事增諫官員使論得失以靖為右正言時四方盜賊竊發州郡不能制靖言朝廷威制天下在賞罰今官吏弛事羣盜蜂起大臣齷齪守常不立法禁可為國家憂也

武溪集本傳

請嚴捕賊賞罰及定為賊劫質亡失器甲除名追官之法司天言太白犯歲星又犯執法靖上疏請責躬脩德以謝天變使契丹辭日以所奏事書笏各舉一字為目凡數十事帝顧見之命悉條奏日幾及乃罷進修起居注開寶寺靈感塔災復上疏言五行之占本是災變朝廷所宜誠懼以答天意聞書詔取舊塔舍利入禁中閱視道路傳言舍利在內廷有光怪竊恐巧佞之人推為靈異惑亂視聽再圖營造臣聞帝王之道能勤儉厥德感動人心則雖有危難後必安濟今自西陲用兵國帑虛竭民亡儲蓄十室九空陛下若勤勞罪己憂人之憂則四民安居海內蒙福如不恤民病廣事浮費奉佛求福非天下所望也若以舍利經火不壞遽為神異即本在土中火所不及若言舍利皆能出光怪必有神靈憑之此妄言也且一塔不能自衛為火所毀況藉其福以庇民哉靖在職數言事嘗論夏竦姦邪不可為樞密使王舉正不才不宜在政府狄青武人使之獨守渭州恐

武溪集本傳

啟邊事張堯佐以脩緩故除提點府界公事非政事之美且郭后之禍起於楊尚不可不監太常博士王翼西京治獄還賜五品服靖曰治獄而錫服外人不知必以為翼深文重法能希陛下意以取此寵所損非細事也嘗有工部郎中呂覽以治獄賜對所易章綬陛下諭之曰朕不欲因鞠囚與人恩澤覽退以告臣臣嘗書之起居注陛下前日諭覽是則今日賜翼非矣是非與奪之間貴乎一體小人望風希進無所不至幸陛下每於事端抑其奔競其說多見納用會西鄙厭兵元昊請和議增歲賜靖言景德中契丹舉國與師直抵澶淵先帝北征渡河止損金縢三十萬與之今元昊戰雖累勝皆由將帥輕敵易動之故數年還將練兵始知守戰之備而銳意解仇所予至二十六萬且戎事有機國力有限失之於始雖悔何追夫以景德之患近在封域之內而歲賜如彼今日之警遠在邊鄙之外而歲賜如此若元昊使還益有所許契丹聞之寧不生心無厭之求自此始

武溪集本傳

矣備移西而備北為禍更深但思和與不和皆有後患則不必曲意俯徇以貽國羞擅知制誥元昊既歸款朝廷欲加封冊而契丹以兵臨西境遣使言為中國討賊請止毋和朝議難之會靖數言契丹挾詐不可輕許即遣靖往報而留夏國封策不發靖至契丹卒屈其議而還朝廷遂發夏冊臣元昊西師既解嚴北邊亦無事靖三使契丹亦習外國語嘗為番語詩御史王平等劾靖失使者體出知吉州靖為諫官時嘗劾奏太常博士茹孝標不孝匿母喪坐廢靖既失勢孝標詣闕言靖少游廣州犯法受榜靖聞之不自得求待養去改將作少監分司南京居曲江已而授左神武軍大將軍雅州刺史壽州兵馬鈐轄辭不就再遷衛尉卿知虔州丁父憂去儀智高反邕州乘勝掠九郡以兵圍廣州朝廷方顧南事就喪次起靖為祕書監知潭州改桂州詔以廣南西路委靖經制智高西走邕州靖策其必結援交趾而脅諸峒以自固乃約李德政會兵擊賊於邕州備萬人糧

以待之。而詔亦給緡錢二萬助德政興師。且約賊平更賞以緡錢二萬。又募僮黃諸姓酋長皆賡以職。使不與智高合。既而朝廷遣狄青孫沔將兵共討賊。青卻交趾援兵不用。賊平就遷靖給事中。御史梁禧言賞薄。又遷尙書工部侍郎。初青兵未至前。戒部將勿戰。靖迫鈴轄陳曙出關。敗走青。至按軍法斬曙及指使袁用等於坐。靖瞽然起拜。及諸將班師。獨留靖廣西。遣人入特磨道擒智高母子三人。生致之闕下。加集賢院學士。徙知潭州。又徙青州。交趾蠻申紹泰寇邕州。殺五巡檢。以靖安撫廣西。至則召交趾用事臣費嘉祐詰問之。嘉祐至。給以近邊種落相侵。報誤犯官軍。願悉推治。還所掠及械罪人。以自贖。靖信之。厚謝遣去。嘉祐遂歸。不復出。知廣州。官至工部尙書。代歸卒。三司使蔡襄爲靖言。特贈刑部尙書。諡曰襄。靖嘗夢神人告以所終官而死秦亭。故靖常畏西行。及卒。則江寧府秦淮亭也。

工部尚書集賢院學士贈刑部尚書諡曰襄余公墓誌銘

治平元年六月癸亥。工部尚書集賢院學士前知廣州軍州事余公薨于江寧府之行舍以聞。天子為之不視垂拱朝一日。贈賻有加。贈刑部尚書。諡曰襄。其孤奉公明年七月二十七日葬。以訃來。且求誌其壙。某為次哭之。已謹序之曰。余氏自閩徙於韶之曲江。曾大父從大父營父慶。累贈太常少卿。母黃氏。追封吳郡太夫人。公諱靖。字安道。天聖二年中進士第。尉虔州之贛縣。又中書判拔萃科。改將作監丞。知洪州

新建縣。再遷祕書丞。入崇文館。校三史。謬誤景祐三年。充集賢校理。范文正公知開封府。屢言丞相過失。貶饒州言事者畏縮不敢論。列公即上疏曰。古之帝王逐諫臣。終為盛德之累。仲淹宜在朝。不宜遠謫。坐是落職監筠州稅。尹公師魯歐陽公永叔繼之。皆以朋黨斥去。其官微不得自達。作詩四篇以直之一日。傳於京師。故天下目為四賢。移監泰州稅。又徙知英州。丁太夫人憂。還朝。復集賢校理。同判太常禮院。慶曆三年。上念西夏亂邊。官軍屢敗。四方困于供億。因一作增置諫官四員。以補聰明。向之觸丞相而得罪

者。頗引用。除公右正言。於是朝廷之口大議政事之得失。權臣材德之是否。士大夫之賢不肖。莫不盡心而舉正也。元昊為患日久。時議有金繒之賜。輒首罪稱藩。將從其請。而契丹聚兵燕朔。曰我為南朝皇帝。討夏人。勿宥其罪。朝廷謂借契丹之兵以討賊。則彼自矜功。拒元昊之請。絕其向順之路。必也。却契丹而納元昊。當得使者以成其事。公亦屢言二鄙利害。乃遣公使契丹。既至。辨其曲直。以理奪之。比還。契丹收兵。元昊稱臣。四年。知制誥。史館脩撰。其年再使。坐習虜語。出知吉州。數十年閒。天下風俗以謹默自守。掩

覆瑕垢為長者。一日。刺舉彈繩多。或罷免。又嘗所言者。進持國柄。仇人乘勢中以事。授將作少監。分司南京。久之。改光祿少卿。天子且欲復用權臣。以諸衛將軍壽州鈐轄處州。服父喪。儂智高陷邕州。循流東下。破九郡。次廣州。以祕書監起。公喪廬。知潭州。金革之事。義不得辭。改知桂州。經制廣南東西路賊盜事。廣城堅不下。賊大掠西歸。所向無前。趨邕州。欲倚峒穴為久居計。公先移檄交趾。及諸峒。使之捍賊。智高至。外無助援。會朝廷命狄宣徽青將兵至。公與孫公元規實共其事。智高敗走。復邕州。乞解官。追終喪制。詔

不允。除給事中。仍治舊府。御史梁倩言賞不當。又遷工部侍郎。選死士入特磨道生擒智高母與弟。送闕下戮之。充集賢院學士。尋遷戶部。自言久官嶺外。瘴毒所侵。惟陛下哀憐。又移潭州。青州遷吏部嘉祐五年。交趾入邕界殺巡檢五人。驛召公於青州。上諭之曰。卿孰南方事。已授卿廣西體量安撫使其勿辭。公至邕。召交趾用事者費嘉祐詰之曰。汝主世爲藩臣。何敢爾耶。邊民私忿相酬。不知官軍。誤犯之。幸得自新。當送首惡者歸命。旣而械致五人。流刑于欽州。歸奏所以治蠻之狀。授尚書左丞知廣州。今天子卽

位。遷工部尚書。廣多奇貨。南官者蓄以爲利。公戒其北歸。勿得持南物。其俗輕揚教之禮法。簡而不苛。去之日。百姓懷之。公薨年六十五。娶林氏。贈尚書工部侍郎。從周之女。封魯郡夫人。男三人。伯莊殿中丞。早亡。仲荀太常博士。叔英太常寺太祝。女六人。長適尚書屯田員外郎郭師愈。次祕書丞孫邵。次建州司法叅軍周熊。次祕書省校書郎章惇。裕二尚幼。男孫四人。嗣恭嗣昌皆太常寺奉禮郎。嗣隆嗣徽未仕。女孫五人。文集二十卷。奏議五卷。三史刊誤四十卷。公之在館閣居諫院某嘗同職事。其斥筠州使北虜經制

二廣賊盜平定。交趾知廣州皆見其行也。故其學術文章忠義謀畫知之最深。居常謙畏。寡言不敢少忤於人。及論事上前。分解落落。詆刺大臣。易於禍。夫出入兵戎危難之地。若在宴處。何其壯哉。已之無間用之有爲斯其蹈夫道者也。銘曰。

公進於朝。卓爾辭菽。任之諫諍。直言警世。西夏亂常。寇攘洄歲。翻然向內。願輸信誓。契丹橫議。集兵幽薊。單車出使。安危是繫。胡騎引歸。羌僉受制。風雲指麾。天日清霽。峒獠猖狂。自西而東。起于喪廬。經制頑兇。賊窟窮荒。生致其母。戮之馬市。腰領殊處。交趾來擾。

再往南土。呼其種豪。屈之一語。二廣十年。恩威是宣。公薨民啼。其何使然。返于一一作葬。故口口終斯全。我銘公墓。唯信之傳。

忠惠公集

卷之三十六 誌銘





元。相持不肯為以。即城五人。送歸州。轉於界上。公還。邑人過道留之不得。明  
年以尚書左丞知廣州。其宗即住。連工部尚書。代運道病卒。享年六十有五。公  
程制五管。前後十年。凡治六州。所至有惠惠。雖在兵間。十不釋卷。有文集二十  
卷。余撰五卷。三史判讀四十卷。娶林氏。封晉郡夫人。子男三人。長伯益。中丞  
平卒。次仲節。今為屯田員外郎。次叔英。大理寺評事。女六人。長通誠。方員外郎  
郭思愈。次通允。田員外郎。三通循。州觀察使。同恩。四通秘書評事。傳格。五  
通越。州上虞縣主簿。張元淳。一尚幼。孫男七人。嗣功。嗣昂。皆大理寺評事。嗣隆。  
大常奉禮。嗣徽。嗣光。嗣立。嗣京。未仕。孫女五人。銘曰。

余連曲江。仍世不顯。奮自襄公。有聲甚遠。始與開國。黎其於前。  
兩賢相望。三百餘年。傳我襄公。惟邦之直。始登於朝。官有言責。  
左右獻納。奸諛屏息。慶慶之治。實多補益。運時有事。奔走南北。  
功高火官。名在春秋。出入艱勤。險夷一德。小人之讓。公廢於里。

三

一方有警。公起於家。成行信結。廉海幽遐。公之在馬。帝不南顧。  
胡名其遠。須於中路。反拒歸來。能人員士。後石刻詞。立於萊門。  
以貽後世。匪止能人。

楊進士第翰林院學士知濬州兼青州太子少傅奉節屠改歐陽修孫

襄公桂州新城記

王安石撰

漢智高反南方。出入十有二州。十有二州之守更。或死或不死。而無一夫能守  
其州者。蓋其材皆不足歟。蓋夫城郭之不設。甲兵之不戒。雖有智勇。猶不能以  
勝一日之望也。惟天子亦以爲任其罪者。不獨守吏。故特推恩。舉廉元郡。而一  
切資其夫職。於是連推進士大夫。所論以爲能者。付之理略。而今尚書戶部持  
郎余公靖當廣西馬。冠平之明年。雲越桂和。乃出城桂州。其方六里。其本覽元

后之材。以救數之。至四百萬有奇。用人之力。以工數之。至一十餘萬。凡所以守  
之具。無一不而有不給者焉。以至和元年八月。始作。而以二年六月成。夫其  
爲後亦大矣。蓋公信於民也。又而費之欲以術其財。營之欲以休其力。以故爲  
是有大費與大勞。而人莫或以爲勤也。古者君臣父子夫婦兄弟朋友之禮失。  
則政教壞。而中。方是時。中國非無城郭也。卒於陵夷。毀壞陷滅而不救。然  
之修也。又嘗不敢以爲損。蓋有其患而固之。無其具。有其具而守之。非其人。有  
其人而治之。無其法。能以久存而無敗者。皆木之閉也。故文王之興也。有回  
之難。則城於朔方。而以南仲。至王之起也。有諸侯之志。則城於東。而以仲山  
甫。北二臣之德。協於其君。於萬國之冰。亦與其所先。復可謂知之矣。慮之以  
情之。而聲赫赫之名。承之以翼翼之勤。而續明明之功。卒所以攘夷狄而中  
國以全安者。蓋其君臣如此。而守術之有其具也。余亦以文式之材。當明

四

天子承平日久。欲備禦立廢之時。鎮撫一方。作行其民。其勤於今。與周之有南  
仲仲山甫蓋等矣。是宜有記也。故其將吏相與謀而未承。時到之城隅。而以  
告後之人焉。

韶州風采樓記

陳白沙

宋仁宗朝。除四諫官。其一人。志業公是也。蔡君謨詩云。必有謀猷。許帝。史如  
風采動朝端。弘治十年。韶守羅君驥始作風采樓。與舊張文獻風采樓相望。裏  
公十八世孫英。走白沙徵文以表之。自夫開闢。唐宋至今。不知其幾千百年。  
吾瞻於前。泰山北斗。曲江一人而已。吾瞻於後。泰山北斗。公與蔚城二人而  
已耳。噫。士生於願衰。磨莊年代之久。何其衆也。然則公風采在人。爭先觀之  
焉。若風采是草。不惟有於世也。可知矣。如公之才德。行公之志。所謂障百川

臺式肆月之反

而求之。迥狂瀾於既倒。公固有之。公之有益於人間也大矣。雖然。一諫官豈能盡公哉。顏淵問焉。孔子對曰。三代之禮樂皆之。顏淵。處士也。何與于斯理耶。唐陋老以欺其誠。故一執以求其志。不達不貳。以進於聖人。則則行。舍則藏。微顏子。則夫子作春秋之旨不明於後世矣。以復之。求聖人者。顏子其的乎。嗚呼。顏則顯矣。嗚呼。則晦矣。語默出處。惟時。夫豈苟哉。其乎勉之。毋曰志業可為也。聖人不可為也。

大明弘治十年歲次丁巳。孝冬。賜進士翰林院檢討白沙陳獻章拜撰。

五

象績公襄忠余



余少師襄公武溪集序

朝奉郎尚書屯田郎中

周源撰

夫性之相近其得也深文之參尚其體不一其辛互  
嗜華質異好其所由來尚矣尚書余公之才長於應  
變文亦如之不名一體初舉進士天禧天聖之間文  
尚華侈公以詞章鼓行名場取高第與尹師魯應拔  
萃科公又為冠穆伯長歐陽永叔起文復古公亦變  
體棄華取質以道理相交與歐陽蔡諸公埒名價當  
時公卿士大夫碑碣銘誌亭館記引道釋觀寺撰述

武溪集

卷五

不得公文為不孝不可四方巖谷鏡辭聲相聞晚節  
芸殖不落積原涵深益工遂完公儻負氣節以功  
業為已任以文章沾職麗正落落不常范文正以直  
言貶逐遠郡公以章採解忤權貴奪職監筠州商稅仁  
宗慶曆中攬治斷英復置諫官四負公與歐陽蔡公  
並命益奮不顧爭抨權倖溢於文辭知制誥使北戎  
者三究機會辦方言賦詩虜庭推少文者作丞相忌  
公坐習蕃語出知吉州不快意奪官屏居曲江九六  
年遊山水益自肆於文學起知虔州宅父憂蠻獠儂  
智高閉形穴中積年蓄銳兵一日乘虛擣十餘州公

以農兵扞鄉里州將以公方略聞於朝起公於家知

潭州未幾經略嶺西制賊盜公以輕兵倬番禺城下

料賊勢獨上言賊無他志止欲復舊穴爾寬朝廷南

顧憂遂與狄宣徽青孫密諫沔以兵邀歸路賊兵精

甚逆戰歸仁鋪我軍出左右翼橫絕賊陣以鐵槌擊

之盡殪獨其首窳窟穴兵馳其地脅特磨酋豪誅智

高并擒毋子以獻戮于橐街磨桂崖為文策京觀于

邕作記以旌武功志與氣兩雄故觀公之文可以知

其武矣復鎮潭帥青與廣聲張實副才大取忌官止

八座不登三事文不化成儒效不極賢人君子所以

武溪集

卷二

為之齋咨痛惜矣嗣子尚書屯田員外郎仲荀編公  
遺篋得古律詩一百二十碑誌記五十議論箴碣表  
五十三制誥九十八判五十五表狀啓七十五祭文  
六凡二十卷泣而謂源曰先人知君深常五薦君於  
朝得君文及書必命別藏巾篋序先人集非君而誰  
源不敢辭而為序云

武溪集序

嶺南人物首稱唐張文獻公宋余襄公二公皆韶人也韶郡二水夾城流自瀧來者曰武溪湏水自庾嶺下與武溪合是為曲江張公既以曲江名其集余公之集名以武溪蓋有意以匹張歟予家嶺表極南之徼自少有志慕二公之高風每恨其文不行于世於張公文僅見其羽扇感遇等數篇余公文僅得其潮說及諸書判蓋莫能覩其全也求之天下幾三十年今始與曲江集並得於館閣群書中昔孔子言夏殷之禮杞宋不足徵徒以文獻不

足之故解者謂文典籍也獻賢人也二公之集之存豈非嶺南文獻之足徵者乎予嘗恠柳子厚謂嶺南山川之氣獨鍾於物不鍾於人曾南豐氏亦謂越之道路易於閩蜀而人才不逮其然豈其然乎夫人才莫大於相業南士入相在唐僅三數人張公之後有姜公輔劉瞻皆嶺南人也當是之時南方之士以功業顯蓋未有或先之者也進士科興江以南士固有與者然多在中葉以後且終唐之世未有得倫魁者張公在開元時已以道侔伊呂科進而大中間開建之莫宣卿亦已魁天下選

矣然則二子之言果可信乎史冊所載嶺南人才固若落落然間有一二率皆秉忠貞礪名節求其所謂巧宦佞倖者蓋絕書也世之人因二子之言往往輕吾越產予故因序余公此集而發之初得公集手自鈔錄僅成帙聞先妣太宜人喪解官還家携以過韶韶郡太守蘇君韓同知方君新通判涂君暉請留此刻郡齋中且求為序予既免喪乃書此以引其前非但厚公文也蓋假公之文獻以徵吾之言且用以為越之人士解嘲云  
成化九年龍集癸巳仲春初吉

翰林院侍

講學士瓊臺丘濬序

武溪集卷第一

工部尚書充集賢院學士

射累贈少師謚襄公余靖

律詩 五言

送曲江知縣趙節推

命將久征蠻騷然數載間柳都共也女一言巢穴破

千里鼓旗開刀盾無私蓄夫七千餘人耕桑有復還畫輸官庫

之民並居民此休息遺惠重丘山

寄題廣州田諫議順堂

退食公堂暇應無俗慮侵簾開雙燕外吏散百花陰

武溪集卷一

海域道遙境榮途淡泊心政成先養正惠慶及民深

送僧惠勤歸鄉

舊國起歸興三江一棹輕夜吟逢月白曉渡趁潮平

楚岸雲藏寺吳宮水繞城羨師塵外去何日濯吾纓

題劉太傅樓心亭

宏構小侯第避權長掩關地分金穴貴人共白雲閑

野色春牆外池香暮雨間燕申忘萬慮吏隱敵箕山

送薛秀才歸鄉

辛歲接高論一朝歸故關道存慙設醴主禮不腆別

易忍登山進即龜龍瑞退當江海閑無為聲俗趣碌

疎利名間

雙松在故縣

自古詠連理多為陽艷吟誰知抱高節生處亦同心

風至應交響禽棲得並陰歲寒當共守霜雪莫相侵

新息道中遇雪

寒深雪壓春去去秋傷神巢穴有歸鳥路岐無住人

遠光天共白夜色月相親獨酌不成醉自嫌名利身

次韻酬孫明復見寄

門外車塵絕踵前俗慮無輕身脫羈絆曳尾得泥塗

出處天真在炎涼物性殊寄言欽雅意相望隔江湖

武溪集卷一

送海林遊南海

觸目盡塵累如師真不群圓明水中月去住嶺頭雲

意為乘風快名應過海聞脩然此高迹世網慢紛紛

荔香亭

虛亭何所賞為愛菓中奇氣稟南方秀生當火王時

渡淮爌橋變經度笑梅衰不共花爭艷殘艷莫傍枝

送容州杜秘丞

官滿一舟歸高懷俗骨馳家藏唯翰墨民政在聲詩

秀氏陳生為詩言政甚詳氣勁秋霜並吟多夜月知知賢無路薦

何以報明時

謝連州沈敷丞惠石

遺我巖巖石拜嘉賢史君何當天共補應免玉借焚  
想自乘槎得知從飲羽分試將簷畔累尚帶故山雲

寄題寶峯山玩雲亭

指月猶為幻玩雲應強名遙思一雨潤能使六塵清  
望岫幽人興觀空達士情何當扣禪闥高論俯軒楹

留題龍光禪刹呈周長老

尋幽逢勝地方外趣無垠雙澗流寒月千峯鎖暮雲  
路盤塵境斷世係祖燈分却愧留題處猶須說見聞

送峽州推官

武集卷一

决科繼漢策佐郡得荆關地勝詩鋒銳兵銷檄筆閑  
路岐高鳥外城郭白雲間媿畫應徐刃何入薦禰還

留題澄虛亭

湖光湛寒碧影拂莓苔魚戲應同樂鷗閑亦自來  
雨餘輕靄合竹外雜花開久欲留詩去慙無綺靡才

靈樹喜長老屬疾見寄次韻酬之

鳴韶山下客多病似吾身每想彌天辯誰為問疾人  
泉清偏照月松瘦不知春未遂尋高論相遙一水濱

和伯恭殿丞登武江門樓懷揚叔武太保

徙倚江邊檻旌旗望處遙交情深慕關風韻渴聞韶

寄遠緘靈藥迎歸熾畫橈伏波新蕩寇氣入嶺雲飄

同李秘校譚負外宿月華上方

上方逢夏夕月色徧千山但覺星河近偶同江海閑  
事拋興廢外談極有無間却笑明朝俗紅塵隨馬還

同李秘校譚負外月華長老謁慈濟禪師

會宿寶林道場

祖堂留勝迹再宿此登臨雲月自明暗山川無古今  
谷聲猿嘯遠泉脉虎跑深共到忘言處休論佛與心

送施屯田知太平州

天閣漢郎居新榮刻兔符趨曹蘭在握到境督先驅

武集卷一

地望遙分楚州封半入吳仙科存俊望歸路約蓬壺

送欒駕部

賦政古循良恩威著一方疲民戀冬日黠吏畏秋霜  
直道經摧折公心愈激昂米鹽躬細務繩墨謹周防

度嶺囊裝簡攀轅父老忙採詩如有詔持此續甘棠

寄題田待制廣州西園

善政偏脩舉增完池館清地含春氣早月映暮潮生  
石有群星象庭際羅立舊石花多外國名異花皆無上

與民同雅免邀客醉蓬瀛翰墨資吟興雲泉適野情

鎮應持左蠡快欲繪長鯨積露藏樓閣馴鷗識旌

甘棠留美蔭高倚越王城

訓和蘇夢得運使

選任逢明主休嗟尚散即遠均天雨露全撫越封疆  
早振連城價嘗陪照乘光官途更險易人事變炎涼  
遽喜輜軒至同期遠俗康交情重推致民意樂舒長  
况有江山助無懷節物傷樽前且歡醉一別久相望

塞上

漢使重領朔胡臣舊乞盟烽煙虛畫長刁斗絕霄旛  
虎落雲空鏢龍堆月自明祁連山更北新築受降城

送李廷評知福清縣

武陵集卷一

五

世閱茂儒紳既閩寵命新縣圖遙盡海鄉樹密藏春  
供帳鴛鴦老登車雖已馴行聞趨召節舊策政如神

子規

一叫一春殘聲聲萬古冤踈煙明月樹微雨落花村  
易墮將乾決能傷欲斷竟名韞慙自東為爾憶家園

桂源早行

聞鷄已行邁策馬更徘徊月色依山盡秋聲帶雨來  
自堪悲玉璞誰復築金臺薄宦空羈東西齋長綠苔

桂源曉別秦珙河是

迴館逢清論長亭慘別襟亡羊南北路躍馬利名心

酒市搖風幟花村鏢霧林行行俱得意結綬有知音

山館

野館蕭條晚憑軒對竹麻樹藏秋色老禽帶夕陽歸  
遠岫穿雲翠禽得雨肥淵明誰送酒殘菊遶墻飛

微涼

蛟綃蟬翅薄湘簾水紋流雨送三金伏風生一葉秋  
檀欒疎影亂蕙苗遠香浮飛蓋宜清夜天高掛玉鈎

晚至松門僧舍懷寄李太祝

日暮倦行役解鞍初息有霧昏臨水寺風勁欲霜天  
蓼浦初聞鴈人家半在船思君正悵黃葉更翩翩

武陵集卷一

六

湘中送人

離謳方揭耳別緒已凄然草蔚湘纍浦花殘蜀魄天  
嶽山晴拂漢啼竹冷澄煙後夜思君意空歌皓月篇

慧照大師

已向南宗悟尤於外學精士林傳字法僧國主詩盟  
初地形容古彌天語論清因君支遁輩徒擅養鷹名

遊水南寺

雙刹聳浮雲層軒絕世塵松溪千蓋雨茶圃一旗春  
夜梵龕燈暗朝香篆火新暫未猶求日堪羨白蓮人

暮春



草帶全鋪翠花房半墜紅農家榆莢雨江國鯉魚風  
堤柳綿爭撲山櫻火共烘長安少年客不信有衰翁

宿山觀

孤枕秋宵永山寒夢不成殘燈背窓影急雨帶溪聲  
未分山中老空思日下名區區如逆旅此際若為情

和伯恭殿丞遊西菴山寺

休澣約過從寧論隘與恭溪光染醺綠山色秀芙蓉  
最秀者曰芙蓉峯乍霽千絲雨齊張萬蓋松岫孤如欲遁逕  
曲似相逢共快雲霞志更尋麋鹿蹤披吳國紵杖  
拄蜀郊笻奔布東西剎鱗差遠近峯禽喧五色聚鐘

武溪集卷一

七

迥六時椿興廢雖留日榮枯莫湧曾忽驚雷出地未  
省雪經冬陰谷鳴歸鶴靈湫起應龍跳梁窺菓狖縹  
緲入花蜂磴滑并羅躡巖幽半蘚封竹間泉繚繞煙  
外草蒙茸民樂謳謠洽春和氣象濃吟多資雅興望  
極動離棕有語嫌雙鷺無虞羨大楠橫陰數畝歸來  
却回瞻暮謁已重重

送岳師歸贛川

千里起歸思翛然物外身海山經處霧梅嶺到時春  
藥更開新楮庭應長舊筠年衰重方術聊此送行人

謝伯恭篆屏蟾硯

古硯蟾蜍滴文屏薤葉書世間多倚伏休歎橐中虛  
來詩云橐中奇物為基輪

享廟詩 慶曆四年進

裸獻遵彝典時思展聖謨猗那百世祀孝愛萬邦孚  
禮盛郊丘配感因霜露濡承祀光德劭進冊報仁劬  
想見先猷遠恢洪介福俱明靈欽至治純嘏被歡呼

裡如詩

函夏恢文治裡燔講禮隆物兼明德薦天以至誠通  
制度親祠盛威儀陟配崇戎容儼仙仗霽色照郊宮  
國典書昭事神禧報屢豐端闈宣大號王澤浸無窮

仁宗皇帝挽詩二首

丕承三后績盛烈古難陪納諫書囊集談經殿閣開  
御弧圓月滿宸翰舞鸞回冠劍雖歸葬英風萬祀恢  
四十載居尊勤勞滌化源精裡敦舜孝至治布堯言  
武尚包戈節刑寬解網恩遺弓初奉諱雨淚徧乾坤

古詩

游韶石

世務常喧囂物外有真賞結友探勝槩放情諧素想  
韶山南國鎮靈縱傳自曩雙闕倚天秀一逕尋雲上  
長江遠縈帶衆巒疑負襁千里眇平視萬形羅恠象

日影避崑崙黿頭冠方丈青螺佛髻高群玉仙都散  
霞城晴煜燻桃溪春浩蕩仰攀霄漢近俯瞰神魂恍  
澗深溜如織巖虛動成響造化與真質妙畫胡能倣  
賤子生海隅逢辰辱朝獎靡成彛鼎勲甘從丘壑往  
駭禽禽戀故林困驥畏羈鞅茲遊得幽深同懷樂清曠  
世言帝有虞胡南聲教廣丹真卜巡幸翠華臨蒼莽  
簫韶曾此奏鍾石無遺像但覺薰風存儵然天籟爽  
姬公著治典歷代所遵仗九野奠山川萬靈通肸鬩  
醫問與吳嶽半列戎夷壤四時迎氣祠猶煩禮官掌  
况乃祝融區群物資含養來儀威鳳居樂育菁莪

金鑑卷一

九

長膚寸起成霖崇高一方仰躋之佐衡霍無慙公侯享  
南齋新植牡丹初冬忽開數朵愛玩不已  
因而感詠呈知郡中舍

嶠南足暄候秋葉不凋霜孤根自北來繡葉忽葩張  
嗟爾本國艷秀色含天香淑氣入春萼園苑生輝光  
豪家走鈿車珠翠妍新粧貴門陳廣宴金碧開華堂  
惟恐風雨至不羞歌舞狂意態占韶景眾媚局能妨  
今茲植荒圃空齋圍短墻節物寒蟬後林木野梅傍  
胡為吐奇卉特此味温涼祗知逢日暖豈測非春陽  
蜂蝶不爾採壞攔啼夜蠶伊子久杜門荆榛三徑荒

獨酌難成醉徙倚徒徬徨憐爾守常性幽寂不改芳

遊山五題

題白蓮菴

長老琳公  
舊隱之地

掩室昔宴居真心遺萬化萬善本無染紛華共高謝  
夜禪衫月落晨齋庭鳥下棟閣雲氣浮地面秋香訖  
演法辭故棲幽蹤賁寒野蠟屐此同遊願結宗雷社

題慧賢亭

虛亭遲嘉客登臨日相繼松篁夏吹寒煙霞暮江霽  
高興山光遠急影波聲細區區榮利途福舟暫時憇

贈青林庵主

金鑑卷一

十

佛性深如海中邊見各異道在有無間語論皆兒戲  
幾多名利僧安習諸家氣貪嗔尚纏牽生滅何由離  
三世古今佛豈離根本智捨此覓菩提誰證菩提位  
吾師識自心有為皆委弃宴坐不知年了了忘言意  
遊大峒山詩并序

予嘗恨遊觀山川皆前賢所稱圖籍所著者耳未能  
索幽訪異與音馬迹之外得古人所遺絕境一寓其  
目狀其名物與好事者傳之無窮也韶之境富於山  
水而佛刹占勝相望於野其名聲洽于四方者無幾  
因閑居里舍與上饒從事子元王君擷其遺槩得大

峒焉始自州治水行七十里得月華山捨舟楫肩籃  
攀道樵徑又十五里乃至是山觀其旁礪聳峭秀倚  
天際絕頂之上千里在日日浮月沉雷驚虹斷隨方  
下睨晦明異整則雖立垓衆山蚊虻聚落不足諭其  
高也相與拂幽石翳脩林澗聲冷冷清入毛骨真可  
遺世而絕俗豈獨據憂賞異而已耶各為詩以誌之  
自漢武帝元鼎六年庚午歲始平越為郡縣凡一千  
七十年至皇朝建隆元年庚申歲始有僧建刹而居  
之又七十九年始為什方院又二祀康定元年庚辰  
歲始有衣冠遊者豈天作地藏有所待哉王君暨同

武翁集卷一

土

將本郡布衣李訪月華山羅浮達二禪師咸書名于  
長老習公方丈壁云

十里松檜風萬仞斗峭壁陽崖雷自奔陰壑雪猶積  
勢爭衡霍雄地控楚越扼胡為千載間名未光圖籍  
物乃因人彰聞人於在昔不逢策許高箕山亦頑碧  
我今共遊覽逍遙非俗格劇論窮古今玄談叩虛寂  
攀蘿躡孤峯和雲坐幽石濯纓清冷泉留為不朽迹

留題龍潭

峭嶺盤遠郊幽泉生石罅沮洳成深潭神龍隱其下氣  
昏雲霧朝光寒風雨夜絕境隣梵宮餘波沃農稼秋

態月色澄晴蛟虹影射勢非蛟室卑名將鳳池亞存  
身此蟠螭得時扶造化何當歲大旱移湫救函夏

送陳京廷評

曲江居嶺阨楚越封疆間去異時置治官歲入不盈  
萬將漕擇材能招徠委成筭扇橐大野烘鑿礦重崖  
斷閩吳荆廣人奔走通昏旦千夫即山鑄畢給未酬  
半三監居江湄儻輦日充羨地官奏計最遂為天下  
冠嘗聞卜大夫名聲傳史漢素履騁脩程遠足何由緝  
酬黃都官舟次近坳見寄次韻

武翁集卷一

三

歸程江海遙永日風波進屢經溪壑險且樂帆檣順  
忽傳郵驛音雅什運金振披襟許見過握蘭欣入覲衡  
門久索居黃陂渴餘潤觀止君子容王光窺千仞高  
談盡今古不獨期廉藺相逢勿惜醉別去生蒙吝

和王子元過大庾嶺

秦皇戍五嶺茲為楚越隘尉陀去黃屋舟車通海外  
峭巘倚雲漢推輪日傾害賢哉張令君鑄鑿濟行邁  
地失千仞險途開九野泰安得時人心盡夷陰險閱  
湖鄉檢旱回入南路夜宿江寺對望郭郭  
高城鏢夕靄遠水浮秋空此時行役心展轉如飛蓬

路入淺沙斷堪勸車轍窮豈無舟楫利枉道非所從  
雖有泉石趣暫到徒怒怒兒啼不入門敢辭身徇公夢  
歸身未歸薄官真池籠披衣復起坐驚鴻鳴西風

送林秀才南歸

紅塵倦客遊絳衣歸故山凜凜朔風勁携手江之干  
江聲萬雷震帆影孤鴻翻脩途南盡海水雪淒人肝  
不但川陸險所思在承顏親膳足甘滑家居富林泉  
懷安實敗名無為樂立園好爵縻美賢早奮冲天翰

松門守風

彭蠡古來險湯湯貫侯衛源長雲共浮望極天無際

武隆集

三

傳聞五月交茲時一陰至颶風生海隅餘力千里噎  
萬竅爭怒踰驚濤得狂勢涌恐楚山拔聲疑夏鼎沸  
妖蜃吐濃煙層臺誇壯麗奔雷鳴大車連鼓聲粗厲  
豈誠陰陽事長夏天地閉孤舟一葉輕飄如旌在綴所  
以泝泐人未嘗貪既濟逆猶上坂九順比飛鴻翅直  
待浮雲收乾坤廓然霽湖光百里平波色連天翠然  
後榜蘭撓以避蛟龍害進退其遲留克保無祗悔我  
願脩身者體此操舟能動靜惟時幾畏慎存緘芥跬  
足雖平易盡心防曖昧長如獲險時終身不危殆

夏日江行

解組趨宸闕扁舟泛江練健觸鴈齊鳴輕帆雲一片  
水濶煙難收兩昏風易轉曲浦逼留多脩程夢魂倦  
舟子怯風波終朝股交戰預憂雷電驚先喜虹蜺斷  
安知農夫望只顧行人便愚儒有所思自愧心如面  
追惟亡異才承恩得為縣盤錯非所長耕桑當勉勸  
十日愆一雨灾恐延農畔靡麥幣與性群望走之徧  
山川未應誠兼晨不敢飯霈然得嘉澍荷天知免譴  
何以迅流間遽逐庸夫變江淮民存饑糲糠未充膳  
采盛苟無害豈怗風雨怨玉燭長均調寸進真君願

過大孤山

武隆集

十四

有形天地分設險山河壯孤山鎮南服峩峩楚之望  
中立亡所倚屹然惟其狀石岑入春空翠柱楮秋浪  
片時起雪痕萬頃排霜杖噫氣專吸呼橫流以湏漲  
行人多躁進那解明得喪不顧風濤險半就江魚莽  
挂席經典旁往往乞靈既遂因孤獨各塑立輕盈像  
綽約姑射姿夢魂巫峽想如何方面祠終古承其妄  
五岳視三公降殺不過兩不然為子男何以通祀享  
四氣均分風條融各有掌避其怒勢亦可利攸往  
亭育天地心憑險恣正直鬼神德非名寧獨饗  
不使悔吝侵庶幾忠信仗在人不在神勿為虛稽顙

觀釣

趨塵寒浦波桂子秋空月煙濕釣綸輕兩濺苔磯滑  
健鯉吞香釣錦文紅鱖鱖將為沸鼎遊勢窮猶煦沫  
楮頤閑悵望江湖晴蕩漾奮鬣就其深族類能相忘  
胡為貪一餌委身力机上寄言洗耳翁逃名真可尚

讀車千秋傳

漢武好迂誕江充專險賊引對大臺宮君臣自相得  
世亂讒人勝姦謀多造飾元良天下本搥蠱遭熒惑  
春坊一動推前星冷無色忍為扶蘇誅掘節儲君側  
屈斃亡廟謀轉戰同昏蝕臣心無以明野死不容息

式鑑卷一

十五

千秋初奏疏翩翩舉其直一言能寤主破怒成悽惻  
歸來及望思層臺起東域徒步取卿相分茅非舊德  
因思壺關老先此陳奇策嘉言若時用生歸當有益  
徙薪不蒙賞焦頭為上客漢道用人輕取笑羞夷狄

送希昱上人永嘉親

閩闔西風高振錫吳門去三江碧浸天惟持一盃渡  
敗葉梧桐秋雲中永嘉樹借問何言歸親蔭桑榆暮  
再懷生育仁聊為馨潔具聆師金石詞鄭重加欽慕  
陸梁原上獸群居先識母嗷嗷林中鳥飲翼受子哺  
云何蚩蚩輩勝衣復能語口腹徒自豐骨肉如行路

師本談空人浮雲無去住未出輪回身歸心應有悟  
臨岐索贈言愧乏雕章句願達採詩官當令不孝懼

山寺獨宿

柴車走縣封窮途秋耿耿急雨帶溪聲殘燈背牕影  
驅馳下士身淒涼旅人景山寒夢不成愁多知夜永

詠史

王氏席世寵垂組馳朱輪五侯同日拜四塞黃霧昏  
妖氣徒勃勃爵王各終身富貴若在天禍淫真謬云

寄韶石長老求栢栽

森然桃李陰當春皆手植更求青枝要見歲寒色

式鑑卷一

二十一

寄鄧秀才求栢枝接頭

自漸閑索居豈貪顏色盛愛渠真不言可以通三徑

和王子元中秋會飲

混元敲壘四氣平西商之氣爽且輕望舒按轡出東  
海孤輪斲水碾太清碧落坦夷輪不停銀河浩蕩波  
無聲千家萬家調管絃唯恐遊氛翳至明秋深夜永  
景澄霽老兔不死穴青冥世間榮謝易反掌得意難  
與良晨弃我謫閑官歸故里君承新渥來江城相逢  
並座叙離闕把酒共見圓蟾生嫦娥耐間不肯嫁破  
鑑再合光熒熒白露乍零群動息浮雲一開萬目傾

但知吟嘯樽前樂勿問區區時世情  
高人洗耳讓天下  
下士紛爭爭杯羹賢愚相遠九牛毛  
寵辱去就何足驚  
醉鄉無關好遊處  
勞生萬慮徒營營

代贈

幽房寂寞時香散  
輕袿衣可憐  
夜永不成寐  
苦恨春殘猶未歸  
歸來一見伸脩眉  
寶桂新聲逐調移  
多少相思說不盡  
淚滿玉壺著自知

送溫陵莊君崇班赴長樂都尉

新命升鵷序  
辦嚴辭  
浚都去  
乘關吏  
傳歸振  
戎兵  
符雲閣  
逢鄉樹  
風和見  
海桴  
南枝羨  
君樂  
遣我憶  
尊鱸

武溪集卷一

一七

武溪集卷第二

律詩七言

留題許國傳申申堂

宴居瀟洒一齋寬每到高談暮忍還境勝自容巢鷺  
託時清誰顧卧龍閑橋前水石紛華外窓下琴書寂寞  
間兼濟未成歸有地羨君因此轉思山

送凌屯田知和州

粉署仙即守一麾都門別岸柳依依定知春雨隨車  
至且喜秋風破浪歸仁政便當聞虎渡治聲猶在隔  
牛磯君前幸儂今亦懇懷章請假道尚應鱸正肥

念公集卷二

送任秘丞知長興縣

懿文通識氣飄飄二十年来困下僚吾道本將忠許  
國世途休歎老登朝囊裝冷落堆青簡衙署幽深枕  
畫橋預想吳人羨美化海鷗桑雉共逍遙

迴鴈

暗隨春力起冥冥微物寧知造化情律變漸逢水雪  
解風和應助羽毛輕塞雲空闊歸猶遠魚網稀踈意  
尚驚不學鷹鷂因肉飽背人颺去恣飛鳴

謹吟五十六字攀送仲求殿丞之任贛川

竊惟嚴君國傳掛冠歸閑而仲求兄弟為

鄰部守倅其榮至矣誠欲賦述詞不逮意

一門三組序西雝又見雙旌並訓農三釜親庭交祿

養夾河子舍接鄰封酒闌風雪催行色吟際江山助

筆鋒我亦思親求郡綬東湖南浦好過從

和王子元同歸曲江有感

年少登科今白頭不才多病分歸休深恩未報雲天  
施弱質易驚蒲柳秋進退無機常踰躑窮通知命自  
夷猶相逢莫問市朝事綠水青山是勝遊

齋中芍藥與千葉御米花對發招伯恭飲

嶺南卉木少珍奇且喜逢春具數枝百祿大來唯酒

武溪集卷二

美一年全盛是花時芳心未吐蜂先到秀色如凝露

暗滋猶倚攔干忍虛過可能垂顧習家池

賀運使學士分散僊人

狂僊數載擾湘東多謝招降息戰攻千里山川還漢  
界萬人戈甲卷秋風牛羊野放狼心伏鷹犬間眠兎  
穴空不獨事寧論爵賞須知全活有陰功

聞藥駕部度嶺因寄

又接賢規見準繩還朝猶聽頌聲騰安民慮遠疆封

靜祐計司以臨冠首蒙三十餘人富國材高帑藏增

十萬兩一歲鑄錢二十萬貫野老賡歌除橫歛三漢

并草虛量子歲出錢千  
緡以供備人君皆罷之侍臣交表薦殊能近聞侍從  
鷓嶺頭若著關官籍可察孤清節似水國家於嶺道未若檢察過  
嶺之事制若行  
之則清河可分

同黃宰游寶林精舍書祐長老壁

浮生萬慮日營營同訪禪居耳目醒尋勝已窮煙靄  
外談空應有鬼神聽松筠不變春長在風雨無時地  
本靈便擬構庵來結社莫嫌頻此扣巖荷

恩守贛上謝和叔見寄次韻

六載心閑類死灰豈期朝獎念龐材鳳啣君命從天  
降鵲喜郵音度嶺未恩重乍驚三采綬使專仍詠一  
枝梅切磋甫得依賢檢疾惡剛賜愈不回

寄題宋職方翠樓

層樓幽趣稱登臨望遠憑高豁素襟基酒等閑忘世  
慮溪山最樂是家林松聲帶雨千峰外潭影涵虛落  
照深此景為君珍賞甚起予歸興欲抽簪

訓蕭閣副惠未利花栽

素艷南方獨出群只應瓊樹是前身自緣香極宜晨  
露勿謂開遲怨晚春欄檻故將賓榻近丹青重整畫  
圖新移根得地無華裔從此飛觴不厭頻

先賞牡丹寄提刑考功

花期何事早追陪鶯未遷喬燕未來曲檻為逢春日  
暖香苞先逐曉風開旋邀歌舞同儕樂却歎光陰急  
景催可惜韶妍莫虛擲餘芳留待使車回

又和寄提刑太保

常記臨歧把酒盃芳心應得見歸來不從去日丁寧  
約已向東風取次開清燕固難停燭待離轍須是著  
鞭催欄邊殘艷猶堪賞莫使韶光過了回

和伯恭自造新茶

郡庭無事即仙家野圃栽成紫筍茶疎雨半晴回暖  
氣輕雷初過得新芽烘褉精謹松齋靜採擷繁透澗  
路斜江水對前萍髮鬢越甌新試雪交加一槍試焙  
春尤早三盞搜腸句更加多謝彩牋貽雅貺想資詩  
筆思無涯

和王子元重陽日千善寺會飲

人生聚散苦難期且喜清遊酒滿卮秋徑却逢黃菊  
日春風休惜落花時仙翁有識應須避楚客多悲亦  
強為好景莫教容易過醉吟何必送疎籬

無擇啓伏觀

舍人尊兄新創西園輒成拙句用伸紀獻

祖無擇皇恐上



臺閣清風正凜然歸休車騎曲江邊及親已具三牲  
養負郭新添二頃田乘子長年榮采服衛公雅意樂  
平泉官閑道在心無悶惟惜光陰事簡編

謝祖太博見訪西園

初聞結四訪幽齋拂曙呼僮掃綠苔方愧蓬蒿開徑  
晚已驚駟馭過江來林間載酒情偏厚門外回舟事  
可哈交態于今易離合感君敦舊重徘徊

無擇啓伏象

舍人尊兄許借山居要術因成長句以請  
之祖 無擇 皇恐上

式微集卷二

三

張衡已作歸田賦泥勝仍脩種樹書願借山居精要  
術欲將蒿落葺吾廬

答祖太博借山居要術

經濟諒周當世務收藏敢秘老農書相逢莫羨山居  
好歸去蓬山有直廬

送張如京知安肅軍

賜戟銜恩出斗城塞門迢遞草初青新提司馬臨戎  
節舊應衣烏近極星叔子成吳長緩帶單于歸漢已  
空庭圮橋自得家傳策不問人間太白經

送劉學士知衡州

朱轡新命漢諸侯地扼荆湘占上游醜淥水聲侵古  
堞祝融峯色入晴樓畫垂三組鄉扮過春擁雙旌嶽  
寺遊番直星垣歸緩步謫仙通籍著瀛州

送黃秘校南劍州司法

早年援筆氣飄飄尚屈區區補郡寮苦椽去平三尺  
法急賢期赴一封輶舟衝柳市吟春畫帆卷江風宿  
暮潮及著萊衣過鄉梓循咳多羨擷蘭芳

送蘇祠部通判洪州

天家頓網極詳延果見鳴風頌得賢庭拜外官聊試  
治史分新策入編年江淹賦筆雖傷別郭泰歸舟只

式微集卷三

六

恐仙南國勿思終計最蓬立番直即和公

和胡學士館中庭樹

仙材封植九重深再苒何年別故林曉色半籠青瑣  
闥春光長在玉山岑靜臨高閣翻清吹坐見羈禽息  
密陰休羨井梧能待鳳凌霜堅守歲寒心

送楊學士益州路轉運

芝函新命直仙蓬又見岷山叱馭忠玉佩晚班辭日  
下木牛秋粟轉褒中花時井邑番叢富徵外人家棧  
道通奇技刺文頻詔約此行應更變民風

思壽陽寓居高氏園亭

嘗借芳園石友家幽棲無復羨紛華故麻氣爽雲生  
棟卷箔香微露泣花桂向淮山分月魄桃從秦洞得  
仙葩別來追想清閑境悔憊方中走棧車

和遂卿張學士暑夕

危坐空齋暝色低三金才伏火將西煙濛細草流螢  
度月上疎林倦鵲棲空寫野裳交羽扇枯樺隣圃響  
疏畦中宵爽氣奪炎執却笑班姬謾慘懷

送舒大博通判眉州

通守方忻再命新東風疎雨拂行塵封疆遠入魚鳥  
國歧路正逢蠶市春彭岫曉嵐迎畫隼錦江晴綠照

送朱輪歸期不待更書至舊有清名在搢紳

朱輪歸期不待更書至舊有清名在搢紳

送鄧秘丞知德安縣

里閨俊游心久降越臺成政俗敦龐香爐山下重為  
縣閭闔風高還度江且喜恩威長及物莫嫌功業未  
經和公齋更近淵明宅寄傲情應卧北窓

送張屯田通判益州

數載關中聞美名可憐隨調却西征天臺晚帳含香  
別棧閣秋霖叱馭行杜曲尚逢樽酒樂回溪應望白  
雲生相期勉力宣新政側耳民謠起少城

送蓋大博通判定州都部署奏請

墨詔慇懃擢俊賢精求毗佐四方翰封疆謹守盧奴  
塞旌旆仍親上將壇衰草帶霜秋馬健黃雲遮日暮  
城寒燕南趙北邊之要旅拒憑君一策安

哭王子野待制

赤墀趨步近相陪即吏俄傳遠計來方冀君心辨忠  
義豈知天意奪賢材堪傷棟宇同時葬開與浙東元  
空想銘旌此日回與浙東元滴宦無緣親漬酒江邊長慟獨徘徊

竊聞

集賢侍郎政成公暇時出游覽因念青社

境物之勝長句四韻奉寄觀文殿大學士

戶部侍郎定州路安撫使兼知定州龐籍

上

政報公餘稱雅懷兩城煙樹盡樓臺波通龍口春戲  
盛齡矧廣口雲入山門曉望開嶺頭山一園館有詩  
書命筆海邦無寇破蠻才當時不俟交符印恨失嵐  
亭展讌壘

到塞後有懷青社詩今錄呈

初到營陵春始回泱泱風物接梧臺魚鹽利重通關  
盛筴琴聲和讌席開天際層雲連岱色海中靈藥慕

仙才早知未許身閑去悔捨堯山石澗來並青州遊賞最勝處

靖啓伏蒙

觀文相公以靖忝承善政特寄嘉篇謹依

嚴韻和訓

幸奉前規畫所懷閑身吏隱裕春臺山迴翠幌憑欄

見花簇紅房遠郭開青州紅牡丹名園尤盛愛樹細民

思美化績貂孤迹愧非才南河舊事依然在襍飲杯

盤耻畫壘

次韻奉和到塞下有懷青社之作

十二山河壯東夏黃彘當日建行臺封陞自此赭衣

武溪集卷二

九

盡蠶校于人絳帳開相公重興學校石刻存焉負海遂成安堵俗

濟川元是代天才者明雖樂歸閒趣睿騰巖廊俟再

來

和運使張學士惠詩

澄清數路擁輕軒列郡欽瞻已歷年談劇乍欣傾蓋

日酒深因惜落花天偶迴風監憐孤拙能聚星文愧

昔賢明旦更迎山驛去不須容易到罇前

九日賞池會上訓王職方

雅集高談思豁熱鄰山依約對疎煙江城泛菊逢佳

節禁苑聞韶憶去年去歲九日適在闕下又厭風波驚世路且

同樽酒醉涼天今來古往情何異弄水亭邊蟻畫船

和董職方見賀誕子詩

天幸依仁守列藩佳篇為貶荷謙尊固慙憂非無勲

閱且喜桑弧有子孫豈比芳蘭庭下秀預知苦李道

傍繁日臨庶獄虞陰譴敢望高開納駟門

和董職方見示初到番禺詩

五方殊俗古難弁千載猶存故越城今子城及東有故壘俗号趙陀城

客聽潮鷄迷早夜三更潮上即鷄鳴人瞻颯母識陰晴颯母西黑雲起颯母謂之颯母

不才當遠寄惟憂南畝廢農耕

題便嶺三亭詩

武溪集卷二

十

叱馭樓

山巔層構與雲平賢者新題叱馭名為要澄清歸治

道不辭艱險表忠誠南枝初見梅林秀九折遙思劍

棧橫若使當時嫌遠宦海隅何得有歡聲

來馮亭

南方舊說無燕鴈歲序嚴凝亦暫來天外每隨寒雨

過春前先逐暖風回人稀弋射矧休避嶺南射俗厭

魚鱉網莫猜况是弟兄封境接登臨因此幾徘徊

通越亭

行盡章江使水濱南喻梅館陟嶙峋城中紹祚千年  
聖海外占風九譯人嶠嶺古來稱絕徼梯山從此識  
通津蘇學士弟兄新興琛輦畫無虛歲徒說周朝  
白雉馴

靜臺

江城吏隱敞朱扉旋築高臺巧翠微景對雲山詩  
筆健政移風俗訟筒稀那將塵慮千方寸但覺仙蹤  
在四圍花木陰森魚鳥樂暫來猶擬便忘機

贛石

萬堆頑碧聳嵯峨壅遏江流氣勢驕鐵馬陣橫秋戰  
苦水犀軍亂夜聲置宮梁謾記莊篇峻艷預休誇蜀  
道遙怒激波聲猶可避中傷榮路不相饒

落花

小園斜日照殘芳千里傷春意未忘金谷已空新步  
障馬嵬徒見舊香囊鷓鴣來似結啼鸞怨蝶散應知夢  
雨狂清賞又成經歲別却歌團扇寄迴腸

遊應聖宮

驅羸遠出嚴闈雲構祠宮絕世塵伴鶴不知龜甲  
子斷山多見藥君臣兩昏仙穴丹砂井雲映樓居玉  
洞人只待策勳書竹帛袖簪來此卜比隣

西山

萬壑千巖闢物華楮筇閑訪道生涯一壇星斗脩真  
館數里雲煙斲藥家魚戲竹溪寒影碎路穿松塢翠  
陰斜桃源自有神仙宅未信明河八月槎

和錢學士見謝新栽竹

碧池深院斲莓苔敲吹山前共得來高節最宜和雪  
看虛心莫把夾桃栽膚清似玉休移石骨瘦成龍不  
待雷若使菁莪逢此地也應同喜育良材

賀孫抗負外春晝端居

萬事皆從適意休何須快馬騁長楸高人鼓吹鳴哇  
地當世神仙笑楚樓燕到捲簾如舊分花開逢雨最  
閑愁僧來更學嘗茶訣白乳槍旗帶露收

許申工部招九華許亮山人因有和贈

聞說方平鎮往來碧衣曾見立徘徊中真久待茅君  
會密信頻教鶴使催玉斧祖風應共繼瓊酥賓譙更  
誰陪南岳夫人傳云夫人西山五色從茲得脫略浮  
名薄似埃

謝孫抗負外惠酒

白衣遠處到江樓報道携壺助勝遊醉眼便堪終日  
富離腸先破一春愁梅梢背嶺開猶晚雪片當風舞

未休此景滿腸方得意不須千釀敵封侯

馬當呼鷗不至偶成呈同行諸官

昔年曾泛馬當灣團飯喚鷗篙楫間今日江頭飛不下  
應知人世是機關

冬月茹青臺子有感

雪霜不到海山隅隨分菌蔬助歌舖萬物無情乘暖  
長秦皇何事在坑儒

謝伯恭重陽惠酒

早霜新菊謾威蕤俗重老酒去冬過人家空酒厄盜入州境居人  
奔逆今歲絕無傳聞多謝使君憐病廢免教寂寞倚東籬

武溪集卷三

十三

再簡伯恭

十載京華九日期帝家園苑醉金危今朝郭外尋僧  
話坐聽寒泉走竹籬

謝送篆文屏風因次來韻

一局聊將萬境祛非同得免守枯株北窓枕畔添奇  
物却想滿明舊日無

荅伯恭招碁

雖知坐隱妙通仙國手那能得萬全對面機關難測  
度臨危一著謾爭先

端午日事

江上何人弔屈平但聞風俗彩舟輕空齋無事向兒  
戲學繫朱絲辟五兵

端午日寄酒庶回都官

龍舟爭快楚江宵弔屈誰知特愴神家釀寄君須酌  
酌古今燠見獨醒人

謝邕倅王寺丞惠韓柳碑文

南方異產足珠玕意欲與說不忍聞一見知君清白  
節篋中唯貯色然文

五色雀

羅浮有五色雀各被方色非時不見若士  
大夫將遊是山則先日羣翔寺僧以是為  
候其庚辰歲謫官來遊將至之夕茲雀亦

武溪集卷二

十四

集感之成詠云

五方純色儼衣冠尤可愛者朱蓋應是山靈寄羽翰  
多謝相逢殊俗眼謫官猶作貴人看

寄龔長老

三徑荆榛盡力開千株桃李手新栽慙慙莫性尋嘉  
樹又喜春風過嶺來

曲江津亭謁華嚴長老見所賜御書因成

二韻

數年不侍玉爐傍  
夢斷千山隔帝鄉  
今日見師堪下淚  
御書開卷帶天香

重遊英州碧落峒

幽景前賢恨到難  
泉聲清淺出巖間  
區區宦路重來此  
性歲征變  
廣州罷任塵世難逢特地閑

感舊

醉吟曾共倚江樓  
穠艷清香萬柄秋  
蕩子再歸時已暮  
暮暮鴻鶩散水悠悠

送靈谷山人工相

萬樹秋風一路蟬  
渡頭重艤木蘭船  
自慙感之類非奇

武溪集卷二

十五

骨擬問清朝  
躍馬年

武溪集卷第二

武溪集卷第三

工部尚書充集賢院學士贈尚書左僕射  
累贈少師謚襄公余靖

序

陳相公羅浮山詩序

孫工部詩集序

朝賢贈李駕部詩序

諸公送蘇屯田詩序

曾大傅臨川十二詩序

朝賢送寶珪詩序

武溪集卷三

宋職方補注周易後序

宋大傅左川雜撰序

宋職方憂餘集序

海潮圖序

送江秀才歸廬陵詩序

宮師陳相公留題羅浮山詩序

道家品天下名山稱洞天者三十六號福地者七十  
二羅浮籍在洞天七而岫穴北通金壇蓋蓬萊之  
一洲神仙之聚窟豈獨榮公侯之祀擅登臨之美已  
彼萬少終南中條太華枕平名利之場故吟詠者日

爭咀嚙含嗽以買名聲而茲山磅礴海上寂寥千載  
自非安恬愉樂幽靜者孰肯於名外摘為不世之觀  
乎今官師致政相君嘗於咸平中領郡來此帥其屬  
而遊焉雉川煉藥之區景泰冥心之地咸有留詠共  
成四章觀夫大君子之存誠也卷道而遠迹不羞於  
窘遭時而調元不謂之泰所以托言寄意安於適而  
已矣故其解相印如脫屣豈不素樂於閑曠哉博羅  
令黃君以曳裾之舊而希其高惜其粉字塵蠹恐湮  
沒而不紀遂買石而移之以永其傳某躡屐來遊會  
其鑿刻因書歲月于石

武溪集卷三

孫工部詩集序

詩之源其遠矣哉唐虞之際君臣相得明良賡載書  
于帝典又周之興也姜嫄后稷配天之基公劉置父  
艱難之業任姒思齊之化文武太平之功莫不發為  
聲詩薦于郊廟被于絃歌協于鍾石者矣周召沒而  
王迹衰幽厲作而風雅變然亦褒善刺過與政相通  
蓋所以接神明察風俗道和暢洩憤怒不獨諷詠而  
已迨夫五言之興時更漢魏而作者眾矣大抵哀樂  
之所感情性之所發雖丹素相攻華實異好其有樂  
高古縱步驟局聲病拘偶儷為體不同同歸比興前

哲論之詳矣其屏居嶺服北來交問殆絕和叔繼以  
三編見寄自華原通守至廬陵典城七八年間凡得  
千首觀其勵精篤論情諷諭目之所經迹之所接  
一事一物亡虛聞覽其間藩輔大臣之美績道義  
朋之榮問泉石四時之嘉景關河四方之行役有美必  
宣無憤不馮雖語存聲律而意深作用固當遠敵曹  
劉高揖顏謝兼沈宋之新律跨李杜之老詞其他靡  
曼之作不足方也且其取譬引類發於骨髓不徒經  
史之所牽不為文字之所局如良工飭材手習規矩  
但見方圓成器不覩斧斤之迹於詩其深矣乎世謂

武溪集卷三

三

詩人必經窮愁乃能挾造化之幽蘊寫懷辛之景象  
蓋以其孤憤鬱結觸懷成感其言必精於理必詣也  
和叔自關中用兵時即佐華原預聞邊事以材召入  
御史府屬莫徠作梗於湖湘奉詔安集遇讒失職守  
景陵再謫倅漢陰數年徙沔上軍壁乃得剖符廬陵  
其繇歷周旋萬里間邊風塞草隴雲江月凄切羈孤無  
不經涉其為窮亦久矣今天子憂勤求治四海無波  
羗戎任順祥應臻集既已脩孝治祀明堂矣方將升  
中岱宗告成天地而寤寐英傑討論儀矩和叔當於  
此時扈從法駕褒贊帝功紀朱草赤鴈之瑞賦我將

時邁之什歌於園壇薦於太室與吉甫清風之頌相  
照千古乃詩之用也豈獨窮愁稱工而已哉

朝賢贈行詩摠序

古之賢士大夫尚冲退而輕進取者無他焉蓋所以  
敦止足遠奔競激貪冒勵風俗也隴西李氏奕世清  
德其守廬陵自今致政駕部嘗以詩序一編見寄乃  
朝賢贈行之為也首則先正尚書以蓬丘佐著辭榮  
就養次則令元貳卿以霜臺獨坐避權請郡未則傳  
政駕曹以春宮屬僚解組歸休皆未及引年之典而  
掛冠勇退故三朝夙德二府名臣臺閣清賢摠紳

武溪集卷三

四

望率用揄揚高趣詠素風或詩或序共美行色  
又其豫章所居構閣東湖之渙不雜罽萍有雲泉之  
致不出戶庭雜魚鳥之樂朝廷文雅之士聞其風而  
慕之咸寄英詞刻在翠琰欲俾摠序錄之以為子孫  
之藏適會某負謗去官不克從命越十稔矣今茲駕  
部文泊令子比部司門二君悉以書見貽復叙前意  
且司門之書曰大門世父詩序各在一石今欲合而  
傳之且予兄弟執先妣之喪已終矣兄當備俛還臺  
定乞便官奉養自及侍立未嘗不議及此况老父十  
年之意不為不勤矣吾友之文不可靳也某伏自惟



念當世儒宗故司空李公明故翰林宋公白故宮保  
晁公迥皆有詩故翰林楊公億前相國晏公殊皆有  
序於李氏世德非不尤矣豈假鄙拙乃益其重耶幸  
而獲交其父子間今勤如是雖久廢筆硯敢忘於詞  
於戲求之舊史累代華顯傳龜龍紫者多矣至於  
習守退靜脫去榮利並踵其高者尤難其人可尚矣哉  
故直書而序之凡序五首記一首詩一百三十二首  
列之于石傳無窮焉

諸公送蘇屯田詩序

今天子皇祐紀元之四年廣源州蠻人寇嶺南燔毀

蘇軾集卷三

五

一十二郡殺三郡守驅掠吏民還擄邕州王師數萬  
討之明年大敗蠻眾留屯萬人于邊凡民之供役運  
糧餉完城壘未得休息又明年改元至和詔以田曹  
副即蘇君夢得充廣南西路轉運使轉運職緩於期  
會則軍用或窘急於聚斂則民力益困必須周才通  
人乃稱其任初政府以資叙進擬數人上懲其苛細  
並却之及見夢得姓名遽可其奏夢得正直自守上  
知其名故自陝右越錄見彼乃知吾君之愛撫遠民  
不獨專於利權也前相國太師杜公弼諧元老叙朝  
廷任賢恤遠之意著於篇詠賓客王公當世宿儒龍

圖包公在朝清德殿丞王君後來文傑並繼其作以  
寵斯行其年十二月君下車出諸公新什為示故直  
叙所聞以刊于石

曾大博臨川十二詩序

古今言詩者二雅而降騷人之作辨為雄傑僕常患  
靈均負才矜已一不得用於時則憂愁恚怒不能自  
裕其意取讖通人才雖美而趣不足尚又欲者於言  
議而莫由也今茲得罪去朝守土濱江同年不疑曾  
兄惠然擎舟見顧間日共言臨川山水之美因出十  
二詩以露其奇其詩皆諷詠前賢遺懿當代絕境未

蘇軾集卷三

五

嘗一言及於身世陶然有飛道之想通哉不疑不以  
時之用捨累其心真吾所尚哉遂題其篇

朝賢送寶珪詩序

僧徒裾袂日撒公卿之門不可勝數其宴見而款談  
者固少矣來以誠接去以言贈又加鮮焉名高方外  
無忝延譽僅有存耳湘衡之郊梵侶尤盛遊方而歸  
主盟禪席得之嶽麓珪師焉昔遊雲水名動京師息  
以南還逾十稔矣一日出諸公送行詩一軸率今之  
名賢因其言旋繼成雅詠師皆摸其墨跡勒之翠琰  
鸞鵲交翥金石流潤前所謂去以言贈無忝延譽者

也窺玩數四不能去手師乃踰請進序所得遂書之  
篇首

宋職方補注周易後序

易之道深矣自漢興有施孟梁丘京氏費高諸家之  
學列于庠序而傳異詞師異說往往入于五行讖緯  
之術故其學中絕焉王氏之學傳自魏晉盛于隋唐  
之際大有言陰陽變化人事得失不悖於三聖不蕩  
於術數故獨為學者所宗近世言易者復以奇文詭  
說相高自成一家之言考之卦辭爻象彖繫之微有  
所不通矣今廣平宋君貫之補注周易蓋懲諸儒之失

武彙卷三

七

而摘去異端志在通王氏之說合聖人之經字有未  
安意有未貫必引而伸之用明文王周公之旨初著  
易明數十篇後得唐郭京舉正之說意與已合遂採  
郭氏舉正與易明相參綴于經注之下辯墜簡之所  
缺啓後人之未悟朱墨發端粲然可觀其自叙詳矣  
於戲古之儒者以明經為本兩漢名臣未嘗不以經  
進自儒林文苑派分已來搢紳之士視經猶蘧廬  
耳貫之學必稽古言皆貫道以詞章取科第以通博  
副名實皇祐五年歲在荒落補注既成聞于流衰俄  
頡中旨附郵投進其明年蠻事平息因談經義遂得

奏御副本為示迺周而研之嘗觀劉氏鈎隱圖言宓  
犧氏因龍圖龜書之文以畫八卦又言天五地五天衍之用  
謂其深於數者及觀貫之之釋以謂宓犧稽象於天  
取法於地觀鳥獸之文通萬物之情以畫卦爻獨取  
於龍馬之圖耶又其言乾坤之策生於四象其於尼  
父之經輔嗣之注亡所戾而有所明焉固可秘之藏  
室流之學官寧止是正文字而已哉歎其言近旨遠  
故題而序之

宋太傅尤川雜撰序

康定建元之明年歲在實沉廣平貫之以奉常博士

武彙卷三

八

移刺瓊管途繇曲江因出文藁四編示其一曰劔池  
編次曰龜城集次曰尤川雜撰次曰永平錄皆一官  
所成之集也且曰劔池永平二集今待制宗人子京  
暨大理丞王君子元各為之序以冠篇首尚以尤川  
一篇累吾執其自量識淺才下幸得同登桂科十八  
年矣宦途蹉跎連蹇江嶺之間雖復滕口費詞揄揚  
褒歎不為當時所信奚益其重輕哉辭不得免乃言  
之曰夫文者經世之具也六籍坦明萬代之法自戰  
國而下諸子紛紛各挾所長之術以成一家之作文  
章之道於是判矣近世以詩賦取士士亦習尚聲律

以中其選署第之後各圖進取或以吏才成績或以  
民政政懷或因簿領之煩或耽燕私之樂四顧筆硯  
如長物耳其能業官之暇孜孜文史以究當世利害  
著之篇牘豈非懷文袍質未盡其用精力有餘不忘  
於學者乎嗚呼道之難行也久矣今觀貫之始以鐵  
錢一議忤於守臣而儉人協心卒成讒毀可慎也已  
大史公曰人意有所鬱結不得通於道故述往事思  
來者論書策以舒憤乘空文以自見豈非此耶貫之  
行爲時所推存乎子京之序至於自致遠大發其素  
蘊繫乎逢辰之會此但序一集之意云耳

命集卷三

九

宋職方憂餘集序

君子之道行之當世以爲範言之後世以爲稽詞章  
之作寄謀賞而明教化也同年貫之自登第以來莅  
政退公之暇朋遊獨處悲歡榮悴未嘗不發於文故  
於著撰爲多今論思近臣侍讀龍圖宋君子京侍講  
龍圖趙君祐之摺紳聞人王子元巖穴高士李泰伯  
並爲君之集序其言文之體要道之用捨極矣皇祐  
四年以溪獠干紀侵軼郡縣某自喪次中起爲桂林  
守兼總師政貫之自由江守移倅廣西漕車明年蠻  
事平息得還郡治劇談之次貫之復出居艱所著文

集命曰憂餘索序於其讀玩數四惟增感歎嗚呼古  
之君子居喪讀喪禮既葬讀祭禮不欲餘事亂哀思  
也某不幸執親之喪不得終其哀遠墳墓去几筵驅  
馳塲場萬里之外貫之喪中所著則改葬議及齋文  
清詞而已後世之措豈不高哉故泣而叙之云耳

海潮圖序

古之言潮者多矣或言如橐籥翕張或言如人氣呼  
吸或云海鱗出處皆亡經據唐世盧肇著海潮賦以  
謂日入海而潮生月離日而潮大自謂極天人之論  
世莫敢非予嘗東至海門南至武山旦夕候潮之進

命集卷三

十

退弦望視潮之消息乃知盧氏之說出於胸臆所謂  
蓋有不知而作者也夫陽燧取火於日陰鑑取水於  
月從其類也潮之漲退海非增減蓋月之所臨則水  
往從之日月右轉而天左旋一日一周臨於四極故  
月臨卯酉則水漲乎東西月臨子午則潮平乎南北  
彼竭此盈往來不絕皆繫於月不繫於日何以知其  
然乎夫晝夜之運日東行一度月行十三度有奇故  
大陰西沒之期常緩於日三刻有奇潮之日緩其期  
率亦如是自朔至望常緩一夜潮自望至晦復緩一  
晝潮若因日之入海激而爲潮則何故緩不及期常

三刻有奇乎肇又謂月去日遠其潮乃大合朔之際潮始微絕此固不知潮之准也夫朔望前後月行差疾故晦前三日潮勢長朔後三日潮勢極大望亦如之非謂遠於日也月弦之際其行差遲故潮之去來亦合不盡非謂近於日也盈虛消息一之於月陰陽之所以分也夫春夏晝潮常大秋冬夜潮常大蓋春為陽中秋為陰中歲之有春秋猶月之有朔望也故潮之極漲常在春秋之中濤之極大常在朔望之後此又天地之常數也昔竇氏為記以謂潮虛於午此候於東海者矣近燕公著論以謂生於子此測於南海者也又嘗問於海賈云潮生東南此乘舟候潮而進退者耳古今之說以為地缺東南水歸之海賈云潮生東南亦近之矣今通二海之盈縮以誌其期西北二海所未嘗見故闕而不紀云嘗候於海門通州海月加卯而潮平者日月合朔則旦而平日緩三刻有奇上弦則午而平望已前為晝潮望已後為夜潮此皆臨海之候也遠海之候則各有所遠近之期月加酉而潮平者日月合朔則日入而潮平上弦則夜半而平望則明日之旦而平望已前為夜潮望已後為晝潮此東海之潮候也又嘗候於武山廣州望月加午而潮平者日月合朔則午而潮平上弦則日入而平望

金華集卷三

十一

則夜半而平上弦已前為晝潮上弦以後為夜潮月加子而潮平者日月合朔則夜半而潮平上弦則日出而平望則午而平上弦已前為夜潮上弦已後為晝潮此南海之潮候也

送江秀才歸廬陵詩序

古語云富貴多士貧賤寡友事之固然也昔田文以齊相之重封君之富邑入萬戶皆盡於賓客其食客三千有餘人遂能折秦之謀而成齊之強一旦齊王以毀廢之客皆背文而去莫顧文者迺知人情向背古今常然某忝位於朝毀廢而歸痛絕賓客日尚惶懼矧敢以死生貴賤責人之交哉江君秀才文清而識遠雖嘗辱檄裾門下而亡力推致忽自廬陵涉江逾嶺惠然見顧其色溫然其談毅然非仁義不出諸其口真有道不同於俗者也嗚呼嘗聞大將軍青仕遇既衰而故人門下多去事驃騎輒得官爵唯任安不去史氏以為美談今之士大夫能為人軒輊者豈少哉迺肯聞關千里訪我陋巷益所以知君之義增我之媿耳及其告歸以詩為送

感君千里遠相過晤語經旬接粹和上客杯盤祗炊黍主人門巷正張羅海山霧暗紅塵少嶺路梅黃細

金華集卷三

十三

雨多日暮津亭送歸恨唯知極目望煙波

武溪集卷第三

武溪集卷三

十三

武溪集卷第四

工部尚書充集賢院學士贈尚書左僕射

累贈少師謚襄公余靖

論

堯舜非謚論

漢武不宜稱宗論

秦論上

秦論下

漢論上

漢論下

武溪集卷四

正瑞論

姚壽論

三統論

禘郊論

堯舜非謚論

跡驟五帝德規百王者有堯舜焉言常道尼父首之於書大一統馬遷列之為紀釋者云堯舜謚也翼善傳聖曰堯仁聖盛明曰舜後之學者罔不宗焉愚嘗考世系之端辨質文之變頗疑是說請試明之粵自邃古聖人迭興真淳下散制度未備尊盧赫胥以前

未有氏姓皆以教民之事而名之鑽燧改火則曰燧

入穴處巢居則曰有巢是也迨及三皇頌推五勝乘

火德者曰炎帝應土運者曰黃帝少昊金天亦襲其

故迭觀興廢漸有兵戰自顓頊以來天下之號則因

其名顓頊與嚳則其名也帝摯帝堯帝舜亦其名也

以國言之則顓頊稱高陽氏帝嚳稱高辛氏堯帝稱

陶唐氏帝舜稱有虞氏皆以所興之地為國號也帝

摯非改姓易代之主故不稱氏以名言之則顓頊嚳

摯堯舜皆名也顓正也嚳極也摯大也堯高也舜華

也古雖敦朴知以美字為稱固不疑矣夫謚者著於

武溪集卷四

周公蓋三代之際世有僻王嗜音酣酒者有之荒禽

冒色者有之飾非懷諫者有之却忠害賢者有之欲

使聞美號而知勸見惡謚而思懼書易名之典為觀

行之則此周公之制也豈以周制而逆觀堯舜之世

耶且堯之典曰有繅在下曰虞舜當群臣舉善之

初羣降試難之善未顯宿門納麓之功未著安有對

萬乘而不釋其名在側陋而先定其謚哉斯固知其

不然也明矣釋者又云受禪成功曰禹豈舜受堯禪

而不能成功乎夏商之王以名為號者多矣仲康太

甲之類是也禹之保邦莫非堯舜之制而加以繁文

縉禮烏有捨誠勸而就質略哉若以夏道尚質則禹  
非夏耶愚謂周公之著謚法也特取堯舜禹湯之名  
以爲訓解將後之下武守文者慕其名而襲其行也  
周人以諱事神諱其名而稱其謚者周道也謚與於  
周爲得彌文之實

漢武不宜稱宗論

創帝基革天命濟率土於塗炭者祖之盛恢聲教同  
文軌納蒸民於富壽者宗之最存則詠其德沒則觀  
其謚所以叙昭穆於百世之下配帝郊於群廟之上  
親雖盡而不毀者祖宗之隆也昔武皇之撫運紹漢

武漢集卷五

三

之重熙拓變夷之境則衛青去病之勲立而民疲於  
干戈矣惑神仙之談則少翁樂大之寵崇而吏煩於  
祠祀矣悅韓嫣之伎而處以副車則君臣之位失矣  
信江充之譖而誅及戾園則父子之恩絕矣舉其大  
槩何昏如之至于即世之日群臣加謚曾不爲靈若  
厲而反壯其武廟爲世宗虧周公之法敗三王之制  
當時洪儒碩生如夏侯勝黃次公議其樂章遽祇詔  
獄不亦甚乎且祖有功宗有德若夏之少康商之太  
戊武丁皆廢而復興不失舊物然始謂之宗也周人  
自文武而下雖德如成康刑措不用宣王中興姬道

再盛廟在迭毀亦無異號暨乎漢室高帝以英武特  
起世嬰刃籍戴之曰祖斯固宜矣孝文宗仁義首刑  
罰弭兵革服節儉而囹圄空虛宙內太平廟稱太宗  
斯又宜矣孝武雖廓地斥境而亡德及民不加惡謚  
固亦幸矣尊之爲宗無乃失其正乎或曰孝武雄才  
遠略高出百王西開夜郎之境東建朝鮮之郡匈奴  
徙庭甌越請吏脩典禮嚮儒學登封告成而漢之制  
度於是乎備若如所論不亦過乎曰邦土雖闢兵已  
黷矣遠夷雖服民已耗矣樂府雖盛雅亦亂矣泰山  
雖封制亦侈矣文景之俗由是而慙可勝道哉末年

秦論上

四

下哀痛之詔進筦權之術有富民之心而不能得其  
道也世謂漢家雜以霸道愚於武帝觀之曾霸者之  
不及代廟弗毀後嗣何以觀乎西漢稱宗者四而東  
漢無復區別至于安桓亦有廟號其失自武帝始故  
著論云

秦論上

前世高論咸以河山之險秦得百二遂并天下若地  
勢便利使之然也所以秦春進計田肯建言者之史  
牘千古稱善愚謂秦人之興有由然矣自伯翳至於  
秦仲率以立功克守其業而僻在岐雍諸侯以夷狄

畜之穆公之世得人而昌廣地開國悉由任賢之勲  
矣百里奚亡虞之臣也而授以國政孟明奔軍之將  
也而委以師律引咎自責卒復河西之地由余在戎  
公以為憂當其來聘也降千乘之尊接以殊禮坐則  
曲席食則傳噐及其來歸以客卿待之故能益國十  
二闢地千里遂霸西戎而抗衡中國矣暨乎即世之  
日三良殉葬國人哀之賦以黃鳥秦人不復東征數  
世不競者奪其善人故也及孝公嗣守宗枋七雄並  
立當是時齊威楚宣魏惠燕悼悉已稱王韓哀趙成  
亦復強大諸侯力政而周室卑矣孝公增脩穆公之

武溪集卷四

三

德晤謀賢者列爵而尊之分土而與之衛鞅以彘公  
子求見遂用其謀開阡陌急耕戰法行民便亦以稱  
霸後世遵用先軌范雎蔡澤離阮釋驕而取卿相任  
賢之術速於置御卒能滅二周吞六國而并天下者  
用此術也且蘇秦反復之臣燕王一聽其言合從山  
東秦人不敢窺函谷者十五年以此思之一賢之功  
堅於山河遠矣在用與不用耳湯以亳武王以鎬而  
王天下其政何如哉百二之說於是為負

秦論下

世言秦所以亡者趙高讒邪胡亥蔽惠毒痛齊民四

海瓦解而宗社墟矣愚嘗以為亡秦而賊天下者李  
斯也秦人據形便之國氣凌山東穆公任由余孝公  
用商鞅而霸業基矣蠶食虎視累世橫暴有起剪挂  
驚擢其兵攘魏睢澤執其政斥地滅敵日如其強李  
斯始以儒學西游於秦乃進一六合兼諸侯之說秦  
人除逐客之令以從其計破縱擅橫卒并天下以斯  
為相且斯以布衣徒步游說數年而取宰相不為不  
遇也海內既一屬心於斯六國厭戰爭之苦兵待我  
乎偃秦人困盧并之廢土待我乎闢父子薄樓劔之  
異民待我乎教斯學帝王之術居輔弼之地脫或戴

武溪集卷四

六

其君於成康之列躋其民於仁壽之域如反掌耳而  
乃背戾古始技本塞源燔棄詩書愚弄黔首絕尺寸  
之封以孤其勢後封禪之制以驕其心築宮彌山川  
勒銘徧海內戮誹禁偶語刑繁令淫國紀隳失紀  
綱既隳四國不危者未之有也世子者所以接統而  
著代君行則守有守則從古之制也故曰太子天下  
之本本根一搖天下必蕩安有著名儲貳而握兵邊  
徽廢弦誦之大業習鼓旗之末節衣裳顛倒莫甚於  
茲默而不言焉用彼相及沙丘之變趙高以褻近之  
資啓亡國之言丞相當於此時正人臣無將之誅以



視天下召扶蘇而立之從先帝之約扶蘇仁明備嘗  
險阻輔以治道可致太平若刻去嚴刑罷遣謫戍民  
無怨譴則秦之社稷未可量也斯惑趙高之詞越錄  
而拔胡亥小人在位兵徭並起使四海之人血膏邊  
城骨填驪山比屋罄罄半為盜賊尚乃建言督責以  
固恩寵豈不愚哉賊屠三川卒被高譖黃大之歎得  
無晚乎使胡亥得位趙高得權皆斯之由也倒持太  
阿授人以柄斯之謂乎故曰亡秦而賊天下者斯之  
罪也卒被五刑非不幸矣

漢論上

武彙集卷四

七

史氏以孝成委政外家祿去王室哀平二帝享年不  
永賊莽乘之盜竊神器漢祚中絕者孝成始之也竊  
謂漢家之禍不始於孝成蓋孝惠源之陳平者決而  
泄之使其橫流不已瀰漫于景武宣元之際孝成復  
敗其隄防而極於昏墊也昔者高皇帝逐秦鹿而得  
之英雄樂推遂正宸極后族呂氏侯者三人奉朝請  
食租賦而已賞刑大議未嘗及之孝惠即祚植性仁  
弱呂后殺三趙王號令自出惠帝不能以新造之漢  
正亡窮之法定君臣之分專生殺之柄而乃感人氣  
之酷意不久生自促壽命以成高后之勢不曰孝惠

武彙集卷四

八

源之乎高祖之約非劉氏不王非功臣不侯彼陳平  
者用辟疆率爾之辯尊王諸呂分將南北軍中官稱  
制以臨天下當是之時向無周勃朱虛之謀祿楚諸  
侯之兵使祿產體不近下一有羿浞之材則漢之社  
稷幾為他姓所得矣不曰決而泄之使其橫流不已  
乎厥後魏其侯以竇后兄子武安侯以王后異父同  
母之弟並託肺腑繼為丞相孝武最稱英明而田蚡  
為相權移主上上曰君除吏盡未吾亦欲除吏此蓋  
近中官之勢而用之內積憤懣而宣於言也衛青霍  
去病雖以軍功取大位然亦因叔房之重孝昭之時  
上官桀父子霍媼之謀幾傾漢室皆帷廡之親也許  
史丁傳之家印蠱蠱縵若若分茅土握符節秉鈞軸  
乘朱輪華轂而朝者不可勝數不曰瀰漫於景武宣  
元之際乎漢之鼎所以不移者賴忠賢之士間而持  
之耳及孝成之在位也趙氏姊弟專寵賊害皇子王  
氏五將世權外檀國命故莽因元后之勢席諸父之基  
肆其姦險以取名器復緣哀平短祚國統三絕張禹  
師丹之輩諛諛邪佞故取宗室幼稚未能持國者授  
之以令天下使漢祚中缺者職此之由也不曰敗其  
隄防而極於昏墊乎西漢之禍於是乎在

漢論下

前史稱光武中興再造漢室戮新都驅赤眉應四七之主賞謀臣疇戰功得萬世之利以為胙土錫壤不侈其封域帶河礪山克保其胄嗣因謂高祖創漢基刻秦制封宗子王異姓或連城數十或裂地千里兵足以張其威權賦足以充其嗜欲故韓彭英盧身陷菹醢繇世史學罔不推論咸曰高帝之賞也地廣力疆所以速叛建武之封也國小勢弱所以易寧於是謂高祖之策為非而光武之謀為得愚雖不敏嘗謂不然何則賞元勳誅大憝者法也順世機息民患者

武漢書卷四

九

時也聖人立法先乎順時堯授舜舜授禹湯放桀武王伐紂時也秦并六國蚕食天下尺土寸戈不在他姓一夫奮臂四方瓦解豈封建之罪乎高祖以巴蜀僻左返攻三秦東戰滎陽與項為敵當此之時叛王驕將爭逐秦鹿者衆矣陔下之役子房請捐山東之地以與功臣楚乃可滅夫言捐之者非漢之有也且陳餘於項氏無纖芥之勞環封三縣尚怨項籍况韓彭者名雖君臣勢等隣敵不設重餌其誰肯來豈能以區區侯爵制其去就哉安可比吳鄧輩強邑數四而已邪及世祖之興也出自宗室 前翦除凶醜以順

制逆以仁易亂因思漢之民成復漢之業先帝馭臣之與奪得以增損前世建侯之利病得以沿革於是限其土宇削其兵衛足以奉其身而酬其勲杜震主之權大使指之臂終能全其首領不陷刑戮者斯亦可制之時矣使高光易地而居勢不可奪禮曰時為大順次之宜次之其此之謂乎必若美世祖之權則可矣若又短高皇之失策則非觀時之術也

正瑞論

夫上古明王言為天下法動為後世則猶恐怠惰故立左右史以規之是則史之設所以謹言行於一人

武漢書卷四

十

正褒貶於千古不獨紀歲月辨赴告而已矣三皇墳五帝典記言之史也楚禱祝魯春秋記事之史也訓誥誓命之詞得失存亡之跡發簡可見未聞祥瑞之言焉迨于兩漢則有赤芝白鴈醴泉甘露卿雲寶鼎之應豈古史闕畧而後史該備乎蓋有司失為史之本意也敢謂國之興也在于德不在乎瑞國之亡也在于亂不在乎妖故堯以敦九族和萬邦而興舜以舉十六相去四凶則又興禹以平水土興湯以行仁政興周人以積行累德興夫是者雖無祥瑞可不謂聖且治乎癸以侈奢亡卒以暴虐亡厲王以聚斂亡

壹式率月二反

97 B

幽王以女色亡夫是者雖無妖恠可不謂昏且亂乎  
桑殺生朝高宗復商焚惑守心景公安宋此則明君  
在上妖不為害矣魯獲麒麟哀公出奔漢鳴鳳凰平  
帝失國此則闇主在上瑞不為美矣仲尼筆削春秋  
書日食地震山墮星隕蟪生鸚飛之變者非廣乎異  
聞也蓋欲人君責躬脩德見災思懼而臻於治也特  
於篇末因麟之無應以明述作之意耳其他瑞則無  
聞焉鶴舞晉庭龍見洧水不由德至斥而弗叙若是  
之比求名而亡則聖人微旨可見矣子長孟堅推輪  
恠謀其啓國也以斬蛇大澤為受命之符而英雄之

金溪集卷四

十二

畧奪矣其定制也以龍見成紀為易服之感而古  
人之象噏矣及乎蔚宗患其失實則云某郡上言某  
瑞以示微意與其疑而列之曷若正而削之之愈乎  
今之郡縣時報祥瑞以為紀事之瑞愚謂非良直之  
法也必若德施於民效易其俗賞不僭刑不濫則四  
靈為畜日遊於君之宮沼郊藪矣又何用索異傳恠  
惑天下之耳目哉苟薦紳者默而不言則示之後嗣  
得無懼乎

姚疇論

古者天子之立史官也不獨紀歲月遠近辨朝會同

異而已矣蓋以王者居億兆之上喜任陽春怒如雷  
霆予奪生殺無不從也故立史以謹其言動動則左史  
書之言則右史書之以示後嗣欲其畏後世之名而  
不敢過舉者也竊見兩漢而下有唐制度最為詳備  
而史官廢置未臻大中敢試論之唐之脩史其術有  
二武德故事小省之官更直近陞執筆對仗隨而撰  
錄書之方冊謂之起居注姚疇建議彙鈞之臣訐謔  
便殿嘉猷善經退必編次送之史館謂之時政記於  
是周官六史之職不復甄叙矣累朝著作之局不復  
刊脩矣疇議既行而起居之官立於外朝仗退之後

金溪集卷四

十三

跡便疎遠雖延英數刻之對聖人有泣華解網之言  
應機成務之謀不可得而聞也若非宰臣撰述則軍  
國政要何由知之繇是而言有不可者三焉古者帝  
王不得見當代之史何則史之為書不隱惡不虛美  
謂之實錄史而可見則其臣不敢以實書書而不實  
為已誣矣實而不諱為已戮矣不得見史者以此也  
幸臣監脩是使自司其過者也其不可者一也昔者  
成王尚幼與唐叔戲翦桐葉而與之曰以是封汝明  
日太史上輿地圖請封唐叔自是成王終身無戲言  
夫是則史官常在左右也今史臣隨仗出入則是用

史臣於頃刻之間耳戲言過行尚奚史之畏哉其不可者二也古者大臣不掌注記故董狐得以直筆於晉南史氏得以執簡於齊設有史官外朝既罷則目不見帝王之容耳不聞帝王之言近臣奏對孰邪孰正孰諛孰諍咸莫之辨也用他人注記為己之筆削夫是則史官失職莫甚如此其不可者三也語曰使廉士守藏不如宿鑰之固也使義士分財不如投鉤之平也何則有情之與無情也夫以廣淵之謀居翊亮之位緝熙庶績裁成萬機而復代史臣撰述固亦勞矣向使房杜姚宋擊轂軌而自序策略人猶疑之脫不

武溪集卷四

三

幸而有元載盧杞當其任則安所取信哉太宗文皇帝正觀中所論政體皆可冠冕古今粉澤王度著在方冊昭昭然者史臣得侍於內朝故也姚疇雖知注記之詳未知先王立史之意一失其源而莫之敢議惜哉

三統論

夫王者受命必先改正朔易服色者蓋示民之有初也故三統之義於是彰焉然而先儒所論止及三王之世是以夏之寅而黑商之丑而白周之子而赤可得以述也至于堯舜以上則雖仲尼之說亦無聞焉

豈非旨深而意遠乎而鄭康成之徒則據此而逆推以為舜與周同堯與商同高辛氏迺與夏同正朔三而止文質再而復自古而然也非但不經抑亦於帝王之道有所昧焉嘗試論之夫帝王步驟不同文質亦異三皇正曆歲准攝提古之為君因民而治故唐虞已上無變易逮夏后之繼統也自以德衰不及二帝又知夫時將醜矣必示之以制度故其沿革頗漸於文是以小正之說尚黑之義於是著焉然而服色有所尚而正朔不必改也但紀之於政令而已故仲尼稱述三代則曰行夏之時蓋以其合於古而得天

武溪集卷四

十四

數也禮因於虞而不言其所損益者蓋謂此乎及湯武之革命既以兵勝俗又寢弊欲示民以改作而新其耳目俾知夫令出諸已故有服色之變又以服色之制本象於正朔商人以建丑而易寅新其令也尚白而變黑象其朔也周之尚赤而建子由是興焉然三王之易服改正必取三微之月蓋以君之出令象歲功陽氣之始也足以垂訓於百王文質制度於斯備矣後王雖興制作不出於此也故仲尼曰其或繼周者百世可知其此之謂矣夫謂正朔三而止者月過三微不可以垂法也斯亦王者之制耳安可及於

上古執且五帝之書二典存焉其堯之書則曰敬授人時順曆數也又曰日中星鳥以正仲春日短星昴以正仲冬此則分至之候正在四仲契古曆而符夏正也又烏聞建丑之說乎舜在璿璣以齊七政審已之德當天心與不爾至於歷數亦不異於堯又曷覩建子之言乎其制服則曰觀古人之象故山龍日月之度較然可知也又何服色之改乎然則五帝之德淳三王之俗薄德淳則制簡俗薄則政備故三統之義起於三代而雖自太昊或推五德之運蓋順天之數也正朔則無所更焉至三王則政有偏矣夫有

武溪集卷四

十五

偏則有弊故後之興者必舉其偏而救其弊也若謂文質可推於上古是則夏尚忠商尚質周尚文此三正者又可行於帝王之代乎斯見其不然也自秦漢以下服色但依於五勝此又不可推於三王亦明矣康成既已失之而杜祐孔穎達之徒復引為證疑誤後學其矣夫

禘郊論

先儒之所以解經者蓋欲導前聖之淵源啓後學之鈐鍵援古有據垂世不惑者也祭祀之儀國之大典今之禮經以鄭注為正而康成釋禘祭之文前後駁

雜大傳曰禮不王不禘王者禘其祖之所自出鄭云謂祭感生帝於南郊也祭法曰有虞氏禘黃帝而郊嚳祖顓頊而宗堯鄭云禘謂祭昊天於圜丘也祭上帝於南郊曰郊祭五帝五神於明堂曰祖宗皆謂祭祀以配食也觀鄭所釋似有未悟嘗試論之夫禘者宗廟大祭之名也王者禘其祖之所自出謂虞氏之祖出自黃帝不立廟祧故五年盛祭則及之夏亦禘黃帝商周禘嚳蓋姓氏所出是為遠祖也諸侯之禘則降於王者止祭始封之君不得禘姓氏所出之祖故曰諸侯及其太祖是也而鄭謂太微五帝遞王

武溪集卷四

十六

而王者之興必感其一因其所感別祭以尊之故以感生之帝祭於圜丘而祀上帝於南郊唯據緯書以釋經義太微亦為星象昊天亦謂北辰蒼穹之號遂有六天郊丘之名分為二祀斯皆舛謬深用軫惜何則郊與圜丘俱是祭天之所王肅所謂猶王城之內與京師異名而同處也豈可郊丘分為二祀祖宗合為一祭乎康成俱以禘文在郊祭之前其祀必尊當為圜丘皆罔研經意肆其臆說耳又以祖宗五帝五神於明堂小德配寡大德配衆鄭之此說殊為失旨誤取孝經宗祀之名以解祖宗之義乃以二主泛配

五帝若謂太微五帝耶則鄭說太微與昊天上帝為  
六天矣天尚無二安得有六按天官書太微宮有五  
帝者自是五精之神不在穹蒼之例若以為太昊炎  
帝之屬耶則又非仲尼配天之意也周禮曰王將旅  
上帝張氈案設皇卽祀五帝張大次由此言之上帝  
之與五帝自有差殊豈可混而為一乎古者祖有功  
而宗有德蓋若周人尊文武之功不毀其廟非謂配  
食明堂者也鄭引孝經而反違其旨惜哉漢承秦滅  
學之後遂使儒者進無經據康成最為明禮而於禘  
郊之義不能盡之故其釋祭法卽云祀感帝解大傳

武溪集卷四

一七

卽云祭昊天箋周頌又云大於四時之祭而小於禘  
注左傳稱郊配靈威仰箋商頌又稱郊為祭天首尾  
紛拏自相矛盾孰為辨之哉

武溪集卷第五

工部尚書充集賢院學士贈尚書左僕射累贈少師謚襄公余靖

記上

大宋平蠻碑

韶州新置永通監記

同遊泐溪石室記

湧泉亭記

韶州貢水館記

大宋平蠻碑

大宋平蠻京觀誌

海州社稷壇記

韶亭記

韶州新脩望京

韶州新脩州衙記

武溪集卷五

聖宋體天法道欽文聰武聖神孝德皇帝在宥之三十一年天宇之內海渚之外氍毹卉服罔不率俾粵五月蠻賊儂智高寇邕州陷其郭賊雲衣冠驅虜稚艾遂公鬱江東下所過郡縣素無壁壘倏然寇至吏民棄走因得焚蕩剽鈔無所畏憚乃攻圍廣州五十餘日不克大掠其民而去然所存者官舍倉庫而已百年生聚異域珍玩掃地無遺矣國家於嶺南不宿重兵故賊起三月而後師集蔣階張忠素號驍將相繼覆沒由是畏懦者望風潰走賊鋒益熾逼連賀毀昭實再穴干邕矣驛騎繼聞上甚憂之樞密副使狄

武溪集卷五

公青以為將帥之任古難其才若再命偏裨事一不集則二廣之地禍連而不解矣亟自請行天子聽之遂改宣徽南院使荆湖南北路宣撫使都大提舉廣南東西路經制盜賊事九月拜命既授禁旅仍啓以舊鎮騎兵荆湖銳卒從行十二月至桂林督部伍親金鼓然後兵知節制矣明年正月甲辰至賓州先是鈐轄陳曙領步兵八千潰于崑崙之關公推其罪首斬曙及佐吏已下三十一人然後人知賞罰矣兵將股慄咸思用命是月己未引師至邕城一舍賊悉其徒以逆戰公之行師雖倉卒道途皆有行列賊至駐先鋒以接之公憑高望擣騎兵以翼焉賊徒大敗追奔十五里斬首二千二百餘級生擒五百人尸甲如山積于道路偽署將相死者五十七人是夕智高焚營自遁復入于蠻中先是命湖南江西路安撫使樞密直學士孫沔入內押班石全彬過嶺與廣西經略使余靖同其經制東西路賊盜故命公督大提舉然孫石贊謀而軍中悉稟公之節制賊之再據邕也震者輟耕商者輟行遠邇惶惶不聊其生及公之拜命也朝野之論中外歡然以方召之才兼機軸之重出剪狂蠻無噍類矣賊之巢穴曰廣源州交趾之附庸也

父為交趾所戮遂棄其州奔南蠻界中淵數悖傲以  
僭稱號自名其居曰雲南道各南天國再名其年曰  
景瑞曰啓曆雜名其左右之人自侍中開府已下署  
之其主謀者黃師宓僕廷侯懷志忠等戰沒於陣未  
有剪其羽翼而能飛刺其腹心而能全者也故宵道  
矣嗚呼智高之謀十餘年間招納亡叛共圖舉事十  
餘月間連破十二郡所向無前夫豈自知破碎奔走  
在於頃刻之間乃知名將攻取真自有體哉二月甲  
戌改乘輅其月丁亥至桂州詔徙護國軍節度復以  
樞密副使召仍曲赦嶺南民得休息矣遂磨桂林之

武溪集卷五

三

崖石以書其勳其詞曰

有宋之大	天覆地載	四海正朔	百蠻冠帶
蠢茲枉寇	起乎徼外	父戮于交	逃死獠界
招納亡命	浸淫邊害	邊臣罔上	習尚以懈
卒陷邕邕	乘流東邁	志圖全越	肆其蜂蠆
廣城言言	梯衝附焉	攻之五旬	掠民而旋
賊鋒一至	千里無烟	還據子邕	五嶺騷然
天生狄公	輔聖推忠	情存義烈	志嫉頑兇
請纓即路	仗節臨戎	英材濩集	猛將風從
賊之敢闕	實惟天誘	來迂于郊	奄喪群醜

當我摧鋒	易如拉朽	僭補偽署	叢然擗首
羽翼既剪	心腹既剝	雖欲自舉	人誰與圖
焚廬而去	回巢以遁	六親不保	曰獻其俘
厥推邕邊	南國之紀	九洞襟帶	列城唇齒
險固一失	兵糧無峙	庶民串蚩	鳥驚獸駭
我公之來	電掃雲關	叛渙斗破	綱領重恢
師成廟筭	民得春臺	天聲遠振	繫公之材

大宋平蠻京觀誌并序

武溪集卷五

四

大宋皇祐四年夏五月廣源州蠻犯邕管陷之乘江  
流暴漲東陷九城遂至廣州廣人怯戰登陴自固賊  
得駐兵傳城攻之五旬雲梯土山極肆其巧城堅不  
能下乃還經途復殘二郡覆四將再入于邕九害將  
佐三十餘負虜生口萬計牛畜資寶無筭所過焚蕩  
無餘楚越蕭然矣朝廷憂之君臣為之旰食樞密副  
使狄公青抗章請行願授成筭上重其誠從之先是  
命樞密直學士孫沔入內押班石全彬同本路經略  
使余靖經制賊盜命青以宣徽使都大提舉總其節  
制明年正月己未青帥三將兵至邕州歸仁鋪賊舉  
衆出城拒戰大敗之騎兵追奔十五里所殺蠻衆二  
千二百餘人偽署侍郎黃師宓等腹心將領五十七



人死于陣賊首儂智高其夜焚城自遁詰朝引兵入城俾供奉官賈榮就戰場斂賊尸而殮之為塚于歸仁之南又遣柳縣尉區有鄰聚重傷還城而死并活擒而戮及奔而蹂踐燔灼者復三千二百二十八人為一塚瘞之于城之北二月有詔即其築為京觀乃命立石以誌其伐銘曰

庸臣司邊 率職不虔 盜起其間 蠢爾其類

藏亡納叛 以輔狡煩 窺茲無備 乘虛襲念

遂肆兇姦 順流而東 列城皆空 嶺表騷然

師徒桓桓 矢勁摧完 天下惻焉 帝命樞臣

金鑑卷五

五

擢節屬鞬 極陞綬綬 師行之律 賞罰責必

其謀乃專 兵家之勢 動靜有制 所擊無堅

于嗟群醜 狃於常勝 敢當其前 驅彼犬羊

敵此熊羆 血膏于原 棄甲如山 遺骸亘野

百里腥羶 武功外揚 仁心內憫 念及幽泉

肩髀之葬 京觀之封 銅柱齊年 天聲遠振

皇澤重宣 永鎮群蠻

韶州新置求通監記

古之建國者義以制事材以聚人八政之先曰食與貨即山鼓鑄三代而然禹鑄歷山之金以禦水禍湯

造莊山之幣以極早唐周以金錫之利分隸唐衡唐以柳桂之郡並建鑪冶貨之所產本無定處鑿造之謀期於便事而已國家平一諸夏寵綬四海開寶興國之際收復江閩因其故區作為泉布時移歲積地產靡常比年已來治民幾廢焉今天子嗣位之二十七年特詔翰林學士葉公清臣宋公初經度山澤之禁以資國用乃僉作奏曰謹校郡國產銅和市之數惟部為多而夔夔嶺阨由江淮資本錢以酬其直實為迫遠謂宜即韶置監分遣金工以往模之歲用銅百萬斤可得成幣三百萬三分其一以上供餘復市銅

金鑑卷五

六

幾得二百萬如是則其息無窮矣詔下其議於廣東于時轉運使直太史傅公某知韶州比曹副郎樂公某協恭承詔以經厥始郡有故堞號為西州遺趾高平死出郭外乃相厥土墨則食焉九棟宇之制管庫之嚴詢于故實斷以心匠模沙冶金分作有八刀錯水蓋離局為二並列關鑰互有隄防當其中高控以廳事誰何警察目無逃形其鈔錯之備用薪炭之兼蓄別藏異室布于兩序出內謹密前為大閤治官列署于閑之南群工屯營于垣之外市材于山市斃于陶雇工于巧九手指之勤筋力之用率平價而與之

金不發帑貲不徭民籍而功用成爲屋八百楹最材竹鐵石陶甃之用一百四十萬惟材木六千資于連山釘口十萬出自真陽餘悉辦于韶之境而民不知役乃知循良之政誠自有體哉以皇祐元年龍集巳丑三月甲午始築其基而飭其材八月辛酉棟宇完範鎔備物有區工有居九月巳亥大合樂以落之董舊巧募新習勗急勵惰綏以程準日課千緡不愆于素初郡之銅山五歲共市七萬前太守潘君一歲市百萬及樂公繼之乃市三百萬明年又差倍之歲運羨銅三百萬以贍嶺北諸冶苟非主計者通其神提

金溪集卷五

七

海州社稷壇記

古之言社稷者其尊與宗廟等諸侯始封授以茅土歸其國而立社上以尊天子之命下以教民羨報也漢制郡縣置社太守令長侍祠牲用羊著于祠令則知郡國雖異而祀事無改春求秋賽未之廢也東海郡社稷壇舊在孤山之麓地形險迫儀度草略素亡壇壝高卑之式絕無畛域外內之限牛羊所踐芻牧弗禁慢神瀆禮闕莫甚焉范陽祖君擇之慶曆戊子由蘭臺丞佩郡印既下車之三月以爲群神之在祀典者衆矣惟社稷得用籩豆奠贄幣以脩萬民之報而祠所弗嚴何以示教乃相羨土改而築之去舊趾五十步得平壤焉廣輪數畝命以官田易之封土爲壇陞降有陛龍衽今據古一本於禮樹以所宜之木敞以門墻奉祠執事者齋有宮侍有次又閱章聖皇帝所頒崇器制度未如制者咸俾新之於是政禮具舉人祇交感風雨以時田穀順成秋八月行事于新壇以報神福民心熙熙覘盛儀而樂嘉應也於戲擇之以通材遠識岳在外補觀其臨民賦政先於典禮得古君子之風焉脩滯祀以求庇者得不愧乎督役者胸山令李良輔云

金溪集卷五

八

同遊泐溪石室記

人之歧高慕遠樂在林壑者歐遊不得其勝則無所  
記焉地之蘊靈豈秀於方域者所賞不遇其人則無  
所發焉遊賞之會其難乎哉予以分司歸韶之明年  
江夏黃君子京始宰樂昌其明年以書見遺曰弊邑  
雖小地多勝槩泐溪石室宜為稱首元和中番禺從  
事李文孺嘗誌其遊惜其景出函暉之右而文不逮  
於到難故使茲山不甚顯聞於世若迂高車以辱臨  
之願去道第蠟履以從又明年乃往遊焉其始去縣  
郭西北平行五里而近西為大山其厚無極東亘高  
阜積石所成澄溪下流人迹中斷揭溪即阜屬當大

武陵集卷五

九

窾外若敞扉中如華屋平有度遊之廣高逾結棟之  
隆穹中四注屏舒玉削幽崖婉入如曲房小檻之容  
斜窻具旁通有連薨接廡之勢厓厓積閉陰關陽  
冬漏暖脉夏含凄氣天地炎涼所不能制固仙遊之  
所宅岳樓之嘉致也既而徧覽幽趣度逢前軌洗塵  
而視則有陸羽題名墨迹在焉張炬而入則有六祖  
偃息石牀存焉嗚呼苟非子京奏刀恢恢之暇以奇  
勝見招何由崎嶇百里一屆其域及窺陳迹則古之  
賢捨寢處為常乃知世稱今人不如古宜哉子京時  
又招攝尉唐某進士譚某同遊既書名于壁復鑿石

以誌之今天子親享明堂之歲三月二十五日記

韶亭記

賢人君子樂夫佳山秀水者蓋將寓閑曠之目託高遠  
之思滌蕩煩縈開納和粹故遠則攀蘿拂雲以躋乎  
杳冥近則築土飭材以寄乎觀望惟韶山去州治八  
十里自元精胚胎陽結陰流不知鑪鑄者誰獨秀茲  
境在昔虞舜南狩蒼梧九韶之樂奏于石上山之得  
名起於是矣國家丕冒海隅擇材綏遠殿省丞潘君  
伯恭特膺詔選來守嶺阨鋤強構弱有意於古下車  
暮年人用休息乃曰山為州鎮厥名尤著自秦開五

武陵集卷五

九

嶺迄今千載憑軾之使泛舟之賓大麓之下往還如  
織不知觀矚之地以為山榮豈守土者詳近而畧遠  
哉遂按郡謀而相之背山東渡五里而近得地曰靈溪  
即道左建亭而山之奇秀森然在目矣俾來以圖授  
之矩畫先是賜紫僧法崇者推誠導慕衆所欽信嘗  
於康衢構榭以壯州邦既勤基締特育鬆牖太守曰  
吾以敦朴化人無事於侈可去華就實移其用於茲  
亭崇曰明使君之言非唯集事兼存為政之體繇是  
捨飾畫之浮費市梗梓之美材持斧築運斧斤者子  
來而樂成矣越再出醜而亭就則茲山具美纖芥無

隱屹者如關闔者如庾平者如臺呀者如谷向者如  
闔背者如逃人立鳥歧霞明霧暗碧玉千仞青螺萬  
疊殊形詭制紛不可名驅鬼技物巧不能備信塵外  
之絕區也既而請名太守曰亭以山構而能盡山之  
美其名韶云歲月日記

湧泉亭記

嶠南溪山之勝曲江稱最然其絕境多在遠郊徙州  
治以跨二江百餘載矣亭榭池館面高臨深前朔後  
續不逾雉堞耳目所詣不為難能尚書外郎杜君挺  
之之為守也微無冤私賦役以時事舉條領民用休

金溪集卷五

十一

息近郭勝槩亡不周覽梁濟真水越一長亭得湧泉  
焉始其出喧囂入杳靄層巒曲澗嵐碧相照瀾極崖平  
泉源在焉橫崗屈盤隱若伏獸疏窪為沼泉出石墀  
大若濤湧細如鼎沸久旱不竭經冬常滿南方瘴暑  
酷如煖焚暫息泉上寒悚毛骨挺之乘間一來吟酌  
永日自非嘉賓無損茲賞傍有情廬因泉得名於是  
知事僧謀於衆曰古之君子必觀於水蓋有道焉習  
氏之名千載若存蓋有遇焉今太守適意求石而露  
坐泉傍雖曠淡自適豈吾人之所安也乃募金伐材  
構亭泉心貫之飛梁虹橫波際翼以堂堂備賓遊之

憇外營礎礎為民事之觀挺之暇則造焉以滌煩慮  
既罷郡歸闕且半歲某與後太守潘伯恭南康倅李  
仲求共陟泉亭一飯一啜不同於俗皆當時乃書名  
屋壁以誌其遊後一月又書亭之始以寓仲求請模  
石而書之因歎曰韶處嶺阨雜產五金四方之民聚  
而遊手牒訴紛拏稱倍他郡挺之以誠應物庭無留  
事日自適於山水間乃知為政自有體也斯遊斯景  
書之其無愧挺之名且伯恭名夙仲求名定慶曆七  
年五月日記

韶州新脩望京樓記

金溪集卷五

十三

廣之旁郡一十五韶最大在楚為邊邑在越為交衢  
治城居武水東真水西古名虎溪塘境壓騎田大庭  
二嶺故地最善而名著均之遠官得名城暨善地故  
其擇守於等夷閩人最賢唐漢之西都也蘇相衡而得  
騎田故武水最要今天子都大梁浮江淮而得大庾  
故真水最便騎田雖乘駟舊途而王官往來太平水  
道是以風亭水館高臺上舍徙在真水不視溪山巧  
拙而偏診左臂者勢使之然耳今郡守河內常公承  
命而典城也心樂易而政悉精力先是郡歲課丁夫  
刺船南海餽鹽數十萬石俗固繇力而薄產矣又重

之以困擾日益窘急而繁徵訟公之下車適遇主計  
集賢張公昱之乃謀所以息民之策斥工巧占名之  
卒以代之故民釋重有和事亦簡人和於下嘉氣應  
之風雨以時百穀用登政有餘力而廢墮茲緝惟虎  
溪浮航之道帶遶圖下捷閉僅存而雉堞樓櫓之制  
弛然莫具前所謂偏診左臂之失也公因暇日撫睥  
睨而四顧則山川鬱葱之氣森然滿目既嘆且喜其  
久蔽而有待乎乃命裔類士完缺甃飭美材籍士伍  
順啓塞之訓以門其下因臨觀之美以臺其上民不  
瘠公不匱而厥功以成飛軒縹緲一望四野重巒複

卷五

志

岫周遭萬形煙雨態遠近異色溪流洄洑逗碧洄  
清鳥聲漁唱出入杳靄君子謂其訪境也皆絕其命  
名也必古身居江海之上心存魏闕之下故臨其西  
樓曰望京之樓飲醇酒者不忘於獄市寒車帷者能  
廣其觀聽故署其人之門曰通開之門除道梁川而  
鄰國先交故標其出之門柳陽之門登高懷古而舜  
祠在望故題其北臺曰聞韶之臺目與心俱適心與  
境俱遠浩然之氣來撲人身如躡壺中而馮物休也  
非守臣之賢此景孰為來哉簷廡環合凡二十楹其  
形勝之遊目觀之美甲於邦城智者創物夫豈徒然

又况登陴之際民瘼可詢乘傳而來郊勞為便亦所  
以輔官成而尊王命也時寶元 年正月日記

韶州真水館記

真水館者郡守田曹副即清河張公所建也按地誌  
真水出大庾嶺字本從水從貞今朝以音化廟諱故改為真南與武水合  
二水回曲而流故名曲江虞舜南巡奏蕭韶於群石  
之右故名其山曰韶由是州以山名縣以水名凡廣  
東西之通道有三出零陵下離水者由桂州出豫章  
下真水者由韶州出桂陽下武水者亦由韶州無慮  
之官嶠南自京都沿汴絕淮由堰道入漕渠汴大江

卷五

四

度梅嶺下真水至南海之東西江者唯嶺道九十里  
為馬上之役餘皆篙工楫人之勞全家坐而致萬里  
故之嶠南雖三道下真水者十七八焉劉氏之自王也  
割韶之壤置英雄二州壤雖減而道如故韶於嶺外為  
劇郡宜矣今上嗣位三改元而得景祐其三年公自  
潯江郡易地而領是邦政均而易從今約而易入兩  
潤霜嚴施之有宜補墜起廢理無遺具先是郡有二  
館一臨武水曰清輝一據城之東隅曰皇華惟真水  
之要津則皆亭以居艤舟之次公乃與賓佐謀曰若  
天子之使諸侯之賓將王命宣民風乘舳舻由真水

而至者不授以館則簞葦積饋雖厚不得盤桓上舍  
優游山水間地主之禮猶為缺哉然由是擇境於勝  
相地於隙取材於羨餘取工於卒徒民不知役而功  
用畢東職真水故即水名之凡一堂一皇二室兩廡  
以翼于門宿息井樹具焉前構飛閣命曰仁智樂山  
水之趣也煙齊遠水風生白蘋欄檻千家松蘿四望  
真仁智之所樂也後之至者有以見清河公求瘼之  
外又能樂山水之嘉不獨飭厨傳以異上賓蓋將使  
仁智者同此樂云耳時景祐五年歲在承常四月日記

韶州新脩州衙記

武溪集卷五

十五

古者諸侯宮室車服各視其命之數故臺門露寢將  
將耽耽自秦人罷侯漢泐魏龍郡有守州有牧頒條  
詔專生殺慮其久而固人心必三歲而易之脩職真  
於天子在千里外則慮促其期再暮而易者故州民  
視刺史如路人刺史視公堂如傳舍民病尚不肯療  
矧肯完葺靡宇耶韶在番禺之北去天子都城三千  
里而遙故為遠官去留之心不固又可知矣皇上即  
位之八年以今尚書外郎太原王君守其土下車之  
始綱目咸振束黠吏以繩墨制強宗以斧斤威聲一  
馳境內知禁然後險者傾瘡者平痼者愈魔者醒仆

者起昧者明霜清物寒日和春融畏愛所交衣被黔  
首於是中詔得比內諸侯滿三歲後所請也政成事  
簡地居衝要築室卑陋人何所瞻不欲視靡舍如前  
人之視民病也繇是因基構程用度壯棟梁麗榱楠  
山有羨材不賦於民官有緒工不與其役煥諸侯之  
采章謹列郡之儀式挈壺所以授朔樹戟所以示威  
乃仇高門以備其制分爭辨訟夙興夜寐外皇中堂  
各有攸處首徇公也免穴防姦簡書山積虎符領兵  
罷甲犀利對峙二庫加以層樓謹曝涼也接賢序賓  
容豆舉解則有東西小廳地暖春早百卉先媚亭曰

武溪集卷五

十六

探芳疏池醴流一水迴合亭曰環翠射侯之亭曰百  
中可以觀德也燕居之亭曰清虛可以順神也暈飛  
翼舒不備不偏城隅一樓景最奇絕東溪北山秀在  
眉宇落成之日露龍峯竹柏味飴顆珠圓美可愛亭曰  
甘露紀嘉瑞也至於胥吏分聯廩儲供上風雨之庇  
使葺之工既畢民吏趨走扶伏因請鑿石刻文以紀  
成績星飛一介見辱嘉命謹按圖經控扼五嶺韶為  
交衢虞舜南巡奏樂於此郡有遺跡因山得名漢置  
曲江縣為南海之望邑晉立東衡州居湖南之屬城  
齊梁為始興郡置內史以蒞之偽劉劄據析其地建

英雄二州故始興之名移於他部皇朝開國軍事民  
 政咸俾儒臣領之邕容經略名存實亡擬於舜韶彼  
 則負矣昏齒江湘咽喉交廣地之重也霜露北均疫  
 癘南盡氣之和也霞駭萬拱雲蒸千礎署之廣也合  
 是數美為郡國最不亦善乎君以天聖庚午自殿中  
 丞領銀菟符朞年之間再增秩至屯田員外即則為  
 郡之才之政為萬乘知可見矣明道元年十一月日記

武溪集卷三

七

武溪集卷第五

武溪集卷第六

工部尚書充集賢院學士贈尚書左僕射累贈少師謚襄公余靖

記

澧州新成州學記 洪州新置州學記

饒州新建州學記 雷州新脩郡學記

康州重脩文宣王廟記

興國軍重脩文宣王廟記

惠州海豐縣新脩文宣王廟記

筠州高安縣重脩縣衙記

武溪集卷六

楚州監城南場公署壁記

楚州團練推官廳壁記

澧州新成州學記

桂林之南州郡以十數澧為善地鬱江東注上無氛惡蠻溪獠洞不際其境民之從化豈間然哉國家題期敷佑不冒嶺海偃革橐弓七紀于茲亦嘗詔牧守立庠序以崇化厲賢為本而吏喜文法自進故於教育之道缺然慶曆紀元之七禩京兆杜君應之被詔守土下車三日進謁先聖祠宮既而笏立周視見其庭堂卑隘像設陋剝冕皇服章不中程式瑚蓋之制襲

雜常用攝齊樞衣居無容席乃喟然歎曰明經進士

之科其待賢也久矣州人未嘗預太常之第者蓋教

之不至也乃大相厥土而營學宮卜郭之東龜則食

焉肆命從事刁君紓以董其勞鳩屋聚服正厥王禮

配食從祀各列像次為堂乎東尊師教也築宮于西

潔齋祠也翼以二序布為校舍且坐塾門人知所觀

廟學既成明年仲春行釋菜之儀爵坫俎房壘雲洗海丹

縣矩矱一範之禮奠幣飲福仰登俯退相者肄習其

容濟濟諸生袍鞞陪列終事越翌日經師執帙以正

厥位聽徒就席坐立以齒出規入矩啓憤發排州人

武溪集卷六

觀者知邦君以齊魯周孔之教而為政先與夫束刑

名爭尋常以圖進者異矣先是邦之秀士白玘等聚

而議曰君之不訓于我而廣其黷樂育俊民俾邦其

昌我不可不贊其成願以私錢十萬佐官之費故

是役也不發帑金不誅民財而人用休息已事俾以

狀來謁記予謂杜君上以宣朝廷嚮學之意下以成

州里興賢之本能使遠邦學者異時取名爵於朝當

自今始真善教者可記也哉

洪州新置州學記

三代之制天子之學曰辟雍諸侯曰泮宮黨遂所居



必有庠序釋采之奠其來舊矣蓋孔子之道萬世師表故黃唐氏尊之以王爵奉之以時祀而禮用祭菜夫祭菜之義本於大學存廟而廢學者禮之失也大江之西處都會而山水佳者洪爲率郡之造秀以文獲任歲有人焉固宜興學校以寵其俗景祐改元之明年天水趙際叔平以祠曹副即兼東壁圖書之職來守是邦翦弊適書竊立群善和氣被境庭無宿奸乃思本朝一祖二宗承平八十年齋白者老不識攻守之罷今上復好文以守成業而學校之風未甚流布殆於守臣之關請遂露奏豫章介在江左爲支郡

金溪集卷六

三

準的援南西二都暨上始封之國爲比即其祠宮頌建賢舍詔從之繇是葺舊換新補敗增卑廣其墀垣峻其廡陛或易椽而朽或築基而營起橈爲隆變部爲豐寢殿奕奕儼然南面龍衮珠旒備乎王章自高第弟子至漢魏大儒坐而侍壁而立于堂于廡列像有次考室百楹以處生徒凡大夫士庶人之子爲俊士者皆許將焉仍乞上庠鑲版書以賦其時習給閒田五百畝以充其日廩選文行之士觀察推官陳肅摠其衆而謹其號令事由中覆歲得請焉又俾設色之工以夏商周車服珪璧琬琰彝鼎之器見於經禮

者繪之講論之堂使朝夕觀焉孟子所謂樂得英才而教育之者其是之謂乎鳩工於三月庚子告成於八月庚申役用卒徒不勞於民賦以羨材不歛於衆而克成焉噫漢襲秦令以太守領郡而泮宮之制闕焉其或著理効稱循吏大抵謹繩墨扶鈞距尚威刑以束縛人耳能知學校爲教民之本者惟文翁唱之於蜀故司馬相如王褒之徒用文章掄揚漢美與三代相照耀於先後者文翁之力也後人復聲而和者亡幾焉蓋學校之益人也緩威刑之取名也速故爲政者有所趨焉今叔平以文學舉進士而升鼎科以

金溪集卷六

四

器識居官途而歷顯仕復能敷大教之本儲詩書而萃英髦以尊聖育賢爲事夫其遠大安可量哉與夫激福於神盛祠廟者具矣又豈知洪人戴之不若文翁之於蜀耶某以上書忤旨貶筠州道出大府目是懿績故爲之記云皇宋景祐丙子歲十月日建

饒州新建州學記

漢襲秦之餘治定五世乃刊著功令建郡國之學以育雋秀文翁作守巴蜀克變其風比於齊魯襲然稱爲循吏之首者謹詔令善條教也國家承五朝之季刻僭難偏祖功宗德翔翔四裔今上興葺治本二

紀于茲乃詔郡縣立學祥正褒博是咸都官副即清河張君自南海倅車移守鄱陽舉遺脩要事亡不緝一日集其僚而謀曰今天子思得賢俊基固太平詔啓黌校以廣聲教郡國當以新書從事庸副上意且古之教者以學校爲本鄉佐脩之於國父老脩之於鄉旦而里父坐塾上以視民之出暮視其入以勗怠者又師氏保民以德行書射共訓于民鄉之秀者移之於邑邑移於國國以聞於天子皆學之制也善爲政者固當先之矧奉天子之詔乎先是郡先聖祠宮棟幹隳剝則守亦嘗相土而未遑締構也君於是即

武溪集卷六

五

其基於東湖之北偏而經營之郡之秀民聞是謀者爭出家以助其費乃命從事之賢曰胡宗堯屬城之良曰朱琬籍而司之得貨三百五十萬於是令畚築購槓梓利匠器程工力度堂堂謹儲峙朱墨之督一本規矩遠枕城闔取乎居國之陽傍睨湖光象乎雍水之半嚴俎豆之習以隆乎禮王師資之位以傳其經萃乎群賢貫之六藝悉三代之遺則也乙酉仲夏始庀其役越暮年而有成凡爲屋百二十楹晝講夜習各有攸居又市美田三頃以賦其日廩仍奏署屬縣宿儒胡寧以爲其表率真君子樂育英才之意也移其

意以及於天下其善豈可量哉文翁范侯不得獨擅美於前史矣

雷州新脩郡學記

三王四代質文殊迹圖治之本惟學爲先間有塾堂巷有校室矧於郡國其可廢耶本朝一祖三宗以聖繼聖夷落之外威無不讐海寓之內澤無不浸先皇帝頒詔郡縣謹貢條精里選廣生員啟黌舍講經藝崇儒術然而州邑之吏或迷於簿領或急於進取故於承流宣化有不至者海康郡瀕海之樂郊也地域雖遠風俗頗淳聖訓涵濡人多嚮學頒條者怠於誘

武溪集卷六

六

道無乃上格明詔下牽群望乎駿省丞揭陽林君奕世儒家被服文翰既奉休命出守是邦樂得材賢而教育之乃援前詔廣學宮而新之相地考古必就少陽之位春秋釋菜則先聖先師之像不可不嚴也朝夕講誦則函丈接武之堂不可不廣也群翔博習則居處下可不莊也勸勤黜惰則號令不可不肅也將俾其稽古力行以孝顯其親以道致其君不徒習威儀考聲病而已矣今天子紹堯舜之明內脩魯閔之行摠攬權綱旁求俊乂固應弛弓旌空巖穴以收四方秀茂之傑益闡先王夷易之道也諸生當體賢太守之

意以副國家崇學求賢之詔也書來馬詞敢以此規  
嘉祐八年九月日記

康州重脩文宣王廟記

古者立學必行釋奠之禮天子諸侯皆親臨之周人  
祀周公魯人祀孔子為先聖自漢已未遂採用魯禮  
蓋三王之道備於周堯舜文武之道備於孔子故後  
世無以易之而加崇焉孔子之教與天子正朔相左  
右以被四海雖庠序廢興靡常而廟食不絕者教之  
存焉耳康州在嶠南千里北人踰嶠而至者率以南  
方暑濕憂畏疾瘴墮穰于內尅日月以計歸宜乎政

武宣王廟記

七

之或未暇緝也致省丞李君仲求被命到郡自以壯  
年蒙國委用得守土宇不復計遠邇若向之為者凡  
可以濟當利後人者罔不營度焉先是郡無黌舍繞  
建廟室以應令奉祠耳廟在子城西偏廣不占畝棟  
幹庠陋不稱明德且郡枕鬱江下流其源數千里其  
派十數以合而東每春夏積雨流潦潴匯浸淫毀民  
廬舍率走高避江怒携細擁弱全入廟下瀆慢神宇  
非嚴師尊教之意也迺相率增去郡東五里而近得  
紫極宮之故基而鼎新之殿堂門序凡五十楹先聖  
先師及世所謂十哲者皆扶土為像于殿以致恭七

十手而下又設色肖形于廡以存制仍齒博士弟子  
之位于堂以肆經凡廟學之式參備焉既卒工押圖  
來京師以謁記屬于有出疆之役而不克書其明年  
得罪為郡又明年迺閱舊訊而誌之廟之成以慶曆  
癸未歲董其役者端溪尉王該進士樂其成而來居  
者百餘人云

興國軍重脩文宣王廟記

孔子抗帝王之法於六經而百世宗之故其血食與  
學校無窮然教之興衰存乎其時惟至治之代其道  
乃大在漢四葉始建郡國之學而進儒術在唐六帝  
乃克用王禮而尊夫子五代兵革雖祀典不廢羽籥  
絃頌之音蓋寢矣聖宋在宥七紀于茲今上纂三聖  
之不烈綜御大器息武行文澤浸八荒常以隻日視  
朝雙日講學間威程文擢多士故天下靡然知所嚮  
焉郡諸侯獨大府劇部能以營置黌舍為請率報聞  
從之餘或專於督獄賦政而未遑暇朝廷亦置之不  
問在其自視何如耳興國軍者本隸武昌以摘山鼓  
鐵之利遂建軍壁故廟學草創而不完景祐受冊之  
明年太原王君以成均博士知軍事剛斷柔惠敷和  
於下剔去蠹螫民懷其生杞車暮年簡肅成政乃謂

武宣王廟記

八

其僚曰古之善教自學校始家塾黨庠職在鄉老况今領縣立社以有茲土人不知學何以示教先聖先師之祠而不若淫昏之鬼何以示德二者皆為政所當先也惟舊祠在牙城之西風墮雨隙不自撐梧先生弟子居無容席之地歲率常祀俯仰其間實所病焉於是度費餉材以萃百工罷不急之用而用之不瘡於民不割於公而需然餘力以克有成露寢奕奕負陰嚮明龍卷玉璫顛昂其象廉陛嚴峻庭序闕廊九爵於唐讚於先朝作配從祀及得圖形太學者塑坐繪立咸備其制向之不如制者悉俾新之遂開饗堂以登師儒局列教室以來雋秀是焉者處于東偏又為二庫藏賜書以勗生徒之業積禮器以謹春秋之祀是焉者居于西偏學之稽古先乎制度乃案三代車旂器服圖之屋壁使來者觀之煥然在前祀之有齋致其虔恭復築齋室于宮之南湖光上照山翠欲滴太虛之庭垢慮可條事神誨人之道備矣新宮既就而行禮其中邦人怡然知學校之所以為教也賓僚以書來俾為記將伐石而刻之以永其壽年昔魯人美僖公遵伯禽之法能脩泮宮播在詩頌蓋以能脩其宮又脩其化故國人思樂泮水而往觀之禮

武溪集卷六

九

有飲酒養老之儀兵有受成告克之事咸在泮焉則化民成俗之道捨此宜何先哉王君能尊仲尼無窮之教宣當世所宜之治脩祠宮建學館知為政之本故不敢讓而記

惠州海豐縣新脩文宣王廟記

夫教化之本自學校始學校之興自鄉遂始周人有鄉先生遂大夫分掌其令以謹其習而薦其賢能焉鄉校所建則有皮弁之薦小雅之歌以享先聖先師古之道也自秦人蠶食六國廢周之令詩書之教輕於蟻蝨漢興雜霸學者惟集于長安郡縣之學寢微矣唐室雖欲尊儒而不得其本春秋祭菜專為孔子祠宮已事而遠鬱生荆棘因循其弊以至於今矧今之縣令惟以斷笞杖督賦租為稱職耳其能勸學以教言俗者幾何哉吾友譚君初命為海豐民守農畝吏守曹事闔境恬然夜亡犬聲下車暮年政既成矣乃曰習俎豆所以敦風俗興學校所以勵善良嚴祀事所以教肅祗考前計所以辨制度古之建學必居公宮南之左明堂亦學也在國之陽縣雖小亦國也子男之制其可忽哉舊有廟學處之西偏編竹覆葵以為其宮隙雨霾風以昏其像歲二月上丁率諸生祇

武溪集卷六

十

其常事踴躍鹿下退與諸生謀建新廟而崇學館諸生聞之頓頌私楮以贊其成遂伏其事得請於州徙祠舍於邑之東南隅伐山欽材易築以瓦冕服玉琮儀容大備顏子西嚮以為先師十哲坐塑以為從祀丹朱其器以薦乎牢醴堊白其堂以業乎講誦工既畢遣書請詞以識之夫素王之道猶天地之大日月之明江海之浸陰陽之變日用於百姓而不知其仁澤及於萬世而不為其私口頌目嘗不加損益所以尊而奉之者教之所存焉耳今海壖遠國王化廣被夫子之道同其行隆興葺齋舍希風柳魯此亦政之

武溪集卷六

二

所存焉耳乃書之以示於後康定二年六月日記

筠州高安縣重脩縣署記

國家以縣令專調選部用人為輕故難理之邑皆命寺監少署丞佐之官以為之長由保任得寺省官者必之兩川以廷謝日為次未之兩川而之他處則為權入大江之西縣不滿五十難理者三十以風波之險獄訟之繁人固畏之而不來其來以權入為資久者或踰年少者三數月其闕也又三數年民之病所以痼而不瘳者其由是乎為政尚然室屋頽圯其誰顧之哉高安劇邑也籍在難理中皇上以景祐

冠年之初高陽許君舉進士登甲科得秘書省校書郎試治茲邑故得久於其政君啓迪中道斷姦搆窮罪之所在雖強必刈志有所守雖威不移吏畏其明而罔欺民信其令而必從滿三歲朝廷嘉其成績就增秩為廷尉平不易其地君之始至也上漏下濕不蔽風雨越二載庭無留事乃議為署以卜攸寧取材計工皆於農隙踰年而後成民無勞焉量飛鳥革百堵之興一本於制度書訪夕脩四時之居各為其區處至於室容宴豆亭張射侯可以序賓可以觀德古君子之事也向使踰年而去則於是署也不暴斂以

武溪集卷六

三

成之則隳其基必也守宰之不數易觀此可以知政矣署既成俾予記之不敢為讓景祐五年十月日記

楚州鹽城南場公署壁記

國家循漢舊制籠山海之藏以佐經用海濱斥鹵至廣而民食至急故斂散之權不可不專其法一緩則新人大賈擅之矣此所謂與奪貧富之柄也淮場負海置鹽亭者州軍五楚海通泰連水也古曰直今轉日揚然今尚呼亭鹽直戶贍桐栢以南踰九江及荆衡之郊凡六十餘州最天下之鹽歲入息錢三十五萬萬而淮海之鹽息錢實二十萬萬其富國也博矣故牢盆禁地必擇官以董

之自計相及其佐及主計于外者迭舉察廉幹濟之士以充其選然自建元迄今殆且千稔而尚有遺利者豈廢置不常當官者未之思乎景祐初太史吳公通漕淮南粟兼制置使公事乃奏言楚之鹽城造鹽之場七皆售縣倉亭竈基列相去且百里掌出納者以倉為主而不出郭故私煮盜販散漫不能禁請分南五場傳海七十里命一官督察之俾火伏可見私煮可禁天子是其議可其奏公因舉殿直曹元素莅焉其收果溢舊數秩既滿今三司副使張公存復舉曹君供奉以續其職曹君生貂蟬之族而能以清

武溪集卷六

十三

勤自飭才為人知官無遺事是將復大其家者也欲書名於署以謹其始且為他時之誌以書來請遂記之云寶元元年十二月日記

楚州國練推官廳壁記

漢制部從事佐刺史提政綱而舒卷之其編氓勞逸群吏善否錢刀盈縮獄犴邪正無慮朱出墨入咸得婉美其畫白府而損益焉有唐天寶之後宿兵四郊分建元戎以屏王室大者擁施而制數郡其次持節而顯一州各立監佐輔其條教然郡曹掾不得聞軍謀軍尉於民事亦如之兼而贊者必求文雅之士為

其上賓故參謀幕府浚使名而命之山陽楚之東都北繚淮東負海漕渠貫中天下輻輳者半四達用武之國南走廣陵為大府故持節者不得制旁郡團練之名得於此矣皇朝命文吏領州將懲諸侯之專也賓佐之任委於選部累資計考不由辟召而主禮輕矣先是團練推官受署之館位得其表接賓客分曹局列厨廡容妻子各有攸處前居是官者才譴而權不足郡都尉緣隙而豪棄之徙居河亭才庇風雨近市而置發巢而危孰謂宮庭返隘民舍枝梧湫底何以觀政蘭陵蕭君江左之秀由進士擢第再命而佐

武溪集卷六

十四

楚會其人為太守仁賢協贊綱領充振民得和氣軍無怨聲議政之暇謀及居室乃根源前事上白廷中願遷爽壇以正民之瞻視詔可其奏乃擇地於子城之東南隅出帑金市山材興卒徒利工器一毫不取於民間費府緡若干萬考室若干上棟下宇可以避燥濕高閣厚垣可以卜清曠噫世之處官局者苟非因循卑陋則興役動衆疲勞下民矣今蕭君革因循之弊絕罷勞之役而安厥居愈見其兼濟之能也異時享大名器佐王之國則觀其佐東諸侯之政斯得之矣若乃漆稅輪奐亭圃嘉美本無意於華侈故畧

之明道二年五月日記

武溪集卷六

十五

壹貳肆册101版

30 B

武溪集卷第七

工部尚書充集賢院學士贈尚書左僕射累贈少師謚襄公余靖

寺記上

筠州新砌街記

韶州翁源縣淨源山鮑石院記

廬山承天歸宗禪寺重脩寺記

廣州南海縣羅漢院記

韶州樂昌縣寶林禪院記

韶州淨源山定慧禪院思長老壽塔銘

武溪集卷七

韶州開元寺浴室記

韶州重建東平山正覺寺記

廬山歸宗禪院妙圓大師塔銘

廣州烏龍山覺性禪院草堂記

筠州新砌街記

予至筠州之明年道者僧體謙袖謁及門既坐遂言本末嘉人寓筠二年去居廬山筠之崇善者曰吳太元命之復來募衆得錢一十萬召工鑿山陶土得石與磚若干千萬砌成大道北斷于江其南西繚于闌闈凡若干萬尺橫渠暗竇為橋以通之凡若干所

喜捨之士以道計者自五百尺至百尺凡若干人以

錢計者自三十萬至一萬凡若干人一萬而下不可

勝計所得錢不以簪毫自私皆寄某氏之帑朱出墨

入悉某氏主之麻衣草襦以董衆役暮宿甄舍飢食

於施者家凡若干年而工畢乞書其事而誌之吁今

夫地征物賦官司列榜答謹期會上監下督民猶有

靳固而逋負者至以西方之教一呼于衆則發膏積

割珍愛欣然無所惜其故何哉蓋儒以禮法御當世

使人遷善而去惡佛以因果誨未來使人脩福而避

禍然世有積善而遇禍積惡而蒙福者雖有仁智無

武溪集卷七

如之何釋之徒則曰彼前世之所為今獲其報耳今

世之脩報在來世又言沒有天堂地獄苦樂之趣次

序纖悉故無刑而威無爵而勸歸之者如川之流壅

之不停去之不竭其為教大抵若是其有竊佛之權

愚弄於衆財未入手先營其私衣華暖居宏麗噉其

脆極力肆意無畏憚者十六七焉彼上人者獨弊衣

糲食苦其行而外其利又能得開信同心成此利益

使夫趨官曹遊狹肆者出滓泥入清淨之境真奉佛

事勵戒行而好方便者也誌之無愧詞

韶州翁源縣淨源山鮑石院記



古之學佛者內樂空寂以照自性外作饒益以濟群  
動故行脩於已而功施於物雖巖居穴處草衣木食  
委去浮累超然獨往而萬家之城十室之聚率有信  
嚮仰為開導由是攀蘿躡靄棧險梁深異人所居必  
立精舍就石院者翁川之列刹也山川葱鬱香絕紛囂  
泉石幽竒足以耽詠唐大中三年有僧法光爰此剪茅  
衆為鑿去華擬實遂以就石為名劉氏瓜剖亂離斯  
瘼鍾唄之聲幾乎息矣開寶初因其故號遷于上潭  
香火僅在風幡無託不有廢也其何以興天聖中今住  
持慧周同擅越巢迪等相與謀曰佛之示權也大矣入

金溪集卷七

三

之起信也久矣察榮悴者知其果視禍福者存乎應崇  
善者有精進以篤其脩畏罪者有懺悔以寡其過多藏  
者有布施以破其惑念往者有追奉以廣其孝是知民  
之聞井不可一日而遠塔廟也既而同焉者募異焉者勸富  
焉者資巧焉者力其相土也則疊岫宿挹澄溪帶附其度  
材也則百堵雲構四阿翬飛其設像也則金壁睟容天龍  
善衛其據境也則珍木彌望佳氣襲人真崇福之秘宇絕  
塵之幽致也苟非智者創謀善人協規孰能與於此哉巨石  
如屏泉淙于下可以爽情靈可以滌塵慮命名之始其在  
茲乎就崖龍君琢傳之不朽皇祐元年八月日記

廬山承天歸宗禪寺重修寺記

佛氏之權大矣三乘十二分之教雖所說不同同歸  
於化人為善人天龍鬼無不歸仰故一一城邑一一  
聚落一一川原一一巖岫未嘗無刹也俗無華裔士  
無沃壻十室之居萬里之遠鍾梵之聲相聞世人不  
厭其多夫惟群動外誘則其智昏一念內息則其心  
寂習淨圖者定慧發光以戒為本故居城廓之憤吏  
不若山林之閑曠也天下溪山之秀江國為最塔廟  
之嚴廬阜為勝近不接於塵空遠弗託於巖嶮晚叅  
夕間無非佛事歸宗田焉本晉右將軍王逸少之宅

金溪集卷七

四

也壇宇雖改墨池猶存天竺耶舍尊者振錫來居遂  
作布金之所江左六代至于隋唐摠以律儀莫窮譜  
系正元中江州刺史李勃與智常禪師為雲霞之交  
兼師友之契受開法席革以禪規常禪師馬祖之嗣  
風韻殊特初有日者言師相有異表師聞之曰吾學  
佛者異欲何求遂以沙昧其目輒有流星之應時人  
因其驗亦呼為赤眼道人四方來學不下千衆自是  
燈燈相繼于今二十三世矣皇朝景德三年以誕聖  
節名承天賜為寺額仍冠歸宗之號叢林之盛少能  
比擬棟幹之隆幾及千間皇祐初出饒之災鬱為煨

燼長老慧南既痛已身逢此壞相又思成性莊嚴當由我興於是精勤再造同於經始未終厥志奄先歸寂妙圓禪師自寶昔嘗衆請在十八世矣諸方道目推爲禪伯弟以雲居久隨綱領徒貌座而振之及是緇黃共議還師故處人之求舊群情胥悅智者獻謀匠者獻藝富者獻財壯者獻力士宅所入日用所資衆竭其誠簪毫無隱遠者伐山近者陶土而紺宇巍然巧思鋪金寓形設色而寶像儼然惜其能事未終條亦避去道宜紹之亦才數稔今長老慧通嗣摠清衆極力興脩凡陂而未平基而未構器之未具像之未完月綴歲葺工無暫捨期於大備又加飭焉素不至朴嚴不及麗香火所慶賓主所止經行作務群居獨息各爲區域莫非僧儀愚嘗謂臣庶之家雖五世相輔七貂仕漢子孫能保故居者鮮矣至於禪宗佛宇或時遷代易而鍾唄巾蓋不絕者何哉選於衆擇其能而授之乃克起弊補廢而永厥世也必因夫大患難大災害然後見哲匠之才謀菩提之願力古今已然之勢也故十三年之間繼擇開士而見寺制周焉監寺僧松思寶師之門人也遣价馳書數千里詞爲記不獲讓而志之嘉祐八年十月日記

廣州南海縣羅漢院記

孔子曰可與適道未可與權則知道者聖人之中正也守常而不可變權者聖人之輕重也應變而隣於誦權之時用大矣哉佛氏生於西域與諸華土壤斷絕始將萬里其滅度後且千歲摩騰竺法蘭始持其書踰葱嶺東土當時未之識也迺繹漢明祕夢以肖其像復築鴻臚外館以居其徒紬其梵音以通華言諷誦講說日漸月清自是迄今又且千歲天下之俗雲蒸波委秀眉之老毀齒之童服役其事惟恐在後百戶之邑十家之鄉統鼓梵唄未嘗可闕其故何哉蓋佛以大權寵萬化歸於至理而已其爲教也禁殺伐斷淫妄崇布施重懺悔性命之說付之通傳之士因果之論精入鬼神之域使賢者務脩愚者生怖同歸於善也且夫蠖飛蠕動含生之倫莫不畏苦而趨樂圓手方足最靈之品莫不歧高而好勝而况血氣充於內嗜欲誘於外不足而後爭有餘而後肆欺誣巧僞皆欲勿爲而不能已也非權曷以誘之哉嗚呼人羊相噉生死循環一念作惡流入胎卵有知之所同懼也高賢厚產逐利不休暫持所愛則獲福報常情之所樂爲也欺天罔上造惡者衆攝心自悔罪即

消滅衆人之所願聞也死喪之哀五情潰亂聞有遺  
教俾其熏脩能餉亡者往生善處則雖捐軀破產無  
所靳吝孝子之不忘其親也迺知浮屠塔廟相望於  
野不爲過矣南海諸越之冠邑也番禺大府節制五  
嶺秦漢已來號爲都會邑即郡治俗雜五方史諜誌  
之此無預焉邑之南有里曰豐衍村曰平洲山曰秀  
羅院曰羅漢自劉氏歸命里落荒榛院之餘基鬱爲  
茂草然而名在郡圖未削也至天禧中聖化翔洽踰  
五十載國無橫賦民有常業生聚既衆倉廩既實亡  
者必有悼也而不知其所之存者必有脩也而不知

武溪集卷七

七

其所嚮蓋艾同議香火爲歸爾時檀越麥延紹等五  
十餘人列名請今住持僧法宗建刹奠居以奉西方  
之教絲是相山林視原隰基爽塏宅閑曠令元龜而  
協謀仰定星而考室聲已所有惟力是視募衆所得  
一簣不私飾土以寄虔故斷磐縹碧以極尊崇之數倚  
席以待衆故節稅輪奐以開討論之地一飯之約擊  
鐘而示嚴四方之來折床而忽拒茂松嘉樹莫非手  
植締構繕完其亦勤矣却視城闕塵囂不來前瞻海  
潮法音如在真物外之幽絕也人地相高衆所推擇  
遂選爲縣僧首凡僧之董頌教門者國曰統曰録郡

曰正縣曰首苟非才出輩類孰能得之法宗師本郡  
人姓陳氏幼以經業自進長以戒行自守遂能闡揚  
佛事化其聚落咸使信嚮稱爲一邑之首噫彼上人  
者僻居海嶼不求聞達至於志有所立行有可取人  
則戴之以爲領袖自脩者可以勸人其信矣乎康定  
辛巳歲予以縞冠南來得其狀而書之既誌佛之權  
且警夫怠者云耳

韶州樂昌縣寶林禪院記

上士真心而履道其次崇善以濟物道充於內而迹  
彰於外物應於邇而名聞於遠所以諮事而察其言

武溪集卷七

八

尋聲而索其實一家之譽必用之於卿一鄉之秀必  
升之於國蓋善惡起諸已毀譽成請衆擇賢採異用  
此術也今天推自稱人之中陞于高座之上巍然當室  
之白以師道自處使同袍濟濟北面就列拜起趨揖如  
事君父若非深識懸解領悟性相春容音發矇去惑  
者衆多之心豈易伏哉越人右鬼而劉氏尤佞於佛故  
曲江名山秀水膏田沃野率歸於浮屠氏郡之屬邑  
曰樂昌去縣郭四十里有院曰寶林地靈境勝一邑  
之冠遠郊近落率來瞻仰故常登延開士主其熏脩  
於戲棲山林以遂其高遁江海以安其閑幽人奇士

所以擊節而爭往也。又况有棟宇以資其偃息，有菑禽以奉其饗，粥果能擇得聞人，以付之俾其發揚佛事，開導城俗，奉行諸善，共避眾惡，此乃因高開之適，成兼濟之利者也。今長老圓祐師，福州懷德人，姓陳氏，學植放於黃梅山，顯宗禪師，服勤二十年，晝問夕參，涿漚幽樵，乃曰：未脫自縛，安能度人？即謀南歸，以下終焉之計，惟茲寶林之眾，屢易師長，而莫能興葺，以延四方，於是計使鄒公覃，遠聽博採，得師於虔之慈雲，遂迎以來，俾尸其衆。時景祐三年也。先是院制度狹小，不克稱于其名，殿陛庫下堂奧，淺仄，居才

金溪集卷之二

九

數畝，而臨迴照，影過亭午，則暑氣鬱勃，坐者揮汗，至於末光，師以日廩之餘，悉付營造，易其堂殿，負陰向陽，增築厥基，始逾百堵，伐山陶土，剗剗圩墁，之工百役，自具不假外徇，居者執畚而同行，力來者掛錫而如歸，夏開南榮，冬塞瑾戶，無復往時之陋也。乃知擇得其人，為利自博，但無意侵漁，能守厥舊，已足佳矣。矧能指無脩之要，以悟自性，精有為之勤，以勵後學，此而不記，將孰記哉。康定二年九月日記。

韶州淨源山定慧禪院思長老自造壽塔銘  
夫鴻鵠翔於青雲之上，魚龍潛於深泉之下，安其性

也。人之處林野，樂閑曠，棲神養和，保終性命，得其適也。古之達士者，皆自為秘器，壽室以下，返真之宅，周官有冢人，墓大夫，掌其禁令，與其位數，然世人尚以死為諱，獨冢莊民，昌言矯俗，云富者苦身疾作，多積財而不盡用，貴者夜以繼日，思慮善否，不若死者無君於上，無臣於下，雖南面王之樂，不能過也。莊生之言，蓋猶佛氏所云，厭生死苦樂涅槃，樂者歎佛之去世，天下之國分其齒，骨爪髮舍利而藏之，為塔於其上，奉之如其存，後之學佛而終者，皆塔而不墳，從象敬也。今淨源長老名邵，思姓李氏，曲江都渚人，於曹

金溪集卷之二

十

溪南華寺出家，受具既而歎曰：身居曹溪，漫不知其門域，當自愧其名，遂起游方之念。天台南岳，無不之也。最後見洞山聰和尚，得悟入之要，以歸焉。州以近，郭名藍，宜擇知宗乘者，統領其衆，遂召師居之。書登師座，夕啓虛室，以延學徒，各以其儀，寺之西數百步，有崗峽，蜿蜒屈左，右峯巒擁抱，其前平敞可愛，乃即崗之南麓，為窳穴，陶甃以累，其傍上而側，設緣道以入，又於其上，屋之為塔之形，曰吾將歸骨於此。前構草堂數楹，署曰寶稿之庵，日自策杖往來其間，又煊其西北原，樹以松柏，仍得土之可觀者，數十畝，舉之取其

苗子爲香人之用屢登吾門乞詞將伐石而饒之以  
自誌云嘗與朋友私議今夫唱聲利爭尋常者桑榆  
末光影撒其氣然尚身戀珪組手握牙籌計生興利  
不知止息苟能解隨外累以死爲歸而休其心者亦  
足嘉矣孟堅畫屢葬有爲爲之也自漢已來文士或  
自誌以掩幽室今思師不攻外典且畏予之去而固求  
先銘其側其亡叔葬其西原故嘗登是崗乃爲銘曰  
生滅無本 是爲佛性 心境皆遣 同歸于靜  
不諱其死 是達真理 性同虛空 體魄歸此

韶州開元寺新建浴室記

武溪集卷七

十一

釋氏之爲道也兼濟於人不待乎達獨善之樂不專  
於窮以悲智爲脩者也悲之爲言仁之端也能與衆  
多作大饒益去大患難獲大安穩視物之累如身之  
憂建功而不祈賞益善而不祈報此悲者之爲也智  
之爲言介之徒也守靜默捨欣厭居市朝而非顯  
宅山林而非晦身同夢幻性等空虛離五蘊超三有  
此智者之爲也韶於嶺外爲望州廬祖印心之域故  
寺最衆僧最多然郭郭之居初無衆浴開元寺者精  
藍之甲也比芻延吉以頭陀苦行勸募依信量力出  
貨聿圖勝果乃於寺東南之外墳相善地市燬材購

梓人售陶工積勤營構用成温室八桂僧道瓊勾稽  
其簿矢謨於康定落成於慶曆之某年五日爲期一  
具湯沐重脩者得以消潔塵垢者得以滌蕩至者欣  
欣真兼濟之事也先是州跨二江通以浮梁夏潦暴  
怒歲苦漂決人用艱涉戶煩科督吉師居河之湄極  
力糾率伐材以橫大航冶鐵以絡連鑲新而維之衆  
獲其便方軌並轡如履康莊積霖漲波不能衝齧非  
悲智所樂何以及此月華琳禪師叢林之宗工也以  
書來抵廬僕謁詞爲誌吉師曹溪人姓侯氏十六受  
具徧遊名山禪學通悟琳師稱之今受衆請爲住持

武溪集卷七

十二

主云慶曆六年六月日記

韶州重建東平山正覺寺記

詩人之詠曰鳶飛戾天魚躍于淵蓋言上下至也翔  
極于高潛極于深則性之適矣山林之士豈不樂夫  
曠遠哉湘之南峽之北山莽連屬而韶居其交東平  
爲其望山富乎高深者也剪荆構宇靡詳厥初舊傳  
常宙大夫碑云劉總尚書出家於此賜號大覺較其  
年名地域乃與本傳不同會昌之世例蒙檜較咸通  
中知宗大師慧寂再肅僧儀恢復茲地四方來學緇褐  
千人寂師前住仰山時號小釋迦者是也門人道圓

扣關奏牘以東平勝地知宗名流興復靈境願頒勅額乾符二年錫名弘祖禪院改賜澄虛大師并紫方袍以寵之又其委蛻謚曰智通塔曰妙光劉主因之嘗割曲江之豐樂乳源龍歸三鄉民租以贍堂衆國家題期五緯敷佑四海出日入月罔不率服野無屯師里無暴征吏良政清人用休息故攝心奉佛者沛然有餘力矣然而作大饒益興大功利建造崇立顯揚佛事苟非戒行消潔衆所欽矚者其成之固亦難矣開寶中刺史潘公懷裕嘗擇名德而績用弗成至道中火禁弗嚴鬱攸爲患尺椽寸瓦煨燼無餘本寺

武溪集卷七

三

徒弟徒厥基而新之咸平元年勅賜正覺寺額然綱領不振膏腴之士侵牟者殆半矣天聖初州命禮僧紹登恢隆祖席緝復未完而順寂焉提點刑獄林公升酷好禪學遂請今禪師得樹開堂續燈景祐五年也彬師化州石龍人兒童戲玩即好經梵之聲少年持方徧參尊宿得法要於廬山羅漢院祖印大師侍執巾瓶十有八載屢齎山儀中闡進貢朝士稱其機捷既受衆請居山也到山食訖即召田客具畚挿尋知宗故基斷茆結庵以聞于州符報從之明年盡復畧人侵地籍所餘以募梓人斲入伐材埏埴不煩而

備噫佛氏之制閑矣像有鴟屋堂有狝座人不以爲伏畫楹而居擊鐘而食人不以爲侈天爲兜率山爲補陀人不以爲誕施者惟恐不得豐其用匠者惟恐不能肆其巧金仙之權何其盛哉先是山去民居三十里指四峯以爲境東名靈隱南曰大雄西號月輪北爲獅子且知宗嘗聚學徒千餘故其制度得以閑肆窮毫溢楮所不能既若乃禪機祖學緇素所推名木奇樹方俗所異非關興構闕而不錄第誌歲月而已皇祐元年四月日記

廬山歸宗禪院妙圓大師塔銘

武溪集卷七

十四

禪師諱自實廬州合肥人姓吳氏生有奇相幼不同俗弱齡出家壽州普寧禪院智柔大師授以經律初具戒臘已抱出群之見躡履遊方遍參知識蘄州五祖山戒禪師駢馬都尉李公遵勗素所友善叢林匠石禪流所宗見師之來則曰大乘器也許其入室置水投針理存默識得彼心要聲問翕然尋至筠州洞山自唐而來謂之洞上長老曉聰有名江左禪師通悟堪囑後事乃白於州願以法席傳之四方禪學聞風遠至戶外待次每至宵分擅施委積庫司常餘百萬黃葉山者唐相裴休所施莊田舊贍五百餘衆近歲

僧纒數十而饘粥弗充移師摠之清衆日增而資用  
豐足其爲人信向如此江南號爲江山佳麗甲於天  
下其巖岫峻拔磅礴千里者廬阜爲最梵刹相照其  
間名古佛道場者山之陽則曰歸宗據雲水之都要  
山之西則有雲居覽泉石之幽邃皆學佛者之所輻  
湊統領苟非其人則去者半矣今麗正直院祖君無  
擇河東部憲程君師孟並著好賢樂善之名繼守南  
康軍祖召師臨歸宗程徙師主雲居咸率群官列名  
而邀之所至選擇名僧自隨爲其羽翼故學徒如衆  
厨廩加豐提唱宗乘言出意義喟喟之機不涉名相

武溪集卷七

七

或縱或奪遂至無言嗣其法而居師席處名山者不  
可勝數其服人心如此厥後以舟楫往來衣冠之士  
至星子者咸欲見之故再泣歸宗從衆頭也其在峒  
山時嘗自覺壽藏爲終焉之計矣後二十歲凡四徙  
禪席而終于歸宗乃知有才德者無意於隱顯而人  
自歸之名自從之觀師之出處真無求於人古之有  
道者也初以駙馬李公薦其名而賜紫方袍皇祐中  
特恩賜號妙圓大師至和元年十月二十八日示疾  
十一月一日齋畢辭衆端坐示寂十八日全身入塔  
俗壽七十七僧臘五十一既沒六年門人松思以狀

來乞銘乃銘曰

彼上人者 叢林獨步 激揚宗旨 慈心廣度

言發其機 俾之自悟 人得其要 直趨覺路

橫杖而來 捨筏而去 吁嗟妙圓 人天仰慕

廣州烏龍山覺性禪院草堂記

伽藍之制寢室曰方丈十方皆然也番禺之東去郡  
郭十里而近有山曰烏龍院曰覺性長老僧曰法持  
剪髮爲頭施題其寢曰草堂視其迹似好異者察其  
所爲則禪心而戒行衲中之雋也不遊聚落將十稔  
矣語必誠願人多信向不祈甘矣而鼎饈常豐不尚

武溪集卷七

七

華侈而丹素無廢夫道充諸已伏之必衆行敦於內  
聞之必遠曰緇曰素未有不始於脩者也或者謂無  
脩無證乃欲屏去因果混同善惡則與夫愚暗貪恚  
者何以異哉殊不知無散亂心是無思也無染著心  
是無爲也故雖智空境寂而不捨方便嚴飾佛刹納人  
於善茲所以爲衆所歸也迹之同異可略矣嘉祐八  
年正月丙寅行春至此既歸而筆之

武溪集卷第七終

武溪集卷第八

工部尚書充集賢院學士贈尚書左僕射累贈少師謚襄公余靖

寺記中

江州廬山重脩崇勝禪院記

潮州開元寺重脩大殿記

韶州白雲山延壽禪院傳法記

南嶽山雲峯景德寺記

南嶽山雲峯景德寺脩佛殿記

韶州月華禪師壽塔記

廬山接賢寺浴室記

武溪集卷八

韶州曹溪寶林山南華禪寺脩法堂記

南安軍興福院慈氏觀音堂閣碑銘

潭州興化禪寺新鑄鐘記

江州廬山重脩崇勝禪院記

夫萬寓之大群動之衆佛以溥博之教淵泉之語廣警善真無不入其言含生有知之類人人物物皆蘊佛性猶木中有火本來無覩方便鑿鑿乃見光華離暗得明不從外至故無生之說以去纏縛有爲之法以勗因果二者並施於世隨所悟解歸之等覺佛夫世後持其說而化於一方者信向遠近視其緣之厚

薄云耳大江之南號為山水奇勝廬阜又稱諸方之

最自東晉已來高人開士蟬聯不絕山形磅礴三百

里寶刹之有名於天下者以十數四方學心之人多

歸焉學人之至必又能以圓頓一音之教舉其機而

驚千衆者以登法席苟得其人則一言頓解出生死

海刹那頃耳崇勝禪院江南李氏乾德二年所建也

遠公蓮社絕頂相望洲明粟里高風接秀左泉漱玉

可以滌昏煩前林蔽空可以樂閒曠真遺世觀空者

宴息之地也景祐初又虛禪席於是州將而下僉謀

列刹廣詢法王之施授之猊座遂得今禪祖珂師焉

寺之故居痺陋不足容四方之未一日珂師言於衆

曰吾以諸法一味離去世間染淨忻然一切差別境

界無有少法可說乃能入於如未難思智地然而一

切諸善皆由信起不有莊嚴何能起信若寂然無營

則陷於因任止滅之病矣衆聞是語翕然從風其堂

皇殿闢廡序管庫之不如制者一皆新之築基而飭

材陶土而礱石肖像設色壤工攸聚棟宇輪奐見者

起恭師以善教而流其法以信而募其貨以智而

役其工自丙子經營至甲申落成軒檻迴合凡三百

餘楹雕琢金碧皆極研麗無有遠邇賓到如歸其徒

武溪集卷八

二



之至者寢於斯食於斯聞於斯思於斯覺於斯夫見宗祊而起孝觀墟墓而生哀視塔廟而增信其理一也其故史官且師之同郡人故得其實而書之珂師通學敏識少厭榮進壞衣削髮而居叢林不露頭角遊廬阜若干年提唱宗乘集軸禪錄七卷盛行於世時人服其該洽噫自祖法之東流六世而居曲江今珂師生曲江復以心法名於名山古言孔子之後鄒魯多儒信矣哉慶曆五年某月某日記

潮州開元寺重修大殿記

金仙氏立空有二教彌綸人天之際以三乘四果開

武彙卷八

三

陳漸路其說曰一切諸善皆由信起不造業故種種諸法皆由戒起能攝心故六波羅蜜由布施起斷貪愛故百福之報由莊嚴起無憍慢故所以群生歸向如流濕就燥不可禦者其有最勝之理乎潮於嶺表為富州開元於浮圖為冠寺暢師於僧官為極選又以金仙氏福報性學之說開導於人故其吞者如響之應先是寺有羅漢殿者歲時浸深基傾棟椳壓焉是懼風雨何庇乃唱是事鼎而新之其募資也母喜腆母羞薄同焉者懷異焉者勸歸於信而後已繇是伐材於山埏土於陶購工於市而布規矩焉金碧之飭

雕繪之巧美梓密石厥製備焉自釋迦金人部從至千五百羅漢之容率飭化而像之歸於莊嚴而已矣又為二樓一儲本朝累賜太宗睿烈皇帝御書真宗章聖皇帝及今皇帝御製一縣洪鍾而對峙之康定庚辰乃始基之慶曆癸未而告厥成凡寺之制完者飾之缺者補之隨者革之凡五百楹為一郡之表三者瞻焉既落成踰嶺渡江絕淮走輦下七千里以其狀來請識歲月乃書之云

韶州白雲山延壽禪院傳法記

武彙卷八

四

於天下既而漢之宗祀廢於當塗魏之血食絕於典午西方塔廟歸然無改太雄之德何其盛哉迄今千禩寅恭益眾由是王而侯國商關農井苟有生聚必為浮圖大抵南方富於山水號為千巖競秀萬壑爭流所以浮圖之居必獲奇勝之域也實性大師始來居之絕澗高峯恍出物外陰谷夏雪陽崖葩故非區區林麓之所比也古者謂穹山濬澤必能興雲致雨以濟民望故以白雲名之觀夫高士遠迹當世非獨翫雲霞之容同禽魚之樂而已蓋將脫去聲利深入杳靄自絕塵累耳忘俗囂而後真性湛然如太虛

月勞無墜障乃克通照耳所居高深所樂曠遠者以此也禪那之學其來尚矣自南北分宗思讓異派雖達空照理共歸懸解而臨機接各稟師模言有體用義有縱奪互相祖習曰為門風然而無善可求無惡可去直指宗令其悟入雲門之教最號真淳實性即雲門之嫡也實性者劉主所賜師號也名志庠封州人姓陳氏廣主巡入府中親問法要有名傳燈錄庠既即世志文開堂嗣之次曰契本禪師達正次曰達真禪師雲端次曰妙光大師雲福皆承師嗣法世賜師名厥後有惠龍者鳳翔人姓趙氏今長老常

金臺卷八

五

簡永嘉人姓徐氏皆什方名德之選也自實性至今七世矣棟宇加飭焉田疇加闢焉倉廩加入焉器用加給焉徒衆加進焉遠近加信焉嗚呼今夫公侯將相之家不過一傳再傳或當世而絕者豈非道家所忌陳平所識陰謀而害人者耶至於浮圖氏託大義以承嗣而能世廣其構至於不朽賢於陰謀者遠矣其可書也遂誌其世云

南嶽雲峯山景德寺記

雲峯者南嶽五峯之一也昔大禹登祭此山得金簡玉字治水之要故有禹之行宮科斗古碑時有見者

遂名其溪曰禹溪梁天監二年即其行宮荆寺仍錫近田以資僧食以巖棲谷隱之士世所以推而重之者謂其輕去軒冕疎外聲利以全其高者也矧以釋氏之諦離蘊去著出生死海以全其性豈獨脫囂埃易去就而已哉自梁已降代有奇人簡文帝大寶中有法政禪師身長八尺布衣一食獨宿樹下虎兇圍繞每一入定輒經累月忽一日風雷震樹見神人具衣冠端笏而前曰此宜立壇度人師諾之遂奏置甘露戒壇度僧五萬基址存焉陳有高僧惠勇脩心於此六十餘年群虎旦夕侍衛隋有高僧善伏習禪智

武安集卷八

五

三昧通宿命亦能入定一月乃起常念幽途多苦飢渴乃呪食冥飼焉太宗朝有高僧義本博通經律于史百家無不覽者內外學徒順風庭謁至則開納深得人望無疾坐亡葬于南嶺有雙鶴悲鳴遶塔三年而去至廣順中寺主僧啓仁被訴階法籍沒在土皇朝建隆元年楚文昭王馬氏請而復之爾後甲乙承襲始景德中改為禪刹命僧智吉演法領衆其事上白遂以年名賜今額焉自智吉之後曰希順智宣懷荀三世相承矣慶曆未僉議請今長老純正紹隆法席正師成都人俗姓李天聖中遍叅知識深達心要

荐居嶽麓之法潤寧鄉之善果及今居雲峰凡三遷  
法慈皆當世名公今相國劉公資政孫公致仕貳卿  
劉公而下十餘公署既而請之所至緇徒雲集且夫  
無生之說用達於根本有為之果蓋勗於精進故悲  
智異途而同歸濟度福慧殊報而俱出薰脩所以學  
心之徒聞言而得要慕教之士觀相而生恭隨其機  
緣示以開入絲是提唱之餘極力營葺塔廟之制華  
梵相參扶土而為像度材而構厦壹用常均不侈不  
陋七年中為屋三百餘間至于懸解莊有舍所至歸  
又五十餘間自率感歲儲不外于於擅施此又人之  
難能也以孫公與其嘗同南任之役又都官黃君稟嶽  
之秀而聯郡之務故致書求記因不克讓而記其世  
次云至和二年六月日記

南嶽山雲峯景德禪寺重脩佛殿記

佛者號為天人師故像飾以金屋為之殿極尊崇也  
天子五嶽維南曰衡邦之巨鎮地多勝境藝林構室  
梵刹相望據五峯之正勢而旁羅禹迹密通洞天者  
有雲峯焉晉宋之間名僧繼起隋唐而下世有其人  
迨于先朝始啓禪席相國劉公之守長沙也以莫徠  
之梗當全才之選旌麾所指巢穴皆空仁翔封畛威

武彙卷八

三

武彙卷八

八

軼聚落武功既成民斯安堵於是禮名士延高僧外  
脩禮法之要中談空性之本長老純正嘗前席者既  
而從蒞方鎮尹正神都入參朝政遂服公衮直亮嘉  
謀弼諧元化天下蒙福固為多矣第以湘衡舊治古  
先靈迹嶽山之下景德為最乃奏紫方袍以錫正師  
復捐俸金以崇像殿初正師之居是寺也量歲之入  
約其用而蓄其餘募良工伐備材相厥棟宇墮者完  
之故者新之越十稔其堂皇庶序庫樓寮閣鼎盛者  
幾五百楹惟茲殿制締構猶缺得相君之教而備焉  
以恭謝改元之秋而圖厥始迨明年冬乃克成之相  
君之志匪以施財而徼福蓋崇乎外護也茲為之說  
蓋欲瞻像而起信匪徇乎繁飾也其幸守茲土且辱  
相君之舊及殿成純正以狀來白遂誌其歲月云嘉  
祐二年十二月日記

韶州月華禪師壽塔銘

月華山西堂琳禪師曲江都渚人姓鄧氏少學儒能  
談王霸大畧已而學佛以誦經披剃乃遊方猶以詩  
名往來江淮間博覽廣記推為文章僧參洞山自寶  
禪師寶於江南為禪宗叢林無出其右者見師以大  
心器之遂以心印付焉息機南還結庵於舊山之北

曰白蓮學者聞其名自遠至者無算州以衆狀請出世師遁于大洞累月衆叩不已罷勉從之師既鄉邦之望遠邇信向厚有餘糧人有餘力棟宇時構樹執日廣江山清曠甲於州域由是搢紳縉素途經江滸無不藏舟造室耳高論自嘉致人人自得而還四方衲子奔走于路達心要去為人師者數十人晚年避喧退居西堂衆思其道郡以疏請復恢禪旨者三焉寶林山者六祖古道場也詔擇名德錫殊名命服以居之漕臺以師為舉堅辭不行乃即庵自號壽藏曰吾當歸骨於此既而曰生平交遊之厚者安道子元

金溪集卷八

九

而已遂以書來云願以銘誌諉吾執僕以從官執掌學殖荒落嘗評古人之言曰志意脩則驕富貴道義重則輕王公謂道義內充志意不屈於王公之尊富貴之勢不能動其心也此理誠高猶是介者之談耳學於大樵氏者道以性通志非外徇止觀無著空有俱忘生死不能汨其真况富貴乎鬼神不能窺其迹况王公乎師之行高乎哉不可歧已乃為銘曰  
湛然性相本無為涉于形器有時隨他年幻質  
此于歸嘗言無佛良遺有知

廬山棲賢寶覺禪院石浴室記

大樵氏之為教也即空無著之謂性攝心自持之謂脩植因成果之說所以道迷也施財獲福之論所以破貪也茲道坦明各隨所證自像法東披諸華嚮風塔廟莊嚴徧我國土凡所經始人皆樂成者非它也彼既未悟於心姑欲弛貪而出迷當有導師掖而趨善使其然也棲賢寺新成石浴室募衆而植因也浴室在寺之西南隅寺在廬山之陽山在潯陽郡之左郡在大江之陰山川佳麗棟宇輪奐梵刹廢興則寺記存焉寺之始創于齊盛于唐賜名于皇朝居之者不以昭穆伯仲相繼自智常至澄謔皆海內有名高

金溪集卷八

十

僧統其衆故建刹啓基布金流銀日月天宮瑤瑤地界霞鮮翼張翕施相照唯茲溫浴屋老不支一日澄謔言於衆曰六時讚唱當務潔齋若塵垢未除則七福何聚欲求精進比丘備其七物不亦善乎時則有浙僧希昱能湛行為上首願集其事用因緣相一唱而就募得緡錢二百萬鑿山築基龍石構堂仍市美材續成外室凡十一楹其浣濯之所蘇膏之罷罔不具焉自天禧庚申歲矢謀至乾興政元之初用浮圖獲法飯僧以讚其成壬申歲昱師會其於豫章求文而誌之噫佛之性也開示悟人各有所因則知昱

湛二開士當於水因悟最上乘入三摩地豈獨使洗滌前塵除去七病而已哉按十誦律云昔舍利弗隆暑行化執惱所著有灌園者澆餘之水請以爲浴此人獲報生切利天由是觀之同捐貨財成此浴具功又勝彼如佛所說其獲福報可思量哉其靡麗宏壯則簡而不書聊記歲時而已

韶州曹溪寶林山南華禪寺重修法堂記

孟子曰聖人者百世之師也蓋至聖之道高深廣博百世而下遺烈猶存賢者襲其規模學者窺其戶牖此其所以日鑽歲仰歸之無窮者也然而道之大者

武溪集卷八

十一

必久而後隆事之美者不一而能具昔者六祖大鑒禪師初傳信器歸隱海嶠混迹弋獵艱難備嘗及其建梵宮登師座敷陳真覺開導人天其亦勤矣滅度以來四百餘載雖千燈繼照光徧河沙而布金遺址筌蹄寂寞向非睿哲當天英材接迹講求世務餘力佛乘曷能恢復宗風以續先軌者哉天禧四年前轉運使起居舍人陳絳上言曹溪演法之地四方瞻仰歲入至豐僧徒至衆主者不能均濟率多侵牟乞於名山僉選宿德俾其舉揚宗旨招來學徒制詔曰可於是南陽賜紫僧普遂首膺是命註獻皇太后今皇

帝親遣中貴人詣山迎致信衣禁闈瞻禮遂師得於便座召對移刻陞辭之日賜號智度禪師錫以藏經供器金帛等當時恩顧莫與爲比歸作衣樓藏殿以示光寵餘亦未遑開緝也遂師即示中旨付荆湖南路博訪高僧今長老緣師自南嶽雲臺山再當是選紹光正念宣揚了義居者蒙潤來者如歸乃擊鐘而謀曰嗣其業者爲之子也誨於人者爲之師也子之克劬然後起家師之不嚴何以尊道此世教之所以壯堂構也日月暗墻壅戶通因分別以見塵緣視頑虛而識空性此梵刹之所以崇堂宇也由是蓄美

武溪集卷八

十二

餘廣購募窮山跨谷以求棟幹殫能極藝以召匠碩協定星之期觀大壯之象材得以呈其美工得以肆其巧計廣以席度深以筵外像祇陲之居中施師子之座尋聲至者圍立於前如渴飲河滿腹而去嗟乎聖不世出故微言易絕昔仲尼生於鄒魯去世未久而揚墨申韓各就其術爲異同之論以戕賊教化所賴荀孟大儒開陳仁義然後君臣上下大倫以篤夫子之道不絕如線况其遠者乎如來生於西域萬里之外寂滅千歲教乃東被而語皆重譯書不同文故翻經著論得以紛綸其說昏遇迷妄貪着福報淪家

耗國棄實益權亦賴諸祖以實際理地密相付囑然後知佛不外求見於自性造惡脩善俱同妄作所以遣空破有不陷和觀者宗乘維持之力也不然者天下整整奔走有為之果何能已乎初太鑒以諸佛大法眼藏傳清源思傳石頭遷如是展轉相傳至今長老緣師為十世矣佛教之來中國也達摩最後諸祖出世各分宗派而曹溪之胄最衆乃知道在乎要不在于乎先後矣緣師興元南鄭人本府出家受具得大乘之要於漢東祚師遂振錫至于南嶽郡將却伯悉飲其名乃於唐興南臺雲蓋三啓禪師稱為嶽中之

武溪集卷八

三

冠及被朝旨乃充歸紹本統而肯其基構六祖之道由是中興矣前所謂必久而隆不壹而具者有待而然也緣師狀其事請辭斬金石以圖不朽且予里閭所託故於辭為備云康定二年十二月日記

南安軍興福院慈氏觀音堂閣碑銘

上古聖人以中道御物及於經制然後濟之以權西方之教以大權誘俗涉其津涯然後受之於道西教所以浸淫國土千載彌盛者以其權勝者也且復巧於方便起人信心其言過去未來禍福環轉顯作而冥報習異則業殊故有大人之樂諸趣之苦蓋所以

警貪癡悟顛倒也又所說諸佛菩薩世界名號咸表行而著稱見名而知證河沙筭數不能窮盡獨以慈悲願力推賢文殊普賢觀音彌勒四菩薩能入生死海中極度群有同佛智見登佛果位超然於無學之徒為其上首觀音以甚深般若克證圓通彌勒以最初三昧故名慈氏或自在神力能施無畏使大千衆生免諸苦惱或一生補處受記成佛與百億天子同其安穩由是贊歎獲福瞻仰蒙祐聞名而不墮金剛繫念而成生兜率者在經具流為善談華都夷聚罔不歸向捐貨竭哀靡所慳吝雖事存視聽之表難以

武溪集卷八

十四

實求紛起是非之端或生異論然而信心所啓不謀同聽先已膠固於中矣南安軍浮石院者江南李氏保大年中間僧行高結庵之地也振錫雲遊樂茲奇勝剪荆山麓以下終焉麻麥僅充風雨終庇百年過隙八世相承皆卷道窟整休心息跡者耳今住持智應祥符年中乃結前緒以謂獨覺小善皆聲聞之果洪頤普濟寔如來之乘况今天下至大含生至衆十室之邑必有塔廟以奉薄伽之遺像一刹所建必擬溪山以先邑落之勝處欽崇雖廣廢興在人不可莊嚴何以示教不有凜募誰能同心當勤攝受共令成

熱遂傾私褚得錢十萬命工計費作為層構上之為閣下之為堂其上望慈氏菩薩擬天宮次補樓閣重重之體其下為觀自在菩薩肖寶陀海岸人龍隱見之狀皆以大悲含物萬行利生大願堅固佛所稱歎將舉教以勸脩俾見像而思果者矣散召檀施共樹福田群言響答量力出資堂皇門序四軒環合且是院也楚嶺之通衢章江之上津前瞰回波却視層阜脩篁叢布粉解王立真物外之絕境也香火之緣泉石之樂居然兩適矣工既畢遣介齋書乞銘旌其遠誠乃銘曰

武陵集卷八

七

章江之源 楚嶺之阨 粵有名藍 字之得石

開榛百年 制度備然 今得其傳 規模乃全

廣示慈力 衆所悲仰 三十二應 觀音之像

脫門空濶 願海深淵 利益世間 慈氏之心

睟容並列 遺芳克振 庶幾耒耜 虔恭起信

實義難窮 權言易從 遠惡鍊善 繫權之功

潭州興化禪寺新鑄鐘記

金鼓所以警衆也衆之攸居非夫疾譟大呼安能齊一必以聲宏碩而遠聞者為其節焉京洛之制脾脫置鐘節昏曉也舍衛之法衆集撞鐘節進退也則知

鐘之為用尚矣興化禪寺唐景福中所建其營造之因景物之美則寺記存焉國家承天立極四聖統日月所照罔不丕冒民去兵火之厄將百年矣由是僧徒之博識雄辨者得以佛事率道其間故其金壁莊嚴之像梗柁輪奐之室日完月擘時興歲廣不得不益壯而增華也九百供罷還視初制豈不狹小哉鍾之當易宜矣本朝銅禁尤嚴私無銖蓄僧坊道具官為製而給之惟鍾之巨則許入金而賦銅焉長老僧紹銑以易鍾事聞州內閣劉公為之上白朝自從之迺募信士得豫章朱氏捨錢二百萬為檀施之首

武陵集卷八

七

衆遂響從購良冶于餘杭積勞數千工用鳧氏之劑事皆素練以恭謝改元之明年正月三日鼓鑄於寺之東隅群僧讚咀以俟其成鄉坊士女捐金錢以助其緣自寅訖已一鼓而就越三月陞之重屋會闔郡僧俗食而擊之聲聞數十里真招提之壯觀也自鎔範及考擊之始予與群官偕往視之既嘉其工之巧而賞之仍鑄名于鈺銑之間紹銑又伐石乞詞以誌歲時嘉祐二年四月日

武陵集卷第八終

武溪集卷第九

工部尚書充集賢院學士贈尚書左僕射累贈少師謚襄公余靖

寺記下

東京左街永興華嚴禪院記

韶州善化院記

惠州開元寺記

韶州月華山花界寺傳法住持記

韶州光運寺重脩證真照寂大師塔銘

韶州南華寺慈濟大師壽塔銘

武溪集卷九

筠州洞山普利禪院傳法記

惠州羅浮山延祥寺記

循州新脩白雲山普安寺記

袁州仰山齊長老壽塔銘

潭州太平興國寺戒壇記

東京左街永興華嚴禪院記

上都華嚴禪院者故崇儀使文州刺史岑君所創也岑君諱守忠早侍兩宮屢使于外欣慕禪學遂發洪願天聖五年布金易地于國城之東始建精舍以待什方緇旅明年上賜錢俾之構堂以安清眾而後架

具焉章獻皇太后崇其閑閣而鍾梵全焉后以資福院燒香鍾賜之

章惠皇太后益其度閣而厨庫備焉越明年賜額為

永興華嚴禪院隸于左街歲度僧二人仍令長老住

持年逾一紀三易其人而瓶孟弗駐棟宇弗完康定

元年乃請今明悟禪師主其禪席師名道隆潮州海

陽人俗姓黃氏得心印於汝州璉禪師衆推通悟迺

膺僉請輦轂之下領袖攸矚道眼既具衆心悅從來

者如歸戶外之履滿矣購募檀信日加營緝演法有

堂安像有殿紺宇宏壯寺制恢焉接物利人開益既

廣鵲然德譽升聞帝聰慶曆二年初賜重陽頌師

武溪集卷九

即箋注進呈上覽之大悅特賜紫方袍以寵之繇是

御書偈頌提綱語句動盈卷軸師悉箋而誦之聖睠

益厚後三年復賜大乘頌師亦箋釋和進上愈嘉之

賜號圓明大師初岑君於錢塘雕造廬舍那佛文殊

普賢等像布而漆之工未半而不祿伍氏淪廢者六

年師乃親詣餘杭用錢三百萬命工畢其裝繪舟梳

而歸師既還闕上撫問錫賚頗優厚累賜御頌御

書金帛香藥等頗詔入化城殿昇座說法咫尺天顏

激揚宗要拜賜筆硯令進禪頌仍賜御籩衣物飛帛

書等就大相國寺西廡賜解院一區以為朝宿之



地尋以聖藻宸翰溢於居室因構閣以藏焉示不敢  
甄近也因賜瑠璃瓦覆之并賜御飛帛書額曰龍奎  
之閣歲別度僧一名恩禮加異緇素榮之凡募緣成  
者由兩序而鍾臺經閣峙焉方丈之室謹宴申也看  
經之堂勵勤修也異其庫司慎揀請也儼其温浴尚消  
潔也僧坊供具罔不輯焉其外則敞車院列儼舍資  
之給衆咸有規畫至和元年內出水陸畫像五百餘  
軸賜之迺即西北隅初造堂為供設之所再蒙御飛  
帛書賜名洪濟之殿宣中使押左右街僧道威儀教  
坊鈞容班樂輦卒衛兵奉迎至院嘉祐二年特勅加

金溪集卷九

三

四百五十八

賜明悟禪師之號恩無出其右者師以為信之所起  
必始於莊嚴故不憚於有為也理之所通必去其攀  
緣當遺照而無著也乃具表辭免不入城闕于今一  
紀矣叢林之衆至者不下數百所度弟子百餘人賜  
命服摠禪衆者三十餘人於戲非岑君之崇尚佛事  
無以創其基非禪師之恢宏宗旨無以廣其制自國  
朝已來以田衣見上者趨皇闈瞻黼袞則有之矣至  
若對萬乘昇高坐談性相之實指佛祖之心無如禪  
師之比者其幾解聖作訓繼宸章間發言機直趨覺  
路宜乎嗟賚之頻煩也而又高謝紛華超出名相冥

心息跡歸於無事真佛法之摠持禪門之體用也可  
記也哉嘉祐四年十二月日記

韶州善化院記

仲尼居魯而儒學之風隆於洙泗秦皇好兵而將帥  
之材出於山西六祖開化曹溪而塔廟之興布於曲  
江蓋聖賢特出薰而炙之故歧高慕遠者與習俱盛  
也韶州生齒登黃籍也三萬一千戶削髮隸祠曹者  
三千七百名建刹為精舍者四百餘區豈非祖風宏  
扇人心偃順而欽崇者夥乎卿曰豐樂里曰長容北  
出州治三十里而迺有院曰善化唐朝舊額也五代

金溪集卷九

四

兵火之後其名僅存雍熙二年始有草茅之室檀越  
列名請袁州僧皓隆主其熏修迄至道中隆師示寂  
上足紹緣尸承厥位緣師袁姓亦分宜人弱歲隨隆  
來及其卒而嗣焉初院在山椒垣墳隘陋自景德初  
年緣師乃經始寬平而徙其基揭舊名而署之募資  
購材斧斤不絕至天禧之末而考室凡十八年間乃  
得環合立鳴而名殿以安其像度筵而築堂以崇其  
法重樓而擊鐘以庶乎息苦連牀而會食以示其容  
衆至於度閣之司春炊之所折衷豐約罔不具焉清  
溪如帶繚繞前左長梁下巨虛亭上覆徒倚軒檻可

以優遊真塵外之喜致也又嘗於雍熙至道間悉委瓶盂羨餘市東臯之田以具饘粥於戲能創其基者父之事也能繼其志者子之力也文王無憂於其國以王季為之父也臧孫有後於其家以哀伯為之子也浮屠氏託大義於父子而本非骨肉之愛乃能恢崇堂構以昭前人之光又能捐其蓄積而易田產以貽後世之利此其可書以垂勸也彼滔滔然趨走權貴之門窺伺常住以圖割削用實私橐者視師之績得無愧乎以其嘗帖職於修書之殿俾詞其實以示亡窮既嘉之因不復讓康定元年九月日記

武溪集卷九

五

惠州開元寺記

自漢迄今僅千祀天下郡國之勝遊雲泉之絕境精廬居之迨且偏矣蓋名僧高士無世無之或潛光丘壑洗心閒曠山林所以棲息或應現度人隨機示化國邑之所歸仰日聯歲續人去迹存此乃鍾梵相聞不為多矣有唐開元天子號令翔于四海每為新制以自張大乃命祠曹州釋一最勝寺易以年名冠之俾後世知聲教之廣被也故天下寺以開元名者必基窳塔據形便祠宇最壯像設最嚴綱維最親而不苟制度最古而有序惠州治城之南二里則所謂最

勝之寺也古者邑而未郡山猶林莽虎狼宅之肆害民里東漢之末有僧曰文簡掛錫棲此猛獸馴伏因為伏虎臺云郡本百越之地漢隸南海晉為東營郡晉武帝咸寧元年太社青氣厲天占者云東營有帝王之祥於是惠管王佑徙封瑯琊是歲明帝始生佑即其祖中興纂紹實啓祥應於此建利錫名龍興隋文帝削平江左南北一統因得西域舍利偏置名山俾築塔而藏之又改曰舍利道場至開元十八年乃賜今號奉安睿宗皇帝御容至今存焉茲寺重崗複阜隱映巖谷長溪帶盤湖光相照探幽賞異一郡

武溪集卷九

六

之絕故累朝詔擇名藍錫以嘉號而常在其選郡廷精棟經論名德署為僧職以摠領紂衣亦多其人乃知其名實不相浮矣咸平三年以鬱攸之災悉為煨燼不有廢也其何以興於是即其舊基沿同革異或出自私楮或募於檀信凡為棟宇若干間堂殿若干所扶土設色肖像而爭勤捐金弛具不謀而同力禪徒律學各有攸居初寺之名舍利道場也有石刻以誌其本末崑崗之焚字無完點及其再造四十餘年矣遺緇故老存亡相半陵谷之變將無紀焉以其堂登東壁之府倦遊而歸僉來乞詞以為後觀由是詢

邦誌採者言筆之於石以備遺逸康定二年龍集辛巳六月日記

韶州月華山花界寺傳法住持記

人之大倫在乎三本父者生之君者治之師者教之父子天性至親而不易君臣同體至一而不可擇惟師則不然去就之分視德之輕重故無位而尊無賞而歸者道之所在云耳子夏之居西河康成之處北海傳經著錄不異洙泗豈有賢之者哉金僊之教被于中國自漢至梁踰五百祀但以崇塔廟勤香火爲事耳及心法西來百年之間傳至大鑒而法斯溥矣

金溪集卷九

七

月華山者招提惠朗禪師演法之地也招提視大鑒猶曾祖父也大鑒門人高第者廬陵思衡岳讓讓傳大寂居江西世呼馬祖是也思傳希遷居南岳之石頭建中正元間方袍之學心者江衡千里道路如絨亦西河北海之風也石頭之入室者有大小朗招提爲大朗以其不出招提三十年故號招提朗焉其門人劉軻爲之碑甚詳云朗曲江人俗姓歐陽氏年十三於州御林寺出家二十於岳寺受戒既而曰戒豈律我哉乃往龔公謂大寂得佛無知見之說遂歸于岳書探井曰之役夜與其徒發坵幽鑿石頭卽世終

喪乃去正元十一年將遊羅浮途次曲江之都渚乃

曰茲地清氣盤鬱亦足以棲神矣遂駐錫居之四方學者尋聲而至無虛日矣招提既沒衆散而寺亦榛廢其後百餘歲當劉氏稱漢於南海也有實智禪僧清真者自範金銅羅漢像十八軀進獻劉主中宗因得延見引問之際器識高遠劉主乃於碧玉殿備浮圖氏威儀俾真升正座說法其主自處西嚮聽之仍俾奉羅漢像自銓勝地以圖熏修乃卽招提故基置寺以國命賜名龕其像至今存焉實以癸亥年來至壬申爲亂兵所害其徒光政繼主其院三十年真宗

金溪集卷九

八

皇帝卽位改元之歲賜寺額曰花界四年光政因衆命以院讓道尋再爲什方居傳八世至今長老琳公景祐元年以州命而尸之自正元十一年至是歲凡二百四十三年自招提至琳公凡十二代以其屬自相傳不敢處師座者五餘則以國命州命衆命凡有所宗者七世焉然而學徒或來或不來所謂去就之分視德之輕重也琳生曲江都渚節姓祥符初寺爲外火所延一瓦無完琳公時在徒第中與知事輩戮力營營既而歎曰識心達本是謂沙門何泥於有爲耶乃優游江淮徧參師席初博通內外典攻詩屬文

所至推為文章僧尋復悔曰多聞亦病耳遂諱作詞  
章洞山自寶禪師見之曰此大乘器也既印其心又  
欲以院讓之再讓皆不受還曲江於方山結庵而居  
今所謂白蓮庵也漕使鄭公載疏名以請之再辭不  
免升座而學人四至完舊創新無物不具植茶樹果給  
衆皆餘此又餘力於有為也因書其始末云年月日記

韶州光運寺重修證真照寂大師塔銘

世稱佛為浮圖氏蓋即其塔而名之釋迦在世說法  
時云有過去多寶佛塔從地踊出則知塔之名制尚  
矣所以嚴事古佛之道也佛去世後舍利之塔偏于

金鑑卷九

九

大千祖師西來全身之塔布在中土且夫氣聚而形  
全神散而躰壞有生之同患也佛以自在冥其心故  
湛而常寂以定力持其身故沒而不朽此其所以示  
至虛無著之性成金剛堅固之躰者歟何其千百年  
間造化寒暑不能奪而變之耶光運寺塔者奉安照  
寂大師坐亡之全身也大師柳入朱姓諱道廣真性  
等空大慈利物願力深廣存亡以之含識蒙其潤澤  
故歸仰亡替唐天寶二年禪坐而終門人瘞而異香  
滿室乃奉其全躰覆以香泥龕而藏之建塔于寺歲  
或大旱民往誠請則獲嘉澍如遠壑之應聲也是寺

以隋初建刹故名仁壽臺及大師居之世呼廣和尚  
院至廣明中刺史謝公惡其斥賢者之號遂以年名  
加之曰廣明院劉氏專制南海謚大師曰輔聖又命  
其塔曰寶元寺曰光運每歲同六祖真容並以龍舟  
迎至廣內又益其謚曰證真照寂焉開寶中王師既  
克廣州遂遷其卒于京師不樂北遷者相率為叛寺  
塔罹鬱攸之禍而粹容獨存厥後雖構緝遺宇力不  
足而屋之天禧初寺僧嘗欲募衆興復茲塔始基之  
而不克締構二十餘年風墮雨蠹棟幹斯壞曲江素  
號山川奇秀而復熏以南宗之風由是占形勝依邑

金鑑卷九

十

落而樹刹構舍為精廬者差倍他境緇衣之徒渡江  
而來不之衡廬則之曹溪故其挈瓶錫動道路探幽  
深者亦差衆諸部郡人根性好善者復以談空樂施  
為勝其緇徒之守戒行興佛事了宗乘者各以其  
氣相親今天子以寶元受冊之明年郡郭老且壽等列  
名請晉康郡僧德誠南康郡僧智潤共主營造之事  
誠潤二開士遊方十餘歲常以率導喜捨所至開信  
既允衆誠四方聞義樂出財貨唯恐在後凡為塔三  
級藻井黼帳綵柱繪梁屬簷之上響以金鈴綵疏之  
外周以廡序越一歲而工畢其告成也乞詞書之手

觀大師石刻行狀云持孟所得同一器先飼貧病  
然始自食均以精麩等其豐鮮又曰吾食於人得不  
同病於是感通致雨以救歲旱集是二美推之於仁  
義之途則克博施高行君子何以尚之豈獨以佛事  
為伎乎因序而銘之不憚煩以示于後人

施無貴賤飯先貧病慈悲普濟十地齊聖仰食於人  
即同其憂言行相副千古揚休性如虛空無住無去  
容儼然金剛堅固黼座照日寶鐸鳴風深誠感眾開  
士之功

韶州南華寺慈濟大師壽塔銘

金溪集卷九

二

天下伽藍以夏臘繼承自相統率者蓋萬數焉由郡  
縣之令選於州鄉以領其徒者且千數其名山福地  
奉朝廷之命擇於叢林以闡其教者無數十焉菩提  
達磨心法東傳以衣為證止於大鑿故曹溪之比又  
加少焉今皇帝嗣統之初地奉母儀內助之慈尊釋  
氏西來之教詔於衡廬擇人紹隆祖席僉曰當今雄  
辯通識無踰雲蓋禪師者湖南按察使即以名聞詔  
賜命服師號以寵之俾擇名僧自佐禪師名寶緣興  
元人遊方至隨州參智門禪師作投針契理得免忘  
言以心印心不煩機接遂為之嗣即雲門之嫡也尋

領眾居唐興南臺雲蓋皆南岳之名藍也點空破有

不涉名相臨鋒迅發直示宗乘諸方稱伏謂之禪窟  
故詔旨求人無敢先者駐錫茲山殆將逾紀一音演  
說四方流布眾中得法而去者多為人師其機緣語  
句門人各著序錄此不復記教門崇建規制鼎新可  
謂祖堂中興矣既而歎曰嘻止矣佛言世間出世間  
法備矣山河大地有時而盡況於人乎雖性空無著  
體質當有所歸愚夫以死為諱小乘以涅槃為樂皆  
非中道吾其自營壽藏以安時處順可乎旁鑿鑿道  
上為宰堵在寺之西南二里而遙因僧惠實鑿石乞

金溪集卷九

二

銘以誌之其銘曰

拘士煩思以身為累達人靜觀如幻之寄花葉盛衰  
根性不隳見聞覺知豈藏於斯

筠州洞山普利禪院傳法記

近世分禪律為二學其所居之長禪以德律以親而  
授之以德者選於眾而歸之者亦眾夫言德者非世  
所謂德也以其等空妄超漸次出死生可以為天人  
師者耳故祖祖孫孫稱佛嗣焉筠之望山曰新豐洞  
有佛剎曰普利禪院唐咸通中悟本大師始翦荆而  
居之悟本得心印於藥山儼儼得於雲巖晟晟得於

石頭遷遷得於青原思思得於曹溪能是為六祖自  
釋迦如來二十九世而至達摩傳中國五世而至曹  
溪又五世而至悟本凡三十九世矣及悟本之即世  
也得法而去者道全居中山道慶居青林相繼來嗣  
之悟本又傳曹山寂寂傳道延居鹿頭及道慶卒鹿  
頭又續之鹿頭延卒其門人惠敏襲之惠敏卒嗣和  
尚自淨業來繼之李氏之稱國主也覺海國尊師啓  
大道場於金陵之報恩其嫡曰文坦被黃紙詔書賜  
號大沙門來統之雲門真禪師之上足曰清稟亦奉  
主命來後之稟卒而豫章彥聞因之及彥聞而衰矣

武溪集卷九

三

輒以院付其徒檀越不可乃疏請九峯守詮紹之九  
峯亦本境之名藍也移法席至是山五年復為廬山  
捷賢所請而去詮傳曲江曉聰傳合淝自寶賢又  
傳曲江監遷繩繩興之寶師得法於黃梅聰與遷皆  
雲門之嗣孫自悟本主遷或絕或承凡十三代詮徙  
棲賢寶徒黃蘗自聰已上皆終焉悟本諱儂价越州  
諸暨人姓俞氏年十二師事五洩二十一受具於嵩  
山睿律師慕南宗之學南遊江相得雲巖而事之終其  
身畢喪而後去遇武宗之詔遂民服隱於箕州及宣  
皇御宇乃復僧儀南至高安之所豐洞邑夏雷嶽

之山也見其泉石幽奇乃曰此大乘所居之地言於  
雷氏雷氏施之初山多地虎師庵居一宿地虎盡去  
至今山無虎焉留居十八年名聲四傳來學者五百  
餘衆坐談立悟虛來實去者不可勝數名聞京師天  
子賜咸通廣福寺額并一鍾焉尋以咸通十年三月  
順世光期其日期至而去徒衆環泣師瞑而復覺曰  
心無所依是真修行何有悲喜勿驚吾也復令為齋  
七日乃具師食訖沐浴安坐歛容而化葬于山之陽  
勅謚悟本大師塔曰惠覺之塔師能攻苦率衆衣無  
絲卧無褥爐無炭室無燭故後世以簡約相承焉集

武溪集卷九

十四

大乘經要一卷行于世中山全姓宣氏常州人以其  
嘗居雋水之中山故號中山和尚中和二年鎮南節  
度使鍾傳實召以來景福二年避寇於分寧制置戴  
尚書迎居龍安院明年坐亡於龍安歸葬寺之東青  
林爰姓陳氏杭州餘杭人初謁悟本悟本曰此子向  
後走殺天下人廣初抵南鄭遇賊巢之亂駕幸梁洋  
時有中貴人姓第五者見師瞻視良久曰此是法王  
非同龍象也自漢東之青林亦鍾鎮南召之天祐元  
年滅度門人錄其語三百節為玄機示誨集鹿頭延  
姓劉氏福州長樂人江南武義二年自鹿頭至凡三

年而示寂全身瘞于寺南賜謚洪果大師塔曰惠光之塔敏姓李氏蜀之華陽人從洪果來及其終而代焉保大六年遷化嗣姓周氏同郡高安人金陵召見深加信重乾德二年順寂塔于惠光之北坦姓吳氏建州建陽人李主以其國命命之凡四年而終稟姓李氏泉州仙遊人李主召入澄心堂集諸方語要凡十年又俾來繼坦焉彥聞以疾而間其位故衰凡三年而卒詮金陵人自九峯來居五年大壯其棟宇而新之既赴棲賢之請以首座聰囑檀那及其眾衆從之請於州州從之聰姓杜氏大中祥符三年實應是

金溪集卷九

十五

命於山之東北手植松可萬株凡植一株坐誦金剛經一卷常自稱栽松比丘今號其地為金剛嶺云聰臨終而讓寶如聰之始聰之終也遺誠於其眾無服衰經哭泣弔慰一切絕之其寺之再興也詮始緝之聰又能經緯至寶而紀綱大備焉寶姓吳氏開堂十六年未嘗出院門自江湖之南及嶺之南二十餘州聞其名者歲奉錢共數十萬以供其堂其為人信向如此亦種杉萬株皆手自培斲同郡有黃檗山某院唐裴丞相休之功德院也歲入豐而主者侵牟之衆食不足思有德者為之長景祐四年自太守而下列

名請其行又俾其自擇人而付之得遷焉居黃檗未十日四方至者僅百人蓋其道可師者邪遷姓某氏亦能守寶之規而不敢加焉其上書失職來是郡得其傳法之次叙而記之景祐五年龍集戊寅正月日記

惠州羅浮山延祥寺記

名山大川方域之鎮必藉異人以光其圖謀達才通識稠衆之表必託有為以播其績用二羨胥副今為難羅浮山者越之望也蓬萊一峯堯波所蕩附麗於此水經之恠錄也良常諸洞吳郊之秀岫穴相通真受之秘談也曰浮屠西來蔓延中國塔廟嚴飾徧宅

金溪集卷九

十六

形勝茲山精藍十餘而延祥之基最古梁朝有頭陀僧景泰不知何許人薙草屋之號焉朝遊南海暮宿羅浮大同中始建寺額以其峯頂二石望之如樓布金所居適在南峯之下故以南樓命之唐開元二十六年西域僧乾未多羅以鐵肖釋迦真像浮海而去番禺天寶二年中貴人何行成以祠事將命遂迎其像置山歸以珎柑入貢因得御署其門曰延祥之寺仍開明月戒壇于寺之右凡嶺之南落髮壞衣者悉受具于此武宗朝例削其籍咸通恢復而地歸中閣別揭南樓之名于山之西延祥再造苦晚故久不競

然亦不敢父子私自相傳必擇什方名德尸之以俟  
來學初鐵像之來也扶土以具其四體及祥符初住  
持僧彥課乃購金雇工易之以鐵而像始完彥課卒  
州以輿議請今長老雲達紹隆禪席達師桂州陽朔  
人幼聰悟師事同郡禪師既削髮即遊方至筠州  
洞山寶禪師付以大乘之要既而曰生本無物何有  
本卿悟在於心豈須戲論遂優遊南行至于海上有  
黃龍洞者山靈絕境人迹罕到可以逃聲名去思慮  
於是結茅而居期於自得而已俄而學徒推戴以登  
師座既尸其徒則專其憂括囊而來者居於我平安

金溪集卷九

七

持盂而求者食於我乎仰於是募信心以施其財召  
匠指以利其器審高卑面平曠鑿戶牖陶甃甃取於  
堅完不務華麗日廩歲資悉得其度康定元年達公  
自袖其狀至于曲江俾予書之歸為福地之識明年  
予因經途詣山於其南得張摯之碑而知其名之始  
于其側見明月之壇而知其制之古于其堂聞達師  
之問答而知其言之當乃曰道如是書之無愧詞康  
定二年六月日記

循州新脩白雲山普安寺記

大雄氏之教也國無中邊俗無同異人無耆幼士無

愚智聞其名氏率用信向非役而隨非威而濟苟有  
喝導亡不響答萬家之都十室之鄙必立塔廟以寄  
瞻仰誰其尸之選在賢者稽其類拔其萃推之於眾  
無虛授焉龍川郡者漢之名部越之沃野地近魚鹽  
之饒士多江海之樂故其資奉易足而德慝易勸且  
浮圖之道也俾人出貪網斷愛縛守淨默慎熏染廣  
方便重誠海俗所以聞聲而樂從者以捨惡徑而趣  
善途也古有蘭若曰普安居于城之西隅州人之所  
崇植也天禧中遇鬱攸之災煨燼無餘惟老釋曰智  
珣相土於閑曠之野得白雲山焉掘地數尺有古石

金溪集卷九

七

四百五

像七十餘軀亦精廬之故墓也始鳩工而珣即世州  
將籲眾以今住持僧德廣承其基焉鵠其屋以藏像  
視其座以存法列甬而烹以示均擊鍾而食以來眾  
皆古之制也尺椽片瓦力所收焉茂材修幹手所植  
焉嗚呼今夫士庶百族以天性之篤血食之重鮮克  
數世恢隆丕烈者亡他術焉睽於親耳浮圖氏則不  
然邑擇於邑鄉擇於鄉超登其良以紹耿光繇世而  
益昌者此其所長也廣師本郡人張姓受業於聖壽  
寺受具於南海之祖壇出繼珣師於白雲山擇其良  
也歲在闍茂扞圖踰嶺謁誌攬其實而書之云爾慶



曆六年七月八日記

袁州仰山齊長老壽塔銘

天下地有形勝境有清曠必建佛刹以為民福蓋自漢明已來像教東被日崇月衍棟宇遂繁及乎心印密傳宗風寔盛通人間出學者雲趨所以名山奧壤必安清衆又常推擇人譽以崇善繼凡寺之興衰衆之多寡繫乎師德之厚薄耳袁州仰山者通智大師之法席也通智諱慧寂曹溪之高孫瀉山之嫡嗣陸丞相云仰山龍縱於江西是也躡履來遊者不下千人於時號為小釋迦學徒之盛諸方莫比殆今長老

袁溪集卷九

十九

智齊十五世矣齊師安州人俗姓某氏徧遊名岳得法於棲賢謁禪師於是息心居廬草三十七歲慶曆中仰山虛坐轉運便齊公廓詢於緇素以師應選三空四病示人以要啐啄之機間不容息或縱或奪至者忘歸住山凡二十年悟而去者亦多矣乃於集雲峯下自為壽藏而種松千株且示世間之法無所染着皆如幻住死生之理無所厭苦皆如夢覺何必語言然後為學惠陽僧智清以其書及其真來且言師之行也如此因其歸以銘寄之

聖凡一性死生一息悟者一言頓超凡域湛然常存

無喪無得千株松下來者之式

潭州太平興國寺新建戒壇記

儒之所先曰行釋之所守曰戒行不修則五常無以立戒不持則萬法無所依故曰行與戒皆所以制惡趨善防非止過之本也西方之教尤為精嚴佛住世時祇樹園中既有立壇結界之制摩騰東至儀軌尚簡出俗之初三歸而已魏正元中始有律師上言戒法宋元嘉已後揚都乃盛甘露之名方等之義隨處建立流布漸廣嶽瀆要會南定長沙衡湘之旁緇流剗染白四羯磨咸隸于茲不得不杜其度也舊有戒

袁溪集卷九

二

壇在明行寺律衆所居薨宇櫛比故於肘量微為隘焉城中寶刹曰太平興國者占上勝福德之地有山居閑寂之趣興化長老紹銑叢林之選四方響信所獨響臻安撫王公俾其新之由是商榷律儀講求教旨宇量既廣壇塔皆成得五印經始之規有四天擁衛之相俾夫受圓具者登降之際知此戒體衆善所生七證嚴肅三業清淨於戲惟善知識常利世間而作種種饒益不輕末學而示以威儀不住無為而長於誘諭非名譽利養之徒所能及也既而俾蜀僧齊芻齋書巧詞嘉其勤修行頓增長成就一切佛事無

有休息可記也矣故書其年月焉

武溪集卷第九

武溪集卷九

三

武溪集卷第十

工部尚書充集賢院學士贈尚書左僕射累贈少師謚襄公余靖

制誥上

秘書丞直史館知諫院蔡襄可右正言

直史館知福州

勅具官某朕纂承洪緒懼德不明博延忠果正直之士列於左右補其不及爾以文雅選在圖書之府而勁正之譽達於予聞故自衆人之中擢居諫諍之列果能蹇蹇匪躬以弼予違而云報國之勤可圖事親之期有限屢形封奏乞便庭闡朕忍以好諫之心而違爾就養之懇是用特遷諫職歸領郡符外則為爾親榮又知朕之不厭直言也乃身雖在外乃心無不在王室爾其勉之可

龍圖閣直學士文彥博可樞密直學士知益州

勅成都古之建國其地險遠其俗富奢機杼纂組號為衣被天下而又西邇印祚南接徼外故常擇近密之臣當撫御之寄具官某外和内敏才周識遠頃者將漕并土民不告勞繇是分之虎符付以戎律兼摠

猶道以撫夷落威信克著號令甚明來者慕其綏懷倍者不敢侵軼二年於是境域以和故宜假其才謀移莅叢蜀遷之美職以示優恩爾其無貪寬厚之名無習苛刻之治謹爾條教休息吾民則得良牧矣往服休命可

龍圖閣直學士左司郎中知并州兼并代

經略明鎬可右諫議大夫

勅國家遣侍從之臣居統率之任蓋俾其外宣戎略下恤民隱庶其臨機制變全師保勝而無遺策也具官某體識沈粹謀慮周密屢委方面而州境以清專督餽運而邊粟以阜唯并汾之要壤控戎索之衝道向擇周才以當重委士卒樂用如倚長城羌胡畏威未嘗近塞雖刁斗不擊而烽候甚明偏裨同綏帶之歡朝廷得高枕之寄嘉爾茂績屬於朕心延登七人之列仍總三軍之令爾其無惰而志無驕而卒使夷落懷附而邊隙不啟則朕之委任有所賴焉虔茲休命可

吏部尚書知亳州夏竦可資政殿大學士勅朕以君臣之義股肱同體進退之際恩意固深厥有誠請實用嘉尚具官某才識通茂智慮周詳嘗登

輔弼之職偏歷內外之任頃以羗戎倍惠關隴宿兵  
遂由喉舌之官付以節旄之寵諒憂職而成疾遽乞  
身而願還是用改以方州遷其舊秩今覽來奏言其  
有瘳更思竹帛之功請就邊防之寄朕方四隅罷役  
二虜講和顧彼壇墠無煩舊老嘉其志尚推以恩榮  
以其其預機衡乃遷此職當體予意往哉惟休可

翰林學士禮部郎中宋祁可吏部郎中

勅朕慎東俊德延登近署典司命令侍從帷幄所以  
宣邦國之大謀訪古今之高議所懷忠實率多規補  
宜增秩序以寵材傑具官某通識照遠人之儀表懿

金溪集卷一 三

文高世學者宗師而自雍容朝闈領袖儒館奉常樂  
志東觀史編執簡撰述厥勤茂焉內閣以對右省更  
直咸推望實充見材美登玉室之署勸金華之講每  
觀通博之論愈知遠大之期集課遷官固有常制羽  
儀之用朕所望焉踐修厥猷往服休命可

鹽鐵副使吏部員外郎魚周詢可天章閣

待制知成德軍

勅中山近胡常山為之唇齒國之屏翰此為衝衢必  
擇全才以兼文武之任具官某體識沉厚謀慮精深  
豈冠彈非則權豪共懼牙籌佐計則財用皆豐且言無

瑕玷動必詳練故且延登內閣之班出領列城之寄  
爾其外修民務內寓軍令召南之風方淑之任其兼  
之矣往哉汝諧可

兵部郎中李宗詠可鹽鐵副使

勅司會之府匪才不居任人之方求舊惟允具官某  
深識夷曠雅性通和簪白筆而立朝登軺車而問俗  
咸著美績聞于周行嘗佐邦計實遷歲律三壤成賦  
九政均財備見其勤克謹于職遽 吏故出領方州  
事資練習是用俾其牽復書不云乎三折肱知為良  
醫汝其往哉可

武溪集卷一 四

左衛上將軍致仕楊崇勳可太子太保致  
仕

勅朕嗣守洪業責成輔佐故於勞舊之臣恩意至厚  
具官某頃事先帝逮予冲人入當機務之煩出領鼓  
鞶之任頃緣子累罷其虎符雖在退休之年授以環  
列之秩示從薄罰以肅羣臣今以燔燎禮成羨蕭澤  
廣尚授 印之重俾登儲傳之榮不次之恩汝其自  
省可

郢州防禦使魏昭炳可復觀察使

勅朕丕承帝圖實念祀事祿也宗廟柴燎紫壇還御

端闈發大號曠蕩所及滯淹必振具官某器度宏遠  
體識和雅謙恭自牧膺敏可嘉生於勲德之門不習  
綺紈之氣早登膺仕嘗委廉車當折衝禦侮之任有  
辭難即易之請俾從降秩用勵臨戎就第而來閉閣  
知懼宜蒙茂渥再渙前榮勉思竹帛之勤以酬雷雨  
之澤

秘書丞集賢校理孫錫殿中丞秘閣校理  
晁仲衍並可太常博士

勅某等國家開圖書之府應奎壁之像所以游英俊  
而待材用也居是職者官無定員結課進秩固有常

金澤集卷十一

五

制錫富文博學懷溫厚之風仲衍名家令器著秀翹  
之望並列館閣能自修飭奉常清要禮樂是司書勞  
叙遷性服休命可

權府推祕書丞秘閣校理楊致可太常博  
士

勅其國家分職事以待材俊者稱其任必躡等而進  
之其官之本職則參用古制三歲一視其庸而改其  
秩以爾文思豪健識慮周敏參道山英俊之選贊天  
府浩穰之洽煩而試之悉著成效奉常之屬實典邦  
禮清途所漸勿怠祗欽可

殿中丞曹穎叔等轉官

勅其等國家執八柄以馭羣吏董之以事任辨之以  
名品善則賞之以勸能者爾等悉以俊器久登王官  
知朝廷愛民之體得循良御事之要佐職專任咸著  
能聲容臺尚局各遷華秩用示襄進性服嘉會可

右正言秘閣校理孫甫可右司諫知鄧州

勅朕稽式治道渴聞讜言必求端直之士以居諫諍  
之列庶補闕漏期於無過然而臣子之節忠孝為本  
厥有誠請難於重違具官某學通古今識照治亂智  
度純粹議論詳正文該史野行周忠信早預書林之

金澤集卷一

六

選屬講容臺之儀知其認真延登左右有犯無隱朕  
甚嘉之今以下附先筮願守使郡朕不欲奪人之恩  
以自助是用增秩本省分任要藩夫偃息而愛民與  
夫從容而納忠其道一也汝其勗之可

刑部郎中張鑄殿中侍御史劉湜並可三

司鹽鐵判官

勅其等昔者管仲以鹽筴而強諸侯建元置鐵官而  
佐常賦其來尚矣因山海之利足邦家之用必資幹  
更以贊計籌以爾鑄器度沉厚當官有清勤之節湜  
才具通敏立朝有舉正之風臨民而簡易不苛參畫

而浩穰稱最並登司會之府庸謂權材之選勉勵而守以荷休命可

內殿承制知夔州陳宗古可供備庫副使勅國家列郡國之官分軍民之政惟是亭障激道用武之地必擇材勇兼領戎戍具官其資性果銳名稱著聞任以方州用觀器畧巴夔舊壤蠻獠雜居委之綏寧必選其材著于故事必進其秩援此成例于以推恩爾其安民撫夷以肅邊事無墜茲寵

前宿州臨渙縣令曹起可特授單州長史勅某書曰省過無大刑故無小蓋用法之意期于大

公案集卷十

七

中越有附輕之科宜啓自新之路以爾頃在官守抵于刑書遽自隱藏遂以名捕近者按舉之吏頗為辯明如其本原特示矜恤處之散秩俾其自思無怠省循以荷昭洗可

光祿寺丞蔡署并州軍士判官柳澥可著作佐郎

勅某吉首邊陲宿兵以來思得高材強識共圖軍事故於帥府之所慰薦率俞其請其用之路廣而謀國之事精矣以爾詞章秀異識畧敏嚮者樞臣宣命于海之東其稱幹能數人而已爾在其選固已可

嘉令著迹效所宜甄獎吾有高位唯待異才自勗圖功之心庶成舉類之美

都官員外郎知宿州李明允等二十四人勅某國家設四善二十七最之令以辨羣吏之治自九品已上京官鞿務于外者率三歲一結其治狀有司以聞而登進之示天下之不公也爾等策名仕籍咸著吏能或領牧守以宣王風或分縣邑以勤民事贊膺書珣國用者亡不成績更今以爾狀上其勞當遷推恩報勞勿忘抵荷

公案集卷二

八

濠州鍾離令李單可中舍致仕勅某七十而還政於君傳事於古之制也其能引止足之分而從退逸之樂者必優其秩而遷之爾久服官政今請老于家而追古人之風吾甚尚之

安保衛可大理寺丞知縣勅某朕常思靜退守正有行之人而用之以激浮薄今樞臣將命撫視邊徼而言爾往辭主官歸視疾內行可尚兼有幹材大臣差助吾意則靜退之士不能遠矣其善撫吾民無誤而知可

殿中丞士建中可依前官

勅某等古者人臣有喪三年不呼其門所以伸其恩

也爾等纏風樹之悲有藥棘之慕歲月其逝法當還  
臺賢者不敢過不肖者不敢不及國之典也往踐茲  
命可

太子中舍王致用等六人轉官

勅某等國家命官以古名莅事用今制寺省之職率  
不釐本曹之務而分任內外以視其成爾等各以器  
能出領事任或布慈和之政或稱幹濟之才考于有  
司悉應最令升榮朝級進秩春坊咸為叙遷恭服休  
命

供奉官張秉王祖禮並授內殿崇班

金鑑卷十一

九

勅國家承平日久而兵不習戰人不習勇自西羌犯  
邊歲用戈甲固常購募果敢訪詢智謀思得奇俊惟  
恐逸漏徧詔近列各舉所知今其應令以爾為薦更  
詢績狀頗見勤勞即登諸朝以示優寵爾其撫而士  
卒練而師徒毋貪功翫寇善修戎政無忝爾榮可

陳州觀察使使再開可著作佐郎

勅某國家體貌大臣作鎮近輔賢其實佐薦聞于朝  
詢之天官則稱其才者多矣即其幕中授以清秩所  
以示吾寵待故老之意又欲其婉畫誠有所裨可

大理寺丞知陝府芮城縣李昭逢可右贊

善大夫

勅某國家自西鄙屯師關中之邑頗當餉道思得賢  
令長以均其力役受詔者以爾名聞從其薦延付以  
百里今著最收能字吾民序進東朝用示褒寵可

前濟州錄事參軍監汾州永利西監武肅  
可大理寺丞

勅某國家設鹽鐵之官所以籠地財而佐國用克舉  
其職則寵嘉之蓋旌其能非專於利以爾辦事之力  
體吾愛民之心則無忝矣可

武安軍節度推官監延州入中倉馮經可

金鑑卷十一

秘書丞

勅某國家自西羌旅拒已來所頒爵賞豈在繩墨之  
外雖所以收積俊又蓋亦優禮帥臣爾自掌邊度能  
足軍食帥臣慰薦稱爾之才故不還天官之選即加  
仙省之秩越次之寵無怠前勞可

司勳郎中知洪州下威可衛尉少卿二十  
同人轉官

勅某等漢制郡守諸侯相考理迹之尤異者就增其  
秩不易其任國家分命庶尹釐職于外必集其課而  
黜陟焉古之制也爾等悉以材敏聞于朝廷班宣詔

條省察風俗能著治狀合於功令故嘉其最而寵之  
官卿寺即曹金閨之籍遶加名服無怠恪勤可

祕書丞邠州通判王稷可太常博士六人傳言

勅某等國家以三載黜陟八柄予奪總攝羣吏撫寧  
庶民克著善狀則用嘉寵爾等或詞藻敏贍或學術  
通博題輿而贊御條操刀而專邑治莅事賦政人得  
平一集其歲課率應遷格爾其母貪名譽以希進母  
畏高明而弛令吾不吝爵賞以待俊乂撫我赤子予  
而懋官其勉之哉可

禮賓副使張岳父義政可太子清道率府

武彙集卷十

十一

率致仕

勅國家因邊鄙之聳竄戰守之勞嘉其事君之忠式  
懋及親之寵某官張岳父義政勇敢之氣老而益壯頃  
歲西賊軼我障塞能率宗黨共登城陣身被金瘡口  
不言伐今以弼臣之請予舍之賢因其掛冠之年寵  
以垂綬之秩噫予非私于而家蓋欲壇場之人知圖  
功報國之榮也可

張岳母竇氏封縣君

勅人之至親莫甚於母子至行莫重於孝愛緣情推  
寵所以勸勞張岳母竇氏母教以嚴家庭有肅早勤

不稟何以事君徒結戀於天倫宜推誠於國體懿伯  
之忌出境尚握節而避之鄙商之仇入朝難枕戈而  
殺也必資大順無或固違史駢之言既得之矣子夏  
之問不其然乎式遵事主之宜奚取徇私之節

丙建議以為使吏任子弟率皆驕驕不達

古今宜明選求賢除任子之令難者曰諸

侯繼世以象賢任者世祿以延賞古之道

也

任子有經雖憂濫進擇才而用寧廢賞証事當協於  
大中理難從於偏執丙嘉謹自許橫議聿陳謂公族

武彙集卷十

十一

之非良殊率德舉請吏能之必審當以言揚恐膏梁  
之易驕鄙閹閹而無取未臻治本將昧邦經苟天爵  
之自修雖代祿而何害鮮克由禮誠多侈汰之虞無  
忝所生亦有恪恭之者故景升之室他大貽羞安石  
之庭芝蘭擢秀儻令盡棄無乃深文在乎糾以序序  
之儀謹其詩禮之教勸官箴而黜惡肅政經而勸善  
叔向龍蛇之禍罰而不私蘇壞柱石之材用而無廢  
必若器業之可採豈以門地而見遺周著象賢之規  
漢布推恩之典自存姬旦之法奚苦王吉之言勿棄  
采詩式符刈楚



更益封君之號可

著作佐郎葉綱可祕書丞

勅某國家考課之令著于常典賞善罰否吾無所私爾文學起家慰薦遷秩求之以備不能無瑕俾增年勞蓋示國法令之叙進猶踐前言書云令出惟行不惟反此之謂也爾其恪勤無怠荷茲寵榮可

內殿承制劉懷懿可供備庫副使

勅國家稽式舊制叙進羣官有勞必錄無善不顯爾久登仕路列于朝班莅事精勤老而益壯考其理最升遷使聯賞在必行無忘祗荷可

金溪集卷一

三

又自副使改右衛將軍致仕

勅朕少而用其才老必賦其祿又遷其秩叙以優其退閑其官其忠而能勤老且不懈邦國之奏績狀可稱嘉其止足上還印綬俾從內司之重特升環衛之職勉荷恩寵以遂休寧可

西東供奉官閣門祗候知順安軍焦宗慶

可內殿崇班

勅某國家制壇守守亭障欲其將卒借練號令必行上下相親動作相信詳擇材武以久其官以爾嘗領郡符徙治軍壘習知備胡之術克勤御下之體大臣

保任稱之為能是用遷內朝之名品示邊城之委寄爾其謹烽候完器備無貪功以生事無玩寇而輕守勉思樹立以荷寵榮可

大理寺丞陸經可責授袁州別駕

勅某國家制刑之中率又于下俾其畏忌以自祗飭爾以詞學見稱列在臺閣不能淑慎賄交于民白簡奏彈覆驗明著宜從左譴以示常刑可

刑部員外郎集賢校理薛紳駕部員外郎

王正已太常博士符安石殿中丞杜術闡

革等轉官

金溪集卷一

四

勅某等國家設耳目之官按舉吏職分牧守之任宣導王風至於佐治一圻專董百里皆擇材士俟其成績而寵嘉之以爾紳等器度和雅望實休懿咸以臺省美秩出總庶務或埋輪而清列郡或分虎而守名邦或題輿而著善聲或馴雉而彰異政集其歲課進以官聯予不吝於恩榮宜各思於報效可

奏舉人前常州司理參軍馬寔可著作佐

郎

勅某國家嚴資考之格廣薦延之路察於衆好冀獲翹楚以爾久服官政勤盡自飭庶獄審克即無寃民

章聞于廷宜用升進罔怠所守以荷成命可

三班奉職王良臣可南京柘城縣尉

勅某丞尉之官其品雖卑而差用清流朱紫可別故  
儒素之士得之為榮爾本名家而補右職心苟不樂  
何能安人改佐百里茲為茂寵其謹奉家法無忝休  
命可

奏舉人前夔州錄事參軍辛終吉可著作  
佐郎

勅某國家分命天官專領選事外諸侯之舉尤異者  
必視其績狀而考進之朕親覽焉以加獎擢惟爾文

武溪集卷十

五

辭登第廉謹宿官州縣勤勞備嘗之矣宜升清秩庸  
勸吏能夫少而有志者老當益壯汝其勉之以蹈榮  
路可

著作佐郎何涉可秘書丞

勅某西賊傲擾自悔禍延安帥府能稱朝命以通其  
意而卒來講和羌夷柔順邊鄙寧息爾之周才實參  
戎事帥臣稱薦深所嘉尚苟得尤異而遷之不必累  
其歲月求賢若渴朕甚慕焉宜堅爾誠以服榮命可  
廣南西路提點刑獄虞部郎中李承德可

金部郎中

勅某夫天下獄訟多矣專付郡縣之吏則恐鬱滯而  
不伸盡俟朝廷之報又慮填委而為累必擇明察摠  
其綱領以爾嘗守一郡而寬猛得要俾察庶獄而按  
視必精果當厥職而民無怨讟結其成課升之左曹  
勉荷恩榮以副欽恤之意可

禮賓副使權環慶路黔轄張建侯可洛苑  
副使

勅某頃以策畧中缺號為材武故自關隴宿兵已來  
常使參之自偏裨升副貳摠專達悉由試可而上下  
一言謂之稱職今通遠缺守擇而委焉夫命郡守以

武溪集卷十

十六

臨民遣將臣而治軍分文武之任為戰守之備矧惟  
鳴沙極邊與羌戎接壤兼而付之固不輕矣升其使  
聯用示優寵可

奏舉人前昭信軍節度推官孫億可大理  
寺丞

勅某國家自一命而上集于天官得資計考歷以例  
進必取薦薦者授之京秩爾以藝文來仕選升賓席  
必有嘉畫贊其善政露章稱導良用旌之勉守初節  
以荷榮命可

亳州司馬崇正可供備庫使

勅某項授任符兼臨劇部寇我在境烽候不明帥府  
繩滯秋官議辟降從散秩用示深慈屬元祀告成萬  
物更始宜推曠蕩以恤滯淹特改使聯勉荷皇澤可

武溪集卷第十

武溪集卷十

十七

武溪集卷第十一

工部尚書充集賢院學士贈尚書左僕射累贈少師謚襄公余靖

制誥下

樞密副使諫議大夫河北宣撫使富弼可加正奉大夫輕車都尉仍賜推忠佐理功臣

勅朕昭事天地嚴配祖宗用祈洪休大庇黔首思與一二輔佐同茲戩穀故疏霈寵渥冠於群倫具官某文窮變貫鑿通古今論議忠正有濟世之才謀猷高

武溪集卷二

遠有經國之用不辭患難而夷險一心累避榮寵而退靜自守繇是擢登宥密翊贊機衡咨綬遠附邇之能致同文同軌之治朕方親執玉幣恭修燎燔而卿以撫循邊士不在侍祠之列朕甚思之所宜賜以凌煙之號進以執珪之秩疇其茂勲昭示異數忠之至者寵必厚汝其欽哉可

端明殿學士兼侍讀學士給事中李淑可

加上護軍實封貳伯戶

勅國家陽郊報本宗祐致嚴舉一歲之明禋受百神之介福式均茂如邇臣其望著人表才稱國器

博通今古之術洞照天人精稔之源趨軒陛而持橐早居清近侍帷幄而執經率多規益乃樂中和之職厭直承明之廬出班詔條專領方面禮成敷佑罔有外內崇其秩叙進其勲爵式表休命汝惟欽哉可

諫議大夫御史中丞王拱辰加勲

勅朕親執珪幣以事上帝升配祖考皆由舊章假爾近臣相我元祀茂布玉澤用均神休其材智少鑿器識兼遠首中藝文之選鬱為邦國之華頃在禁林而能潤色鴻業堂領京劇所以表則四方顧訪早知其國器糾正用委於邦直會朝之次古稱獨坐之雄耳目所寄今為中司之重容栢臺之偉望贊觚壇之縟禮

武溪集卷二

百神受職萬國歡心式布受釐之渥以表同寅之寵皇親率府已下

勅朕承七廟之鴻業荷二儀之並貺肇禋吉土對越明靈積式盛容誕布純佑休寵所被宗枝寔先其等孝友立身信厚成性並承詩禮之訓自敷名教之樂青宮列衛式表茂親朱紱侍祠宜頒異數既廣羨蕭之澤用昭葛藟之恩公族之榮聿加勲賜

殿前都使已下

勅朕贊鬯世室升煙泰壇修親祠之儀遵陟配之典恭承貺施大報靈祇思與帥臣均茲茂祉其等久服戎事早登勇爵遙董親軍外固吾圍自西羌倍惠數歲

不庭雖成兵未得脫甲而胡人不敢近塞緊爾善守倚如長城在禮祀之辰當封疆之寄蓋重爪牙之託式加名服之重

省副魚周詢等並加大夫階勲階

勅國家肅若舊典稱秩元祀吉土拜祝高煙達誠爰均敷錫之祥不為專饗之美其等器識開敏資性端方咸稱劇才佐我邦計經入有度展富國之謀均節有常得足用之要唯匪領之至廣皆贊成而知素宜崇勲賜用寵勞能

上將軍致仕楊崇勲加食邑七百戶實封

式澤集卷二

又二

三百戶

勅國家接千歲之統逆三神之釐禱燎薦信郊丘成禮式均茂渥無忘老臣某速事先朝休有令望積勤勞而奉上歷中外而成績重率侍衛則忠謹足稱翊亮樞機則良實可任亦嘗出領方面付以節旄用威戎夷咸所倚賴早敦知止之分久從還政之樂明禮斯畢大賚有加方念安車之寵宜益爰田之賦

大將軍防禦使蔡興已下至遙都刺史等

並加食邑三百戶

勅國家接千歲之統逆三神之釐禱燎薦信郊丘成

禮式均茂渥 逮爪牙某材武風成忠果可任少分戎政則申嚴而有聞晚登環列則勤勞而不懈方資拱極之重仍展陪祠之恪圖叙勞舊用疏恩寵

廂都指揮使已下

勅朕膺天地之既荷宗廟之靈聿修至誠式舉元祀均此介福及於具寮某等咸以武功統我二旅出授封疆之寄入居宿衛之勤備彰智勇之資以當親信之任宜膺寵渥勿怠肅祇

省府推判官

勅朕親享太室以展孝思對越上靈以嚴祠事天地

式澤集卷二

三

並祝福祿攸同駿奔于庭宜均寵渥某等縉紳令望臺省俊游或同經度之謀或副浩穰之政贊祿將而在列侍柴燎而克勤錫以轉勲茲成命可

諸司副使已下至崇班

勅朕裸鬯世室柴燎恭壇薦饗孝之誠嚴報本之祀馨香上達明靈降鑿樂與從臣同此介福某等衆推羨望籍著內朝或趨軒陛而服勞或居屏翰而分寄駿奔在列固夙夜之可嘉恪勤居外亦爪牙之所託咸進爵邑用示恩榮可

贈太尉允寧女趙氏封縣君

勅朕親享太室嘉薦園壇上以承七廟之靈外以受百神之職均此景福被于綿區矧惟宗枝宜豐優渥某人女某等肅雍成性柔懿著聞頃緣棠棣之愛嘗蒙脂澤之寵顯繁奉祀式耀華宗湯沐改封當殊異姓宜體篤親之意無忘令族之恩可

右正言孫甫等加恩

勅朕尊事上穹并侑列聖誠意蠲潔明靈顧享翁受福祉彼于區域具官其等識理閑遠器量方正咸自衆多之選綴于侍從之例或張旌而使絕域以修隣歡或分虎而守鄉邦以便親養或以節促召而脂車在途雖阻侍祠之肅豈忘均釐之典悉加勳賜以表予懷欽荷恩榮更勵而節可

美人張氏父堯封贈秘書監可贈工部尚書

勅朕舉修元祀祗薦至誠課獻宗祊柴望泰時祖考顧享氣象休嘉欽荷純禧均布縣宇外惟百辟內則九嬪悉推恩寵逮于存沒其人父某素履淳厚清節浚明深蘊美才不登顯仕是生令淑入侍宮闈常自抑畏慎守謙約退讓名品章明柔順嘉其遺德故用追褒俾由祕府之華驟陟文昌之峻式頒明命用賁

幽阡可

興平郡主等

勅敦叙九族糾合同姓皆詩書所傳政教之本矧想燎之成禮宜葛藟而伸恩興平郡主趙氏等雅性幽閑淑懷信厚卓被公宮之數既兼侯國之封顧柔良之有聞惟肅雍而成則易之美地庶耀靈涼

百官父在者

勅人之至行篤於天性國家之教常必先之父之貴重則賞延於子子之通顯則尊及於父蓋所以敦綱而親萬國也其父某賢業自守家聲必聞詩言禮立克謹厥訓聿傳弓冶之嗣服在簪紳之列朕方稱秩元祀懷柔百神均此介福被于率土嘉其忠教綏以寵章式昭肯構之賢以慶高門之祚可

母在者

勅古之賦祿貴於逮親雖居晉楚之富靡及雞豚之養矧惟白華潔膳赤芾侍祠西離承命北堂拜賜國之善教吾其捨諸某官母某氏德劭嬪風義高壺則克懋慈闈之訓聿生閨籍之賢屬柴燎以嚴儀被蓼蕭而洒澤庸錫丹軒之命以彰高閨之祉可

父亡者

勅父子天性其親一也朕躬執珪幣升侑祖宗蓋所以報本崇祀奉先追孝簪組在列亦念其親宜推渙恩上及先正其亡父某高節善行束修其身遺德餘懿垂烈于後喜肯堂之令嗣霈漏泉之茂渥密章為賁壤樹之光可

母亡者

勅朕暨世室欽柴泰壇合享天地升配祖考備物牲幣所以展奉先之誠疏恩存沒所以廣顯親之孝某亡母某氏言容著範禮訓傳家沼沚宣勤珮環有節果生王國之彥久服朝家之寵宜因珪組之榮用追湯沐之賜可

百官妻

勅夫家道正而天下治蓋國風之始人倫之大皆本于夫婦也朕潔誠崇祀奉先追孝外修牲幣之薦內有粢盛之助翕受百祿敷錫四方樂與羣倫恩被伉儷某妻某氏柔明著美淑茂流聲居無出閫之言動有鳴環之節作嬪良士服我周行宜開石窀之封以寵金閨之籍俾其齊家輔國有所先後則庶幾乎治矣

王相公贈官

勅朕躬執珪幣升侑祖宗蓋所以報本崇祀奉先追孝簪組在列亦念其親宜推茂恩上及先正其父某邦國元老經綸燉材毗贊冲人燮調至化內修百度外撫四夷豐功格天遺愛在物厥有善繼齒于朝序用疏泉壤之澤追錫天臺之寵密章為賁幽夢之光可

工部侍郎參知政事陳執中三代曾祖嵩贈太子太傅宜特贈太傅

勅國家疏爵而尊賢稱情而制禮其德懋者其位顯其任重者其數優體貌之臣式參柄用褒賁之禮宜及曾聞某官曾祖某令均平浚明雅懷冲曠含章不伐積善有開貽厥孫謀弼我朝政錄其先範式行遠猷俾從儲宋之榮超居帝傳之重下光泉戶庸顯世勞可

曾祖母黃氏贈郢國太夫人

勅國家升用輔臣褒崇先正所以展子孫之志示朝廷之光昭起國封用賁嬪則某官曾祖母黃氏徽柔植性淑懿流聲服圖史以增華布言容而成訓綽著可嘉之美果膺有後之祥贊台鼎之崇上恢祖闕錫山河之賦式耀泉局

曾祖母黃氏追封德陽郡太夫人

勅朕圖任舊臣共政期致于治追賚及於三世以旌其遺懿餘烈之有紹也其官曾祖母某氏作嬪茂族柔明著聞闡闡之則人以爲訓福不在其身而在其後厥有俊傑用勵翼于皇家欲其輔朕以紹文考之耿光故顯其祖之配而啓之國逝者其鑒茲可

祖光嗣太傅遷太師

勅夫德之所積其流必廣善之所鍾其後必大故挹其流者知其源用其後者顯其祖此國家訓入之道臣子興宗之美也其官祖某五代之季養志立樊榮

念爲集卷二

二

利內恬羽儀外戢位不充於當世福乃流於後昆子舍稱賢先朝倚之爲棟幹孫謀襲美冲人用之爲股肱頃貳樞庭已彰懋績參持國柄再佇明謨爰念世勞用推祖闕大門之懿奕葉可稱俾繇帝傳之崇式進師臣之秩漏泉垂澤聿備徽章可

祖母孫氏贈安國太夫人

勅慎簡賢佐上所以緝寧邦家追崇祖室下所以申順情禮家聲克劭闡則攸先某官祖母某氏柔嘉秉德幽閑成性珩璜中節蘋藻敷風克垂燕翼之謨篤生弼諧之哲福既宜其家室澤宜參於泉壤誕啓土

字用賁松楸可

父恕太師中書令尚書令榮國公改封許

國公

勅昔鄭武公父子並爲周司徒天子有衮服之賜詩人著緇衣之詠蓋預執國柄號爲世官古難其人今得良佐美其子而追襲其父亦古之制也某官兼亮節致君周才應物事我烈祖懋爲名卿總邦計而經入有章贊宰司而裁成無外粵有令器克紹先基吾欲使天下知才臣之子復參大政故以節召還而共邦事嘉其善本之志用霽滯流根之澤可

念爲集卷二

二

母李氏贈崇國太夫人

勅國家之制同體莫重於股肱人子之心揚名以顯其父母朕所倚注義有褒崇某官母某氏生自德門嬪于邦彥淑靈著詠宜家室而浸昌聖善流稱穆闈闈而有翼我有良輔爾之令人式昭駿嘏之賢本自斷機之教加之象服用飾幽泉可

母王氏贈鄂國太夫人

勅夫能擇其臣者君之明能顯其親者子之孝摠是二美朕所冀焉某官母某氏節茂承蘋德昭流符夙彰婦順克振闈風是生俊良爲予輔弼爰洒漏泉之



澤用表宜家之賢寵以副筭光于幽空可

皇后曾祖太師尚書令兼中書令追封魯

國公曹芸可追封 國公

勅朕接千歲之統逆三神之釐致孝克享曾誠昭薦馨香上達明靈隆鑒渙發大號被于四方荷祖宗之休成吉蠲之禮采盛之潔實惟內助欽其遺懿宜示追褒皇后曾祖某稟常山之英負全趙之勁雖羽儀未展而堂構聿隆篤生元勳事予藝祖豐功在物茂德庇人肆惟眇躬得是天合嘗極人臣之贈用昭肺膺之榮更徙大國之封以為中宮之寵可

金鑑卷二

一

曾祖母追封陳國太夫人張氏可國太夫人

勅朕合祭天地升配祖宗四海來助百神成秩翁受介祉敷錫庶邦重念夫源之深者其流必長德之積者所馮必厚朕既恭執鬯瓚上奉七世而中宮敵體以母天下肆其褒贈之典宜及曾闈俾其三廟異室同榮合配茲惟享國之樂行古之道也某氏毓德貴門作嬪令族能謹卜隣之教以成興宗之福俛天作合實荷遺懿滲泉流澤庸均茂溥徙封湯沐垂耀泉途可

父贈開府儀同三司太師兼中書令曹玘

可贈尚書令

勅朕承七廟之重守億年之基奉順先猷欽舉元祀裸獻宗祏禱燎園壇三神垂禧百禮咸秩大均霈澤被于綿區矧惟中宮之尊內治所主固宜同茲介福光于外宗思美周姜之儀庸表塗山之盛皇后父某積德至厚含章特立生自元勳之門專於儒者之行槁光令族坦夷曠之懷擢蘭華省抗令終之節雖當世不顯而流福無窮俛天發祥嬪虞作合奉祖宗之祀共整純誠荷天地之休實繫遺烈式崇褒育用企

金鑑卷十一

十一

儀刑俾自龍池之榮更茂天臺之秩庶光壤樹式耀桂宮可

母贈吳國太夫人馮氏可國太夫人

勅朕贊鬯清廟欽柴泰壇精誠備至神明昭格而又恭發謚冊追奉闕宮上遵建隆之典聿同章聖之懿孝思克展祠事有嚴還御端闈渙發大號受天百祿敷佑四方眷言內助同茲茂祉等其立愛之念頌此顯親之榮某氏積善有開含華不耀自守珩璜之節克謹葛覃之訓采蘋之職遺範於華宗夢月之祥有歸於禁掖爰布漏泉之澤用展結禱之思式加象服

三從之善勗成諸子之材宜疇湯沐之封以示閨門之訓可

西京左藏庫副使桑宗望可文思副使差充河北沿邊安撫都監

勅具官其國家以北平拒馬為塞積有年矣胡人通歡輶車不絕于道武事之備未嘗一日懈之故擇知兵謀曉時務者置使以統于堡障立佐以同其規畫以爾將家之子瞻畧過人屢經煩使頗聞勸業是用遷之職秩往護塞垣爾其撫士卒謹斥候無起邊隙以副朝命可

金溪集卷二

二

奏舉人前韶州樂昌縣令賈太冲可大理

寺丞

勅其國家視民無遠近之異必擇慈惠明察之長以撫安之爾字吾民于服嶺之外而能平獄寄恤時務百里安堵有聞于朝宜升京署俾漸榮路其無怠前志以服休命可

樂壽縣主可進封郡主

勅九族以和國家之懿二姓之好典冊攸重宜推茂恩以相嘉禮其柔閑自立淑懿有成既在及笄之年將從鳴鳳之兆蘋蘩修潔宜為婦順之光湯沐升榮

上達明靈降休式敷純嘏浹于區域恩被于遠當由近始澤浸于外必自內均其祖某以廊廟之才逢風雲之會功在彝鼎位登台衡厥有令孫備職先朝坐論婦禮有光彤管因此視卿之秩宜啓真王之封宜兼雞樹之榮更耀密章之賜可

祖母追封秦國太夫人田氏

勅朕純孝以奉于先廟精意以事于圓宮裸獻必虔燔燎惟謹而天地並貺神靈降休致函夏之大寧荷文考之成烈羣后追同於謚號貴嬪當優其情禮褒貴祖妣舊有典章某氏早流淑聲作合元宰陰德至廣後嗣其昌肆惟宮闈得彼恭懿彤管之職為式掖廷副笄之榮宜均逝者可

金溪集卷十一

十三

父繼宗贈兵部尚書宜特贈

勅朕昭事上帝懷柔百神繼孝宗祏薦誠吉士仰荷純祐爰霽茂恩內外之職存亡被澤其名臣之子賢行著聞早垂紳而立朝宜象河而命秩粵有令淑備于嬪嬙祗事先朝協贊內職肆惟追賁殊于外庭宜進天臺之班式為泉壤之耀可

母追封福昌縣太君吳氏宜特追封

勅朕世室執鬯泰壇升煙昭薦至誠以荷並貺誕布

德澤均被幅員眷惟被廷宜同介福某母某氏淑靈素著聖善有聞家庭甚嚴子姓蒙順選納之盛邁于先朝蒙賁之崇屢充幽窆茂恩所及營魂有知可

樞密王太尉三代

曾祖建福贈太師中書令可贈兼尚書令餘如故

勅朕親享七廟昭事上靈牲玉備具黍盛豐潔百神咸秩二儀以和嘉與率土同茲介祉眷惟俊傑參掌樞務能緝熙於庶政宜褒賁於遙源具官曾祖某秉德有經令華內照不希當世之譽克集高閣之福皇

金溪集卷十一

十四

家啓運嘗得佐命之勲躬躬繼統更獲同寅之輔屬嘉壇之已事均惠渥以無垠宜因右省之崇兼進中臺之秩錫茲明命式耀幽阡可

曾祖母追封魏國太夫人賈氏可追封國太夫人

勅朕躬款宗祏薦靈壇三神以和百禮咸秩誕受禧祉均被臣鄰矧惟輔弼之聯素展忠勤之效宜示便繁之數追賁曾高之室某曾祖母某氏言容有則宗姻爲範卜鄰傳芳早勤胎教斷織成訓聿光彤史福善所積源流必長垂休後昆再世爲輔人本其祖

澤流于根更開大國之封以爲令族之耀可

祖祚贈太師中書令兼尚書令可追封國公

勅朕清廟奉先柴壇薦信天明地察克伴昭事之儀祖德宗功叙于陟配之典肆類成禮百神垂休發為霈澤被于國夏樞近之職寵數宜隆其祖某懿範閑遠素行夷曠愷悌之政存乎風謠鼓鼙之勲著在方冊末年冲退脫迹寵榮世生忠賢爲國輔弼閱閱相繼邦家所毗嘉孫謨之有成增公爵之攸重可

金溪集卷二

十五

夫人

勅朕祗薦祖宗合享天地精誠上達神靈來顧含生之倫罔不蒙澤某官祖母某氏德芳蘭芷行潔冰玉女儀修飭母道嚴明肆惟令孫克奉慈訓對掌機軸備悉忠誠追述遺懿用增恤典兼蕭之澤泉壤爲光可

父溥贈尚書令兼中書令追封魯國公可贈太師

勅朕嗣保不基奉順舊典致誠恤祀尊祖配天四海駿奔三神純佑誕布霈澤被及中區矧惟參典機衡

陟降左右因予繼孝之志特厚顯親之榮某父某佐  
命元勳興邦碩老經綸王業勤勞我家翼贊竭其殷  
肱締構同於柱石雲龍胥會寰海具瞻功格皇天德  
垂後裔肆惟令嗣輔予冲人祇畏一心贊襄萬務陪  
祠展肅追遠均恩宜因國爵之榮更益帝師之重可

母追封齊國太夫人常氏可追封國太夫

人

勅朕統承鴻祚稱秩明禋親享七室升侑列聖嚴恭  
寅畏克終祀事欽時百祿敷錫兆民嘉與輔臣共象  
繁祉某母某氏柔明著美淑茂流聲從婦順而有勲

金漢集卷一

一六

鑒女圖而成德聿昭慈訓克懋閨風勗予舍以能賢  
被國恩而為耀再加象服式賁松墟可

母追封丹陽郡太夫人申氏可追封國太

夫人

勅朕齋明卬祀祗夜薦誠親陟靈壇恭奠嘉玉百神  
望秩四海駿奔推此介福發為大號粵惟良輔宜先  
茂恩某母某氏託質華族作嬪良士德有春蘅之芬  
行含秋霜之潔聖善之福克昌厥後式嘉肯堂之嗣  
庸洒漏泉之澤可

元貽正贈太師可贈中書令

勅朕祗脩裸鬯躬執珪幣至誠蠲潔上帝顧臨九州  
駿奔萬國嘉靖思與臣庶同茲休祉矧以國婚之重  
宜廣天倫之愛某兄某名臣之子素行自飾早登赤  
黻之士尤號白眉之良功昭于時位不充量屢推恤  
典以寵華宗庸為戚里之榮亦表相門之美增崇西  
省式賁京原可

嫂追封鉅鹿郡太夫人魏氏可追封郡太

夫人

金漢集卷十一

一七

勅朕親款禘室恭陟泰壇昭薦至誠用伸美報翕受  
景貺均彼函宇眷惟輔政之臣當厚元宗之寵某嫂  
某氏幽閑飾性柔懿流聲宜家室而有歸訓闈門而  
允穆粵有賢傑贊予樞機庸啓郡圻之封以表天姻  
之重丹駟增賁窀穸為光

富副樞三代

曾祖處謙贈太子少保可贈太子太保

勅朕欵七世之廟以展孝思陟八觚之壇以嚴祀典神  
靈昭格福應休嘉荷天之祿敷祐于下惟時邦傑協  
宣機政克奮同寅之力聿成共濟之美庸襲先範宜  
渙茂恩具官某曾祖某摛光內融含德獨秀動為禮  
義之表居為丘園之賁藹流令則實生懿孫比憑曩

基用成遠器蓋示遙源之寵追升儲傳之華賁此幽泉用昭榮祚可

曾祖母追封彭城郡太夫人劉氏可追封陳留郡太夫人

勅朕親執鬯瓚祗薦牲玉蠲潔至誠昭示大報九州率職不為獨恭百神降祉靡敢專饗嘉與良輔同此純休具官某曾祖母劉氏家有表儀動循禮訓珩璜中節沼止宣勤源流深長福祚繁衍是生俊傑為朕股肱宜因國棟之憑再錫郡封之寵式彰遺訓垂耀幽阡可

武溪集卷十一

十一

祖令荀贈太子少傅可特贈太子太傅

勅朕奉祖宗之謨承天地之貺修崇元祀用昭美報翁受景福敷錫庶邦輔佐之臣名禮當厚推恩及於祖禰同德均其誠孝具官某祖某懿行絕俗精識鈞深天生忠厚之資家襲義方之訓克茂世閥聿成孫謀參處機衡之重時惟廟社之福嘉是遺懿宜推茂寵俾從三少之選超登二傳之崇下飾泉扃用隆褒典

祖母追封金城郡太夫人趙氏可追封南

陽郡太夫人

勅朕純孝以事宗祧精意以享天地芬芳上達肝蠶下臨歆承洪休渙發大號爰均追遠之澤庸廣奉先之禮具官某祖母趙氏閨壺著範宗嫻為則婦順自飭慈誨有成訓彰圖史福流後裔再賁丹駟之寵用昭幽室之光可

父言贈太子少師可特贈太子太師

勅朕昭孝薦誠報本崇祀執瓚世室升煙泰壇馨香遠聞靈祇克享萬國嘉靖庶物繁膺荷神貺救寧絲區斯皆輔佐協恭夙夜宣力共致至治洽于飛沉宜推茂恩兼被存沒樞密副使富其父某識度周物

武溪集卷十一

一九

文敏起家名高邦伯之政職重即曹之選位不充量福流後昆粵生柱石之材克成廊廟之器庸嘉許國之原實本教忠之德再優恤典式顯世勞可

武溪集卷第十一

武溪集卷第十二

工部尚書充集賢院學士贈尚書左僕射累贈少師謚襄公余靖

判詞上

御試十首

祕閣試十首

私試十首

甲為學官教國子以六藝或譏其執成而下不伏

立身之道雖鄙異端進學之方必資善教蓋嚴師而

武溪集卷十二

一

育益豈執藝以同譏甲德比珪璋才堪模範東序上庠之地素號人師五禮六樂之文敢忘國典至於和容執轡夙著彝章會意差分悉有成訓咸資傳諭式勵多能何哉或者之談罔識先儒之道且夫治民安上不專於揖讓周旋易俗移風可以察存亡治亂習于襄尺爰標選士之規舞彼交衢再紀鳴鑿之節偃波成字取法於奎躔回筋窮微能知於府實安可比之賤技固當勵彼兼才鄙事自謙雖聞尼父之語嘉猷可採蓋遵保氏之儀固難詰以他規宜見嘉於善誘

乙為太常請復鄉飲酒御史以為其禮久廢不可復行

教民以禮誠欲從時觀鄉有儀豈妨行古將舉治邦之典必先幾聖之謀况乎事著前修議非獨見太常以禮存沿革請頒尚齒之儀御史云政貴因循難復與賢之制雖是非之互列在白黑以宜分順彼世機豈五禮之必廢知其王道亦三代之可追何則舊典攸存鴻儀具舉賓王取象於天地長幼以倫介僕立法於陰陽登降有數俾其成俗可以制中三揖而后升所期教讓五十者立侍式冀明尊匪獨揚觶以為

武溪集卷十二

二

容抑亦薦能而垂範嚴凝溫厚體仁義而有經西北東南正衽席而無亂式稽典故誠可遵行請從宗伯之言庶協先王之訓

丙為大夫浣衣濯冠以朝或譏其隘辭云儉德之恭也

車服有章誠難偏下衣冠無僭當許謹身在全德而或虧於常情而何過丙也名先淑慎志謝紛華趨表著以思恭方期率勵服洗濯而從儉式誠奢溢蓋質樸而自居矣固陋而相罪且三梁垂製用辨於尊卑百襲矜豪未慙於侈汰所期見常何乃云非貴而能

貧嘗觀子張之戒富而好禮式遵尼父之謀俾有節於身章寧妄加於首飾平津布被誠或慮其矯誣子臧鷓冠終亦招於禍敗蓋俗奢而示儉非詐善而近名忘九儀之有差信一節之可尚雖義存戴禮狐裘為卿佐之讖而詩美周南葛賈有后妃之化式昭恭德無愧前脩

丁盛服謁使者門下令其解劍辭云劍者君子武備不可解

皇華宣命雖喜登門武備飾身寧宜解劍必許兼人之勇難從索客之言丁也修謁駟車入趨墻仞仰其

武溪集卷十二

三

符求未逢躡履之迎佩彼干將遂致解衣之拒過既彰於下吏禮將闕於上賓揖讓未修侮慢可耻且繡衣美秩誠欲尊崇而王具盛容難輕去就所宜與進胡莫肄儀雖列郡宣風漢守布佩牛之化沉公門異禮魯人有脫絨之嫌事苟失於典尋義寧其於進退代逢吳子設諸或止於滕行名重霍光簡傳亦羞於露索固當從俗奚獨亂常持芥自矜暴勝之既聞失節撫齋無苟雋不疑終亦抗辭勿疑披露之心在煥干星之彩

戊為御史大夫泣封具獄成讎其過

黃沙具獄雖貴衰矜丹筆正刑何煩感泣苟原心而無濫詠承捷以胡為戊名冠駕行任隆烏府國章明啓每色聽而得情奏章初成必面封而流淚詳觀所覆未協大中何則自疎其舉人既彰於凶德不失有罪法但誠於深文儻能察必無冤何用痛其不免且明德慎罰雖存審克之規而議獄緩死豈有連茹之象況自專於決讞亦可辨其重輕若微纆之安施雖涕洟而何益惠教者意所謂婦人之仁疾惡無私宜慙君子之器但可精於慎惻固應絕彼紛悲對室家盛吉未為得義辰生棘木張敞無乃近名將示小慈終虧大體

武溪集卷十二

四

甲為京尹耕者讓畔行者異路或云無益威嚴御下誠曰有權禮讓移風孰云無益雖浩穰之難理惟漸染而克成甲以德服人所居必化大田千耦咸敷讓畔之誠廣陌三條盡識異途之教式期成俗非欲邀名何乃或人旁生橫議且仁政必始於經界自協和平善教不爭於颺夷爰資誘導治可孚於繩木事且異於米鹽學校如林既飛聲於蜀郡羔豚去飾嘗闡化於中都實倉厚而有知奉詔條而無失岐山布德遂陵虞芮之心馮翊推誠終息第允之訟

咸裨治體綽著民彝必世後仁備聞往謀一國興讓  
寧愧前修宜唯知稼穡之難不復競險易之利但可  
勵其謙退無宜督以科繩黃霸雖已失中張敞未為  
知義

乙為刺史薦門下吏或以為當得山澤隱  
滯辭云山澤不必有異士

擇賢而任誠恤滯淹惟才是求何必幽隱但器能而  
可採豈適輻以為先乙束帶立朝剖符出守心既精  
於求瘼道固協於援能千騎長人任且隆於藩翰百  
石補吏器不問於山林爰推體國之忠允協知人之

武英集卷十一

五

善豈資遺逸方侯甄收且風鑒既精文子或陞於管  
庫官聯荀序衛青猶奮於庸奴所貴立賢無方庶協  
適時之用爰爰之帛徒欲資於立園森森之材自可  
擇其翹楚具祐嘗交於小吏夷吾亦舉於僻游採彼  
虛名盧毓終羞於畫餅取其大節鄭詩無棄於林對  
奚必約蘭之人方今推轂而仕雖魚儒言教當舉於  
逸民而漢字援賢止求於佳器式諧舉類無或執迷  
丙越度官府垣離官司罪之辭云隨甲而

往  
協謀抵禁法有減論冒慶千刑理無從坐既投足而

同往豈原心而或殊丙德之弗修動而有悔不如已  
者方踰數仞之牆因而從之遂惟三尺之法自踈明  
慎猶啓薄言況穴隙以相從惟既茨而是履前王著  
令徒攀共犯之條君子嚮儒蓋守獨行之節矧府寺  
之攸設惟藩屏而是崇不得其門同臨蔽惡之地必  
求諸道當慙由徑之非雖曰比之匪人實亦動而過  
則原其發慮遽云職汝之由詳彼治躬豈可効人之  
僻外將誰執感實已招視籬落之具有當跬步而為  
過別冒漢家之網或異首科自絕蒲人之祛諒難降  
等三千之條備紀七十之杖何逃罪必甘心詞奚苦

武英集卷十一

六

甲私行入驛驛官拒之辭云職事吾口以上  
出非君命難入息於野廬名重官聯當即安於公館  
既紆朱而表貴雖按轡以何傷甲錫爵王朝改轅私  
役名司其局張旌且異於輜駟駕言出遊殊馬遂登  
於館舍何哉主吏用識彝儀况銀章之自崇豈金車  
而見困地分亭埃亦既高其開關位列簪纓焉可止  
于逆旅官已差其口秩入合辨於尊卑伯宗之傳弗  
乘誠難假道于產之垣未毀姑可安身必體置郵之  
規且殊授察之費漢朝典故自存予告之條周知職



司宜謹守涂之役豈謂治其家事即欲異於王人不  
違寧居駟牡雖非於驛騎各有飲處一宿當就於蓬  
廬但可容其寢興無或給其委積式符唐令勿亂周  
行

辛捕罪人丁過而不救辭云家有急事故  
療

連播未擒宜同掩襲彌留待救安可置回苟或責其  
容姦姑合先於拯患辛事當祇役職在追逃力而拘  
之飢鷹之効未展勢不足者困獸之鬪方勞者彼遵  
塗之人式莫執兵之助備其越逸此望惠然肯來憂

金鑑卷十二

七

在族姻彼乃往而不返誠或慮其飾詐諒合原其執  
心網恐漏於吞舟固宜并力病方深於易箒安得忘  
情徒欲詰其圖全未可罪其為已囚其亡命雖追捕  
以攸先人各有親當患難而自救縱云行邁殊匪坐  
觀逋逃之黨未除遽令適我瞑眩之求不濟則欲怒  
誰職且異於追胥罰難加於行路是則彼有詞矣姑  
合宥而捨之

秘閣試十首

甲建議請依漢舉孝弟力田者復其身難  
者以為古今不同恐生僥倖

行著闔門固宜勵俗力勤畎畝未可興賢將施復筭  
之科當舉酌中之典甲學雖博古識未知今徒課整  
其謏聞遂堅陳於白奏以謂教先三德必求鄉黨之  
揚名地給百廩宜察井廬之懋力垂為科制視彼賢  
愚苟能傑於等夷則使蠲其征賦未臻其極夫豈無  
詞何則魯分德行之科誠為選衆秦急耕戰之務乃  
俾復身事雖著於典章理或資於沿革謹循陔之養  
自可旌門富連阡之田寧容減筭愷悌有移風之益  
肝肫乃潤屋之常徒欲勉其助農為得比其抱義賢  
者貴者周官弛力而有經或耜或耘漢制免徭而為

金鑑卷十二

八

濫但可察其高節禁被情游且負甲能趨魏氏雖寬  
於一卒維桑念舊世祖猶惜於十年庶証協於布常  
難兼行於優復

乙以賊抵罪至死丙與之聯事哀其母老  
請獄自陳與乙同受欲減其死有司不許  
曰吾不於狀外案事

交將重義當濟急難獄行責情奚輕糾劾雖欲許其  
排患固宜執彼受中乙也行乃辱先官非詔德水壺  
失檢將書伏鎖之刑綵衣承顏遂廢循陔之侍眷言  
益友遽啟嘉謀自引姦賊蓋欲令其緩死相先爵位

曾不顧於危身慎測言機宜敦治體官曹聯事雖嚴  
相坐之條吏局茂私當察獨行之志本殊共犯寧信  
自証養關北堂誠憂其待盡議專舟筆難溢於非辜  
爾雖重於金蘭我豈輕於微縵梟鸞並翼縱未革音  
玉石同焚恐為傷善所宜理奪安取面從君子結交  
義徒深於刎頸前王著律罪固在於原心無聽憑虛  
庶諧閱實

丙掌與丁有舊亡命抵丁不過丁弟戊年

幼因留舍之及事泄有司收丁戊送獄戊

曰保納舍藏者我也丁曰彼來求我非弟

之罪州縣不能決遂上讞之

罪因容隱卽坐藏亡詞苟逮連先科率下當責正家  
之道庶諧治國之風丙砥礪自乖廉隅靡慎動既罹  
於漢網滅耳堪憂逸遂同於楚囚脫身有計始求舊  
而無遇俄蒐隱而有歸旋聞欲蓋而彰彼皆不愛其  
死丁以漏魚見詰情本締交戊以題鳳未逢罪歸隱  
惡各感遺身之分競推約法之宜雖義重鴛原將讓  
生於季弟而令行漢帝終報重於元昆式協事機庶  
諧刑典胡為州縣之讞罔達朝廷之規且曰為兄之  
難須從任長之律叔段不悛鄭伯有失教之譏文舉

保奸孔褒當隱賊之坐况云年幼宜協律文

甲建議請依古法置銅虎符給郡守每當

發兵遣使者至郡合符符合乃聽受之所

以慎重戎事難者以為其法久廢行之無

益

事重幾微雖崇使節時逢開泰焉用兵符志徒務於

經邦理何忘於觀變甲也自矜博識罔達嘉猷以為

千里宣風既共馮於熊軾六韜董眾請復頒於虎符

冀皇華之或臨俾軍興而無妄詳觀獨見恐泥舊章

右一左三誠則重其戎事先庚後甲亦將順彼民風

苟專金革之容將異詩書之敬且靈臺師節况當舞

羽之朝豈英蕩使威獨啓握兵之用在古今之異代

豈必襲而一貫司馬以牙璋起旅式紀周官會稽以

髦節興師終乖漢制矧茲凶器安露沉機且發即堪

憂世祖掌云於鬢白雖合而為信晉鄙未免於心欺

徒事危言殊非利旨

丁為別將遇敵強不戰而退主帥責其罪

悞之罪丁不伏曰見可而進知難而退軍

之善政也

陷堅却敵雖期必克全師保勝則貴知權苟免喪推

之羞難責臨戎之略丁建牙裨校賜戟別屯提虎旅  
以先登達豹韜之妙識粟糧坐甲雖有奪人之心高  
壘固軍誠在知難而退胡為主帥自昧機鈴徒謂耻  
於交綏曾未得於多筭且夫什則圍而倍則戰者自  
前聞小敵堅而大敵擒存諸嘉話豈輕備禦自取覆  
亡鋒不可當爾雖慙於避銳冠無所掠我未爽於知  
兵所期量力而行寧妨觀釁而動有進無退誠或譏  
其逗留鞠旅陳師合先明於勝負鬪雖同於困獸慮  
宜盡於前茅自全必勝之名孰致非夫之誚楚稱六  
間徒聞卻至之言晉全三軍合採纒書之策勢使然  
也人其謂何

金溪集卷十二

十一

乙為國將其兄嘗為敵人丙所害後丙敗  
來降其國君勅乙曰丙即至人馬從者敢  
搖動者致族夷乙曰兄弟之讎不反兵  
亢宗私室有怨寧忘受命王朝雖讎必捨苟避嫌於  
虐我將取誚於非忠乙志篤弟恭名高將種昔多患  
難痛斷手於兇人今既平寧親束身於皇化俄屢承  
於君令俾無復於仇家奉以周旋難乎進退執兵待  
報嘗悲列鼎之身牽羊既未難背如綸之旨縱高義之  
所在當首忠規苟釋憾之弗遑未足為禍若廢命而

之儀聿重閨門之賁可

德妃沈氏曾祖升贈太師宜特贈尚書令  
勅朕丕承洪緒稱秩舊章羞潔染盛親享清廟贊奠  
珪幣祇薦柴壇神靈降格福祉休應思與率土同此  
純禧外庭播紳朕之輔佐咸布寵澤被於存亡矧惟  
先朝妃御協宣陰化宜有恩榮逮于祖禰某官純誠  
格物懿行聞時聿生柱石之賢以為廊廟之用積德  
至厚流福無涯肆惟曾孫實參內職荐被密章之寵  
彌增壤樹之光宜加三獨之榮以示六官之美可  
曾祖母追封燕國太夫人華氏宜封國太

金溪集卷十二

十二

夫人

勅朕親享太室展追養繼孝之誠慈祀園丘成報本  
反始之禮精意所感繁祉來同內外職司恩渥咸被  
某曾祖母某氏婦順修訪母道嚴明聿生佐命之賢  
以濟奕世之美調鼎之彥已顯於廟堂采繫之範更  
流於宮掖今以雀釵之貴荐加象服之榮推此恩華  
共光存沒可

祖贈太師尚書令冀王倫宜特贈兼中書  
令

勅朕嗣守丕業奉順先猷三歲一郊百神受職芬芳

乙為給事中制勅有不可者遂於黃勅後批之吏曰宜別連白紙乙曰別以白紙乃是文狀豈曰批勅耶有司劾以非事君之道無人臣之禮

事協謀猷固宜將順職居封駁安可依違若毫釐之有差在彌縫而必正苟責事君之禮蓋先體國之誠乙才可兼人位未充量青瑣要務既踐夕郎之班黃紙除書或塗燕相之字庶昭骨鯁以備箴規初啓紫泥之封未敢奉詔若連白狀之尾不如無書雖天語之已宣在朝論之必振慎其出令誠無反汗之期勤

金鑑卷之三

三

於獻可莫懼犯顏之責儻從吏議恐昧國經且王言如絲自存於網紀而臣心若水卹効於脂膏異詭隨而自居豈忠亮而為罪漢代或旌於肅奉唐家亦美於封還哭李谿之白麻誠為沮事批叔翰之黃勅難廢注官當許直臣無拘局節

甲為亳州刺史州境有群賊剽人廬舍劫奪貨財累政不能擒捕甲潛設機謀悉知賊之巢穴乃起兵盡誅斬之廉使責其不先啓聞劾以擅興之罪甲白前賊除兇間不容息若須啓報恐失機宜

政宣列土專命非忠師如疾雷擒姦貴速必重解紛之誠寧貽動眾之譏况乎職在宣風民未安堵眷彼菴蒲之黨方恣放敷揚乎桴鼓之威宜先勸絕胡為執政曾未協心刺史以戰得廟謨進宜耀於貔虎廉使以兵稱凶器動必待於絲綸彼雖震於擅興此已成於拙速且株徒既歿尚曰時予之辜儻滋蔓難除抑亦是誰之過責其制變恐未知權待越客而操舟何能極溺白大人而救火應已焦頭苟協機宜難料事輒死或枉於金革不俟君言事苟利於國家豈虧臣節式顯發姦之志當許幹時之策蒼鷹將逐於鳥

金鑑卷之三

四

雀武怒可嘉疎網未漏於鯨鯢刑章斯得害既除於惡馬理無取於亂繩不得已而用之此宜無罪嘗學斷斯獄矣人豈有非

舊制戶絕田土皆没入官丙建議請給與見佃人難者以為戶絕之家悉是鰥寡孤獨若給與見佃之人佃人利其土田恐生窺伺枉害人命

土均三壤素號於王田人謝九泉豈私於民惠况乎名編生齒賦取食毛全歸方歎於天窮莫謂嗣續籍沒式頒於戶令用絕覲覲重為典章多歷年所建議

以國不言利請散於族姻難者以人皆有貪恐生於  
僥倖雖是非之互舉在萌漸以宜防原隰丘陵既厚  
連阡之人縲寡孤獨寧無宜董之虞儻富貴之可圖  
諒姦詐之必啓兼子旗之室嘗聞立宰之嫌破石崇  
之家亦切利財之歎遂令游惰之輩悉生窺伺之心  
非大猷之是經曾小惠之未徧且周公垂法自存井  
牧之規豈伯道無兒却為隣里之喜舊章可舉新意  
難從

私試十首

乙須選部舉丙為吏議者以丙父得罪

金鑑卷十三

十五

不許辭云罪不相及

錯新求治舉必擇材真棘施刑罰寧及嗣用蓋資於  
俊又法可取於繁苛乙位列天官識高風鑒再權逸  
羣之俊爰敦舉善之方教缺家肥人雖憂其肖父罪  
非孥戮理未廢於興賢當國器而是求豈門閥而見  
棄仲弓積行甯觀犁牛之嗟大禹立功寧坐羽山之  
黜何謂從其類也固合取其節焉拔茅必協於彙征  
雖聞選衆採非苟遺於下體無乃失人若堂構而是  
思恐輪轅之未盡醴田秉禮當成即缺之名伏鎖就  
刑豈傷嵇紹之舉莫宜棄我益許援能雖黨錮逮連

漢代嘗聞於廢族而網羅遺逸周人弗絕於起家宜  
詢子也之良無糾父考之惡

甲未冠而戰死里尹欲以殤禮葬之鄉師  
不許

未加冠弁禮雖下於成人能奮干戈義必旌於死國  
謀且高於出類制寧拘於襲常甲勇畧自居軍鋒其  
銳筮廟門而加布尚翹冠期歌虞殯以舉旗願先戎  
事志方堅於血刃身遂陷於膏原里尹以年在佩鴈  
當從降服鄉師以力能衛社難減遣車各執是非之  
心互有異同之論若童心未變當從厭祭之儀况士

金鑑卷十三

十六

節可嘉宜徇旌賢之議短長斯見用捨何疑敝無存  
之先登葬猶加等陳子行之即敵死乃盡忠豈待請  
醴之期欲削成墳之制周公舊訓雖有祭宗之文尼  
父嘉談嘗著勿殤之義能存馬援之志勿貶童汪之  
容

丙獨居一室夜暴風雨隣婦室壞趨而託  
焉丙閉戶不納或譏其不仁

急難相救里仁姑務於恤隣居處必莊君子不忘乎  
慎獨雖幸災而是懼當欺暗以為虞丙也儼若攸思  
塊然危坐謹爾容於異室偶天變於中宵苦婦興嗟

梁木其壞魯人守節風雨不渝徒款扉而見投終閉  
門而弗納窮來歸我任潔志於冰霜人而無儀恐致  
嫌於瓜李蓋期乎率獲不越豈忘於惻隱之心且女  
子有行夜必思於秉燭而賢人之德疑亦戎於拾塵  
况乎大欲存焉曷可苟而已矣援之以手既異子與  
之權姬不逮門難敷展禽之可當杜未然之誘宜旌  
不亂之言責以羣居慮非達理

乙名譽不聞或責之辭云友之罪也

道貫五常雖資力行譽流四表必假友生既兼該而  
育成在愉揚而乃顯乙智高博古學富知今鼓篋師  
門肆鑽研而自得斷金交態掩聲稱以無聞遽興或  
者之譏實自良朋之過且王陽筮仕古人嘗喜於彈  
冠朱博知名當代共推於結綬探賸既勤於道術嘖  
鳴寧忘於奮飛削牘三千媒街雖能延譽寓言十九  
吹嘘誰不因人學苟廢於修辭固宜罪已義或因於  
敵善何謂得朋才既由於爾知聲豈資於我鼓頰回  
好學在尼父之所稱蜀嚴逃名因楊雄而益顯當責  
如蘭之契庶諧伐木之風

武溪集卷第十三

工部尚書充集賢院學士贈尚書左僕射累贈少師謚襄公余靖

判詞下

丁為大夫薦而不祭或責其不孝辭云未給圭田

羔羊有位姑務奉先田祿未頒則當殺禮志不愆於率義理亦貴於從宜丁一命方祭十倫尤闕班超表著祭當取於首時地薄都家薦乃從於仲月儀雖偏下事貴舉中且圭潔取各尚闕容於百畝而博碩為

武溪集卷十三

用難備數於三牲豈故廢於羔羊蓋有差於爵秩况國章具舉固已辨於等威家廟致豐詎敢踰於各位宜許率常之節勿貽忝祖之譏身以豚肩從鄙晏嬰之隘陳之羊饋豈傷屈建之賢未全大夫之恩何切庶人之誚有嚴籩豆苟殊豐昵之嫌無取築盛當採薦新之制亦猶行古寧以他規

乙為將兵士寒餒乞襦乙不之與或責其不撫士卒辭云人臣無私施

輕財撫士雖得衆心散物擅恩恐非臣節將舉即戎之責須存許國之誠乙也黃石貽謀漢壇鷹寄飄風

冽冽方當隋指之寒被練將將怒有乞襦之者賢哉臨事展矣能讓志在恤人誠合矜其凍餒美當歸上豈宜奪彼慈仁自敷御下之方將教尊君之禮絕其分少固宜推彼赤心別嫌明微何必行其小惠縱使求之不得我乃思而無邪散漢將之黃金雖聞大略均楚師之挾纊蓋自温言憫一夫未足稱賢存大義故能和衆下車濟涉子產所以貽譏在笥絕私仲達於焉見賞不敢專也可以事君雖無與之不失其正

乙春田火弊或告其暴物辭云獻禽以祭社

武溪集卷十三

啓蟄布和誠憂害物萊田展禮寧廢獻禽事未悖於天時理蓋勤於事典乙素推卓識頗達舊章因農隙以備儀順春蒐而行古下綏止殺園必戒於掩羣揚炬弊略義將存於擇孕蓋取順天之制寧同暴殄之威乾豆是求克廟庖而有品青陽式屆伸地道以何慙止車用協於周官艾蘭率符於魯道雖區萌既達須行太皞之仁而麋郊無傷奚爽虞人之職縱國門之將禁在野禮之必行原隰未耕方及焚萊之候置眾暫徃終非委馱之徒既薦以松之神式協除苗之害因蒐狩以習武自有邦儀戒馳騁之發狂未蓋古

訓克比獻鳩之度無愆配稷之容

丙舉盜以為公臣或非之辭云可人也所遊僻耳

殖財斯濫誠曰非賢染惡可矜奚傷見舉未爽援能之道庶臻遷善之風丙識達惟精名光則哲爾將喻利既結黨於蕪蒲我務擇才故取節於葑菲跡雖殊於疾惡志所貴於激貪所遊弗近於正人縱乖積習善誘必成於佳器亦可甄收况多能而是求諒一肯而何掩陳太丘贈練致悔遂絕貪民戴若思投劔改容卒為雅士庶有期於折節寧無謂以惠茲苟非逸

金雀卷十三

三

甲莖讐人之妻或責其不義辭云滅其可滅葬其可葬

執兵有報睡耻既除委骨無歸瘞埋何爽雖疚心於雷我難取銷於非仁甲智妙見機志先行古齊襄自立已雪九世之仇紀婦何辜方崇四尺之墓且勵精於刷耻遂順變以從權釋憾是圖惠雖深於側目遺

駭奇棄禍豈及於齊眉徒有切於忘生固未宜於遷怒義士切齒漢俠誠務於遺身婦人僵尸魯史嘗譏於非禮姑存大節無愧責言况乎損怨為忠爰著作威之誠益仇非智當長敵惠之謀矧異枕戈之人那傷掩骼之化復讐因病尚耻非夫加禮既亡胡為不義公羊可採青鳥必行

甲授田不入國征里尹責之辭云加田

賦均三壤必入地征賞有加田豈同民筭式舉優賢之典蓋寬量歲之科甲貴列命夫名高國士分地之利祿均既啟於都家食士之毛功懋復頒於畎畝何哉里尹惜彼邦經稅熟首新雖欲歸其王府方輸錯出寧宜及彼圭田既異任民之居蓋視節財之式奠什一之賦爾誠務於徇公取三百之未我益因於獲德當遵古制無亂疊章本殊食菜之榮自分公邑復異連阡之富止實私囊賜既表於主恩貢難從於吏議指膏腴而固請况非王舅之謀美勳勞之所加宜守周公之法式期勸善當許免征

乙為刺史術者告將有火災請用權筆以讓之乙不許或告其愛寶棄民辭云天道

遠

金雀卷十三

四



政經勉順誠務恤災天道淵微寧先感衆自得安邦  
之術誰興愛寶之譏乙也任重股肱憂分宵旰誠每  
敦於亮直志靡尚於奇素執技之徒視視遽稱於星  
變先時而備真玉請穰於火妖既務宣風寧從語惟  
雖鬱攸之氣將深徹屋之虞而幽榮之儀曷容非鬼  
之祀矧條教之斯職當器識以攸先王高正議於水  
災民憂自息劉劭抗詞於日蝕軋象焉知固宜求福  
不回式昭非禮勿動若事存前漸弗絕本於訛言即  
害有流行恐誘民於左道儻責躬而未至雖致享以  
何為塗潦可防當思廉范之教權竿不用未傷子產

武彙卷十三

三

之賢編氓可使由之太守斯得之矣縱違禪竈之辯  
終免鄭人之憂

丙濟君之難賞之不受曰非為身也或責其矯

臨危奮命可謂盡忠辭賞避榮何傷索已勇既稱於  
排難志且異於飭非丙也位列王臣才標國幹推誠  
可以貫白日吐氣可以截飛霓竭以股肱拯綴旒於  
將墜昌其鋒鏑示勁章以彌堅當秉節以無渝諒殺  
身而何懼疇其爵邑將酌汗馬之勞棄彼利名遂返  
屠羊之業蓋濟君而是切豈微賞以為心董安于不

尚戰功固慙准疾介之推靡貪天力爰比竊財始隆報  
國之謀終獲退身之美斬肩是衛書竹帛以何慙成命既辭雖  
茅土而奚責自高淡泊孰謂矧魯連能下於齊城寧激縹  
組申胥再安於楚國無取執主忠義可嘉搗讓那爽

乙為政請隳都城識其無備辭云都城不  
過百雉

政在而益榮豈多備城苟過制何謂弱枝爰啓見機  
之謀當許復隍之請乙器能高世忠亮拔群方推許  
國之忠遽展濟時之略以謂金湯作固誠多藩屏之  
功控帶相高必啓寇戎之害式陳良筭允叶明謀庇

武彙卷十三

六

民無假於深池頽墻頽垣填於濬洫且赫連定霸雖增  
蒸土之勞士為知權寧慎實薪之役深詳得失妙察  
興衰縱墨翟多能九攻聞解帶之術而鄭丹遠識五  
大有在邊之譏蓋虞乎讐必保焉蓋循乎古之制也  
今京不度在百雉以貽憂夫魯有初諒三都之必毀  
允合仲尼之志何慙由也之忠

甲父在而受車馬之賜或責其違禮辭云  
崇君命也

爵祿有制當避父尊車服所旌難廢君命恩若推於  
懋賞禮未爽於從宜甲也器幹淳深識局淵懿趨庭

承訓既盡綵衣之歡報國成功遂膺先路之賜遽聞  
譏刺當體謀惟古者襲爵於父兄故當殺禮今也擇  
材於俊又豈限常科博古所貴於知今達禮亦宜於  
察變向魁無祿而多馬誠奈國章張輔有位而賜車  
奚傷于道無拘介節式協大猷時既改於漢官事難  
盡於周禮叔孫以葬平子雖欲妄詞石津及門當代  
未聞致請但守一經之教寧懷駟馬之嫌况親在而  
益榮豈位高而見怒

歲有札荒刺史欲移其民縣令云民有所  
守不可移刺史不許

金法集卷之三

七

歲功不順誠貴利遷民守有常固難遠徙雖舉恤災  
之政必存從俗之謀眷彼編氓屢茲列郡札瘥為梗  
當天厲之流行旱勞多傷致地財之耗數蓄欠九年  
之用食憂三輔之艱竹符以適彼樂郊庶推恩於拯  
救蒲宰以越在他境恐成弊於流庸皆懷恤下之心  
當體濟時之道咸其漕運彼既勿於移民守以封疆  
此固請於歸粟雖周官之備紀在唐令以兼明卿有  
寬間當徙家而必募地居雄望俾減戶以誠難薄征  
固可以撫毗荒政不專於就賤晉國舉卯瑕之壤雖  
喜近甸魏王移河內之人亦譏罪歲故知拯患必務

從宜

乙居草澤被召到都謁見不拜或責其失  
禮辭云禮者忠信之薄吾以忠信奉上

鶴光絕俗則全高尚之風應聘趨朝必順尊卑之序  
雖疑情於方外難失節於君前苟亡九拜之勞是慢  
五常之教乙鑿坏曠達築室道遙擇豹霧以深藏絨  
鶴書而屢降沈冥谷口既祇命於軟輪咫尺天威遽  
抗容於文陛務誇誕而廢禮忘盤辟以致恭問以辨  
之徒云忠信之薄必有尊也柰失朝廷之儀辭既妄  
興義將安取若隱而未見固當高蹈於山林且賁然

金法集卷之三

八

采思宜宜長揖於君父縱曰遺榮於軒冕其如被旨  
於絲綸昔周亞夫之御戎徒矜介士蘇子卿之秉節  
止對筆于未聞謁見之初全微拜起之度許由洗耳  
雖輕萬乘之權盧鴻好名已悖四維之道宜從斥罷  
用肅威儀

丁行堂贈人告其左道辭云古禮

國難藏事式期歐疫堂贈肆儀孰稱疑衆蓋取順時  
之禮無貽失節之譏丁也識局該明事機詳練礫牲  
致用畢春氣於九門執芻備容逐厲神於四裔何哉  
致諾曾莫表微蓋示訖於歲功亦猶行於古道執戈

揚者既取象於岐除逐舊迎新且齊名於攻禮理符  
有事爲匪無稽宣尼立阼之言其來尚矣周人清廟  
之制而忘諸乎菁索之用充宣朱衣之容式顯食唐  
食魁其徒寔繁無筭無方厥儀斯在呂禮備存於稷  
粢漢官尤襲於源流執巫人之桃謂予不信削神荼  
之版非尔所知自得爨章誰云左道

乙自爲鼎銘以稱揚其先祖之善或譏其  
蓋失數美辭云孝也

矜功作器誠慮褊心揚名顯親何傷善教爰表奉先  
之志奚稱數美之非乙不私其身亦猶行古念彼先  
人之道綽著光輝飾以君子之辭敢忘論譏聿崇彝  
器用紀嘉猷榮考父之芳銘家聲不墜勸景襄之茂  
闕祖德長存儻有善而不知諒爲人而非智迷而不  
作所以纂乃舊勳煥乎有文所以著之後世苟或譏  
其隱惡無乃失於知言數未嘗於華孫蓋羞失禮歲  
季平於武仲亦謂妨農况承襲之是先豈掄揚而見  
誦勒盤盂者尚聞垂訓紀鍾鼎者孰謂非宜所期動  
則有成是冀死而不朽異彼周王之作宛擲貽機同  
乃孔悝之銘衛猷備載古之制也人其謂何

甲建議請標檢遠年逃戶田土克百官職

田可以激勸廉吏難者以多少不同而勢  
家奔競請盡沒官

仕田有制蓋欲厚賢邦土未均益防趨利將舉建中  
之策必遵經世之謀况乎百郡張官九州分壤建議  
以豐其衣食請頒曠土於羣僚難者云限以封疆且  
患庶邦家之異制共期康國咸竭危言將研事機當  
先治體何則古者分其縣削皆給受於王田今也廢  
其井廬悉割列於民業必若取足於通播豈不生奸  
於覬覦矧雉望之有殊奚畝畝之能一旦名都大邑  
多者有連阡之收而瘠土近郊少者之立錫之所遂  
使下自銓管上暨公侯徒間膏腴罔知勤恤上地沃  
野咸歸貴勢之家游戶墮農悉爲衣食之客未立均  
平之度頗增奔競之風實橐裝者則云可勵廉隅無  
地求者豈曰悉爲貪污雖五十畝之舊制嘗聞孟子  
之談况三百廛之上腴已壞商君之法公邑家邑亦既異  
於周官寬鄉狹鄉且已頒於唐令豈流庸之未復因  
刈穫而是圖指曠野以爲田配罷民而增賦奉其祭  
祀方殊食菜之榮具其州閭奚備種林之入既小惠  
之未徧當大猷之是經苟謂必勸其廉平曷若例加  
於俸給請從新法無取舊規

大廟薦享甲有總喪遣充執事科太常罪  
訴云甲不自言

吉蠲鎮信蓋重於至誠哀素居心寧行於大禮事雖  
由於廢命過當坐於隱情况乎宗祐鴻儀蒸嘗順祀  
備牲牢而登俎將示恪恭釋縗經以及門恐非齋潔  
再申令甲綽布舊章胡為叢薦之徒敢亂吉凶之制  
禮稱寧戚忘布縷之在躬時及告虔披冕弁而興祭  
觀其罔上無乃黷神俾居遷豆之間將失廟祧之體  
且堂事室事固合行之有經錫縷疑縷安得掩而不  
問式期直理宜辨終詞向若凶釁素聞罪必歸於常  
伯苟或哀摧自秘罰當正於總親庶無濫於刑章亦  
不愆於祭典

武溪集卷一三

十一

乙代判官文書有司科罪辭云本案事直  
官命未改各謹分曹人心不同寧容假手苟自輕於  
觸法諒奚測於挾私乙樸檄微材斗筭賤器忝庇身  
之官邑方侍獨賢顧堆案之簿書俄欣代判既彰落  
筆之敏旋聞離局之訴且虞人至賤罔徇招弓之儀  
雖宗祝多能寧兼越俎之事宜慙過舉無或失辭足  
驗名愆胡云理直分職辨洽况乃無相奪倫染翰飛  
文安可不思其舊縱虞滯訟蓋問攸司小智爰居尚

惡挈瓶之假彝章可舉當知代斷之傷必附深文奚  
勞薄訴官無留事爾雖稱於徇公邦有常刑我用科  
於離次

丁去官而受舊屬饋與或告其違法訴云  
家口已離本任

食糜養廉執心斯可及瓜受代改操則非安得因其  
去官遂不思於潔已丁也才高有位秩滿將遷飛鳳銜  
書亦既榮於寵命解龜罷政遂靡讓於好羞謂行適  
之有期曾厭私而不懼况古之循吏名列青編掛府  
丞之魚誠在蒞官之日留壽春之犢實惟去任之晨

武溪集卷一三

十二

何乃肆貪罔知守節歌卸侯之五鼓曾足遵途持山  
陰之一錢當思勵俗徒欣苟得豈曰能謀重耳受殮  
蓋當於旅食叔魚反錦益愧於公行如云不爾瑕疵  
則恐罔知紀極推恩布化未聞畫象之遺風黷貨啓  
奸遽恣貪狼之本性縱離境壤終喪廉隅減三等以  
定刑乃九章之雷制

壬盜乙馬歸而產駒法司斷并駒還主盜  
以駒非正賊不伏

盜肆敝歎雖祈苟得物有蕃庶誠宜復歸俾懲敗類  
之心式叶防淫之典壬也蕉蒲命侶溪壑凝懷秀稟

房精既獲秦穆之駿價傳龍種遽產渥洼之駒初欣  
執勒之奇俄敗穿窬之跡永言司憲武舉成規代勞  
方戀於君軒必復其始游牝縱生於爾室亦又何求  
既盡意於邦經尚見非於寇黨徒煩亟請難改前言  
且貿易之貨他類猶聞於歸主矧阜蕃之畜見職安  
得而惠新無差伏櫪之謀當從共阜之本宜詳治體  
奚取盜言獻美乘於虞公終為晉府返名駒於北叟  
式叶莊篇勿輕轅下之賊必採受中之法

庚二罪俱發過失犯流單丁犯徒法司以  
加杖是重判官以流坐為先

金卷之三 十三

凶德兩彰播棄為重贖刑兼用居作攸先苟擬議以  
無私則憲章面弗紊吏智慙假器愚甚守株捕屢年  
宜據抵授荒之禁猖狂自恣仍書坐右之銘惡既親  
於腥聞理尚疑於決讞罪因過失法乃從於贖金人  
或孤惻刑則止於加杖罰金非播棄之比加杖殊居  
作之勤憲司云入以百錄未為重斷主判以傷於一  
跌亦附輕條既是非之不同在取捨而宜審必詳常  
憲當協大中罪若等於徒年須移箠令罰且深於流  
宥難用鞭刑所冀慎思寧煩偏見囚未投於臆懸誠  
慮恢疎法雖增於榜笞亦歸欽恤宜從出貸庶叶泣

辜

壬持刀仗入讐人家法司以謀殺人論訴  
非一人不仗為謀

挾刃獨行雖非結客傷人有志何 同謀既式辨於  
讐家復奚輕於邦禁主也勇惟尚氣意在遺身進縱  
燕市之豪呼跡夷門之俊始因胥怨方增堂膳之羞  
終乃交仇遂起執兵之變將攻舊隙爰肆偏心操盾  
持矛雖未詣於釋憾升堂入室固已切於捐軀焉為如  
辟之期猶恣欺心之語挾專諸之匕首足驗輕生及  
趙盾之寢門寧無發慮奚煩借往乃謂矢謀豫讓斬

金卷之三 十四

衣本乏談諧之旅白公礪劍那聞協贊之徒在怨府  
以斯明豈邪朋而是問雖或先或後弗詢死黨之言  
且已傷未傷當用調人之禁爾之罪也夫復何云

乙家有論語識或告其私畜禁書不伏

疑眾成書必嚴邦禁解經有說寧廢家藏義已著於  
公行罰豈同於私習乙忘勤稽古學富窮微巾箱如  
務於多聞几案遂存於異覽名以出義雖比桓譚之  
非書不盡言蓋述仲尼之志何或人之致詰昧前聖  
之垂規齊七政於璣衡本殊秘象立五經之管轄當  
備徵文豈令該博之徒盡比包藏之禁至若乾文淵

觀時變幽深皆倚伏之難明恐生靈之易惑亂之所由生也民不可使知之爰著前聞式嚴彝憲我異於是人其謂何綿候相高號雖同於惟牒典墳一貫理終異於神經自當參驗人區豈獨探袖真贖術符箕子猶存建極之談時匪李斯難舉挾書之律

丁以律令式內數事不便奏乞改行大理以不先申省斷徒訴稱詣闕上表不伏

削牘南宮雖存舊制奏書北闕難坐直言當壻撫而有諫豈彌縫而獲罪丁公忠秉操亮直推誠方堅事主之心遂啓經邦之策懼滋章之積弊或未協中思

武彙卷十三

主

簡要以成規弗慙始固非矜於出位蓋抵務於適時爰倚舊章以明新意雖飛文綵筆未經喉舌之司而封疏卓囊已竭腹心之語胡為列棘尚昧彞儀謂革故於丹書必取模於會府將言利害宜究指歸若道遠邦畿議當資於八座况躬趨輦轂言必達於九重事所貴於隨機理豈煩於致詰書一苟虧於前定利百何爽於更張子產之鑄鼎定刑縱貽譏於叔向商君之徙木行令固難屈於甘龍苟可彊國利人何必守文拘制無塞言路以叶政綱

壬賣七歲女子法司斷徒訴云家貧賣而

葬母

鬻良犯禁固涉不慈下葬慎終則先惟孝志且隆於夜紀罪蓋寬於簡書壬也暇救與嗟寢苦居苦既切終堂之痛將興築宅之謀三寸桐棺嘆未諧於壤樹七歲孺子固願易於囊錢庶展事於泉扃遂割情於天性胡為執憲必使服刑且有無稱家慮居雖立於明誠而豐儉中禮斂形當盡於銜哀苟窳安之弗完則嗣續而安在故郭巨埋子天尚聞於降祥董承賣身時未覩於加罪欲明慈幼之道先存送往之誠必覈是非須詳得失苟獲平居見售宜稱壓賤之條其

武彙卷十三

主

如巨痛填膺當許事親之節豈可委之溝壑而欲篤其閨門發喻風枝既永傷於荼毒未安蒿里尚何愛於重冢固在厚情無煩實罰

丙為縣令農務未畢而差夫修隄州責其非時辭云暴水泛溢不修恐害居民

勤民之役雖戒失時止水以防所宜救弊用必先於急務理豈拘於常情當許從權何煩致詰卷茲縣壤旁界河流綺勝晦晦未畢耕耘之務今隄浩浩將成羨溢之災誠有慮於傷農必先防於害物梓草把土彼雖勤於大田陪薄增卑此亦憂於小決義難施於

兩可利必歸於一源殺歛刈於夫家所損者小恣漂  
流於我里其傷實多然則得在從宜失於備豫繕完  
有制當農隙以先成昏墊無虞任水荐而何害或有  
防於蟻壤亦未耗於民材若乃循舊攸虧儻切斯開  
憂同軻子方展計於負薪勢等子澤乃効愚於捧土  
當從州責以勸吏能

庚為獄官拷囚數滿不承欲取保放之法  
司云賊狀露驗宜據狀斷

拷掠弗承誠宜判遣職狀或露亦可稽詳苟再思而  
不疑在兩端而必叩庚也職司叢棘伏念幽囚縲紲

武溪集卷三

十七

之中五聽備研於辭色撻楚之下三訊未窮於是非  
眷茲獄法之官各以律令為據司園以榜笞既極不  
加刑焉執憲云縱跡可尋斯獄矣然則五毒備至  
有詞者難俾伏辜九章甚明隱情者不宜免戾至若  
事必先於審克罰無宜於濫施昔漢祖拍人貫高被  
刺肌之痛楚相亡璧張儀淪刺骨之寃皆出狐疑終  
聞開釋若乃殺人者既彰實狀坐贓者已獲見資且明  
白而可知諒結正而無枉非此物也胡可比焉理貴  
從寬法難任意

獄囚未斷而格令新改法司引後勅為正

判云犯特格輕新令稍重欲從輕法

沿革異宜雖遵後命得囚待弊必從輕典當順以寬  
之教庶廓在宥之懷眷彼庸材齒于編戶出作入息  
方承蕩蕩之風惡稔貫盈遂陷恢恢之網聿罹昭憲  
乃寘圜扉詞置鉤金將成於具獄令行徙木忽改於  
舊章既丹筆之未書故兩端而起議將審經世之範  
猶疑在禁之人憲司以其命惟新何可廢也從事以  
惟刑之恤不已重乎再詳抵禁之初方當改度之始  
刑必當罪法寧與人且除舊以布新雖宜捨舊崇先  
輕而後重姑合適輕令式具陳古今共貫縱利百而

武溪集卷三

十八

變弗取樂成稽畫一之規固聞前定俟其來犯乃用  
新書

武溪集卷第十三

武溪集卷第十四

工部尚書充集賢院學士贈尚書左僕射累贈  
師謚襄公余請

表上

乞外任狀

再乞外任狀

免知制誥狀

免判銓狀

免知諫院狀

免史館脩撰狀

第二狀

吉州謝上表

乞分司狀

謝分司狀

謝轉光祿少卿狀

免南班第一狀

第二狀

謝轉衛尉卿表

虔州謝上表

桂州謝上表

武溪集卷十四

乞解職行服狀

第二狀

乞外任狀

臣誤被採擢待罪諫垣自揣空疎無以上報去歲嘗  
與蔡襄皆以親老願除家便一官庶就侍奉聖慈寬  
裕悉蒙厚恩蔡襄給假還鄉臣其特賜縑帛仍令差  
人迎侍歸京奉養仰荷非常之恩足為私門之幸事  
出望外捐驅不忘今春得臣父書候秋與孫男迎娶  
乃能即路初領此訊誠亦有待其來今聞蔡襄父母  
不忍去鄉國惟襄獨行還朝伏緣蔡襄躬自奉迎尚

武溪集卷十四

二

猶不至微臣差人般侍必更遷延在臣私心進退無  
措伏念臣備職諫諍言多過差老父衰年遠在南土  
上不能補國家之闕下不能展庭闈之私何顏自安  
久玷清望陛下憫此遠迹諒其素心俾臣先盡事親  
之誠徐圖報國之効在於出處不陷震章伏乞特受  
臣泐流家便一郡差遣以便侍養庶當孝理之朝未  
缺人臣之行若謂臣兼領史職不當差出則葉清臣  
楊察等差出已有成例但臣無任

再乞外任狀

右臣近有奏陳願授家便差遣雖堅誠請未蒙朝旨



允從伏以國家之意謂臣身忝諫官日言國事今一  
巨無故即除外任恐四方傳聞以為不容諫諍不忍  
遣去蓋惜朝廷之名伏念臣生長遠方不識忌諱頃  
年得罪但坐多言再表乞歸乃得近鄉小郡曾未逾  
嶺母氏已亡服終還臺即求外補願歸江國稍便家  
庭庶因斗筭之祿用勤晨夕之養而國家權俾掌禮  
因得奉朝去春忽被命書猥衆諫列言不經務盡忠  
無益於時才非出人論事不能無過尋濳私懇仰干  
宸嚴但緣偏親向衰乞以寸祿歸養遂蒙天睠特齊  
幣縑俾為奉迎之資不許脫然而去實逾半載親輿  
未來尋已啓陳未奉俞允伏惟聖神在宥俊乂如林  
才過臣者比肩疊跡臣去此職必當得奇士開益聰  
明如或惜去朝之為重恐外遷之差屈則乞令臣帶  
小省之官為名城之守上以昭陛下從諫之盛德下  
以成微臣養親之私榮中外聞之自為至美之事固  
於朝廷無所虧損但臣無任

免知制誥狀

右臣准閣門告報已降勅告授臣守依前官知制誥  
知諫院者伏念臣遠官孤跡本乏才謀朝廷誤知擢  
在諫署闕失之政無所建明柔佞在庭不能指擿前

武溪集卷二四

三

無史職已愧踰涯進典命書愈知非據况侍從之列  
當以才升諫諍之臣不宜速進臣積歲未久無善可  
稱全身免責固為優幸非次被寵豈免刺譏且累上  
表章乞便侍養即蒙遷授難以請行臣之私心不期  
冒進未能揣分何以宿官乞西濫恩以抑奔競其所  
降勅誥乞賜指揮回納中書謹具狀陳乞以聞伏候  
勅旨

免判銓狀

右臣奉勅差權同判吏部流內銓者竊以先朝初定  
諫員不兼他職蓋使專於論議庶或補益聰明臣叨  
掌書命已增憂愧若更兼領銓管則恐智慮不周力  
小事叢必致顛隕其上件差遣伏乞停罷謹具狀奏  
聞伏候勅旨

免知諫院狀

右臣昨蒙恩授臣依前官知制誥知諫院又准勅差  
兼權同判吏部流內銓臣再有狀乞回納勅誥停罷  
差遣各奉聖旨不得辭免今依准聖旨被受訖伏以  
朝廷建置諫官俾其論議得失乃是分判忠邪升擢  
賢俊之路臣在官歲餘讜言無取得免黜罷已是優  
恩今擢居侍從而復兼此職之自知之分塞後來之

武溪集卷二四

四

途於臣之身則讒邪有窺伺之端於國之體則俊良有滯留之歎伏乞罷臣諫職以避賢路

免史館脩撰狀

右臣准閣門關報蒙恩授臣史館修撰者伏緣修史之任須得良直之才如臣空疎豈堪選擇兼臣去年以來為父年老在遠累狀陳乞外官以便侍養伏蒙聖慈賜臣縑帛許令差人般迎歸京侍奉後來得書雖已在路切恐衰老之年不能久居京國將來却乞外任是臣虛受國恩所有修撰之職不敢當克伏乞特賜指揮閣門回納勅誥但臣無任

第二狀

右臣昨蒙恩授臣史館修撰尋以前後累狀陳乞外任以便侍養不敢虛受國恩乞賜罷免准今月十九日中書劄子奉聖旨不得辭讓伏緣君命再三不敢煩瀆已稟朝旨祇授勅誥訖切以為臣之節惟君所任不避煩難固其常理然而材器有限又須量力若貪榮慕進不知其分一職有曠不稱所委豈獨身災兼傷國體臣今兼職數處於臣之事實為榮幸量臣之力必不能堪除諫官已有定員候正官到闕自當省罷外伏乞吏部甄別流品不可因循史官考尋事

迹又宜用備獨當一局猶恐不精兼領二司必致疎畧臣伏見田况歐陽修皆筆力傑出才過臣者各釐外務不用所長伏乞指揮推擇其一代臣此職臣不以外外其就煩使其史館修撰勅誥臣欲親自齎赴中書送納謹具狀陳乞以聞伏候勅旨

吉州謝上表

臣某伏奉五月十五日勅命差知吉州軍州事放朝辭取便路疾速發赴本任者天鑒素誠特從輕典星馳即道已屆所臨尋於某月某日到州赴上訖中謝伏念臣生自邊州聞於時務謬從科試早玷書林陛

下擢臣於遷謫之餘實臣於諫諍之列匪由言薦特出宸衷而又掌西掖之訓詞執史官之汗簡推寵過分非臣所堪自惟疎賤之中孤直見進思所以報知無不言補朝政而未工為身謀而已拙諛謗不恤用酬主知論議所伸寡與勢合常欲引去以免衆猜豈意發於樞機自起瑕適然念間者夏竦效順再稟正朔虜帳怙強沮我封拜狗虜約則西戎怨納夏款則北秋怒重師宿境須我報音人人異論必有兵禍聖慮獨斷柄臣貪謀授以聘詞擇於朝列有死不避見選於臣單車即途送者失色握節以往敢望生還歷

階而議所期理奪主命既達而國體獲伸胡兵自交而戎盟兩就此乃廟堂成筭非臣之功及乎單于罷兵穹廬報聘謂知前議再伸理裝臣亦讓以非才彗不獲命漢使荐至虜中甚歡迎勞尤勤宴犒加等蓋重隣好非私臣身臣既頻到虜庭欲練胡事上則接談於賓主下則訪事於輿隸示相親狎則務通其情所臨機會則未嘗屈禮本謂六蕃之語可以傳之豈料一言之失不能免罪仰冀宸造鑒無他腸竊以臣素乏時名猥遭天卷出於孤官而延登近班豈無羣材而專聘絕域蒙此寵任人所忌嫉而不慎言語自惟憲

念法卷四

七

章計其所犯死有餘責此蓋伏遇皇帝陛下至明御宇廣覆如天凡曰近臣非有大故不忍遐棄止除外官含容之德過於堯禹况夫廬陵古郡南近家庭臨民侍親不為失所戴荷恩育寧可賞度方今邊警雖息民力猶困賦歛加疾而吏以為健刻削已甚而上不能知若得詢其疾苦思所施設蠲去橫取率循舊規朝廷聽而從之豈以地狹為恨體國安民圖所報效臣之願也無任

乞分司狀

臣再瀝血誠上干天聽退量煩瀆其俟誅夷伏念臣

生於鄙遠素無才識東髮從宦二紀于茲遭時見用遂忝清近然念臣頃蒙擢在諫垣累上七章乞免諫職出就外任以便侍養皆蒙朝廷不賜允許及至去年得罪不敢迂路歸鄉又緣臣父年漸衰老不樂遠出尋曾乞移便卻願解近職私誠雖切未聞報可臣揆才至薄負罪則深上無補於國家下闕奉於溫清一身之責萬死何逃臣今欲乞落職分司歸鄉侍養伏望天慈特賜矜允

謝分司表

念法卷四

命自天退身得地中謝伏念臣鄉邦遐遠世系孤平偶自童觀即親儒術尋師千里備歷險艱志學十年迺得科第國家頒制目以求士開文館以待賢臣之非才咸預茲選每守孤直不事貴權蓋冀許肯而謫官尋亦知名而見用降發中之詔擢居諫諍之職以出疆之勤正登侍從之列願宣忠力以酌萬乘之知屢被國恩自忘五穀之賤多所論列罔畏仇嫌臣既拙於周身毀者得以銷骨惟期退避屢抗表章帝座雖處九重之深皇明遠照萬里之外預頌明命克遂初心此蓋伏遇皇帝陛下天覆無私乾剛獨斷念臣

掌經軀策不避艱危察臣本以公言構成私隙俾從  
散秩歸奉所天下以成微臣就養之勤上以全陛下  
退入之道立山荷賜冰炭在懷

謝轉光祿少卿表

臣某言今月八日進奏院遞到勅誥蒙恩授臣光祿  
少卿依舊分司南京韶州居住者居深坎窞恩出天  
慈俯念戴盆之困莫遂循牆之讓中謝伏念臣稟受  
愚暗生長遐荒爰自弱齡幸親儒術未耽飯牛之賤  
敢思糜爵之榮蓋遇國家海宇澄清仕途寬裕高則  
賢科射策採卿相之材次則卿品薦能分甲乙之選

武英集卷一四

九

小吏計年而進考商人校粟以論資戎旃奮起於卒  
徒勲門澤及於僮隸廣為甄錄庸贊治平所謂得人  
而昌何云數路而已由是例趨貢籍偶中文程逮于  
壯年再膺詔目遂陪邦彥久服朝紳亦嘗預刊前史  
之闕文叅修當世之大典載筆而書言動抱絕而正  
禮儀補衮職蹈無諱之譏冒兵鋒而使不測之虜叙  
其微效擢在近班言思報國之忠身雖負倍之謗簪  
中之辱昔賢亦有非辜日邊之遙丹誠無以上訴退  
分冗秩還侍親庭鴈鷺費於稻梁禽魚幸返於林  
藪採蘭潔膳聊同孺子之歡種樹灌園誠為拙者之

效永言毀廢當絕照臨豈意恩波下霑窮轍此蓋伏  
遇皇帝陛下純仁廣覆至洽旁羅一物未忝而比之  
納隍羣賢雖積而勤於頓網順民心而敷治因天瑞  
以建元溥念臣工衆罹罪咎重為緣坐輕或詆誣凡  
曰瑕疵率加湔洗樂羊居外靡開盈篋之書陳平有  
謀不問受金之過如臣遠迹素之異才進本孤根退  
因積毀所嗟聖世遂作錮人徒成畫餅之名莫展鈞  
刀之用忽蒙零露之均澤忍使當春而獨枯苟非造  
化之恩寧及沉寘之地唯知死報無路捐驅但臣無任

讓南班第一狀

武英集卷二四

十

臣今月二十二日准韶州送到勅誥蒙恩授臣左神  
武大將軍雅州刺史者竊以國家棄瑕用人含垢御  
物毀廢之迹再賜甄收仰荷天恩罔知紀極伏念臣  
往年知吉州日以父年老樂在鄉土曾乞解官侍養  
適會朝廷恩命授臣分司外議雖若棄捐於臣實為  
私便官無曹事月有俸錢內奉旨甘聊亦溫足近者  
就家增秩已出非望今茲再宣成命復綴通班待遇  
至優豈宜辭讓臣又聞之前典事親之禮八十者一  
子不從政九十者其家不從政蓋謂高年之家親屬  
雖衆當留子男常在左右也切緣臣父年近八十臣

獨一弟翊已授惠州歸善縣主簿遠去膝下惟臣且暮親侍膳羞今來既授右職便須遠赴邊任奉親而往則有道路之勞委親而行又闕晨昏之養况今方隅無警賢後至多不一臣以濟衆務伏望聖慈鑒臣誠請許臣且守舊官依前分司韶州居住所圖就養少裨孝治之風于瀆冕旒無任惶懼特罪之至所有通到勅誥已牒送韶州聽候朝廷回降拍揮繳納

第二狀

臣昨蒙恩除授左神武軍大將軍雅州刺史充壽州兵馬鈐轄尋以父年老具狀奏聞乞守舊官依前分司

武彙卷十四

十一

侍養今月十一日准中書劄子奉聖旨不許辭讓者伏念臣昨以毀廢南歸因得侍親之便終身農畝實所甘心忽蒙異恩再加錄用荷國家含養多德同天地更生之仁仍蒙聖慈不許辭讓豈不知出身事主之節受命忘家之忠圖後效可以滌前非履榮途勝於處窮巷况君親之息至厚而忠義之心弗忘但緣父年衰老先患上氣每風露所觸則喘嗽尤甚迎待艱難有此不便須至再披肝膽于冒朝廷乞依前來所奏只守舊官依前分司侍養伏望聖恩特賜俞允違拒詔命其俟除削

謝轉衛尉卿表

臣某言十一月二十八日准進奏院遞到勅誥各一道蒙恩授臣衛尉卿依前分司南京韶州居住散官勳封賜如故者舉稀闊之典方治於隆平廣滂漉之仁遽露於枯瘁中謝竊以古之哲后皆建合宮體房心布政之名行祖宗慎食之禮周同廟制蓋嚴配之所先漢比郊儀故精禋之為重汶上之圖太簡國南之議未工允俟聖朝裁定彝矩伏惟皇帝陛下順稽古訓砥答靈心即路寢之正居講總章之大摯百神胥悅歆至治之馨香萬國權呼荷湛恩之汪濊如臣者孤危得罪質廢累年豈期蓬華之遐均蒙雷雨之施睚眦之辭未塞荷意叨榮支離之粟愈多敢忘圖報惟懷淵谷之懼更增斗極之瞻但臣無任

虔州謝上表

臣某言九月六日進奏院遞到勅牒壹道蒙恩落分司南京守本官就差知虔州軍州事已於今月十日到任上訖仰望雲天起於久廢重露雨露息比再生中謝伏念臣出自寒微素無才識幸逢明主擢在近班本期名教之敦崇真正朝廷之黜陟不悟怨仇交構毀訾百端尚蒙洪覆之仁核隸別都之籍退居田

里坐變炎涼前歲被以言綸授之勇爵宣君命而見  
召在臣義之必行蓋以弟任遠官父方卧病委之遐  
適心所難安尋瀝血誠再干天聽果回層旨許遂家  
居免朝雖遠於宸廷奪祿不從於吏議享無名之厚  
奉久愧冗閑乘一障以先登亦惟驅策豈謂不離卿  
寺就委郡章既同死灰之復然俾展鉞刀之一割親  
有旨甘之便民當穰劫之餘得奉寬條庶成後效此  
蓋伏遇皇帝陛下堯天廣覆湯網宏開遺棄咸收幽  
隱必察皇明下燭同日月之無私惠澤所霑匪乾坤  
而共泰永言朽瘁育以陽春特推筭履之舊恩無使

金鑰集卷一四

三

桂州謝上表

田園之虛老敢不佩服光寵罄竭疲駑詢疾苦之所  
先遵簡易之成理不忘官守上報主知但臣無任  
臣某言昨於六月二十日准樞密院遞到勅誥蒙恩  
免持服特授守秘書監就差知潭州兼本路安撫使  
并准中書劄子奉旨令臣次日起離乘遞馬赴發本  
任仍令韶州催促進發不得以接辭免文狀及在路  
再奉勅該差知桂州充廣南西路都鈐轄兼經略安撫  
使准中書劄子三道催促赴任臣尋於今月十六日  
到任上訖事起金革辭避無從君父之恩感深以泣中

金鑰集卷一四

四

乞解職行服狀

謝伏念臣生在遐徼才識無取自遭荼毒未盈歲月  
近者懷戀作梗嶺外騷然憫彼遠方如在重病思與  
診療無有方術忽奉恩旨令守長沙非喜名爵之所  
加自謂救兵之可出且古之列國尚發恤隣之師况  
今為王臣豈有坐觀之理由是徧檄境內分起卒徒  
本約一月之中回至番禺城下朝命既改人心不同  
論議紛紛師已減半既違本志進退不遑職多任重  
而可憂就近辭遠而非使勉趨新任自顧茫然官兵  
畫集於東南狂寇豈忘於巢穴當資銳旅遏彼歸途  
而封疆闊遠守禦虛寡未知何計可以逃責內惟愚  
暗何堪差委此蓋伏遇皇帝陛下敦二儀之仁回萬  
里之照特憐孤露誤記寸長擢自占塊之中參於方面  
之寄敢不捐軀竭慮酬報皇恩伏乞赫震天威剪滅  
醜類所以快四方之望懼百蠻之心臣之願也候臣  
與楊畋處置廣西邊機了日却乞線麻私室以終養制  
右臣去年六月二十日樞密院遞勅誥至韶州蒙恩  
免持服特授秘書監就差知潭州兼本路安撫使仍准  
中書劄子奉聖旨限次日起發不許辭免未到任間  
再奉勅改差知桂州充廣南西路都鈐轄兼經略安撫

撫使於七月十六日到任又准中書劄子奉聖旨同楊政等經制廣南東西路盜賊事自授命已來將偕等諸將敗衄臣亦累狀乞從追削歸守喪至今年正月十八日宣徽使狄青部領三將兵甲殺敗蠻寇收復邕州賊首智高奔回巢穴狄某孫某石某等各已發還京臣今分屯兵馬即回本任伏念臣去歲授官不敢辭免者賊在方面逼近鄉里欲因驅策翦除兇醜而絕無勞效幸免追逐况今盜賊出境賢後滿朝何假墨緣以臨民政再念臣父存之日尚容歸侍父沒之後不能終喪乃是微臣事親之不誠朝廷置臣於有過臣若拂衣而先去則似要君抗章自陳蓋非虛飾伏乞朝廷憫臣持父之服有限報國之日尚長許臣解官歸鄉終滿喪制則臣感天荷聖之誠無有紀極

第二狀

右臣輒傾血誠頻瀆天聰退量輕易甘俟誅夷臣聞三年之喪雖貴遂服國朝敦尚孝理為万世法大臣遭父母喪者竝許解官終制去歲以蠻賊乘虛攻圍廣城於臣廬居最為密邇朝廷令臣墨緣起臨戎事臣亦以為朋友之急尚或赴之而况方面艱難豈當

武溪集卷十四

五

辭免由是自潭之桂東還于廣又西至于邕賓之郊驅馳忘倦雖以恩臨諸洞信結交趾旁絕賊援而專輒之過已多其如將怯兵惰挫衄之罪相繼今茲宣撫使狄青領兵殺獲寇黨收復邊城賊之殘徒遠遁外界兼安化蠻人已就招安邊境寧息臣已回歸本任伏念臣所天隕逝方過暮祥終身之戚冒哀為愧昨在邕州已曾陳乞歸鄉持服終制今來除溪洞等處叙述勞效但于兵甲公事不敢滯依舊行遣外所有貴州文字臣更不簽書欲乞候錄叙效了當日不候替人將經略安撫司公事交與轉運使一而管勾臣却回鄉里持服終滿喪制如此則朝廷任用臣下存乎大體臣之進退亦得其分伏乞聖慈特賜俞允况今熙隆之運英賢滿朝未至無人堪付一郡不可使傷禮敗俗由臣而始臣無任

武溪集卷十四

十六

武溪集卷第十四

武溪集卷第十五

工部尚書充集賢院學士贈尚書左僕射累贈少師謚襄公余靖

表中

免轉給事中狀

免轉工部侍郎狀

謝轉給事中狀

謝轉工部侍郎狀

謝加勳封表

免充集賢學士表

謝充集賢學士表

免轉戶部侍郎狀

謝轉戶部侍郎狀

潭州謝上表

青州謝上表

謝加護軍食邑表

免轉吏部侍郎狀

免轉尚書左丞知廣州狀并答詔

再免知廣州表

廣州謝上表

謝加勳邑表

謝轉工部尚書表

免轉給事中狀

右臣今月二十日進奏院達到勅誥各一道授臣給事中者竊以賞為國典必中事功寵溢情涯敢忘辭避伏念臣樛材至薄賦命多奇幸偶休明免居羈賤向以邊臣失備蠻寇內侵越從縲絏之中起親金革之事漫懷嫉惡素匪知兵所至面牆幾同學製賊鋒尚銳勝筭無施身負重而日增民在溺而同窘果煩睿眷特輟樞臣狄青以人傑之雄摠其師律孫沔以國

武溪集卷十五

二

器之重濟以事機號令脩明士馬奮勵故得克醜敗亡而絕迹蒸黔蘇復以息有青所以定二廣之阨危沔所以正一方之經制臣則幸於免戾何止備員今乃例被論言同增官秩雖念勞勩善國家寧厚於恩章而揣分量能私計實非於己力伏乞察臣誠請追改命書則朝廷無濫賞之譏微臣免貪功之過干冒冕旒臣無任待罪激切之至所有降到勅誥已送桂州軍資庫收管聽候朝廷指揮繳納

免轉工部侍郎狀

右臣今月十三日三班差使殿侍韓某乘遞馬賞送



到中書劄子并勅誥各一道蒙恩授臣尚書工部侍郎仍就賜銀二百兩者前恩未謝後寵復加內探空疎第深覩愧伏念臣出於寒族起自諸生素乏軼羣之材久罹負俗之謗昨以蠻酋叛渙嶺服震驚雖分守土之權莫展擒克之策屬元戎之善勝加邇臣之協謀因此安邊幸於免戾豈謂皇明遠照寵數存臨且方上讓章蓋慙非據而未承報旨更冒今榮揣已力而實微干物議而為甚用傾愚懇上瀆天聰願回過恩庶全薄祐俾雷雨之澤無至妄施則草茅之姿免於深譴除就賜銀已受領外所有齎送到勅誥不敢

金溪集卷五

三

祇受之行回納已牒桂州軍資庫收管聽候朝廷指揮伏望聖慈特賜俞允但臣無任

謝轉給事中表

臣某言昨於五月內進奏院遞到勅誥蒙恩授臣給事中依前知桂州充廣南西路都鈐轄經略安撫使尋具狀辭讓准六月四日中書劄子勸會余某已降勅命除授工部侍郎奉聖旨余某所除恩命即令祇受更不得陳讓者中謝伏念臣才非應務識不逮人徒違光華得諧祿仕向以邊臣失備蠻孽侵疆眷言苦塊之居適在干戈之地遽蒙朝命俾預兵謀道路

之勤敢忘夙夜軍旅之任素昧韜鈴雖居戎馬之間茂著消塵之效幸賴聖宸成筭樞輔專征因節制之有歸勸偏裨而同力兵鋒一集謀主先擒羣寇散亡庶民休息攻之必取蓋有元勳職在具僚過蒙厚賞內懷非據嘗叙至誠乞回濫息庶全素志豈謂皇明下照寵渥存如委之輯寧靡容辭避此蓋皇帝陛下如天廣覆與物無私璧養春夏之和邇遐咸被比雷雨之施甘苦皆霑念孤臣之無庸與元戎而並命仍加敦諭彌用憂兢敢不祇率政條舉寬民際庶於境域同此樂康所有除工部侍郎勅誥已別狀聞奏伏望聖慈

金溪集卷五

四

許令辭讓但臣無任

謝轉工部侍郎表

臣某言昨蒙恩旨差三班差使殿侍韓某齎送到勅誥一道授臣工部侍郎尋具狀聞奏乞行回納准七月五日中書劄子奉聖旨所降恩命即令祇受更不許辭讓者中謝伏念臣生自寒鄉早逢明主知名驟進嘗叨四戶之官負謗閑居猶紆三品之綬嚮還喪次甫畢喪期屆嶺表之驚驛預軍興之驅策徒竭前茅之慮茂聞橫草之功所賴者廟堂講受於聖謨斧鉞肅將於王怒獻戎之捷蓋主將之勲有成從驃得

候於國家之恩大厚內愧冒塵於職任再乞追還於  
詔書誠出誤知不容退讓此蓋皇帝陛下恢乾坤之  
廣度垂日月之至明賞善勸能義存寧僭記功忘過意  
切無容致此非材屢增顯秩敢不恪遵寬詔欽率彝  
章日鼓滅烽上繫於聖化思艱圖易庶保於民和臣  
無任

謝加勳封表

臣某言十二月二十六日進奏院通到勅誥各一道  
蒙恩授臣依前守尚書工部侍郎加輕車都尉進封  
始興郡開國侯食邑五百戶仍放朝謝者祀典之修

皇漢集卷十五

五

允合丕貺恩章之廣單及具臣中謝恭以國家祚纂  
堯基化恢禹服配天昭孝侑三聖以成儀麗澤均禧  
浹四方而渙號伏念臣素微材術叨預藩宣方趨乘  
障之動莫廁侍祠之列豈期雷雨之施不遺管蒯之  
徽盟府何功遽勳官之見錫爵名加等仍卿郡以兼  
榮揣分逾涯省躬增惕敢不外寧邊際內撫民封惟  
堅犬馬之誠上答乾坤之造臣無任

免充集賢學士表

臣某言今月二十一日進奏院通到勅誥各一道蒙  
恩授臣依前守尚書工部侍郎充集賢院學士依舊

知桂州并准樞密劄子中書樞密院同奉聖旨令臣

分折兇孫或近親骨肉一名聞奏者松楸之戀誠本

告歸雨露之恩事出非望撫躬懷惕聞命若驚中謝

伏念臣素乏藝文固無材武幸逢聖旦早列仕途間

者起自廢居奄遭荼苦喪期未艾蠻事遽興首預詔

除敢忘宣力賴元戎之制勝致闔境以再安臣以非

材例增優秩亦嘗乞收印綬還襲縗麻校寇尚存私

誠莫遂近以遠擒賊媪稍息邊虞願返鄉閭修營壘

墓而遽蒙恩旨加賜職名未伸上之誠已擬要君

之過再念臣前歲與起居舍人楊畋閣門副使曹修

同時受命經制賊盜畋等各懷忠蓋並練權謀當單

車制禦之初值劇賊猖狂之際雖英韶處置偶失事

機而連賀保全皆由指授今畋等舊官未復而臣屢

承寵命揆茲進退之理彌深兢愧之懷乞回過恩庶

伸微志臣今乞將所授集賢院學士及兒孫恩澤並

各回納只乞特與楊畋曹修牽復舊官所貴上有念

勞之恩臣無過分之責其有通到勅誥已牒送桂州

軍資庫收管聽候朝旨繳納伏乞聖慈特賜俞允

謝充集賢學士表  
臣某言三月二十一日進奏院通到勅牒官誥各

皇漢集卷十五

六

一道蒙恩授臣依前守尚書工部侍郎充集賢院學士依舊知桂州并准八月十一日中書劄子奉聖旨不許辭讓者封章上扣期遂於私誠哀旨下臨靡容於遜避中謝伏念臣命多奇隻龜本踈頑起草披垣嘗因敦去懷章郡即遽以喪歸向緣蠻落之內侵遂假獸符而外禦昔賢之赴公難有警則腰經以從權人子之報私恩已事則衣縑而返次敢再接再於古義願追服於素冠遽沐天慈過矜擢散仍即藩垣之寄俾叅英俊之遊重念元帥成功附驥已叨於職任常僚失職拔茅未復於舊職乞還過量之恩少遂推賢之

武溪集卷五

七

志豈悟聖謨廣大國典寬明俯鑒無他之賜不加非言之罪特申前命俾踐華途此蓋伏遇皇帝陛下堯舜聰明乾坤覆壽春生秋殺不私雨露之濡尺短寸長必盡輸輟之用致茲家鄙屢玷寵光敢不祗率郡條樂宣吏職農桑舊俗咸俾於懷生荒曠外區悉期於稟朔冀稍裨於化體庶上答於皇慈臣無任

免戶部侍郎狀

臣今月十四日進奏院遞到勅誥各一道蒙恩特授臣戶部侍郎依前充集賢院學士候今任成資日仍令再任者聞命驚惶伏增隕越伏念臣才非應務智不

逮人徒以虛名嘗叨近著頃遭讒構其在棄捐屬蠻事粹興起臣於喪次而兵勢未集謀慮弗周力小任重日增憂惕及至歸仁之勝三軍凱旋破賊者乃臣青之勲勞撫民者皆臣沔之經制臣稟受節度謀無已出速乎遠縛賊毋擒誅寇黨內則朝廷威令外則夷獠協同於臣愚拙何功之有昨聞轉運提刑司舉再任臣尋以心力衰耗不堪再任已具狀乞依舊分司於韶州居住庶得修營墳墓今來忽頒成命就陞左曹恩渥至優實為過分清秩厚俸誰不欲之事既逾涯豈宜安處伏緣本路外接西廣六蕃南連交趾

武溪集卷五

八

九道沿邊溪峒一百餘州苟失撫綏立生患難非臣衰朽負謗之人能堪久任所有降到勅誥不敢祗受已牒送桂州軍資庫收管聽候朝廷指揮伏乞檢臣前奏許令換一散秩依舊分司於韶州居住所有邊任伏望別擇材賢干濟免旒臣無任

謝轉戶部侍郎表

臣某言准都進奏院遞到勅誥各一道蒙恩授臣尚書戶部侍郎依前充集賢院學士知桂州候今任成資日仍令再任并准樞密院劄子奉聖旨依前降指揮不許辭讓者邊亭擇帥願避於才能天綽宣恩靡

容於遜讓中謝伏念臣素亡學術濫竊時名屬蠻酋  
之擾邊即喪廬而受命雖懷急病之意而無弭難之  
才名分一面之權實稟元戎之筭歸仁之捷臣力何  
施特磨之擒衆謀允濟以至羣兇遠遁九譯難通天  
假手於外夷鬼得誅於大對皆皇威之震疊豈醜類  
以殲夷幸免瘝官已慙尸祿豈謂曲成天獎就錫詔  
函增秩而留用漢朝之故事撫封以舊仍越嶺之攸  
居無易教條俾安氓俗重念臣早緣積毀嘗隸別都  
久遺鴟鷲之行頗樂田園之趣因茲過瀛富思避賢  
惟冀罷歸庶全冲退而乃再頒給旨俾踐恩章願反  
汗以尤難但撫躬而增惕此蓋伏遇皇帝陛下天慈  
廣覆乾體旁羅士濟濟而必臻術九九而無棄致是  
草茅之質荐承雨露之恩謹當祇率政經增修戎畧  
荒忽之外俾銷旅拒之謀瘡痍之餘期識中和之治  
臣無任

武溪集卷五

九

潭州謝上表

臣某言伏奉勅命就差知潭州軍州事充荆湖南路  
安撫使已於今月二十三日到任上訖久居炎徼忽  
荷天恩雖尚遠於闕庭幸無虞於瘴癘中謝伏念臣  
素無學術徒偶休明官路風波艱危備歷君恩雨露

涓滴未酬項權樂棘之哀尚淺暮祥之制屬溪蠻之  
叛洩軼邊戍以跳梁攻圍越臺侵逼更嶠雖微臣脩  
完堡障本期自固於家林而朝廷奪去縑麻據俾分  
持於戎律懼薄材而敗事會元帥之成功假號渠魁  
既遠逃於夷域主謀兇媼俄就戮於天街蓋震疊於  
皇威致救寧於蠻落臣無纖芥之力徒居戎旅之間  
職是累年空尸厚祿豈謂忽承丹詔還撫舊封再見  
昔時之山川如全此生之首領此蓋伏遇皇帝陛下  
天慈廣覆日照無私公聽並觀用臣於衆毀必察之  
際記功忘過知臣有臨危不避之誠每遇急難必蒙  
驅策既臻平定未忍棄捐重施造化之恩復委藩防  
之寄謹當率循政體講守和經封內之民或未康必  
詢其庶隱境上之兵猶未戢函議於綏懷圖報國恩  
庶道官責臣無任

武溪集卷五

十

青州謝上表

臣某言蒙恩就差知青州充京東東路安撫使放朝  
辭疾速發赴本任已於今月二十五日到任上訖荆  
湘南却未著善聲海岱名區再叨方任揆能至薄拜  
命若驚中謝伏念臣出於寒微素無才業因緣盛旦  
忝竊通班向自喪廬起從邊寄名叨未將慙應變以

非長筭豐元戎幸因人而成事留撫洞察頗熟歲時無復望於寵榮止願畢於婚嫁吳芮書忠之地尋獲便安營丘賜履之封驟更委寄冒進誠知於尸祿懇辭恐涉於要君洛奉宸恩聿臨所部况乎禹平九土青有古名周建諸侯齊為大國俗幾一變之道士有四豪之風誠儒學之興居亦寇盜之時起宜求當世之碩彥以舉列城之政綱豈意標標之散材亦叨兵馬之大郡此蓋伏遇皇帝陛下廣乾坤之覆載恢亮舜之聰明不責纖芥之勞徒軫遺替之舊矜其脆節屢徙要藩謹當祗率國章詳求民瘼不矯激以沽譽無添刻以失中慕君子樂易之宜宣朝廷寬大之意勉圖所被庶或有成臣無任

謝加護軍食邑表

臣某言今月九日准都進奏院遞到勅牒官誥一道授臣依前守尚書戶部侍郎充集賢院學士加護軍食邑五百戶散官封食實封賜如故仍放朝謝者戴事闕宮講行闕典均禧函夏敷及具僚中謝恭惟皇帝陛下揔攝維綱統承熙運謹蹈蒸蒸之孝寅守丕丕之基豐潔潔盛內盡享親之志序陳昭穆躬修合祭之儀既成瑾甕之盛容廣布薰蕭之渥澤下周朝

余集卷五

十一

叛晉錫言綸臣素乏時材監叨藩寄駿奔迷賊阻捧於邊亘渙汗推恩並陞於勳爵居勳德詔行畏食浮自天之命難違蹟地之憂命積誓堅死節上答鴻慈但臣無任

免轉吏部侍郎狀

今月十七日准進奏院遞到勅牒二道授臣吏部侍郎依前充集賢院學士散官差遣勳封食實封賜如故者竊以國家列布衆職用待羣材至如文昌之居應三垣之上象天宮之重貳六府之首卿當於國器以揀求豈宜年勞而叙進伏况臣智謀甚短名德素輕又冒朝恩屢膺州任嘗思引退式冀保全儻綸綍之濫加必負乘而益過願回設寵庶遂初心所有降到勅牒欲乞繳納中書已牒送青州收管訖

余集卷五

十二

免轉尚書左丞知廣州狀并答詔

右臣准閣門告報蒙恩授臣尚書左丞依前集賢院學士知廣州充廣南東路都鈐轄經略安撫使替魏琰者伏念臣昨於慶曆中自知制誥分司南京於韶州居住是時蠻賊唐和走在嶺表已有臣僚言臣得罪不合令居嶺南尚賴聖朝含容免臣遷徙至皇祐中蠻賊儂智高僭擾一廣臣於父憂中首被詔命起

知潭州移知桂州充廣南西路經略安撫使即與交趾公牒往來尋在狄青陣中戰敗蠻賊收復邕州俄又捉獲懷智高母累蒙聖恩遷官屢會陳乞依舊分司不蒙俞允去歲甲峒作過准中書劄子自青州召臣差充廣南西路體量安撫使面奉聖旨許令牒報交趾差官前來商量及至差費嘉祐等到欽州猶差人前來體探是與不是臣親身仍言臣與先王有分今來差臣知廣州緣廣州與交趾海道相通切慮談者易生構間若言臣交通外夷則於臣家族不便兼廣州大市居民元無城池圍捍近歲議者多欲修築羅城若從羣議必須大興力役以民力凋弊之後加臣才術短淺當此重寄必致曠敗臣今欲乞只守舊官差知荆南潭州一次庶免愆謗干冒冕旒無任待罪惶恐之至伏望聖慈特賜俞允

答詔

勅余靖省所奏准閣門告報蒙恩授臣尚書左丞依前集賢院學士知廣州充廣南東路都鈐轄經略安撫使臣才術短淺當此重寄必致曠敗乞只守舊官差知荆南潭州一次事具悉聞者邊吏無狀視盜不謹致茲蠻擾我嶺嶠番禺之地嘗懼寇患凋弊

迄今傷夷未復牧守之任推擇惟難以卿策慮無遺忠義有素文理足以綏衆武備足以折衝進居丞轄之重付畀方面之寄必能宣明威信朕庶幾無南顧之憂矣而卿何憊何疑復多讓焉是彰朕之不明而無以知賢也當體至意往服厥官所乞宜不允故茲詔示想宜知悉

再免知廣州表

臣某言准今月十七日詔書以臣蒙恩授尚書左丞依前集賢院學士知廣州臣才術短淺當此重寄必致曠敗乞只守舊官差知荆南潭州一次所乞宜不

允者外朝疎遠固有於官儀中詔丁寧遽頒於天語推聖息之過厚在臣分以何安內愧空疎理當辭避中謝伏念臣才非應務智乏周身誘缺易成風波可畏頃者荐修鄰好三使虜庭始由歡聘以通情終於習熟而為罪一時儂蠻干紀幕府專往蕩寇黨則元帥之謀擒魁媼則羣夷之力曾無涓效屢玷勳書去歲峒蠻憑陵官軍沮折詔臣喻指事止綏邊况是單車之戒行已蒙叙進豈可彤墀之復命再添陞資切緣領海之遙藩垣之重若方隅之有警則退讓以無名當今時在弭兵理非避事就近而不就遠雖曰便安

辭易而不辭難敢期煩瀆且又越臺之境胡賈雜居古者城無外墻當由土之疎惡謀於脩築迨及旬年計其徒庸難乎速就惜民力則謂之弛備拘衆議則困於勞人玩寇之謗若興覆族之誅可懼矧以地聯鄉曲勢有嫌疑儻回渙汗之恩實荷保全之賜臣情願不就轉官恩澤之只守舊官差知荆潭一郡謹奉表陳乞以聞伏望聖慈特賜俞允干冒旒袞但臣無任

廣州謝上表

臣某言奉勅差知廣州軍州事兼管內勸農市舶使提點銀銅場公事充廣南東路都鈐轄兼本路經略安撫使已於今月十八日到任上訖斗筲詭小方面任隆海國雖遐聖恩尤厚中謝伏念臣稟生卑薄賦性顛愚謾蒙當宁之知殊乏防閑之慮三聘未羈之虜終以左遷一彈不孝之人遭其返噬既不虞而致毀固無望於復燃就喪次以家居屬儂蠻之寇境愚謂古之卿士退處鄉閭或遇凶荒之期賊盜爲梗則必同堅壁壁用庇族姒謀與守臣共伸此議朝廷因其急病誤謂知兵起於縲絰之中委其金革之事以至絕交夷唇齒之接擒寇魁子母之親正軍刑於藁

武溪集卷五

一五

街檐國威於銅柱在見聞之或異亦諛誇之互興上賴天慈屢更藩寄去歲邕邊失策納彼逋逃峒獠恃強遂成侵擾邏司喪元而潰敗列郡聞風而震驚因驛騎以召臣俾單車而諭指雖島夷聽命願誅首惡之人而寨將貪功未絕交爭之患亦既與之約束各守封疆苟邦令之必行諒吾圍之能固猶以嶺服之外越徼相通俾臨此州以辦邊事竊惟兵火之後瘡痍未平力役尚繁生業猶困將祈存恤當擇循良再具表陳莫回恩旨此蓋伏遇皇帝陛下乾剛下濟離照旁羅儻寸有所長則使之必報輪駟無遺於木鴈

潢汙或薦於王公致此非才亦叨重任敢不率勵愚慮勉守孤忠察蕃漢險易之情宣陛下憂勤之意庶乎萌隸同被休明臣無任

武溪集卷五

一六

謝加勲邑表

臣某言今月二十七日進奏院通到勅牒官誥各道伏蒙聖恩授臣依前守尚書左丞充集賢院學士加上護軍進封開國公食邑五百戶散官實封賜如故者合宮禮成縣區澤晉不遺遐遠咸被冲澗中謝恭惟皇帝陛下昭事上穹不承洪緒徧舉累朝之闕典再修宗祀之盛儀即露寢以達誠御端闈而渙號旁

周覆載罔不惟呼下逮搢紳咸加命數臣罷能無取  
禮秩兼優護諸將以書勲冠五等而疏爵仍增稍食  
備極寵靈敢不荷生育之恩勤簡惠之政誓全苦節  
上答宸慈但臣阻守外藩不獲奔詣闕庭臣無任

謝轉工部尚書表

臣某言今月十九日進奏院通到勅誥各一道伏蒙  
聖恩授臣工部尚書依前充集賢院學士加柱國食  
邑五百戶散官實封賜如故者龍德飛天蘿圖興運  
曠蕩之澤遐遠不遺中謝伏念臣學謝兼明罷慙遠  
到黃緣孤進遭遇先朝亟登詞翰之科頻居文史之

武溪集卷十五

十五

任遽繇諫路擢掌王言常欲北屈匈奴南羈勁越未能  
勝任每預遣行曾無橫草之功連被拔茅之寵屢委臨於  
戎律又陪貳於文昌此蓋伏遇皇帝陛下嗣守丕基渙  
發大號乾坤之造海嶽至大而必包雷雨之恩動植無微  
而不及致茲散拙亦預甄陞素乏羽儀之才遽當喉舌  
之任將何以根本萬事出納五言謹當祗畏簡書恪  
脩條教更勵委珠之節不忘曳履之忠庶答天慈以  
逃官謗但臣守遠藩鎮不獲奔詣闕庭臣無任



武溪集卷第十六

工部尚書充集賢院學士贈尚書左僕射累贈少師謚襄公余靖

表下

謝續支請受表

乞不請支賜添支狀

乞不請中冬翠錦衣襖狀

回納詔賜冬服狀

謝賜綸狀

謝賜銀狀

武溪集卷十六

代富樞密辭職表

代狄宣撫賀捷表

進平蠻記表

賀生擒儂智高毋表

賀誅儂智高毋表

賀曲赦表

賀德音表

賀南郊赦表

賀裕享赦表

謝恤刑表

謝賜曆日表

謝傳宣撫問表 廣西

謝傳宣撫問表

慰温成皇后張氏薨表

謝續支請受表

臣某言今月十六日准中書劄子奉聖旨依前守光祿少卿分司南京許於韶州居住令三司接續支與請受者有命自天丹露於幽隱無功受祿但益於戰兢中謝伏念臣素之龜能生在遐邇幸逢聖代登歷仕階夫何庸淺之材常居文雅之選屢蒙驅策罔避

武溪集卷十六

二

險夷頃因專對之勤擢在邇臣之列深虞福過尋已誘生仇人之訴得行逐客之書難上退歸田里坐易歲時甘海嶠以陸沉冰天慈之再造起于謫籍付以伍符上荷君恩固無宜於堅讓適當父病難捨之而遠行重瀝血誠果從私便吏議俾停於月廬家居尤畏於簡書本冀承顏之歡幾成餬口之患遽蒙宸眷存錫綸言雖容彭澤之歸仍續鄭均之祿此蓋伏遇皇帝陛下堯心廣愛乾體無私明比日升極大荒而普照恩同春燠慮一物之偏枯雖居江海之遙時露兩露之澤當圖死報難以言宣臣無任

乞不請支賜添支狀

右臣昨奉勅免持服特授秘書監就差知潭州兼本路安撫使准中書劄子奉聖旨令韶州特支賜錢三百貫文尋赴任次在路奉勅改差知桂州廣南西路都鈐轄兼經略安撫使已於七月十六日到任上訖伏緣臣昨者起就潭州差遣所以不敢辭免者蓋欲因朝廷之命起湖南兵甲往廣州策應尋奉勅命改差其任益重非臣本志所貪權寵臣今只候楊叟到西路商量邊機了日却乞終喪持服兼臣居喪中已奉聖旨支給前官料錢所有特支賜錢見寄韶州軍

金澤集卷二

三

資庫并桂州合請添支錢物並乞不請領其原受中書劄子一道謹具封納

乞不請中冬翠錦衣襖狀

右臣准桂州牒差人送到勅書一道蒙恩賜臣翠毛細錦錦旋欄一領者伏念臣自遭荼蓼甫及葦祥屬蠻獠之猖狂廢几進之號慕未成軍伐屢照天慈且枕塊寢苦禮雖可奪而食稻衣錦心所難安况欒棘之在容顧曳裾而非稱願收渙汗以遂素心已牒桂州更不差入赴京請領所有賜到勅書一道謹具狀封納

回納詔賜冬服狀

臣今月十四日進奏院通到勅書一道蒙恩賜臣族四雕兒細錦旋欄等冬服者祇荷寵光不任感懼伏念臣向遭荼毒歸守丘樊遽屬軍興遂離喪次光陰過隙祥禪未周墨縷經以臨戎蓋先國事聚衣裳而盡飾難處人情願回渥恩庶全素志所有前件細錦冬服乞不請領

謝賜綉狀

金澤集卷六

四

右臣今月六日伏蒙聖恩差御藥梁惟一賜臣綉二百匹今臣迎親歸京者伏念臣本遠人素無通識誤膺權用莫補休明昨求外官蓋欲便於溫清過蒙聖造不令遠去關庭未知所報之恩更承非望之賜上荷雲天之施下為鄉里之光誓捐微軀以答洪覆

謝賜銀狀

右臣今月十三日三班差使殿侍韓喜乘遞馬齎送到中書劄子并勅誥各一道蒙恩授臣尚書工部侍郎仍就賜銀二百兩者伏緣殺蕩蠻寇收復邕州並是宣撫使狄青專摠節制及孫沔石全彬等經畫臣雖同在陣中功非已出併蒙恩寵實不遑安除就賜銀二百兩已受領外有齎送到勅誥不敢祇受乞行

回納已牒送桂州軍資庫收管聽候朝廷指揮及具狀附遞聞奏去訖

代富樞密辭職表

臣聞君命如天不可違拒臣心所守亦當數陳臣稟性至愚立朝日淺素無材略上裨聖明去歲匈奴恃強侮慢中國故作瑕隙形於簡書臣蒙誤知專遣報聘奉陛下之成筭尋先朝之舊盟然而歲增貨財以啖豺虎國力益屈戎心益驕臣復何顏叙為勞効此者陛下推不次之寵擢臣樞近臣不知佐時成務致君之遠圖逃賞避榮立身之小節其如臣之所守非

武彙卷之六

五

節而已蓋義有所處理自未安必若長轡遠馭招懷四夷致其酋長稽首北闕此而為功可也今益以膏血肥其爪牙犬羊無厭出其本性一旦衝突何能保之恃此為功臣所不敢伏願陛下精擢賢俊百度脩舉臣雖不賞固將安心若因暫安之勢便謂無窮之福賞雖可冒禍亦何逃臣之此誠不欺神理儻或歲月叙遷國朝舊制臣非木石豈能無心亦非苟拘虛名避此殊寵伏惟陛下察臣誠實特賜俞允

代狄宣撫賀捷表

臣某言正月十八日至邕州歸仁鋪蠻賊儂智高徒

黨出城迎戰登時殺獲首領黃師必等二千餘人當夜儂智高焚城將帶殘徒潛遁尋差兵甲及溪峒壯丁襲逐今月某日已出省地界者萬里奉詞蓋肅將於天討羣蠻一戰遂收復於邊城中謝竊以國家威疊四方息涵八表日月所照悉解辦而來庭舟車所通率輦畫而修貢蠢爾廣源之部族本惟交趾之附庸自肆陸梁招納亡叛乘邊陲之失備與戈甲以內侵焚蕩州閭鈔劫生聚遠浮江鬱直抵番禺自嶺而南忘戰效久忽逢衝突無不驚駭亦嘗屢遣師徒分命將帥軍無卻伍人不齊同勇者邀功而鮮謀怯者

武彙卷之六

六

貪生而先退賊既未經挫衄愈恣猖狂臣忝預諮詢日親機宥親茲醜類能不疚心久煩肝食之憂敢急請行之志果蒙睿眷見許愚忠授成筭以即途如龍名而異數常慮虛叨邊寄不副主知况彼竊據城池圖為巢穴守於九地之下未易進攻御以七擒之奇固無良策而乃敢率犬羊之衆前當貔虎之師意拒轍而其驕勢破竹而先解橫尸滿野委甲如山既觸網以計窮遂焚營而宵遁係纍者逸老幼得以再生煨燼所餘金帛積而無筭再獲金城之固幾還銅柱之封非臣短材能集茲事此蓋皇帝陛下宸機電發

睿畧天成事達其情體漢光之遠照師行以律賜魏武之新書故此克強遽然破碎撫其彫瘵浸惠澤於民心殲彼狡頑振天聲於方外臣無任

進平蠻記表

臣某言古者興師命將征討四方必有開府之賓參聞策略所以廟堂成筭惟樞密謀擒縱之奇俘馘之實以撰述備史氏之採摭焉故竇憲燕然之勳陳湯鄧支之捷震疊天聲與大漢傳於無窮者用此術也伏惟皇帝陛下龍德天飛三十餘載塞外無未羈之虜域中無不順之臣以北胡之疆盛而締於歡盟以

金鑑卷六

西夏之陸梁而終於屈伏夫何小醜敢干天誅彼儂智高者蠢爾溪蠻生自凶族稔知邊鄙之無備廣招亡叛以協謀直趨番禺圖據邕管燔毀者十二郡殺掠者數萬人南方繹騷殆且半歲陛下出於睿筭特命樞臣董統虎貌奉辭討逆金鼓一震羣凶席卷此蓋皇威奮揚軍政整肅人思用命使之然也致中丞馮炳奉詔掌管機宜備見師行始末自智高舉事以致敗亡凡朝廷處置軍前號令及賊之勝負一能編之詞無虛美事皆實錄以臣共在行陣遂抄副本見寄臣嘗忝史官見今之撰日曆者常執簡於數年之後至

乃搜尋檢訪罕能完備今馮炳於已事之際編輯事實一無遺墜竊以方叔甫征列在詩雅充國西伐叙於史贊非獨顯勳臣之績用于以播國家之休烈其馮炳撰平蠻記二卷已依本繕寫并臣去年准宣撫使劄子准樞密院劄子奉聖旨殺到蠻賊尸首築為京觀仍立石其上鐫記年月及殺獲人數臣尋撰成京觀記刻石立於邕州歸仁鋪蠻塚之側又於桂州北門之外就崖石磨刻出師平賊受筭凱旋年月以宣示皇朝威令用肅遠方今併此碑文別為一卷同馮炳所撰記共成三卷謹隨表進呈伏乞宣付史館

金鑑卷六

賀生擒儂智高母表

臣某言十月二十四日於大理國特磨道生擒到蠻賊儂智高母偽稱太后阿儂并弟儂智光男儂繼宗儂繼封等尋差管押於今月初五日起離邕州赴闕去訖皇化遠覃通九譯而無外天誅所及雖萬里而必擒中謝伏以國家三聖開基千歲接統鬼區請吏海表同文嗟彼蠢蠻產茲悍婦會于凶族濟以姦謀篡父黨以假權屠子婿而兼土自開邑部靡識君師習為豺狼遂生蛇豕去附庸之舊壤并傍近之小區侵軼省封偷延歲律邊臣罔上不以實聞寇孽野心

因之內侮以至燔毀郡縣條虜吏民東剽番禺北窺  
桂象屢徹王命圖據邊關所賴者睿弄受成樞臣總  
律犬羊之衆迎刃而亡禽鳥之驚棄巢而遁永言  
夷域絕異華風毒霧鬱而上蒸銳旅艱於深入假  
辯士之緩頰誘群蠻而恊心峒民授甲以赴期寇黨  
倒戈而自請衆謀直集元惡就擒猶託井蛙而自尊  
豈知天網之難漏本根既舉枝葉必從者是炎荒漸  
紆邊患此蓋皇帝陛下堯仁天覆漢詔春融恢皇策  
而俗既大同疊天威而遠無不誥故得九夷之外聞  
恩信以咸來一惡所歸在逃遁而靡隱罔遺寸銖遂  
獲渠魁再清銅柱之郊庸正藁街之戮亮惟朝著同  
震懽聲臣伏限守任邊州不獲抃蹈闕庭臣無任

賀誅儂智高母表

臣某言據本州進奏官申蠻賊儂智高等大理國已  
斬除訖奉聖旨阿儂腰斬儂智光儂繼宗繼封各處  
斬訖者卉服之蠻敢干國紀藁街之戮用正天誅中  
謝伏以國家道貫百王德涵萬寓東漸西被馳踰堯  
禹之封北洽南翔迥溢漢唐之域蠢茲凶族素隸侯  
藩嘗竊地以逃來因拒關而弗納而乃贅居邊境盜  
弄兵鋒驅掠吏民燔劫郡縣久安之俗聞寇則驚守

金鑑卷六

九

長棄城而悉奔士卒投戈而自潰乘此繹騷之勢肆  
行借擬之名毋號感星年稱啓曆蹂躪者十二郡屠  
害者數萬人還據金湯圖為窟宅餘是睿謀獨斷樞  
輔專征廟堂之筭有成步騎之師齊進爪牙雖衆當  
一戰以皆摧巢穴既傾棄六親而莫保寓所生於假  
父之國投孤族於遠夷之君過為巧詐之詞自作偷  
生之計殊不知天下共惡神理弗容蠻貊雖逞恩信  
可結元兇支黨先從原野之誅頑媪孽童在伏市朝  
之法國章明備式昭雷電之威天網恢疎難漏鯨鯢  
之戮四方共快萬口同詞臣伏恨遠守郡條不獲蹈

金鑑卷六

十

舞闕庭臣無任

賀曲赦表

臣某言今月初一日馬遞赦書一道至安撫司以殺  
獲蠻寇收復邕州曲赦廣南東西路者登時同官吏  
集衆宣示軍民依例施行訖狂蠻竊發遽騷嶺海之  
邦庶彙重蘇遠霽雷雨之澤中謝伏以國家接千歲  
之統擁百神之休一六合而同風重九譯而脩贊蠢  
然獠族素附交城父為戮而不悛母同惡而增酷廣  
招亡叛庸濟狡兇窺邊隙以漸深極兵鋒而為暴遠  
趨南海戈鋌肆掠於越郊還據兩江文檄徧邀於黃

洞安祈枝附潛覬土疆 王怒以遣師殺樞臣而總  
律顧茲烏合未測天亡初居井以自深俄當轍而來  
拒大羊雖衆聿成膏芥之誅羽翼先摧遂起焚巢之  
計既已驅除醜類恢斥邊關捷布繼聞德音遽霽念  
深黎庶懼此憫凶特推恢大之恩仍協發生之候此  
蓋皇帝陛下乾剛下濟天惠周施澤蕪被於存亡民  
用忘於疲瘵拯其焚溺匝甫夏而永康育以慈和與  
萬方而同泰臣無任

賀德音表

臣某言准尚書刑部牒准皇祐六年三月十七日德

武溪集卷六

十一

音改皇祐六年為至和元年應四京及諸道州府軍  
監縣等見禁罪人限德音到日死罪降從流流罪已  
下並放當時軍州官吏軍民宣示施行訖先天布令  
以召四時之和罪已興言特引萬方之過邦刑是恤  
聖德惟新中謝竊以日月之行用違常數天人之應  
必感至誠永言合朔之期或偶二交之次遂成虧薄  
著驗經纏禁社責陰春秋之故事避寢修政帝王之  
舊規恭惟皇帝陛下道迪大中志深寅畏因三辰之  
示變詔六職以修方特推汪濊之恩躬行消復之要  
漢紀元之大號期敷祐於羣生更也之明兆民共仰

帝然之澤函夏同懼臣伏限守職邊郡不獲杵蹈闕  
庭臣無任

賀南郊赦表

臣某言今月十六日馬遞赦書一道至邕州以十一月  
四日南郊禮畢大赦天下者當時集本州官吏軍民  
等對衆宣示依例施行訖昭事上帝式遵大報之儀  
敷錫庶民庸洽來同之福中謝恭惟皇帝陛下接千歲  
之統述三神之釐震威九區化覃萬寓偃閉師節宣  
暢淳風年穀屢豐瑞典不絕玉幣消繁慶事天之誠  
壇廟肅祇兼嚮親之孝膺天地之貺故二儀合祭而

武溪集卷六

十二

有嚴承祖宗之休故三聖偕侑而為始禮交樂具物  
遂時康均此純禧霈然諸夏神明來格求福不回瑕  
穢蕩清與民更始至於斥去告訐裁減賦租誦誅求之  
官釋逋負之責斯皆講盛德之事隆太平之基凡有  
歡呼萬邦同泰臣伏限守職邊郡不獲杵蹈闕庭臣  
無任

賀禋享赦表

臣某言今月十六日准樞密院遞到禋享禮畢大赦  
一道當時集官吏軍民宣示施行訖宗祫祭祀講隨  
典以親行雷雨湛恩匝縣區而普及軍民竦踊中外

歡呼中謝伏以國家祚稟赤精運興累聖藝祖題期而立極神宗弈葉以承休迨文考之握樞至太平而輯化並垂千古之餘烈此皆百世而不祧恭惟皇帝陛下祗適先猷大寧諸夏固宜備潔牲玉奉見郊丘啓八陛之壇答二儀之貺侑三聖于上帝附羣后於闕宮親籍田之耕配明堂之享惟茲合食之盛祭又委有司之攝行舉是闕儀允為大典辨昭穆之序正乎東向之尊均服膺之禧表乎祀事之重漢詔寬大齊民樂康減賦罷征乃人心之至願恤災有過實王政之所先垂髮盡識於昇平戴白同懷於悅豫臣無任

文選卷一六

一三

謝恤刑表

四序均和聿屆蘊隆之候萬邦在宥爰推欽恤之仁中謝切念臣本之吏能謬當州寄屬傷夷之下起復忠愛之未孚粵此撫封每無滯訟涉茲煩渥或寤性牢上軫宸聰俯憐遐俗譬諸籠檻開以尉羅特示哀矜之懷庸願寬大之詔敢不恪遵漢制祗稟堯言獄未逮於簡孚情靡忘於伏念庶俾係累之者無嗟暑暘之傷恢布聖恩遠周邦域

謝賜曆日表

恭以國家政通三統德輯群元應淳耀以題期整幅

負而受朔臣濫階儒學猥領郡條因史官推策之勤見聖人先天之用奉本朝治象之法式謹王正示庶民啓塞之時裨知帝力臣無任

謝傳宣撫問表

臣某言今月初九日入內侍省內侍殿頭張昭壽到昭州蒙恩傳宣撫問者中謝伏以國家恩涵四海威疊八荒蠢茲徼外之狂蠻素號日南之小族自焚廬帳深入封疆未即誅夷上煩宵旰臣才非通濟命本羈孤誤分方面之憂適在傷殘之後道路之勤雖至犬羊之戮尚稽方懼國章遽傳天語王人之重來

文選卷一六

一四

自日邊口勅初聆如親帝所愧乏前茅之慮或深挾續之恩敢不誨諭師徒敷陳逆順共勵在和之節庶成破賊之功無使腥羶得還巢穴上依睿筭期振天聲無任

謝傳宣撫問表

臣某言今月二日入內侍省內侍殿頭高居簡到州伏蒙聖恩傳宣撫問者人自日邊遠頒於休命語傳天上如對於清光揣已甚微荷恩至厚中謝恭惟皇帝陛下丕承景運祗配嚴裡內盡志於祖宗畢薦誠於嶽瀆臣忝分朝寄遠在海邦光華之使斯來郁

穆之言遽及鞠躬聽命初同楚續之温闔郡改觀共  
識堯雲之澤但臣無任

慰温成皇后張氏薨表

臣某言進奏院正月八日追冊温成皇后張氏薨謝  
者函夏之廣聞問咸驚中謝伏以温成皇后德稟儒  
門化恢嬪則動守珩璜之節退思圖史之規樛木稱  
賢協隆陰教藏舟茹嘆遽掩春華恭惟皇帝陛下特  
軫宸慈俯追遺懿禮崇三翟增象服以伸懷恻動六  
宮引鸞輅而加愴臣無任



武溪集卷第十七

工部尚書充集賢院學士贈尚書左僕射累贈

少師謚襄公余靖

啓

謝帖職啓

謝知英州狀

謝知制誥啓

謝知制誥啓

謝知吉州啓

謝知集賢院學士啓

武溪集卷十七

謝再任桂州啓

謝知潭州啓

謝知青州啓

謝知廣州啓

謝知工部尚書啓

答淮南轉運葉學士啓

回兩浙轉運葉學士啓

狀元宋內翰啓

回賀孫學士啓

回賀彭舍人啓

回賀吳內翰啓

回賀梁相公啓

謝帖職啓

右其啓伏奉勅命蒙恩充前件職者天獎曲成寵典  
過厚內省鄙薄榮懼交至伏念其本惟庸淺生在遐  
陬弱歲就學則經無師範長年力行而非老成常  
構霧而自知加鑽勵而忘倦且有道之士樵夫笑  
其詆諧安平之時君子耻乎貧賤期慷慨以有立乃  
徒步而西遊屬皇德休明崇尚儒術廣求俊秀延及  
幽陋謹鄉遂之舉旅登仕途擇群萃之材首膺嘉命

武溪集卷十七

二

越在官次固亡治聲徒稽吏資屢進榮秩間者以遷  
固舊學貫穿博乎群書范謝所錄撰述推其良吏向  
在先代摹于上庠雖千金置市淮南莫之能改而五經  
在黷廬生得以裁定咨于前訓釋以所聞歸赴未央  
之朝雜上公車之奏敢期震矚擇用狂言不遺一介  
之善以廣同文之化石渠平議摠以鉅儒中秘舊藏  
採其通說再易歲月僅終緝綴紕繆畢去固周於衆  
檢蠹文未辦猶示於傳疑重紆綿几之觀頗愧雲臺  
之議豈謂薦言屢上睿澤猥加錄其微勤升之華貫  
伏惟昭文僕射相公秉惠和之德輔欽明之君宣百

王未舉之政扶萬世不傾之業裁成庶務明昭百辟  
薪槁克充于用白黑不逃其形而况承明之庭漢儒  
列於侍從東壁之府唐制專乎刊脩所宜推擇俊髦  
收集英乂傳求濟理之具以永無窮之聞必若望實  
外著器識兼遠屬詞典瞻知禮樂而能述立行端方  
敦名教而為樂苟中茲選則惟其人夫何緬生玷是  
榮命儻以稽合同異緒正舛忤此而可廢謂之必稱  
則蔡邕壁池之本鐫刻以為勞鄭默蘭臺之經嘉歎  
而尤著未聞前世推以厚恩揆茲非次之榮迫出常  
均之外蓋由熙寧在運明哲主謀警陽春之和士靡

人禽卷七

三

無德國經度答已知以逃羣謗其無任

謝知英州狀

右某伏奉聖恩授前件差遣者祇荷寵光不任感懼  
伏念某才非出類智不適時始懷鈔而備官遽越俎  
而蒙罪三遷歲曆再食門征既無狀以昭明固甘心  
於棄逐豈謂自天灑澤解網均息眷言喬木之隣邦  
付以小侯之全壤光生里閭便為竹馬之期榮被親  
闈仍遂蘭陔之便此蓋某官素垂孜孜力掩瑕疵致

此顯愚復沾甄錄敢不勵精士檢祇率郡條上答天  
慈旁酬恩造

謝知制誥啟

伏蒙恩制授依前官知制誥知諫院者天獎發中星  
垣要切祇膺寵命以榮為憂竊以國家設正諫之官  
上參國論開內史之府述宣王言所以丕進英髦克  
備局闈乃能規益謀慮申布詞令鼓動萬物渙汗四  
方故非輕才所可兼任如某者稟生奇隻賦性蔽蒙  
乏通識以濟時無獨行而高俗早遠農畔遠託師模  
才不稱於里閭譽不宣於庠塾伏自皇明繼照側陋

人禽卷七

四

旁求一與計偕即廷官簿甘心州縣之役絕望英俊  
之游尋以庚午詔書恢復科試網羅數路寤寐衆才  
名在選曹特殊制目天人三道之要每得敷陳甲乙  
千題之問僅能酌對進丞丞署出館縣章學政未工  
幸逃官謗嘗刊史簡之誤入聯書殿之華一忤貴權  
遽逢譴逐雖聖恩寬側追還近甸而私庭奉養乞泣  
遠蕃初詣守土之榮已報終堂之痛七更歲律再見  
闕庭垂紳抱慙克還舊物文昌祠之重奉堂齊禮  
之勤在于攸司罔敢尸曠屬台臣退老聖政惟新總  
攬權綱思廣言路豈期踈闇亦蒙延獎進無當世骨

觀之論下愧苟差退闕偏親晨夕之養外慙烏鳥誠  
雖許國義切所天累上封章願假麾守宸慈下照恩  
賚曲霑俾迎親輿就居京較徒增忝冒無補休明未  
伸執簡之勞遽進代言之秩天居近密法太繁之崇  
國命宣行當出納之重寧容底滯玷此選掄此蓋相  
公樂有敦懷緝熙成績權衡不撓陶冶無私先為萬  
乘之容不棄一才之用謹當砥勵名節祗率忠規貴  
賤不易其心險易不更其守勵蹇蹇之節啓寤天聰  
演深厚之辭少裨政體過此以往未知所裁

謝知制誥啓 謝外任  
并兩制

金溪集卷七

五

蒙恩授前件官并差遣者伏念某稟生竒隻賦性蔽  
蒙乏通識以濟時無獨行而高俗宜刊史簡之誤入  
聯書殿之華一忤貴權遽逢譴逐七更歲律再見闕  
庭趨茅蕝之通班帖芸籤之舊職引裾伏諫無蹇正  
之風簪筆記言寡良直之譽濼蒙天獎進補掖垣累  
辭避而莫從顧忝竊而尤甚此蓋某官因雲洒潤伐  
木求聲素敢推致之誠用集享嘉之會惟上圖於報  
效庶無負於朋游過此以還罔知所措

謝知吉州啓

右某啓伏奉勅命差知吉州軍州事已於八月四日

到州赴上訖伏念某起自寒官本無遠圖偶逢聖明  
遂玷清近論人君之得失正史氏之褒貶典西掖之  
綸綍領中臺之衡鑑寵任皆過毫髮無裨伏况行人  
之官列辟所選衙君命以申信歌皇華而戒途四方  
式瞻專對為重且以朝廷之大髦彥比肩至如識周  
古今言窮治亂蘊厚重之器抱通博之才可以出鋒  
穎於囊中暢威聲於方外者濟濟盈庭不可勝數而  
猥辱僉議獨當重委不能死請以堅避讓之誠偶得  
生還果貽狃習之患原其所坐當伏嚴刑尚蒙寬息  
俾領便郡此蓋伏遇昭文相公燮調元化開濟萬邦

金溪集卷七

六

思九德之咸事慮一物之失所特形敷奏見軫孤危  
過彈射溢惡之詞敦國家馭吏之體正從薄謫庸示  
深仁風波垂拯於畏塗日月遂回於曲照再蘇朽瘁  
敢忘厚恩然念方今甲兵漸息賦歛必省謹當奉朝  
廷寬大之詔求古人簡易之理削去苛橫勤詢疾苦  
庶竭鴛鴦少答恩私往此以還罔知所措

謝充集賢學士啓

伏奉恩守本官充前件職不許辭讓者吏能非稱謬  
當方面之權恩典曲施再參文雅之選祗膺寵渙彌  
切憂兢伏念某世係孤平性識疎闇內惟輪翹之無

取早葺英俊之並游抱槩非工濫巾書府伏蒲何補尸祿諫垣進掌王言靡成深厚之訓對持史簡曾微良直之才每慮滿盈果貽謗缺闔門惶懼謝絕親賓築室逍遙自安黎藿因之就養并此終身豈期乾坤再造於鴻恩簪履不遺於舊物起自謫籍付以州麾奄蓬私艱復還故里屬當夷寇倣擾邊陲遽丹詔以臨門俾墨纒而即路單車獨進初慙應變以非長元帥專征乃幸因人而成事以至故關脩復首惡遁逃宣大國之威靈結羣蠻之信誓就擒魁媼行條孽童雖名捕之尚遺顧烽煙而稍息願還印綬追襲直麻

武溪集卷七

七

遽沐渙恩特加近職將軍旗鼓猥留乘障之居道家蓬萊重賤育才之地深惟任遇敢忘品題此蓋伏遇某官體國宣慈代天育物功深攝履廣攬於群材德茂調元不私於寒谷永言鄙陋無間甄收謹當董練武經脩明政體奉朝廷畫一之令用致民和宣皇家無外之風永銷邊隙上答雲天之施次酬衡鑑之恩過此以還罔知所措

謝再任桂州啓

伏奉恩命特授尚書戶部侍郎依前充集賢院學士知桂州候今任成資日仍令再任行准樞密院劄子

奉聖旨依前降指揮不計辭讓者伏念某本無遠識早玷通班向緣蠻事之興遽委州麾之重墨纒從政徒廢居喪之儀尺籍理兵素乏臨戎之變賴睿謀之遠照命元帥以專征一戰成功已濫分於賞典三年奉計當例被於更書忽捧詔音就宣恩旨以謂狂蠻千紀既伏於逋誅服嶺頌條宜諳於故俗俾留州任庶旣物情再念某頃被中傷嘗居冗散頗得田園之樂靡思軒冕之榮當憂急之期聞命敢忘於濡足及救寧之際私心誠願於退身再露封章上干旒宸未從報罷仍俾拜嘉此蓋伏遇昭文相公道廣包荒誠深誘善洪鈞造物靡私動植之恩寒谷迴春曲借發生之氣致茲樗散荐被龍光謹當詳練武經勵精政體遠亭敬言備真銷桴鼓之音條教布宣庶協蒲蘆之化上答乾坤之造次酬陶鑄之私過此以還罔知所措

武溪集卷七

八

謝知潭州啓

右某啓伏奉勅命就移前件差遣已於今月二十三日到任上訖伏念某罷非應務才乏適時蓋識淺而慮昏故毀多而譽少嚮以哀纏風樹歸處立樊屬當蠻事之興首預詔除之目三湘假守初令備禦於封

陸五莞董戎邊俾親臨於矢石矧機籌之素情懼首領以難全所賴者元帥摠其中權適臣定其遠制乃容無似於此備負以至大愆遐奔子母不能全其族外夷協比斧鉞得以正其誅皆上稟於廟謀致甫消於邊患因之積歲幸免寢官念婚嫁之失期願珪符而易地果蒙俞旨還撫舊封顯忝竊以居多實權衡之有託此蓋伏遇昭文相公明謨特出廣度并容謂其嘗辱於延陶未忍遺遺於林藪過形敷奏猶假寵名敢不祗畏簡書詢求疾隱蠻漢成嶂面銷未弭之兵士里農閭期間未康之俗庶展宣風之效庸酬播

卷十二

九

物之恩

謝知青州啓

右某啓叨奉聖恩就移州任已於今月二十五日到任上訖伏念某器能闕淺學術空疎早在屏居分絕榮路旋由喪次起赴邊防微效莫伸優恩屢及瀕湘舊國獄訟寔繁嶺海名邦風俗尤古係當委任皆摠偏方授寄則深揆才非稱璧諸毛羽居腹肯以無堪付以藩宣敷股肱之為重此蓋伏遇某官誠敦與善義切包荒不求備以取人為之地而延譽密形獎飾致竊寵光敢不祗率國經詳求民瘼用圖綏緝以

報恩私

謝知廣州表

右某啓叨膺睿澤出布藩條祗荷寵光不任感懼已於今月十八日到任上訖伏念某器非適用智不逮人初既謝於才升中亦罹於毀廢聞家駟策頻易炎涼謀無補於臨戎寵屢叨於進律去歲載馳驛騎重見關庭猥當諭指之行殊乏緩邊之略暨于復命惟俟黜幽遽陞綱轄之司仍領藩宣之寄下慙猛士徒字於四方仰愧文昌甫聯於八座此蓋某官義敦與善德極包荒密為敷揚致茲忝冒敢不體國家忠厚之化究邦俗利害之源無露才以近名冀順民而成政苟能逃於官謗期勿負於已知

卷十三

十

謝轉工部尚書啓

右某啓叨奉聖恩擢遷官品無從遊避徒積憂兢伏念某才謝適時罷非經遠幸緣孤直誤記清衷擢自書林超居諫路以至殊鄰專對西掖代言謗篋將盈遺解罔棄嘗親臨於矢石幸免喪元曾無紀於旂常徒煩捨爵屢統綬於武節久陪貳於文昌比者上聖登遐真人應運堯仁齊孝百世承基乾健離明重熙繼照俊德旁羅於百辟惠澤廣宣於八紘爰及疎蒙

亦叨甄叙此蓋某官曲加題品俯念哀殘列郡承流  
已忝股肱之寄六曹平奏俾陞喉舌之官謹當祗率  
政經防弭官謗惟圖死節上報國恩過此以還罔知  
所措

答淮南轉運段學士啓

右某啓其嚮以瑣材濫躋通籍無沉默之量而克從  
于衆慕耿介之節而不得其宜天子以法冠彈非諍  
臣縫闕過是疎遠不預謀議况默陟之際喜怒難回  
輒陳囊封果觸天憲投棄南服列為冗官蟾蜍奮臂  
誠不量力鶴鶴一枝亦返其分自惟生長草野性仍

金溪集卷三

十一

寡合進無左右之容退非丘園之秀幸得垂纓抱槩  
趨走臺閣遠方之人寧復他望且據權之與失寵孰  
為輕重當國之與孤臣孰為勢利苟曰樹黨以營其  
私則匹夫僮婦猶之所向區區之誠豈在身計而朝  
奏暮逐坐為北周痛哭疾首自明無路再冉貶所亦  
既逾年庭闈千里不遑三釜之樂忠賢盈朝未賜一  
言之佑然則捨生取義尚欲為之榮通醜窮固非本  
志但恐陷此罪罟不為正人所憐此者伏蒙運使學  
士敦樹風義遠錫書教靡諂狂狷猥形賁飾如在寒  
谷得逢陽春免為妄人自今日始儻得天下賢士共

持此談則雖終身窮賤不自深耻某無任

回兩浙轉運葉學士啓

右某啓生於遠方不達時務踈網在上自觸機關孤  
根立 朝翻坐朋黨罹此重辟誰為明之雖蒙聖恩  
追還近郡而二親垂白僻在嶠南晨昏既遙甘脆仍  
關負罪未釋靡敢自陳涉江踰嶺因得私覲間關往  
還七十餘里近於秋首方抵所局斗筲祿微管庫員  
冗智力俱困正在此時常所友厚悉欲委棄同年道  
卿學士靡泐物態再貺手幅交情不移於貴賤善導  
如接於風儀感愧已還仰覽無數仍聆乞閣史筆歸  
謁詩庭借聞三釜之樂有喻萬鍾之貴自非淡於榮  
味篤在孝愛者孰能與於此哉某親衰滿柳身陷罟  
羅寸心惶惶瞬息增懼儻逢渙汗幸脫羈紲當圖南  
還以縻羞膳久服高義願附子臧自誓此誠有如白  
水未由覲覲言不盡意

金溪集卷七

三

回狀元宋內翰啓

右某啓某賦性魯拙為學空疎向因舊史之闕文獲  
承大匠之諄誨珉玳賤質徒費磨龍瓦甃麤材易  
成玷闕身與禍會勢無還期不敢復以封題上汚恩  
舊三年于茲矣近者湯羅一解漢詔甚寬鄉郡長人

容臺進秩皆出望外釋然南歸天慈甫臨家禍已起  
循咳之請徒竭肺肝懷章之行遽變縲絏誠願不遂  
悲酸倍增豈謂狀元內翰包荒為懷墜旣猶顧遠損  
緘誨下撫窮愁垂照至深仰覽無斃銜恤之外惟知  
感恩儻全殘生敢忘厚德

回賀孫學士啓

伏蒙尊慈以榮陞清貫時惠華牋歡慰之餘但增祇  
悚竊以昔漢武用兵四夷朝野多事而嚴助朱買臣  
之徒以文學侍左右內與大臣辨論得失外使四方  
專達詞令然未有職事之稱唐初開秦府以攬英傑

金溪集卷十七

十三

諸將相之施 後闕

回賀彭舍人啓

前關其幸以寡聞早陪俊軌濫巾綸閣方懷糠粃之  
慙塌翼江風更羨雲霄之舉其於慰抃寧有等夷

回賀吳內翰啓

右某啓伏審光奉聖恩榮陞禁署伏惟歡慰恭惟審  
官內翰佐王遠識經國長才器含金玉之英詞兼江  
海之潤宸庭奉對窮精稔而甚微言路推誠判忠和  
而無隱視進退而惟道履險夷而一心嘗遠握於漢  
旄誓弗襲於胡服直聲振於蠻貊高節貫於神明猶

以他規亟從外補士頌中和之職民移愷悌之風毋  
俟更書遽還綸閣前席帝所當顧問之益隆持橐禁  
中增羽儀而為重官無留事日告遠猷果從玉笋之  
班進佩金奎之直職居要近極為儒者之榮業茂弭  
綸佇正弼諧之任其悞叨郡寄又絕英游豈謂謙光  
特迂誨尺喜忭交集數叙奚周

賀梁相公啓

右某啓伏審光膺制命誕告王庭授將鉞之崇資領  
帥垣之巨鎮伏惟歡慰恭惟經畧太尉相公識窮治  
亂業茂經綸至誠格萬物之和一言備四時之氣陶

金溪集卷十七

十四

鈞庶彙恢陳體國之謨翼亮宸嚴美極濟川之用向  
從誠請暫遂均勞隴底綏戎外撫之勲益顯關中阜  
俗勤歸之望愈隆將還台鼎之居先正齋壇之拜矧  
茲全晉控西北之二陸委以中權靜河汾之萬里併  
安危之注意彰中外之一心佇書功於旂常復奮容  
於廊廟行躋寵數允副具瞻

武溪集卷第十七

武溪集卷第十八

工部尚書充集賢院學士贈尚書左僕射累贈少師謚襄公余靖

雜文

書譚氏東齋

從政六箴

書去虎

契丹官儀

葛懷敏謚議

雷公堂祈雨文二首

武溪集卷十八

祭段待制文

祭高大君文

祭荆王文

祭孫工部文

書譚氏東齋

人之志於道者在乎去煩釋累靜慮和衷視聽動息不汨不誘然後以居者則安以學者則專自非離塵絕俗不能至於是也吾友譚君伯顧自桂林佐邑遭私艱還第素冠彌時不營他務乃相厥居之東二里而近出氛雜卜岑寂面江倚阜披雲躋險廓地數畝

作為齋舍上以屏去人事下以訓勵子姓已得其安

子姓得其專有志於道者也屋不加飾地不祈廣執

林駕泉自適而已圖史机案旁無長物所謂不見異

物而迂者也立壘不暇日得瞻睇不忘其親者也吾

友之意也深矣一日携僧泛舟而謁之愛其清曠又

嘉其子弟甥姪翼翼如也因書其壁皇祐二年七月

日題

從政六箴

清箴

政為民綱清本士節立於寡過先乎自潔根不堅固

武溪集卷十八

枝必顛折勿謂何傷多其藏者厚其亡勿謂終吉悖

而入者悖而出金滿堂而莫守玉無脛而能走君子

臨財貴乎無苟計日受祿孰憂不足飲馬投錢孰曰

非賢不義如雲前聖所陳不貪為寶先儒之道所以

既雖生塵德及吾民珠能還浦道光信史去惑畏知

千古仰之嗚呼幽有鬼神明有斧鉞貪彼賕餉過乎

豪奪罪盈於貫陽誅陰罰何如砥礪清名不滅

公箴

厥初生民固有紀極羣居雜處鬪智競力乃建官司

分其曲直所以衡鑑所以糾纏抱公絕私是為率職



惟柔惟佞腹心之病惟端惟方政化之綱勿畏於勢  
受人之制撓法用情為害不細勿黷於賄移人之罪  
鬻獄奉身其禍可待無徇威名以作煩刑嘗聞嚴母  
掃墓而迎無貪寬恕以售虛譽又聞晉官批政者去  
張湯輕重其心漢刑已淫州犂上下其手楚邦之醜  
是以罪無異罰左史所旌義不隱親叔向之明尺槩  
繩直珪方砥平如止水斯鑒不牽於情不侮悼獨無  
懼高明其守不更乃國之經敢告君子參之座銘

勤箴

爵以詔德官惟擇賢怠則廢職勤則政宣恪恭脩德

金溪集卷十八

三

厥德乃全僥倖勵志其志乃專譬如農功日夜思焉  
古之聖賢名存簡編其智宏達其謀廣淵猶勉於勤  
奉之周旋堯癯舜瘠以臨溥天禹乘四載手胼足胝  
日不暇給周道以完介冑蟻風漢業以安君既勤止  
臣寧曠然周公握髮九有駁奔趙盾夙興盜退寢門  
官無留事史稱名臣罔敢自逸書之格言理有不及  
則惟于愆義和酒淫夏攻其昏二王清談晉失其尊  
養名通事義和罪入下臣有聞敢告司存

明箴

函血奮氣爭鬪所起區區強弱茫茫真偽巧詐千端

奸邪萬計或矜其豪以厭顛頽或恃其窮以凌貴勢  
或狐託虎威或蚌為鷁制鼠無牙兮穿墉蝸有角兮  
掠地吏或舞文人多飾智聚兔兔以成穴赫鷲雛而  
得味吹毛洗垢極其窺伺滑言柔色肆其諛媚捨狀  
探情譬乎衡誠邪正區別是為神明軒銅照膽不將不  
迎爾妍爾醜安能遁形敢告有位無忘勵精

和箴

水至清則無魚入至察則無徒凌上忽下於義何如  
剛而又方失乎正柔而又圓近於佞濟之中和可以  
從政

金溪集卷十八

四

慎箴

太行之峻摧軸折轅龍門之浚舟沉楫翻危乎官路  
逾茲阻艱巧者爭進擠之疾顛青蠅止棘讒豈無門  
意效似珠謗亦有端所以去惡者如草之蔓覆霜者如  
冰之堅太僕之馬數而後對溫室之樹問而不言動  
而三思靜當有慮儉則易足謙則無忤狠則多爭傲  
則衆怒好樂者所貴無荒縱欲者終聞敗度語曰奔  
車之上無仲尼覆車之下無伯夷古之訓也慎者從  
之

書去虎

禹山之陰曰翁永水之源有居邑去刺史府五百里而近山富毒草水蒙毒霧霧昏草黃夏日瘴熱歷者生疾故州人憚之邑老吏恃遠且嶮肆詎欺以成俗亡何丞尉飛書白府云境中三虎暴自踣請以狀聞本朝彰太守服猛擊強之應太守貪偽名欲市其矯乃召他邑掾往驗之以成其詐邑掾到境得疾繇是怒而以實對虎墜窅而死言自踣者非是邑掾返卧疾且死者久之野史氏聞之廢書而嘆曰罪由古史非丞尉太守之罪也昔者劉琨宋均以循良著治理効史氏有猛虎渡河之說向使政仁且明虎雖在境機

金鑑卷六十八

五

均可制政昏且暴虎雖出境其害被于千里豈持一虎哉則知虎之去不若暴之去太史氏以異聞惑中智甚矣哉

契丹官儀

契丹舊俗皆書於國史夷狄傳矣予自癸未至乙酉三使其庭凡接送館伴使副客省宣徽至于門階戶庭趨走卒吏盡得款曲言語虜中不相猜疑故詢胡人風俗頗得其詳退而誌之以補史之闕焉  
胡人之官領番中職事者皆胡服謂之契丹官樞密宰臣則曰北樞密北宰相領燕中職事者雖胡人亦

漢服謂之漢官執政者則曰南宰相南樞密契丹樞密使帶平章事者在漢宰相之上其不帶使相及雖帶使相而知樞密副使事者即在宰相下其漢宰相必兼樞密使乃得預聞機事蕃官有參知政事謂之夷離畢漢官參知政事帶使相者乃得坐穹廬中其宣徽使惟掌宣傳詔命而已文譙侍立如閣門使之

金鑑卷六十八

六

胡人之掌兵者燕中有元帥府雜掌蕃漢兵太弟摠判之其外則有北王府南王府分掌契丹兵在雲州歸化州之北二王皆坐在樞密下帶平章事之上舊例皆賜御服節度使參於旗幟之南乙室王府亦掌契丹兵然稍卑矣其有居鴈門之北似是契丹別族其坐在上將軍之上又有奚王府掌奚兵在中京之南與留守相見則用客禮大抵胡人以元帥府守山前故有府官又有統軍掌契丹渤海之兵馬軍步軍一掌漢兵以乙室王府山後又有雲應蔚朔奉聖等五節度營兵逐州又置鄉兵其西南路招討掌河西邊事西北路招討掌捷等邊事其東北則有捷領相公胡人呼捷字如系字入声領音近應掌黑水等邊事正東則有注展相公掌女真等邊事此皆守邊者也舊語注展即女真也國中

隨部族大小各有節度使不屬州縣胡人從行之兵  
取宗室中最親信者為行宮都部署以主之其兵皆  
取於南北王府千宮院人充之亦有大內點檢副點  
檢之官以備宿衛北王府兵刺左臂南王府兵刺右  
臂千宮院人呼小底如官奴婢之屬也此警者呼拽  
刺諳劾逐部分各有首領及判官等渤海亦有宿衛  
者又有左右等五比室比音牌亦音契丹調金剛為  
比室取其堅利之名也漢人亦有控鶴等六軍  
胡人司會之官雖於燕京置三司使唯掌燕薊涿易  
檀順等州錢帛耳又於平州置錢帛司榮灤等州屬

金鑑卷二十八

七

焉中京置度支使宜霸等州隸焉東京置戶部使遼  
西川錦等州隸焉上京置監鐵使統澤等州隸焉山  
後置轉運使雲應等州屬焉置使雖殊其實各分方  
域董其出納也隨駕賜與則樞密院主之燕勞則宣  
徽使主之  
胡人從行之官大臣之外楊隱司掌宗室國舅司掌  
蕭氏常衮司掌庶姓耶律氏其宗室為橫帳庶姓為  
搖輦其未有官者呼舍利猶中國之呼即君也不在  
此籍即屬十宮院又南北王府矣又有十宮院使亦  
從行其言十宮者自阿保機而下每主嗣位即立宮

置使領臣寮每歲所獻生口及打虜外國所得之物  
盡隸宮使每宮皆有戶口錢帛以供虜主私費猶中  
國之內藏也十宮院名

興聖宮 崇德宮 洪義宮 永興宮

積慶宮 長寧宮 延長宮 敦睦宮

章啟宮 巡慶宮

十宮院使在上將軍之下節度使之上

十宮院制置司奉聖州平州亦各有十宮院司契丹

司錄事司如中國左右司候司掌刑獄

胡人於燕京置元帥府統軍馬軍步軍三司胡人東

金鑑卷二十八

八

有渤海西有奚南有燕北據其窟穴四姓雜居舊不  
通婚謀臣韓紹芳獻議乃許婚焉衣服飲食言語各  
從其俗凡四姓相犯皆用漢法本類自相犯者用本  
國法故別立契丹司以掌其獄

葛懷敏謚議

贈大尉葛公生於將門資性明銳束髮從官即以能  
稱彤墀贊道守五符監督屢更器使人推其才御下不  
苛接上以禮輕貨好與重器貴諾官有所底善聲日  
聞朝廷寵嘉付以邊事易京之治至今為最屬西羌  
怙遠棄我含有率其大羊觸齧保障烽燧初舉即有

膚施之役監其覆軌寤寐材雋是用起於謫籍授之  
次將畫野增戍以固封略既孽孔熾舉國興師來如  
蝟毛屯逼城此若言奮其旅出當賊鋒乘銳急戰卒用  
屠潰忘軀殉節殞于旗鼓詔贈旄鉞以旌死事祖載  
易名式參前典謹案謚法臨患不忘國曰忠隱拂不  
成曰隱若其遠當勅寇師無後繼勢寡力屈義不苟  
生可不謂忠乎肅將王怒志清戎醜衆怫其令投戈  
莫保聞激痛悼雅意無成可不謂隱乎昔者流矢在  
馬魯侯誅之握節隕命晉策褒尚咸用加等式彰義  
烈繫公勤死宜謚忠隱謹議

祭段待制文

嗚呼天之間氣是生俊德特稟粹精蘊爲才識應  
物成務代王脩職皇圖所倚譬諸輪翼試之以漸終  
將康國量既未充壽胡不克嗚呼天乎世於祿仕不  
羞苟得或在道以容身或買聲而借力公之立朝侃  
然正色孤根竦幹古之亮直母后專制戚里濫息干  
官結舌啗過天閭公倚抗憤方幅建言雷霆震怒甘  
心黜去委吏冗員處之如僚乘驄憲府和鈔書殿智  
略再伸周行改觀外臺主計國無貧歲攬轡觀風鈍  
頑咸礪南床執法官宿其業簪笏扶墀權豪共懼粵

佐金穀旋登待從竭誠納忠言行策用暫擁麾幢殿  
此海邦鋤姦樹善民夷以康天胡不憖我忠良嗚  
呼哀哉人之懷才不遭于世或結隙而被誣或抱忠  
而見棄既飲痛而莫伸其捐軀而自誓猶有生還故  
都此去遐裔公今於時不爲不遇直道守官自結明  
主暫斥復還帝其玉汝揚歷清顯勤勞靡盬旦夕顧  
問其仕則無衆推周才可以鎮遠撫封半載帝亦悔  
遣紫泥賜書追鋒給車俾公受代歸侍玉除代公者  
雖在相之湄抗旌即道朝露先晞公之未去勵精愈  
苦遂使忠魂淪喪茲土公之才良無愧廟堂親逢旦

暮而死矣方物理難曉徒怨蒼蒼嗚呼哀哉變昔海

客乘風浮舶望犀象歲至日積昔人北歸不能弭謗  
竹簡蕙珠方舟蕪量公之戒行朝以俟夕盡室輕裝  
十夫之役天若有知延其漏刻俾我後人觀之爲則  
庶乎無憾以叶柔克嗚呼哀哉脩短之期蓋有常數  
逝川不息藏舟靡固人生至此胡其艱如哀公之喪  
不得其常弱息乳蔭孺婦空房遠託故國未知存亡  
哭無由而憑柩歛不及於帷堂謂暫時之一別遂隔  
生而可傷昔紫服兮乘駟今丹旄兮還鄉瞻靈輻之  
祖載痛川途之阻長陳絮酒兮一酸淚霑襟兮浪浪

嗚呼哀哉

祭高待制太君

惟靈柔明素稱懿恭自飭惟韶及艾終始一德結悅  
留範誕光文式采繁承祀克勤婦職卜鄰教子適駸  
家則集此聖善刑于燕翼金華勸講訓成忠翊石窠  
啓封庸酬慈力福未盈皆壽胡不克嗚呼哀哉脩短  
之策豈其借極吉凶之會曷無常域積善之享享年  
不億造物之意終天罔識輜輳啓途銘旌慘色執紼  
奠傘橫涕沾軾言瞻高里莫知其默

祭荆王文

惟王系尊帝穆位冠台臣啓宗藩於前世展皇家之  
茂親敷叙之恩流於國卽對見之禮厚於家人推勲  
賢之莫二箕屏翰於無垠溢委朝露愁生暮雲宸懷  
爲之一慟民思從於百身蓋棺長夜引紼斯辰國門  
之祖牲羞以陳永歸高里義愴朝紳

祭孫工部文

惟靈黟山之英生爲俊明學探聖域詩合雅聲丹以  
科進列干王庭身冠霜簡凜凜持平繡衣朱旆未足  
于外二易江城直道無海粵惟前載寇攻南海烽火  
飛騰嶺隅震駭君乘使車聞急驚呼不俟王命遽發

銅符救兵先集圍城不孤番禺無虞惟君之掄帝曰  
汝材將漕來此盜據邊關旁無儲峙元戎秉鉞貌貅  
千里餉餽不續許之以死君運心計委粟流錢士免  
飢色凱歌以旋幕府第勞即曹舟遷當身遐福胡不  
永年嗚呼哀哉君於場屋各出輩流作掾南昌始與  
君游柔圓易安剛方多滯假守廬陵朱輪相繼生叨  
郡寄君領監司再任相逢哀樂是隨君哭吾父我哭  
君身嗟嗟世人糾纏相因聊陳薄奠以告營魂茫茫九  
泉孰聽斯言

武溪集卷之八

二

武溪集卷第十八

武溪集卷第十九

工部尚書充集賢院學士贈尚書左僕射累贈

少師余靖

墓誌上

狄令公墓銘

林度文墓碣

黃即中墓碑

李即中墓碑

李即中墓誌銘

朱寺丞墓銘

武溪集卷一九

王大君墓銘

黃殿丞墓表

王寺丞墓碣

蘇殿直墓銘

蘇判官墓銘

宋故狄令公墓銘并序

惟宋四世嘉祐二年三月陳州上言護國軍節度使同中書門下平章事狄公屬疾于鎮詔遣國醫馳視未至以薨聞天子震悼為之素服發哀再不視朝制贈中書令厚賻其家褒勳臣也公諱青字漢臣贈太

傳諱應之曾孫贈太師諱真之孫贈中書令諱晉之

少子汾州西河人遠祖唐納言梁文惠公仁傑本家

太原危言直節再復唐嗣子孫或從汾晉世為著姓

公謹重信厚風骨異常少以騎射為樂期於功名自

立弱冠遊京師係名拱聖籍中國家自北虜請盟翻

偃師節息烽徹警垂四十年元昊世以河西稱藩常

歲遣牙校貢方物胡賈往來直抵都下奸人窺覘知

我虛實一旦上還印節儲盜名字朝廷始增兵擇將

以為戎備時賢元元年也公初以散直為延州指使

賊吳宿心苞藏椎鋒甚銳吾邊阻兵茲久士不知戰

武溪集卷一九

他將過之靡不折劒延安最當賊衝公以材武智略

頻與賊較未嘗少沮四年之間大小二十五戰中流

矢者八斬捕首虜萬餘獲馬牛羊橐駝驢鎧甲符印

器仗以數萬計攻賊金湯城及西南馬市至于杏林

原破其鎮砦七遂略宥州之境屠龍咩歲香等部落

燔其積聚數萬廬舍千餘收其族帳二千三百生口

五千七百又城橋子谷築招安豐林新塞大即堡皆

扼賊之要害而奪其氣朝恩懋賞七遷至秦州刺史

涇原路兵馬副都署上奇公功欲召見之無何寇逼

平涼迺命公即趨涇原俾畫形以進京師不呼公名

而呼伙萬蓋比之關張也公在涇原數歲賊不敢犯塞復以夏國主稱臣由是邊柝解嚴矣遂以待衛親軍職名寵公徙真定府路部署累遷至彰化軍節度使知邕州羌人脩貢道出高奴邊事裁處不遑中覆故僉議帥臣常為諸鎮之首公當是任邊戎畏伏乃召為樞密副使會蠻寇內侵領海警擾公以疆場之虞廊廡之憂抗章請行寬上南顧上嘉其誠遂改宣徽南院使荆湖南北路宣撫使提舉廣南經制賊盜事初儂氏之蠻世為酋豪羈附交趾智高驍勇而善用兵因擊弁旁邕州邑而統有之拓地浸廣勝兵寔

金鑑卷十九

三

盛交趾不能制南方亡命者多歸之由是儼正朔置百官潛窺據竊嶠南之計以皇祐四年五月舉兵攻邕州陷之乘鬱江瀑流連陷浚江九郡殺逐其守臣遂攻廣州圍之連月不尅大掠而還仍覆浚四將燔毀二郡俘劫兵民數萬復據邕州城誘略溪峒江湘已南為之騷然朝旨以公大臣既可行其行第令駐於桂象之間訓練師旅而指授方略於羣帥公以二廣安危在此一舉若偏裨失利則兵氣難振自非躬親無以覘令先行後聞朝議躋之五年正月甲辰三將之兵會于賓州公接士大夫以禮御下以嚴臨敵制

變衆莫之測已酉下令人賦十日之糧謀者既去詰旦遂行故賊以師期尚緩不克守險者以此已未至歸仁鋪賊悉其衆據高迎戰前鋒遇之少却左第一將孫節死之公親執旗鼓麾騎兵左右馳出賊後賊遂大敗馳騎追捕斬首二千二百賊之謀主黃師慮儂連忠等腹心瓜牙沒于陣者五十七人智高焚營而遁明日按兵入城獲金銀器用二萬我仗稱是偽符節十一馬牛千餘老壯士女還城者三千餘人再遣閩闈外創重歸死者復得屍三千二百翊日分兵追襲賊之餘黨幾殲焉招復虜口七千三百其邕人也

金鑑卷十九

四

俾奠其居非邕人者振廩續食還其本土所得賊之遺物暨首級之賞估直四千萬均給戰士仍築京觀以誌武功二月丙子班師辛巳詔遷檢校太尉河中尹召還樞府遂曲赦廣南至於江西湖南咸宣布德音焉未幾進拜樞密使領節如故仍賜城南第一區諸子悉增其秩職居機軸勢均台宰外領我馬之政內參宮省之務弼遠順美動協厥中越四年頭去權寵以辭盛滿遂兼相印出臨輔郡暴疾而終享年五十公天賦明智世推權勇臨事董衆識與幾會其行師也所統步騎不以衆寡常取諸葛武侯八陣法以

為模楷宿息坐作悉成部伍故雖倉卒遇敵而師徒無撓其為偏裨時每被髮面銅其從騎兵馳突賊陣羌人識之見則辟易無敢當者嘗中流矢創甚聞寇至裹創而行帥不能止公器度深遠今相國韓公故資政殿大學士范文正公之為西帥也公皆隸其節下咸竒之曰此國器也文正嘗以左氏春秋授公曰孰此可以斷大事將不知古今匹夫之勇不足為也公於是晚節益喜書史既明見時事成敗尤好節義其在涇原也副起居舍人知渭州尹洙與公同經略招討安撫使事洙字師魯有文武才略博通古今公

食錄卷十九 五

與慮事尤為精密師魯嘗稱公古之名將無以過也公於交遊在亡不渝師魯後以貶死公厚卹其孤如至親焉文正既沒其子純禮服除還墓當蒞吳中市征公首為啓陳得署河南賓幕以便墳壟識者稱之其徙真定也過家上冢還謁縣長步趨令庭以脩桑梓之恭然令不敢當議者重其得體遂留里中與故老醞酒相歡揮金而去其征蠻也上親餞于垂拱命醕者數焉當是時充國太夫人侯氏微疾公朝服而入戒家人無得言治兵事第云奉使江表故得不憂其純孝如此公好以眾整又能分功與人而令在必

行故師之所過秋毫無犯其為小校延安也大畧南安遠之功初不自言物議多之其征南也今觀文致學士孫公時經制賊盜與公偕行其軍中之政公實專之至于南夏經久之制多讓孫公裁處談者嘉其謙挹初廣西鈴轄陳曙以步卒八千潰于崑崙關公至推首道者數直表用而下并曙誅三十一人其下服慄遂能一戰而成大功公歷官自三班差使殿侍還左右班殿直侍禁閣問祇候通事舍人西上閣門副使正除秦州刺史遙領惠州團練眉州防禦使保大軍兩使留後真拜彰化護國軍節度使職事自指使遷

食錄卷十九 六

延州西路巡檢鄜延路都監沿邊都巡檢涇原儀渭兵馬都署遂摠禁旅歷捧日天武四廂都指揮使步軍殿前都虞侯步軍馬軍副都指揮使其為兵馬部署以涇原部署知渭州真定部署權定州鄜延路經略安撫使知延州皆著能政一拜宣徽使再踐樞密副使遂摠機政以兼相判陳州臨民統軍未嘗少有差失其征羗平蠻名震夷狄勲在竹帛近代之良將也公娶魏氏封定國夫人五男長諮西上閣門副使次詠東頭供奉官閣門祇候諫諍皆內殿崇班說東頭供奉官不幸以天二女許嫁而未行孫璋左侍禁



壽尚幼同產兄素右班殿直兄子五人詢左侍禁閣  
 門祇候詵左班殿直諱諱皆左侍禁從父兄靖右  
 班殿直其子詳右侍禁嗚呼戎夷旅距之際公悉力  
 捍禦以至平定宜享遐福而稟命不融後世其有興  
 者乎公薨之年歸殯京師明年卜宅西河之太平鄉  
 劉村里又明年二月十九日襄事太常誅行考功議  
 績百僚僉允乃賜謚曰武襄詔給本品鹵簿送至都  
 外啓攢掩壙並輟其日視朝仍詔所經道發卒衛送  
 葬所州縣優假人牛車馬特恩也其孤諱等既已龍  
 石樹碑神道之表以靖嘗從征南復謁銘以誌幽遂

余錄集卷一九

六

銘曰

天生哲人	康濟斯民	不有屯難	何展經綸
眷言平夏	奕世稱臣	一旦陸梁	邊鄙生塵
公之忠勤	威名冠君	近關遠略	歲策其勳
寇入蕭關	即鎮涇原	圖形以進	百辟改觀
入董衛卒	風清禁屯	出惣邊兵	霜凝塞垣
乃建高牙	以肅和門	巡登樞府	式贊治源
蠢茲懷蠻	輕去巢穴	陷邕圖廣	圖據全越
公之善籌	成于廟謀	顛得奮行	馘彼兇酋
帝念其誠	俾公專征	嶺海之區	後公以寧

收復邊城	綏撫遺氓	南夏再平	際公之靈
露布傳呼	歡聲九衢	曲赦嶺表	德音江湖
乃陟天尉	乃尹河中	陞惣機務	言疇厥庸
樞極之柄	兵戎大政	弼諧有託	方隅以靜
致主推誠	辭權戒盈	乃錫相印	以鎮陪京
天胡不仁	奪我勳臣	上心嗟憫	悼往撫存
輔車執引	發卒三川	銘旌改龍	鹵簿宣恩
佳城何在	汾河介山	勳書豈無	冢象若暈
山西出將	天下稱賢	功名不朽	億萬斯年
宋故兩浙提點刑獄尚書度支員外郎林公墓碣			

余錄集卷一九

銘弁序

公諱從周字其先西河人問禮孔子顯名諸侯七  
 世祖自南安徙居潮州宗族盤互為海陽著姓曾大父  
 諱某太父諱某丘園賁素咸以冲曠終焉父燦少以  
 節惠稱於鄉黨復謹義方訓子遂起其家四進秩太  
 子洗馬致仕公即長子景德二年由進士上第敕除  
 泉州南安主簿郡以符召為掾日持手板與刺史廷  
 辯曲直凜然有國士之風主計者聞其材俾莅劍州  
 銀冶半歲入銀銅七十萬第其取以聞天子嘉之擢  
 授大理評事筮權永嘉復以課遷本寺丞知開封考

城縣遭母喪解官柴毀過禮間里指為標準服闕又  
丞殿中勾當諸司糧料院大司徒王公欽若鎮餘杭  
奏辟公為副詔授太常博士通判杭州軍司事司徒故  
相長於智術處事與朝廷約束不能無異同公悉力  
牽挽歸於繩墨而後已司徒公初怒中悔命一府惟  
公之聽入朝又之以屯田員外郎充開封府推官議  
不已同錙銖不移事或聞上帝獨可公奏尋轉度支  
員外郎提點浙江西刑獄公事以天聖三年五月  
癸巳卒官享年五十一公孤進以材稱故自南安二  
考特轉京城官非列也司徒公之出鎮精擇本朝望

武溪集卷九

九

士為佐故內閣段公少連時為觀察判官耳公乃通  
判其府事無巨細一決於公初大司徒與丁晉公謂  
久以勢位相傾俄而棄節於洛得罪其嘗所厚者悉  
坐左遷公在餘杭以杭直不黨聞於朝故得免戾然  
亦格不用晉公敗乃為天府佐司徒再秉國鈞猶以  
前佐郡時持正不能屈終亦疎之在府三年凡易四  
尹太后帝知名而終不遷止以平例外補遂卒豈命  
也哉公性耿介不容人私京邑浩穰歷於權貴請託  
不得循理可否公銳意痛絕私謁所得權貴人翰墨  
都不省視至夕聚而焚之由此勢益矣上初即位富

於春秋莊獻皇太后五日一垂簾御長春殿共斷天  
下事故事大尹上殿職官一員同陟殿陛與大尹東  
西立黼屨前腰笏對展奏牘聽上裁決一日奏事  
退莊獻指公語上曰此林某也近侍咸聞焉公之奏  
事常出文法之外故兩宮多之府民有殺其兄之二  
子以規其財者長被瘡即死其幼走以免事發獄成  
以母年八十法當留待公乃建言使無狀子居母側  
以凌其幼孤必無全理且孤孫雖釋亦能為祖母養  
留之惠姦不可讀奏未畢太后遽頷之曰人情當如  
此即命配海外公之持平固執皆此類也其在南安

武溪集卷九

十

考城之政至今民歌頌之故天章閣待制劉公隨考  
城人也嘗與其言王府屬邑多以材望奏請然自公  
罷去二十餘年者舊言父母官無及林公者聞公亡時  
或至露泣其政感人心如此公屬文不苟為華媚遣  
言指事必根政道再獻賦頌悉以規誠為本上亦再  
以手詔褒之公之第五人其長曰從善先公卒次日  
從式次曰從變次曰從義次曰從道皆良士也上之  
初奠玉於園丘也公以府僚待祠例授一子出身公  
之二子皆白身未仕獨念母弟早亡嗣續未光遂先  
奏其孤以慰藉之言行義者咸共推伏公娶鄉里張

氏封清河縣君公之存以婦順助其內公之沒以母道嚴其家宗族奉之如師保焉生二男三女長子東喬光祿寺丞次子東美舉進士長女嫁大理寺丞許因其次女封德安縣君幼女嫁進士魏庚孫幾人公之卒也弟從慶及其孤扶其柩踰閩嶺以歸而洗馬府君亦以其年四月壬戌卒遂以天聖五年某月舉二喪同域葬于某鄉某里某原妣曰臨穎縣太君鍾氏前葬某鄉某原小曰吉遂不克耐某幸得娶公中女公既定十五年乃克拜于松檟之下於是聚其族姻詢訪遺懿在人之聞者書之于石以為表云爾

念溪集卷元

十一

銘曰

鵠火耀芒 重離協光 下生俊傑 發為端方

俗尚軟熟 視如堅剛 君子居之 不易其常

仁義內脩 我知克舉 爵祿外至 委于所遇

萬乘知名 身猶齟齬 才乎命乎 天不無子

未伸明謨 弗克中壽 善之所報 將在于後

惟石言言 立于松阡 直書不文 庶乎長存

宋故屯田郎中黃府君碑

府君諱仲通韶州曲江人本名正以犯從祖諱遂稱字焉家本寒素刺史潘公見之曰此奇童也命其父

使從學及冠以辭賦知名場屋間天聖初進士擢第累授信州大名府司理叅軍時天章閣待制王公公主河北漕上言引濟水御河流灌懷衛民田辟府君為衛州推官以通水利秩滿故丞相沂國文正王公岐國正獻杜公文章薦之詔改著作佐郎監廣州軍資庫未幾遷秘書丞知南儀州以病乞換江南監當徙監宣州商稅按察使以歙州興賦訟繁願請擇材士共贊幕畫就除太常博士簽書歙州判官公事尋賜緋通判建州知惠州累遷至屯田郎中懷蠻之寇廣州惠最為近府君增堞濬隍民用以安監

念溪集卷元

十二

司以勞間及罷惠州也年六十八矣迺歎曰鍾鳴漏盡而不知止者滔滔皆是也吾可以去鄉里而貪進乎遂不復朝朝廷授一子官而致其政以寵之休官凡六年以嘉祐四年六月丁亥考終命于曲江里舍享年七十四府君少勤學家貧無書手寫細字五經注疏及文賦數萬篇暨登第後性復恬素不急進取每歎祿不逮親所得之俸常均給兄弟及諸親之貧者鄉閭無不服其悌朋友未嘗與之忤當官以幹稱治獄以恕聞其所薦舉皆當世名公鉅人而所享名位不盡其材壽終之日家無餘資第以清苦自

立真全德者也曾祖諱烜祖諱嬰贈職方員外郎妣  
攬氏累封真陽曲江南陽縣太君凡再娶初曰劉氏  
封中山縣君太常少卿賽之妹也次曰楊氏封福昌  
縣君三男子長曰亢早夭次曰佺期太廟齋郎次曰  
安期試祕書省校書郎其年七月姪新湖陽主簿寶  
臣大中舍新知潮陽縣事汾與諸孤奉其柩葬於  
豐樂鄉之鄧林山靖在諸甥之列幼授師訓居同里  
舉進士同榜宦遊險易未嘗不相親也及府君之傳  
政而歸也靖適經制變事不克還鄉以奉朝夕之驩  
暨茲去世又不獲歸奠葬不及執紼其痛豈有涯哉

金溪集卷九

三

迺附銘以紓恨焉

韶州相水	南國之紀	生是俊明	具茲粹美
學必根道	祿不私已	幹聞朝廷	悌稱鄉里
籍未引年	志先知止	沒無餘積	清白而已
始終一節	古之君子	佳城何在	薊林之趾
九原何從	文獻斯邇	身雖可殞	名不泯矣
我懷舅氏	生同榮悴	今也云亡	莫親含祿
握筆誄德	臨紙搗淚	終天永訣	此情何寄
故尚書虞部郎中致仕李公墓碑			
公諱虛舟字公濟贈吏部尚書諱寅之季子工部侍			

即諱虛已之介弟李氏之貴於天下舊矣七世祖諱  
昌始居光山同郡王氏之王閩越其孫諱盈以族從  
焉遷徙名數於建安曾王父諱瑄王父諱詢贈大理  
評事先君尚書筮仕江左為諸司使時太夫人在堂  
以道梗不克迎奉安輿乃留中饋與公同侍晨夕及  
秣陵歸命例授殿前承旨既辭冗秩不受且以嘗為  
王國官不許南度其後數年登進士第授衢州理官  
乃克迎侍公時已能力學有稱矣咸平中舉進士不  
第繼丁艱灰柴毀過禮廬于墳側自力封樹旦暮泣  
血六年除喪尋以兄任補郊社齋郎調授福州閩清

金溪集卷九

四

洪州靖安尉咸著治聲遷饒州餘干令坐不覺獄中  
殺人免官會元昆二卿分司還第公素篤友愛喜於  
閑適且厭夫惡直醜正世路風波故終日怡怡無復仕  
進之意元昆既沒朝廷以恩授校書郎知江州瑞昌  
縣事讓不受署友朋敦勸其守益堅杜門家居擯去人  
事故相國臨淄元獻晏公天聖末為三司使脩姪壻  
之恭守書叙意勸公一至京師重違其言乃具私車  
而往于時上宰許國文靖呂公叅祿文惠陳公簡肅  
薛公文康王公咸欲畀之大邑固辭不就元獻知公  
之節不可屈也亟言於上得太子洗馬致仕既而元

獻入謝上與章獻太后問公之年曰六十二矣疾乎  
曰無疾上曰若然真可尚也名公大臣嘉其高蹈悉  
賦詩以寵其歸明道元年遷殿中丞俄以子寬定登  
朝援郊祠舊制復增其秩尋改國子博士賜五品服  
三轉虞部北都駕部員外郎恭謝大禮進虞部郎中  
公之祖妣臨穎太君陳氏母夫人廣平郡太君游氏  
之留鄉里也公在弱年奉侍孝謹出於天性家貧無  
書而假本於人必手自鈔錄夜則諷誦長為詞章頗  
出流輩三衢趙湘有詩名於天下與先公友善且愛  
公謹厚以其子妻之後封長壽縣君其令餘干也強

金鑑卷九

十五

宗有為姦利至中人以死者郡縣莫之能禦公至則  
明示教約無敢復犯一境為之肅然其待兄伯之疾  
也躬臨藥膳與子姪均其勞迎孀婦而事之奉以甘  
膳與婦孫同其恭其傳政而歸也謝絕公府未嘗一  
言干人賓朋至者觴豆相歡嘯歌有節其或泛平湖  
游別墅輕舸小駟初無導從視之豁如也自先正尚  
書以殿中丞納政歸養築室豫章東湖之陽不出郭  
郭而有林泉之趣及令兄以小司空分務閑居公以  
即官歸休舊廬再世三賢相繼解組皆年未縣車而  
勇於中退鄉邦人士伏其世德三聖宸翰羣公贈言

金石之刻龜螭相照恬晦之美當代歸之子舍以朝  
列守藩倅郡雖越在鄰邦犬牙交壤一欲迎至官下  
公皆不許由是間還代出以奉溫清寬初自虔州得  
請為江浙等路提點鑄錢坑冶以厠舍在番陽晨昏  
非便乞居南昌就署局事朝廷許之無何遷荆湖北  
路提點刑獄三上章辭不允公乃敦迫使行曰定在此  
矣無以吾故屢違命既行至部復懇辭天子嘉其誠  
故不易其職而徙之江西焉定之吏資當典城矣再  
為佐官于洪以便奉養不離左右者一十二年寬既  
乘驛至自湖北公曰吾君之恩厚矣何以圖報遂泣

金鑑卷九

一六

下婦孫至公言如初浹辰公疾病子婦蒼黃環侍而  
泣公止之曰吾年過父兄而汝曹各能樹立瞑目無  
恨矣復謂醫工曰吾病革矣無諱二子俾集吾事朔  
日而捐館時嘉祐四年秋七月二十二日也享年八  
十九夫人長壽縣君趙氏孝恭以事長慈惠以逮下  
勤儉以治內和柔以接外六親稱道用為規模先公  
八年即世子男三人寬司勳員外郎定庫部員外郎  
寔祕書省正字伯氏以吏幹發聞仲氏以詞學知名  
季則早夭女二人長適進士劉好禮以適烏程縣主  
簿張次道孫二十五人曾孫十五人咸潔身承學無

墜訓言自夫人之喪也公豫為壽器又甃雙壙而虛其左以自待也達生者歎以明正月即葬其地曰新建縣桃花鄉新里村之雷岡前墓之期司勳君伯仲走僕荷書且奉遺意不遠數千里見託銘勒某分義素著於公父子之間故知公履行尤熟公之純孝著於種節雖父兄在遠而力養祖母勤劬自立及其宿官則清白無渝益之剛正自餘干非罪免歸即高謝世務宰弼諸公力共敦勉所守不回以遂初志崇尚節義門無雜賓待人以誠動有儀矩雖宴笑終日不見惰容令子童孫誦誥侍側朝夕訓誨莫匪禮法端

金溪集卷之九 十七

居靜默三十三年國家崇貴立園頽繁爵命而家庭譽處陶然物外年逾八十視聽益明親舊書疏皆手自裁答字體謹潔可愛少者殆不能及有疾一日而終同於寤寐古之稱隱君子者無以尚之可銘也哉銘曰

李氏三賢 弈世清德 矯矯八座 儒林之特  
辭榮歸養 冥鴻奮翼 瞻瞻二鄉 憲臺司直  
厭劇就閑 伐柯攸則 惟公之生 耽耽遠識  
承家孝愛 當官強力 何彼蒼蠅 變我白黑  
冠之一免 無復彈拭 兄弟怡怡 何喪何得

黑綬再紆 機心已息 友朋勉勸 宰司勤劬  
一志不回 橫東晦匿 乃秩春宮 于歸江國  
高謝世紛 不為外惑 北窓笑傲 衡門靜默  
朝鞅屢加 角巾靡易 子舍班朝 朱金滿側  
更省送侍 仕途景式 進退忘懷 死生非戚  
豫為壽藏 虛左自適 古稱達人 今見其迹  
清風遺後 子孫千億

故虞部郎中李公墓誌銘

金溪集卷之九 十八

嘉祐四年秋七月甲寅尚書虞部郎中致仕李公終於洪州私第既卒哭二孤以書奉其遺命并門人錄其善狀且告塋期請誌諸方石使還復之以辭公公諱虛舟字公濟五世祖諱盈從王氏入閩始占籍建安曾門諱瑄太父諱詢贈大理評事大母陳氏追封臨穎縣太君考諱寅殿中丞致仕贈吏部尚書母曰廣平郡太君游氏初先公尚書仕江南壤斷不克迎板輿故廣平君及公並留侍江南平先公辭冗官且以故國臣留居京師後由進士及第調衢州司理參軍乃克歸先公之未歸也公自能力養

咸平中進士舉不第以兄任補郊社齋郎調福州閩清洪州靖安尉寇攘以息遷饒州餘干令公事去官

時凡虛已以工部侍郎分司家居公以天倫友愛不忍離去遂絕仕進意兄終朝命起為校書郎知江州瑞昌縣辭不受天聖末三司使晏公殊公之兄子婿也迎公至輦下宰執諸公欲強之仕不可晏公為言於朝乃授太子洗馬致仕年六十二矣兩宮嘉歎中外聞之六增秩至虞部郎中賜緋衣銀魚自先公尚書致政還養卜居豫章令元貳卿及公悉以恬退歸居其歸則元宰碩儒縉紳文學之士著於序詠碑刻存焉其居則面湖築室涵虛構閣無城市之囂有林泉之趣公高謝人間絕迹公府資給先疇不營什二

武溪集卷九

二

之利潔約自守未嘗以私干人賓朋過從弦歌取適而已不為過分之樂不雜汎然之交家居三十三年二子垂朝紳佩郡印趨庭侍側者十五餘年竟為司勳員外郎提點江浙錢坑冶即家署事二年遷荆湖北路提點刑獄以遠遠庭闈五表固辭換江西如其職定為庫部員外郎掌知南康軍矣再乞簽署鎮南節度判官通判洪州九十餘年不去左右孝愛高潔奕世可稱其難繼矣夫人長壽縣君趙氏廬江尉湘之女先公八年而亡自夫人之亡公即其家旁為窆以自待也公終之年八十九矣以其年十二月甲

申合葬其藏即新建縣桃花鄉新里村之雷崗也三子其幼曰寔秘書省正字早夭二女長適進士劉好禮次適烏程主簿張次道孫二十五人或為邑長郡掾矣曾孫十五人諸孫皆好學保家者銘曰

公之先 世隴西 入于閩 家建溪  
尚書公 仕金陵 公留侍 孝蒸蒸  
令餘干 民治安 非罪去 不再冠  
秩春宮 歸于洪 繼先德 避牆東  
無苟圖 無妄干 朱紫侍 節義完  
今已矣 葬新里 李氏也 視章水

武溪集卷九

二

宋贈大理寺丞朱君墓誌銘并序

君諱信其先和人戰國時并於楚漢初以任俠聞李布歸之以解主仇名熏灼於天下孝武徙山東甲族實諸陵遂移名數長安雲自平陵以峭直顯名傳居杜陵以材敏稱職為漢名臣焉世祖南陽浮與祐俱自南陽為佐命晉宋之際齡石以權勇輔義集勳疆場世有英特發聞京輦唐室之季遂家大梁今占籍開封府陽武縣戶牖鄉曾祖諱洪五代倣撓仕塗榛梗與道沉浮不輒驕餌祖諱敬安鄭州別駕生一男一女女適陝府右司馬贈少府少監隴西李咸秩封河

南縣君男諱昭澤應毛詩學究舉不第早亡即君之  
文考也自曾門以來以氣義自守君以奇節終之河  
南君之子李公穆以諫議大夫參知政事於君為外  
兄弟終不於此時屈節一圖進取嘗署計臺右職以  
勞當遷供奉禁庭矣子友直明經及第君即自辭去  
從容子舍其淡泊榮味如此然疎財好義重許可廣  
交募其游皆英俊有名之士也友直歷官至虞部員  
外郎要津提擢繫君之舊其知人之明又如此卒以  
子登朝再贈大理寺丞女二人長適孔氏次適東梁  
院副使趙承諱孫男二人長曰濟中書堂後官檢校

武彙卷九

王

尚書水部員外郎次曰從政早亡孫女三人長適左

班殿直路昭吉其次亦早亡濟字伯仁少孤而儻

多識當世典故復廣交契克紹祖烈卜葬得慶曆二

年大歲壬午閏九月二十七日丁酉凡八柩同遷于

開封府祥符縣開府鄉東韓村之大塋君與夫人吳  
氏同空朝廷以恩賻錢五萬將葬即以虞部府君之  
狀託天章閣侍講王洙撰次其美復以君之狀伴來  
索辭濟之遊皆在朝聞人籍籍居顯仕矣襄事孝誠  
之極而以文見屬故不克讓乃為銘曰

倚與君子

韜光抱器

進退以道

交遊以義

不苟勢榮 不屑祿累 起家有承 拂衣無愧  
時人陷道 身蒙其利 明哲樹善 世福其嗣  
烏經卜吉 牛眠善地 銘以掩幽 為子孫識  
宋故馮翊縣太君王夫人墓誌銘  
夫人姓王氏金陵人也父諱某仕李主為如京使王  
師渡江既黜唐命革用其後授右班殿直夫人徽柔  
懿淑克謹女訓自非摠即幹毋盡棖闈之內壹以付  
之其慈明孝愛出於資性閨門整飭動協儀矩族姻  
罔不尚其節焉嘗因季春墓祭出見親之貧者即解  
衣衣之母曰衣豈妄得何遽與人對曰紛華非性所  
適且憐其嬰其杼軸可完宗親不可携也母繇此益  
奇之凡四時蒸嘗夫人必手鑪壹室牢饌醞醴頌腥  
脯醢潔器異齊以備其物常曰祀享人之大事故須  
嚴潔以表至誠幼懷異節率皆此類年十九歸于戶  
部郎中許氏事其姑如其母而加謹焉怡聲下色調  
膳扇枕雖隆冬揮暑必躬親之未嘗一委媵妾之手  
室中舉案侃侃如也姑亡不食三日冒經被縗動必  
以禮其族婦有賢而孝者族人齒之必曰何如王氏  
其愛慕也如此其與兄伯同居事其妙如姑之存歲  
入地征月入官奉悉歸兄伯之室簪髮不以自名嬰

武彙卷九

三



孩之費一請於其妣曰世母在吾何敢專其謙讓之性然也戶部府君遠宦十年夫人足不踰閩夫伯俱亡撫養諸孤均若已出聚居且百口恩意怡怡一亡間言訓誨子姪目見成立夫人再封邑臨沂以夫封馮翊以子封享壽八十以寶元元年歲次戊寅十一月某日終於海陵松第子五人借舉進士長曰恂通州司戶參軍次曰恢大理寺丞知常州晉陵縣次曰怡秦州司理參軍次曰元殿中丞次曰平累舉未第女二人長適虞部郎中知撫州田慶遠次適職方員外郎知永州張楚孫幾人亦各材俊卜葬得某年月日

家範卷十九

三

與戶部府君合祔禮也某元之執故為銘曰

倚歟哲婦 生此南國 始勵柔淑 以植女德

秉勤孝懿 以光壺則 終篤慈愛 以宣賢式

族人以和 母訓以飭 諸子咸仕 出於風力

佳城鬱鬱 義聲上極

宋故殿中丞黃公墓表

公諱珙字希珍其先楚人春申之後世居江夏或係為公輔或時號奇童前史詳之此不復叙占名數於衡陽有年矣曾聞諱璠大門諱承祿潛德不顯高蹈林泉考諱律樂道奉佛中年戒殺遂絕葷血鄉曲稱為

居士公以清素自勵兼通內外典而留意篇詠嘗云聖世右文興治旁羅寒俊家有令子第不可不訓之以學而起其家當是時子姪四人悉趨黨塾義方之教翦琢有成公喜而為詩曰門蘭自有子孫榮章獻太后上僊之明年二子同年進士擢第越再榜猶子師尹繼捷詞科既而二子陞朝以禋祀恩及讓官回授五被命至殿中丞朱衣銀魚湖外嚮儒盛矣德門賢範遂為稱首公嘗謂儒術以飾躬佛法以理性故其崇奉西教逾於先君誦金剛般若經四萬卷雖資質方直而好行陰德每以善行誨人嘗自吟曰但將

家範卷十九

三

貧作富祗以道為懷有欲休持戒無欺便是齋君子謂之知言公以嘉祐七年二月辛丑考終命於衡之私館享年七十五疾病彌年精爽不亂其奉行衆善無忘正念者歟太夫人許氏其壽九十夫人許氏累封長壽縣君內助於公下訓諸子主蘋蘩之祀著閨關之則長子師道屯田郎中通判廣州仲子師說舉進士不第先公二年卒季子師旦屯田員外郎桂陽監使並承公積善以取科級謹於率履咸以清白材幹聞太司由君復深於佛性棲心事外有高世之風焉緣公及夫人年高借不樂遠去庭闈朝議歸而從

之女適同郡郴州司法李日宣孫五人長鎮次鈞太  
廟齋即廣城啓期綺女孫九人重孫四人重女孫三  
人以其年十一月庚申葬公于東郊里暨之東五里  
虎龍山先塋之中方葬有日矣嗣子走其中親進士  
羅友諒持其郡倅都官莫君及所撰行狀俾來乞銘  
表于墓阡頃歲某經制廣西大司田君時為桂倅婉  
謀正論日蒙開益公及夫人皆板輿迎侍至郡升堂  
獲見折且相歡一日之素於茲久矣及今經略廣東  
君復倅南海蓋以便於定省故十年之間連倅二郡  
不自以為滯非孝誠發中孰能如此秩滿既歸罹此

金溪集卷十九 二十五

荼毒湖湘之間豈無文士特緣雅故見託斯文然雖  
藻思荒落其敢辭哉銘曰

為善致祥 乃天之常 其身用光 其家用昌  
忠恕之賢 後裔絲絲 立石松阡 以永其傳

宋故大理寺丞知梅州王君墓碣銘

王氏之盛於天下舊矣以望別族者秦之郡五漢之  
郡一十六公之望實出太原自司馬氏南渡而諸王  
世為輔弼梁承寧郡公侍中尚書令僧辯生顓顓生珪  
唐正觀中宰相以亮直稱為名臣珪子敬直尚南平  
公主拜駙馬都尉坐事貶死嶺南子孫留者因為曲

江著姓雖世襲簪紳不絕而祿卑不得譜於國史曾大  
父諱其大父諱當劉氏自即尊號族人仕者皆得美  
官獨父子幅巾高蹈不歎其餌考諱臨字嘉謀皇朝  
以鄉邑器望署潮州司理參軍卒官公諱式字用之  
十四而孤耿介自立以學行見稱舉進士得秘書省  
校書郎歷廣州虔州南安軍司理參軍入朝除大理  
寺丞知吉州永新縣以能聞明年移知梅州景祐五  
年七月卒於治所享年六十五公沉厚方直敦尚名  
教自幼孤至白首貫以一節舊制嶺表按察官歲調  
郡縣椽佐闕員取進士再舉明經三舉下入大常第

金溪集卷十九 十六

者試攝其事三載不瘵厥職乃送吏部為品官邦人  
自為南選常才趨之唯恐不及公嘗喟然曰曲江自  
文獻公後仕大夫鮮復以科第取顯爵於朝豈南方  
以此選誘人為卑耶吾為州黨項領期於展力從官  
詎宜碌碌陵其間由是自弱冠捧鄉老書遊場屋三  
十年終不屈意暨上第時母夫人猶在堂升堂拜嘉  
閨里始歸其高焉今天子初踐祚在諒闇不待祥禪  
即臨軒急於採擷天下俊異而曲江聯翩六人中第  
皆公之力六人即公及子陶餘若靖輩悉嘗趨函丈  
焉郡守嘉尚縷陳其事乞改公所居之鄉曰興文里

曰折桂詔可其奏邦邑榮之三為決曹掾以清慎自守發摘姦伏湔洗良善期於詳允獄無隱情雖苛吏把其上狡胥穴其下不敢簪毫奪其理卒以雪枉改官其宰永新也俗固好訟而當官者復侵渙之公皆痛刮其弊民戴之如父母焉公始掾南海漕內難解官在始襄之年而致毀過制遂以氣恙到梅之三月疾作不及成政而捐館舍公志尚高潔義不苟合訓子弟有常檢接僚友無戲言聞人之善談不虛口其不善者疾如仇讎真所謂古之君子也夫人余氏鄉邦令望明淑賢懿上奉其姑下撫其族於公內助為

武溪集卷一九

廿七

多二子長曰陶信州軍事推官次曰防亦舉進士孫男六人孫女五人皆幼公之初喪也引柩西還藁葬其郊居之側至某年某月某日以禮襄事于興文鄉折桂里厚富原以靖幸而交其父子間兼師友之重使來索銘以表其墓乃銘曰

韶山之秀 發為俊茂 清識懿文 南州領袖  
人趨祿仕 不羞苟得 公獨夷由 決於翰墨  
五試文昌 晚成之光 三掾決曹 罔私毫芒  
明照隱詆 民不冤死 入奏天子 乃丞大理  
試政蒲蘆 五柳雙鳧 鋤強息弱 百里以蘇

暮年成績 部符嶺阨 車茵未温 卧簣已易  
旌旆西還 霜凄露溥 福不盈皆 俄歸九原  
惟公之德 倜儻殊特 身雖云亡 留為軌則  
詞學起家 義方教子 有詔旌之 文鄉桂里  
胡為石彥 累世弗顯 才不誰知 卒於遐遠  
勢薄地寒 不貴不年 廷尉高門 在于後昆

宋故殿直蘇府君墓誌銘

武溪集卷二九

廿八

長蜀亡孟氏之臣例署東宮官得副率府君以父任累遷殿直太平興國中授深州安平寨主是時虜歲擾邊安平雖名堡障宿兵不滿數百援師不集則禍至常不測或勸府君辭勿行府君曰平時既食其祿急辭其難非人臣節吾不取於死而恥以此生遂寓家他所而獨之安平明年虜以兵夜襲寨城果以無援遂至陷沒享年七十五帥臣諱援兵稽期誣以不備敵聞繇是雖死王事而贈典不及吁忠義其難行哉子咸熙南京留守判官孫二人長曰安世尚書屯田員外郎次曰昌世太廟齋即以嘉祐二年十月

庚午並舉王父母考妣四喪歸葬于揚州江都縣興寧鄉馬坊原府君與夫人許氏同藏俾作銘于幽宮銘曰

常人宴安 唯祿與利 君子所徇 曰忠與義

既食其食 夷險一致 履危忘難 雖死不避

守帥象上 唯善之蔽 贈典不加 忠魂無愧

福不在身 在乎來裔 吁嗟九原 古人之繼

宋故南京留守判官贈都官郎中蘇公墓誌銘

公諱咸熙字太和其先胙土於蘇為周鄉士故代為

武功人曾門諱厚以唐末奉華西幸避兵至蜀仕蜀

至尚食使因為成都人祖諱進之從孟昶歸朝授東

宮副率考諱繼敏直深州安平寨主契丹犯寨陷焉

公以太平興國八年明經擢第授邠州定平尉會朔

易帥恥於援兵不出痛詆安平失守公緣坐謫澧州

未幾義士疏其狀天子憫焉詔釋之調絳州司法叅

軍太宗嘗綬銀界夏國從隰川尉秩滿遷建州松溪

令改宣州南陵母喪去官服除授忻州秀容令州將

轉運使以治狀聞遷寧州軍事判官歷單州團練均

斬防禦荆南節度南京留守判官景祐二年七月辛

卯以疾終南京享壽七十五公性淳氣直廉謹自守

所歷十二官未嘗一掛於法口不言人非其有過者

款言諭之人亦信伏常語子孫曰吾少孤無資徒力

學祈寸祿以養母母終養矣又得衣食爾子孫吾自

足矣豈能以諂言諛色干權貴以求進乎且貧無苞

苴恥學術數何以取合於人吾老於從事不自愧也

人雖不知曾不一露鋒穎真吏隱君子哉德之積而

福不享於身者將鍾其後乎夫人汝氏封潁川縣太

君子二安世舉進士屯田員外郎廣西轉運使昌世

太廟齋即女三人長適黃州麻城尉費中黃次適建

州進士吳淵次適合州進士表務孫五人台文舉進

士永州推官詳文太廟齋即懿文炳文彥文未仕公

初自秀容今赴選奏舉引見例進京秩一夕子婿吳

淵慶人呼公為判官及見果得賓幙其從事六州皆

為判官公志本恬素及事符夢寐益加退讓焉疾亟

之際自言吾夢於城北自擇陰地幽其所安無累後

代又言生平守官未嘗過誤惟邠州一獄有差適夢

之帝所辨之得請矣文字在吾懷中親戚恠其謔言

就索文字公曰七月十日来看着至日果不祿焉及今

卜葬之原果在城北以嘉祐二年十月庚午與夫人

武溪集卷之九 三十一

汝氏合葬於揚州之江都縣興寧鄉馬坊里屯田君  
以靖同年進士又同官于洪于桂故託銘遺懿以掩  
幽戶銘曰

學行由已 窮通在命 人貪苟得 公惟守正

內脩廉謹 外絕奔競 識高位下 非德之病

嗣職熾昌 有家克盛 九原可作 百代輝映

武溪集卷第十九

武溪集卷十九

三

武溪集卷第二十

工部尚書充集賢院學士贈尚書左僕射累贈少師謚襄公余靖

墓誌下

陳殿丞墓碣

卜禮賓墓銘

張度文墓表

蕭府君墓誌銘

馬處士墓表

孫寺丞墓表

武溪集卷二十

梁寺丞墓表

毛國博墓銘

毛秀才墓銘

毛節推墓銘

魏推官墓銘

宋故殿中丞知梅州陳公墓碣

公諱坦然字其先穎川人高祖父效官容管屬唐季之亂領道梗塞不克北還遂為普寧郡人曾祖諱某祖諱某考諱某並仕劉氏為私署官考終於知繡州營田事皇朝贈大理評事妣陶氏贈永昌縣太君

公即繡州第三子博學善屬詞有膽勇多權謀尚然

諾舉進士未第歸鄉里景德中宜州兵殺守帥脅判

官盧成均以叛偽稱南平王擁衆數千人北攻象州

成均者公同郡人也公乃單騎行賊圍為書約矢射

成均帳下為陳禍福其畧曰國有患難乃見忠良貪

人之利而背其君非忠也怯人之威而失其志非勇

也君甲科進士當以才識濟理今佐一郡不能撫其

衆以至於亂又不能死乃更甘心偽號提烏合之徒

剽劫郡縣朝廷封疆萬里帶甲百萬遣偏師取狂寇

如舉太山壓卵耳柰何赤族從叛人入湯鑊中耶初

武溪集卷三十一

象城踈弱無守備將陷者數矣成均得書欲自拔歸

順計未決而王師至城乃全賊又別遣一屯分掠南

路徑趣容境所至摧陷公入語容守陳巡賞曰賊勢

剽悍難以力競且脅從之人本無戰心願假衙兵數

輩見從抵賊營論以逆順當使解甲而歸我矣公去

賊壘數十步下馬直前為言本朝正朔被四海汝徒

無故謀聚今有詔止誅首惡苟能束身改圖自當榮

以爵賞何苦草間覓活是時賊中偽補屯衛之職陳

賈二率松相語曰此飛檄生也於是率首領以甲卒

數百詣郡降賊失腹心皆不戰而自潰矣賊平論功

大將以狀聞中旨令本郡敦遣赴闕與官仍賜錦袍  
 銀帶公悉讓而不受願回前恩以就殿廷一試朝命  
 嘉之詔貢部別名聞素中途被病且遭家艱以歸服  
 闕急於祿養攝主化州吳川簿秩滿調授杭州餘杭  
 簿擢漳浦令再以更能佐桂州幕初為節度判官以  
 毋喪解官後以觀察支使知春州入朝遷著作佐郎  
 知潭州攸縣移知梅州累轉太子詹善大夫殿中丞  
 卒官其佐餘杭也市有丐者杜氏夫婦皆八十餘杜  
 氏名暹嘗為忠懿王幕府官老無子孫遂乞於市公  
 聞之惻然為輟俸錢構草室數楹以居之語同僚暨

武彙卷三

三

右族合幣二十萬與其足日廩市什器營壽藏識者  
 義之其令漳浦也有海口石門居風衝道歲壞舟楫  
 甚衆公乃相地徙港以避濤怒商旅至今賴焉邑西  
 有陳將軍祠者郡圖云儀鳳中勲府中郎將陳元光  
 也年少強寬和入立廟享祠甚謹日奉牲幣無算歲  
 大旱徧走群望弗雨公乃齋潔詣祠下禱云政不修  
 者令之有禱無驗者神之羞國家崇祀典所以祈民  
 福也祀苟不應何用神為即鑰扉與神約曰七日不  
 雨此門不復開叢祠為燼矣行未百步羶風拔巨樹  
 仆于道俗素信鬼及是吏民股戰神之怒公徐曰民

方整何怒之為乃緩轡截樹而去果大雨田收皆倍  
 邑人刻詞以紀其異其在桂林也役徒不足借禁卒  
 五百伐材以修守具郡帥會賓客飲于堂外有告變  
 者曰役卒二百挾刃群譟入屯營為逆在座相顧失  
 色郡帥曰當閉城以虎翼五百擒之公即屏人語帥  
 曰今以亂擒之彼知就擒則死必力鬪適所以堅其  
 叛意耳及其舉尚淺若誘而致之可無患乃從白直  
 數人直趨其屯責其主校苛刻乃復人人恩慰問其  
 勞苦叛卒環泣曰苦則思亂人之常情若從公命得  
 免於役以全視息為再造矣皆釋仗隨公而歸帥亦

武彙卷二

四

原之其罷陽春也有張氏女者父為供奉官夫吏輦  
 下犯賄流嶺南夫死家屬當還都邵陽郵卒以刃脅  
 為婦留且半歲公經途聞之執卒送官抵罪公解聽  
 暨萬錢貽之官遣部送還其父子皆章章在入視聽  
 者也公歷七官幹局外職司符牒劾事凡九十餘獄  
 民無一辭為怨其周才也如此公之宰攸縣也政無  
 不革乃經度署表而鼎新之落成之日而詔書至徙  
 梅州心常戀戀焉捐館之夕彼之宿吏數十見公朱衣  
 垂魚據筆導從瞻瞻入門井廳如平生廳簾障地如  
 割衣驚異之後半月而凶問至邑人塑其像立祠于

邑西云公以明道元年四月甲辰終於海州官舍其  
年某月某日歸葬于某夫人楊氏祔焉楊氏先公早  
世子六人曰直方有方知方居方義方應方居方舉  
進士有方補郊社齋即為曲江簿亦能官義方應方  
尚幼女二人長適某康定元年曲江君因方跌圓首  
之令泣以遺狀來請銘嗟其名不書於史氏遂銘曰  
古之為吏 不專祿仕 器能軼群 名不墜矣  
後之為吏 去才取位 官品不登 善斯委矣  
吁嗟陳公 識優命否 勒銘幽石 以頌遺美  
宋故禮賓副使知邵州下府君墓誌銘

食溪集卷二

五

公諱日華字某曹州冤句人昔武王既克商崇樹親  
親藩屏周室母弟振鐸建邦于曹詩存國風諳在史  
簡別子之為大夫者因食米之邑命為卞氏仲尼稱  
卞莊子之勇蓋曹大夫魏晉已降粹壺世繼清德兄  
第六龍並登宰府卿邦墳龍臺今存焉蘇峻之難壺  
為航東都督王師不利父子俱殞義士嘉歎國書襲  
美以為忠孝之道萃於一門英風凜然千古所仰曾  
祖諱某舉進士不第終於家祖諱某用卜河南之術  
以豐其才羊畜蹄叫滿野而不尚豪汰淡於菜味卒  
以素風自樂考諱某專經成名以廉謹稱丞相太師

呂公蒙正丞相太尉王公旦咸加慰薦歷潭州決曹  
掾卒官累贈北部員外郎公幼孤個儻有奇節初脩  
進士業衆推強記以善詩著名既而曰吾母戴白而  
恃吾養豈宜博習以自私於名當就速成之術冀得  
祿以為親榮耳乃夙宵砥礪專誦春秋經傳數十萬  
言果以明年一舉登第解褐除陝州平陸主簿惟陝  
郊雖名近輔而介在峭澗之間被山帶河盜賊據為  
囊橐負甲持矛以剽掠為業者歲常有之公到官權  
摠尉事境上強寇朝廷以名捕者十三輩於是訓練  
爪牙多設籌略悉擒之亡噍類府以狀聞太宗覽奏

食溪集卷二

六

大憚時廣西溪洞反則始安方擇守以綏之即日隆  
旨急召赴闕廷見之日德音獎勸權授大理評事知  
賓州軍州事即淳化四年也俄而交趾犯境專詔陳  
公堯叟調度兵食安撫兩鄙奏公治績尤著有詔特  
記姓名別聽任使君無何承熙升遐真皇登極例進  
秩光祿丞權開封府掾尋遷三門發運判官將漕最  
進丞大理仍領漕事咸平三年以北虜未賓詔文臣  
有方略者許兩府薦名或投牒自舉公自計理效恐  
見推擇若王命臨門則不得以親為先事陳之遂表  
乞解官侍養朝旨未允太夫人果即世居喪不勝衣



景德二年服闋參政尚書趙公昌言接前詔舉公右職上使人問曰朕下詔急人時不自進若後之矣公對曰昔之不敢臨梓鼓以親存也今母亡能葬得以捐軀報國臣無所讓上嘉之遂除內殿崇班知博州恩賜加等三年河東用兵移忻州宿弊未剷力欲繩政逐為姦人中傷左授考城兵馬都監明年徙太康天子東封之年改內殿承制當是時太尉馬公知節知樞密院事屢稱其材上亦記之遂授禮賓副使知邵州以大中祥符五年十二月壬辰終於官舍享年五十二州民為之罷市而行哭公性端方守名節敦信重

金鑑集卷二

七

義孝愛尤篤自筮仕至于投筆率以親為進退家之積粟周贍族姻而俸祿盡於賓客捐館之日室無羨資兩朝遇知己之主不克壽而展其才可嗟也已公之兄楚材今為春官舍人弟日就舉進士景祐初釋褐未官而卒季弟日新亦舉進士公娶某氏封某縣君生一男一女男世長右侍禁恪勤以涖官飭理以檢身咸有所稱以守先訓孫二人尚幼初公之喪也侍禁君羈貫既扶服以柩歸兩厝于郡郭今乃卜以其年某月襄事于大塋禮也嗚呼卜其兆宅而安其體魄又能論譏懿美以為子孫識皆孝之大者葬而有銘

古也乃銘曰

曹大侯邦 卜乃公族 賦邑命氏 并家其福  
他姓真居 數世則遷 卜守本國 其紹綿綿  
公之翼翼 生子積德 傑然起家 實惟茂識  
一尉之卑 遽為帝知 抱器遭時 當代所稀  
親存守常 以養其志 親亡激節 有死不避  
進退之儀 必本於義 行道固難 卒多留滯  
稟命不融 半途而隕 清名有餘 高才未盡  
九原蒼蒼 體魄所藏 子孫不忘 以嗣其光  
宋故贈度支員外郎張府君墓表

金鑑集卷三

八

大宋嘉祐四年冬十月蘭臺丞張君奉其先正度支及母兄之柩歸葬於青州既襄事泣而言曰唐民不幸父兄早世久在旅殯常以為無涯之憂今幸而安厝宅兆以釋重負又幸蒙相國韓公翰林歐陽吳二公紫微范公見貺誌銘御史邢君筆於方石納諸幽室相國觀文梁公復揭題詞鎮表兄墓今先君之封欲表樹銘勒與兄無窮敢丐詞焉謹按府君少而崇文晚迺得第事親以孝行著立朝以忠實稱其居官政必興民利家庭儉約兄弟友愛自嘆衰晚所志不就力教三子期大其門元子唐卿舉進士果為天下

第一仲曰唐輔亦同時得第雖相繼凋落不副國家  
旌用之意然士人翕然稱其賢於教子也其季則祕  
丞君復以召試成名致位於朝及居母喪竭力以圖  
窀穸之事環走數千里負載數椀歸葬舊鄉又能以誠  
感當世賢相名卿之文以誌其墓張氏真有子哉噫  
世之所重惟在仕祿賢人君子則不然視才德何如  
爾仕祿外也故不可必彭殤不足較其脩短顏稷不  
足較其窮達死而不朽者為名而已世之言教子者  
府君為無愧矣府君諱思字希聖進士及第官至太常  
博士以子贈度支員外郎曾祖諱庭實潛德不耀祖

金溪集卷三

九

諱昂贈職方郎中諱從化駕部郎中贈祕書少監  
母朱氏贈河南縣太君其世閥官績歐陽翰林畫之詳  
矣嘗葬其宗親三十餘喪其子既登科即致仕而乞  
官其弟愈表聞未報而終云今塋於廣固之仁德鄉  
先塋之東奉遺意也係而銘曰

士之處世 才德居先 窮達壽夭 歸之于天

義方訓子 魁於俊賢 德之無愧 福胡不堅

其季有立 還塋舊阡 維名無窮 子孫萬年

故蕭府君墓誌銘 并序

府君諱陟字希陞其先潭州瀏陽人五代祖辰初仕湖

南知馬氏政衰乃挈族去其國以歸江南李主大悅  
賜田十萬家于新喻今占籍臨江軍曾祖處鈞祖著  
父質皆潛德不仕府君舉進士天聖初今上諒陰不  
親臨試以恩例授袁州司士叅軍再移潭之醴陵岳  
之華容尉權岳州司理叅軍治獄以明恕稱岳陽介  
居荆湘重湖之上號為名盜捕寇者利於功賞因緣  
為姦往往閩舟有兵器貨財者榜笞係繫誣為抄剽  
械送郡獄府君夙宵研覆辨其枉直平反者百餘人  
岳民至今思之權臨湘縣事政亦有聞鑠聽進士舉  
賢良方正制科不第調授泉州同安王簿未幾得疾

金溪集卷三

十

卒於官舍享年五十八府君博通古今好讀書其赴  
同安也嘗囊裝鞍馬得錢百千盡以買國子監書善  
形於色曰吾無資產以此遺子孫乃家寶也常枕籍  
於其間曰此生無成當有施於後世府君娶簡氏先  
府君卒追封旌德縣太君二男長曰注次曰伯英府  
君臨終之夕呼二子囑之曰吾昔為獄官有陰德於  
人吾聞有陰德者其後必大汝等當力學圖富貴以  
大吾門二子果皆擢進士第注今為西上閣門使廣  
南西路安撫都監兼知邕州伯英祕書丞初徵外蠻  
懷智高攻陷邕橫等十郡遂至廣州據民鄧園府城

州將不知所為第率官屬吏卒上門登陴而已上聞  
君時行番禺令事雖城獨出募勇敢士撓賊之謀焚  
其舟數百艘得其所略婦女數千人又殺鄉坊之民  
與之交易者數百人日開南海門運食物及守禦之  
備以資城中賊智力皆窮乃退去朝廷嘉君功特拜  
禮賓副使知邕州賊之敗走於邕也君又募溪洞酋  
長說誘諸蠻擒賊之母及其子弟於特磨道生送赴  
闕戮於都市夷落聞其名皆畏之由是累遷官而久  
其任焉府君累贈至屯田員外郎祕丞君亦以同在  
蠻中經營擒賊之策進京秩知新喻縣事蒞官之明

余逢集卷三

二

年遂謀以嘉祐五年二月二十八日葬府君於本縣  
之月丘附先營也女三人孫五人曰元曰充曰充曰  
几曰允元充充悉以恩授太廟郊社齋即几允尚童  
幼葬有期矣以書來丐銘府君之德銘無愧辭乃銘  
曰

懿文不達 清德可尚 多積諸書 以敵珍藏

治獄之仁 當大其門 如茨福祿 在其子孫

馬處士墓表

慶曆四年春正月丁未鄱陽處士馬府君歿于私宮  
冬十月其孤遵泣血緘書走京師索銘以掩其壙不

及之期迺表諸墓云謹按馬氏於戰國為趙將於漢  
為外戚於唐為功臣章章然在史矣唐李遠祖避地  
自黃梅渡江占籍於饒之樂平曾王父諱昭王父諱  
亮並署於南唐父詡夷曠不急於祿而終母曰某氏  
實生府君諱某性深沉博涉書史不專章句之學少  
失其親柴毀過禮州閭稱之息撫同產及同宗以同  
居僅百口怡怡如也鄱陽近寶其俗任氣鄉里之有  
爭者府君以義譬解之人服其評之允不之官司者  
十六七居家喜賓客而加禮儒士撫七子皆有成享  
年五十七娶董氏府君撫其宗於外董夫人弱其和

余逢集卷三

三

於內七子慶巡遵喬寧道忝承自樹立嚮學導登進  
士甲科入朝為太子中允以幹材通識見稱於時道  
舉進士未第初中允君以廷尉評為晉康守懲其貌  
於晨昏也期不遠去鄉國被更書至闕下二年得宣  
城通守以歸又家居且一年朝廷以邊鄙宿兵倍克  
吏浚民以濡國不恤其怨而仕路混殺久未澄汰力  
選直清通濟之士分外墓以佐邦計遂自大理丞換  
中允為福建路轉運判官將勉奉安輿以行而府君  
即世遂以其年某月葬於信州大陽縣某山某原於  
戲府君以仁撫其族義訓其子鄉邦欽尚而壽考不

堅天道損益不可原乎天與其德不與之年賦有所偏乎不豐其身將大其門乎不見其人永瞻松阡悲夫

宋故大理寺丞前知白州孫公墓表

君諱億字廷齡其先周文王之子康叔封於衛為諸侯衛武公之孫食采於戚曰孫氏世為上卿楚有叔敖三仕至令尹封於寢丘號為循吏漢有堅父子開國於吳以有江淮故其世系繁行於南方而望於富春之族土著於表之分宜曾祖某祖某考某累葉高蹈恬退自守君幼挺奇節資性温厚博覽廣記不為

武溪集卷三

三

章句之學弱冠能屬文舉進士上第選注桂陽監判官慶州節度推官薦其材者章交公車擢授大理寺丞知吉州永新縣徙知白州丁先府君憂服闕符召還臺道卒于宿州享年四十一桂陽地產五金諍盜日積南康土沃民繁郡多滯訟君連佐二幕率以和易守職進則啓迪嘉謀以裨邦君之闕退接民吏一無異言故直道得行而上下悅之其卒永新也予時忝典城之寄共為親民吉民歲配和市糶素六萬餘匹主外計者籍收帑錢以供他費第給海鹽償其糶直前政又以邑豪入粟得爵者准官戶免其征細民

由是重困君發其弊予得奏停邑官且藏鏹于縣以酬民練外臺不能詰吉之田租歲收四十萬斛必擇廉幹司庾之入漕臣意在聚歛預戒庾吏定收什二以充羨餘專其局者惟君能守州約拒臺命出納一用倉式其公正比類也俾其克壽而貴善政豈可量哉其居喪也不曆姻婭之門不知鹽酪之味三年無改邦域稱焉君初以藝文知名故樞密成紀文憲李公諮特加稱賞妻以兄子實多內助生二女三男長女適李氏予以弱息仲荀娶其幼女男之邵之翰之問皆未冠君以皇祐元年四月二十九日捐館舍於

武溪集卷三

四

扶離諸孤扶其柩歸以其年十二月二日塋于分宜縣某鄉某原其弟洧以書來索文不及掩壙之期故表諸阡而銘曰

天生吉人 付之正性 胡不與全 而薄其命

瘠賢肥佞 亦天之病 表諸墓道 以面惟求

宋故光祿寺丞梁君墓表

梁與秦趙同祖絕於秦績於晉顯於漢故為京兆萬年人祖諱曼佐幕番禺屬劉氏據有南海耻非王命不從所署遁于東筮世歸其高焉二子長曰光運署右職捕賊遇害少曰光遠即君之文考亦佐戎政皆

劉氏官也君諱頴字微之幼秉奇節強學篤行信義  
稱於朋友詞章秀手卿邦國家削平僭偽統壹函夏  
君即占籍高要以從鄉賦舊制嶺南按察者皆專選  
補州縣吏員闕即擇前資及士之豪俊而署之試守  
三歲克有成效則薦于吏部而授真秩君以故事召  
署滿三暮調于天官得象之武仙薄貴之爵林尉封  
之司戶參軍悉以能官有聲年及懸車抗止足之分  
移疾請老朝廷羨之遷光祿寺丞致仕以景祐元年  
六月考終命于封水享年七十三夫人陳氏先府君  
二歲卒其孤揆繼歲銜恤遂逢首垢面挈奮負土由

金溪集卷三

一五

祖妣而下封大塋而窆之凡六墳異藏同域以景祐  
二年十二月辛酉掩壙于端州高要縣歸仁鄉湖洲  
原乃築廬居冢旁朝夕哭泣刺手取血寫佛書以祈  
真報廬外植蔬樹粟以給饘粥不茹葷血凡六歲乃  
除喪州閭耆舊縉素以其狀白長吏表聞天子嘉之  
詔郡縣以時存撫賜之粟帛以旌其孝專選補者以  
揆至行奪而官之窘於窮而從焉慶曆五年十月患  
舊域卑濕仍負土全塋徙瘞宗崇原加封樹焉從高  
顯也既而乞銘以表之銘曰

哀無時而忘 服有時而終 去廬立表

以寄哀於無窮

宋故國子博士通判大平州毛君墓銘

公諱應侔字子貞其先榮陽人昔者武王翦商而造  
周以介弟毛伯既親且賢乃列地而爵之與康叔居  
關東為諸侯與輔季入冢內為卿士胙土得姓善善  
相繼其後領袖儒林丹青史筆者代有之矣玠仕魏  
為尚書僕射以清公廉節自任後嗣仰之為萬世法  
渡江而後晉者世吏二千石遂為江南著姓今占籍  
於廬陵之吉水焉曾祖諱讓祖諱休仕南唐為侍御  
史烈考諱澄贈大理寺評事妣高氏贈南昌縣太君

金溪集卷二

十六

孫公之請也僖皇東遷朱梁篡奪廢蕩幅裂稱尊  
號者非一姓李氏阻江為國自紹唐統御史府君忠  
於所奉遂為天子之外臣于時廬陵大郡毛為右族  
官於霸朝卒以法進丞寺署坐郡曹者咸綽綽有名  
國人嚮之御史府君藏書數千卷闢田數百頃嘗與  
人曰欲仕者可以識廢興欲隱者可以實倉廩吾於  
子孫計足矣乃玉笥之陽有終焉之志公幼喪所天  
刻意自立砥名勵行文為聞人真宗皇帝得祥符之  
始年舉進士御前解褐授杭州臨安尉負海名邦古  
稱都會探九仇吏人或輕揚公廣為方略多設耳目

尉羅所得囊橐皆空人被其仁至今稱誦選部調補江陵府司理參軍以情察獄寬而能斷所經訊讞民自不寃秩滿遷萬州軍事推官坐棠缺守權董郡事束縛姦吏按摩疲人威凌秋霜惠溫冬日薦紳立朝之士狀其績用聞于廷者十一人歸朝擢授大理寺丞知筠州高安縣平心御物曲直立分箕歛盡除罷訟自止其年移知寶州軍州事轉太子中舍郡在合浦之東千里而近地多珠貝犀象沉檀之產前之剖符者往往舳舻銜尾竭其土物公北歸之日盡室一舟無銖錙南國之貨入朝授殿中丞國子博士歷

金溪集卷二

十七

通判虔筠太平等軍州事公性寬厚守撝慎當官不示圭角以沽赫赫之譽所去民皆思之信愛朋友未嘗斥人之非故朝士多其長者監郡之職與刺史權均而勢逼固祿位者率以將迎守意臨事不自可否屏氣低首趨府如幕吏持案牘立前山疊波委擱管署紙尾不敢議其是非及徇者為之則剛而犯上相持短長缺士大夫之行者多矣公處以中和不茹不吐三贊郡事人亡間言自筠之移姑孰也抗遺榮之志將歸舊隱乃白奏奉身而請老焉朝命以本官致仕一子授太廟齋郎以羨其真真之節詔未下不

幸屬疾以明道二年三月丁丑考終命于當塗之官署享年六十有七夫人高氏封某縣君夙奉姆教恪脩婦式婉容淑範為閨房之秀府君列朝著理郡務遺清白於子孫者夫人實有內助焉公即世既踰月惟堂哭晝未亡之歎方深同穴感義溢至之期共盡以其月日終于池陽舟次越明年某月日合而附之于其原禮也三子長曰漸太室齋即次曰溥以敦卒次曰洵擢進士第調判入四等授越東節度推官知宣城縣事三女長適進士陳敏中次適進士習遵路次適進士艾瑯六孫伯奮伯達伯玉餘尚幼將葬洵

金溪集卷三

十八

以狀來乞銘而掩諸幽乃銘曰

周之懿親	魏之名臣	越有裔孫	生茲德門
行為士則	才為世賢	所治七官	遺愛存焉
身羈綏綬	志在林泉	公既知止	時方引年
乞身西歸	朝恩需然	未被出綽	俄驚逝川
哀隕庭蘭	悲摧無鸞	靈輪筮宅	相隨九原
令嗣執喪	戚容樂樂	泣狀遺績	乞銘遂地
嗚呼榮陽	府君之阡		
榮陽毛君墓誌銘			
君諱溥字之祖於周為姬姓文王之子國于毛子孫			

以國為氏春秋之際世為王卿士在漢時長及享皆為魯詩各以其家名學儒者至今宗之晉永嘉之亂士族南徙寶有戰功為廬江守名著竹帛而毛宗益興在南夏矣宋齊而降代有瓌傑家牒闕墜不復殫紀今為吉州吉水人太王父諱某侍御史王父諱某贈大理評事考諱某國子博士終於姑孰同守以文學起家所理七官皆著治效閨門肅肅若居官庭妣曰高氏封壽春縣君奉舅姑以禮訓諸子以嚴里閨稱之姑孰府君三子伯曰漸季曰洵君即中子漸太室齋即洵鎮東府從事君幼聰悟博覽群籍及子

金溪集卷三

九

史百家之言與人交不苟合孝謹友愛發於天性自從事君未仕時君已能為進士業矣吉於江西治最劇其士人倍他郡而歲貢俊選備以限人之制褻博臂湊歌鹿鳴而送之十不取一衣冠家有令子弟鴈行而進求鄉先生之薦者郡中正往徃畏鉗息之口不克偕舉從事君既冠則與君並在賓興籍中君曰吾才不如季脫不幸而順吾長以我先舉則為奪吾季之名也讓不乞試退而脩家人產業季果得薦取大常第邦人義之從事君既上第君始有仕進之意行益淳學益勤聲名流四方而祿未及之以明道二

年五月十六日卒享年三十有八初姑孰府君屬疾君嘗藥而後進不去冠帶者三月晝夜不寐兩目盡瘡府君棄世未踰月母夫人壽春君亦亡君哀號慟絕勺飲不入口並侍兩喪全柩歸葬途次鍾陵柴毀越制終于舟中其弟洵扶護其父母兄及已之妻之喪以歸哀感行路以某月日葬於某府君之塋次禮也君娶劉氏柔嘉之德冠于族姻子男三人長曰伯奮始志于學余尚幼女二人皆未笄於戲君之行可以激薄俗空室奔兢宜壽而貴者乃以荼毒賊性不享永年可哀也哉故為之銘銘曰

金溪集卷三

二

生于德門 言淳行實 讓弟以仕 哭父而沒 義而孝兮 胡不終吉 吁嗟毛君 居此窀穸

宋故鎮東軍節度推官毛君墓誌銘

景祐元年十一月戊辰故鎮東軍從事毛君卒于家明年九月壬午塋于廬陵吉水之仁壽鄉南華原先府君之塋次君之兄遣使持書走京師謂其友余某曰漸之弟才未盡施抱恨入土恐其名之易漫滅也請銘而久之某於君遊最厚熟其行故得書而無讓焉君諱洵字子仁世居吉水業儒為冠族曾祖諱休侍御史祖諱澄贈大理評事考諱應佺國子博士母

曰壽春縣君高氏君器度方正動自脩尚幼精敏能屬辭及冠舉進士試秘書省校書郎性篤於孝視榮利泊如也凡守四官再以親解初補撫州司法參軍先府君適知贛州實在南海南千里遣人問起居者死於道信不得通君喟然嘆曰惡能以擔石祿割親之愛經時間然不知息耗而自安適因郡郵言狀不待報棄官去暨府君歸朝君再調洪之新建簿以書判拔萃天子御便殿試之所對入等改試大理評事遷鎮東軍節度推官知宣州宣城縣事政有繩墨民咸宜之未踰歲江淮制置使器其能奏監揚州推監

武溪集卷廿

十一

倉詔既下留侍親疾不就職執藥調膳嘗而後進積三月不之寢室亡何府君暨母夫人相繼卒君與兄漸奉喪歸葬持畚荷土手胼面黥親友不能識塋外松柏皆所自樹遂結廬墓所而居之居憂凡二十一月朝夕哭踊如初喪之儀所食才脫粟不加薑桂同閉諸生數十人日湊廬旁執弟子之禮請君敷辯經義君對之流涕未嘗言文廬中非號泣時則寫佛書讀喪禮而已自廬次得疾歸家數日卒享年三十二郡以孝行聞詔賜其家粟帛百以旌顯之君二昆伯曰漸太廟齋郎仲曰溥先以毀卒夫人生一男一女皆

天夫人前君卒別葬不附其銘曰

文行俱 家世儒 力孝弟 恬進趨 再棄官 為親謀 失怙恃 返丘墟 飯脫粟 居倚廬 不終喪 隕厥軀 位未充 材有餘 附無婦 哭無孤 善周報 天何如

宋故峽州軍事推官贈太常博士魏公墓誌 銘弁序

公諱清字友置洪州南昌縣灌城鄉龍沙里人畢萬始賞世為 韓趙協力終踐侯爵因國命氏子孫繁焉相曹公 蟬聯於漢晉矣曾祖此祖爽考謙並

武溪集卷三

世

以唐祚衰季帥臣專兵割裂土壤喋血為縱橫之業進則私署耻為陪臣繇是潛德立園不食其粟家世以財雄州黨食昆仲四人求分父產人人自占其膏腴公悉以服玩田宅讓之脫身而去獨取犀帶一條市書力學退居西山名溢人口李氏竊據江左自稱後唐封拜予奪之柄自專之我宋開國始授正朔公聞其順命乃萌蒞仕之意開寶三年猶以禮部侍郎張洎移掌貢籍公以進士中其選季主批云魏某勵志謹行學有餘文與二三子不同可特放及第釋褐授饒州餘干尉鰥鱣東下青蓋入洛公授王命為滑



州靈河尉將漕臣樊知古上殿奏公富文達學吏材  
幹敏中百召赴闕將加顯秩引對之日逆氣併喘口  
噤不能語詔授散官以就土地之醫除陳州參軍二  
年疾愈州將奏公云煩而使之屢觀錯節文長牋奏  
政兼威惠願加擢用以勵能者頃之中百復令詔闕  
學士院召試授許州臨潁主簿公以江南擢第非王  
室之命故授官不復以科名為叙仍自臨潁再應進  
士舉京輔近藩尤重舉首公就試群士亡出其右明  
年殿廷覆試中甲科時端拱二年也御試前一日公  
肺忡宵喘坐卧驚苦呻吟危篤之際沈然而寐夢一

武溪集卷三

三

道士謂公曰姓名定矣勿復憂之中夕痊平詰早赴  
赤墀之試亡恙焉初禮部籍奏公名在九十一暨臨  
軒唱第名次如舊事與夢叶聞者異之授保信軍節  
度推官兩川地險人心如之宿籌幙畫咸擇聲稱移  
閩州觀察推官居仁何黃巾竊發軍城失守民潰其  
上力所不支郡無良將遁以避難降資授峽州軍事  
推官秩滿歸闕咸平四年季夏五月十三日以疾終  
于輦下享年六十三歲散官至給事即兼官至大理  
評事累贈至太常博士公簡而不居廉隅自守在官  
三十年俸給之外秋毫無橫入性寬厚未嘗失色於

人即世之日家無餘財識者稱之夫人樂氏以屯田  
君貴封河南縣太君生五子長曰英次曰象並遺名  
好跡混跡閭里次曰莊咸平三年進士及第即屯田  
君也次曰舊次曰芳皆早世二女長適進士劉覺次  
適進士尹中正屯田君羈貫之歲公即器之嘗謂親  
舊曰特弟三子成名吾死無憾矣果以屯田君登第  
之明年而卒知子莫若父豈虛語哉明道二年屯田  
君罷守晉康郡乃曰有父不葬終身之戚遂露章乞  
告便道歸坐窳窳之事朝旨從之以其年十月抵豫  
章兆有日矣河南君尋以壽終乃祔焉府君自咸平

武溪集卷三

十四

辛丑歲卒明道癸酉歲始克襄事而河南君發紼同  
歸首里死生之會期有數歎以是年十二月十九日  
皆安于新建縣善政鄉羅埔里乃為銘曰

弈世潛德 運遘衰微 丁年筮仕 識照安危

項滅歸漢 吳亡得機 才高命蹇 畢世早飛

烏經卜宅 鸞鑑同歸 死生離合 各有其期

西山魏魏 銘於依依 此焉壤樹 行路興悲

武溪集卷二十

宋故朝散大夫守工部尚書充集賢院學士前知廣州軍州事兼管內勸農市舶使提點銀銅場公事充廣南東路兵馬都鈐轄兼本路經畧安撫使柱國始興郡開國公食邑二千六百戶食實封二百戶賜紫金魚袋贈刑部尚書余襄公神道碑銘并序

推誠保德崇仁翊戴功臣觀文殿學士特進刑部尚書知亳州軍州事兼管內提堰橋道勸農使及管勾開治溝洫河道事上柱國樂安郡開國公食邑四千三百戶食實封一千五百戶歐陽脩撰

歐陽脩撰

始興襄公既塋于曲江之明年其子仲荀走于亳以來告曰余氏世為閩人五代之際亂于韶自曾高以來晦迹嘉道至于博士府君始有祿仕而襄公繼之以大曲江僻在嶺表自始興張文獻公有聲于唐為賢相至公復出為宋名臣蓋余氏徙韶歷四世始有顯仕而曲江寂寥三百年然後再有聞人惟公位登天堦正秩三品遂有爵土開國鄉州以繼美前哲而為韶人榮至於褒血贈謚始終之寵盛大蓋褒有詔卹有物贈有告而行謚考功有議有狀合而誌之以閱諸幽有銘可謂備矣惟是螭首龜趺揭于墓隧

以表見於後世而昭示其子孫者宜有辭而闕焉敢以為請謹按余氏韶州曲江人曾祖諱從祖諱榮皆不仕父諱慶太常博士累贈太常少卿公諱靖字安道官至朝散大夫守工部尚書充集賢院學士知廣州軍州事兼廣南東路兵馬都鈐轄經畧安撫使柱國始興郡開國公食邑二千六百戶食實封二百戶治平元年自廣朝京師六月癸亥以疾薨于金陵

天子惻然輟視朝一日賻以粟帛贈刑部尚書謚曰襄明年七月乙酉返塋于曲江之龍歸鄉成家山之原公為人質重剛勁而言語恂恂不見喜怒自少博

歐陽脩撰

學彊記至於歷代史記雜家小說陰陽律曆外暨浮屠老子之書無所不通天聖二年舉進士為贛縣尉書判校卒改將作監丞知新建縣再遷祕書丞刊校三史充集賢校理天章閣待制范公仲淹以言事觸宰相得罪諫官御史不敢言公疏論之坐貶監筠州酒稅稍徙泰州已而天子感悟亟復用范公而因之以被斥者皆召還惟公以便親乞知英州遷太常博士丁母憂服除遂還為集賢校理同判太常禮院景祐慶曆之間天下怠於久安吏習因循多失職及趙元昊以夏叛師出久

無功縣官財屈而民重困

天子赫然思振頹弊以脩百度既已更用二三大臣又贈置諫官四員使言天下事公其一人也即改右正言供職公感激奮勵遇事輒言無所回避姦諛權倖屏息畏之其補益多矣然亦不勝其怨嫉也慶曆四年元昊納誓請和將加封冊而契丹以兵臨境上遣使言為中國討賊且告師期請止毋與和

朝廷患之欲聽重絕夏人而兵不得息不聽生事北邊議未決公獨以謂中國厭兵久矣此契丹之所幸一日使吾息兵養勇非其利也故用此以撓我爾是

不可聽

公集卷三二

三

朝廷雖是公言然猶留夏冊不遣而假公諫議大夫以報公從十餘騎馳出居庸關見虜於九十九泉從容坐帳中辯折往復數十卒屈其議取其要領而還朝廷遂發夏冊臣元昊西師既解嚴而北邊亦無事是歲以本官知制誥史館脩撰而契丹卒自攻元昊明年使來告捷又以公往報坐習虜語出知吉州怨家因之中以事左遷將作少監分司南京公怡然還鄉里杜門謝賓客絕人事九六年

天子每思之欲用者數矣大臣有不喜者第遷光祿

少卿于家又以為雅州刺史壽州兵馬鈐轄辭不拜皇祐二年祀明堂覃恩遷衛尉卿明年知慶州丁父憂去官而蠻賊儂智高陷邕州連破嶺南州縣圍廣州乃即廬中起公為秘書監知潭州即日疾馳在道改知桂州廣南西路經畧安撫使公奏曰賊在東而徙臣西非臣志也

天子喜之即詔公經制廣南東西賊盜乃趨廣州而智高復西走邕州自智高初起交趾請出兵助討賊詔不許公以謂智高交趾叛者宜聽出兵毋沮其善意累疏論之不報至是公曰邕州與交趾接壤今不

公集卷三二

四

納必忿而反助智高乃以便宜趨交趾會兵又募儂黃諸姓酋豪皆縻以職與之誓約使聽節制或疑其不可用公曰使不與智高合足矣及智高入邕州遂無外援既而宣撫使狄青會公兵敗賊於歸仁智高走入峒邕州平公請復終喪不許諸將班師以智高尚在請留公廣西委以後事遷給事中諫官御史列疏言公功多而賞薄再遷尚書工部侍郎公留廣西逾年撫緝完復嶺海肅然又遣人入特磨襲取智高母及其弟一人俘于京師斬之拜集賢院學士久而徙知潭州又徙青州再遷吏部侍郎嘉祐五年交趾

寇邕州殺五巡檢

天子以謂恩信著於嶺外而為交趾所畏者公也驛召以為廣西體量安撫使悉發荆湖兵以從公至則移檄交趾召其臣費嘉祐詰責之嘉祐惶恐對曰種落犯邊罪當死願歸取首惡以獻即械五人送欽州斬于界上公還邕人遮道留之不得明年以尚書左丞知廣州

英宗即位拜工部尚書代還道病卒享年六十有五公經制五管前後十年凡治六州所至有惠愛雖在兵間手不釋卷有文集二十卷奏議五卷三史刊誤

武溪集卷三

五

四十卷娶林氏封魯郡夫人子男三人伯莊殿中丞早卒仲荀今為屯田員外郎叔英大理評事女六人長適職方員外郎郭師愈次適屯田員外郎孫邵次適宿州觀察支使周熊次適秘書省校書郎章惇裕次適越州上虞縣主簿張元淳一尚幼孫男七人嗣恭嗣昌皆大理評事嗣隆太常寺奉禮郎嗣徽嗣光嗣立嗣京未仕孫女五人銘曰

余遷曲江 仍世不顯 奮自襄公 有聲甚遠  
始興開國 襲美于前 兩賢相望 三百年間  
偉歟襄公 惟邦之直 始登于朝 官有言責

左右獻納 姦諛屏息 慶曆之治 實多補益  
逢時有事 奔走南北 功書史官 名在夷狄  
出入艱勤 險夷一德 小人之諂 公廢于里  
一方有警 公起于家 威行信結 嶺海幽遐  
公之在焉 帝不南顧 胡召其還 殞于中路  
返樞來歸 韶人負土 代石刻辭 立于墓門  
以貽來世 匪止韶人

書余襄公集後

余襄公集卷三

六

景祐歲范文正公貶不以罪大臣肆忿臺諫緘默余公歐陽公交章辯論義氣所激非為利也既連坐寘逐後復中以奇翫果有利心肯為是耶是舉也有東漢李杜之風賴時清明不成黨錮之既文忠公著朋黨論意有規於後也卒不能抹紹聖崇寧之橫流至使故家遺俗流風善政掃蕩無餘而胡虜之變作矣事之微漸甚可畏也主上中興更張改紀歲無虛日收燼起廢士氣振復然窺間校隙挾舊圖新者尚可懼也嗚呼以公視昔何但前車之戒耶公 聲與歐陽公同時豈晚進敢議如辨堯舜之謚號致秦漢之興亡以儒為正以釋為權皆後學所當知者寓意賦詠欲嶺上置關籍簡官吏行李之往來以辨清濁凡

宜施於今日屬除日賜告獲閱一過訂正謬誤數十  
字因書於後紹興丁巳隸川韓璜題

金鑿卷三十一

三

武溪集補佚序

宋曲江余襄公靖武溪集二十卷為其嗣君仲荀員外所編有屯田郎中周源序紹興丁巳穎川韓璜跋季滄葦宋版書目尙見著錄今不可復睹矣明成化九年癸巳瓊山邱文莊公濟重刊之序稱與張文獻公曲江集舊鈔於館閣詔守江陰蘇韓為之跋是為成化刊本嘉靖十三年甲午有瓊山唐侍御宵刊本實為詔守鄭驪所刻清乾隆四庫著錄卽此本也嘉靖四十五年丙寅南詔道劉穩又取鄭本重刊曩歲壬申秋余見之於東官莫氏福功堂嘗取以校嘉慶癸酉刊本編次字句多殊較嘉慶本為勝蓋康熙間詔郡守求劉本不可得新安程履新僅據郡人黃少涯抄本付刊嘉慶十八年癸酉復重刊之輾轉傳訛

武溪集補佚序

在所不免惜未得宋本勘定之耳余既為武溪集校勘記復於諸書蒐得集外詩五首如文八首為補佚一卷錄存集末近同人輯印廣東叢書武溪集用常熟瞿氏所藏成化本因錄補佚俾附入備考且志是書板刻之梗概焉余輯有襄公年譜以卷帙頗繁俟別劄別並著其目於此庚辰季夏黃佛頤慈博

武溪集補佚目次

後學香山黃佛頤慈博輯

詩

五言律

遊臨江寺

七言絕句

仁化錦石巖

寒山

胡語詩

佚句

松滋令何丹墓

文

武溪集補佚目

判詞

丙為左僕射門立榮其子封國公復請立載儀曹不許

乙夜居於外丙往弔之或責其非

序

下邳余氏世譜序

記

新建縣西山記

書

與李秀才觀書四首

附李觀上余監丞書

武溪集補佚

後學香山黃佛頤慈博輯

詩

五言律

遊臨江寺

古寺遠塵籠。乘閒訪此中。客心千里靜。僧語萬緣空。門暗松溪霧。樓閒竹

塢風。吟餘懶復去。山照夕陽紅。謝光東通志卷二百二十九。九〇按王象

一此但末載其文。李賢大明一統志七十九引前四句。

七言絕句

仁化錦石巖

巖巖絢爛倚雲隈。萬玉無香結作堆。不是虬龍眠鐵樹。原來假石作根荄。

同治韶州府志卷十二

武溪集補佚

寒山

空翠紛紛冷不流。風雲常是護靈湫。山神鞭起龍行雨。散作炎州六月秋。

大明一統志八十四

胡語詩

夜宴設邏也厚。臣拜洗受。兩朝厥荷遇。情感勤厚。微臣雅魯拜。祝若統統。

聖壽鐵擺高。俱可忒無。宋劉放中山詩話

佚句

松滋令何丹墓

要知當日循良吏。留得松南墮淚碑。何氏廬江書院通誌

文

判詞

丙爲左僕射門立榮其子封國公復請立戟儀曹不許

位廢王爵。固有彝儀。名列子倫。所宜降禮。既高閔之共處。豈列戟以重施。

丙鵬印傳家。蟬聯襲寵。斗樞踰貴。既升八座之榮。社土啓封。遂及一經之

嗣。胡爲令子。罔達宏規。以謂秩視諸公。幸列分茅之位。勳崇三品。請頒立

槩之儀。展矣攸司。詳夫大體。且乘軒服冕。雖同列國之權。問寢趨庭。豈有

異門之制。縱未該於令式。宜必叶於謀猷。況乎尊有壓卑之文。備存典冊。

子存避父之禮。綽著章程。國有大焉。古之道也。恩榮沓至。任旌高穎之勳。

制度罔愆。宜喜柳曠之見。必當固執。無謂他規。戴記傳芳。車馬猶稱於不

及。隋書勸善。榮戟甯聞於再頒。必探禮卿之詞。勿貽侯氏之過。文選卷一

十九

乙夜居於外丙往弔之或責其非

宴安有度。式貴慎儀。出處無容。固宜行弔。既自愆於所止。亦何怒於相隨。

乙德之不修。動而有悔。安身克謹。當從嫡寢之間。居外尤非。自比遭喪之

武溪集補佚

變眷惟益友

深達彛章。朝夕四時。既失常於訪問。吉凶五禮。遂矯辭於禍

災。縱未盡於嫌疑。抑已陳於規誨。進退可度。燕衣將亂於悲哀。居處以莊

環。經何慙於諷刺。爾惟失節。我豈廢言。所期克舉其儀。孰謂不知而作衣

服宮室。雖弗襲於纓裳。揖讓周旋。固可譏於牀第。理既同於事死。問乃比

於知生。况彰終夕之嫌。復異致齋之制。改容並進。雖與言偃之非。問疾同

序

下邳余氏世譜序

按余氏之先世。出自黃帝之子玄囂。又三世至棄。掌后稷之官。有功封諸

侯。自棄十六世至文王昌武。王發成王誦。封同母弟叔處於晉。後三十餘

世有苗裔曰由余。因晉不振。大臣恣橫。懼禍及身。去晉入戎。戎主佐按字

之使秦。秦穆公問國之得失。對曰。恭儉則昌。驕奢則亡。又論五帝三王盛

衰之本。穆公懼曰：鄰國有聖人，可無憂乎？由余其聖人矣。奈何！我國之安危未定，由余出。芮史入，穆公曰：卿爲之謀。芮史曰：但報戎君，緩遣由余。君臣反目，即在。爾後戎主驕奢，荒於酒色，由余諫不行，遂歸復於秦。穆公問由余歸，喜而郊迎之，拜上卿。遂大用由余之計策，併國十二，關地千里，皆由余之力。尋相秦，而後世子孫有曰余瑞，仕秦中散大夫，居河洛間。厥後兩漢魏晉齊隋秦之間，析居流裔，響纒不絕，而祿卑，不得紀於國史。至於大唐開元八年，有余欽爲太學博士，居歛之休甯，歷數世而至戴者，因黃巢之亂，徙居邵武之光澤。戴長子曰從，避五季寇亂，居韶之曲江。次曰咸，居洪州之分甯。又其次曰衰，徙杭州之錢塘。予卽演之五世孫也。以天聖甲子登進士第，尋擢集賢校理，與歐陽修同居諫職。斯時也，好心侯舌，充滿朝廷，但進不能興唐虞，退不能補三代之餘風，邇因黔鎮廣南，道經故邑，祀享餘力，特書家譜，以遺後代。云：皇祐二年庚寅歲正月望日，賜進士

武溪集

補卷

三

第朝散大夫授工部尚書充集賢院校理學士知廣州軍事兼廣南東路兵馬都鈐轄按撫使柱國始興郡開國公食邑二千六百戶食實封二百戶賜紫金魚袋贈刑部尚書五世孫余靖撰卷一上

按此文結銜有身後追賜者，疑爲後人屬入，文氣亦不甚類，或僞託也。

新建縣西山記

西山在縣西四十里。輿地紀勝初濟江十里有盤古今圖書集成山用石名石頭津，自石頭西行有梅嶺，卽梅福學仙處。嶺之南有葛仙峯，下有葛仙壇，上有丹井及鸞岡，乃洪崖先生乘鸞所憩處。西山鶴嶺，王子喬控鶴所，又有大蕭小蕭二峯，世傳蕭史嘗遊其側，旁有蕭仙壇，又有水出山椒，名呂源，水高下十堰，溉田萬餘頃。大明一統志巖岫四出，千峯北來，嵐光染空，連屬三百里，其所經行，盡西山之景。輿地紀勝西山之勢與廬嶽光緒

通志五十一等，而不與之接。此句據江餘山則支附耳。大明一統志四十九。  
按西山記本集已佚，茲就輿地紀勝明一統志圖書集成江西通志采綴成篇，疑佚脫必尙多耳。

與李秀才觀書四首

靖頓首。李君秀才，別來每增翹渴，忽枉手跡，備荷勤至。於邑鄙吝，渙釋懷抱，所示禮論七篇，推進禮經，準的世教，派仁義，贊刑政，正其本於禮，成一家之言。工古人之未工，導明王之要道，豈止獨步江表，校聲名於後俊者哉！開益蒙蔽，不勝降歎。人回謹此爲謝，不宜。將作監丞余靖白。正月十四日。

武溪集

補卷

四

忽枉手牘，深認勤勤，木脫水流，切希進道。外保愛是祝，謹奉簡陳，謝不宜。大匠丞余靖頓首。李君秀才七月二十八日。

靖啓：靖屏居南夏，久不相知，及今得書，乃審有太學之授，國家誠有憐才之意，而不實於可用之途，何哉？道遠未由胥會，徒益傾渴耳。冬寒保重，人迴謹此爲謝，不宜。靖手啓助教執事十月十日。

如有朝命召赴成均供職，亦可行道，不宜辭免，或令赴選，須詳去就也。靖啓。宋李觀直隸文

附李觀上余監丞書

監丞執事，觀南城小草民也，竊聞執事以文辭判是非，取先天下豪俊，馬首南嚮，尹茲大邑，盛名之下，不獲愛坐臥，越四百里奔走來見，嘗所著文，家貧弗及更寫，謹獻舊業一策，凡九十五首，約萬餘言，以請命階闕，伏念觀十歲知聲律，十二近文章，思慮猖狂，耳目病困者，既十年矣，而公不舉



於州郡。私不信於閭里。梯天莫見明主。窮海未遇知己。朝談仁義。暮學計策。云云。雖多。徒取笑怪。老母坐堂。親愛盈屋。耒耜不供。升斗之食。桑麻不足。一帶之衣。塵埃四走。乞丐無地。此亦立節丈夫所宜歎惜者也。今執事識量足以鑒臧否。位望足以爲升黜。亦奚吝開卷一覽。思其所以哉。夫驅馬而竄之者。爲市人所貴賤。未足以爲驚良。遇伯樂而弗一顧。則雖日馳千里。皆驢材也。伏惟少留念焉。他日執事得位將相。洗濯四表。瑣瑣之力。一獻門下。以託名於本傳之末。顧不美歟。古之相遇者。或以一言之善。或目擊而道存。意氣所合。脣齒後也。不復浮辭。唯增媿畏而已。不宣。觀再拜。

李觀直講文集卷二十七

案公本傳。天聖八年書判拔萃。改將作監丞。知新建縣。書當上於是年。據直講先生年譜。直講文集卷首是年觀二十二歲。

武溪集補佚

五

改武溪集重印

武溪集爲宋余襄公靖所撰。二世祖仲荀公所編。明瓊山邱文莊公重刊。垂今九百餘年。迨民國二十九年冬。廣東省政府主席伯康李公。爲闡揚中國文化。遂編入廣東叢書第一輯。距今又將二十載矣。其內容計有詩話序文論文記銘制誥判詞狀表啟事雜文墓誌與襄公奏議等。澈諱治亂。明辨賢姦。尤爲末世教忠孝之津梁。正人心之寶筏。其人其文。有足千秋者。則是書有補於經邦定國匡扶倫常者大矣。惟是遺世變。此集幾成絕本。適近尋之書坊中。已如鳳毛麟角。不復多覩。若再曠時日。湮沒堪虞。故僑港余氏宗親會同人。有鑑于此。遂倡議重印。復得旅美風采堂諸公之贊翼。爰于民國四十七年冬日。醱資重付剞劂。爲求無魯魚之訛。特將原日明版影印。以存其真。此豈徒述祖訓。抑亦景仰前賢。保存文獻。應有職責。爰讀斯集者。其仰襄公之人文。而有感於學行相輔歟。

僑港余氏宗親會重印武溪集委員會謹跋



壬戌閏五月

伐檀集二卷

甯海章授署



南城宜秋館  
搜明滇中李  
氏本校刊

欽定四庫全書總目卷一百五十二

伐檀集二卷 兩淮馬裕家藏本

宋黃庶撰庶字亞夫分甯人慶厯二年進士歷

佐一府三州皆為從事後終於攝知康州黃庭

堅之父也江西詩派奉庭堅為初祖而庭堅之

學韓愈實自庶倡之其和柳子玉十咏中怪石

一首最為世所傳誦然集中古體諸詩竝憂憂

自造不蹈陳因雖魄力不及庭堅之雄闊運用

古事鏘鏘剪裁亦不及庭堅之工巧而生新矯

拔則取徑略同先河後海其淵源要有自也惟

伐檀總目

一 宜 秋 節

開卷近體諸詩乃多不工觀集中呂造許昌十

詠後序稱造天聖中為許昌掾取境內古蹟之

著者為十詠其時文章用聲律最盛哇淫破碎

不可讀其於詩尤甚士出於其間為詞章能主

意思而不流者固少而最難云云然則庶當西

崑體盛行之時頗有意矯其流弊故謝崔相之

示詩藁一首有淡泊路久芻共約鋤榛菅之句

擬歐陽舍人古篆一首有蘇梅鸞鳳相上下鄙

語燕雀何能羣之句 原註蘇子美梅聖俞同有此詩而其古文

一卷亦古質簡勁頗具韓愈規格不屑為駢偶

纖濃之詞其不甚加意於近體蓋由於此非其  
才有不逮也其集自宋以來卽刻附山谷集末  
然子雖齊聖不先父食古有明訓列父詩於子  
集之末於義終為未協故今析之別著錄焉

伐檀總目

二 宜 秋 節

代檀集序

江夏黃庶字亞夫其少而學也觀詩書以來至於忠臣義士奇功大節常恨身不出於其時不得與古人上下其事每輒自奮以爲苟朝得位夕必行之當使後之望乎己若今之慕乎古也旣年二十五以詩賦得一第歷一府三州皆爲從事踰二十年郡之政巨細無不與大抵止於簿書獄訟而已其心之所存可以效於君可以補於國可以資於民者曾未有一事可以自見然而月廩於官粟麥常兩斛而錢常七千問其所爲乃一常人皆可不勉而能茲素餐昭昭矣

代檀序

宣統

暇日發常所作藁草得數百篇覽初省未散亡居多其存者或失首與尾或竄乙斷裂不可讀因取其完者以類相從而編焉題之曰代檀集且識其愧然其性嗜文字若有病癖未能無妄作後來者皆附於篇之末云時皇祐五年十二月青社自序

伐檀集卷上

宋分靈雙井黃 庶亞父撰

詩

偶書

此心為地把書耕若問生涯指六經欲語世人真富貴胸中珠玉又無形

讀赦書

詔書一尺洗寰瀛舒卷雷霆萬物驚天祇無私均雨露地緣強半是榛荆人問疾苦言堪療塞外豺狼腹未盈不是朝廷用桑孔丁寧渾只念蒼生

伐檀上

遣懷

六載紅蓮客差池又一年無人和白雪有意補青天肝膽論興廢詩書謁聖賢尊中古日月窮達付陶甄

山居獨酌

山寒未放春消息獨把單醪慰寂寥書對聖賢為客主竹兼風雨似成韶醉鄉城郭燈前到愁賦戎矛盞底銷野菜溪魚隨分有不堪回首叫簞瓢

春日閒居

韜鎖身閑似未名方愚情性被春輕酒教筆硯因花廢路為亭臺與草爭野客笋邀煨短茁隣僧茶約煮

新萌無時杖履穿林去真是尋芳戶一丁

贈山寺僧

慵飽浮圖世共憎蓬蒿師獨養牛耕田驅白石年常過林印青薪歲旋生竹似子孫憐笋苗樹添松栢補風聲眉頭怪得春來喜雨起蔬苗粒粒成

寄子蒙授常靈令

疎率君堪愛無心宦又高身思眠白屋人勉着青袍去冬調官京師於銓吏不得號隱疑名福前為靈鄉意欲致其官而歸予止之 隱食歸似姓陶常靈邑雖小應合得牛刀

靈竹

俗傳孟宗所泣斑竹也今為鄂州寺

伐檀上

綠陰清韻竹蕭然歷歷當年泣淚痕千古舜妃湘水

底必應憔悴有慙魂

山水卧屏

林泉生長厭應難更寫方屏幾曲間仕宦東西苦無定此心長似宿家山

和劉卿村十詠

耕者

四海兵今息耕夫未得知黃梁不敢喫盈尙半蒿藜

牧豎

逐處隨青草生來不識愁旱田乾欲死拍手也須謳

紅樹

幾樹濃於茜斜陽景最幽忽因風雨盡全減十分秋

野廟

中國浮圖盛祈禳漸不過吾民非獨困山鬼恨尤多

埃子

一埃居市廛百埃居林莽土木若有情山中亦惆悵

水鴨

憶在山中日溪邊把釣釣相逢恐驚起招手却回舟

溪聲

至音不可收令人滯形器欲知古樂心山中此聲是

代檀上

草市

衝市柴魚集應山鷄犬號問知人苦樂米價不多高

龍潭

寂寞真龍去零壇血不乾世情多冷煖對此鼻辛酸

溪橋

憶得別離日鄉橋柳脚斜讀君詩一轉全似到吾家

觀雪

疑是天公戲都傾海作鹽松筠知不變丘壑見無厭

清爲詩家極寒因酒戶添冬温成俗疫得此勝針砭

酒

千載醇醞意長隨麴蘖新解將今日月轉入古乾坤  
均 韻闕至勝良藥愁來敵故人幾盃聊酌酹五斗趣還

登鄭氏閣

林泉無價自由身韉鎖登臨趣未真望處好山俱得

力夜應明月不孤人任從心外煩於蟻長對樽中別

有春當日若知風物勝定移鷄犬過江濱前山皆秀

亭閣不能見故云

立春

此日春方到春心亞舜堯勾芒如稷契太簇似咸韶

伐檀上

衡柄三陽把陶鎔萬物翹家家助和氣剪綵作花飄

題人移牡丹

林上春來恰恰忙安排顏色與春裝栽培欲報應先

發根祗雖移不改芳紅藥便隨心減價黃蜂偷喜蜜

添香憑君剩釀看花酒待插花枝滿首嘗

探春

雪裏猶能醉落梅好營杯具侍春來東風便試新刀

尺萬葉千花一手栽

筇竹杖

琴鶴爲友朋出入常拂拭生來節便高故有扶危力



題東寺柱

竹風松月年於鎖關閉人心物外情燕雀聞經俱已  
慣歸來不怕讀書聲

教繩權學書偶成

文字有緣曾弄墨楚俗子生周一其日陳食飲硯墨金帛之具從兒戲弄聚家人觀  
時先弄墨見來官小免咨嗟喜將筆硯傳生計不失  
詩書作世家字識姓名能指點寫因梨栗不傾斜着

鞭莫落時人後三十塵埃監汝爺

次韻答王甫判官

已後長安

塵埃蹭蹬落麤官賴有詩書可自安人到聖賢由感

伐檀二

五

激國施鍾鼎為艱難須期燕骨千金價莫動黃破萬  
項瀾窮達功名無早晚好山宜且醉吟看

致政吳侍郎挽歌詞

千里資甘旨今資政守京兆淒涼一日遺為臣如廣受生子  
似皋夔筆硯諸孫哭謳歌幾郡思公屢為秦人失太  
守翻有怨天辭

荆棘二疎路幾人同撤衣仕塗師白髮國老欲形幃  
遺籍詩書滿行旌雨雪飛陝民應淚落不見板輿歸

時致政自陝移京兆

署中新栽竹

移作亭園主栽培霜雪姿不辭桃李笑只待鳳凰知  
少已留風住疎宜待月篩相看時一醉誰道小官卑

和題雲臺觀

用韻

太華疑挨畢昂回欲觀形勝上雲臺雪中地把銀屏  
立雨後天將畫軸開景好更宜和月看客忙當是愛  
山來我知道者登臨意常恨西軒落日催

都廳誦書偶成

主人調鼎手千里刃迎虛暗使民如堵能容吏似樗  
蓐苔眠杻械燕雀聽詩書刀筆慙無補身為白蠹魚

題公美庭前蘆

伐檀上

六

長安只說誰花好君把青蘆砌下栽鳴鴈也知人好  
事幾時啣得入關來

和公美季點書事

知君行縣樂經見飽朝昏禾黍富年戶牛羊落日村  
趁雲看華沒衝雨渡涇渾頗得詩家助聊應慰旅魂  
送石都官赴闕

為郎四十者堂有二親稀止仰官為養行應淚在衣  
白雲偏佇立黃犬好頻歸去有山公啟天心正似飢

長安賀晏相公生辰

衙鼓簪紳動靈椿薦壽醪吾君合堯舜此日降伊臯

黃誥文章老丹青事業半兩朝尊柱石千里輟鈞陶  
民願謳歌借霖應夢寐勞秦人下車樂遠邇賦崧高  
公下車始五月

次韻和言懷

五常爲種耕情性天意寧分有與無史解戮人惟戮  
古地能埋死只埋愚青雲易把詩書買白髮難停日  
月驅顧我無才背時俗浮名早晚見歸途

和子玉病起遊書齋

蕭齋久不往筋力試筇初窗戶蝸涎鎖塵埃鼠跡書  
病魔雖已去詩癖竟難除苔地欣重掃徘徊意有餘

代禮上

依韻和舞陽楊令九日羊川鄉同小飲之作

青帘白屋得新醅坐待村童買果廻旋撚野花爲泛  
菊更尋山路作登臺世途已把次心死樽酒聊同笑  
口開多謝晚禽知客意歌吟來往勸餘盃

謝趙太傅遺聚米圖經圖經其子宣事舍人珣所作

文武生賢子羗圖帝所多始欣知馬援終嘆失廉頗  
完川之役宣事死之蒼鼠巢遺藁黃埃鎖舊戈遠人猶偃蹇掩  
帙淚滂沱

哭水丘隨州無適

卧理隋民欲問安計郵俄至廢朝餐秦川舊會歡如

在漢水新書墨未乾丹旆已歸人寂寞素車徒有淚  
決瀾時情冷暖尤無味一臂相知在肺肝

席上送韋中舍歸襄陽

如君七十少梨栗有堅牙琴杖新行李雲泉舊世家  
愛求栽樹法拂拭釣魚車獨美今歸去青衫脫有涯

次韻和眞長新春偶書

東風寂寞掩柴關時苦刪文筆凍乾只把詩情磨世  
態更憑酒力禦春寒塵埃不必頻彈缺巖石終期共  
掛冠歎息焚如名利者乾坤未似斗筲寬

伊川喜雨時丞相次公省墳伊爾

代禮上

尺雨乘春慰望深家家倉廩一年心伊川父老還知  
否此是隨車傳說霖

送眞長書記知舞陽

塵土淹沉客詩書夢寐身又辭千里幕去布一同春  
路想多歸戶舞陽地薄民多逃庭應絕滂民舞陽地下歲大雨河決輒滂

青衫莫嗟嘆知己在陶鈞

飲張承制園亭

百年生計一張琴敝軫枯絃抵萬金世上幾人曾入  
耳樽前此日是知音清風明月虛無境白雪陽春寂  
寞心莫訝南薰沉聽久致君基業用功深

和陪丞相聽蜀僧琴

小園豈是春來晚四月花飛入酒盃都爲主人尤好事風光留住不教回

八日探菊

行遠墻邊菊踴躍賞物心秋風應有意明月是知音酒惜浮花醉詩留把葉吟兒童欣佳節撚藥試黃金市得笛竹簞因成詩

八尺枯冰簞一筒小軒拂拭趣誰同罇前聲負千盃月窗下光羸一枕風易向曲肱增舊意詩因仰看有新功蠹書圍繞高眠處夢與塵埃路不通

伐檀上

九

廬山道中遇黃介夫因寄四十字

冷日蒼山下相逢笑又顰文章已膾炙名位尙埃塵昔見纓嘗請今言雉欲馴介夫新授安邑令腥膻滿南郡忍醉解池春

次韻和雪霽遊西湖

雪會遊人意元朝變物華醉鄉銀作界詩客玉爲家魚影紋冰殼禽蹤篆霞沙餘英恐銷盡日斷夕陽霞次韻向元伯春晚有作

好花未得千場醉風雨飄零又一春自是勞生無暇日芳菲何處解孤人

次韻居正暮春感事

物報春光去已深殘紅滿地綠成陰晚花便好吟詩惜餘景應須載酒尋歡意莫教時節挫窮愁自倚歲寒禁亭園况是登臨勝何必流年動素心

次韻元伯西軒桃李

李白桃紅氣味奢早須分付醉吟家春風春雨難期信便是無言做落花

望春偶書

信馬尋春上古原天工一幅繡平川花應笑我將詩句便當遊人費萬錢

伐檀上

十

次韻居正四月牡丹

時飲過客於丞相後園

四月殘紅日日稀平陽園檻正芳菲春知東館酣賓客應是陽和未放歸和元伯走馬看牡丹

城中走馬趁殘春詩別餘花句句新何似園家不吟醉姚黃魏紫屬遊人

次韻元伯初夏南洋河卽事

芳菲去絕音塵臨水踟躕景又新應是溪源來最遠落花流水洞中春

次韻子儀初夏偶作

醉紅方寂寞吟緣又裝成急雨荷宜聽春風簾可迎  
燕忙諳物態花盡見時情獨有無言意不知枯與榮

看春勝偶成

每看春勝獨嗟咨踏踏塵埃已十拜韓老有知應笑  
我歸時無計只癡兒

陪丞相遊石子澗

賓吏親携澗底行潺湲風遞似相迎只應山鬼知公  
意乞雨新添瀑布聲時久晴  
新得雨

澗下禽魚識上台聽泉履跡遍蒼苔巖邊不欲踟躕  
久只恐商王夢遠來

代禮一

次韻和眞長四季牧童許昌

怯雨宜晴不識愁去隨青草牧春牛無人古路歌兼  
笑歸去山花插滿頭

曉牧侵星大暑天晝尋芳樹綠陰眠惜牛不使衝殘  
日歸帶黃昏飲小川

角穿黃穗手橫笳秋到人間有鬢華落日西風歸去  
路枯桑黃葉兩三家

枯笛手持無律呂清風曲調逐時新數竿冬日渾無  
價暖靠牛眠不教人

次韻元伯曉出白門

山形雲染萃屏曲溪色練鋪銀漢東樓臺一軸古今  
本行者往來圖畫中

栽竹

小檻栽培得此君綠陰疎韻似相親從來風月爲三  
友吟社新添客一人

嵩山許昌

峩峩鎮中夏峻極萬尋齊突兀磨天頂窈窕入地臍  
中林興夏覆半壑臥秋霓泉恐連清漢峯疑擁碧圭  
雲高四夷見雨到八方齊渤澥看如帶青冥上是梯  
醉堪捫日月吟可摘萑奎翠蓋何時動金爲玉檢泥

代禮上

隱眞齋庭多怪石小詩求數株

曾經禹貢清泉骨禹貢青州岱  
狀松怪石今是莓苔幾世孫知  
君突兀滿庭下乞我雨中雲數根

和元伯中伏夜雨南洋河水泛

雨洗三齊中伏月乖龍連夜起雲門青之南山有穴  
出雲故曰雲門  
溪聲斗似銀河落驚斷詩書一夢魂

登鄆州谿堂古鄆州有谿堂與州偕廢其地  
去今治所十五里好事者跡其  
名爲之韓公  
詩石存焉

仁智模來物狀親登臨宜入古圖身慣看韓老詩中  
景樹色泉聲似故人

中秋夜月

人間共賞中秋月酒社詩家意味長天上必應霜露  
早桂叢凋盡飽青光

古詩上

輦下會里人子蒙飲

秋風吹客衣歸思入夢寐相逢在千里一飲勝百醉  
果脯隨分列不減到家味平生金石心顛倒獨莫弃  
何時不搔首共話醫國計恨未得杞梓欲把斤斧試  
塵埃鞋履穿各走車馬地唯茲栖栖懷酒碗可以慰

探春

餞檀上

三

春色若有價黃金量山丘幾擬把酒吟浪欲開口酬  
今朝庭柳枝拘折絲已柔東風弄五色漸落草木稠  
我嘗賞春資饗盜蟻已浮山川天開蓋祗擬酌酌遊

對花

詩昔甫自在造化困刀尺我生幾年後浪自鐫頑石  
對花雖把筆好句恨莫得未陽與采石孤墳沒荆棘  
幾欲肉白骨再插風雅翼海為一杯酒地為一領席  
醉坐吟萬物語出埋霹靂乾坤髓可掬鬼神淚可滴  
人生貴適意身是天地客糟牀不可乾吟紙須強擘  
花落若解醫有金費千鎰

和白雲庵七首

白雲庵

白雲無種滿地生有時出山為雨露老僧惆悵望雲  
歸晝日庵前自來去

清風軒

老僧拂榻人不知獨與清風事來去朝昏宴坐向軒  
中此身便是清風主

宴坐臺

老僧坐見萬物空往往終日居此臺破衣兀坐若枯  
木山鳥不怕行莓苔

餞檀上

西

醒石

老僧拂拭待遊者雲骨一片莓苔青塵埃萬事心若  
醉到此不覺令人醒

磬石

古樂破散鄭衛起走入萬物不可名山中惆悵莫能  
到疑是舜時韶一聲

明月臺

老僧山中嫌月窄夜獨上高高臺四邊不冒着閑  
樹故要滿坐清光來

白石澗

林間旋疊石爲路日日自溪澗底泉老僧意趣以童子洗手濯足聽潺湲

登扶風王宗元山亭

雲收南山頭太白青崔嵬我有泉石夢坐對懷抱開  
小池數斛水涉鳥來毳毳遺翎與行跡縱橫在蒼苔  
憶得釣磯上到家如一迴疏畦參差綠採援助酒盃  
痛飲不能去遶行猶徘徊主人林巖癖笑傲蒼烟堆  
心憂百里病良田正黃埃欲知主人喜雨抱山脚來  
圖經云太白之半有橫雲如瀑布則對雨常以爲候  
故語曰南山瀑布非朝即暮時久旱始得雨以爲喜  
故云

伐檀上

賦得退之畫像

功名已寫後世耳身入人間圖畫看歎息浮圖滿天下猶疑怒髮尙衝冠

遊石龔寺

飛泉自有迎客意聲到山前入人耳泉聲引行不知  
疲石路磽确折屐齒長安曉滿車馬塵林岳夜夜來  
夢寐雲烟郊原鋪古圖心眼開快明如洗渭流屈曲  
成大篆書破野色爲綠紙丘墟沉吟古興廢秋風正  
入紅樹起折碑斷垣卧荆棘意思紛亂不可理窮幽  
更下蒼崖根把酒坐聽潺湲醉山花似欲勸苦飲時

五

散清香入人鼻奔走恨不身長遊喜寫姓名藏薜荔

喜雪

長安雪一尺朝扉失南山坐喜疾疫消敢避衣褐單  
關中西征後所向饘粥慳去年新錢做千里成彫殘  
漫漫豐穰後風俗開客顏秦人飽稼穡共望倉廩寬  
幕府俸薄少藜藿日滿盤明年麥定好慰喜聊加餐  
次韻和松逕

登大雲頂

行人早亢日共陸蒼烟姿豈識雪霜心但輕螻蟻皮  
終爲棟梁用莫歎斧斤遲楞柳盡儀象後凋終不衰

伐檀上

區區霸迹欲知小試絕大雲孤頂看老僧指我日上

處鏡面瀉出黃金盤青州去海尚踰二百里寺僧  
云山頂日出時往往見海

古詩下

送黃景微西遊

先生古肝脾久恨不得識唯聞公卿家要作門下客  
千載卞和淚爭磨薦書墨姓名落四海履雜車馬跡  
塵埃十年衣幾度改顏色紛紛九衢中拭眼見珪璧  
做得埋眾人胸肺無丈尺從來飢渴心旣見轉不釋  
斗酒聽語論今古吐白黑秋入汴柳枝買馬欲西適  
虜方豺狼驕似漢子弟國子知弱諸侯必得主父策

六

謝劉簿李尉見訪

詩書卧蓬華柴門畫方開  
官劉與李馬蹄破蒼苔  
林居厭鼃鼃喜振敞席埃  
見此六翮姿茅荆共徘徊  
我欲駐車轍蔬果傾舊醅  
山花恨未饒無以助酒盃  
今古飽夜話痛飲勝百迴  
春風旌旆滿匏瓜去難陪

送郭評節判磨勒

已後長安

塵埃衣襟改顏色獨洗青衫三十年  
足跡不入奔走途來往銓戶鞅履穿  
一時同上青雲人往往裨補造化  
權朝梳滿手見白髮歎息不置齒  
牙間只言歸田有幾畝種秫欲釀  
山中泉腰邊卽見佩銅墨我喜百

里瘡痲痊

代禮上

七

登見山樓

太守終南爲客主出入厭倦馬與車  
與山朝夕欲還往作樓近在室一隅  
主人去久山寂寞正值青帝催焦枯  
我拘簿書甚枉械擺脫步上提酒壺  
郊原猶未見春色似據水墨長安圖  
也知好景天更惜高峰常是雲模糊  
安得風伯持大箕掃灑百里如屏鋪  
顯味萬狀古詩國收拾可禿千毫書  
我來願作風雅戶醉倒坐待明月扶  
去家若有巖下夢免復夜夜尋歸途

和題竹軒

小軒移得清風枝知君公退來忘機  
山禽自識主人慣客到有時驚不飛

下蒼

古人欲寫得喪形萬事盡在方罫內  
黑白勝負無已時目送孤鴻出雲外

暑軒夜坐

夜氣入庭樹小軒坐前簷清風動巨  
筆浮雲捲重簾月遲待交舊蚊噪憎  
諛輕涼者可買金願量谷巖

聞蛙

佞舌兒女柔異教蝮蟾喧豈能聽蛙  
鼃靜枕詩書眠

代禮上

六

能一作如

憶竹亭

蓬萊楚山底傍去聲合竹四圍狂鞭入  
門戶亂笋爭墻籬與竹事還往相對  
一束書壯長走世路驚駘強鞭笞塵  
埃客灑澆遠夢夜夜歸小亭久不理  
漏棟生白芝偶放簿書筆杖屨改舊  
詩呼童誅蒿萊掃灑莓苔基誰庭無  
花卉憎有兒女姿獨移蒼烟本慰我  
千里思坐生山林趣亭園有光輝免  
使清風來留在桃李枝月明遠竹步  
撚挽頤頤領髭相向若知己動搖影  
參差人間欠藥石稚乳驕羌夷青衫  
汗汗垢寸尺莫可

神忍作倉廩盜盜老詩書飢養筍爲釣竿早晚耕蒿

和百塔寺四首

四開亭

亭前流水醒客耳亭上白雲開客顏老僧有意厚來往四面更令看好山

聽泉 近詔天下收古樂

五音入耳大聲散情性破碎不可完而今虞舜欲儀鳳願獻泉譜爲詔源

茅亭

伐檀上

九

我我佛屋瘦四海志士歎息傷容顏高僧淳拙有深意獨自結茅山水間

水閣

山僧聽泉心不足鑿池汲引爲蟾泓自言猶欲洗浴

耳夜靜爲聞鼃鼃聲

和暑雨偶書

暑如煎烹欲狂走猛雨似洗沉痾瘳寧知詩書一枕夢便作桃李三春遊蛙蝸叫噪若交舊蚊蠅癡鈍如仇讎今君病起正高卧莊蝶處處宜相求

漁家 長安前詩

插屋數竿網穿籬幾尺船水鄉菱芡兄不著免租錢 時江南訴旱

宿趙屯

蘆花一股水弭楫日已暮山間聞雞犬無人見煙樹行逐羊豕跡始識入市路菱芡與魚蟹居人足來去漁家無鄉縣滿船載稚乳鞭笞公私急醉眠聽秋雨 此詩與大孤山二首山谷嘗手書刻石于南康星子灣有跋見別集

宿采石

秋風宿蒹葭花落若霜雪江山古興廢荆棘壘出沒水收鳧雁聲夜靜寒籟發漁舟自來去笑語載明月

伐檀上

十

詩形動筆墨恨乏風雅骨謫仙爲黃土冢平名突兀句編天下口千載字不滅人間比與復泉底魂魄悅坐誦姑孰語酌酒當棗栗醉夢若可見好句當須乞 謫仙有姑熟十詠

擬歐舍人古篆

隸書滿紙籀文廢字法破碎失本根中間陽冰入篆室下筆日與丞相親點畫各得萬物體科蚪筋骨千載新泉銘學語童子知大歷幾字名忽振足知古人自負恃碑峴巨石垂千春篆字堆積天下字晚得紙本如希珍鋪舒墻壁動人眼直木曲鐵若可捫人爲



黃土久寂寞略不訛缺纔鱗皴我疑山鬼恐漫滅往  
往鑄鑿施斧斤公來醉吟江山國得之愛歎何慙慙  
刻詞猶恨紀不足句句與古風雅隣一旦紙貴文字  
市粥詩賈篆聲云云蘇梅鸞鳳相上下鄙語燕雀何  
能羣蘇子美梅聖俞同有此詩

### 大孤山

彭蠡百里南國襟萬頃蒼烟插孤岑不知天星何時  
落春秋不書不可尋石怪木老鬼所附茲乃與水司  
浮沉鳴鴉大藤樹下廟祭血不乾年世深軸轅千里  
不敢越割牲醴酒來獻斟我行不忍隨人後許國肝

伏壇上

圭

膽神所歆落帆夜宿白鳥岸睥睨百遶寒藤陰銀山  
大浪獨夫險比干一片崔嵬心宦遊遠去父母國心  
病若有山水淫江南畫工今誰在拂拭束絹傾千金  
右與宿趙屯同載石刻

### 汴河

汴都栽栽在平地宋恃其德爲金湯先帝始初有深  
意不使子孫生意荒萬艘北來食京師汴水遂作東  
南吭甲兵百萬以爲命千里天下之膺腸人心愛惜  
此流水不啻布帛與稻梁漢唐關中數百年木牛可  
以腐太倉舟楫利今百於古奈何益見府庫瘡天心

正欲醫造化人間豈無鍼石良窟穴但去錢穀盡此  
水何必求桑羊

### 樊侯廟

陰森樊侯廟古木澧水傍茲民畏如生奔走豕與羊  
家家奉侯諱若在父母堂舞陽老幼以侯名爲諱我來憩行役  
再拜奠公觴綺思英豪姿名與此水長風偃眾樹枝  
擬若怒鬣張陰官有兵師想在賁育行今茲戎虜驕  
內爲府庫瘡安得七尺軀長戟再激昂橫行匈奴中  
庶以康肺腸

### 遊石池潭

伏壇上

圭

吾家溪潭動百尺坐見遊魚可倒指月明無風水不  
動鈎絲鑑中出朱鯉乘閑具酒席草岸呼網一舉常  
百尾鱠霜炙玉眠鴉夷樹掛落日醉不起幾年手版  
負青山趁魚舫聲不入耳涼秋九月役吏事瘦馬奔  
走黃葉裏有酒不得好景飲訪古或問芻牧子指我  
石池十里近蒼苔畏崖碧無底楚王北遊歎寂寞創  
奇造幽有遺址舞陽民傳楚襄王游此臨河以石爲池我來徘徊知是  
否廢典盡可付流水髮髯故溪在吾目濯手漱齒有  
餘思開樽喜與風景遇蘆花入盃勸人醉漁翁有意  
助酒卮青竹盡日垂空餌我疑溪靈斬異景不遣紅

鱗滿人意人生天地未歸客計較貴賤羞犬豕當須  
醉倒載月歸不信鄉夢留不止

食鱸

秋風葦魚肥兔置噉涎落溪友入畫夢但苦青衫縛  
落日渡河水食指相悟覺宿夕治鱸具共作泛舟約  
網罟遮青苓老鱗薦絲臙玉軟飽下筯坐視看果惡  
酒薄如疲兵對此得衛霍迴首食五鼎適意均一樂  
人間軍須後甌釜有熬薑甘鮮豈敢事聊此慰寂寞

舍  
家僮來持雙井芽數數飲之輒成詩以示同

伐檀上

我疑醇醲千古味寂寞散在山茶枝雙井名入天下  
耳建溪春色無光輝吾鄉茶友若敵國糞土尺璧珍  
刀圭嗟予奔走車馬跡塵埃荆棘生喉頤衰雲為腴  
不可見青泉綠樹應相唾長鬚前日千里至百芽包  
畏林巖姿開絨春風若滿手喜氣收拾人恐知江南  
陽和夜欲試小齋獨與清風期石鼎泉甘火齊得混  
沌不死元氣肥詩書坐對為客主一啜已見沆瀣醕  
通宵安穩睡物外家夢欲遣不肖歸不信試來與君  
飲洗出正性還肝脾

靈井

何年清泉眼幾斛涵蒼苔囊益日夜至長滿莫可涯  
天旱不知竭眾流起黃埃洵綆乾未定能使沴氣開  
大旱涸井竭其水廟祠失根柢故老奠酒盃井傍有  
持雨或  
必得雨以為常  
公廟 蠶民呪粟粟千斤意徘徊臘月民持蠶紙浴  
井中必投粟粟咒  
祝其辭曰齊起  
齊眠千斤萬斤兒童憤冷暖預知春秋來臨之鑿鬚  
眉方鑑無煤始窟穴若喉吭我疑吐雲雷何當鞭蜃  
螭與國驅旱災

過建成侯廟 陽翟

鳴鴉古木末飢鳥啄腐柯下有黃侯宮清風在藤蘿  
公昔為刺史俗若閨門和德銘頌人心千載不可磨

伐檀上

至今奉如生慢侮莫敢過破祠望道路丹簷獨戔戔  
春秋養豚肩里巫日婆娑牛童不知此來往夕陽歌  
過許由冢 在箕山上  
其下潁水

稷契寧渴死不飲箕潁泉先生獨洗耳不聽天子言  
清風飽進退千載何悠然孤墳沒荆棘高名爭青山  
嗟我迤邐身一命行十年味薄無辛鹹璞頑廢雕鐫  
朝行箕山麓莫挹潁水源竹帛何處所搔首熊魚問  
白雲要閑友尙苦兒女牽丈夫合勇決顧計羞面頰

洛陽道中

秋風滿巾衣洛水行飲馬山川氣象老身若古畫

嵩雲知客心峯色如掃灑荒草徧丘墟沉吟動舒瀉

過少姨廟 少室山下

陰森老柏少姨廟爐烟蓬勃疑行雲祭盤狼籍山鳥  
飽巫祝生涯來往人

竹軒

小軒與竹事還往庭下寂寂無客塵開書讀對聖賢  
語一畝清風為主人

賦聞角 得德字

角本金鼓傳獨坐昏曉色日收雲氣黃月斜霜露白  
征夫朝夕聞淚落甲鎧黑時平腐棗韃白首眼不識

伐檀上

嚴城重啟閉不廢角人職老農鼓腹聽安識天子德

賦小桐

小桐纔幾尺氣壓百歲樗雨露意未飽風月韻已孤  
鳳凰宵寂寞燕雀空踟躕天地有和氣想為桐之腴  
我願刻作琴獻上九重居坐使薰風還雖死骨不枯

賦輓轡

火雲旱風苗欲死曲木直縷寒泉深耕夫淚濕原上  
土老圃願盼輕黃金

賦古佛

樹老枝半死碑斷壁底眠古屋顏色改有佛獨巋然

蒼首上兩足壞臂蔓草纏野老每再拜往往報豐年

孔祠照四方制度丹雘妍朝夕過其下孰肯為恭虔

土木茲僅分吾民信益堅佛法入人心誰與斷其根  
蒼蒼不可問用意或者偏木蠹罪豈大付與啄木權

胡不啄佛徒使蠹民之天

高六日先生深探名理集  
中稟見此作定有所誤  
者莫違以  
諉佛義

碑 得今字 此首原闕其半今仍存之

卧敗壁陰莓苔入破字欲讀不

辨展轉風雨侵塵冗夏蛙宿草

煨可礪老婦寒可礎伊非浮圖

伐檀上

予聞鼓陽鼓篆法抵萬金存者

涕泗霑 周宣王蒐于岐陽刻石為十鼓  
今具存者九而已字猶畧可讀

次韻和中伏坐夜

萬兵昏雨過暑斗插雲傾老佞溪蛙靜真交海月生  
遊氛褰幕帶遠籟起莖英清洗塵埃慮幽通造化情

酸鹹時味薄寂寞古途亭去象筌真意無形寫天聲

詩疑窺杜子文欲造盤庚身在清風國神遊白玉城

希夷乘浩氣沆瀣飲元精坐久忘昏寐迴頭有啟明

灸贅疣

贅疣在予手累久至三四初視君外物於意不能置

居閑或炙灼已沒出復繼贅出與贅沒曾莫生死異  
天地贅一氣萬物贅天地贅復贅於人小大而已矣  
人之於為贅作為有大盤至理本無事破真以為偽  
善惡亂大性賞罰亂大治宮徵亂大聲青黃亂大賁  
寸尺亂大刑酸鹹亂大味大樸如瘡疽空虛無完理  
天地不爾仇爾獨贅之計恥指不若人孟子其有謂  
志小略其大殆非達者意弃火復投艾兩忘吾贅贅  
賦八月竹

我養一軒竹秋來成綠陰萬物有衰意獨懷霜雪心  
西風嵇叔醉明月白公吟迴首看桃李何嘗費百金

遊雲門山

南山州之屏平四時改顏色日夕太守宴供帳減繪  
為更求秉燭飲圖寫在四壁烟雲時藏埋景好疑愛  
惜我官府中塵喜與山相識泉石未還往愧負苦通  
責秋風復杖屨持酒窮勝僻莓苔轉蒼崖郡國在几  
席廢與賦飛鳥牛羊自朝夕風物墓大句才薄徒喋  
嘿唯作酌酌歸山月吐半壁沉吟又慰喜三友添飲  
客子於著居之南作亭朝夕以與風月往還  
客名之曰三友其南軒與山相值故云耳  
携家遊矮松  
矮松名載四海耳百怪老筆不可傳左妻右兒醉樹

下安得白首巢其巔

庭樹聯句枝字為韻某王甫

婆娑庭中樹老大千年枝某百弓蔽赫日四坐生涼  
颺甫影怪疑龍地聲和認墳篋某未被斧斤賞敢辭  
塵埃欺甫輪困壯士歎冷淡童子嗤某盤根得地固  
挺材本天資甫粉榆謾百尺杞柳徒一園某節堅費  
刻畫莫訝繩墨遲甫枝狂躍蛟虬瘦怪蹲熊羆有時  
相摩擊往往霹靂飛某篩月碎玉散障日翠幄垂甫  
腹空懶龍卧賓少飢禽悲敗葉童僕憎清陰兒女嬉  
堂萱小人態培藥老婢姿春琴似竿笙夏蛸若葉糜  
提孩不出戶知時如箸龜某得成孤高狀敢忘去聲毫  
末時甫身遭藤蘿蔽心與松柏期某晨烟拂抄起落  
日侵梢齊甫老蠹病其中啄木為良醫公輸不在世  
志士空嗟咨某止知梗柝高苦厭樛櫟卑甫大屋必  
欲構老匠寧終遺某棟梁如採收散財安足知甫  
班石枕聯句向宗道某用覺藥二韻  
斷得西山骨磨礪露斑駁凝結一何怪宗道形模萬  
難學直疑彩雲根某又訝紫珉璞中瘦皺蛟腹宗道  
外文灼龜殼冷剖清泉肝某穗稽老鼈脚堅方君子  
性宗道清純聖人樸有氣當補天某無瑕應並穀定

漬盤古苔宗道想漏神農藥堪作夢寐寶某尤是炎

蒸託眼月病頭愈宗道橫風醒肺濯珊瑚侈可唾某

陶甄脆堪撲夜深壓鬼驚宗道晝冷詩魔愕首愜無

俗夢某心清去煩惡斬葦方敢友宗道蜀笳良可攬

何必檄愈風某何必文驅瘡質任兒女咄宗道頑宜

僮僕謹枕流固迂誕某籍糟徒落魄潤生審將雨宗道

道輝發疑有珏鬪體莊生狂某虎魄宋武薄欲鏡中

郎銘文章體猶弱欲祕淮南書神仙志非樂宗道我

疑混沌鑽誰與躡窳鑿可作甘寢與華胥詣冥冥某

子道足施爲我拙困嬰縛已謀具巾屨行當老蒿藿

伐檀上

无

子其乞我歸終焉卧雲壑宗道嗜好我已癖須求子

雖慙瓊舊玉固惜瓢陋顏不博異時一經子便當干

金囊客退獨摩佛卧送山月落某

送蘇田司理

秦人勇鬪暴獄訟號難理錙銖較罪法闕責莫可避

蘇生決曹掾以明縛姦吏我見獄戶囚出入有平氣

章章三年課已在山公啟六月暑濕衣出汗若炊爨

俸微迫朝夕衝熱事行李一身不能調送子腸腑涕

送李室長慶州宣觀

我愛孟堅文學飽持筆去作將軍客鋪張大漢征北

功手擣直上燕然刻千載事掛單于眼至今猶若擒

白黑幾年羌夷瘡一方窟穴未掃壯士瘡我生南方

長詩書愛國區區肺如炙欲於塞外勒姓名往往夜

夢賀蘭石一來長安事刀筆駕駘不展芻粟力我我

李公邦之梓聲載百郡埋霹靂今年權佩慶州印上

馬威至吞秋色羌夷奔走若奴婢榜面童子嗔可摑

白頭慶民能記數上前時太守有陰德君之祖前試

求園中手栽樹邊人應作甘棠惜老幼事公如父兄

爰帖不敢相干極子來別我省塞上霜風漸著邊樹

赤塵埃恨絆不得往安得鑽肩生羽翼子今才華筆

伐檀上

三

端富山川去入風雅國黃雲白草牛羊肥區落雞犬

晴愿愿將詩寫作聚米圖歸來爲我一指畫

和柳子玉官舍十首

心適堂

一屏一榻無俗塵左置枯琴右開易重門不閉誰往

還明月清風是相識

思山齋

吳兒心著吳山深終南滿目不自慰有時蟬蛻音几

邊夢到五湖千里外君吳人

小池

清泉數斛關幽事坐見鏡中魚往來浮萍蝕盡秋月  
面霜爲一磨如匣開

新泉

牆根新冽寒泉眼風廊一股來泠泠音靈燈花夜半知  
我喜恰是舊山穿石聲

竹塢

笋隨人意疎處生清風如歸自來去雖然不與俗子  
期陰過隣家亦銷暑

土榻一云榻前鼓吹蛙一部榻上古木吟  
風雨客來相倚曲肱眠免令不解山

代檀上

牀前一尺二尺泉牀後三枝五枝樹眠閑圖似在家  
山夢魂不使東南去

怪石

山阿有人着薜荔廷下縛虎取莓苔手磨心語知許  
事曾見漢唐池館來一云山鬼水怪着薜荔天祿辟邪眼莓苔鈎簾坐對心語口會見漢唐池館來

茴香

隣家爭插紅紫歸詩人獨行嗅芳草叢邊幽蟲更不  
凡蝴蝶紛紛逐花老

蜜蜂

秋成想見香租入菊露楓膠蜜幾牌日日仙僮掃紅  
葉蜂衙知是主人歸君權酒卯入申出

芭蕉

有底春風能好事解將刀尺翦青天知君新得草書  
法旋卷碧雲供小牋君善草書

送楊侍讀自長安之蜀

西征七年四方病關中所向尤瘡痍欲令福星及樵  
悴千里特輟廊廟姿公如手持天子德家至戶到人  
人施秦俗鬪暴號難理列郡京兆猶鼎糜公來寬假  
訟訴少桎械顛倒生菌芝神疑公惠人人凌六月巖

代檀二

重

谷囚雨師零壇滴酒土未乾霽霈已洗旌旗歸今年夏公  
三禱雨老農笑呼刺史雨菽粟茂好公所携關中自  
皆卽應十年其地未嘗俱大收今年夏秋田高下幾年軍須  
盡豐民往往指菽粟日此是侍讀帶來俗枯槁老幼不足蒿與藜薄田今亦夏秋稔寶窖飽  
滿鷄猪肥公之去思甚明白眾口已寫德政辭鏤鏡  
不要路傍石人心自是長安碑今年夷馬飲瀘水直  
土新佩黃金龜公所拜蜀國侯相如才高去諭蜀弩矢故事  
重光輝蜀人雍人欲把寇恂借益部已歎廉公遲傳  
巖今屬九折外帝夢卽往西南涯

答王甫判官示遊興慶池之作

東池十里近遭匪風物飽南山苦戶屏登臨四時好  
我初來長安脚擬朝夕到纏綿簿書間拘窘若囚盜  
一歲無幾至荏苒成吏考夜夜千頃月只供釣魚老  
平生林泉心探奇欲傾倒咫尺迺尚爾滿意寧可保  
君官苦近市危坐若林檎偷閑嗽嗽中躍馬志敲暴  
登覽足意思滿腹若瓊寶歸來成新詩使我愧懷抱

依韻和酬雷太簡見貽之什

生長詩與書不信世道難出處愧古人章句得一官  
舌強去聲不有柔開口誰欣歡十年走塵土踏踏苦地  
寒紆朱非良貴寧較厚與單古心自突兀胸中鬱萬

伐檀上

重

端昔常玩於水今乃知其瀾身心已灰人事鼻可  
酸病卧得君詩喜拭昏膜看意遠辭淡泊稠重欲相  
寬以言藥我病吳鱸佐素餐大句牽勉酬韻高語難  
安

謝崔象之示詩藁

古樂治情性故使風俗完鄭衛入人耳雅正聲日殫  
教化走薄惡靡靡如轉丸全音不可見來往寂寞間  
我疑至和意獨落詩人肝或以鳴道德或以傷憂患  
存者三百篇興寄青與丹至今如清風留在喬木端  
敦厚久衰落坐見王澤乾後世其得者或謁道之門

夫者抱大羹競下鹹與酸最晚李杜出遂將風雅壇  
內以康心脾睥睨萬物根予早酷愛慕強把屈匄鑽  
當食對藜藿誦之若熊蟠崔子我同好韻宇嗟璞渾  
其詩長於適意趣猶脾豚巨軸踰百篇抵我輕瓊瑤  
得之忘睡眠夜拭腫膜昏若遊金貂市時見太古冠  
淡泊路久芾共約鋤榛菅當結明月期與君酌醇源

次韻和真長幕中偶書

人情歲時登鄉縣自無訟公庭破莓苔日苦黥徒送  
幕府隱詩書黃堂卧梁棟幾字暑紙尾朝夕寧倥傯  
塵土安止足性情適吟諷收心觀無始靜卧憫群動

伐檀上

重

勞生惜出處欲把清風韆青山自無價夜夜有歸夢  
但知陶潛卑寧識賈生慟夜雨誦君詩一盃齊費用  
次韻和酬真長對雪之作

西湖主人久未至雪雲我為開吟天偷閑把酒羅膾  
鯉魚凍難趁煩鳴舫旋求野果向山市僮僕覓路占  
平川恍然白玉為飲國寒威醉思相翻翹顧盼萬景  
來筆端濡染欲寫毫已堅初疑萬國會盟散斷珪破  
壁盪枯田禽巢一一鶴上下水殿掃灑迎群仙又疑  
水官愛雪柳故把眾庶為飛絲我思江淮有流民往  
往匍匐道邊朱門意氣與寒競上馬酒面紅欲燃

天將景與富貴買不知一費幾萬錢詩家把筆爭造  
化對此自恨才慳偏徘徊嗅嚼醉還醒上來往但見  
鞦韆穿歸來庭樹玉花落稚子狂走皆華顛擁爐搔  
首有餘意喜與麩麥為豐年夜闌更欲和月看坐久  
諷誦瓊瑤篇調高白雪古難和思短強被詩魔牽卒  
章我欲涕淚下連茹固已知君賢

喜雨上文相公

火神侵官弄胸臆青帝欲滿勾芒慵時春未雨驕陽暴  
苗不得秀風俗相顧無顏容我公裨補造化手乞許  
暫息平姦驄公常乘驄馬西湖景好天子借訟簡朝夕臨

伐檀上

誦

青銅忽窺庭民有旱色輟寢廢飯忘巾節公閑暇常服道巾節  
杖生來訪求雩法得古本若可舒卷陰陽功除壇規  
土插未動精意已與神耳通雷官風師不敢息先時  
奔走鞭群龍稚苗霽霈飽哺乳一夕換得千里豐老  
幼懼呼相公雨喜氣醞釀為和風一封朝緘萬室意  
慰減焦思寬九重選牲祀龍益傾倒大宅不滿猶忡  
忡樸愚幕吏解公意期雨霑足環海中不以一郡喜  
為喜喜憂天下公之公

次韻和象之夏夜作

大暑暴虐如惡酒意思頹困不可醒日官我疑借炎

熱昊輪出火星熒熒霏然一雨醫晚景庭樹洗出蛸  
蟾聲微雲掃灑供夜坐造化似解通人情清風明月  
作三友趣君可買輕連城恍然身在冲泊域目空萬  
狀遺骸形此特象之入詩國句句鍛鍊鑪錘精窮微  
心到混沌側高處意氣捫日星詰朝携詩示我讀飢  
腸嚙口逢珍烹義幽語險索突解如手捕虎不敢停  
歸來牽勉拾餘思魚目愧傍蟾蜍明

和象之雨後望少室山白雲

塵埃奔趨插手版十年已賣山中閑相逢少室若交  
舊白雲與我開容顏風驅烟氣去做幕天覆碧玉無

伐檀上

誦

瑕癥我疑岳神宴天上掃灑伊洛為圖看又疑山鬼  
有寒稅續絮萬疊輪陰官色如可餐無厭飽頗梨為  
飯炊琅玕去去還觀不能已一里迴首百據鞍長安  
許生以畫名閑暇拂拭新素絜能求山高水深趣常  
恐造化在筆端每觀雲泉得意處擬寫男女家其間  
今對異景慙首鼠愚若犬彘編槽欄君詩託我有深  
意明月一盃心往還

席上賦別南宮希元

十年眯車塵思歸入夢寐晨興見家山兩目如去翳  
故人又過我相對有餘意當樽話舊遊強笑復吁歎



君名在鄉書捧檄不胥去高堂愧白髮有淚落鞭轡  
里人獻吉夢四壁眾所議希元應鄉書里人獻我喜  
先子言在耳若龜筮先子嘗云希元孝而好學必不窮人生老聚散  
酒薄滿莫避相見意最長強去聲飲不能醉

次韻和劉卿材見寄之什

風波一相失倒指歲月耗交情見千里文字每教告  
胸中飽耘鋤勉我獲以道踟躕竹帛間相期古人到  
十年走塵土心不勇於踈迺知鑄磨益不必硯席好  
手報切君屈百里官卓趨而魯蹈不使鞭朴教人情自  
傾倒訟稀禾黍登醺若飲醇醪使者席未煖姓名達

伐檀上

三

珪瑁部使者下車必亟麒麟踴躍起志遠無近報冀  
土醜醜者錙銖較稱號青冥脚可插泥塗迹將掃寧  
知西山民靖安帶西山之麓歸車恐君膏我行省板輿假途  
期間勞理聲如壁隣歎息不可造予道出海昏去清安纔數舍遙  
期枉佳作綢繆肺襟奧大句驅老意本古風雨暴驚  
味無厭已敗者豆籩犒我輒牽勉和徒手大阿胃酌  
酒持君詩吟哦舌根燥

和西湖雪中泛舟之作

時安公鎮許

冬旱種不入賴人無顏色上輟霖雨姿福此千里窄

公來視民憂身若抱病癖霖雨變飛雪萬室如藥石  
幕府環鄒枚共喜妖泮釋欲有瓊樹春選地得勝僻  
刺舟敲湖水坐泛白玉國持酒與寒競醉倒無顧惜  
餘羹入孟葦似解勸飲客而我坐席末斗筲寬一石  
景值風雅匠萬狀困刀尺鳴鳳相上下獨愧如螻蝻

送同年張明遠之興州掾

赤鬚苦顏貌我怪意氣揚人曰黜文登茲事可降霜  
歸來卧詩書藜藿甘肉梁迺知吾同升喜此劄肺腸  
甘脆迫朝夕拂衣莫安遑興山在何處蜀道難且長  
妻孥客蓬華板輿獨彷徨寄其孥青州獨迎母之官朱門腐鼎俎

伐檀上

三

天理何茫茫

皇祐五年三月乙巳齊大風海水暴上壽光  
千乘兩縣民數百家被其災而死者幾半丞  
相平陽公以同年李君子儀往賑之以詩見

寄因而和酬

鹽民沒利家海隅奔走末業田園蕪天意似遣陽侯  
驅卷水沃殺煎海爐怒濤百尺不及逋老幼十五其  
為魚耕夫蠶婦來躊躇百金不易箔與鋤齊人言蠶者舉箔為數  
我公偃息哀其愚埋掩尸賂賙惇孤吾黨子儀馳  
赤駒口賚公惠人人嘯日走百里嫌昧瞞不飲不食

顏色癯去時萬樹如束枯回首綠暗紅紫疎寄詩百  
言舉其麤我愧安飽心如苴

元伯示清水泊之什因和酬

十年不踏故溪上有時夢去千里遊每思魚行鑑中  
見青衫手版如仇讎秋風鱸肥美無價莫怪張翰不  
可留前日誦君清水吟胷中突起百尺愁兒牽女嬰  
走塵土百年一半如棄投清風明月無界畔白首願  
作山中侯君詩寫出漁者意老景一片在目眸清泉  
釣舟未入手聊可觀誦忘吾憂

次韻和酬隱直憶花見寄之作

代植二

堯

春工不揀勢厚薄染成庭內花梢紅反拘薄書似機  
械不得醉倒眠綠叢君時馬首正南走假有樽酒何  
由同馨香蜂蝶似相讓顏色開落輪東風公餘徘徊  
獨遶樹空有歎恨不可窮君雖不見紅紫落亦有惆  
悵環胸中作詩寄我憶花意句老與古爭彊雄其間  
摸寫景如畫爛熳一片春顏容乃知詩家有刀尺裁  
翦自奪陰陽功誦詩酌酒無厭已韻險強續慙非工  
送劉孟卿遊天台鴈蕩二山  
治源先生高七十山水病僻不可瘳竈無炊烟不顧  
計窮幽極怪如仇讎有時清風明月對好景霹靂拔

却大樹不迴頭四方泉石朝入耳杖履百里夕已投  
大笑箕山不敢出走避軒冕豈自由天台鴈蕩潑上  
心暑焦毛髮不肯留縈紆長淮下平席倒指計日觀  
怒濤君詩功刻造化骨吳越氣象當先愁古今吟力  
未到處好句願備幽人收此行詩是圖畫二山筆歸  
日借我目一遊

次韻和元伯南樓避暑遇雨之作

城頭歸鳥喘塌翼夕陽欄干手可炙長虹如篆報雨  
來雲脚插下千里赤南山端正太古屏飛簾掃雲爲  
撥墨安得老筆描寫佳白頭許生死堪憶長安許生  
踰八十以

代植上

明

水墨名於  
時今已死

次韻和子儀聞蟬

落日桂樹間長我庭下陰園林動秋意高蟬忽微吟  
清風轉餘聲杳若下遠岑微物感時節鏗鎗吐商金  
古樂久破碎茲蟲抱全音荒忽尙偃蹇激起壯士心  
願爲秋蟬操被之朱絲琴

和子儀巡捕蝗

天子輟霖雨茲來澤東民威聲先公至暴攘客四鄰  
下車坐無事懲勸裨春秋春物價以日減困倉飽新陳  
俗愚其何知蝗來遏公仁所至不爲災群飛亂烟雲

公慮種<sup>上</sup>吾土且爲沴氣根計丁立捕法官行勞<sup>去</sup>  
其勤老幼千里眉朝慶夕已伸我知公之德由此碑  
齊人

求郭侍禁水墨樹石

塵埃典却林泉閑家夢夜夜歸雲端知君弄筆欺造  
化乞我幾株松石看

送元伯西歸

飲者爲量無大小要於醉焉而已矣乃知一飲一石  
徒醉鄉欲到無幾爾我幸俸薄飲不多酩酊造次有  
餘味有時酒伯投客轄斗筲往往眾所鄙近得元伯

伐檀上

望

東海瀆飲少好吟性相似山青月白得意時相對觴  
詠不能已直到千古醉者心名利莫可汚其溪乘興  
弄筆窺造化混沌竅鑿可倒指須臾椽杵成巨軸更  
唱迭和若宮徵今公官滿捨我去獨有姓名碑百里  
踟躕預恐春風來青草坐見飲地起詩須數寄續百  
篇無使塵埃昏紙尾同有東秦唱和喻百篇

讀君謨補展箴

常讀賈誼書愛其極理亂言入筆未乾絳灌舌如鑽  
文帝不肖爲萬世爲扼腕漢道竟齷齪席莫一日暖  
今讀君謨箴句句到伊旦窺國見肺肝欲取以手澣

何啻可痛哭一<sup>去</sup>一中<sup>去</sup>世患設施有隆理如肉以弗  
貫可作天下藥其應疾和緩非獨起國痿虜頸坐可  
絆聖賢方相逢辨別絳與灌萬不使斯言以爲後世  
恨

伐檀上

望  
直  
承  
館

伐檀集卷上

伐檀集卷下

朱分寧雙井黃 庶亞父撰

書

上知諫王刑部書

刑部執事竊以古誅諫之君桀紂也秦也後世諫者欲有言輒曰我必自納於不測之誅刀鋸鼎鑊無所懼如此是待其君為如何主也不可古雖有此刀鋸鼎鑊之具臣出一口逆其君之鱗往往遭烹戮至義君子奮不顧身以救國家之禍蹈之雖萬死不動後世無有是烹戮人之物矣言事之臣或得責大不過

伐檀下

一宜秋儲

落一官其次出散地而已尙十八九憚此不肯言其人為賢與否何如哉宋起且百年自國初至今為諫者名聲卓卓可倒指者蓋有數其避就上下忌諱言一兩事塞人責而卒無聞者固不少也又常聞時之論諫官患在天下紀綱大體利害口未及一事而專以撫人短長褻私為故以此譏其苛細不知務誠然也恭以執事抱材通古以功名自許歷為郡縣有惠威莫不皆可紀如尉氏某十年間五六往還至今牛童馬走道之如昨日故一年拜御史二年為諫官起執事道州某居山中聞之竊幸欲以書賀僻遐不能

自達為恨今者來入銓門而執事知諫院某蒙顧待最厚且舊淺薄思無以補助謹書常所懷三者之說藉手以為獻幸執事矯之旦夕立於國初至今可倒指之列某謹拜手以俟

上宋侍讀書

侍讀閣下某嘗讀退之與邢鳳翔書曰誠懼閣下以眾人視之則殺身不足以滅恥徒悔恨於無窮竊惟退之言如此過且君子何往而不自得彼所見果賢也必無有不合果常人也其不見禮亦何足為恥與悔恨在退之一時人賢未有比其言尚如此况其他

伐檀下

二

人已乃脫然悟曰夫士以道自負不願妄為人知者其所欲往而見必時之卓犖偉人也苟為以眾人族之誠為恥至大而悔無窮者也退之言信不謬某之身生三十年讀書者二十年慶歷初舉進士中乙第其文辭未有以出人其所懷未能大取知於時又常戒於退之之說凡三來京師足每欲之公卿之庭自疑而十常七八輒止誠恐無以取重於人而徒得擯薄也竊以閣下之門天下士莫不皆願抱持其業以來取見知如某自顧何所可若前世所以安危存亡與今之得失未嘗不留于心閣下且假以咫尺地徐

索其所有未必萬無一可取也某能言耳已得閣下之名略識文字口已誦閣下之辭固願見而恨無由出門下有日矣今日來入銓門適遭閣下處待從論議之地謹以書道其所以見之意又合常所為詩與雜言四十首以見其心之所存不敢以辭鄙無可采而輒廢不以藉手也唐突甚大愧懼

上楊舍人書

舍人閣下某嘗觀於漁大其網絕一淵而驅之舉以習其得者或百若干數善魚常少而惡魚常多漁之人其意始莫不欲盡得善魚卒然惡魚并而又加多

伐檀下

三

焉蓋其勢然也今之取進士大類此亦其勢不得不爾也某慶厯初進士也時閣下司文之重輕而某以淺薄隨四百人落閣下網中所謂善與惡未能自決然閣下取於某以言也某知書以來反覆窺古人所以皇皇不暇寢與食非以筆墨為務要以所得同之眾人爾至窮蹟卒不得施始寄其心於言以見於後之人而已也某誦此而慕之已久得一官六年視職才五月入俸才三萬而困憂百端交來其姓名隸於國而身實居於閑無用之處故未能忘乎筆墨也前日謁門下辱以此問謹撫藁草書四十首以獻言鄙

無取姑見其心若何也賜觀省大幸

上楊兵部書

某見古今人用不用賢與否常相半顧趨捨如何耳以直道偶退廢於一時在人未始不愈光也故卞和則足其玉無價驥駕鹽車伯樂歎息誠所遭各有時也夫執事以公疾惡名四方在人耳目其著如鍾鼓白黑之處八音五色較然也雖舌而青蠅萬莫可汚乃以矯枉過於正齟齬一時斥不得當路而遠為一郡然為郡古二千石之重其任非輕也在執事則為散地乘田委吏皆官之賤守以聖人處之宜莫可為

伐檀下

四

乃不失曰牛羊茁壯長而已矣矧連地千里且有民願豈不足為哉其不以進退輕重固執事素物也某五年時江東信之屬吏也執事一見遇之不在眾人後既居先人憂歸山中某之友尉弋陽劉宇常致執事尚記姓名借齒牙之意世道百態自非俛仰或价人之執往往白首塵土不得上官正目一顧矧齒念不忘耶嗚呼古相知之道沒於奔走若不可復見某拙愚不能逢迎乃不階一言之助而得執事愛遇之如此雖土木尚宜感動豈不自勵也邑人莫景去為常寧令亦某之友某雖不得出執事幕下而景為屬

邑吏與某之身在無異也。某既賀景得屬執事為令，又竊喜執事得景付以民無疑也。於其行因以書道所欲言賜觀省甚幸。

上富大資政書

大資閣下某五年時與客語當世名公大人之所為。客曰：子識富公乎？某曰：識而足未嘗及門也。客曰：足未嘗及門而遽曰識何妄也？某曰：不然。某所謂識非拜於面而出其左右前後也，乃聞其言行事而識也。昔周公後堯舜千年始生，其心與堯舜相識；孔子生又去周公六百年，其心亦與堯舜周公相識。其後孟

代禮下

五

荀揚韓文中子其生也皆相去百年或數百年，其心莫不相識者也。今某為公一時人，其言與行事在天，下耳目甚著而反不能識在愚人，何以異客以為然。某平生讀堯舜周公孔子孟荀揚韓文中子之書，恨不得出於其時為其臣與子弟，矧聖神居上，舉要在列而親從下士之後者耶？方幸十四五時始接人事，學習文字耳，已熟閣下之所為，口已誦閣下之言，其後十年舉詩賦得乙第，走仕途之塵者又十年，其區區之懷欲以足跡出門下者，茲二十年矣，然未獲願，欲以為恨，雖寤寐飲食未嘗忘。去年秋某在許昌幕

而車騎之蔡嘗一贈馬首，今者將官于齊道，旌麾之下輒以書布二十年之心，代執贄以見伏賜財幸，不宣某再拜。

代羅司理干薦書

某月某日謹齋沐獻書以干省判學士明公。某聞明經之選古最重，今最輕也；待士之禮古最厚，今最薄也。選輕由取之不得其術也，禮薄由士自待不厚也。夫以最輕之術而走於禮最薄之途，進必齟齬而得賤辱是無疑也。某為經生雖愚常竊以此自戒，未嘗一敢輕以足跡歷富貴者之門前，為鄆鄉尉實公之

代禮下

六

里也。夫以明公為宰相子，奮才業驅名聲，蓋旦夕擇大位而居而士之拜於庭者出必喜且相告曰：公之富貴之色未常見，雖新進小生到門未常留得見，未常不盡禮。某聞此猶思之累日，始敢進自辱出門下，遂被愛遇使某釋然不知明經生之輕而身為尉之賤也。竊念某始以家貧甚力耕不足以為養，趨速化之術遂誦書舉明經，既而得一官祿少，母老又不足以為啜菽之具，稚乳膝下弗煖弗飽，退之日蹈於寒餓之水火是某今日也。昔有負人之母號于道，雖餓夫凍婦過於其側亦莫不哀而顧囊中無惜矧

富子邪矧仁人邪且明公待於士之禮不肖與世俗高下則人之才不才也豈計於選哉某之區區不勝犬馬不宣

謝舉官書

古之舉士得其人則受賞失則絀罰大抵受賞常多而絀罰者幾希耳而士之被舉者其報禮亦重故曰士為知己者死後世舉士之賞未嘗有一不得人則絀罰與之等其士之生於此時而被舉者宜如何報乃反不然今日被舉矣明日持手版抵門伸一拜以爲謝退而或爲罪無所不至甚者至竄流前後皆是

伏檀下

七

而舉之者坐廢放動幾年不得遷其爲舉之難也如此自非土石宜當動心某無所可乃辱執事舉謹持是說以抵門不敢區區効一拜之禮他日功名之途萬有一某之迹當以此爲謝不宣

謝運使舉官書

某聞驥立於伯樂之門偶未售人必曰駑駘也矧常馬邪梗梓列於匠石者之庭繩墨未及人必曰不材也矧常木邪凡士之處世亦莫不然今執事使一方蓋士之伯樂匠石也而長安執事之門庭凡陝以西之地郡三十二而縣百三十有三其爲吏不知幾百

而歲得舉者三十人而已某拙愚無所可曰常馬曰常木其可也從幕府于茲將二年是立而列執事之門庭者五百日其短長固察之熟矣乃辱不遺而舉以充三十人之目某意執事不忍使人視而指之曰駑駘不材也仁孰甚焉今日執事拔而出於駑駘與不材之列又安知明日人從而曰驥與梗梓也夫千里不宿驥之能也萬鈞不知梗梓之任也某之齒踰三十爾他日無千里與萬鈞之責則已也或有之固不足勉邪謹持木與馬之說指門以謝財覽大幸不宣

伏檀下

八

謝舉官書

某少之時讀古書見古人所爲以爲人之處世弗才則已苟才也唯所欲朝巢由而暮皋夔無難也每讀史至東方朔傳其言曰用則爲虎不用則爲鼠竊恠朔之言以爲誕妄無取及稍長走時之途見世人顯榮者未必盡賢其困苦無聞知於時或至老死者亦未必盡無所可始悟朔之意乃嘆息曰用之雖不才也可勉焉不用雖其賢世莫得見與不才而死者均也朔之言然今世俗以相知相市必俟其求而後知者有矣介而後知者有矣或不求雖其才不知者亦

有矣故不介不求皆自知者知之深莫深於自知如  
某不才者得一官顛沛而困苦于茲已十年書吏考  
者一再而已得其所者爭笑之執事一見待而知之  
如平生則何嘗介而又俟其求之哉古相知之道不  
出於此今又書其名薦之天子以爲可用夫士窮易  
失之某困如彼而獲莫深之知而不才之用其德於  
執事當如何古人曰國士遇我則國士報之如某也  
何敢讓不宣某再拜

謝青州文相公書

相公閣下某聞之善御者鞭筆之下無驚馬良工斤

伐檀下

九

斧之側無棄材故必榘梓然後用非公輸也必千里  
之足然後御非王良也故世之取人亦莫不然某妄  
庸無所可凡世俗之所操持以奔走於進取之途者  
非獨不肖爲是亦不能直膠於古人之說爲可信而  
不疑故走三州之幕而所事者數公其知之者有矣  
其不知之者亦有矣知之未嘗喜不知之未嘗不樂  
何也知之恐不能報以爲憂故未嘗喜不知之自願  
其中所有者猶在故未嘗不樂竊自惟念得一官十  
年其連蹇齟齬居其半書所謂吏考者纔三歲而已  
其身之困也如此仕宦之所欲恃以爲助者則故舊

親戚無一人其地之寒也如此夫王公大人之門天  
下士莫不能欲撤衣裾而覩未光其迫於貧賤而不  
得進者蓋十常八九某也持如此困之身而走於此  
寒之地乃一日猝然得出於大君子之門以爲吏茲  
非其可遇之遇也誠不自知其幸恭以相公治天下  
之公輸而御多士之王良也弛張五常以爲斤斧鞭  
筆之具今者天子欲寬東顧之憂實爲此行又辱不  
遺薦其名天子挽而置之幕下以爲用某何爲者而  
堪此誠閣下不獨不榘梓與千里而後取蓋收木之  
棄材而繫廢故之驚馬無以異者豫讓困放爲廩人  
至殺身以報智伯之遇如某其身困且地寒如彼又  
嘗齟齬矣曾未土木於其門下也宜如何報不宣某  
再拜

啟

上王天章河北都運啟

某啟伏審內輟論議出應煩劇未卽大用蓋鬱與望  
恭以天章都運柱石之姿自結日月莫召主父歎息  
見晚亟登侍從莫不謂宜大河以北旱飢之後水薦  
爲患雞猪爲魚草不得生民無以食老幼散亡未輕  
得復兵師在邊仰口待足賦歛緩急死生所繫區處



之難非材曷依上安北愛公實此行一方之病視公  
為醫某拙愚無能愛遇最厚西來之人坐聽歡誦且  
夕眷召心實踴躍憂國之重良食為■不宜謹啟

上楊侍讀啟

某啟伏審上輒侍徒以惠鄙遠凡居庇屬莫不歡幸  
恭惟知府侍讀早以文起為國俎豆雅誥之風復之  
且暮筆端雨露以潤天下國家世築道德比嘗苦兵  
人飽太平愁困易起上竄螻蟻于羽僅息歌吟之聲  
未復故常惟陝以西國之右屏方佇碩德與人休息  
肝食眷選惟此之賴某塵土之役得出幕下竊慶千

三

里不勝犬馬不宜謹啟

上秦州李密學賀啟

某啟人統更端萬物以新在易之泰君子道長恭以  
安撫密學文武之資屏此藩疆專用儒雅以飾五兵  
掃洒一隅視無西憂古曰蠻夷中國之陰陽德日進  
大豕逃遁四方卧鼓再基太平左右大鈞非朝則夕  
頌望之切飲食于是不宜謹啟

上城都楊端明啟

某生長妄庸陶染文字腕脫為吏濫巾幕府庖丁鼓  
刀親覩餘刃鞭箠之下驚緩不棄諒其樸拙終始一

遇千里之尾青蠅所幸九折之馭公車以西慶雲其  
遠荆棘失望自去教語涉更三時寸紙隻字不抵左  
右非心實然奔走之勤自省曠愚踈屏所甘恭以知  
府端明清譽直望玉壺朱絲賈生度越天子所歎內  
外踐更文武明白蜀大最遠國之臂脅視無西憂公  
實此行下車撫御人人自如崇學教導士之所向東  
來之人頌聲翕然論議之益肝食所渴烜赫大用匪  
朝伊夕禱戀之素不勝傾倒謹奉啟問台候不宣

賀汝州吳資政到任啟

右某伏審尚輟侍從請塵閒郡上意眷可世風敦厚

三

已涓剛吉班鬯條教內外上下莫敢欣仰恭以資政  
侍郎禮樂之器舜鏞周豆文章體骨筆追三代何官  
二府臯伊之資大平之期莫不仰首旋歎外補大器  
小施麴蘖造化人以爲晚繼由病告獨求散地區區  
汝頰衣被仁愛京師唇齒實蒙其福某嘗吏幕府蒙  
顧之厚咫尺門榮絆不得前馳心慣戀不勝踴躍謹  
奉啟事陳賀伏惟鈞慈俯賜鑒念謹啟

賀文相公啟

某啟得進奏吏報伏承相公奉八月十三日制書建  
許昌節移鎮長安者竊以入柄鈞陶出專斧鉞注意

內外莫顯於茲舉動輕重朝廷所繫恭惟太尉相公  
柱石之姿遭辰得君文武施設成就明白與遺補弊  
補敝後來留意消息避卻隆寵一麾偃仰股肱之邦  
國有大論朝野倚屬四方或憂側席起坐得公之重  
天子洗然今輟霖雨以恩秦人衮衣其歸旦夕所歌  
再筦魁極日月以冀某極陋無似早玷宇下驟違誨  
約飢渴不展大旆西指霜露所動以國自護禱戀之  
切謹奉啟事陳賀伏惟鈞慈俯賜鑒念不宣謹啟

謝舉官啟

右某近得本州進奏吏報伏蒙運使金部發章舉某

伏檀下

三

充親民官者明於用人不俟其備一言假借過踰衮  
黼駑鈍之質以報為憂伏念某妄庸之資短無所可  
徒以佔畢不忘素訓遂緣隻字偶玷科第家憂身虞  
困迫交來歲將一周吏考無幾質薄售大鬼神所瞰  
再由幕府幸吏車下阻勉薄書未絕寸尺且夕惴惴  
苟尸廩入澄清之轡擢取罷辱每冀鞭策庶勉款段  
敢期公輸之家繩墨所材梗楹榘拱把不廢郊外  
孱弱過加翦佈陰幽之植不春而榮茲蓋伏遇某官  
開發材蘊上應倚任既富於國又欲盡人先勸後懲  
猥及愚鄙以安能者以激慢懦深意厚德其在於此

敢不仰止古訓視因為進險易一心知無不為期有  
樹立以答待遇過此以往不知所裁謹奉啟事陳謝  
伏惟尊慈俯賜鑒念謹啟

雜文

述藥

夏四月暴得寒熱病視以醫其市藥也價貴賤不相  
適疾間撥其略書之按本草藥之品有三上與中也  
下也上藥主養命性和厚無毒服之多與人不傷人  
中藥或有毒或無毒能止病下藥大有毒其性專攻  
擊不得已始用之今附子也礪黃也礪砂也阿魏也

伏檀下

古

所謂中下藥也乃大貴而尤也茯苓也菝葜也牛膝  
與芎也柴胡也所謂上藥者也反其賤焉夫人一身  
百骸也內之有甘酸辛鹹苦之為好惡也外之有寒  
暑風露之所感也其味與氣一有偏則疾焉今繇藥  
貴賤視之時之人其可知矣平日固未嘗視藥也一  
旦疾作或有不之醫其所先惟禳也惟禱也不即諸  
佛則即諸老也即諸巫也而請焉即諸佛即諸老即  
諸巫也不可為而疾日加深始醫之求醫之至也視  
之且攻日加深之疾其勢不得不用有毒專攻擊之  
藥也故中與下也常十九焉如此不至于死而幸生

者無幾人此附子輩乘時甚貴而尤等賤誠其勢然也噫使舉時之人皆知餌上藥也取康寧爲養命之術則尤附子其如何貴賤哉夫天下猶之一身也君心也古之以其臣養天下可知矣五帝之臣上藥也三王之臣中藥也五霸之臣下藥也每讀班固史見漢之所以養天下未嘗不爲之恨槩舉之其人明王道如董仲舒言治亂如賈誼推廢興如劉向得聖人之道如楊雄用刑如張湯杜周計利如桑弘羊將兵如衛青霍去病及迹之行事與其位之小大若仲舒誼向雄尤輩也皆齟齬抑鬱卒不得大有設施於時

位權下

五

而湯周弘羊青去病附子輩也幸希世幸用事位不下公卿大將軍其於藥貴賤與時高下弗差也亦其勢不得不然也且使文帝始大用賈誼武帝又大用董仲舒元成又大用劉向哀平又大用楊雄自可相去上下扶持驅漢以趨三王之堯舜爲劉氏壽矣奈何多任附子輩新室其天也有來矣常聞餌草犬金石之藥之有毒者始若大益其酷烈之性積而久則發發則人常死如莽非漢發藥耶哀哉吁後之養天下也視漢之養天下其可監時慶曆五年

復維識院記

予九月自鄂之藍田宿道旁寺問其名曰維識其僧洪集曰五代時石識存焉按其刻曰龍泉寺國初更名義井其後寺廢開寶九年通維識論僧志興卽其地廬之始號維識院慶曆初西方用兵詔寺不及三十室者皆毀至是院又廢後五年用言者陝以西寺毀而今願復者宜勿禁故洪集實力之其費出於民姚氏者七人洪集有僧行且老誦經日常一飯環其地數鄉之人趨信之蓋如歸姚氏七人非巨家能得其不顧吝而洪集無寒暑奔走能勿懈故其室不俟久而成凡爲屋曰殿曰堂曰厨曰門曰閣下八區若

位權下

六

千間皆壯宏可觀噫儒誠佛未嘗爲尺寸地雖童子不官輒屈曰國家嘗詔四方郡無小大皆立學本古庠序之法以爲教甫一年學不幸而廢天下士反無一言復之者今維識再毀矣皆不設平而復其不顧吝有若七人者其勿懈有若洪集者其請而勿禁有若某者是儒果出佛下甚遠也儒之人視維識豈獨不愧其明年五月院成洪集以始未來乞予言遂書之且以見其心之恥云時皇祐二年豫章黃某記

讀子胥傳

古今讀吳夫差子胥事以爲恨皆罪夫差痛員計不

行而卒讒死也予意爲不然且子胥其先幾世臣楚至平王亦身與其父兄北面事之雖平王虐不道實君也日爲讎至死破國戮其尸極矣初適吳言伐楚不可知公子光有內志乃進專諸焉已而光果使專諸刺王僚殺之自立爲吳闔閭始引員爲行人與圖事遂入郢云然則光志篡專諸兵也員手之闔閭死事其子夫差其逆策越誠善可用員如此其可信乎噫晉殺里克齊小白用夷吾君人者曉此所以與如員其頸不污闔閭之刃已幸矣有死之道焉耳無可信而有死之道屬鏤員自拔也悲夫且死也爲有知

伐檀下

七

可謝子胥使無憾

善惡有餘解

易曰積善之家必餘慶積不善之家必餘殃至於堯而丹朱瞽叟而舜人惑焉解曰堯之善及天下丹朱恃焉而日進於惡其慶不足銷故不肖瞽叟之不善天下聞舜懼及其身而進於德其殃不足銷故名列五帝孰謂堯之慶瞽叟之殃無餘也世之言曰瞽鯀有積善又曰善惡無餘異哉

妬芽說

客有語予人有以桃爲杏者名曰接其法斷桃之本

而易以杏春陽旣作其枝葉與花皆杏也桃之萌亦出於其本蕭然若與杏爭盛者其主人命去之曰妬芽也客憮然以爲惟予釋之曰桃之實不羨則易旣易之則惟杏之愛桃芽於其間其勢不得不去也不獨人之於木爲然天之於人也亦然天下猶之巨桃也天猶之接工也其實不羨則天亦接之昔夏之實不羨天以湯接之桀其妬芽也不可去乎商之實不羨天以周接之紂其妬芽也不可去乎秦之實不羨天以漢接之子嬰其妬芽也不可去乎隋之實不羨天以唐接之鄴公其妬芽也不去可乎客曰然則當塗典午其實皆羨與曰其實羨吾不知也客三歎而退

伐檀下

末

過箕山說

予嘗出箕山之下望許由冢其日又過潁水與客休于水交陰客有問曰許由何人也予曰古之賢人也客曰堯嘗以天下讓之者三而由去之人箕山洗其耳於潁水至死不出其視天下之人雖蹈水火不啻若越人之父視燕子之瘡不以屑意夫賢者宜不若是予曰堯之時天嗅舜之德矣十六子者舜嗅其才矣此許由所以踏箕山又洗耳示堯以不復出也且

使丹朱不肖無舜以堪天之命其下無十六子者可以任舜之事則吾知由也雖焦毛髮濡手足以奔天下之急不肯辭矧其位邪客以爲然既歸書其所以語客者以爲過箕山說

過韶石說

韶石參錯布列崛起且秀遠近皆可愛爲川陸上下者觀遊之勝舊說帝舜南巡奏韶樂於此因名焉古今往來者莫不踟躕顧盼既嘉石之可愛又恨韶樂不可復見至於歎息者多矣且韶之所以爲韶也抑有以也舜爲天下其治之大要舉八元八凱去四凶

後檀平

九

敷五教明五刑而已卒至於比屋可以封而垂拱無爲故韶者乃舜一時天下至和大治之音爾彼獸率舞鳳來儀使無之不害爲韶也假舜也其始不能舉八元八凱與去四凶又不能敷五教明五刑以爲治且安能使比屋可以封而垂拱無爲也則其樂也烏得謂之韶哉夫舉八元八凱進賢也去四凶退不肖也敷五教納民於善也明五刑去其惡也後世有天下之君能進賢退不肖使郡守縣令臺閣之間廟堂之上無不得其人能敷五教使父子兄弟兄弟夫夫婦婦無不得其和能明五刑使其民悉遷善遠

罪蠻夷戎狄無不畏威如是而天下不至和大治蓋未之有也從而播之八音飾以五聲文以六律是亦一時之韶矣何必舜也予之官番禺道出石下追古今往來者之意爲之說云

徐君處士妻周氏墓誌銘 并序

東海徐君處士妻周氏卒之明年將以某月某日葬于某原使其客狀周氏抵予乞銘曰周氏其父恭先世以農自力豫章學家分寧最盛鄉黨命儒者出入人皆知爲可貴恭慕之而其子兩人業已耕念不可教獨周氏幼而慧乃使授古女誡七篇習之既長歸

後檀平

辛

徐氏事上撫下皆有禮可愛里人緩急必奔之無所惜處士少學不得志而歸周氏恥之益欲教其子凡賓客至其家周氏必手爲具盡意厚遇之寒暑未嘗憚它日里中某人趨禮部試踵其門處士以故不欲見將謝之周氏曰士及門而辭以事非君所以欲教子之意也叱其子見之既行又資其囊以若干今徐氏爲邑之大姓其子皆好學恥不若人蓋周氏有助云以慶歷七年十一月卒嫁二十有八年凡生子十男女各五人享年四十有九處士名畫予弟其婿也遂爲之銘銘曰男欲其有室女欲其有歸此父母之

心也周氏十子其幼六人呱呱滿堂孰室孰歸今其死不足者以此悲也

歸愚堂銘 并序

人之生也惡乎本曰性而已矣智愚者性之質也善惡者性之用也故性之品有三上焉者智於善而愚於惡中焉者善者智之惡者愚之下焉者愚於善而智於惡夫忠孝仁義善之大者也其不忠也不孝也不仁也不義也為惡亦莫大焉或曰小人亦智歟曰其所以為智是亦愚而已矣河內向宗道元伯以秘書丞為益都令即踰年其民事亦簡出則與其所往

伐檀下

三

來而相知者為詩酒之約歸則休其心於詩書文字間未嘗懈嘗讀退之詩愛其句有歸愚識夷途者因取以名其朝夕所居之室其惡者愚之之謂歟予恐觀者惑其所以歸之之意因銘其柱以見焉銘曰善也邪君子之歸也惡也邪小人之歸也歸乎忠孝仁義愚乎惡者也愚乎惡者歸愚者也夫善之為途也廣矣途之不治則或棘焉吾請五經為之鑷

送興平孫隱之知新都序

關中風俗尚氣勇鬪訟縣邑小不得平必直于州未嘗肯輒屈興平京兆大縣孫君隱之居二年而某當

其時在幕府者八月邑之訴于府或日有而興平之民往往越月至踰時無一人凡一府屬官皆知隱之而不疑每案牘經平決者輒不復省今年夏寶雞民兩家爭里胥甲戶最高而乙其次甲曰乙未嘗役乙曰甲戶高縣拘文以甲充不服言于州又不轉轉運使乃遣興平決之隱之曰法兩相決以戶高謂皆應平役者甲雖其戶高然嘗已役矣理不當引與乙比引與乙比此是甲歲歲無息肩非法意卒以乙充議者以為然某嘗得其書而讀之竊思西兵以來民緩急應用度破殘其業者相望矧復不均欲書其說以遺為邑者而未能今隱之行得稱以為別且賀新都之民其役當無有不均也為之序

伐檀下

三

呂先生許昌十詠後序

廣文先生呂公天聖中為許昌掾取境內古之跡著者為十詠其時文章用聲律最盛哇淫破碎不可讀其於詩尤甚士出於其間為辭章能主意思而不流者固少而最難先生之詩其不流者與後二十有二年其子喬卿又為判官許昌按家集求所屬謂十詠者得於龍興佛壁之小石慮其久或亡也又買石刻之凡文章非其意高雖貴時輒不傳而必諷誦在人

口者纔十一二位下則其傳而又誦者愈少先生之  
爲人如其詩故仕以不達某爲童子時已誦先生之  
詩如鳥窺明鏡心人踏靈鼈背至今在唇齒間如昨  
日則先生之文其可知迺書其意刻於詩之末先生  
嘗講書國子監十年故士多稱廣文先生其諱造字  
公初云

詞

丘令疏詞 錄

乾祐丘令年六十爲州縣吏今解官其家窮空欲歸  
其孥京師不可行持十口寓于佛之室將無以爲朝

後檀下

三

夕之具某官長安間三日或五六日讀進奏吏雜報  
天下事吏坐賄大則竄流其次廢棄終身最下免其  
官如此者月未嘗無凡天下之吏富者未必皆廉其  
賄而偶未敗者又不知幾人今丘令官如此其卑而  
其家又貧如此將不得爲廉者耶夫吏在下潔其身  
以進一日離其官則有憔悴不得所之色其吏之貧  
者雖在位苟歲月之祿以活妻子莫不皆知他日飢  
寒迫切之憂不得免則誰肯勉而爲廉也賙撫急乏  
常人所欲爲在吾曹忍豈不行丘令如此惟眾君子  
之仁謹疏

乾祐丘令第三考詞

長安

京兆縣十三而乾祐尤阻山其民喜鬪多盜賊前件  
官至不能撓以刑常觀其所上旬禁書而獄或月二  
十九日空三年矣聽於民無有間言績固可嘉矣

涇陽丁主簿第一考詞

主簿掌凡賦稅戶口之事緩則失時急則民困而或  
散亡惟能得中於職爲稱前件官主涇陽簿一年而  
縣獻其狀賦稅日不失時戶口日無散亡能如是來  
效可待也

醴泉張主簿第二考詞

後檀下

三

天旱飢民之彊者起盜賊而弱者流亡以爲常去歲  
陝以西小不收米斗至三百醴泉其戶萬二千不亡  
一口而爲盜者無一人雖長民者之力而主簿豈不  
與焉

書記考詞 公美

古記室之任在軍旅問文辭謀畫無不與後世往往  
施之簿書獄訟其職守益失前件官以名進士由幕  
府西帥不用凡文辭謀畫之事皆不得施獨書記所  
謂簿書獄訟以爲吏課而已才蓋鬱焉

周主簿考詞

縣邑古方百里之國也主簿且得其人雖其令不賢其簿書獄訟亦無有不治郡府緩急欲擇人而使者必取之其尤能者或席不得煖前件官其人也

蘇司理第三考詞

秦人尚氣喜鬪多大獄雖治而京兆訟訴最繁故理官視他郡其責最重前件官處最繁為吏鞠難治之獄而有最重之責于茲三年其論之自殊死至於杖笞無慮數百人莫不皆得其情而無有冤隱不伸斯能也已矣持是以為吏奚而不可

張法曹第三考詞

法家大抵多刻少恩以為常前件官舉進士為掾日持十二通與他法立刺史前論人之罪務以平反為主于茲三年其所處者幾百人無有不當其情才也從可以知

黃司理第二考詞

國家凡天下之獄設提點官以察其輕重不如法者而糾舉之州縣吏坐出入人罪大則免放小則責罰未嘗無其人前件官治許獄歲再周矣論其罪棄市者五十四流若徒百三十有四杖百八十六皆得其情無有冤隱不伸非才也其孰能其考可書中

舞陽尉第三考詞

舞陽大約地廣七盜往往囊橐於其間居一歲為竊與強者凡十一前件官捕得之或杖或徒或黥或弃其亡者一而已矣夫如是非才焉固不能其考可書中

張都曹考詞 青社

為吏患不能勤勤矣患不能廉廉矣患不能久故職舉為勤知足為廉終身為久前件官為青之掾三年凡刑獄租賦無不舉既勤矣而又能廉其官不久者耶審如是所謂能吏者豈復有他術哉其考可書中

伏檀下

上

法曹劉昭遠考詞 青社

法者禮之防也其用之以當人情為得刻者為之則拘而少恩前件官以通經舉進士始掾於此若老於為法者每抱具獄必傳以經義然後處故無一不當其情其刻而少恩則無也其考可書中

臨朐縣尉李正辭考詞 青社

青之屬邑六而臨朐最小其地介山寇偷往往囊橐於其間故常居士幾十人以備盜今其令又用武人前件官為尉於茲盜發輒得之未嘗亡一人非其才



耶其考可書中

臨淄尉考詞 青社

尉能捕盜使盜知不可免而不敢為盜亦去盜之一端也山東大約號多盜今臨淄獻一歲之狀視他縣者纔幾人而已前件官為尉蓋有助云其考可書中

益都縣尉朱康濟考詞 青社

官無大小因其能而使之則職無不舉也三齊多盜而益都青之劇縣前件官始以能捕盜得官今為尉於茲前後寇偷者發輒得之而未嘗亡一人豈非所謂因其能而職無不舉者耶然則其能也豈止為尉而已其考可書中

代檀下

毛

祭文

祭神文

維年月日具官謹以時羞祭于天齊仁聖帝之神維神魯國之鎮四方所仰廟于此邦如山實在此夏六月不雨百日千里菽粟若不可望民聲嗷嗷天蓋聽憫一雨而足秦人忘旱及此擎斂禾穗滿野霧霈之賜神實佐佑 某 來守茲土遂蒙稔成芹意以物為神之報尚饗

維年月日具官 某 謹祭風伯雨師之神夫左右風雨

之柄助天以生物而成之者惟神職也平時風雨順適神之功民不能見獨國歲雨災並除以為祈與報也今年陝以西不雨且旱已而得請於神秋稼滿野凡十三縣之人莫不皆願操持其物以啟神貺刺史謹擇日具牢醴以為民羞尚饗

維年月日具官 某 謹祭于金山之神惟神生而佐理天下去大亂使黃帝得為五帝先死而為明神是亦必欲福四海擁千里也今年夏大收視常歲為倍而秋又已有望非神力而何敢以物報尚饗 風后同

代檀下

毛

起而不得其時雖功名無所見於世死而能福一方又能使其民廟而祭至今俎血不乾可以無憾今雍千里民無灾癘牛羊蕃息稼穡滿野孰為神報新酒大牲尚饗

維年月日具官 某 祭于濟眾侯之神國家以神常用風雨救大早有功於前世故歲時祭于侯之廟未嘗闕如今之民親受神賜今年夏不雨踰三月常禱於神既旱而豐則國之欲報於神之心也當如何意不可見牲酒是具尚饗

維年月日具官 某 祭于廣惠王之神凡陝以西之民

知神常以風雨塞大旱之望每歲少亢則老幼若婦  
女奔走於神之宇未嘗不朝禱而夕望雨至一禾一  
菽莫不得神夏實欲早秋為稔收祭民之食神其降  
茲尙饗九龍堂澄源夫人同

維年月日具官某祭于露臺之神惟神合民之祭得  
所憑依國有祀典非功不在神備常享豈無物助鑄  
酒豆牲實為秋賽尙饗

西嶽祈雨文

維年月日具官某謹遣某以清酌庶羞之奠祭于金  
天順聖帝之神惟神福此方之民國之屏也故天子

伐檀下

元

歲兩時署祝詞遣吏以祭未嘗懈陝以西自正月不  
雨至于今將六十日苗之在野欲秀而實者若不望  
秋穀與豆種不得入民蓋皇皇也某來守茲土未一  
月視此朝夕恐懼所以未至凡境內食民之祭雖里  
祠皆將奔走以為民請矧神一方之望而天子所禮  
也敢不以告尙饗

謝雨文

維年月日具官某謹遣某人祭于澄源之神曰陝以  
西之民一歲之望麥與粟也天時未必均齊或夏穰  
則秋歉或粟有餘而麥不足今年春與六月不雨幾

百日苗不得成實皆請於神未嘗不三日而雨足既  
旱而豐凡十三縣之人如神家至戶到而與之麥與  
粟也其德於人之心宜如何刺史有民之責也使千  
里之內無有歎嗟是刺史一身而道十三縣人之責  
在神之賜愈大也其德於神之心也又如何敢以物  
告尙饗

祭神文 六章

年月朔日具官某祭于天齊仁聖帝曰五嶽天下之  
望而泰山尤尊山之出雲雨以福於民其功最著惟  
帝以尤尊之望而持最著之功以食於廟今年春與

伐檀下

元

六月常不雨前後幾百日凡千里之內奔走請禱無  
有不得其心麥在倉廩秋稼滿野神之賜其可見帝  
雖不德人心謂何刺史具肴酒薦其意以為民報尙  
饗

九月日祭于風伯雨師之神惟神風雨之佐人實攸  
恃廟於此土觀瞻如在其祭孔時旱不敢齎今雍之  
野宜于歲年百穀茂好如無災害衣食之賜德其有  
歸祭民之具神其降茲

九月日祭于金山風后之神生為豪傑而死為明神  
福此方之人而食其祭某今年春來守茲土四方或

大水或饑或疾疫至於死亡流離凡陝以西之民無  
有一於是非神之力而何敢以物報尙饗

九月日祭于澄源夫人之神曰惟神有風雨救大旱  
之功在祀典以食民祭雖年不善未嘗敢薄其具今  
環陝以西之地百穀之種無一不宜蠶耕疎耘斂穫  
收穰凡此之人莫不皆欲操豚肩酒卮走神之宇圖  
所以報刺史以時享道民之意其鑒之

九月日祭于城隍之神曰高城深池不虞之備邊疆  
弗騷吏以致守不壓不湮以爲民勞擁護之力非神  
曷依祭具常典惟此之報

代禮下

三

九月日祭于阿父之神惟神廟像之嚴民所依歸農  
占蠶祀香果交來茲年之善下田其豐人無疾病牛  
羊滿野賢神之貺家思其報厥祭不腆神食其意尙  
饗

西嶽祈晴祭文

維年月日朔具官某謹以香果之奠致告于金天順  
聖帝曰關中自用兵踰十年其地未嘗夏秋俱大收  
天時之不得而征斂百出中家下戶幾無以爲生今  
年風雨節適麥畝至數斛而秋稼又滿野是神憫斯  
人而惠之最大也八九月粟菽皆已實而雨晝夜不

止民不得收老幼歎嗟若將絕望皆曰食已成之倉  
廩而耕不獲雨之業也奈何聰明其德之以卒神貺  
尙饗

祭古帝王廟文

年月朔日具官某謹以清酌庶羞之奠致告于某帝  
之廟惟帝有大功與德在前世以食於廟至今俎血  
不乾茲民瞻之恭嚴如生後世有天下之君雖相去  
數千百年而歲時修祀禮未嘗敢忽今皇帝以九月  
辛亥大饗于明堂禮畢詔天下凡古聖帝明王之祠  
皆遣吏以祭某茲土之守也謹擇日具物以修天子  
之命明靈其鑒之尙饗

代禮下

三

祭漢唐配享功臣文

年月日祭于某公惟公命世之佐實天所畀遭時得  
君功名莫先史臣之言若青與黃旣廟而食惟帝之  
配生死孰榮茲無愧已季秋辛亥國有大祀義明  
堂希闕之典編于羣神告禮之成來薦豆籩天子有  
詔尙饗

祭某廟文

祭于某廟之神曰刺史食君之祿而神食民之祭職  
之治否刺史實任或天時之不得至于水旱與疾癘

非政之爲則民歸之神某來守茲土與神同有是責於許之人今抵宮三日方思其職不敢懈謹以物告尙饗

文相到任謁廟文

年月日祭于至聖文宣王某受天子之命來守許以今月戊寅視民事凡千里之內有一物不得於其心某任其責思其職之初懼有未至冀之相之謹以物告尙饗

春牛祝文

祭于勾芒之神惟神職此水行生物之佐乃今甲辰

代檀下

重

是爲立春陳根可拔田事其始乃出土牛示民以時國有常祀吏敢弗懈農無災害惟此之祈不腆之具神食其意尙饗

春祭祝文青祠

告于某神曰凡物莫不得其生然後可要於成若其生也燥濕寒燠不得其宜後雖有五日之風十日之雨欲其堅實茂好茲莫可得故民一歲之望在於春某守茲土敢忘是心今百種皆作其生成之助捨於神其孰依尙饗

祭王觀察文

年月日具官某謹以清酌庶羞之奠祭于故觀察王公之靈惟靈遭遇先帝起身行伍今使觀察不爲不貴壽百二十七幾人公年實然可以無憾兵師之行或膏草野今全而歸何有歎嗟銘旌飄飄與西風俱聊陳薄薦死生之別伏惟尙饗

祭致政吳侍郎文

嗚呼岳瀆之氣實爲壽齡公蓋鍾之黃髮在庭不盡其器刺史而已天畀宋賢生公之子左右日月公始敢歸朝夕艾綬以當綵衣始來自陝某迎馬首公在版輿孫子在後觀者塞途莫不歎息公子下車政出人喜千里老幼如被公賜道塗之勤未拜几杖而止一月哭于公堂素車在路朔風滿旆聊陳薄酌淚落酒觴伏惟尙饗

代檀下

重

祭辛氏太夫人文

祭于某郡太夫人之靈惟靈四德具備宜于室家母姑之懿發聞于人善慶之報乃俾百年衣纓雜選有子與孫啟手之日稚呼羞歎子蓋七十杖經孺慕觀者左右莫不咨嗟誥誥之門人曰不亡奠禮不腆庶幾其意尙饗

代祭致政吳侍郎文

維年月日具官某祭于故致政侍郎吳公之靈惟公國之杞梓初走散地虎符出入為良刺史蓋晚始達耆碩之臣公實有子請老以歸一疎道路久無轍迹公乃投足世風敦厚後來所仰名教之力千鍾之養五福一身林亭池園杖履往還箕穎之地若在門戶穉孫左右抱弄襁褓笑言在耳弔者忽來輔弼之子公如不亡身後光輝可以無憾見意以物菲薄之薦嗚呼尚饗

代祭宋令公墓文

年月日具位文某謹遣某官以清酌少牢之奠祭于

伐檀下

美

故贈太師令公宋公某友公之子而公之室藏實在茲土今得請以省先子之墓道途之勤不得躬修奠禮宰土之下謹具物遣吏以其意告尚饗

代祭章郇公墓文

維年月日謹遣某官以少牢之奠祭于故司空郇國文憲公惟公茂德懿實映國之史焜耀前人後來所仰忝守舊許公墳實在喬木宿草草名如新迺今得請省墓于洛左右版輿出此便道涉履之勤意不能專牲酒勿腆敢以吏告尚饗

代祭張文孝公墓文

維年月日具位謹以清酌庶羞之奠祭于故贈尚書文孝張公惟公冲泊之德抱藏英莖器之渾粹白琥赤璋遭時得君亟為聞人出入三紀庭之耆碩必持物鈞眾云勿疑不極其有齎恨以沒巨梓偃蹇公輸欽嗟追惟曩初遊公之門堅節輪囷公實斲之國士之報勉勿敢忽戶牖謂何興言慙恨乃今得告省墓先子道公之墳宿草實在音容如生恍在耳目敢以牲禮拜壘之下公平有聞食其區區尚饗

代祭杜水部文

祭于致政水部杜君之靈惟靈仕官克勤以始卒聞

伐檀下

美

位止于郎雖未為建專城之惠古人所先壽百二十七十無幾君年實然何有憾恨仕之惑者走於桑榆不有敗廢下以樞歸君蓋請老死生之光遠日有期銘旌在道聊陳薄酌以見其意尚饗

代祭范大資政文

皇祐四年歲次壬辰六月甲戌朔文某謹以清酌庶羞之奠致祭于大學士侍郎高平公之靈惟靈文武之資以時挺生出遭千齡亟為名臣諫諍之風占人勿忘逆龍之鱗孰不曰難朝夕踐履若飲與食雖或齟齬名益發聞婦人童子知君所為世實有言皋夔

之姿或斥于郡不沮益堅寶元之間西夏弗賓君臨  
我師色義卒奮言伐虜心奔走乞盟矢石出入天子  
所勤召且大用參國之柄君所設爲不襲故常欲致  
天下堯虞乃留弗極其有莫不歎息刺史十年偏迫  
不施上闕左右議望必歸或者抱負庶幾一伸物理  
孰究志竟以歿嗚呼希文止此而已忠也不朽來或  
可期柩旌之東手奠奠前死生之別興言梗結矢意  
以詞傷哉奈何尙饗

伐祭提刑陸學士文 青社

祭于故提刑陸君學士之靈早獵科第以才藻聞不

伐檀下

三

摠于進積日以遷器其遠到莫始度量既伸既知爲  
臺之選乃官書林乃刺于泉事爲益著名能日香再  
試于外乃司邦刑攬轡所至訊讞有條符移之來墨  
蓋未乾曾不疾云而以訃告善也殲殞其誰莫嗟子  
藥勿持室斂勿親柩客于道觀者忍耶麾符所繫手  
奠奠前矢意以言侑此肴觴尙饗

伐祭黃丞相廟文

維皇祐四年壬辰二月朔四日具位文 某謹以清酌  
庶羞之奠祭于漢丞相黃公之靈惟靈生稟於君德  
穎之民歿食其祭福之無疑 某來守守茲土仰止高

躅喬木之末清風如在伊春之仲農事皆作無有災  
害茲民之望祀有常典敢以物告尙饗

伐祭建成侯廟文

年月日具位文 某謹遣某官以柔毛剛鬣清酌之奠  
祭于漢丞相黃公惟公去思舊德穎民弗忘祭血不  
乾恭嚴如生某忝守茲土庶幾清風今省松楸道出  
廟下遺光餘饗若見若聞禮公之庭行役勿果厥誠  
區區敢以物告尙饗

曾伯祖康州使君與曾祖給事俱高祖朝散大夫  
之子太史太史嘗刻大孤山宿趙屯二詩跋云

伐檀下

三

先大夫平生刻意於詩語法類皆如此然世無知  
音小子不肖晚而學詩懼微言之或絕故刻諸星  
子灣以俟來哲今家藏伐檀集間多少作又厄於  
兵火之變是以傳本尙未見於世紹興中我從兄  
吏部諱然將漕畿內嘗欲盡刻我先世諸書皆未  
果犖偶茲承乏於五十餘年之後謹以是集錢而  
傳之非敢曰成我從兄之志而太史微言或絕之  
懼尙幾不泯焉嘉定二年秋九月望諸孫朝散郎  
直顯謨閣西浙路轉運判官犖謹書  
曾伯祖康州使君伐檀集蓋平生著述之一僅存

于煨燼中字畫傳錄不無小誤屢加參攷復得館閣藏本更相訂正但古律詩間存參錯不敢以己意更定而雜文上下又多不以類相從意是作序之後續作或不專用歲月先後為次悉從其舊亦疑以傳疑之意云諸孫營謹識

按伐檀集二卷上卷古律詩黃公營云不敢以意更定今一仍其貫下卷舊本書啟詞文先後錯出既曰不用歲月為序則自有類可從今為別白首書十章次啟七章次雜文十一章次詞十五章次祭文二十三章通計六十有六非遽敢以意更定

伐檀

三宜 秋 節

也倫序可稽正無事於因陋篇帙非減要不失為傳疑時萬曆甲寅陽月望日也後學陳以志識之南臺山擁蝦軒中

伐檀集卷下


南城李 松韻珊校

跋

家藏明滇中李友梅校刊宋分寧黃庶伐檀集以祠堂本按之字句互有同異此集大都刊附山谷集後惟明刊有單行者嘉靖萬曆均有刊本而滇中李氏本獨少見庶為山谷之父西江詩派之所從出讀山谷詩者不可不溯其先河也 本朝雖有刊本然間有與刊本互有異同者不在此例校付手民以昌西江詩派焉時癸亥仲夏鄉後學李之鼎識於滬江寄廬

伐檀跋

一宜 秋 節





都官集  
十四卷

甲寅秋月  
清道人

都官集

臣等謹案都官集十四卷宋陳舜俞撰舜俞有廬山記已著錄其集乃舜俞歿後其婿周開祖所編凡三十卷蔣之奇爲之序慶元中其曾孫杞以徽猷閣待制知慶元府復刊板四明名之曰都官集樓鑰爲後序原本久佚惟永樂大典所載篇什頗多檢核排比可得十之六七謹以類編次益以厲鶚宋詩紀事沈季友構李詩繫所錄

都官集提要

一宜秋館

詩七首釐爲文十一卷詩三卷舜俞少學於胡瑗長師歐陽修而友司馬光蘇軾等毅然有經世志所進萬言策至自比于賈生貶死後軾爲文哭之稱其學術才能兼百人之器慨然將以身任天下之事而一斥不復士大夫識與不識者皆深悲之今觀其詩大半爲謫後所作氣格疎散皆自杼胸臆之言文則論時政者居多大抵剴直敷陳通達事體而三上英宗書及諫青苗一疏指摘利弊尤爲深切著明雖不竟

其用而氣節經濟均可於是見一斑矣案宋史舜俞傳附於張問篇末敘述官履甚略今考集中自言爲天台從事十五年中再官天台四明二州其上唐州知郡啟注云時宰南陽又韓琦有答陳舜俞推官詩司馬光贈詩亦云他日蒼生望非徒澤壽春本集序云以光祿丞簽書壽州判官凡此皆傳所未及又陳杞跋集後稱曾祖都官陳振孫書錄解題亦云都官員外郎集名實取於此而本傳乃云以屯田員外郎

都官集提要

二宜秋館

知山陰諸史之中宋史最爲紕漏此亦一證也乾隆五十年二月恭校上

都官集附攷

宋陳振孫直齋書錄解題卷十七

陳都官集三十卷

都官員外郎嘉禾陳舜俞令舉撰舜俞慶厯六年進士嘉祐四年制科以言新法謫官南康與劉凝之騎牛游廬山詩畫皆傳於世舜俞居湖秀境上初從安定胡先生學熙寧中六客其一也其墓在城南之蘇灣子孫猶宅於烏鎮

都官集附攷

一 直 秋 館

錢塘丁丙善本書室藏書志

都官集十四卷

宋陳舜俞撰

舜俞字令舉慶厯六年進士嘉禾人幼以文筆擅名中嘉祐四年制科歷官都官員外郎以言新法謫南康監稅宋史附張問傳末集三十卷為其女夫周開祖所編蔣之奇為序慶元中曾孫杞復刊於四明樓鑰作後序杞亦有跋今兩序一跋皆存而集則從永樂大典中輯出釐為十四卷非其舊矣鈔寫極古

雅

都官集

二 直 秋 館

原序

嘉祐四年仁宗皇帝臨軒策賢良方正能直言極諫之士而以陳侯令舉為第一方是時令舉已用進士登乙科矣而復中是選故令舉之文章聲名赫然出

都官集 原序

一宜 秋 館

人上識與不識莫不願慕而愛仰之士大夫之所期望以為公卿可平步至也既以光祿丞簽書壽州判官事又移宰越之山陰秩滿當召試館職會朝廷方作新庶務變更諸法而令舉以議論不合於執政遂擯不用乃得以其暇日而馳騁於文字之樂穴穿古

高出於夔高之上而至其趨時之事乃卑出於管晏之下者此固令舉之所鄙也仲尼在魯絃歌道德而三千弟子未嘗言利子貢貨殖則以為不受命冉求聚斂以附益季氏之富則以為鳴鼓而攻也梁惠王問利民而孟子對以仁義宋牼以利說秦楚之君孟子以為不若說以仁義為可以王而何必曰利則比

都官集 原序

二宜 秋 館

令舉之志顧豈不善而卒無以自見於世且不幸而死此余所以傷令舉之志不也就也傳曰辭達而已矣此言文者所以傳道而辭非所尚也自天子王侯中國言六藝者折衷於夫子其文章可謂至矣然豈尚辭哉自建武以還迄於梁陳之間綴文之士刻彫纂組甚者至繡其聲悅則辭非不華也然體制衰落質幹不完闕然於道何取焉令舉之文大者則以經世務極時變小者猶足以詠性情暢幽鬱蓋其於道如此而其辭亦不足道也令舉少從學於安定先生為高弟以名稱於輩流間已而自立卓然如此可謂不負所學矣自令舉以直言極諫登科其後此科亦遂廢蓋漢之舉賢良方正之士本以延問災異使朝廷由此警戒以恐懼修省思過而改之求善而為之則不為無益而比年乃先試三千言於秘閣中者乃得

奏對於大延則有言之士或不得以自見此固在所  
應改而遂廢其科則朝廷因復不得以聞直言爲可  
惜也令舉之卒若干年而其壻周君開祖乃類聚其  
文爲三十卷屬余爲序開祖有學問通義理痛令舉  
之不幸而纂其遺文欲以傳於後世而願以見委以  
余之不肖言不足以取信則豈足以張令舉之美而  
慰開祖之意哉特以余少時舉進士於有司而令舉  
適當文衡覓擢爲第一於知獎爲最深者既惜其才  
之不遇又傷其志之不就不可使斯文無述也故作  
序以紀其畧云蔣之奇序

都官集 原序

三宜 秋節

制置使陳公由地官貳卿出鎮四明政成暇日以家  
藏曾祖都官文集刻之郡庠屬鑰爲序謝不敢且曰  
蔣曾公之序詳矣何敢贅旣不得命敬題于後曰高  
哉都官之節也魯公稱公之學曰雅志之所學以謂  
爲道而不爲利者此學者之所當守仕者之所當遵  
而不變者也若夫平日之論高出於夔高之上而至  
其趨時之事乃卑出于管晏之下者此固令舉之所  
鄙也稱公之文曰大者則以經世務極時變小者亦  
足以詠情性暢幽鬱蓋其於道如此而其辭亦不足  
道也可謂備矣然猶若有所畏避而不敢盡言鑰不

佞敢補其所未言者嘗三復公之遺文而得其爲人  
抱負素已不群本之忠義充以學問以安定胡先生  
爲師所友自東坡先生而降皆天下士淵源又如此  
萬言之策經濟之規樞定矣自以親結昭陵之知身  
雖在外遇事輒發書論災異言尤激烈三上英宗書  
又皆人所難言迨神宗作興銳意治功王文公得君  
用事法度更新諸老大臣爭不能得抵牾取爵位之  
人不可勝數風俗爲之大變至有遠在蜀萬里外官  
爲偏州騰奏于朝盛稱青苗新法之美而捷取膺仕  
者公方宰山陰旣嘗中大科例以秩滿登館閣小忍  
不言豈不足以平進而抗章力辯繳納召試堂劄自  
取竄責而不悔方且優游廬山與劉公凝之騎牛松  
下窮幽尋勝以自娛適嗚呼非凝之不足以當歐陽  
公之廬山高非公不足以侶凝之之賢也使當時以  
公一言而寤君相之意安有後日之紛紛哉公旣窮  
老以死其子訴冤又重得罪然其後再傳而得秘丞  
刪定二公三傳而貳卿出陳氏益大矣天之報施何  
如哉讀公之文者能以是而求之然後知公之高風  
大節猶將廉頑立懦於百世之下毋徒玩其華藻而  
已也慶元六年孟秋丙子郡人樓鑰書

都官集 原序

四宜 秋節

原跋

曾祖都官以慶曆六年賈榜登進士第嘉祐四年與  
 錢公藻同中材識兼茂明於體用科實為舉首熙寧  
 中知越之山陰縣為新法行上書極論其害遂貶監  
 南康軍酒稅累年竟不仕以沒杞無似憑藉先世遺  
 烈叨躡從班惟知兢懼以保門戶先考刪定寶藏都  
 官遺文杞頃為閩中常平使者嘗刻之版未成而移  
 漕廣石委之寮屬尙多差舛每以媿恨泊來此邦念  
 都官本以明州觀察推官試大科欲考陳迹則相去  
 百四十餘年不可得知集中自言十五年間再官于  
 天台四明之二州猶有鄞縣鎮國院記等文存焉因  
 再加讎校而缺其不可知者屬郡博士郡從事刊之  
 以廣其傳仰惟曾祖風節峻厲凜然如生不肖曾孫  
 恃有公論不敢贅辭云慶元六年十月望日曾孫太  
 中大夫嶽猷閣待制知慶元軍府事兼沿海制置使  
 杞謹書

都官集 原跋

五 宜 秋 館

都官集目錄

卷一 策

太平有為策

利用一 利用二 利用三 利用四

利用五

卷二 策

厚生一 厚生二 厚生三 厚生四

厚生五

敦化一 敦化二 敦化三 敦化四

敦化五

都官集目錄

一 宜 秋 館

卷三 策

崇德一 崇德二 崇德三 崇德四

崇德五

經制一 經制二 經制三 經制四

經制五

卷四 書

上言災異書

上英宗皇帝書一

上英宗皇帝書二

上英宗皇帝書三

上神宗皇帝言天變書

卷五 奏狀 制 論

奉行青苗新法自劾奏狀

江西路轉運副使吳潛除大常少卿制

救治論

臣難論

卷六 說

進治說序

說御 說用 說復 說變 說應

說柄謹存三十四字附錄題下 說幾 說權

都官集目錄 說上 說學 說教 說化

說政 說刑 說仁 說義

說禮 說樂 說智 說信

說體 說制 說實 說聽

說斷

卷七 說

說祭 說財 說兵 說河

說豫立太子 說伴 說節

說勢 說官 說任 說使

說進 說黨 說副 說士

說農 說工 說商 說田

說諫 說恩 說宥 說禁

說戒

卷八 記

海惠院經藏記

秀州資聖禪院轉輪經藏記

明州鄞縣鎮國禪院記

秀州華亭縣布金院新建轉輪經藏記

湖州安吉縣靈峯殿記

秀州華亭縣天台教院記

海鹽李宰遺愛碑記

杭州知府沈公生祠堂德政記

秀州崇德縣新三橋記

明教大師行業記

卷九 書

上韓相書

上時相書

上時相書

上歐陽內翰書

上歐陽參政侍郎書



上歐陽參政侍郎書

卷十 書

上時相書

上時相書

上昭文相公書

上呂參政書

卷十一 啟

賀文相公啟

賀富相公啟

賀張參政啟

都官集目錄

賀參政給事啟

賀樞密太尉啟

賀樞密侍郎啟

賀歐陽樞密啟

賀陳樞密啟

賀龐樞密啟

賀吳樞密啟

答同年交代啟

上唐州知郡高太卿啟

賀運使啟

四  
宜  
秋  
讀

謝改官答賀書啟

謝秀才拔賢見訪啟

回舉人謝解啟

與錢塘知縣殿丞啟

謝越州知府大卿啟

賀南康知軍郎中啟

卷十二 詩

古體四十一首

卷十三 詩

今體八十二首

都官集目錄

卷十四 詩

排律絕句十九首

五  
宜  
秋  
讀

都官集目錄

策

宋 陳舜俞 撰

太平有為策

臣恭以江湖賦畝以不忘國家之義為忠睿王哲后以不廢芻蕘之言為聖使上聖有日月之明下忠懷金石之固而能相遇于一時奠乎千載謂之難得臣嘗竊自賀讀書學古有知于世而生逢陛下聖神從諫弗拂得不勉盡草茅之愚厘道經濟之術仰輔陛下盛德鴻名之萬一而無失一時之遇乎臣伏以有

都官集卷一

一宜秋

人于此苟謂陛下可以垂拱與處高視穆清為無可為之化者此必佞臣妾婦苟悅於上不明王業之難也不然有欲怠陛下好治之心將致陛下於有過之地也以臣仰觀清光焦懷萬幾日旰不食委職羣下聞善若驚疑媿乎真欲治之主也然而撫御神化三十餘年天下之獄未聞幾措公私之積常若不足選賢任能或患不充其舉循名責實未聞休烈有人麒麟不游頌聲不作何也臣嘗究思之熟矣生財有大蠹耗而未除赤子有大瘡痍而未愈風俗有大教化而未被國家有大基本而未建朝廷有大制度而未

立蠹耗不除而望家給人足不可得也瘡痍未愈而望刑清姦改不可得也教化未被而望習俗純美不可得也基本未建而望禮樂明備不可得也制度未立而望政事宣昭不可得也方今四海晏然兵革不作由陛下仁孝容蓋不殺不辜雖然維持安寧終有慝德臣故知非陛下無可為之時也為今策者莫若謹利用以節蠹耗故生財可得而豐也臣謹為陛下作利用五篇弭措克而息瘡痍故赤子可得而安也臣謹為陛下作厚生五篇敦樸質以美教化故風俗可得而厚也臣謹為陛下作敦化五篇崇德義以固基本故國家可得而長久也臣謹為陛下作崇德五篇明職業以立制度故朝廷可得而理也臣謹為陛下作經制五篇臣以為利用豐然後民生可厚民生厚然後王化可敦此三者修乎下也內則固長久之業明政事之紀此二者修乎上也上修則下安下修則上安太平有為如斯而已臣謹總而名之曰太平有為策二十五篇昔漢文帝之時天下可謂治矣河南賈生曉達國論猶謂有可痛哭者三長太息者六臣愚倦倦不異于是矣

都官集卷一

二宜秋

利用一

天下利器也凡上之所以操持而制使之者必先明其用善用其器則久而不蔽日富于內而外無敢侮屠牛坦一日解十二牛而芒刃如發劍無他善用其刃也禹湯用天下而王桀紂用天下而亡桓文用國而霸齊襄晉昭用國而削國均用均而治亂存亡異者善不善之致也故用天下於道德仁義者王用天下於法度械數者霸用天下於戰勝富足者強不善用者反此以詐僞文飾爲道德以姑息回容爲仁義如是者削以維持苟且爲法度以逶迤苛撓爲械數如是者亂以窮兵黷武爲戰勝以聚斂措克爲富足

都官集卷一

三宜 秋節

如是者亡夫用天下國家者莫不願爲堯舜禹湯之隆然而不能所制之術殊也猶操刀者莫不願割而不若屠丁由不善其理也天下之仁以恩爲用可以無恩恩則侈天下之禮以文爲用可以無文文則驕天下之財以養爲用可以無養養則費天下之刑以恕爲用可以無恕恕則賊孔子曰過猶不及是也故知推恩足以保天下以至小人柔頤噉喙而無有屬厭是用過乎恩矣知盡禮可以華邦國以至殫極侈靡糜金糞帛而無節是用過乎禮矣知養人可以爲國以至蒙原之人蜂合蟻聚者不可勝數是用過

乎養矣知公恕可以道罪以至幸人縱欲貪冒而無恥是用過乎恕矣此四者爲國家之大蠹天下之甚病也夫用天下國家而不免於蠹且病猶主器而不知愛日操使之以取不折則闕之道或者不爲也天下之用有三一曰正二曰權三曰蠹正者天下之大義也禹湯文武其行己也儉爲其禮也稱其養人也

都官集卷一

四宜 秋節

有節故其取民也有數而國與民皆足故曰天下之大義也權者天下之大變管夷吾相齊而諸侯服商鞅制秦而六國傾武帝廣漢而夷狄屈然而兵宿於野國不貴粟吏勤於事官不愛廩國家少安而民亦危矣故曰天下之大變也蠹者天下之大殘晉宋隋唐之君吏無所事而祿者衆兵不足戰而養者不可計夷狄交於中國而其求無厭天下之力日以屈而民不堪命矣故曰天下之大殘也非利用之道也夫爲天下國家者必先利其用利用然後財可豐財豐然後民可富民富然後教可行教行而後天下可安且久故曰爲天下國家必先利其用嗚呼做者百世之共患也禹湯文武以知古之明爲今之察故能善利其用而王道成後之視禹湯文武之治可知也求晉宋隋唐之亂亦可知也然而不能自反其亦不利

平用而已矣

利用二

天下之養斯有天下之用一國之養斯有一國之用  
天地養萬物天子諸侯養人卿大夫養士士庶人自  
養凡所謂養者皆有分也夫分者必以眾養寡以有  
餘養不足然後恩足而義不廢用日裕而財不竭故  
以士庶人而養士則其財貧以卿大夫而養人則其  
祿匱以天子諸侯而養萬物則其功不足故為天下  
國家不可不知分苟為無分塗人之毀瓦畫墁皆可  
以衣食於上亂之道也故天子諸侯養人之道爵以

都官集卷一

五宜秋館

衰德而不踰祿以食功而不浮人之所以求養於上  
者大德進則望大祿小功入則望小利翼翼然皆有  
屬厭白足之色也由分素明養素著也三代之行既  
滅秦漢晉宋齊魏梁隋唐之君其取人也雜其養人  
也濫胥徒卒伍百工技藝之比皆獲養於上而人之  
責上之養不求有功皆自待以義嗚呼宜後世作者  
未之有改也然嘗求古之養視今之人抑有甚者古  
者取士之法莫詳於周自七歲入學至三十其論考  
之自比年至九年其主者自卿大夫至於大司徒樂  
正以達於天子夫士之至是亦可以賢矣然且任官

而後爵位定而後祿豈若今旅天下之士求一日無

用之空文任有司好惡之進退當時不復詢其材終  
身無所甄其能遂置爵糜祿分職授政而至於富貴  
哉古者大夫不世爵王旌其有勲勞然後世祿且非  
一卿大夫而羣子弟皆見世祿也豈若今一人委佩  
一門緩帶連裾踵烏躋臺入閣彬彬然其盛哉古者  
吏執乎役其獲養于國不過餼廩稱事失道之世猶  
責其明經或曠年而少進豈若今魚聯雁序僥倖百  
出之有哉噫官之冗今也可謂甚矣由朝廷達于郡  
縣舉班行至于選部無慮二萬計天下定員自宰相

都官集卷一

六宜秋館

至于下執事乃七八千數是人無所事獲養于上者  
嘗三之二一歲之俸其率百萬加粟與帛靈五十萬  
而足賦民戶出粟三石帛二匹蓋十萬戶之耕織歛  
而而發之官食人者按此句當有脫誤然後食粟而衣帛耳  
由是言之以天地養萬物猶恐不贍以人養人奚其  
用之不屈哉今夫聖賢有為必先去聲律記誦之學  
進為賢能之舉說其下篇公卿大夫之世祿必有功勞而  
後及其嫡百司之吏皆優餼廩以報勞而不階於仕  
天下之凡獲養于上者皆須有功然後上之養下也  
力有餘下之責上也亦易足利用之道莫先於此

利用三

君曰今夫天下求養於上之兵百倍於仕情而不與戰者大半而為國論先其寡而後其眾可乎臣對曰兵之冗甚矣然用之不節於上者無以制於下法之不始於內者不可動於外士節於國官材於位紀律明職業循夫所謂兵者猶伯樂之廢駑駘不能害吾群匠石之木輪囷可以備其用奚冗之患哉今天下之兵無慮百萬其獲養於縣官之差千餘等歲率五萬錢養一兵天下之養歲常糜億萬可勝計哉此用之必屈財之必匱養人之弊亦已甚乎古之兵自養

都官集卷一

八 宜 秋 館

而君教之戰秦漢之兵君養之而君教之今之兵既患殫天下之財養之不足施於戰勝固非有強勇敢死之義由無教也嘗考天下之兵雜然無統騎者不足馳騁徒規芻粟之利步者不知坐作况問戰陳之事強者必驕肆而飽于恩賞失其欲則多怨弱者力不足雖凍餒瘁死之不能逃是以觀今之宜知養之不可已不如教之教之不可已不如材其官而統之統而教之則如制四體心動則臂運臂運則指屈如調五聲命官則官應命角則角應馬官司馬之法不可得而復矣亦有隋唐之制焉比而離之以為十六

衛統之以帥副之以將教之習之

說具然則前此者下篇

苦錄之兵可得而犀利也腐穿之革可得而堅完也恩信固已相保也號令營已相聞也由是使人人有勇有義可以戰可以守強國備寇之道其在此乎曰養之道其不可講乎曰三代之所以自養者廬井之民是也漢之兵猶有自養者趙充國浩亶之田是也魏武之屯則在許下鄧艾之屯不遠陳蔡羊祜之富襄陽杜元凱之實荊州苟羨之耕石髓隋開皇之田朔方布在方册其昭可鑒况今逃徙不毛之地不為無有又朝廷加號名田之法

都官集卷一

八 宜 秋 館

則皆可使耕而自養也亦在得人而已

利用四

中國之財每患屈于四夷自秦漢以來未有能改也然天生財以奉天下之正用用之有以愛養乎天下者正也用之有以威強乎天下者亦正也漢武憤于用兵夷狄雖屈而漢已耗生民毒以無聊用之失也五代之亂事之以厚幣力有時而屈而求者未有厭在乎我者固未有以備之不顧患而動失又甚矣是亦亡耳故善為用者行乎寡之用必思有時而不免乎汰行乎汰之用必求有時而為之寡思乎汰之用

昔故賢倉廩治甲兵育材養士以待乎汰是以費未  
至而已蓄善未生而有謀此三代之治所以春蒐夏  
苗秋獮冬狩皆于農隙以講事也求乎寡之用者亦  
實倉廩治甲兵育材養士以待乎寡是以力足而心  
休智至而功立太王之事獮鬻句踐之事吳是也天  
下有三貴民爲上土次之財次之有民斯有土矣有  
土斯有財矣先王無益於民未嘗貴土無保於土未  
嘗貴財斥地千里勞民以戰不謂之病爲民故也用  
師十萬日費千金不爲之屈爲土故也明王挾三貴  
以臨天下故民安于土土生于財財養于民其次亡

都官集卷一

九直秋備

一而得二或亡二而得一財可亡也土次之民不可  
棄也三者俱亡其國非其國也況可言用之利乎今  
夫亡幽薊之民久矣亡幽薊之土亦久矣旣不能貴  
又賤吾財非利用也得其民得其土亡吾財猶難之  
奈何不得又失之且五十萬之財吾民之食且衣者  
也吾土之生且殖者也歲取之與之亦將有時而屈  
求者固未嘗有厭復不思所以有時而寡之道豈  
利用之義乎爲國慮者亦可怪也然則奈何其亦實  
倉廩治甲兵育材養士以待乎時而已矣

說具下篇

利用五

今夫爲朝廷言利用者必以摘山煮海云也夫利者  
以利言也爲之而不見其利非良策也若曰惡是何  
言也茶之算數歲無慮若干鹽之泉賦無慮若干軍  
國之餉饋仰焉謂之不利可乎曰有以知其非利也  
賈道也請以賈喻東市之賈美必求百金之利市之  
人不過再鬻之三鬻之而已西市之賈亦美而求五  
十金之利故一國之人皆鬻焉然則利百金者利乎  
利五十金者利乎必曰五十金然而以百金而謂五  
十金知其爲愚賈也凡爲血氣心知之屬未有舍美  
賤而就貴惡也今國有摘山煮海之富而求爲三十

都官集卷一

十直秋備

倍之贏具藏之府庫浸以朽惡乃下與小民爲半倍  
之鬻者爭之此愚者猶知其不可也獨恃以操鞭撻  
之嚴張網罟之密區區之民無能與我抗者奈何趨  
美賤而棄貴惡未易以刑戮拂其性乎今天下茗鹽  
之價官得其一民得其九何則美賤貴惡之理相絕  
也彼一者猶非其願直狃于鞭撻之下籠于網罟之  
中而莫之能免也今夫爲利言者指無慮若干之入  
而謂不可弛是猶持百金而謂五十金不知一國之  
人皆爲五十金之鬻也復不知天下之獄鞭笞繫釐  
斃鉗之人歲嘗百千皆五十其利之人不然國人之

西走者也富天下之富子天下之子而下與之爭利  
且不明法數之非是爲之計者可謂得乎今有欲爲  
利用豐財之事者必先弛若權輕鹽價弛其權而征  
之輕其價而利之則猶變百金之利爲五十金之利  
是使天下之民悅其美賤而免於刑戮皆東走而歸  
之也奚患夫利之不博邪或問弛之之術曰拔其禁  
而投之使山者自鬻鬻者自賈關市視而征之今夫  
漆絲布帛之利皆山也曾不曰權如其征不亦可乎  
問輕之之術曰今夫海濱之民貪冒殊抵亦可謂艱  
矣然負而鬻者率取官市之直五之一蓋亦足以贏  
耳如稱其民而平之民一而一民十而十使一國之  
人之于西者猶之于東也且有刑辟之畏則奚爲不  
市於我邪彼下之求贏者無所利亦將棄負販而趨  
南畝矣

都官集卷一

十一 道 秋 節

策

宋 陳舜俞 撰

厚生一

奈之何生民之窮乎千夫之鄉耕人之田者九百夫犁牛稼器無所不賃于人匹夫匹婦男女耦耕力不百畝以樂歲之收五之田者取其二牛者取其一稼器者取其一而僅食其一不幸中歲則償且不贍矣明年耕則稱息加焉後雖有豐獲取之無所贏而食矣率五年之耕必有一年之凶彼樂歲豐年猶不免

都官集卷二

一 殖 其 備

盼盼若衣食之不足凶年求免于寒飢艱矣為民上者取寒飢之民而教之禮義廉恥是猶起痿者而責之走坐盲者而責之視不可得也古者人以里居田以井授雖有曠土號狐狸而植荆棘授人不過百畝先王尚然者知國有兼井之家則里有凍餒之民里有凍餒之民則塗有穢奪之暴善為政者必使強者不得而有餘弱者不至於不足王道之始也秦遺其禍漢人不能救乃務躬耕籍田以粟為賞罰所以感厲天下之道是畫餅而餽飢飲水而望醉無益也然當時猶能免人田租不錮山澤公私之積不為甚迨

末年師傳張禹占田四百頃富家是以謂之甚鄙以

古較今田之無制未有若今為可哀痛也今公卿大臣之占田或千頃而不知止夫大臣法而小臣廉古之道也故天下士大夫皇皇其田惟恐力不贍富家大姓孰從而制之哉今在上者獨怪其民爭奪之不息孝弟之不篤田無不耕而耕者長飢婦無不蠶而蠶者長寒一歲不穰流離滿道獨不知天下之民耕而自為者十無一二為人而耕者不可得而食也今夫聖賢有為必先限名田議者猶謂百年之傲奪之必怨隱冒移徙抵欺生姦恩未偏民怨必兆亂矣臣

都官集卷二

二 殖 其 備

謂不然今公卿大臣占田為甚矣夫欲有為必先降手詔裁其中制使公卿大夫咸以餘田歸于縣官而畀民之無可耕者或使自均之宗族之貧者夫公卿大夫者固以有道德忠義以信于上之人也樂與天子致天下于富足廉遜之人也鼎養世祿不待田而衣且食之人也夫安得以區區之土致怨于上哉然則公卿大夫修法于朝則天下之民必相與告語曰朝廷將使吾屬不得連阡陌乎何公卿大夫有是舉邪當是時朝廷發以德音曉以王制期其年凶損有餘補不足臣謂可無罰一人使天下皆為有田之人



因而教之勉之以厚其生王道成矣

厚生二

若曰今天下田無不耕而耕者未嘗不貧土無不毛  
狐狸無所處而官不加賦何也曰名田之做既已道  
于前矣夫民田不節而望民有餘力猶奪其餉而問  
其飽撥其本而待其華不可得也若曰限田足乎曰  
未也農不勤則穀不富本不厚則用不節百畝之家  
雖有豐年美衣鮮食則無餘蓄矣巫覡者教之淫祀  
釋老者命之棟宇衣食不幸穀一不登無餘粟以食  
無餘布以衣至有鬻妻子而償稱債況求其爲土著

都官集卷二

三宜秋節

之戀邪是以聖王之于民也未嘗一日而無教故語  
曰既庶矣又何加焉曰富之既富矣又何加焉曰教  
之詩曰晝爾于茅宵爾索綯亟其乘屋其始播百穀  
言民之織悉無不教也古者卿大夫鄉先生旦夕坐  
于里門而語之如此其至焉今夫官有勸農之名而  
無其實由朝廷尙名而不責實近民者以能嚴賦役  
給餉饋爲材非所以厚生也今夫聖賢有爲使流轉  
傭賃之人遺于土著家有百畝之田爲始然後在郡  
設勸農之官鄉爲三老使歲時行教田里周知耕耨  
之勤怠舉力田而獎之以布帛牛酒怠惰者異其衣

眼以恥之制爲加賦以罰之又教之以節用厚生凡

曰巫覡之欺罔釋老之丐乞禁不使入于田里夫然  
後男有餘粟女有餘布養生送死而無憾禮義之化  
乃可舉也今夫人患土無不毛而官不加賦前此者  
黠姓大家質劑爲奸占田索百賦無一二貧者以苦  
瘠之畝荷數倍之輸歲既不給卒以貿易假名稱報  
逃徙故天下逃徙之田不稱其賦者多矣吏旣數易  
簿領緣絕雖有智者不可攷也使今限而均之且有  
勸農三老周知之豈惟斯民安且富哉抑亦田賦相  
與日加闢矣

都官集卷二

四宜秋節

厚生三

古之吏惟恐民不安且富今之吏安則嫉之富則仇  
之人之性古今豈異哉制使之然也古之君子以政  
愛民今之君子以政強民愛民者以養民爲賢強民  
者能害民爲賢古者入人之國田疇良而蕤蕤兮桑  
柘猗而閑閑兮室廬改而櫛櫛兮市塵昌而融融兮  
其民安且易易兮其國令前後舒且肫肫兮君子曰  
政也不有養民之道乎今則不然有語其國曰農者  
力耕以事其稅蠶者疾織以奉其賦里無改室畏其  
加役市無聚貨畏其加算其民愿愿以服其使令前

後促數而免罪君子曰政也不有害民之道乎嗚呼今之所善古之所謂賊夫人者也今之所以獲與于君子者古之所棄也然嘗求其源矣古者用民之力威不過三日使之者皆爲其佚之道也天之財地之利民食其百君食其一取之者猶爲不得已之道也故上之于民也惠下之奉上也易恩久而愈浸附久而益堅天下國家嘗數百年而安寧者由其民弗叛也今用民之力無休年有司百執事之使令城郭溝洫之繕完宮廟游觀之興作關征賦稅之定算縣官布帛百物之供給庸挽一皆用民天之產地之生若

都官集卷二

五宜秋館

挈其手而使之取若掩其口而命之食吏以能用其民爲材不能用其民爲不材能斂其財爲智不能斂其財爲不智千金之產一役而瓦散者有之百金之子一役而憂死者有之吏之目是民者曰非我也法也法之徇是民者曰非義也時然也吁生民不見恩澤之浸如此安得久而不叛乎今夫聖賢有爲必先取天下之甚大力役而去之且使斯民安于田里以膏以沐前此焉非不可也是不爲也今天子一日坐法宮渙大號于郡縣曰我民之有如是而役之者悉復之舟車之饋軍國之急一切責于公敢有故用者

論如律其誰禦哉夫如是吏知上之所以養民也甚銳八人行己如上之銳雖有強忍亦未由也已息民之急無尚於此

厚生四

今夫取民之財可謂悉矣一夫之耕獲者在田而斂者在門匹婦之蠶織者在機而征者在屋天之所生地之所產苟可以衣且食者皆爲犯法禁何民之不窮也古之君子爲天下國家也下其政必有以大結夫民者是使其民謳歌鼓舞戴神之賜如孺子之慕父母故衰微之世雖有禍亂之人猶不能呼吾民潰

都官集卷二

六宜秋館

且叛者是無他孺子而舍其父母安往哉故夏后五十而貢商人七十而助周人百畝而徹皆衣之食之道也下至漢猶能弛山澤賦苑囿免其田租或三十而稅一後世語養民者必稽焉嗚呼以古視今天下之斂甚可憐也秦之民屯戍力役三十倍于古田租口賦鹽鐵之利二十倍于古足以亡秦矣今者田租力役口賦鹽鐵之利視古如何哉唐之民括商戶僦賃稅人間架算除陌足以亂唐矣今者暴征之下幾希不籍室廬封其櫃窖而取之關市之稅孰不計其除陌而算之哉然而天下冥然無事以朝廷革五

代之禍亂前此者嘗有以大結其心今此者天子仁  
孝不殺不辜天亦有以扶持而安全之雖然民已無  
聊矣不可不知也困之不已則怨集怨而不已則恩  
不勝前代之患常必由之可不念哉故夫聖賢有爲  
必先利其用利用則豐財豐財則賦可輕禁可弛矣  
今天下之賦五曰公田曰民田曰城邑曰雜變曰丁  
口天下之禁三曰鹽曰茗曰酒生民之衣食舉此八  
者窮矣又朝廷就爲科變之法一合之粟轉爲釜一  
縷之布直爲尺有司重之以支移法取其一吏取其  
二因緣爲姦不可勝紀此民心所以益無聊也使利  
用之道大行國有餘蓄則可以間發明詔免民年稅  
除其科變使生民餘一粟食得一帛衣知出上之賜  
豈不謳歌鼓舞如孺子之慕父母哉凍餒之時第有  
甚者耳

厚生五

昔曰關市何如曰征商不征民者周道也周制有司  
關市征廛之人歛其布入于泉府然則周之愛民可  
謂備矣夫生財之道食之者寡生之者眾然後穀不  
可勝食先王視其民之樂流徙而惡勞辱求其敦本  
抑末之道故關則譏市則征征之所以勸農也先王

都官集卷二

七宜秋節

征之猶患穀不勝買如弗征則南畝之民莫不相攜  
而去矣先王之征有旨哉今關市之征戾于古矣魚  
薪鹽蛤匹夫匹婦之利皆征之富商大賈水有方舟  
陸有結駟千里間行不由有司者多矣此所謂征民  
不征商也商可征也有司不求流通之術以來之徒  
窮力命算驅使抵冒間道以走其利匹夫匹婦可養  
也有司措剝之不問毫髮詩曰魚網之設鴻則離之  
蓋謂是乎今夫聖賢有爲必一新甲令畧細名而存  
大目有若山海之饒饒寡孤獨取而利之者悉號之  
四達使有司不得欺罔掇取其利雖然露霖之潤及  
于草木豈不各遂其生乎苟患不足亦在節之而已  
嗚呼百姓足君就與不足

敦化一

甚矣民之無教也子不知其爲子者有矣弟不知其  
爲弟者有矣臣不知其爲臣者有矣朋友相爲欺愚  
者有矣市井日以矯奪者有矣此五者非性也人生  
而莫不知愛其父長而莫不知敬其兄仕而莫不願  
忠于君游而莫不願信于朋友相生養而莫不願自  
足于衣食然而泯然失其本心者燦于習俗陶于無  
教驅于不足久而莫之反也古之人孩提則保母教

都官集卷二

八宜秋節

之功而卿大夫鄉先生教之長而樂正大司徒又教之其自孩提至于老且死其耳聞皆孝弟忠信仁義之說也其目見皆孝弟忠信仁義之習也先王以六者必待衣食足力有餘然後弗之叛故制爲廬井以居之其稅十而取一又有山澤以利之通商旅以濟之家有餘財人有餘蓄水旱又從而賑之災患又從而恤之當是時也一不悅于父母不得于兄長不獲于君上不交于朋友不善于鄉人入于一國一國惡之人于一鄉一鄉棄之奚必待刑戮而後狃于教使邪故曰成康不式四十餘年蓋天下常無一人之獄

都官集卷二

九宜 秋 館

矣嗚呼甚哉今之人自孩提至于老死者上不爲教劫之語以告之其生而知盡養其父母盡力于其兄超然出于鄉人上且不爲禮以異之浮屠老子既從而招之不惟上之人無有禁之者又爲之與其能爲浮屠老子之說去父母兄弟之道命之食其食服其衣又從而文色之位號之命父母兄弟以拜之命郡邑長官以復之是欲人不復爲孝悌忠信之道耳其餘未及自棄于獻畝市井樂父母兄弟而歸者上必有道以苦之蠶則賦其帛耕則征其租纔有以安居則強之以力役僅足以相生養則必從而調發之樂

歲豐年時時焉固未嘗自裕凶年宜不免于流亡也嗚呼孝弟忠信之行亦幾乎息矣昔之君子之導民也雖不爲近古猶恐民之皆棄于孝弟忠信也故閉閭思過者有之上書自劾者有之不曰三綱五常教之重乎今也三綱不舉五常不修民相與終身而去之或傲狠殘忍有梟亂之道焉語曰雖有粟吾得而食諸蓋謂是也可不戒哉今夫聖賢有爲必立學官擇賢師而使人人生而幼有所受教鄉取道德行誼之人爲三老使主風化歲考孝弟優異之人以爵之其次月與之粟歲與之帛以獎勵之刺史縣令四時爲

都官集卷二

十宜 秋 館

鄉飲養老之禮以明之制爲浮屠老子之力役奪其衣服之文位號之貴反其家使必拜其父母然後人知在天地之間未出乎中國不得忘人倫絕孝弟庶乎其可也

教化二

善爲天下者不患乎無政患所以化不患民不從求爲可從也導民之路莫美于德義俗莫美于使君子知道小人不犯非禮上無德義之化而求天下之俗美猶撓其源而醜其波植曲表而望端景不可得也上好械數則民知械數可欺而詐出于器外上好刑

名則民知刑名可逃而奸生于法之所不能及故械  
數刑名者非治民之道是率天下相與爲僞也古者  
君子治小人小人受命于君子由上好德義以陶民  
君子者德義之府也後世君子小人交相治由上好  
刑名械數以範民刑名械數者天下之公君子小人  
之所得而共也人各有所能以君子爲稼穡則不若  
農夫以君子爲斤斧則不若匠氏以君子審音聲則  
不若矇瞽以君子爲刑名械數則不若小人能者制  
人不能者制于人嗚呼化莫甚惡于使小人而制君  
子也夫爲法之做始于做小人而終于做君子做之

都官集卷二

三宜 秋 節

始也小人無所措其手足做之終也君子不能容乎  
一身噫君子者國之基也爲國而無其基國其存乎  
詩曰我生之初尙無庸我生之後逢此百凶言世亂  
則法密而君子不樂其生也君子小人之分猶冠冕  
之于屨絢几杖之于牀第也以屨絢而加冠冕以几  
杖而藉牀第倒置莫甚矣易曰城復于隍此之謂也  
今刑名械數之立日不已晉獲陷穽滿于天下使民  
日相矛盾愚者日闇巧者日晦君子小人相與日入  
于穿窬之盜吁可嗟也今有悼天下之治者不明本  
末之異而思持循之未備又從而制之是繩繁而縛

愈急絃危而柱益促未見手足之便琴瑟之和也奈  
之何將痺且絕矣秦之民也叛漢之民也附秦之法  
也如秋霜漢之法也網漏吞舟之魚理勢可知也今  
夫聖賢有爲必解其撓示之以德義使智者無所逞  
賢者有以自裕天下爲和平之俗而後王道可致也

### 教化三

人若奔走而赴之者亦不以上有召號之道乎天下  
無事岩穴草茅之人相呼而起曰盍來仕乎雖然承  
平日久則願仕之人眾上固有召號之則仕皆後義  
而先利輕進而重退嗚呼令則甚矣大臣曰進于朝

都官集卷二

三宜 秋 節

朝取其一暮取其二以千牟萬嘗若不足由上之所  
以召號之者富而無憂貴而無責其進也榮其退也  
幸小人日進于官躁于爲上不安于爲下蔽于貴人  
不明其卑已由上之召號之者舉則得進不舉則不  
得進不肖者幸得于人智者恐其害己也士三歲一  
進于有司相摩以肩相踏以踵以百爭一不克自養  
由上所以召號之者擇之不考其行爵祿之不問其  
素或遷富貴之不待其有功也風訛俗靡勢倖則爭  
力蔽則奪怡于巧進恥于拙退可謂甚矣邱園無潔  
白之輝岩谷不聞玲瓏之音苟有之鄉人指之爲愚

朝廷不謂之高奈何欲其不奔走而來哉夫其舍約者其取大有所不爲然後可以有爲詩曰皎皎白駒在彼空谷生芻一束其人如玉言賢人君子必有優游高遠不爲世俗之事者也今夫聖賢有爲必使朝廷之上辭貴不辭賤表守之內先事而後祿天下之士以進爲退曰何修而至是邪曰天子以廉恥總覈大臣使富而知止貴而憂不任其責故曰立法必始賁者六曹以節義訪羣吏靜守者有殊薦特起不沈于下僚若所謂間詔侍從大臣薦一人風節術學而居于下位者在先擇其所受詔不必以品秩爲率也

都官集卷二

三宜

郡國諸侯以孝廉廢多士使絕俗有時而進清風知其所激若所謂歲貢一人道德孝弟不屈仕進者朝廷姑置之位而稍養以祿以觀其用借曰不賢方之吏而登仕賦而入官未爲多也是使人人知自貴節義廉恥以待上之求且養然後風俗爛然可觀耳

敦化四

國家之患莫甚于上下交征利人皆有好利之心不矯奪豪并之不厭猶水之不可無隄防木之不可無隄栝也示之以廉恥則民知好惡先之以辭遜而民知止守之以儉約而民有節著之以法制則民不犯

此四者隄防隄栝之謂也古者天子曰天下者家也百姓者子也積之于其彼者猶藏之在乎此也凡天之所生地之所養者莫不與共之故材木養而不愛魚鹽弛而不禁公卿大夫曰天之生財也未有得兼者吾既祿食矣豈可爲負販小人之事邪豈可爲農夫紅女之利邪故服絲之家無織帛之妾受粟之室無望歲之子弟庶民曰天子子君公卿大夫子上田疇子耕山澤子取彼不耕不取者非勢不予贍也彼分與上之道然也彼所以自奉養者固有節也上之愛子亦至矣子宜以賤而復自求贏乎故斧無求操

都官集卷二

四宜

澤無數畧富是時也君君臣臣工工民民農農士士而爭者息由廉恥素著辭讓素行儉約素具法禁素明古之時有爲之者三代是也夫天子步公卿大夫齋庶人走故曰上好是物下必有甚焉者己所欲而禁民不得爲者非人情也故天子障山澤則諸侯封府庫諸侯封府庫則大夫連阡陌大夫連阡陌則庶人爲盜攘夫有是數者廉恥辭讓先亡矣儉約法禁先亂矣爲天下將刑而求其止其可得乎夫廉恥辭讓之化行知足儉約之風著在上者雖詔人爲爭奪爲兼并而人畏道義而無爲者故朝廷有辭祿之臣

田野有遊畔之民今夫山澤土田毫毛之饒有司錮而征之其民雖曰抵冒窮困而不知有怨者是其久而不知所以錮之者本其利也然而公卿大夫相誨以侈相奪以利其在朝廷辭貧而不辭富其在郡邑不知自異于小人之爲其所以生財取贏之道惟恐不逮奈何民之不兼井而能各安其分與哉奈何民之不奪爭而知自貴于廉遜哉天子之公卿大夫則可爲在天子之民則不得爲又非公恕之道也今夫聖賢有爲廉恥之義必自公卿大臣始其要曰不爲聚歛以教民不貪不連阡陌以教民不奪朝廷之上

郡官集卷二

五 禮 徵 論

辭貴而不辭賤以教民不爭受事不受祿以教民盡力厚于退而薄于進以教天下知止一人好讓一國興讓一人好仁一國興仁莫之能禦也曰前此者公卿大夫之進未嘗無讓而民不化曰民從其所行不從其所言是以可言也不可行君子弗言也今夫不得其進則爭既得其進而讓且謂爭之者信乎讓之者信乎既曰不信民不從宜矣

教化五

先王教民爲敦儉節用之道何邪王愛金玉而不器乎山澤出之矣王愛綺紵而不服乎女工作之矣王

愛牛羊而不食乎芻豢畜之矣然則奚爲而必節之邪苟爲不節不奪不厭故王非齋不玉食公卿大夫非祭服不締繡庶人無故不食珍其防曲其法明其美有素非若今詔民極其瑯鏤文章非若今導民入于奇技淫巧也今夫塗金刻玉始于六宮出于京師流于天下不曰詔乎僕質衣爛卒夫服璣組長裾高幘自天子至徒胥一其制不曰詔乎土木被文繡佛老宮閣侈于王居不曰導乎古者入口之家日食斗粟庖有餘蓄歲衣束帛篋有餘布今也瑯鏤不足于器綺紵不足于體肥甘不足于口聲樂不足于耳便

郡官集卷二

六 禮 徵 論

嬖不足于左右前後奈何無爭奪嗜欲之心乎今夫庶民必取法于公卿大夫所謂公卿大夫則何如謂盤盂不足于用歟黃金爲華白玉爲質謂羅綺不足于輕煖歟明珠爲瑤翡翠爲珥謂牛羊不足于味歟陸海羞其珍屠丁易牙爲之調謂五音不足于樂歟群童而歌列肆以舞謂便嬖不足于使令歟南翠吳越之妹北置燕趙之色今夫諸夏必取法于京師所謂京師則何如百奇之淵眾僞之府異服奇器朝新于宮庭暮仿于市井不幾月而滿天下卒歸業雕幾

按卒字歸字二 鷲組繡羸利于市者皆上之所爲詔字當有脫誤

之導之于天下亦可謂至矣詩曰匪面命之言提其耳此之謂也昔孔子欲爲司寇沈猶氏且不敢朝飲其羊公慎氏出其妻慎潰氏越疆而徙楊綰相唐御史徹其臺觀京兆之騶不留邠州行營爲之損樂夫上有清淨儉約之道以示之民奚爲侈哉今夫聖賢有爲斲其文反其樸必始于宮庭公卿大夫服不正色器不瓦木皆委而燔諸四達歌童教之田舞女使嬖教之蠶天下奚其不化哉



宋 陳舜俞 撰

策

崇德一

凡為天下國家而能長久安寧格乎數百年而未亡者由得賢養士之有素也天下未有無賢而能興國未有無士而能治舍舟楫而絕江河棄輿馬而致千里者鮮矣故願泊不求賢求賢不如養士不養士而求賢猶不植木而求陰不織錦而求文采不可得也詩曰芄芾械櫜薪之標之言文王能養士而官人

都官集卷三

一宜秋館

也賈之為賈也始未嘗不致貨而後鬻農之為農也始未嘗不致粟而後食鬻而不買則不得而為買矣食而不耕則不得而為農矣豈惟農賈之不得為亦有凍餒繼焉故天下國家者未嘗不用賢也用而不養則材有時而匱亦不得而為治矣豈惟不得而為治亦有覆亡繼焉故詩曰人之云亡邦國殄瘁言無賢也然君知養士而求賢不得其養則終以無賢猶不為良飼以養馬則終以無驥故御之良者善養驥君之仁者善養士詩曰菁菁者莪在彼中阿又曰飲之食之教之誨之言養之如此其詳也伯樂之馬不

可勝御周公之士不可勝使昔周公之養士也家有塾黨有庠遂有序國有學人生而不見其鄙暴詐偽之習長而聞聖智仁義之道由比年至於三年三年

至於九年鄉先生與之司徒禮之樂正崇四術立四教以成之大樂正甄其秀以升之司馬司馬第其賢以告於王而論之論定然後官之任官然後爵之位定然後祿之是周之士其材不可勝用者非一日之養也周之後天下未嘗無學而教使之非周道也猶廢而無良水草且非伯樂之御人見其無驥也不求良御以治之美芻粟以飼之獨謂廢無益於馬惑之

都官集卷三

二宜秋館

甚矣今天下賜田詔學偏於列郡絃歌鼓篋行三十年天下之士不為不素厲矣宜其達於為政材不勝用然而郡縣之官猶嗟稱職之鮮臺省之選常勤於舉人而患不足以應今將求之不得其方歟養之未盡其道歟臣嘗思之天下之學頗戾於古今朝廷抱關擊柝百金之利佛老之宮塔為之置吏又從而殿最之不亦重乎先王之宮教育之地則不重猶廢而無御非養也適使蹄齧蟲傷之斷識其無良馬也天下之士習溺聲律之末非有知聖忠義之道一旦取而加之人上猶銜轡之不習驟乘之不用斷識其不

能致千里也。今夫聖賢有爲必先詔葺學館，選命侍臣薦天下之有道德術學之士而立爲師，苟難其人，在朝廷厚其祿而薄其進祿，厚則賢可養，進薄則僥冒者不至，又爲之制士，非率教於學不得爲士，是使人人矜尚節義，習爲賢能，未見土地之美，芻秣之良，服習之久而無良馬也。

崇德二

人生不可以無養，養而不可以無教。生而無養者，畜也；養而不教者，豢也。天之生萬物也，春夏以養之，秋冬以殺之，霜雪風露無非教也。人之爲異于萬物也，

都官集卷三

三

提孩母教之童子，父教之語而教之，說食而教之，茹行而教之，趨視而教之，端聽而教之，審能而教之，技工教之爲斤斧焉，商教之爲貨殖焉，農教之爲稼穡焉，士教之爲詩書焉。此數者非僞也，性之所以必然也。故天子諸侯卿大夫必教子弟以治天下，國家猶工之必工商之必商農之必農士之必士，亦各稱其分也。周公封國七十一，周家之子弟五十三人焉，皆爲天子顯諸侯，由能教也。秦之亡也，以胡亥胡亥之亡也，以趙高孔子曰：性相近也，習相遠也，可不戒哉！後世天子之子弟生而不知庠序師友之嚴習而不

見智聖仁義之道，提孩則命之爵長而賦之國氣，驕而易顛，志滿而易覆，此愛之所以禍之也。夫愛而不教，失之矣；抑有愚之而不教者，焉愛之而不教，謂之不智，愚之而不教，謂之不仁，不智猶可知也，不仁者不思之甚也。詩曰：緜緜葛藟，在河之滸，言葛藟猶然庇其本根也。今國家諸王子弟不賦之田土，不錫之山川，富之以祿，不及以政恩義洽矣，然使長於宮庭之深溺，於妾婦之安上，而不知禮義之訓，下而不知稼穡之難，雖有峩冠大帶之華，鞍金蓋碧之異，方於錮之無異也。然朝廷固已設官典教，訓奈何授之而不擇其賢責之而不以誨諭，居其官者不過訂市人之貿易，弄樂工之操縵，非知教也。古者王世子王之諸子必入學，與國人齒，故記曰：行一物而三善皆得者，世子入學之謂也。詩不云乎：懷德維寧，宗子維城，故爲天下者必強其形勢，強之不以仁義，亦末矣。今夫聖賢有爲必詔諸王之子弟聽入太學，與國人齒，使習知師友之嚴，日聞智聖仁義之學，歲遣大臣考問課試，參第能否，而旌其尤異，厚之祿秩，自然人人向風，知自貴於學，本支百世，豈勝道哉！

都官集卷三

四

崇德三

甚矣今之士靡而無實也凡上之所以招之者非其道下之就利而動者日至其至均一術也蒙上之待且有欲大過於人上者故天下之士陷於其利而幸於或然靡靡焉莫之能禦也爲之制者不閑其利之招而厭其人之歸是命之市而恥其鬻飲之酒而惡其醉也今夫必以聲律之藝以待天下之士議者曰舉古之里選責今之郡縣賢不肖不可究而奔競出猶以市人而問其田徒紛稂莠而害稼故不若責士之難能有司之易白者爲愈也臣對曰非然未之思耳夫所謂聲律者賢者難之童子易之明有司白

郡官集卷三

五 直 秋 節

之不然亦不白也且謂待而得者將盡賢乎將賢不肖雜處乎使今人人觀本行於鄉黨責歲舉於郡縣借不免乎賢不肖雜進亦使士之不肖而覬是舉者僞爲君子矣設若今不廉其隅不角其圭棄屠刀而操册書解犢鼻而襲褒衣有司可得而制乎爵祿重器也生齒重蓄也今夫信一日之空文而不求其素率然委而加之非所謂重也議者又曰數取而慎擇之其庶乎曰不然順風揚砂風急力窮而嘉穀益駛不如沐之清澗則瓦礫可得而擇也且如明經之舉環數千里或無一人應令者非無經術之士也是徒

有待之之意而路不廣也今夫聖賢有爲必先養士于學觀行於鄉黨縣大夫考其人之賢升之郡太守禮其賢升之禮部而告于天子禮部策以當世之務先聖之術而觀其能以告于天子而定其論論定然後官任定然後爵位定然後祿郡國所貢賢者有賞不肖者有罰陳湯有罪而繆侯奪爵徐淑失辭而陳蕃免官此二漢之所以比盛三代也議者又曰士之習久矣自大業以來未能改也士失其業而無攸歸反身率德則未至不有訕上亡賴之患乎曰不然天下之事未有一舉而無遺策隋舉進士而不廢志行

郡官集卷三

六 直 秋 節

修謹清廉幹濟之科唐舉進士而有明經秀才之選使今歲詔郡國貢舉一人朝廷異其科以待之閒歲勿停舊選而加損大半之進且制宏詞拔萃之目使以布衣充選以甄其材而後祿如此士之挾聲律記誦而進者益難上之待賢能之禮加異行之數歲自能靡道息而儒術興入官皆修潔之材出類有魁壘之器賢才不可勝用天下奚其不治乎

#### 崇德四

古之君子爲德刑之論多矣孰不先教而後殺勸始而沮終乎故曰道之以政齊之以刑民免而無恥又

曰道之以德齊之以禮有恥且格古之人君殺一有罪終日不舉樂塗有刑人下車而泣亦曰萬方有罪在予一人嗚呼刑人其重哉夫然故制廬井以居之設庠序以教之爲文章以明之謹好惡以示之然且不爲刑辟議事以制懼民之有爭心也今天下民之生自提孩訖于老且死或不聞仁義教勗之語長民者相與爲奪爭夸靡刻薄之道以誨之居又勞其肌膚利其衣食天財地產水游陸馳一皆有禁民一舉足則蹈罪地一言出則發禍機千室之邑萬口之民求爲完膚計無十數雖有明哲之長暫爲德義教戒

都官集卷三

七直秋館

之令服緇袍者不辭負擔履傲屣者不避塗潦頑鈍之俗其能聽乎因是政仍是禁襲是刑治是俗而望天下不忒罔圉空虛猶登山而走下緣木而求魚不可得也陛下視民如傷不殺不辜奈何天下之禁甚密衣食之源閉之已悉長民之官不思有以解弛之義以斷割有罪爲能以高下其手爲材宜吾民無所措其手足相與窮盜而已鷹犬之搏是有伏兔法禁之繁是有姦宄非性也驅逐之使然也今夫聖賢有爲必先大解繁密之網一開衣食之塗慎擇慈惠之師明哲之長陳之以德義先之以恭讓導之以禮樂

示之以好惡庶幾其可也至于三歲一赦比年一宥非措刑導俗之要猶救脛而引其足而已

崇德五

古者文王養民可謂至矣文王之民五畝之宅樹之以桑匹婦蠶之五十者可以衣帛矣五母雞二母彘無失其時七十者可以食肉矣百畝之田匹夫耕之八口之家可以無饑矣老而無婦謂之鰥老而無夫謂之寡少而無父謂之孤老而無子謂之獨此四者天民之窮而無告者也文王發政施仁必先斯四者文王之仁至矣故書曰文王不侮鰥寡不虐無告不

都官集卷三

八直秋館

廢困窮當是時也太公伯夷興于海濱曰盍歸乎來吾聞西伯善養老由是觀之恤貧養老可以優于天下矣文王之後漢嘗養之匹賜之帛斛賜之酒不如文王之法也且謂養老可以優于天下乎夫老吾老以及人之老故老人之老者人亦老其老幼吾幼以及人之幼故幼人之幼者人亦幼其幼是仁術也周興封國七十一周之子孫獨居五十三人焉苟不狂惑者皆爲天下顯諸侯恤窮養老之效也嗚呼法之戾于古者多矣記曰八十者一子不從政九十者其家不從政今夫七十復其身未可謂養也播棄於道

路不衣不褐長民者未嘗有不足之色由貴老之教不行也法有甚者老而無子不得子人之子少而無父不得父人之父若曰豈無百金之產幸其死且不嗣縣官可得而籍也其為不仁亦甚矣人生而莫不願有家死而莫不願有所祀今夫三尺之孤棄而呱呱于道路必貧而父母不能保者也不然惡且恥而不願育者也詩云相彼投兔尙或先之雖然人誰育哉唯未嘗有子憂死而無所嗣者養之今其既已相生養矣既已相父子矣及其死也長民者利其有百金之產卒奪而沒之生者逐之塗而無所養死者絕

聖賢集卷三

九宜秋節

為餒鬼而無所祀是亦法然也吁不仁又甚矣豈惟恤孤養老之賜殆哉抑存亡繼絕之仁息矣今夫十室之邑或有若人者焉十室之邑無慮一二環視天下疑不可計聖賢在上如文王之所以養之猶反掌耳如漢之所以賜之亦猶反掌耳姑使相生養而勿絕之固亦反掌耳老人之老人亦老其老幼人之幼人亦幼其幼豈惟人將報之亦有天地之靈而已也

經制一

天不言三辰效其明四時致其化極者不移經者不亂緯者不息然後生育可得而久也故天子者不可

不知天三公獻其德六卿奏其功百執事致其力議者不命言者不治行而不敢愛其力然後教化可得而久也周公其知之矣六典存焉後之君子有觀周道必觀六典天之道也是故三公坐而論道所謂議而不命者也六卿歲終以百官之成質于天子所謂言而不治者也百官有治屬有教屬有禮屬有政屬有刑屬有事屬所謂行而不敢愛其力者也周公之道蓋久矣必不得已則有隋唐之制焉武德貞觀之際于斯為盛後之君子有觀武德貞觀之治必觀臺省九寺五監十六衛是周公之布六典之幾也嗚呼

都官集卷三

二宜秋節

不以六典治天下終苟道也不以臺省九寺五監十六衛治天下終危邦也今夫天子與二三大臣日聽天下之治百司之事莫不親之是三公無府尙書無省六卿無職二十四司無責九寺五監十六衛錯然亡其分也久矣兵之籍入於樞密天下之會計至于米鹽絲髮竹毫木末一勞於三司古者樞密無官三司無使特昭儻之末制耳朝廷不御樞密所以幸官人也天下用兵租庸所以急兵調也古者有治古有亂古為天下而稽古者不師其治而師其亂亦惑矣今之樞密特古之兵曹今之三司特古之群有司也

語曰夫有從其大體有從其小體從其大體所以爲大人從其小體所以爲小人今夫公不公卿不卿而爲群有司之事大小之體紊矣是使號令日數材賦日匱天下之事日苟簡生民之病日篤非不幸也術數之使然也今夫聖賢有爲必始六曹取天下之吏而歸之吏部取天下之民而歸之戶部取天下之禮而歸之禮部取天下之兵而歸之兵部取天下之刑而歸之刑部取天下之工而歸之工部統之以令揆之以二僕轄之以二丞十有二司位于左十有二司位于右則天下之事若網之有條若珠之有貫尙書總之侍郎佐之郎中員外行之下至于有司小吏如身之使臂臂之使指內則中書攬機務門下司傳納官有餘則置副不足則兼領三公歲終以六曹之成質于天子而殿最之能而稱職者褒之否則免之故曰是天子一歲一聽天下之治王心無爲君立于無過之地也矣

經制二

或問寺曰古寺寺也令名也或問監曰古監監也令名也古之寺者九今之亡者六古之監者五今之亡者四然古之所以貴者實也百王之所以務者要也

都官集卷三

二宜 秋 館

不實不要固未足紛紛是古而非今也周天下六卿各率其屬以倡九牧而治道辨矣後世尙書者六人是也又置寺監若既戶部而有太府則司徒之職判矣若既禮部而有太常則宗伯之職分矣若既刑部而有大理則司寇之職離矣若既工部而有將作則司空之職別矣杜佑亦曰昔臯陶作士正五刑今刑部有尙書而大理有卿是二臯陶也垂作共工利器用今工部有尙書將作有監是二垂也契爲司徒敷五教今有司徒而有戶部是二契也伯夷作秩宗典邦禮今禮部有尙書禮儀有使是二伯夷也伯益作虞掌山澤今有虞部有水部是二伯益也伯冏作太僕正掌車馬今太僕駕部尙輦閑廐是二伯冏也嗚呼佑亦可謂之知政矣今之亂固甚矣寺監之職散爲有司猶四體之不得使於身五指之不得制于手足也徒有主者之殿最朝廷誅賞不過煦嫗姑息稔小人之幸攘竊巧詆爲有司之常出內不能程其巧拙簿領莫能計其盈虛日利月蠹不可勝紀豈足遽與古較其是非邪且如今有日樂曰醫曰卜奚若統之太常爲愈耶有日厨膳曰酒醢奚若付之光祿爲愈耶有日內械曰外器奚若付之衛尉爲愈耶有日

都官集卷三

三宜 秋 館

真贖曰牛羊駝象奚若付之太僕為愈耶有曰審刑  
奚若付之大理為愈耶有曰林曰苑奚若付之司農  
為愈耶有曰織曰染曰裁造奚若付之少府為愈耶  
有曰東西作坊曰內外物料曰竹木曰選材者不可  
勝紀奚若付之將作為愈耶有司之事可以省則省  
可以寺則寺可以監則監區以別矣統之以卿貳之  
以丞稽之以主簿十狐之裘必挈其領萬目之經必  
提其綱奚為不治已乎猶反掌耳

經制三

或問十二衛曰今亡也久矣兵之無統也若曰殿前  
若曰馬軍若曰步軍若曰軍頭寒則索衣飢則命餉

都官集卷三

三 宜 秋 節

之人千餘等等各為卒卒各為長長各為領領之者  
非知有忠義征伐之將也特歲月久老涉級之人耳  
長之者非知有節制教令之士也特強犢有力過人  
之人耳名存于四司而領其官者不得知其籍是以  
卒不知教將不知義驕惰暴慢涵煦衣食轉而為游  
手習而為末作者皆是夫何暇識坐作進退之為哉  
安得問敢死致命之義哉幸朝廷無事老且死而不  
用不幸羽書報於一方天子推轂遣將于內則是夫  
也不免烏合于旗鼓之前後聲音未嘗相識也恩威

未嘗相習也無以異于驅虎兇而搏虎兇誰能用命  
且恐未免于搏人又非所謂驅市人而戰之也可不  
念哉古之天下兵莫為大故制天下者必先制兵古  
者大司馬率其屬春蒐夏苗秋獮冬狩皆于農隙以  
講事三年治兵出則振旅入則奏凱其坐作進退常  
相習也其旌旂金鼓常相視也其擊刺射御常相親  
也其勇敢死義常相許也嗚呼廬井廢而斯道已矣  
猶有魏周隋唐之制焉有曰十二大將軍者矣有曰  
十二衛者矣有曰十二軍者矣軍有將將有副皆為  
一時威名之選不曰重務乎其後有十六衛曰衛曰  
驍曰武曰威曰領曰金吾曰監門曰千牛皆有左右  
大將軍衛一人將軍三人羽林龍武神武皆有左右  
凡六軍大將軍一人將軍各三人皆有衛署開元之  
際于斯為盛由知教也今夫聖賢有為必稽焉去冗  
雜之多名而泣之十六衛大將軍制其命將軍副之  
日教之月試之時簡之歲閱之其居也如枝之附幹  
其動也如影之答形一日天子討有罪不赦制戰於  
廟堂猶調笙簧之五音命宮則宮應命角則角奏可  
以師不踰國將不命轡而見夷狄歛袂而為臣矣

都官集卷三

十四 宜 秋 節

經制四

或問侍衛曰文武之道也今亡矣王道莫盛于文武  
文武之際雖侍御僕從之臣必求乎吉士命其人則  
曰僕臣正厥后克正僕臣諛厥后自聖授之職則曰  
繩愆糾繆格其非心俾克紹先烈以文武之聖而有  
周召之輔佐宜無待于侍御僕從之臣也然且慎重  
如是者誠以朝夕起居常與俱出入言動相與接其  
事不可不重也是以文武之君無結褵之人其所以  
侍其君者無非道也穆王起而周道衰猶能慎簡乃  
僚以官侍衛故怵惕之心見于書孔子有取焉言人  
言總天下之勢居九重之中其侍衛近習之人當先

都官集卷三

五直 敬 節

正也故賈誼曰習與正人居不能無正習與不正人  
居不能無不正是可謂知治體矣今夫侍衛之名或  
存焉侍郎給事諫議起居司諫正言之職常不減五  
六十人然朝夕未嘗承侍也起居未嘗與俱也出入  
言動未嘗相接其所以爲之侍衛者不過宮尹掃除  
之隸廝養之材非有道德仁義之蘊事君事父之大  
義一旦取而列于九重之中青蒲之上甚可懼也匹  
夫匹士之取友猶求賢能知道德者而親之必求頗  
僻不智不仁之人而遠之今夫萬乘之重朝夕侍衛  
燕閒起居相與出入言動之所承接以士人君子則

勿信廝養小人則信之亦惑矣以漢唐之治不至于  
文武而侍衛之選未嘗替漢法大臣咸貢賢能以給  
宿衛居其選者皆天下魁壘之材特起之士東方朔  
揚雄是也唐制千牛進馬之官常擇三品子爲之今  
夫聖賢有爲必先正其近近莫近于侍衛故以方正  
博達文雅宥密之臣分侍官禁然後命大臣舉賢參  
列貂蟬依日月之光朝廷優其選以待之而已忠臣  
孝子得盡其心自然掃除之役廝養之賤各安其名  
分優柔便辟之說無自入聖人之德日興國家之體  
日重跨漢唐而比武武奚爲艱哉

都官集卷三

去 直 敬 節

經制五

或問郡縣曰政教易而民窮矣唐虞不爲聖則考績  
不待九年可也三代不爲治則官有世族者過也兩  
漢不爲太平則循吏不必至于七八年或十餘年而  
後稱治也今夫郡縣之臣率二歲而易甚者數月或  
僅煖席而去雖愚夫婦猶知其不可也將遂棄斯民  
而不愛則已矣如愛之奈何無定政而使之治無定  
數而使之化無定民而使之安去者未嘗賢來者未  
必智其爲害不可勝言也今斯民有舉手蹙額而言  
曰山澤不我予租稅不我復力役不我弛奪我衣食



不恤我窮困不直我冤枉夫何使我至是極哉嗚呼  
是恩澤不下流而民心不結矣甚可懼也今夫聖賢  
有爲必先結民心求結民心必先賢守宰而久其官  
政之大本也欲得其人而久之前所謂六曹九寺五  
監其本也六曹九寺五監正其人賢不肖昭然若日  
星之在天丹青之在素不可罔也不賢者廻翔于寺  
于監上有長官皆有道大臣以命令之以總轄之以  
紀綱之雖其不才不患近民是亦有以處也其人賢  
長官上書薦之小則出宰百里大則出守千里天下  
有使以領之朝廷且遣使以詢察之不賢者卽免之  
七十五 秋 館

都官集卷三

七十五 秋 館

賢者久之增秩以褒之賜金刻璽以旌之或五年或  
十年而後入爲公卿此所以固勢長世之治也

書

宋 陳舜俞 撰

上言災異書

具官臣陳某謹昧死上書皇帝陛下臣伏見去歲江淮之間水潦涌溢賴陛下遣使收撫發粟貸濟尙圖今歲幸致豐穰而自冬徂春愆失雨雪麥禾槁死穀土未耕萬室憂嗟以爲無復歲望且聞內自京師外至朔方陝右江浙湖廣幅員數千里旱暵之患十有八九陛下精衷格天焦慮憂民群臣侍從奉詔齋祈

都官集卷四

宜秋節

四望山川莫不申禱然而嘉應未云獲者何也臣聞古之明王哲后消復變異之時言必過于憂畏使天下莫不聳聽而感悅行必過于恭儉使天下莫不改觀而嗟咨如此則民動于下天應于上未有災眚不弭休祥不臻者矣臣不敢遠引古事嘗恭聞太宗皇帝端拱淳化之際先已降詔仲秋饗太廟俄有彗出東井自七月至于十二月不雨太宗皇帝首下罪己之詔暫停親饗之禮復自盡貶尊號命四方上書只稱皇帝當時中外震駭封章五請始尊法天崇道之號未幾果獲嘉雪而致豐年如前所謂過乎憂畏恭

儉之責可以感動天人者也著于國史炳炳焉真聖人側身修行消禍興福之意雖成湯六事周密雲漢之詩無以加矣伏惟陛下聞善若驚稽古甚銳况先帝之美奚憚修講伏願陛下深懼災孽斷自宸衷降詔責躬盡損徽號如端拱之故事兩府大臣既見陛下先身貶損必以兩漢水旱三公策免爲請陛下慰諭嘉納量奪其官而復其位使修文武之職政然後布告天下守臣長吏所在有旱者必有知道博學之臣閉閣引咎愧無漢臣鄴巨君隨車致雨之政亦不敢不體上之意勤身政事疏理冤訟罷厨饋之節廢

都官集卷四

宜秋節

不急之務以召和氣以致膏澤况今卜郊之年茲可如端拱親饗誓議停罷中告天下以待時所應洽秋田收成則行躬謝天地宗廟之禮如不幸終旱自可不待躬謝肆肯天下問民疾苦慶賜六軍以厭羣望則陛下享懼災罪己之鴻名國家著順時適變之大義不其美歟然臣又聞京房易傳曰欲德不用茲謂張厥災荒懷聖人之大業將以議天下之大政皆欲德之謂也人君徒張用之意而不果其災爲旱况陛下仁孝神聖丕冒上下所宜陰陽和風雨時然而未能者臣竊計之朝廷有大廢置當行而未行天下有

大根本當立而未立陛下張聖意于深宮而斷之不  
果大臣持祿取容避而不言此上天所以垂戒而致  
荒旱之變也亦惟陛下留神而思之

上英宗皇帝書一

具官臣陳某謹惶恐昧死上書皇帝陛下臣嘗聞古  
者天子卽位上卿進曰如之何憂之長也能除患則  
爲福不能除患則爲賊授天子一策中卿進曰配天  
而有下土者先事慮事先患慮患先事慮事謂之捷  
捷則事優成先患慮患謂之豫豫則禍不生事至而  
後慮者謂之後後則事不舉患至而後慮者謂之困

都官集卷四

三直秋鑑

困則禍不可禁授天子二策下卿進曰恭戒無怠慶  
者在堂弔者在閭禍與福鄰莫知其門豫哉豫哉萬  
民望之授天子三策夫寶位至貴也天下至大也四  
海至富也臣妾至眾也是何古之聖賢不以爲樂而  
以爲憂君臣相戒慮患求福之意如此其重邪然天  
子者上爲天之所子下爲天下之父母父愛其子有  
不扶持而安全之者乎子孝其親有不奉養而嚴尊  
之者乎要在側身于寅畏之際履道于淵冰之外上  
所以承乎天之心者著見而明白下所以得乎人之  
心者漸漬而洋溢則可以消禍于未萌享福于無窮

耳臣不遠言方冊之陳迹竊常伏觀先皇帝始終沖  
妙享有神器涵育天下四十餘年自三代以還千有  
餘年之君莫乎無有安樂長久借于此者何邪由先  
皇帝聖性至孝帝心至仁天德至容服御至儉禮容  
至恭而天人之助昭格旁達之驗也臣請得別白而  
言之昔者先皇帝悼痛章懿皇太后不及享四海之  
養言念每至涕泗隨之其後奉冊耐入廟奠享未嘗  
不感哀動容然所事章獻明肅皇太后甚謹兩宮制  
政不失子道陛下謂先皇帝孝德如此天人有不助  
乎基祚有不長久乎先皇帝深惡慘酷之吏吏部考  
課雖有罪咎撻猶恐爲痕累故自臨御四十餘年未  
嘗輕殺一夫獄疑奏書因悉緩死陛下謂先皇帝仁  
德如此天人有不助乎基祚有不長久乎先皇帝時  
有誣大臣將廢立者然則將如何哉大則宜族死次  
則誅其人也先皇帝雖信乎始猶不加以法次疑于  
中未嘗少其任使卒辨于終親信而大用之然則誣  
罔者又宜何如哉先皇帝猶弗窮治而保全之書曰  
與其殺不辜寧失不經正謂此也陛下謂先皇帝容  
德如此天人有不助乎基祚有不長久乎先皇帝不  
好遊畋臺苑禁樂無所增葺皇祐中違豫宰相近臣

都官集卷四

四直秋鑑

因入見宮殿帷幄施青碧黃褥素裏木器無文當時  
喚頌之聲羣口一舌且知愧奢而變約矣陛下謂先  
皇帝儉德如此天人有不助乎基祚有不長久乎先  
皇帝薦享郊廟齋宿拜立雖禮文極煩不以爲勞而  
恭益加入浮屠老子之宇皆盡容禮宴遇臣下無有  
大小天顏玉色威嚴若神四十餘年不聞有所狎侮  
陛下謂先皇帝恭德如此天人有不助乎基祚有不  
長久乎匹夫庶士誠于一德人與令名神與祥報况  
夫履高明而撫廣大一躬而眾德安行以久之不懈  
以終之如此其至者乎恭惟皇帝陛下天資睿聖雷  
聲淵默龍潛宮闈克享眷命日麗宸極赫然大明謂  
非天所啟耶則臣見乾坤清寧象緯昭爛瑞物薦至  
風雷弗迷矣謂非人所歸邪則臣見宮禁無譁冠劍  
鼓舞邊鄙勿聳梯航馳走矣陛下之道德可謂美矣  
陛下之得天人之符可謂久矣然天無常親答之以  
善則吉不善則凶人無常心應之以德則治不德則  
亂臣伏願陛下既善其始必善其終以位爲憂不以  
爲樂上則念祖宗創業之艱難次則體先帝之所以  
享國長久思其所奉慎其所行臣又聞夫孝者善繼  
人之志善述人之事故父作子述記美文王無憂盡

循堯道史以虞舜爲聖伏願陛下體先帝之至孝以  
奉先帝之法度以執長樂之子道則純心達乎宗廟  
矣體先帝之至仁以赦過宥罪欽刑慎罰則恩澤洽  
乎萬物矣體先帝之至容以信遇勳賢包納臣庶則  
朝廷無間言矣體先帝之至儉以損節服御矩法萬  
事則可以化天下淳樸矣體先帝之至恭以祗事鬼  
神寡見臣下則福祥日來忠力樂盡矣况今生財匱  
而國用不足兵力屈而鄰敵內侮陛下先事慮事先  
患慮患天下之計無大於此伏惟陛下奉安陵廟之  
後聽覽萬幾之餘延問左右大臣文武舊德以何術  
流行財賦而國有九年之蘊以何策教養兵力而天  
威暢于四夷斷用施行之宜不爲苟簡之習如此則  
中國日尊莫枕而治爲善繼于四聖不愆德于百王  
太平之祚無疆微眇之禍不作矣臣再惟陛下含光  
蓄德天下傾心臨朝踐祚不聞失德至于法先帝所  
以保天下之美講古人所以憂天下之心必皆陛下  
之所能左右勳賢之所可道而微臣身在踈賤言發  
狂妄蓋欲以廣陛下納諫之聖爲陛下啟天下之言  
若陛下赦而不誅收采一二臣將見草茅有致國之  
論布韋陳經世之策不絕于上前陛下不出戶牖以

收天人之助以成帝王之功豈不美歟如以臣枉或賜以斧鉞臣亦既報國死無所恨惟陛下念之臣謹頓首頓首

上英宗皇帝書二

具官臣陳某謹昧死上書皇帝陛下臣聞欲治之主千載然後一遇愚者之言千慮亦有一得以千載一遇之時忠臣義士莫不願竭力而盡心以千慮一得之言聖王哲后所以不厭留神而垂聽臣誠愚闇今遇其時恭惟陛下聖智發乎天縱恭儉本乎生資潛德宮闈儲精墳典不邇聲色不好遊畋孝德日躋仁

都官集卷四

七

厚淵默此百王之所不能備者而陛下兼之故自陛下受遺寶命繼體宸極臣民鼓舞不聞間言天地清明無有灾癘此固前世之所不易得者而陛下享之今陛下履天下之正位安天下之廣居上則有祖宗之威靈中則有忠賢之腹心下則有億兆之臣妾洗耳以聽陛下之命拭目以觀陛下之致太平昔仲舒有言曰居得致之位操可致之勢又有能致之資真陛下之謂也又曰尊其所聞則高明矣行其所知則光大矣今陛下欲為二帝則可以侔德于勛華求為三代則無慚德于啟誦豈區區漢唐之君文景開元

之盛足為擬倫哉願陛下加之意如何耳而臣聞天下之政有大體有小體大體者人主之極也小體者

諸臣羣有司之事也何謂大體審國勢之強弱操主柄之與奪辨左右之忠邪察謗譽之是非是所謂大者也何謂小體進賢退不肖治軍旅通貨財覈刑名謹簿領是所謂小者也人主得大體以齊庶政使王道燦然可觀天下無有遠邇洪纖皆服從而治定則又有三德一曰容以蓄德二曰密以藏用三曰神以行權臣誠不佞請得為陛下別白而重言之何謂審國勢之強弱夫天下之勢無常也前世之法規模宏遠可以子孫長久矣後世守而勿失則日以強或可

都官集卷四

八

以持循而失之或不可持循而不新之則浸以弱強弱者興亡之所繫人主者不可不審也天下雖無事未可謂強也度吾天下萬一不幸有大變故有大甲兵有數千里水旱螽蟘之憂吾力足以支吾民不迫而至于死亡則可謂強也四夷雖無兵革之患未可謂強也度吾命令足以服其心威武足以加其不臣則可謂強也四方雖無強跋之臣未可謂強也度為吾守則為金城湯池為吾戰則為堅革利兵則可謂強也不然者皆弱也今天下之勢正居兩端前世之

法亦有得失陛下守其所可守革其所可革則強曰  
至守其所可革革其所可守則其弱曰成臣故曰審  
國勢之強弱以此何謂操主柄之舉奪夫人主之柄  
曰刑賞善用其柄者操諸己非有司諸臣之所敢窺  
也以爵祿慶賞加有功人主必從而稱譽之以刑戮  
黜責置有罪人主或從而愧恥之故雖以薄賞賞大  
功而士加勸以重罰罰輕罪下服從而不敢怨是何  
也人知與奪生殺者人主之所以加我而非諸臣之  
力也不善用其柄者不然爵賞刑殺不復操諸己一  
切爲有司之法故人知與奪生殺出于有司不出于

都官集卷四

九宜秋節

人主視入主之勢反輕於有司是以爵祿日費而君  
子不加多刑戮日煩而小人無可畏也今有司治賞  
罰于下而天子主諾于上爲日久矣有司賢歟則以  
法令資格爲常不敢爲大沮勸以求免天下之謗而  
止耳然有賞罰而無沮勸不可言治有司不賢歟則  
擅威福而厚其私威福擅于下則主勢奪而亂益至  
甚可畏也臣故曰操主柄之與奪以此何謂辨左右  
之忠邪夫人主之左右峩冠委佩搢紳簪筆非一二  
人而足其人未必皆賢也語言佞色有似乎愛君丹  
誠赤心或類乎犯上有以訐直而爲佞有以返避而

飾貪有謀國而圖利其身有進人而實陷以禍故漢  
武帝以汲黯之直爲妄發而不知平津侯之詐唐德  
宗以蕭復爲輕己而不明盧杞之姦邪夫忠賢得君  
則善人進善人進則治以興姦邪見信則正士消正  
士消則亂以亡人主者不可不早辨也臣故曰辨左  
右之忠邪以此何謂察謗譽之是非夫君子小人皆  
有黨也君子見惡如讎小人醜正亦若疾癘故孔子  
曰鄉人皆好之未可也鄉人皆惡之未可也不如鄉  
人之善者好之其不善者惡之故士有蹈廉履正而  
被求全之毀矯情飾貌而獲一時之譽故齊王能察

都官集卷四

十宜秋節

左右之詐而終賢卽墨魯侯一惑嬖人之譖而不禮  
孟軻有國家者不可不戒也方今毀譽不真利害淆  
亂小人稔爲無根之謗以誣善良以亂國政君子亦  
畏多言之難辨務習苟簡以爲身謀薄俗浸長公道  
日廢此當今之大患也臣故曰察謗譽之是非以此  
至于進賢不肖則有宰相治軍旅則有將帥遂貨財  
則有三司覈刑名則有審刑大理謹薄領則有羣有  
司臣故曰小體者諸臣羣有司之事也陛下躬攬其  
大則小者徧舉一提其綱則萬目必張古之哲王賢  
君皆任賢能中心無爲寔安昇平無有禍亂奸于其

問者本于斯術也然臣前所謂又有三德一曰容以蓄德者何也夫徧覆包含之謂容周書曰有容德乃大中庸曰寬裕溫柔足以有容也傳曰川澤納汙山藪藏疾國君含垢皆謂容也夫用明至於秋毫則視有時而窮求疵至于吹毛則人無所措手足走以古者天子前旒蔽明鞋纒充耳以養其德刑足以去天下之姦而有所赦網足以籠天下之蔽而有所寬謀足以奪人而守之以愚強足以服人而濟之以怯此帝王之爲盛德也與夫漢魏之君梓責大臣詰辱細累以苛爲察以刻爲明豈同科而語哉臣故曰容以蓄

都宮集卷四

三直秋館

德以此臣前所謂容以藏用者何也夫沉靜淵默之謂密易曰不出戶庭无咎孔子曰亂之所生則言語以爲階君不密則失臣臣不密則失身幾事不密則害成是以君子慎密而不出也是以先王無大誅賞喜怒之氣不作于顏色無大進退好惡之志不見于言語則言之爲可行也苟欲行之何俟乎言且好惡者固人主之至慎事也上好之則下有寵榮之望非所望而望者亂之所由生上惡之則下有死亡之畏非所畏而畏者禍之所自起故孔子曰惟女子小人爲難養也近之則不遜遠之則怨此好惡之深戒也

臣故曰密以藏用以此臣前所謂神以行權者何也夫神者帝王之獨見天下莫之敢知也易曰神而化之使民宜之伏惟陛下以至容爲聖人之量則天下親之不忍欺以至密韜聖人之用則天下測之不可見非大利害我未嘗斷義然後斷則其斷神矣非大謀猷我未嘗言時然後言則其言神矣天下之進退雖付之宰相陛下特攬其大而親決于內天下之誅賞雖責之有司陛下忽舉其要害而治于中如此則大臣循法而不敢專小臣盡力而無有懈天下畏而不我疎愛而不我侮其智不勞而易明其務至簡而易功臣故曰神以行權以此恭惟陛下享祖宗甚重之基繼先帝至仁之後無安寶位惟危無易善世惟艱慎終官闈之舊德以固人之心無忘前日之素蘊以致萬事之治攬前所謂大體者而畧細務用所謂三德者以全盛美則可以憑几以養神奠枕以致平歌頌美無前之功社稷永不拔之基惟陛下擇焉臣雖卑賤淺陋幸嘗以直言奉先帝大問愛君納說死且不悔况逢聖明必赦其罪此臣所以夙夜拳拳爲陛下披極肝膈無有諱避于此不宣臣某昧死再拜

都宮集卷四

三直秋館

上英宗皇帝書三

具官臣陳某謹昧死上書皇帝陛下臣雖愚闇先皇  
嘗以賢良方正科擢臣爲第一幸逢陛下大明繼照  
萬事更始早有聖德天下屬望臣懷忠憤少知治體  
忍不爲陛下於此時言之乎十一月二十八日謹詣  
閣下上書其畧曰審國勢之強弱操主柄之與奪辨  
左右之忠邪察謗譽之是非其次曰容以蓄德密以  
藏用神以行權冀陛下察焉臣退思學識至淺辭繁  
而理不白其左右之人蔽匿而不卽誅乎然臣不知  
諱忌終願竭盡愚慮上以廣陛下納諫之聖次以補  
朝廷威御萬分之一臣出入朝行中日聞臣士大夫

都官集卷四

十三直秋

稱頌陛下臨朝恭默尊嚴若神朝廷議論刑賞與奪  
陛下未嘗親所可否惟二三大臣是任此誠盛德雖  
古之賢王諒陰不言何以加此而臣竊惑者古之天  
子諒陰不言百官總己以聽冢宰三年當是時也朝  
廷之喪未聞以日易月也君臣之服不以冠冕代衰  
經也四海之人遏密而不樂也于是天子斬焉在衰  
經之中不自任天下責彼其所謂冢宰者固非具臣  
備位天下之人知其可以代天子爲政而其自任以  
責亦斷然不疑故人無間言國無廢事三代之後秦  
漢以來不復如此久矣繼體守成之君要在躬親政

事收攬威柄以厭服天下唯恐人心之不早得也如  
機之張審括而發勢不得久甚可懼今陛下卽位以  
來奉承先帝遺制以日易月變服從吉山陵旣備升  
祔成禮四海之八拭目而整洗耳而聽以謂陛下將  
大有爲親用威柄舉庶政以強王道今乃退託淵默  
委政大臣小不聞興滯補做之論大無進賢退不肖  
之議天下萬事無有大小皆宰相羣有司是非廢置  
于下而陛下不過主諾而已以謂天子諒陰之義適  
當然無乃泥古而不切於今習小而遺大豈所以厭  
塞天下想聞之意乎古者周官八柄之法曰爵祿廢

都官集卷四

十四直秋

置與奪生殺冢宰所以告諸王而馭羣臣豈大臣之  
所得爲而天子特主諾之事耶夫天子者非以位號  
富貴可爲尊嚴爲其得操是數柄大臣有所不與知  
天下莫之敢窺故也不操是柄徒恃位號不足長久  
此臣夙夜爲陛下凜然寒心也伏惟陛下恭默思道  
行欲逾年改元布政必稽典禮伏願陛下早攬權綱  
親制威柄謹用馭臣之術發明求治之心于其進人  
材也問其進之所以然陛下亦曰可進則進之不可  
則勿進不必資級爲拘也于其罰有罪也問其罪之  
所由致陛下亦曰可罰則罰之不可則勿罰不必文



法爲用也是亦可謂馭臣之術矣至于宴見大目願  
陛下親降聖問且以今天下爲治時耶爲未治時耶  
大臣以爲治耶則問其欲致陛下俸德于何王以爲  
未治時耶則問其天下萬事孰先爲本務如此則陛  
下願治之心不冒于萬物馭臣之聲震情于區宇威  
權歸於掌握法制不出于臣天下蒼生矯首翹足  
將見太平之政矣臣位疎言親忠義所激誅死無恨  
惟陛下擇焉不宣臣謹昧死再拜

上神宗皇帝言天變書

具官臣陳某謹昧死上書皇帝陛下臣聞天之於人

都官集卷四

三宜 敬 疏

君猶父之子子今夫家有嚴君盛色厲訓毅然不可  
犯夫豈致惡于其子歟庸非念家道付與之重欲以  
大義日成就其賢且善爲子者戰戰慄慄畏親之威  
求爲克家之道則不失爲賢子也故夫上天之出災  
異變怪以告人君者正如嚴父之盛色厲訓以誨其  
子非將有以致禍敗于當世將以天下負荷之難欲  
以感動夙夜不遑康寧以成就其安樂長久善爲天  
子者要在兢兢業業畏天之怒求爲保安天下之道  
則不失爲賢君恭惟陛下聖哲英睿天縱神贊緝熙  
光明經文緯武伏自續臨寶御親擇俊髦講新治道

天下之人拭目洗耳望皇極之丕光聽太平之休聲  
日夜於茲顧何有政之繆蓋德之愆失可以致譴於  
天邇者地震京師河北郡縣甚者覆城櫓壞廬舍殺  
人不可勝數流離滿道愁嗟籲天陛下上當威變凜  
如朽馭故復調遣執法侍從以便宜出行收撫凋瘵  
恩澤甚厚然臣聞遇災而懼側身修行周宣王之所  
以中興也唐太宗將有封禪之事星孛太微納褚遂  
良之諫車駕至洛而罷此貞觀之太平所以比隆于  
三代也臣比者伏讀七月御札將以仲冬迎至之日  
躬享南郊夫郊吉禮也陛下稽古總攬留神威柄勦

都官集卷四

天 宜 敬 疏

節孺慕躬親萬幾然猶在先帝諒陰之中蓋禮官博  
士引漢唐駁雜之議苟爲博會非二帝三王之禮也  
夫三載四海邊密八音記于堯典喪事未畢魯禘莊  
公譏于春秋此聖人之法所可用者陛下何近慕于  
漢唐哉且陛下以是月甲戌誕降丕號欲有事于就  
陽越十日甲申而太陰爲變似天意有所未合惟陛  
下昭然遠寤引咎自責降恐懼之詔停親享之禮申  
命有司如歲四郊褒加節文以大臣攝行終事陛下  
又或抑損擬稱止四方駿命之豆籩賜諸侯貢賀之  
玉帛以給朔方支調營繕然則天監陛下奉承威靈

不爲進見之安民知陛下哀憐困苦未尸盛德之事  
後世仰陛下甄正失禮遠遵經典一舉而三美合又  
豈止導延休嘉消去災眚而已乎且臣又聞陰之爲  
物也爲甲兵爲陰謀爲疆臣爲夷狄爲宦官宮妾或  
者天以其類大爲動搖以告陛下亦爲陛下深思遠  
慮憂患而豫防之變與雷動宮禁夜寂廟垣郊時列  
戟施焉非有九重之殿金湯之固苟陛下觀變自重  
以愛社稷亦不得自比於和乎之時也臣誠私憂過  
計願瀆瀆于此不知忌諱觸冒萬死惟陛下察焉誠  
惶誠恐頓首頓首

都官集卷四

七  
宜秋館

宋 陳舜俞 撰

奏狀

奉行青苗新法自劾奏狀

熙寧三年五月具位臣陳某準州牒前後錄降勅命及轉運司牒提舉常平廣惠倉司牒榜等近准勅條將常平廣惠倉錢斛依陝西青苗錢例每于夏秋已前約逐處收成時酬價立定額支每斗價例曉示召人情願請領隨稅送納斛或納時價貴願納見錢者並許從便雖時價極貴比之元數取利不過二分

都官集卷五

一宜秋節

即不得障遏民戶不令請領及有不願請者亦不得一例抑記者臣伏見民間出舉財物其以信好相結之人月所取息不過一分半至二分其間亦有乘人危急以邀一時之幸雖取息至重然猶不過一倍比及收歛或齎持饋餉務為歡悅詣門負載不責輸送或始約縉錢而償穀粟始約梁稻而償布縷歛者以得為幸償者不一而足至有改為後期變取庸賃下雖魚鹽薪蔬糶勘錡釜之類皆以其價取之蓋苟不務此貧疾逃亡空有質劑官不為理此天下出舉之常也今朝廷所置官局募民以青苗貸取錢斛以為

寬農賑乏之惠故所設法概以周密出舉給納皆從民便然要之人情以米粟出納不若用錢之簡便也今使有司必約中熟為價貸民以錢度吾民非歲大稔米穀至賤亦必償縉錢而出所謂二分之息耳然所謂二分之息者今約為六月而以算數求之在民間一倍取之于民猶足為補助蓋不似責辦州縣期會輸送卒無逋負若官局如私家雜償他物勢亦無由倉庫給納人情乞取如影隨形雖卑陶設法而身行之亦不能盡比之民間取與相安而無督責厥刑之懼臣以為雖曰官所取之息尙輕固已不減民間

都官集卷五

二宜秋節

一倍之重矣敕意又慮州縣不能曉知新法之意而以錢斛抑配百姓故復申飭講解著為條約然臣體問方今小民匱乏十室八九應募之人不召而至何可勝計為國論者反憂抑配斯過計矣蓋譬如孺子見飴蜜必染指爭食然父母疾止之恐其積甘足以生疾今為民官長止其窮溢不使受貸輕費終蹈督責之困愛之惜之不為無意臣又比見民間挾豪勢欲為傾奪人之計者必先多以金帛陽為好言以相假借又包藏微意謂之書契不收其利乃使愚夫騷子不思後悔恬然坐費以及期會因躡其無所償之

時痛爲迫逐始既未嘗論利則訴于州縣州縣不得  
不受公私交迫禁錮鞭箠日以危急故能賣其田宅  
備其妻孥如此者多矣故世之有識耆老誠其鄉黨  
賢父兄誨其子弟未有不以貨債逋負爲生事之不  
善也昔者祖宗著令諸以財物相出舉任從書契官  
不爲理保全元元之意蓋深遠矣今乃官自出舉設  
爲賞罰獎勵惡吏誘之以便利督之以威刑方之舊  
法亦已異矣且臣再讀詔書以爲振民乏絕抑兼并  
法無出此及見有司申明科條又使十戶爲甲甲中  
須有上三等一人充保浮浪無抵當之人不得一例

都官集卷五

三十一

俵散夫謂之浮浪鄉人之所不保止是乏絕至甚濱  
于轉徙溝壑之人今固不蒙其惠矣復欲藉此以抑  
兼并臣恐法終行特爲天下兼并之地耳何以言之  
天下之有常平倉非能人人計口而受餉也蓋市井  
田里常有穀價踴貴之時官以常平之粟減價賤糶  
則積穀者自然不得復珍珍市深藏以邀貴價于是生  
民陰受其賜矣且如越州去年民田未嘗有水旱蟲  
螟之災只因隣州不稔米商罕至穀價日增本州以  
常平倉米自正月出糶至五月凡四萬五千餘石乃  
僅能裁止責糶民免艱食以一州而言天下理勢畧

同今朝廷以新法散常平爲青苗唯恐不盡使倉庫  
既空饑饉薦至則兼并之民必乘此時有閉糶而貴  
糶者未知州縣將何法以制之斗粟萬錢未可知也  
此豈不爲兼并之利哉臣又竊謂兼并者之計今官  
既放無庸爭利但可藏鏹坐待隣里之人逋負青苗  
惡吏嚴督之時賤買人之田宅和質人之妻孥而已  
臣故曰此特爲兼并之利也詔意又恐州縣避事不  
務推行新法抑遏人戶不肯俵散是尤不然臣嘗私  
爲州縣主者之計今必使奉行新法姑縱之貸亦不  
患歛之之難也蓋朝廷設法已分爲夏秋二料五月

都官集卷五

四十一

放秋料正月放夏料所歛秋料正在正月閒所歛夏  
料正在五月閒不過給秋料使以納正月所舉者給  
夏料使以納五月所舉者則其出民力者但計所當  
息錢益所給爲所納耳若然則是使吾民一取青苗  
錢終身以及世世一歲常兩輸息錢無有窮已萬一  
如此則是別爲一賦以儆生民非朝廷王道之舉也  
臣雖愚闇嘗深世務官于縣道職在愛民今不敢苟  
免按問雷同官吏誘陷小民口入困儆在犬馬之心  
亦深惜輕誤望朝別生此賦所有青苗新法難以奉  
行謹具狀自劾以聞伏候教旨

制

江西路轉運副使吳潛除太常少卿制

勅具官某禮樂根于心著于日用達于天地之化百  
物之產隆古聖人重之故分命夷夔以治其精後世  
文勝實衰一奉常掌其粗足矣矧卿不常命惟貳之  
置爾以掄魁之望發名父之傳事親從兄仁義充于  
一性而禮以節之樂以樂之無非實理出揚濡轡之  
光華人總容臺之制作孰非實用哉世教之防範不  
立人心之情偽益滋借鉏取帚拔劍擊柱綱常幾少  
隳矣爾其思辨上下和神人之道以暢所學可

部官集卷五

五宜秋第

論

救治論

世莫不思治而治未必至者蓋措非其道而復息之  
也古之善爲治者必思有以教之不教其民而欲治  
之至古之時無有也必思所以富之不富而欲教之  
至古之時無有也既富而教行而又勤思力爲不變  
其久而進其成後之治不然不測其端而惟其末之  
求或從而忽之而博其所以治甚者淫邪酷暴之政  
無所不到此治之世所以常少而不治之世常多古  
之時富之有原教之有端井農之地使其業不浮中

民之富使其求易足無煩橫之費以盡民之負無兼

并之俗以奪民之財與夫山澤百物之稅無一至于

民故飢不困乎食寒不困乎衣然後先之以教之意

親我所愛也而恩達乎天下矣幼吾所恤也而惠達

乎天下矣愛吾愛以及人之愛天下相勉于仁矣利

吾利以及人之利天下相從于義矣既又慮其未也

有庠有序孺而業師而教俾其誠意相固信讓相篤

怡然有文以相接權然有禮以相交而又資其賢者

能者而長之治其所未至治之而不帥則屏之冀其

息而遷善也又其不可則刑之非私也天下共之也

部官集卷五

六宜秋第

故恩之浹于民也周而被之者廣教之及于物也洽

而感之者深然後與之安而居則和而可保與之危

則守則確而不意此古之時富之必求所以富之之

術教之必求所以教之之原如古之無是則民之不

育而爲盜也蔑矣古之能舉者唐虞三代而已故其

民與其昆蟲草木無一不蒙其澤者易曰信及豚魚

詩曰敦彼行葦牛羊勿踐履牛羊之賤不忍不仁豚

魚之微誠足以及之況其他者乎此其深根固蒂長

生粹治之極也三代而下治之盛者莫過于漢唐漢

有天下更二十四君四百餘年其治獨言一文帝唐

有天下傳世二十而可稱者僅一太宗焉文帝太宗有治天下之才而又有治天下之心然而不得與三王同者蓋其禮樂制度不能盡憲三王而爲也夫以孝文之德太宗之明當時之輔佐既賢且能而又不至況又不爲孝文太宗者乎故漢之亡也非衰微而亡迹孝武而亡也唐之亂也非削弱而亂迹明皇而亂也是豈不乘強盛之勢有治天下之資而亂且亡者蓋措非其道而怠之也果二帝能純先王之道而孝武明皇復繼之以不怠則奚所而不至耶方今天子仁聖富有四海之廣萬物之稅皆竭于上比之三王之資不爲不富也賢能佐職中外之臣舉數千員而又歲詔四方之較于有司者幾萬比之三王之士不爲不多也然而財不足給于用能不足充于官而治未臻乎極致者何也得非民之財雖竭于上而費之不節地之力雖盡于下而民之豪且兼儲雖運而兵之食或浮官雖進而使之源不澄士取或非其術而濫者進令下不堅其守而民之搖上之操者日益勞下之供者日益艱其政日離其民日危夫有四海而又有多士之資復遇天子之仁聖財不足用于上而民既困能不足備于官而教且惰禮義不足道于

人而民已驕制度風俗皆未至于古之治者將非爲今之計姑欲其速利而未嘗志于其民也爲治而不志其民烏乎而治也幸而有志于此則曰能富之不求所以富之之術能教之不求所以教之之原舉是而爲治幾何而不至于弊然則將有爲之則若何曰立其制限其土省天下之浮費而明先王所以富之教之之術而以導之使忠信孝悌充塞于四方上下民奚沿而不治哉詩曰迨天之未陰雨徹彼桑土綯繆牖戶此其可也

臣難論

臣非難於必治而難其所以治臣之於君也可道而莫爲導之而又啟其非則世之所以爲能臣而古之所以爲盜其君也古之善臣其君者舉其君日聞正言見正道左右前後百執事之賤舉皆擇正人而爲之助宜其日入於善而紀綱正道德洽深根固蒂寢明寢昌而不援者也不善是者反此姑一時之安曰吾能致其君國富兵強盜且安而已奚暇紀綱道德之爲哉有從而詆之則曰彼道迂濶非切於務抑吾君未必能也甚者或從而陷之於姦邪淫僻無所而不至噫人臣之大患莫大期君於不能爲當其未事

而莫之導已事而聽其爲此古人所謂赤子將不及  
乳於其母也夫源之深者流必長根之厚者葉必茂  
三代之時其興也皆二百年生民舉見聖人之治  
而不及於亂及其衰也雖庸君暗主亦二百年而  
後已興與衰奚其久而延也周公之聖伊呂之賢輔  
翼其間其致君功德不以非聖之道啟其君故其道  
正其根堅且牢雖其衰也猶有先王之化漸漬之深  
其久不絕宜矣三代而下強而起者不數十年及其  
衰也亦不數十年而國統絕滅者何其速而易也管  
仲之權商鞅之術爲之贊佐汨先聖之法以罔其君

都官集卷五

九  
十  
十一  
十二  
十三  
十四  
十五  
十六  
十七  
十八  
十九  
二十

故其道不正其根易搖雖其盛也紀綱已內壞況其  
衰也烏能久而不絕哉伐深根者難爲功摧枯朽者  
易爲力夫以三代而上豈盡聖且明太甲昏周成弱  
三代而下豈盡昏且亂齊桓之略秦孝之勇非有伊  
周之道以正之則太甲周成未必至于聖而管商之  
徒不以非道啟之而一吏以先王之法齊秦幾何其  
不治且明哉但爲伊周者其心常恐其不正管商之  
心奚爲不正哉民焉富而已矣國焉強而已矣奚爲  
而不帝乎曰帝不可也奚爲而不王乎曰王不可也  
植提仁義絕滅禮法以愚民志以啟民亂誣惑其君

以至於霸則管商之心其不仁已乎噫周公不世出  
伊呂不時生有焉不幸而出於齊秦之世而爲管商  
之術以啟其君則帝不帝王不王治奚從而至哉抑  
其所負何如爾今之臣其君者欲致其君一臻於三  
代宜乎取斯以爲鑒爾

都官集卷五

十  
十一  
十二  
十三  
十四  
十五  
十六  
十七  
十八  
十九  
二十

都官集卷五

宋 陳舜俞 撰

進治說序

臣竊謂前世君人或因天地之變乃下不諱之詔以收羣策以存天意未有若陛下盛德日新區宇宴然而憂勤補察招納忠讜于太平無事之時故間歲德音一下若士類若臣屬靡然應書以起巍巍乎帝王之高致百世無有及也已惟是承問之臣牽拘時文習溺進取未有能為陛下極與治補弊之要建持盈守成之策以副虛懷臣實恥焉況今天下雖安王道之闕生民之病豈待一二而已安而必思危治而必思亂故能消禍于未萌垂世于大定耳臣嘗為陛下思之思之不能默已嘗竊有述焉總五十首離其篇為上下上篇言皇王之軌法兼明當世所未至下篇指國家之蠹微要以施行之便宜臣雖鄙陋蓋得其畧矣合而名之曰治說言執是以往天下可得而治也至有權倖之所避忌安危之所深繫朝廷之所宜憂臣既以言責充選無復回隱以取容悅惟陛下察焉

說御

說曰王良善御雖奔蹏之馬罽駕之轡無不服習由銜勒之持者在己而制使之得其理也有天下國家者不可不知也內而朝廷百官外而九州四海其所持者莫不在天子而制使之者皆吾法與命可謂善御矣夫爵以御德天下貴賈而尚賢故詩曰樂只君子天子命之賞以御功天下事事而尚力故詩曰君子至止福祿如茨刑以御姦天下惡惡而尚恥故詩曰豈不懷歸畏此簡書職以御百官官人以位而奉常責故詩曰靖共爾位好是正直朝貢以御諸侯中國持籍而莫敢廢故詩曰率土之濱莫非王臣地著以御萬民則四民不易業以事上故詩曰雨我公田遂及我私征伐以御不庭則風誥所可及者莫不面內而服從故詩曰戎狄是膺荆舒是懲君人持是數者以立于四海之內故謂之不失其御在易之乾曰乾元用九天下治也言君者臣之御也坤曰履霜堅冰至言陽者陰之御也蒙曰繫蒙利用禦寇言中國者外域之御也剝曰貫魚以宮人寵言君子者小人之御也師曰王三錫命懷萬邦也言賞者德之御也噬嗑曰履校滅趾无咎言刑者惡之御也嗚呼春秋



之時天下可謂無御矣弑君三十六君臣失其御矣滅國五十二諸侯失其御矣戎諸侯相盟伐吳楚越之君日交于中國外域失其御矣水旱螽螟大飢告糴山崩地震萬民失其御矣齊有田常魯有三桓晉有六卿其爲竊盜逃奔不可勝紀蓋天地刑賞蕩然無御矣當是時也龜鼎不足以重世位號不足以存天下然而或維持而未亡者恃諸侯不以位號爲美而不欲爲如欲之其勢振槁耳御之不可失也如是非一朝一夕之故其所由來者漸矣夏之亡非桀之罪也太康失其御十五世矣商之亡非紂之罪也帝

甲武乙失其御九世矣周之亡非赧之罪也平王失其御二十二世矣秦二世而亡由知御不知德知君不知民漢王功臣不制九國文景雖治而其御先亡其後東都中興或者天未厭亂疆臣大豎提三尺之孤號命天下十世之御不道也唐初武德貞觀之御可謂美矣然永徽之後顛而復扶危而復持天下之御無常或入于強臣哲婦或在于宦官宮妾君子謂天祐之亡由亂始于永徽而天下不可復御矣噫御者天下之要勢禍福之機也其勢具其機存高臺廣榭天下不爲害繁聲麗色天下不爲蠹金玉冠佩天

下不爲費狗馬馳騁天下不爲耗其勢移其機失茅茨土階不足以制強梗宵衣旰食不足以威禍亂堅甲利兵盜賊之用也高城深池諸侯之利也然則爲天下者將不失其御如之何曰爲君慎名器明法以治臣下名器者御之力也名器一失猶轡而不銜韉而不持其爲蹄齧馳躍之患不可復駕必矣法不明猶孺子攬六轡而致千里中道竊發將何以御之故傳曰名器不可以假人易曰開國承家小人勿用皆御之謂也臣愚不佞故爲御說

御說

說曰六經之旨不同而其道同歸于用天下國家所以道其道而民由之用其用而民從之非以華言單辭殊指與義爲無益之學也故易有吉凶凶者得失之用也書有典誥典誥者治亂之用也詩有美刺美刺者善惡之用也春秋有褒貶褒貶者賞罰之用也禮有質文質文者損益之用也樂有雅鄭雅鄭者性情之用也故深於易者長于變深於書者長于治深於詩者長于風深於春秋者長于斷深於禮者長于制深於樂者長于性學者有六失教者必知之玩爻象而不明乎得失事辭命而不濟乎治亂考風雅

而不適于善惡探筆削而不行于賞罰明制度而不  
通于損益知聲音而不及于性情此學者之蔽天下  
國家之大患也君子研乎動靜之幾而不失其正明  
乎進退之時而無有悔吝則深於易者也裁制天下  
而畫一號令於臣民之上而民聽以服則深於書者  
也始於家人終於國俗樂而不淫正而不雜則深於  
詩者也進賢退不肖懲惡而勸善則深於春秋者也  
殊文章異器械經制立而分不亂則深於禮者也其  
民安以樂鼓之舞之而不知所以然則深於樂者也  
伏義神農黃帝通其變而民不倦易之用也堯舜禹

部官集卷六

五宜 秋 節

湯揖遜征誅而天下信書之用也太王王季文武之  
化夫婦以正朝廷以治詩之用也三代之治君尊臣  
卑君令臣行強而不并弱眾而不暴寡禮之用也倉  
廩實衣食足養生送死而無憾樂之用也漢之中興  
循名責實信賞必罰以繩臣下春秋之用也是以君  
得其用爲經術之君臣得其用爲經術之臣舟航具  
而不能渡江河弓失調而不能射正鵠非舟航弓失  
之惡人之不爲用然也君子所貴乎道者以其濟於  
用也嗚呼聖人沒燔於秦專門於漢下至晉宋齊梁  
魏隋唐之間人知訓詁而不知經斷折其言而不顧

理散而爲章句竊而爲進取之術君子不以爲成德  
小人假以文姦言甚哉生民不見六經之用久矣天  
下國家安泊乎朝廷文明格天禮義成俗邊塞無荷  
戈戴胄之叟閭里有絃歌羽籥之童而自建學養士  
師儒明以經術學者靡然嚮風矣陛下垂精稽古退  
朝晨宴博延儒臣分講經藝吁自漢唐以來斯文之  
盛未見其比也然臣尙有疑陛下尊經勸學三十餘  
年矣謂嘗爲易矣當世之事庸有當變而未變者乎  
謂嘗爲書矣朝廷之號令庸有出而不爲斯民之所  
鼓舞者乎謂嘗爲詩矣庸有人倫風俗不惇睦於禮

部官集卷六

六宜 秋 節

義者乎謂嘗爲春秋矣庸有姦人幾幸賢人退而窮  
處者乎謂嘗爲禮矣庸有經制未具而縱侈不節者  
乎謂嘗爲樂矣庸有疾苦愁嘆和樂斯闕者乎今天  
下雖治不能無數者之弊由庠序雖設不官師儒經  
術雖進未能忘章句學者探訓詁而不求聖人之心  
士資爲進取而不知爲天下之用雖陛下虛懷高議  
側席異聞而承學之臣固未有懷經濟之謨探帝王  
之術傳會六藝以奉清問不過離析文義揚推同異  
是求副陛下問道求治之勤也人亦有言勛華無講  
解之辭啟誦不爲章句之學皆能躋民仁壽垂世治

定不以能蹈道適用而已乎臣愚不佞故爲用說

說復問

說變

說曰易曰窮則變變則通通則久極天下之事業者不過斯言也物生必有窮窮而不變是絕物也上古之治嘗以爲法窮而不能無亂故聖人爲之作耒耜以耕稼爲之作網罟以佃漁爲之作棟宇以居處爲之作舟楫以濟不通爲之服牛乘馬以致遠爲之立書契以信爲之日中爲市以易有無爲之裁棺槨以葬爲之爲弧矢以禦爲之垂衣裳以治天下伏羲傳

神農傳

黃帝傳

堯舜傳之舜所傳者道所相易者變然天下之能事畢矣夏之衰而商變之商之衰而周變之其言曰三王之道若循環然忠實文相救之謂變爲是說者其賊道矣道不質不文三王本人情而皆不做不可易者道而所可變者傲也奚文質之拘而不爲人情者乎周之傲極矣爲秦者宜變之而代之以亂政故其民魚爛不可復治漢變秦之苛而不變秦非先王之法故其治不及三代下至乎晉宋齊魏梁隋之相代猶抱薪止燎推波障瀾君子未見其能愈也隋之亂固甚矣而唐變之

而房杜數子者卒有愧於禮樂君子知其變而不至

於治也國家刻五季之亂纘百王之緒垂萬世之業

而斯民出於塗炭沐於清瀾脫於網罟縱之寥廓外

無疆臣跋扈之患內無刀鋸慘酷之刑盛哉哲王之

變百世所不可及也然鹽酪若算者五季之禁也朝

廷利而不知革一土十稅者五季之征也朝廷歛而

不能弛張願待餉者五季之兵也朝廷姑息之而不

知教侮中國求貨利者五季之外域也朝廷恃而不

知備禦者今其傲可謂至矣天下以禁犯法而人無

完膚以稅入官而室無餘粟此二者恩澤不流而衣

食不足上無以固其下而民思爲盜矣天下以十戶

養一兵而兵不足以戰金帛入於敵國者無窮而中

國之生則有限此二者窮下之利履上之財非長久

之策嗚呼其亦不變而已乎古人有言曰治國猶琴

瑟琴瑟不調甚者必解絃而更張之乃可理也爲國

不調不如更化臣愚不佞故爲變說

說應

說曰天有五行五行相爲氣而順沴之感一也人有

五事五事相爲體而善惡之致一也君人者應五氣

兼五體猶水之有源木之有本源渾而流獨清未有

兼五體猶水之有源木之有本源渾而流獨清未有

能也昔箕子爲武王言之詳矣若曰人君恭五事則五行得其性而庶徵常休人君慢五事則五行失其性而庶徵常咎一事之飭四事之備也一氣之順四氣之協也一徵之美庶徵之至也故肅而無不父父而無不哲哲而無不謀謀而無不聖是善惡之致一也雨若則暘若暘若則燠若燠若則寒若寒若則風若是順沴之氣一也堯舜行德五事有不備者乎五行有不協者乎庶徵有不至者乎桀紂行惡五事復備乎五行復協乎庶徵復至乎宜箕子合而言之也說書者不以文害義然後天人之理盡矣京房欲向

都官集卷六

九直 九直 九直

何人談古之亂常人也其說曰五行五事不同而各有應天以一氣報一事是離而言之也信斯言天地之功亦息矣仲尼作春秋日食地震山崩大水旱災蠶螟蜚蠊霜雹雨雪之時皆書之是天子諸侯無有五事三德天靈諄諄以五行爲周爲魯爲列國之屬哉後之言災異者多矣天地變動日星失行陽愆陰伏草木人物禽獸之怪異君臣相與言曰政事不修乎號令不信乎女謁昌而苞苴行乎佞讒進而正直退乎民貧而財不足乎然則其君聖其臣賢其國長久其天下大治故詩曰敬之敬之天維顯思命不易

哉天地變動日星失行陽愆而陰伏草木人物禽獸之怪異屢至然而臣諫則君怨君憂則臣辱政事廢號令不一廢興出于女謁許諾成於苞苴讒佞以進正直以退民貧而無告財匱而不節然則其君蒙其臣遷其國燧其天下禍敗故詩曰天方薦瘥喪亂弘多民言無嘉懼莫懲嗷噫天之愛人君亦至矣甚治之世災眚變異猶至若曰治而毋泰安而毋驕有其治者亂恃其安者亡堯之水湯之旱太戊之桑穀高宗之雉成王之禾是也天下治亂相勝其災眚變異屢至若曰不悔不治不革不安危而猶可持也顛而

都官集卷六

十一 十一 十一

猶可扶也齊之景公西都之武宣東京之章和晉之太始隋之仁壽唐之天寶日星水旱雨雹風震之變怪嘗不可勝紀也天下大亂怪異大至若曰無可爲也不如後之人而有鳳凰麒麟出焉春秋之定哀漢之桓靈晉之隆和隋之大業唐之僖昭君子不復道也由是言之天人相與之應甚可懼也故善爲天下者欲觀災祥必觀其國其君明薄蝕不能使之昏其臣忠義地震不能使之叛逆宮闈正社稷固山崩川竭不能使之潰亂政教明備號令齊信雨雹霜雪之不時不能使之廢忽民知禮讓倉廩實衣食食肉

水旱螽蟊不能使之饑寒明王潛哲雖觀其國如是且不敢康寧而忘戒懼也詩曰畏天之威于時保之又曰敬天之怒無敢戲豫此之謂也明王明德以恭己至誠而側身然後變應之咎消而平和之美格矣君人者損一服減一膳避一正殿下一赦宥非消復之道也臣愚不佞故爲應說

說柄

案永樂大典此篇原闕惟重字韻內載都自集說柄云君子之責己也重故人之責賢者備陳壽之才邪說之孝猶所不免清議之重其可逃乎計三十四字謹附錄原題之下

說幾

說權

說上

說學

說教

說曰先王治天下何嘗不以教爲首務乎天生民知其無知而樹之君以教之不教之始不知天矣乎夫教者非由天地生非取諸外而付於民先王因民有是性而著是教故詩曰民之秉彝好是懿德民生而知愛其父母故教之孝知畏其長者故教之悌知敦其相親睦之端而教之仁卽其羞惡之心而教之義是以先王之教不肅而成其化不言而致故詩曰爾

都官集卷六

二 重 說 權

之教矣民胥效矣古之民也提孩有教少而識禮義長而如自然三代之民是也發焉而後禁亂焉而後治幼而不遜悌長而知服禮義之化後王之民是也目不見善習耳不聞善訓生相與爲僞死而無所知亂世之民是也三代之民其爲善也固後王之民幸以免亂世之民不幸甚矣非性然也古者家有塾里有序鄉大夫鄉先生朝夕坐于其中而告其人曰孝而父母順而長勤而衣食子固視其父之孝以事其父弟固視其兄之悌以事其兄其所以爲衣食之道皆習見於人人之所爲教之者既如是相與日見之

都官集卷六

三 重 說 權

者又如如是夫安有非僻詐僞奸其間哉然猶未也又爲之冠婚以教其別爲之養老以教其孝爲之鄉飲酒以教其順爲之食饗以教其和樂爲之宗廟以教其報本古之於其民若是其親且厚勤且至也故詩曰愷弟君子民之父母又曰飲之食之教之誨之命彼後車謂之載之嗚呼今之民其亦不幸於古也甚矣世非有古之學也人非有古之鄉大夫鄉先生也其爲孝弟仁義衣食之道既非有上之人諄諄教使之老者曰從我者神背我者物必棄而孝弟仁義衣食之道故其民悅而從之四而五佛者又曰從我者

天背我者地必棄而孝弟仁義衣食之道其民悅而從之四而六古之人人自養也今之人出乎孝弟仁義衣食之外則人養之其爲安且利如是故不待教詔而趨也古者外國而入於中國則驅之執左道亂政則殺之今也爲之華館宇以居之爲之制衣服以文之爲之設表著以尊之爲之立師長以主之爲之復賦役以安之其所以詔其民而趨之固諄諄矣奈何天下不胥而爲夷也然而猶有父子君臣兄弟夫婦之道存焉者性之善本然也抑先王之教與天地相爲久而未之易亡也然千室之邑游惰不趨數百

都官集卷六

三十五

家六親不和子悖其父弟犯其兄天下之獄嘗居其一二俗恬不怪甚者長吏惡而不之詰又不可勝紀况奸狡詐僞之出皆百倍於古而莫之能勝也莫重乎父莫愛乎母而民猶有犯者非其性也是生而不聞教易之語長而凶狡無攸知上焉者遂從而殺之是罔民也非天之所以樹吾君爲民之意也然則如之何曰在教之彼孝弟仁義民皆有之火而燃之泉而達之莫之能禦也今夫抱關置吏百金之利置吏老佛之宮塔置吏又從而殿最勸阻之至於教民之官則不然不可謂教也然則又如之何曰在尙之彼

老佛者非獨能呼吾之民而歸之由上之所以尙之者至也今夫老佛之徒則復之孝弟力田士民則不復也不可謂尙也吾君教之果如此吾朝廷尙之又如此則老佛者不能吾奪也亦幾乎息矣臣愚不佞故爲教說

說化

說政

說曰五帝之後不可以言化三王之後不可以言教有天下國家者亦有政而已魯哀公問政於孔子孔子曰政者正也君爲正百姓莫敢不正然則人君之

都官集卷六

七十四

所爲者莫非政也禮者政之序樂者政之和賞者政之勸刑者政之威法令者政之文此五者百王之所同也天下之政無過於此得人以存失人以亡虛賢不視人之肥瘠而察其豚君子不觀天下之盛衰而觀其政故詩曰惟其有之是以似之夫觀政之術有四不可不知也有保民之政有強國之政有救敝之政有維持之政保民者王強國者霸救敝者治維持者亡不可不知也先義而後利先賞而後罰先民而後國此保民之政也以利濟義以罰助勸尊其國而服其民此強國之政也不考其故不泥於義動之而

後安變之而後信小德大賞而不為濫小罪大刑而不為虐此教做之政也所循者做事所守者做法利不勝害義不勝恩號令具而不信典刑存而不舉此維持之政也維持雖安勢先亡矣論者以保民為迂濶強國為苛撓救做為不循法維持為無所事悲夫俗儒不達為政之義甚矣夫五政具備有禮之序有樂之和有賞之勸有刑之威有法令之文美哉教化之助也權衡者輕重之器權衡常存而輕重有所不明繩墨者曲直之器繩墨未嘗亡而曲直有所不白何哉用與不用之異也威儀等級不足以為禮禮者

都官集卷六

三宜 教 論

天下之分分定則政定聲音羽旄不足以為樂樂者天下之和樂備則政備不愛軒冕不貴爵祿不足以為賞賞不在大亦不在小加有功不及惡德則政有勸嚴鈇鉞治圜天下之吏日奏殺人不足以為刑刑不在酷亦不在宥正有罪不殺不辜則政有威典章備具不足以為法文告迭下不足以為令具而不舉者虛法也下而不信者徒令也今夫禮樂一不備賞罰一不當法令一不行君子謂之做做而救之則治矣一不救者百之始小所忽者大之基起於苟且而成於壞爛習於維持而終於覆亡此前世之所鑒

也惟陛下慎之臣愚不佞故為政說

說刑 闕

說仁 闕

說義

說曰今夫天下所以冥然長久而無凌暴侵削之患者豈人力也哉是以有義然也苟無義則君不得而有其臣父不得而保其子况尊親者乎是故仁以義為繩禮以義為數智以義為分信以義為辨堯舜之仁不偏愛故親乎九族百姓而及乎萬邦黎民夏商之禮不偏祭故先乎宗廟社稷而後乎山川鬼神孔

都官集卷六

六宜 教 論

墨之智不偏學故賢乎仁義忠信而愚乎射御書數桓文之信不偏守故正乎號令刑賞而謫乎制勝強國是皆義然也方義之行也廣任萬物而不為侈狹制一毫而不為約其進者雖犧純孺子不為之後其邇者雖天地聖人不為之先義之勝人可謂至哉是萬世之所奉百王之所同也然視三代之下義不足道也漢除秦苛法而一切寬簡遂除肉刑是謂愛而不知義文景躬自菲約而天下縱後由不著經制是謂儉而不知義光武親于求治而責任臣下終以刻急是謂明而不知義隋文皇親決萬務而日昃傳殫

是謂勤而不知義唐太宗好賢受諫天下大定而不  
及禮樂是謂治而不知義其所可易也裁布帛制酒  
醴使仰足以事六親俯足以容乎一身而已矣天子  
者宰制天下使內而朝廷百官外而中國夷狄下而  
草木禽獸無一不由其道其所以爲義事也其所以  
布義法也其所以守義志也而後可謂義備矣制民  
者使富者日削奪貧者日窮蹙鰥寡孤獨流徙而無  
養由名田無節而賦不均足養民之養失矣官人者  
使賢不肖質亂小材至于大任大賢有以窮處由科  
條不精而仕進不勸是任賢之義失矣主政教者使

郡官集卷六

七言

令教下而詐屢起法素具而刑日煩免之無恥而惡  
不禁急之常有無辜而死者由民不素教而俗不美  
是教刑之義失矣治財賦者使山澤不與民同利野  
田日賈而府庫猶不足由取之不以道而用之無度  
是財賦之義失矣治甲兵者使卒驕於姑息將竊於  
利祿敵國內侮而無所禦由苟而忘戰不慮患而無  
備是甲兵之義失矣明王建當世之策致無窮之福  
必先修五義救五失然後群生昌遂而天下長久惟  
陛下思之臣愚不佞故爲義說

說禮

說曰天地之始一氣之孕也清轉而上濁運而下故  
有天地之別別者禮之始也人禽獸會於兩間群然  
而行頹然而立而人不知爲貴於禽獸其間聖人作  
始教之巢窟爲宮室羽毛爲麻絲飲血茹腥爲稼穡  
烹飪虎兕驅於山龍蛇放於海馬乘牛服而人知自  
與於獸蹄鳥跡而不知所以爲貴於禽獸者禮之別  
也聖人又教之爲朝廷君臣焉爲閭門父子焉爲男  
女婚姻焉生有養而飾其愛也死有喪而文其哀也  
降至後世聖人者欲爲天下大治國家長久故事爲  
之節文而謹其章別士摩於學農耜於野工器於府

郡官集卷六

一六

商貨於市而不相雜車服器械五色五章雖至纖至  
悉而無不治其禮大備矣此禮之大原也易曰上天  
下澤履君子以辨上下定民志分義定則上下辨而  
民志定矣夫禮有五皆所以安天下之分明天下之  
義也故朝聘之禮所以明君臣也喪祭之禮所以明  
神人也冠婚之禮所以明男女也鄉射之禮所以明  
尊卑也軍旅之禮所以明中國外國也分義不失苟  
無禮君子謂之野無分無義禮雖存君子知其將亡  
也故周旋袞褻禮之文也童子習之籩豆簋盥禮之  
器也有司掌之天下雖亂周旋袞褻人皆知之國家



雖亡籩豆簠簋猶有存者是以君子不貴也孔子曰商因於夏禮所損益可知也周因於殷禮所損益可知也其或繼周者雖百世可知也所可損益者文質器械禮之末也其不可得而損益者分與義也分義者百王之所同也甚哉無分義之禍其大乎詩曰人而無禮胡不遘死無禮有六人禽獸交於中國謂之亂君弱臣強謂之叛父不慈子不孝謂之逆男不正乎外女不位乎內謂之乖四民易處謂之奪車服器械無節謂之蕩是不曰速禍之道乎故觀天下者觀禮觀禮必本六者此明王所以慎固其正爲防禍於

都官集卷六

九

微眇之術也俗儒不達六禮於天地同別而諄諄講文質辨名數以爲天下之禮信乎邈其不可及也臣愚不佞故爲禮說

說樂

說曰乾覆坤載陰陽亭毒雨膏雷動草坼木茂蟄蟲昭蘇禽魚跳舞而樂行於天地之間矣人之爲貴於草木禽獸而立於天地之中則又有心知血氣嬉歌聲吟感物而動樂之道形矣夫物之感人不同而人之應於物有喜怒哀樂之變故其聲喜者發以散其聲怒者奮以厲其聲哀者悲以殺其聲樂者諧以緩

其聲愛者柔以易其聲惡者憤以起其聲欲者蕩以亂此七者非中庸也先王知物之感人無窮而人之聲不能無變故函之以仁教之以義節之以禮一之以信使富不期侈貧不至約強不并弱眾不暴寡天下無不足疾痛淫失之過故其聲發於中和而無有一物暴戾邪僻干於其間者矣夫樂者五常之正性而中聲之所止先王因其聲故作爲金石絲竹匏土革木以發之干戚羽旄綴兆疾徐以文之故曰功成作樂治定制禮斯禮樂之極致也黃帝之咸池少昊之大淵頤頊之六莖帝嚳之英莢之大章舜之韶禹之夏商之濩周之武其名則帝王之殊其聲則天下中和之聲一也桀紂爲君日奏夏濩禹湯之道卒不可見政非禹湯之政民非禹湯之民故周衰而韶之音猶存而舜不可見故仲尼曰不圖爲樂而至於斯桑間濮上之音作而鄭衛之民亡鄭衛之民亡非桑間濮上之音能亡鄭衛也孟軻曰今之樂猶古之樂王者如好樂與百姓同之於王何有故君子曰孟軻可謂知樂樂有三一曰實二曰文三曰器所謂天下樂誼民皆中聲樂之實也所謂干戚羽旄綴兆疾徐樂之文也所謂金石絲竹匏土革木樂之器也天下

都官集卷六

三

居其實王者雖未作樂乃用先王之樂宜於世者實不存雖有臣如夔曠有舞如韶濩君子謂聲存而樂亡矣臣伏謂國家德澤滲漉百年矣民思五代之塗炭而被朝廷之膏澤此韶濩之實也然今天下承平寢久十稅不弛而民貧四禁日苛而刑不措和樂之實缺矣以一宗二祖之文武合爲干戚之舞是謂文不足雖亦詔儒臣訪遺逸較律呂之長短辨鐘磬之清濁而且雜是非之異端參禍福之拘忌臣不知其爲樂也然則如之何曰先之以實中之以文終之以器則樂之道幸矣臣愚不佞故爲樂說

都官集卷六

三直 賦 論

說智

說曰人孰不智孺子生而呱呱哺則止而張頤智之始也長而惡其裸程知節之以衣冠羞其蠢愚知節之以辭讓智之端也及其學也服牛馬乘耒耜少者芸於畝老者饁於疇農夫之智也運斧斤謹繩墨大而爲室堂小而爲桮棬百工之智也走舟車稱權衡轉徙乎關市交易乎有無賈者之智也環佩於鄉紵歌於堂言稱聖人行法先王士者之智也男子又有射御書數之藝女子則有織維組紉之事無非智也任有大小智有勞逸有匹夫匹婦之智有一國之智

有天下之智天下有道大智任小智役大智常逸小智常勞天下無道大智巧小智愚大智常勤小智常惰是故奉辭令治軍旅官無廢職使無辱命者大夫之智也朝不失時貢不失賦甲兵強則寇盜息鄰國和則疆場安者諸侯之智也賢賢而器士材百官以託萬事不出戶庭而知天下者天子之智也材足以守列國不可以治天下謀足以富巨室不可以爲諸侯況爲天下國家者將以斷斷之智哉詩曰我躬不閱遑恤我後此之謂也夫不求賢以輔佐則德日微而士不厲不度德而任使則官不稱而百工隳雖衡

都官集卷六

三直 賦 論

書累石衢室四聽神役而益困智勤而益塞猶舉網不以網治絲而勞之孰見其理哉師曠之耳洞乎五音不可任天下之聽離婁之目千里而見秋毫不可委天下之視羿之射力足以引千鈞造父之御材足以致千里不足以當天下之勇天下之聽民無冤言士無遺賢然後謂之聰天下之視爵不踰賞不僭刑不濫然後謂之明天下之力兵革不試四方不侮然後謂之勇故以堯審五音不如師曠以舜別五采不如離婁以湯武治射御不如羿造父詩曰舞則選兮射則貫兮是非言威儀技藝者非人君之智歟周公

曰不若且多材多藝孔子曰吾能鄙事嗚呼周公孔子可謂兼之也不智其大而智其小不智其約而智其詳有天下國家之大忠也臣愚不佞故爲智說

說信

說曰大哉信之不可已也故聖人貴之曰大車無輓小車無軌其何以行之哉兵者天下所仰以安食者民之所賴而生較其愈而欲去之猶曰民無信不立或曰然矣其愈不亦甚矣曰五里之城十里之郭被甲而守荷戈而戰雖有強敵卒爲安國國君失信三軍面外解甲以往倒戈以攻雖有武庫偶人不可以

都官集卷六

三直秋館

制使是吾盜去兵不可去信也匹夫行信毀瓦畫墁塗人餉之兼儲之家鄉鄰惡之一日乏匱賈給不繼是吾盜去食不可去信也故匹夫信於鄉黨卿大夫信於朝廷國君信於鄰國天子信於中國四夷言之以其可復也行之以其可繼也言行者信之符也鄉黨之信薄而有質劑朝廷之信薄而有期會鄰國之信薄而有誼盟中國夷狄之信薄而有誥誓古之民淳其言不約以孚其政不告戒而諭行斯不可得而見之矣故質劑具匹夫欲不信不可得否則刑期會明卿大夫欲不信不可得否則辱誼盟交國君欲失

信不可得否則侵伐隨之誥誓行天子欲失信不可得否則諸侯不臣戎狄叛雖有命令天下不以重取而順受是天下雖安而本實先亡矣商君相秦置三女之木於南門而下令曰有能置之北門者賞五十金既而移者果賞之晉文公伐原命三日之糧不降去之曰得原失信吾不爲也夫秦晉之君地勢不過百里諸侯鄰國非所素保而樂受教也然能雄視其徒衡步於一時由民信其令而易制使智力贍而無敢抗焉况挾天下之勢臣妾內望而順聽其命用信之效宜如何哉野人之信足以馴鳥獸况智者乎家人之詐不足以保妻子况重器乎今質劑之後爭奪不可勝紀天下之刑率百人詐妄者常三之一期會之下人臣或受而不集大祭享大朝會假告紛沓主者恬弗之怪詰由是上不貴信而下風不競天下營營相與而爲僞也久矣甚者誥命一下其繫利害動民耳目亦至著矣百人是之一人非之則改而止及其復下民相與指謂不久亦改已而果然是朝廷之命不詳於謀始而慢於固守自取輕於天下也天下之患民違君命其禍小民輕君令其禍大民違君令刑罰猶服從也民輕君令雖從而不畏矣命令者天

都官集卷六

三直秋館

下之命令也輕其令是輕天下也然則奈何臣固曰  
言之以其可復也行之以其可繼也言而弗可復君  
子弗言也行而不可繼君子弗行也曰又何加焉曰  
詳其始固其終則天下服從諄諄如四時矣臣愚不  
佞故爲信說

說體

說曰自天地至於萬物皆有體與生俱生與死俱亡  
有國家者不可不知也天以高爲體失其高三光不  
著陰陽風雨霜雪不神則不得爲天地以厚爲體失  
其厚山川不特百穀草木不植則不得爲地君以尊

都官集卷六

三 孟 植 秋 節

爲體失其尊百事不治政令賞罰無所動於天下則  
君道亦幾乎息矣天不以巍巍爲高不爲不云四時  
相迭如受命故人信其能高地不以溥博爲厚不斷  
不刻萬物生死不知有宰者故人信其能厚君不以  
位號爲尊王公至於百執事皆以職奉法於內外而  
能收神於無爲中國四夷仰之如天地畏之如神明  
矣百金之子爲室堂坐於奧處出帛與金類材命工  
則其任也操墨縱繩號令短長不持斧斤則匠氏之  
任也棟樑榱桷囊臬根楔不責之眾工則般輪之巧  
不能構環堵之屋天下之治猶治室堂君則百金之

子也三公則匠氏之任也古者天子日出視朝命三  
公坐而論道至於經邦國調陰陽三公者猶曰有臣  
在非吾君責也天官冢宰率其屬掌邦治地官司徒  
率其屬掌邦教春官司宗伯率其屬掌邦禮夏官司馬  
率其屬掌邦政秋官司冠率其屬掌邦刑冬官司空  
率其屬掌邦事歲終六卿各以百官之成質於天子  
是天子一歲一聽天下之計耳故君常逸臣常勞君  
常立於無過之地臣常有不任責之憂此所謂君得  
天下之體得其體雖中材庸人維持拱揖垂世歷年  
雖有不治而不思乎亂矣如周三十世而七百年是

都官集卷六

三 孟 植 秋 節

也失其體雖雄材大畧焦身勞思號令四海患至而  
不可救禍轉而不可復如秦者夜視天下之書程以  
衡石自謂威過萬古而不及二世是也典刑之亡天  
下不綱六卿之職合爲一今天子者是也古者有司  
之事總稽知名數與奪命於官長今三公六卿是也  
刑一有罪主法者奉法斯可矣如決於天子則刑法  
之體亡矣治一財賦主計者奉會計斯可矣率治於  
天子則財賦之體亡矣天下之事分於百司百司之  
事一主於天子故君常勞臣常逸君常專受天下之  
責臣常逃一司之不任職此所謂失其體雖君堯舜

臣夔龍求天下無事且大定不可得也臣嘗聞崇政之一對延和之數刻百卒之長萬戶之佐皆徹於天聽命於德音垂精治平忘身憂勤然則美矣若視古所以治天下者之體豈不少異傳曰尊不尸小事卑不專大名爲是說者可謂知體臣愚不佞故爲體說

說制

說實

說曰實者天下之先務也實爲成德名爲虛位有名而不實者有矣未有不循名而能致其實者也孔子曰名不正則言不順言不順則事不成事者實之謂

都官集卷六

三宜

也仁者博愛之名也潤澤亭育仁之實也義者得宜之名也裁制畫一義之實也禮者恭肅之名也中正無邪禮之實也樂者和樂之名也天下無怨樂之實也日詔寬大而市有不辜是堯名而桀實也居卑夔之位而不以卑夔之道事其君是臣名而盜實也古之君惟堯舜知其實命禹作司空曰汝平水土命皋作后稷曰汝播百穀命契作司徒曰汝敷五教命皋陶作士曰汝明五刑命垂作共工曰汝若予工命益作虞曰汝若予上下草木命伯夷作秩宗曰汝典朕三禮命夔典樂曰汝教胥子命龍作納言曰汝出納

壹頁長

朕命所謂司空后稷司徒士共工虞秋宗典樂納言者名也都吁俞咨又從而戒飭之責之者實也故唐虞官皆百而後世稱治者卒不可及知實之效也不求其實雖命官百十相觀維持習爲苟簡官有亡職職有廢事而望治定猶却走而追前也一局之鼎烏獲不舉而童子挈之烏獲不用力而童子用心實也漢宣可謂知之矣故其說曰庶民所以安於田里而無愁嘆者政平訟理也與我共此者其惟良二千石乎故自丞相至於刺史守相莫不考名實而致賞罰是以王成黃霸龔遂信臣之屬一出其當世此責實

都官集卷六

三宜

之效也今則異於是且如大常禮官也大理法官也將作工官也國子學官也今徒有位號之具而雜然貿亂下至於領管庫奉簿書此所謂名不正孔子不欲爲然猶未病也賢者退而窮處不肖者躡足以進宰相不之愧疆場重壘卒驕力墮而不能教將軍不之恥田野不闢民窮而逃亡郡守縣令不任責吏侵侮暴橫爲姦賊獄訟冤枉下無所措手足轉運提刑安樂之是天下名虛而實亡矣昔者王良嬖奚乘終日而不獲一禽曰我不貫與小人乘他日復往不終朝而獲十禽此以爲善御蓋智者有所不爲矣奕秋

通國之善矣也專心致思則得之出見鴻鵠而遷持  
繒繳而往則不得之是無他顧加意如何耳臣竊以  
朝廷清明典刑昭爛才智雜遝分羅臣工名實之治  
視古未及是弗加之意而已欲加之意奈何在責實  
責之則致國如唐虞稱治如漢宣孰禦哉臣愚不佞  
故為實說

說聽

說曰人孰無聽有蔽而不聰者矣有聽而不明者矣  
有不審其始而惑乎其終者矣夫如是奚愈乎無聽  
兩豆塞耳不聞雷霆之聲非病也人知去塞而求聞

都官集卷六

堯 宜 秋 館

聽斯聰矣姦聲奏則不願雅頌之音諛言入則不受  
諫諍之言且人知其不為病是以君子慎之故曰有  
蔽而不聰者矣詩曰我即爾謀聽我囂囂此之謂也  
君子知一己不足極天下之智必勤於兼聽悅於多  
聞然而不善善而受不惡惡以辭或以妄動為直或  
以庸愬為忠而樂告善道者亦怠矣故曰有聽而不  
明者矣詩曰謀臧則遠不臧覆用此之謂也君子之  
聽必審其所從斷而不眩其用故能智俗而善博德  
明而功成有兼聽之心而無兼聽之材願好問之譽  
而無好問之實一人告之則推而往一人沮之則扼

而止此聽者之大患也故曰有不審其始而惑乎其  
終者矣詩曰如彼築室于道謀是用不潰于成矣此  
之謂也是以君子知其然內有明哲之師恭肅之佐  
以謀猷弼諧論思之臣諫諍之官以補察獻替外則  
有慈惠之長廉刺之吏以敷納其泊下至於百執事  
各以其職無不聽也而猶患其未也朝有敢諫之鼓  
塗有進善之旌士議於學農歌於野工託以藝商致  
以貨下至乎矇瞽瘖殘之人或諷或誦無不聽也古  
之人既聽之又審之卒庸之又終之故人君立於無  
過之地而天下無壅蔽暴亂之政善聽之道備矣必

都官集卷六

三 宜 秋 館

亡之世其聽先亡必亂之國其聽先亂周景王監謗  
猶嬰兒之啼惡而掩其口非保子之道也秦亡於鞶  
語之禁漢興不用誹謗之律是已然之效也可不慎  
與天下之治有善言無善聽有善聽無善言其禍一  
也言善聽善無善行其禍亦一也善言不必善士故  
詩曰先民有言詢於芻蕘孔子亦曰不以人廢言天  
下之士常多取於言者又不問乎狂夫仄陋是以天  
下之事不患無善言常患無善聽既患無善聽又患  
無善行天下有不患者一而可患者二故致治常少  
致亂常多噫其可忽乎今夫發言盈庭不簡之言滿

天下故天下之事未嘗有不聽言之蔽而常有聽言之失姑息之言入而稔姑息之思苟簡之言入而安苟簡之政夸誕之言入而隆夸誕之尚非朝廷聽察之得也近言不可以謀遠疑言不可以慮斷鄙言不可以商恩屢言不可以謀約哲王留神於萬事而歸補於一聽不可不知也知聽不如知言知言不如知治明主知治而天下治其聽無有失矣臣愚不佞故為聽說

說斷

說曰天下之達德三曰智仁勇智以慮之仁以處之

都官集卷六

三直 秋 論

勇以行之明王智燭萬物去枉而就正則濟之以仁智而不仁其失也詐仁足以及萬物必勇以行之仁而不勇其失也惑故極深研幾智之妙也兼愛徧覆仁之粹也英斷力行勇之神也天下之事譬猶一車智為斷仁為載勇為御作車者功取於善駕謀事者成功於善斷故求治不如善斷善斷之治不失其御御失則天下之權失雖有小心不可善救且大治矣明察不如善斷善斷之察不失其機機失則天下之務失雖日用其明白小善而闇大理矣兼聽不如善斷善斷之聽不失其約約失則天下之言失雖日勞

四聰逐繁文而亡實理矣善賞不如善斷善斷之賞不失其德德失而豐魯重廢不足以進善矣善刑不如善斷善斷之刑不失其情情失而嚴刑峻罰不足以懲姦矣天下之計始於謀維終於裁決天下之功敗於猶豫而成於果敢故鉛刀不用而鑊鄒為佩貫其能割也鸞斯為禽而鷹隼得飼貫其能擊也造父之遲疑不如牛車之必往孟賁之不忍不如童子之必殺萬物且爾況為天下國家者哉古者有善斷之君求治如援溺坐而為擬議起而為功業革弊如逐寇朝為耗蠹暮為治定用賢如磐石則羣譖不能易

都官集卷六

三直 秋 論

其一信從諫如轉圜眾佞不能反其獨察善必賞視富貴如棄鴻羽惡必懲雖用五刑如刈草菅當是時也朝無繕弄之臣下無覬幸之吏天下無優柔不決之病故天下至貴也堯舜斷而必讓水大患也禹斷而必治君臣大義也湯武斷而必伐兄弟大順也周公斷而必誅傅說刑人也高宗斷而必用少正卯貴卿也孔子斷而必戮非天下之聖賢孰能與於是乎臣伏以陛下有日月之明燭理四海有天地之仁涵育萬物而常念一日萬幾之繁有千慮一失之憂差若毫釐繆於千里故常兢兢然不以專制為勇諄諄

然不以獨聽爲聰大哉格王之存心乎奈何陛下之  
臣佐前不及阜夔後不過管晏是以聽廣而滋惑慮  
周而益疑以毀譽亂知人之明以成敗眩經世之智  
忠臣義士實爲陛下惜之昔漢文帝知賈誼之材而  
不能用卒有長沙之恨唐憲宗明裴度之忠而決於  
必使終立淮西之勲此斷不斷之效也古之人亦有  
輕斷而致亂者秦皇漢武是也其由天姿彊忍習爲  
自用而不知悟與夫淵聖仁惻好善樂道之君豈同  
日而語哉傳有之寬者濟之以猛猛者濟之以寬水  
濟水誰能食之夫知所以知之而思所以濟之則非  
發獨見之權決神武之斷天下惡乎極治哉臣愚不  
佞故爲斷說

都官集卷六

筆直秋館



說

宋 陳舜俞

禮

說祭

說曰鷹獺猶知祭可以人而不知祭乎然祭之不以禮鷹獺之道也先王之制天子祭天地諸侯祭社稷然後天下莫敢不事上天子祀七世諸侯祀五世而民無有遺其親故記曰明乎郊社之禮禘嘗之義治國其如示諸掌乎祀享之禮人皆有之聖人爲能享帝孝子爲能享親孔子曰我祭則受福蓋得其道矣

都官集卷七

一 五 秋 禮

斯之謂也昔者周公郊祀后稷以配天宗祀文王于明堂以配上帝記曰周公其達孝矣乎是周公之郊禘未有非禮也周衰天子諸侯壞法紀不郊用致夫人逆祀天下之禮蓋紛然矣秦亡漢因俗儒不明先王之法九天八神羣時之屬歲率四百餘祭天子之廟滿天下月游更衣園陵殿寢嘗以百數其文豈足道耶後世卒不可復甚而有妃后之獻齋娘之奠爲褻瀆天地之道嗚呼神其享乎由是觀之郊禘之禮雜然無復治導民識上下之別案雜然以下十二字義當有脫誤無別本可校姑仍其舊此陛下正千載之失禮全一代之孝恭前

王無以比其隆而後世守其法矣臣愚不佞故爲祭

說

說財關

說兵

說曰兵者國之利器文德之輔助也治亂安危繫焉黃帝以來未有能改也五帝之兵師而不陣三王之兵陣而不戰五霸之兵戰而不敗六國之兵敗而不亡五帝之民循法令而化德義雖有刑辟蓋有畫衣冠而不犯者矣故曰師而不陣三王之民簞食壺漿以迎王師東征則西怨南征則北怨故曰陣而不戰

都官集卷七

二 宣 秋 禮

五霸之民勤諸侯以伐諸侯小事大弱事強伐必服攻必取故曰戰而不敗六國之民合從連衡爭城殺人盈城爭野殺人盈野朝囚而暮王朝遁而夕返其勢無常故曰敗而不亡噫兵之亡久矣古之兵自爲今之兵爲人古之兵自養今之兵人養之自爲者必盡其勇則多勝不幸而死其民無怨爲人者驅則進不驅則退法令不明而人未服蓋有不出其力者不幸而死將軍曰在予一人奈何欲其能戰也自養者易蓄而兵農不易業兵雖日繁田日加闢而粟日贍養于人者難厭飢則求餉寒則索衣能益一兵而亡

一民兵日繁而民日困財日益不足矣奈何欲其不亡也秦之兵土崩魚爛而不可用不足道也兩漢之兵蓋不及六國兵皆命于中然一養于京師出而勝負繫于人晉宋隋唐之兵不及兩漢兵養于上而不得制人知爲帥而不知爲天子賞賜且不給矣君子視六朝以來所謂兵者皆取亡之道也後世冗而不能去飽食煖衣而無所用爲之計者以爲無可奈何嗚呼兵不可得見乎今天下田無不耕而耕者長飢桑無不蠶而蠶者長寒山海林澤之利無一不障蔽而民冒刀鋸鞭撻以一竊衣食於其間關市者不厭

都官集卷一

三宜秋節

鎔銖毫毛之征以補公利商旅以命令持粟與糧轉而輸于邊者還提虛劑以待縣官而有積歲不能給總是數者天下之財日匱而國家日不足天下之獄日煩而民日困皆兵之由臣竊計天下之兵無慮百萬其受衣食於縣官無慮千等斷長補短一人之受歲五十千則天下之費歲五十萬天下之戶纔千餘萬以十戶養一兵天下之賦歲入未能以億數而兵受其大半矣奈何天下不窮且盜也夫匹夫蓄牛馬以爲引重致遠之器者則日靡芻豢而無所辭故用之以負萬鈞以致千里力不足則鞭策加焉牧牛馬

者爲不任責矣此兩漢以來養兵之道也臣愚不佞故爲兵說

### 說河

說曰萬物之性不同順之則治逆之則亂先王服牛乘馬圖豹檻虎皆因其性而治之有性猶可治也況無情而能拂其性哉澗下者水之性也激之則過類搏之則在山非性也今以一杯之水覆于堂坳之下漫渙莫禦求爲泓渟不能也況以九千里之勢天地所生山川所鍾蛟龍所憑鼉鼉所藏能拂其性而人力禦哉孔子作書知河之必爲萬世患于是作禹

都官集卷七

四宜秋節

貢以明之孟子曰禹之治水也行于地中智者行其所無事所惡于智者爲其鑿也孔子作禹之法常存孟氏出禹之法益明嗚呼不以禹之法而治者皆拂其性也古之于水也導而深之後世塞而障之禹導河積石至于大陸播爲九河入于海導而深之也後世塞長菱隳竹捷石菑塞而障之也後世以民避河今也以河避民戰國之時堤之去河嘗二十五里而遠漢之築或百步或數百而近桑麻耕稼不在焉今世漕魏之民其居古堤之間矣水之欲至于是則壞我耕稼桑麻矣爲民計者不遷其土田不徙其城郭

而求寬閒之地以避之徒日抱土石薪竹與河爭區區之力而求其避信不可得也今夫以五斛之罇爲五斛之受則滿而不溢復加之一勺則傾覆傷敗乃至理勢之常也今以一河之量而爲九河之受且非行于地奈何欲其無決溢之患乎不決于此必決于彼不災于春必災于夏橫壠塞則商胡危矣商胡塞則大韓危矣亦理勢之常也今其計者恃生民無告之力憑縣官不給之費以求一切幸以邀一時之賞非有經遠持久之識愛民勤國之節也在上者從而任之惑矣今夫薪藁之糜且數十萬而朽敗攘竊者

都官集卷七

五 直 秋 節

三之一兵民之力歲亦數十萬而逋逃墊溺者三之一竭民之財耗上之賦泥塗吾民之命非河之禍也計者之不善也夫適天下之宜者與天下之利通天下之權者除天下之害以今視禹不知幾千百年其迹不可復而河之虞自漢酸棗以來未有能免也以今望漢亦不知幾千百年而其弊無常語曰善爲川者決之使通此後世之權宜也若夫絕邀功與利之人惜生民塗墊之命紆縣官億萬之費則徒民寬閒而縱其流當世之善計也六塔之役不曰計之不熟矣商胡益其危而金堤之憂不紓然濱棗德博之民

已蕭然矣此其效也臣愚不佞故爲河說

說豫立太子 闕

說倖 闕

說節 闕

說勢

說曰夫君人者以一人獨立于兆人之上不出戶牖之間而能號令四海又垂之子孫或數百載危而復持顛而復扶是豈獨恃名器位號之力哉由天子之勢自有興衰之繫也後之言勢者推本前世興廢之迹一出于勢之疆弱謂不封建不親親賢賢王道不

都官集卷七

六 直 秋 節

備爲是語者未足以適道矣天下之勢不以諸侯存不以郡縣亡勢之存諸侯有諸侯之勢郡縣有郡縣之勢天下之治一也勢之亡也諸侯者疆郡縣者弱疆弱之勢不同而天下之亡亦一也秦懲六國之合從割天下爲三十六郡而亡秦者耕夫戍卒漢鑿秦之孤而分王功臣子弟而亡漢者外戚大家光武戒功臣之疆封邑不過三四而亡東京者疆臣豎妾晉魏之君或耗于王侯或剝于郡邑其興廢無常唐初魏李數君子其議前世之廢興亦熟矣而卒篡唐者藩臣孽帥由是而言天下之勢不在封建之與郡縣

明矣然今之郡縣古之諸侯地也古之親親賢賢今之郡縣守宰也顧制使之道如何耳制使之道必因其治亂審其疆弱雖王侯而不驕雖郡縣而不削制之而不彊天下有維城磐石之固使之而不弱天下無土崩瓦解之憂如是謂之善得天下之勢奕秋天下之善奕也其為必勝之道亦先審其勢使彊而不驕弱而能守奕者尙爾况天下乎詩曰懷德惟寧宗子維城今天子之諸子弟是也不胙之土不居之邑不專之刑政猶未病也使生于官庭溺爾妾婦內而不見禮義之習外而不知稼穡之重非有師傅之嚴

都官集卷七

七宜 秋 節

學校之美以養之至于制而不仕其賢抑而不考其材雖有犛冠大帶之美高車列駟之盛其特禁錮之而已天下之材則養之親親之材則不養天下之賢則用之親親之賢則不用語曰不愛其親而愛他人者謂之悖德豈所謂彊其勢者乎詩曰四國于蕃四方于宣今天下之郡邑是也今不賦其土田不錫其山澤不武其廝養不假其生殺固制之善矣然假守之臣間歲一易民不識其容色士不聞其命令庫無利兵邑無完壘一夫攘臂羨卒不可以當關十夫揭竿市人誰為之赴死書曰傲戒無虞傳曰有備無患

軍之善政也疆其勢者固若是乎圃人知愛其桐梓歲一斬其葉而枝不繁所以固其幹也使味于所養而甚于所去卒然使至于無枝而本根無所庇非青材之道也圃人知愛其桐梓為天下者不愛天下乎臣愚不佞故為勢說

說官 關

說任

說曰天下之任無有大小惟其人之賢不肖患乎不擇既擇之欲盡其才患乎不久雖有騏驥駕不終日不能致千里雖有聖人仁不一世王道不備頌聲不

都官集卷七

八宜 秋 節

作夫成天下之亶亶盡天下之事業其久之謂乎奚由知其然也天地久以生日月久以明山川久以高大泉久而達石火久而然金砂久而鑠玉蘭槐之根滌之而為芷吳越之人傳之而齊言久其可已乎記曰凡學官先事士先志古之官人者皆有天下之事業凡三公至于百執事之人推其所負見其所施者皆若固有之居之又且久是以治道日至而天下和平今之官人者其業非素具至于職事皆暴集于時而驟取其術其間雖有聰明敏博之士臨事而達復不至于三年而易甚者數月或不待暖席也天之

于萬物也春生之夏長之秋冬以成之必歷四時而後生育之功就星辰之經日月之緯陰陽之交晝夜之交必至三年而小備五年而後大備嗚呼以天生物其久若是以人治人而有不暖席之化耶是以治道日戾于古生民無所聊生其當天下之責者晏然不思亦惑矣夫事修于誠久而傲起于間隙中人勉于總覈而懈于無所歸責今吏既數易事無以責其實人人習為苟簡之道以取容悅其人心不同則非有繼續續之政前之所興則後之所置去者之好則來者之惡是以刑姦未必改冀于復幸進善未必

都官集卷七

九宜 秋 節

勸有以復廢簿書緣絕吏生奸饗迎送相仍民用紛擾此前世論之舊矣惜乎聖朝之未能改也縣令者有百里之任三年而去民不能識其容色况知疾苦乎况不三年者乎二千石者有數百里之任三年而去民不能聞其聲音况美風俗乎况不三年者乎其傲由官冗而進不擇郡縣之職不精于補吏有司幸遷徙之速而不復知有吾民休戚之政也今按學者有千里之任三年而去行不能徧况知賢不肖乎省府者視邦國之事朝更南司暮入北署手操一柄目佇一權何補弊興利之暇乎其傲由總覈之理喪官

人不考其績大官大柄以履涉為階而不復知有朝廷治忽之任也至于宰相者材百官平賞罰以治天下也夫人主不為金石之信大臣有不自安之心雖夔龍周召不足成天下之事業况中才稠人乎今求名而進唯恐天下之勢不加于已完已而退復不顧未嘗有以塞天下之責由朝廷待之之禮重責之之實輕故人臣輕為進退之分不復知有朝廷安危之繫也總是數者官人之失可謂極矣其當天下之責者又從而思生民無所賴而治道卒不可見矣古者以官為氏吏有子孫復于當今宜未為易若漢之得人蓋有總覈名實增秩賜金之事矣願不為耳臣愚不佞故為任說

都官集卷七

十宜 秋 節

說使

說曰使人之道上世使賢中世使智下世使力使賢者王使智者霸使力者強使人之力不盡其勇使人之智不盡其變使人之賢不竭其德德不竭天下望之變不窮外國神之勇不盡敵國畏之天下不望不王外國不神不霸敵國不畏不強此古今之通義有天下國家者之利器也是謂使人之善術也無術者不然以小德職大化猶決眈澮而益江河江河不益

而賦澮之深可窺矣以邇變而臨廣用猶捧一杯之水而救與薪之火燔者不滅而汲者無所繼矣以匹夫之勇而制三軍猶以一枝之木而撐九厦之壞棟梁卒仆而枝摧無完矣理勢然也故善使人者得其功勞則利格乎一世不善使人者豈唯不任責功利無所獲功成而敗隨利至而害伏又從而禍之者多矣賢者難使而易保者也智力者易使而難保者也賢者不屑就不利祿不逢君豈易使哉然名踰而實不至位過而才不足則有之矣有可奪之祿無可奪之節有可忘之生無可忘之義豈難保哉智者故于

都官集卷七

士宜秋館

用謀力者果於自試是易使也智者動動則無守心力者塞塞則無顧義是起禍之源也此天下國家之至慎也易曰大君有命開國承家小人勿用慎使之謂也漢之使人也蕭何投馬箠而位公相黥彭逃鎖斧而為功臣至于朝為王侯暮為戮辱生為節旄死污鋒鏑是不善慎其終也唯建武可謂善使之主乎咳唾金帛必以萬數賜與之人結轍于道然分土不踰十邑封爵不過特進一世之人皆終于福祿而死于功勳是非人人之賢如是使之之術然也臣竊謂今非無魁壘之材比肩于太平勳烈之佐接武于本

朝要在使之以器而不竭其量保之以道而不侈其心則君不疑于臣臣不負于君人人皆可用之材世世無凌奪之憂矣臣愚不佞故為使說

說進

說曰天下之患患在人樂高位而進樂高位而進利祿之心也抱道而往者雖進不樂也故堯以不得舜為己憂舜亦以不得禹為己憂然則舜禹又果樂乎竊負而逃卒得天下不如海濱之樂也孔子曰富與貴是人之所欲也不以其道得之不處也貧與賤是人之所惡也不以其道得之不去也道者富貴之保

都官集卷七

士宜秋館

也有道去貧賤易行道保富貴難無道而富金玉者賈禍之幟也無德而貴軒冕者暴惡之器也今夫人力足舉百鈞加一鴻羽則訴而不受是謂之匹夫量力善使其力者以三百鈞任百鈞則人有餘力致遠而不困以匹夫任匹夫知不過其力為天下國家者以豐祿重爵而加之不量力之士惑矣孟公綽為趙魏老則優不可以為滕薛大夫魯申公處經義則長問天下治亂則否黃霸入為三公則聲名減于治郡李文博善諳政道而短于治國經濟皆力不足也明足以視百里而秋毫不遺千里之外拱把之木有所

不見者矣百里之智加之千里之任則民不厭望又加之數千里之事則枉撓紛委而民棄矣况受一室之智取之以制天下之術是棄天下也不量力之患由使之不度德受之不任責退而無所歸其罪由是天下有不量力之進有不量力之進未有利祿者也有利祿之進未有能愛君者也高山之下必有不可測之淵高明之家必有不可造之禍故古者有天地大變三公策免不勝任布衣步出府為庶人有他過棧車牝馬放之回里甚者牛酒在道閒亦不起昔者責實之世責實之君嘗行之是以君子居其時也命

都官集卷七

三宜 伏 備

至而涕泣不敢受榮劇則偃僕而益恭防患于未萌保身于未危豈倖倖而樂進耶樂進之世人不省己力不足以敵匹雛而氣涉三軍材不足奉刀筆而志慕公相總覈之理喪而朋黨之事起修潔之方不自顧而惟占術是問天下之患莫不始此臣竊謂國家之法以卑官減小刑以高官贖殊罪此條目之常非馭臣責實之大柄今州縣癡懦不任職免官奪祿數歲而後復丞相不任職不失加節旄雄視方面州縣貪墨犯法終身不齒甚者黜錮之夷島丞相犯法不失進華職偃息屏輔雖陛下進退大臣之禮適當然

奈廉恥之風不競人人思得此高位為不危不辱之地哉今天下之治莫先乎使仕者量力而進指高位而人不敢為則立法宜自丞相始然後大臣法而小臣廉治道亦幾乎立矣臣愚不佞故為進說

說黨 關

說副

說曰一目之視跬步不知背影一耳之聽席閒不聞附語聖人鑒其然以獨見不足盡情偽也以專聽不足察隱遠也天下之任斯置天下之副一國之任斯置一國之副一邑之任斯置一邑之副天子者有公

都官集卷七

西 宜 備

侯伯子男丞相至于百執事而後發號出令于兆人之上公侯伯子男者有卿大夫士而後奉職貢以保社稷以和人民自丞相至于百執事者府有丞屬司有胥吏而後奉法度備官責夫張官置吏者非位號而表著居之也非使令而左右先後取之也愛人任其仁慮事任其智臨難任其勇仁羣則愛博矣智集則慮至矣勇眾則力果矣聖人恐己不足而待副善推其所以為聖人賢人恐己不足而求副善得其所以為賢人眾人是己而背副仁鄙而智墨材日益不贍矣舉天下而言唯挈餅之任雖孺子可以獨受匹

夫扛鼎則有失跌者矣况九鼎能以一手足負哉天下之勢何翅九鼎雖堯君舜臣不敢獨任後世之人視堯舜孰愈也堯之時天下簡易比屋仁壽舜居百揆亦有十六族後世天下鬼瑣比屋鄙夫萬機之事唯丞相一二人是問猶匹夫而負九鼎其不勝必矣武德貞觀之治尚書省舍人六員天下之利害朝廷之與奪抗庭而關決分席而與議是當天下之任嘗不下七八人開元之後亡矣姚崇雖有治今之功而有變古之罪趙誨之禍所緣而起也以今視姚崇又孰愈邪六房者吏而已是謂使令而左右前後取之耳非副也百畝之田一夫治之可也千畝之田必十夫治之萬畝之田必百夫治之此耕者之智力不足田不耕雖有豐年稔秀生焉今百里之宰以丞副以主簿副以尉爲愛百里千里之長副以倅貳副以幕府副以掾屬爲愛千里天下之相無所副特副之吏而已愛天下乎臣愚不佞故爲副說

說士

說曰古之士其學也爲己其任也爲道爲己者在我其爲善也無所不勉爲道者在余故貧而樂賤而自安彼其于世未嘗有求而求之者人也今之士其學

也爲人其仕也爲利爲人者在人故爲其善也無常心爲利者不知命其于得失也皆蔽皇皇然恐求之不逮也貧者必求自富賤者必求自貴晦者必求自窮者必求自達天下如是行誼無復立廉恥無復自貴是以明王之治天下使學者莫不爲己而仕者皆爲道然後天下可得而治也天下之器或量乎大或量乎小以五斗之受較天下之器則受鈞石者棄而不用天下之木或分乎長或分乎短以十尋之度度天下之木則千尺者無所材夫天下之士有不齊之器有不可一較之材而求者持一人之度量去取之其曠職而失士也必矣故詩曰餅之馨矣維蟲之恥言取小而遺大也故明王用人之仁不求其勇用人之智不考其信用人之言不較其德故詩曰采葑采菲無以下體言明王收士如此之博也明王之士賓于鄉齒于學材于官廩于位皆不待其求而人求之又其博如此故士得習爲無求其進無苟道官必稱事必舉而民用賴今夫不採其長不用其實較天下之士以言語爲度量古之言也經其賦也史猶可以通天下之事業猶足以得多聞博達之類今之言唯是聲病工拙有司持以爲度量以待天下之士天



下之士不求則不聞不自進則不合不達于有司則又棄之蓋有英雄魁壘之人寧自貧賤不詘于循就而自試者矣若是人者上固無科以求之故士習爲自求其進未必賢不材其官不事其事而民不被其澤矣古之人未必皆賢今之人未必皆不賢古之進未必皆恬今之進未必皆不恬由上不爲愧厲之道天下相習而成風也古之人上既求之言不聽諫不從遇之不以禮則悠然而逝豈若今俛首求信于有司耶夫士不待其求而進故眾以濫計者不探其源而止其流仕以歲月爲資而每進又責之保任然後

都官集卷七

文直 秋 節

得一命加一級夫保任者非問賢否徒以上舉下大官薦小官其人未必盡賢其自致于爲上也未嘗無求而視人之于己乃謂不能無爾非有脅肩順指之人交親貴勢之階貨利力役之奉不惟不得其舉將恐道罪戾之不暇嗚呼保任者茲所以毆天下之士相與爲利也其蹈道自信翫光不耀之人宜不在其選矣鷓鴣非竹實不食非醴泉不飲况肯下儕鷓鴣而爭腐鼠乎以今科條歲增舉路日廣然進士不脫乎聲病科目循規于名數經術必貴乎訓詁此數者皆徒能待中材之人望于利祿者奈何將有非常之

材不試之業耕莘釣渭之賢漆置柱下之吏不爲世俗之事朝廷且不爲殊科以求之夫安得不遺斯人之徒乎故詩曰皎皎白駒在彼空谷言賢者有以隱處也士者天下所以繫而治亂王霸之路也今徒得中材習俗之人而用之豈朝廷之利也誠能科試之外間發明詔並訪遺逸待以不次使天下之士高材獨行嘗有不求聞達而朝廷求之者則庶乎行義立而士厲矣臣愚不佞故爲士說

說農

說曰嗚呼生民之困無甚于農也古之農一夫受田

都官集卷七

文直 秋 節

百畝今之農十夫無百畝之田古之耕皆爲己今之耕皆爲人古者時使薄斂以安之力田以尊之今者力役厚租以困之上不爲科以勵之古之民四而農居其一今之民士工商老佛兵游手合爲八而農居其一古者士則不稼大夫不爲園夫紅女之利今者公卿大夫兼并連阡陌古者工商與農相生養皆有度今者工商之取于農詐僞無厭異端入于中國則驅之今者老佛詔民以養之古者養生送死皆有常費今者婚嫁喪葬淫祀皆無節古者山澤陂湖之利與民共其水旱皆利之今者障筦而皆有禁稿而不

得救潦而無所泄古者教民蓄積又有倉廩以發其  
匱今者不制不蓄凶年無所賴不免爲流亡古之天  
下卽今之天下而異于古者十奈何農之不困也古  
之農常重其君臣相與講謀必先及之今之農常輕  
爲吏者聞有勸農之事則相與非笑之此古之農雖  
勞然悅其利而趨之故常多而愈富今之農既勞又  
無利以悅之故常少而愈困以今天下之口無慮二  
千萬躋漢軼唐可謂盛矣然籍而爲兵戎者常數百  
萬遁而爲老佛者又數萬瑯琊之工游靡之商府吏  
胥徒之類醫巫工祝聲樂之伎合而言之無慮數百

都官集卷七

五宜 秋 節

萬此其略也由是觀之天下之民百人而一農農之  
人一而食穀之人百古以一農養三民猶患其不足  
故命冢宰制國用視年之上下一有水旱則命鄉師  
賙之均人恤之今以一而養百其至于窮且盜也宜  
矣嗚呼農之困未有甚于今也以漢文之時天下富  
庶衣食蕃滋尙能賜田租寵強力賈誼晁錯或勸上  
敦本以杜游末然爲漢文者不求文王之法治之乃  
躬耕籍田以粟賞罰其爲勸勵之道亦末矣所謂文  
王之治何也五畝之宅樹之以桑五十者可以衣帛  
矣雞豚狗彘無失其時七十者可以食肉矣百畝之

田無失其時八口之家可以無饑矣昔孟軻爲齊宣  
言之詳矣宅不毛者有里布田不耕者出屋粟民無  
職事者出夫家之征載師紀之舊矣或曰今可爲乎  
曰未也十室之夫耕人之田食人之食者九而欲爲  
勸勵之道猶無車而教之載無弓矢而教之射惑矣  
今天下之法必始于名田而終于勸農名田之法必  
始于公卿大夫而終于黎庶勸農之法必始于法孟  
子而終于如載師聖君賢相講求太平之策無先乎  
此矣志不云乎王法本乎農臣愚不佞故爲農說

說工

都官集卷七

三宜 秋 節

說曰工者天下之末作也不爲其末不可以養本不  
制其末本亦從而害矣古者百工之屬有六曰陶旗  
之工曰築治之工曰玉石之工曰車梓之工曰韋革  
之工曰萑葦之工工雖多不過是六者天下之用蔑  
不濟矣先王知後世不能無亂故分之以不易業制  
之以不雜處禁之以不作淫巧故記曰異服奇技淫  
巧以疑眾者殺無赦然猶患其未也不美宮室不侈  
徽冕車不雕幾器不刻鏤當是時也百工之人持度  
繩墨以事其上無一不在于禮其爲衣食之道皆才  
足以自贍三代之所以務農重穀者由斯道也然三

代衰世之君皆不顧先王之法窮天下之侈麗以奉一時之欲末作者從而利之浸以無已以至秦漢之君池臺塗金碧之飾衣冠增文繡之美皿器施珠玉之華君好于上民好于下君爲其一民爲其二天下紛紛然蓋不可禁已嗚呼民之不幸其亦甚矣乎三代之時其君義而有刑其民儉而有禮其求作僅足以相生養後世其君侈而無度其民縱而無節其末作顧已如何矣然而浮屠老子者何居而來也其爲衣食棟宇之費皆非取諸己是以用而不惜窮奢靡而無所厭古之工居民之一今之工居民之百古之

都官集卷七

三宜秋館

財君取其一民食其九今之財君取之浮屠老子者又取之轉以衣食于百工是以百工日富而民日貧噫先王務農重穀之道亡矣今山林斧斤無有休日天下之財聚于宮塔而生民之居有暴露者文繡纂組有被于土木而生民之衣有藍纓者金玉雕靡施于服器而生民之食有蒲葦者今之所市古之所禁也今之所以養養于上者古之所殺也木不得蕃于林珠不得藏于淵金玉不得蘊于山其餘翡翠玳瑁象貝之屬皆不得遂其生今之所忽古之所重也故曰唯天下至誠爲能盡物之性夫百工要利而日僞

上焉者不設經制又從而好之求盡其性不可得也臣伏以陛下恭儉之德雖漢之孝文未能及也惟是承平以來經國之人不著法度以杜機巧浮屠老子又從而招之所以末游盛而風俗靡今其可謂甚矣不可不止也朝廷以純素之化先之于六宮次之于大臣後之于天下天下以畫一之制始之于浮屠次之于郡縣後之于生民使人人以約易侈以質易文百工之巧無所爲自然民富而農勸王道之本立矣臣愚不佞故爲工說

說商闕

都官集卷七

三宜秋館

說田

說曰古之聖王在上而下無不足之患者非能並耕而食之也爲其田之有制也民不可一日而無食田不可一日而無制是以聖人起必先制田三代井牧之法是也計口而授之凡人之力能勝耕者莫不有田以耕故民足于自養而無貧富強弱之差也井田一廢富者連阡陌貧者無立錐黎民窮困逃秦而歸漢然而漢不爲之制方輕田租躬籍田勸農夫寵強力故民莫知勸且不勝流冗矣由無制也此仲舒師丹荀悅爲時君言之詳矣方今之事不惟無制又從

而亡之者多矣中國承平生齒蕃衍宜無讓于漢而天下之田其數纔二百五十萬頃而廢者又嘗二十萬校之于始纔三之一是制既不立寔入于兼并不唯昔農無所耕朝廷之賦亦從而亡矣景德中增田三十餘萬而歲賦反減七十餘萬此其驗也夫天下有兼并之民專利之公卿大夫不耕之釋老浸衍之陂澤而望天下之田日廣天下之稅日增不可得也古之兼并兼民利也今之兼并又并公稅也其歸十夫之田者或不受三夫之稅卒以其餘稱報亡徙而誠無有一二由經界不明吏緣爲姦不可制也古者

都官集卷七

聖道 秋 節

公卿大夫專利四百頃爲甚多張禹是也今之公卿大夫動以千數而不厭由名田無法廉恥不立而風俗不競不可不制也今之釋老古之南畝之民也一入游惰而無事不唯民養之公家又以田養之將見民皆棄勞辱而歸游惰矣不可不制也古者陂澤之利皆有水官以治之今水部徒有位號非有常職廉刺守長其名勸農而未嘗知責魯有大野晉有大陸秦有陽陟宋有孟諸楚有雲夢吳越有具區齊有海隅鄭有圃田周有焦獲蓋有汪洋演迤不可得而耕植者矣不可不知也嗚呼詩不云乎普天之下莫非

王土田之做如是而不爲制理之道主者得無愧乎租稅可均也兼并可限也游惰可止也陂澤可治也在朝廷謹于經制責于官人而立法必始貴者天下之田日闢天下之稅日起生民之利可勝言哉臣愚不佞故爲田說

說諫

說曰昔者天子之臣諫者七人雖有傲僻無政而不亂諸侯之臣諫者五人雖有謾調不法而不亡卿大夫之臣諫者三人雖有辱肆失職而不辱士庶人有諫友雖有鬼環棄業而不刑君不知君之難而昧于

都官集卷七

聖道 秋 節

求諫謂之獨開招納之名而乖虛受之實謂之懷有順聽之實而亡力行之義謂之弱知斯三者聞善而樂聞義而徙聞過而悔聞惡而止而已耳臣不知任責之重而昧于爲諫謂之壘好直言而聞大理謂之愚屈禍而回勢利謂之賊知斯三者能彊國能愛君能興治補救能進賢退不肖能不疚富貴能不畏刑戮而已其君如是國則爲治國家則爲治家其臣如是大臣不泄適臣不私遠臣不苟吁其可謂盛矣前此者其君未嘗不受諫而天下未嘗治其臣未嘗不諫而名譽未嘗著故君子不以納諫爲難而以知言

為難不以進善為難而以蹈道為難何謂知言有逢君之諫有要君之諫有一曲之諫有醜善之諫逢君之言辨而似智要君之言訐而似直一曲之言迂而似法醜善之言蔽而似信是以君子不可不察也故詩曰哀哉不能言匪舌是出惟躬是瘁胥矣能言巧言如流俾躬處休何謂蹈道好古之諫昧于適時之變好仁之諫昧于臨事之斷好動之諫昧于靜謐之理好法之諫昧于忠恕之厚是以君子不可不察也故詩曰匪先民是程匪大猷是經唯適言是聽唯適言是爭五帝之世其臣不及其君都吁謀謨有戒而

都官集卷七

聖直啟

無諫而天下治三王臣主俱賢誨之以治亂通之以諷諭而王道成後世之君不及其臣不諫不治不諍不從而君臣之道無常矣故龍逢比干畏責以死諫伯夷叔齊畏道以遁諫周公君陳畏治以詩書諫官之奇百里奚畏亂以辱諫鬻拳洩治昧其無可為而以刑禍諫嗚呼君子愛其君之心亦至矣奈何幸不幸之異也君子知言與道之難而知其美惡猶有二蔽焉事小善而亡大患勤于謀始而怠于樂成此天下之大患也晉武帝可謂有容德矣大臣劉毅比之桓靈而不愾其訐及山濤陳經武之備而不用和嶠

納儲貳之憂而不從孔恂語元海之奸而不除此事小善而忘大患也唐太宗可謂能好善矣房魏數人者犯顏則悅逆耳則順張元素疏乾陽之役以同亂于桀紂且能聽而止一有翠微玉華之侈貞觀之風殆矣此勤于謀始怠于樂成也善用諫者無他知其難以蔽之說而存之治道其庶乎臣愚不佞故為諫說

說恩

說宥

說曰古者有宥而無赦故曰宥過無大又曰殺無赦

都官集卷七

美直啟

宥者刑之仁也今者有赦而無宥故比年一降三年一赦赦者宥之失而刑之賊也易之解曰君子以赦過宥罪蓋曰過則赦而宥其罪非有罪而赦之也穆王道衰呂侯作刑而刑罰之疑有赦穆呂之刑非舜臯陶之刑也舜為君臯陶為士師天下宜無刑猶曰罪疑惟輕立法以教後世也輕者忠厚之道非赦之謂也春秋四大皆仲尼譏之非是之也漢儒不探其意詐古以罔今或謂國君過市則赦是國君所至詔人以殺人亂莫甚焉故詩曰彼宜有罪女覆說之昔者天子一受命禍亂一息新舊染定民志君子猶曰

王道之薄也舜受命誅殛流放者四人而天下服未  
聞赦也管子曰赦也者先易而後難久而不勝其禍  
惜乎論之小也非之而猶以爲利苟于暫恩而不知  
必去此桓公所以霸也漢爲甚矣論者數人焉唐不  
盡革也或止之或推之亦數人焉然未必比年一降  
三年一赦若今之甚者也夫天豈不愛斯民而能爲  
之五日一風十日一雨使田不耕而植乎不耘而穫  
乎風雨不時豐年不常則民日仰首雲霓之下竊幸  
一豐樂亦曰天之賜也勞耕而植力耘而獲其有梁  
稻則知自貴而不費此天之所以不爲也今天下大

都官集卷一

三宜 秋館

澤計日而知則下非有雲霓之望小人屢罪屢脫則  
不若一幸豐年而知自貴此赦而又失者也上世無  
赦其刑平其次有赦而賊刑今夫屢下而賊恩賊刑  
者殺人不死傷人不刑然小人猶以幸而獲免日誦  
天子之德而不復蹈其姦賊恩者天下亡命屈指埃  
報不知朝廷之仁而謂之典刑適爾釋而未必改謂  
後之日復當赦天下由赦而僞者多矣是方于前世  
不獨有惠姦失惡之嘆用恩之敝一至于此可不念  
哉臣伏謂事有挾山超海不可爲者折枝則非難也  
以今君相聖明使天下刑措其勢折枝况不數赦而

已乎唐太宗何人哉顧不爲耳臣愚不佞故爲有說

說禁

說曰獸之走壙鳥之飛林民之趨利皆性也先王因  
民之利而利之故國不以利爲利以義爲利海不愛  
魚鹽山不愛金鐵天之所生地之所養苟可以衣且  
食民皆共之爲先王之民其亦幸矣後世酒有權鹽  
者有禁金鐵有賦關市有算天之所生地之所養苟  
可以衣且食者國皆障而取之然而民固困矣國家  
猶有補焉是以後王不能改也今則異于是山海之  
利奪于民而筦于官有司不爲權宜通流之術而取

都官集卷七

三宜 秋館

贏焉徒設刑辟以制天下使民拂口腹心知之欲違  
賤美而就貴惡以求十倍之利是以官刑日煩公利  
日耗國用日不足禁之敝未有是也朝廷徒有專利  
之名而不見爲利之益生民徒有抵冒之苦不能拂  
飲食之樂今千室之鹽茗市於官者不百十以酒就  
權者無五六由朝廷之法見利於近不見利於遠取  
贏于貴不取贏于賤有司徒有畢收之意天下常有  
百分之民未嘗爲公利郡縣之刑僅制其一而天下  
之獄歲已萬計將盡制之天下怨潰不可勝矣楚人  
載貨貝而之齊一求二稱之息踰月而後返一求五

稱之息踰時而後返其取寡者能以一時而三之齊是其取五者五而其取二者六矣今天下之禁正類于此主者徒見多取之數而不知速返之益故未嘗通其法又從而增益其算爭一時尺寸之利是無異救人之跌而引其是不惟無益且徒速其死耳今天下以禁入泉成纜能二三百萬使通而求贏無慮十倍此利害較然陛下之臣皆能知之而不為由有司不貴其實徒苟且踐歷以自富貴遂使日蠹月壤將無可為也昔孟軻見齊宣王語以王政王曰寡人好貨軻曰王如好貨與百姓同之於王何有今天下之禁非陛下所欲為漢武以來未有能改也誠能通法輕利寡取而求贏刑得以清財得以博民力得以充國用得以足然則陛下雖有禁王道何損哉臣愚不佞故為禁說

都官集卷七

美 宜 秋 館

說戒

說曰或問大禹戒舜信乎曰書有之曰毋若丹朱傲惟慢遊是好罔晝夜頷頷朋淫于家用殄厥世若是語中人不足道況聖人全德已乎曰古者養由基善射挾六鈞之弓百步以射揚葉百發而百中有過而笑者曰是未足以語射也夫善射者不百發而百中

今日百發謂之有功明日復射弓撥矢鈞一發不中前功並棄以聖人而治天下萬慮萬得謂之善治一慮不得萬慮之缺是以不可不戒也曰以丹朱戒舜不已甚乎曰戒者不可不甚也甚者所以固其終也故詩曰靡不有初鮮克有終美哉大禹之德也使後世下得以戒上臣得以戒君必自大禹始故成王之為君也周公告之書曰無逸曰立政召公遺之詩曰公劉曰洞酌曰卷阿是三者不同謨愛君愛天下之志一也王者治天下之始何嘗不退託不明畏神器之重念天命之大而皆博訪忠諫以補察不遠深求民隱以順協群附若是時也觀天下之治易若反掌及其志磨于歲月身恬于安逸耳目悅于聲色起居樂于臺觀馳騁快于犬馬玩好美于金玉朝燕廢朝夕飲廢夕有善始之名而無善終之美先為天下之治而後為天下之亂是無他由戒其始而不戒其終也故傳曰有始有卒者其惟聖人乎宣王中興之君也君子觀鴻雁之美庭燎之箴沔水之規鶴鳴之廢祈父自駒黃鳥之刺斯干無羊之作知宣王之無終周道不復興矣使六月之北伐采芑之南征不為斯干無羊之占夢文武之治斯燦然矣文皇善治之主

都官集卷七

三 宜 秋 館

也君子觀世南文木之諫玉華翠微之役知文皇之  
無終不爲純王矣使貞觀之勤不替老而納善如得  
魏公之時聖人之治豈如是而已哉語曰爲山九仞  
功虧一簣是以君子惡乎畫也人皆有欲善之志而  
久之難君皆有欲治之心而終之難故易曰受以未  
濟終焉臣伏謂陛下明德謹始虛心求道垂美一世  
前無百王巍巍乎聖人之道不可及矣伏惟知所以  
始之則念所以終之成所以爲之則求所以戒之然  
則聖人久于其道而天下化成陛下之道遠足以繼  
舜陛下之臣不慙于大禹豈區區周宣唐宗足比隆  
哉臣愚不佞故爲戒說

都官集卷七

三宜 秋 雜



都官集卷八

宋 陳舜俞 撰

記

海惠院經藏記

秀州橋李之奧壤華亭縣喉鶴之名邑白牛村在其西有人烟之富海惠院於其間為蘭若之勝先是賜紫僧奉英智力膚敏傑為主者乃募人書所傳之經其函八百其卷五千四百十有八而居人吳氏子行義好施號為長者為之募財僞工作轉輸而藏之其屋若干楹載載琢飾以金碧以某年某日落其成

都官集卷八

一宜 秋 館

也白牛居士陳舜俞叙其義而贊之曰天下之險東有秦華南有衡岷西有崑崙龍門北有太行羊腸此天所以限方域也然而寶貨出焉而負重者至草木禽獸生焉而樵蘇弋獵者往焉焉蹶而傷下者踣而死又生生之大患也聖人為之觀轉蓬而作車以載之嗟峨決而蹊通岬碎而塵飛視千仞以為夷化顛路以為安則車之為利蓋遠矣無明之山慳貪之壑噴毒之岡瘴暗之崔嵬詐妄之叢棘深林淫亂之坑谷谿澗而眾生莫之能免也於是教之以法為車以布施為輶以禪定為軫以忍辱為轂以持戒為轄

以勇猛精進為輻以般若為輪度脫諸險不墮生死始於自載終於載人故此經之輪不為無意也况夫我為法輪致遠由己有相雖外發心必內心轉輪駛心止輪棍舉真如之性海一指而遍盡塵沙之法門有念斯足須彌納于芥子滄海入於毛端具體道之樞機利物之關鍵作之可謂妙用施之者不為無窮之利乎若夫山澗同平夷險一致馳騁乎無傲之駕遊遊乎無方之機非作非止孰溺孰載吾非斯人之徒其誰與遊然殊途同歸何遠之有

秀州資聖禪院轉輪經藏記

都官集卷八

二宜 秋 館

天輪左旋四時不令而行地輪右旋萬物不言而生藏輪北旋諸法不論而明輪之義大矣哉四時推互萬物流布諸法無住其道一也然如來出世惟以一大事因緣示悟一切緣諸根異有二三說非意本然也迷塵末路流蕩忘返善門百啟無一入者朝講暮誦人其難乎大智創物嚴一屋處以眾經聚號大法輪一轉萬遍能令眾生於一念頃含受諸化是所以速其歸也愚者曰善哉轉輪植我德本於未來際獲無上道智者曰大哉轉輪即我自性於當念處悟無上道推是而議院之有斯作也悲護饒益可勝言哉

以至和元年三月丁亥營基十月辛卯落成贊曰瓊  
甍星環赤軸金昆墨寶珍聚香題金榜是謂經藏是  
非經藏是名經藏載運環循電走雷振鐘幢前引歌  
頌後陳是爲轉輪是非轉輪是名轉輪名卽是實實  
卽是名空華之果叩寂之聲爲大饒益法界含生

明州鄞縣鎮國禪院記

世傳五土九宮之書鬼瑣不經其義殆不可得而詰  
之矣凡其說者以乾坎震離同凶坤艮巽兌同吉持  
而考諸天下千夫之州百室之邑陵園廟塔之負據  
面勢往往得其所由廢興者故上至朝廷爲立官局

都官集卷八

三 宿 秋 篇

置署丞長以日相講肄人著其說爲篇下至公卿大  
夫士雖好古信道之人猶或畏以信甚則難以耕夫  
野老之言張福禍之驗如影響以動蚩蚩之民使生  
者不得保其安宅死者火燔水溺而無以葬痛哉賤  
道福俗而莫之能救也予十五年間再官於天台四  
明之二州此古所謂天下奇山復卽其雄偉險怪古  
今有稱於山者而遊焉求其所以凡得不墜者不獨  
物象之特出而不可蔽塞亦必世有材力之人主而  
起之一日鎮亭山鎮國院之僧某乙持其所居之形  
勝及興作之歷事詣予請文爲記且其僧有殿其法

有室其居有室其廩有厨鐘臺浴屋崇扉修廡煥乎  
無一不備而又盛矣其門之闢則曰丁其行之行則  
曰丙其山水之會則曰巽考其然則曰是本於五土  
九宮之書所同吉者嘻將有是耶將適然耶及問其  
初則曰唐貞元六年其徒曰慈雲居而基焉會昌中  
悉廢大中九年曰靈持乃復興葺中和五年始得今  
號皇朝天禧二年曰普光慶成又廣基構景德三年  
曰寶盛主之及今傳襲不絕故大成推而言廢興圯  
完果繫乎時及其人之能不能而不在乎吉凶之說  
者矣不然何一吉而中廢垂二百七十三年而始備

都官集卷八

四 宜 秋 篇

詩曰維其有之是以似之因書而授焉且告惑者嘉  
祐庚子十月癸未記

秀州華亭縣布金院新建轉輪經藏記

布金院去邑七十里居有上人曰清已其行淨白善  
護其法所謂慈忍精進者歲既久閭里莫不嚮焉邑  
人曰顏霸乃首施錢二百萬書其凡所藏經又相與  
謀營大屋爲輪而環積之其後工未就於是無遠近  
爭投以財若堂而構越二年而告成函以文木襲以  
綈錦載以華輪瞰以藻閣繚以珠貝負以虵龍覆以  
隆廈周以廣廡方琢圓磨明怪幽巧塗金間碧嚴飾

雜繪總用錢千萬前後施者畧數百人煥乎盛哉夫西方之書生滅之極談也生滅者周流而無窮周流之謂迹無窮之謂性迹有去住性無前後萬物見義莫妙乎輪輪之名有二一曰法輪諸佛之所乘也智慧解脫以動之戒定悲忍以行之小而入乎微塵而有餘大而御乎太虛而不能容擬諸形容而莫之能名法輪也其二曰苦輪眾生之所乘也動之以煩惱貪著行之以冥亂罪罟上騁乎天中騁乎人下騁乎地散而入乎鬼神之都禽獸之鄉而莫知其歸擬諸形容而亦莫之能名苦輪也噫在佛爲法在眾生爲

都官集卷八

五 宜 戒 德

苦有眾生乃有佛非佛不能度眾生然佛之度眾生也未嘗脫吾輪而載之蓋卽其所乘而指其所向故能方軌同轍而出乎無窮之域焉耳然則凡所謂輪者皆可以推止諸苦令法流轉亦幾於佛矣輪之成也上人以子能善解其義其文可以申贊嘆見屬者不遠千里云時嘉祐辛丑十二月壬辰也

湖州安吉縣靈峯殿記

障南古邑靈峯在西南水石甚美負山爲宇始五代開平丁卯歲高僧義璘號明義大師作也當吳越王重佛尙施因用褒賜且名靈峯長興癸巳歲始作佛

殿以待有像宗室太傅之夫人劉氏粵通久慶喜發檀信乃損奩金選工奏技香塗嚴飾尊侍列席蓋已大備越一百五十有九年實皇朝治平元年甲辰道川嘉祐壬寅明堂詔書改賜令額雖承平天覆林泉有光而風雨歲久土木壞矣院之七世法嗣仲賢曰爲上首游方受道多所明達賢首法門持擅師講行力既餘博善兼術於是徒尊於堂人嚮其方歎此傾圮慨慕興作俄有邑民施則安則寅則寬彥邦及嘉禾沈承禮唐簡遠近十餘姓人方企重師學亦樂植福果乃聚錢三百萬共起敝舊以治平丙午十二月

都官集卷八

六 宜 林 德

十九日己亥經始明年春大落成金椎奠礎文木繩直若植其楹如飛其翼丹漆內外紺碧上下視古有褒於邑爲勝大哉薄伽梵之道也以無我爲己故萬物莫能踰以無盡爲仁故羣生莫不被其力以無邊爲量故大至於虛空而不容以無受爲得故施等於大地而不爲極願一微塵之財施一毛髮之棟宇烏所以報稱者然智者之至於斯也修作之體空而成壞等慳施之性一而受捨忘中立於無相之域而大寓於有爲之時豈復一事而非道者使眾人之至於斯也香火以薦歌頌以樂登降旋拜一合掌一俛首

類如是者皆生乎無心而致其心遂卽其心而識乎無心則其報於佛多矣其利於人遠矣可不記諸時治平四年八月初一日丁未記

秀州華亭縣天台教院記

善哉天台氏之建化也以觀心爲法以念佛爲宗觀心者觀有心以至於無心念佛者念彼佛以證乎我佛或升階納陛同踐堂奧或順風乘航橫絕苦海真可謂大乘之淵源導師之方便者矣原夫清淨本然無有空假因緣忽生萬法以起河沙妙門一念而足所以體同寂照神冥樂域邱陵坑坎悉見嚴淨眾鳥

都官集卷八

七

行樹皆出法音用之則然何遠乎爾佛隴肇基神化周渙諸方向風緣應如響則夫來四方之珍聚肆六時之白業棟宇具而神人安鐘梵作而齋戒修又可闕乎秀州華亭縣某寺天台教院者真鶴唳之奧圍寶龍象之精舍先是界相東南地隙草茂時和年豐民有餘施師徒日演廣廈斯作講誦未聞人莫知嚮法師元湛台嶺之宗實爲苗裔音厭遊方聿來胥宇旣以知見提撕其新學亦用方便誘掖於里俗於是檀供旁午規模備具復卽淨室作西方彌陀之像其高十有六尺巋然垂臂若將援溺以應經量邦人延

宥善施樂義乃爲之購金以極塗飾然後居者有以系瞻誦之愨游者以之起師仰之願揭像運之觀瞻畢空門之能事矣嗟乎誰謂布施爲住於相眾生不愛頂踵慳貪無厭暗覆真覺集爲苦本流轉生滅莫知攸止故無信舍相則執著亡空寂見則佛性具矣誰謂聲色不足以見如來今夫金山之聚不輟乎吾目和雅之音不息乎吾耳塵法雖外其心則我苟無見聞則無有佛故夫樂苦空而斷因果厭諸相而求解脫未足與語道者也院旣大成嚴像且畢以僕風體斯道見囑隨喜云

都官集卷八

八

海鹽李宰遺愛碑記

秀州海鹽縣有寶宰太宰博士李君愛養其民而爲之興利又教其敦本節用旣去其民思之有吳承潤潘彥昌者與眾紀君自始至及去爛然見於成績藏於羣心稱於眾口之專詣余求爲文詞以信當世云瀕海之民其生不勤有川不漚有田不耕若歲屢雨四野爲瀾而注於海旋時微賜則無所溉坐視赤地攜手流徙者眾矣故十年之耕稔無一二君初卽事人方頻飢轉入山海持茗與鹽以給衣食而君皆權宜弗禁乘春可耕而至無稻梁之種君曰天有其時

而民無其力咎將誰執會運使元公絳行郡君持告  
身勸文數通乞置郡帑假官錢三百萬貸民糴種及  
禮元公嘉許之歲終民賴以稔先是唐有賢令李鏐  
通邑鑿涇凡三百有一歲久以塞君曰溝川不浚而  
壑歲猶氣血之竭求爲無病不可得也於是作勸書  
一篇二百餘言布告於民始命之積貯慎蓄以養生  
送死卒詔其具畚鍤隨所占田人自浚治因土爲塍  
以禦水旱提憲張公師中察其能卽以上聞求賜獎  
書以勸能吏久之不報君曰浚涇利之略耳我功未  
完宜其朝廷之不與也已而歲亦小歉君乃大勸民  
爲橫塘堰旁植木爲閘長水永泰開濟鄉已下皆爲  
鄉底堰幾三十所以訖一時之利凡前後興作命令  
一下民知以佚道用其力未嘗不老幼相告語勸從  
之恐後不戒不扑而告備戍仲冬吳中雨迄於己  
亥之仲夏而後已旁州接軫輻員千里皆被水患獨  
君之邑有堤防疏決之備而君則去矣以是民之思  
君也尤甚噫古者劭民務農而爲之開地利以當天  
時於政爲最先是周有司勳掌六卿賞地之法而  
民功爲庸在漢若杜詩召信臣之屬始能當之以君  
視之奚其愧哉君之政大略其刑以寬其令以簡其

都官集卷八

九 宜 秋 節

分爭辯訟皇皇焉惟恐不能盡其情其視一夫不獲  
覩然愧於面目宜其居則觀以至治去則久而益思  
也已予嘗陪君爲別頭主試官知君有文行嘉興之  
親舊又能爲予道其實悉如來告者之言故不愧爲  
之辭以俟史氏之摭摭君名惟幾字景純嘉祐元年  
四月受署四年四月代還其年六月乙亥嘉興陳某  
記

杭州知府沈公生祠堂德政記

仁宗之四十一年起居舍人知制誥吳興沈公方帥  
越治行聞于京師詔遷爲揚州守旣而曰襟帶江海  
杭爲大州乃以易公仍進官某曹郎中公方過杭其  
書適至眾相與喜曰此公家州也山有宰木巷有霞  
奉俗之良窳民之宜疾皆已夙講治可跂而待也公  
受命明日入府領事十邑之長奔走來奉圖壘者一  
概勞見人人爲歎其貪廉勤怠之狀於是莫不相視  
以愕畏公素辨也公之庭事吏案上下日數百剗剖  
立解無有凝刃居無何吏有受金者吏告其婦曰使  
君方嚴我幸得金五十婦問其處猶弗告也明日吏  
晨集公責於庭曰孰爲受某人金若干以語婦而不  
道以所置某處耶吏服慄請罪然後人益以公爲神

都官集卷八

十 宜 秋 節

遠近內外無敢欺給其始嚴議盜攘清止博奕下輒  
或抵冒公曰以付法外者正爲是也乃獨過示區處  
以聳羣聽有夫橫猾挾左道以持公私前弗能去公  
摔置之法自是人知公不可犯也塗無鬪言道不拾  
遺奠枕萬家戶不夜閉獄訟日衰羸牢屢空公益傳  
律令雜下條令毋異權量毋屠牛狗毋飲雞豚毋  
以倡優蓄良人市有惡錢衢置大餽而投之不浹日  
積以千計子父異處著爲期使自悔還者奔北幾數  
百室浮屠氏雜市賈爲抱貿婦女游其居而恬弗怪  
一切止之西湖不漁古制也日浸以弛申飭其禁魚

都官集卷八

二宜秋節

跳於防兒童不敢下視蓋公之所以令其民者或躬  
自蹈而誠率之不然本其民之安且樂也故其文一  
下郭郭田野爭相傳誦老幼更迭告語無敢不聽以  
信如是公爲政之明年仁宗上仙公奉詔攀號痛慕  
始絕行服薦享東諸侯以爲儀乃罷游觀不置觴豆  
召賓客帑有羨錢以訪良家之貧無以適者用爲婦  
者數百人矣於是時也杭雖舊州其俗惟新家有良  
人親有順子藍縷短褐閨箱織組無有小人愚夫愚  
婦久而彌知戴公恩且愧其風之不競也上卽位之  
二年冬十一月公之政亦二年矣詔還公於是民知

公去是而用將致于大白嗟其逢之不可再也乃相  
與于山之巔作爲室堂物色儀象以揭示瞻仰日頌  
公壽已而衣冠緇黃耆舊秀艾之人以嘉興陳某退  
居田間爲其隣里公之風積耳目所接能爲文辭以  
慰其心來有是請僕旣不獲執筆之讓且以公春秋  
三十七恭儉簡易師長其民不出堂奧洞見比屋遂  
能法姦仁及庶類其老而聲明王家利澤四海也可  
必矣雖古名臣何以加諸得不引考條列傳信其後  
以待史氏之摺撫耶時治平元年十月日記

秀州崇德縣新三橋記

都官集卷八

三宜秋節

縣當漕渠派通七鄉民屋于兩瀕三橋實往來者歲  
既久土堯木朽民將病涉衛君子淵自臨安簿有材  
能上官薦爲令又用捕盜功得便官進補是縣崔君  
望猷佐之聰明慧和法姦仁民人神晏安百穀阜昌  
民雖有賦役若孝子弟奉父母朝夕望顏色惟恐命  
令不下無敢背者一日感三橋之壞徘徊有改作意  
民知之隣傳里報相從來堂下願輸金匠石一新之  
縣官爲指畫高廣皆褒大舊作於中橋作亭以游居  
者休行者未嘗勞一叱呵指呼踰月而三橋成學春  
秋者請書曰秋七月某日民新三橋何以書善之也

何善爾利往完久之道也何言乎新作有舊也縣官  
教民作之不言縣成民志也三橋之石非一日而具  
何以日言民之樂工之來若不日成者也噫天下之  
政方束手於三尺律又歲未久而易豈遑興風俗扶  
頽革朽一一如古人二君政未久下民比比有歌詠  
又能徹故興利垂數十世材亦罕矣朝廷自三公至  
百執事縣爲最下二君去是其揚能歷級豈一二而  
已又將發見事業如邑如民橋子不識後之來者宜  
如何書

明教大師行業記

石刻本在  
杭之靈隱

都官集卷八

三  
直  
錄  
備

宋熙寧五年六月初四日有大沙門明教大師示化  
于杭州之靈隱寺世壽六十有六僧臘五十有三是  
月八日以其法茶毗斂其骨得六根之不壞者三頂  
骨出舍利紅白晶潔狀若大菽者三及常所持木數  
珠亦不壞於是邦人僧士更相傳告駭歎頂禮越月  
四日合諸不壞者葬於故居永安院之左其存也常  
與其交居士陳舜俞極談死生之際而已屬其後事  
茲用不能無述也師諱契嵩字仲靈自號潛子藤州  
鐔津人姓李母鍾氏七歲而出家十三得度髮明年  
受其戒十九年而遊方下江湘陟衡廬首常戴觀音

之像而誦其號日十萬聲於是世間經書章句不學  
而能得法於筠州洞山之聰公慶歷間入吳中至錢  
塘樂其湖山始稅駕焉當是時天下之士學爲古人  
慕韓退之排佛而尊孔子東南有章表民黃聲隅李  
秦伯尤爲雄傑學者宗之仲靈獨居作原教孝論十  
餘篇明儒釋之道一貫以抗其說諸君讀之既愛其  
文又畏其理之勝而莫之能奪也因與之游遇士大  
夫之惡佛者仲靈無不懇懇爲言之由是排者浸止  
而後有好之甚者仲靈唱之也所居一室蕭然無長  
物與人清談疊疊至於中日客非修潔行誼之士不

都官集卷八

四  
直  
錄  
備

可造也時貳卿郎公引年謝歸最爲物外之友嘗欲  
同游徑山有行色矣公亦風邑豪預焉冀其見仲靈  
而有以尊養之仲靈知之不肯行使人謝公曰從吾  
所好何必求富而執鞭哉凡其潔清類如此皇祐間  
去居越之南衡山未幾罷歸復著禪宗定祖圖傳法  
正宗說仲靈之作是書也慨然闕禪門之陵遲因大  
考經典以佛後摩訶迦葉獨得大法眼藏爲初祖推  
而下之至于達摩爲二十八祖皆密相付囑不立文  
字謂之教外別傳者居無何觀察李公謹得其書且  
飲其高名奏錫紫方袍仲靈復念幸生天子大臣護

道達法之年乃抱其書以游京師府尹龍圖王仲儀  
果奏上之仁宗覽之詔付傳法院編次以示褒寵仍  
賜明教之號仲靈再表辭不許朝中自韓丞相而下  
莫不延見而尊重之留居憫賢寺不受請還東南已  
而浮圖之講解者惡其有別傳之語而恥其所崇不  
在所謂二十八人者乃相與造說以非之仲靈聞之  
攘袂切齒又益著書博引聖賢經論古人集錄爲證  
幾至數萬言士有賢而好佛者往往詣而訴其冤久  
之雖平生厚於仲靈者猶恨其不能與眾人相忘於  
是非之間及其亡也三寸之舌所以論議是非非

都官集卷八

五直秋館

者卒與數物不壞以明之嗚呼使其與奪之不公辯  
說之不契乎道則何以臻此哉雖然仲靈之所以自  
得而樂諸己者蓋不預於此豈可爲淺見寡聞者道  
耶仲靈在東南最後密學蔡君謨之帥杭也延置佛  
日山禮甚厚居數年然言高而行卓不少假學者人  
莫之能從也有弟子曰慈俞洞清洞光所著書自定  
祖圖而下謂之嘉祐集又有治平集凡百餘卷總六  
十有餘萬言其甥沙門法澄克奉藏之以信後世云

熙寧八年十二月五日記

都官集卷八



書

宋 陳舜俞 撰

上韓相書

集賢相公閣下某居東海之濱一日獲邸吏之報曰天子命閣下為丞相不以閣下與富丞相者並有天下之望其懷天下之業若合符節康天下之心如和頃篋已乎不以朝廷百年之願治付廟堂一日之更化求其民為富壽之民吾君為無為之君已乎某聞之不知神王氣至發而手足舞且蹈號呼童僕傳告

都官集卷九

一宜秋館

賓客仰首天日疑已清明亦不以天下之賢舍閣下二人而無所聞生民太平舍今日一致而不可得已乎豈唯獨然蓋有縉紳先生巖穴隱處相與慶嘆萬口一辭美哉皇乎吾君求治登庸賢輔如此之至也某伏念昔為相州之下客一蒙國士之遇伏自閣下詔還宰司歸柄樞極心則喜快然胸無一言進賀謁者始則以疎賤不敢自比於門生故吏又謂閣下經綸之材方屑機務未足為天下大慶也某嘗論天下之治是何致之難而失之易耶君臣之相遇是何倡和之少而聳牙之多耶仲尼歷聘而世不用房杜得

君而材不足此所以甚治之世垂千百年不可一見也伏唯閣下前既柄用出居於外十年不復閣下必

自謂有致治之術而無其時天下亦唯閣下惜之富丞相大任先復居今三年而未嘗發所蘊見洪業必自謂無出閣下百發之中也是以古者使人之賢不竭其用使入之力不極其勇用竭則天下無所望勇極則事至而無以繼帝王操術蓋為此也昔者范文正公富丞相與閣下齊名今天子皆用之不亦竭矣昔有百中之名今求百發之效一發不中中國之孳不足道也且如異域之人何此閣下今日之舉不可不重之甚也某至愚不惟嘗辱門下之愛今當閣下之進用不敢為俗人之誚賀固其心惓惓實為天下之重不然默已若夫正社稷之根本定朝廷之紀綱覈臣下之名實休生民之耗蠹美風教之凋敝收禮樂之極功此皆閣下固有之學前定之業施之自有先後取之而無津涯可不待涓埃之言而有所補也惟閣下無失其時力行而已矣天下幸甚天下幸甚不宣再拜

都官集卷九

二宜秋館

上時相書

十二月十日具位陳某謹齋沐裁書再拜獻於集賢

相公閣下某竊謂三月不雨膚寸之雲油然而起不特有一成之田稿而未去者仰而望之一國之人皆是也及其未雨鬱然在上人皆祝之亦不獨有待者始有言蓋能爲天下膏澤者人人願見之天下膏澤人人願值遇沾沐之此所以自古到今英雄明哲之人可以深坐廊廟收取天下之士天下之士懷抱志策惜不能致身於其人爲一時所並用也伏惟閣下天資材業發見富貴天下之人望爲膏澤雖漢之平勃唐之姚宋未有能若閣下收天下之望於未用之前者也自閣下發策登大科當時有識君子深器閣

都官集卷九

三直秋

下爲公輔邊陲久安兵情財匱胡馬南牧朝廷震驚閣下出疆講和張皇國威議者以閣下不獨使蕃漢之民重見太平於朝廷有定鼎之功天子乃用公議擢閣下預機密閣下自信與上金石亟欲建明大事圖天下長久計未幾以大謗中起免居方面垂今年朝廷之事曰不治閣下之望日益隆天下之人指閣下語者謂朝廷有太平在一方適未取而施之廟堂之上取而施之如反掌耳某吳人也今年秋居吳中聞天子復命閣下歸政府某不得見天下之人如何耶以吳中而言天下縉紳先生庠序學士至於巖

穴迤處皆奔走慶賀謂國家太平一旦復興拭目而視洗耳而聽不復有所疑慮者天下皆是也某當是時與二三草茅之士更語更念閣下當天下如此重責又天子刷去前日不可破之謗灑然用之如此天下之事甚大久安之傲皆是使閣下以何者爲持操以何者爲急先而能一舉動塞天下責答天子之明且信哉此古人所以位爲憂不以位爲樂也又伏謂朱研益丹矢激愈遠以閣下之天資事業濟之以十年有待之思宜資之甚深取之左右逢其源也因感昔唐明皇講武新豐驛始姚崇以呼犬放鷹稱合上

都官集卷九

四直

意明皇命崇爲兵部尙書同門下崇在馬上不奉詔又遷紫微令崇馬亦不進至獵罷崇奏曰行天下之利革天下之傲恐陛下不用臣言臣故不敢受命因對上條數十事皆中宗末年社稷之禍及天下宜急先之務甚深切明皇爲之感發涕流應崇曰天下之利朕能行之天下之傲朕能除之朕能用卿之言崇曰陛下如此天下幸甚臣敢不備位論崇之進初若不正然卒爲賢宰相後世稱十事者謂之昇平之源豈非得君之節不苟致治垂世之策素定也又竊聞般輪之巧天下所至未嘗無材何哉以其所構厦自

任不待求木而後任責也上料閣下受命之始宜有入幕端士嘗出其門之人夙夜爲閣下講論措置使無毫釐之差令如近世姚崇之盛事譬如夫子入太廟每事問夫子豈不識禮之末者哉蓋奉祭祀事鬼神不容有失禮而不可復反者也孟子曰鄉鄰有闕者披髮纓冠而往救之則惑也雖閉戶可也故位賤而言親者謂之僭責近而憂遠者謂之妄人孰不欲自裕自非甚愚烏有好爲僭妄哉然古者獻畝有不忘君之人負薪能爲廊廟之語伊尹之未遇莘之耕人也曰一夫不獲如已推而內之溝中是仁人義士

都官集卷九

五宜 秋 節

不待有位而後有憂天下心此某今日所以起於疎且遠之中而冒僭與妄之罪來爲閣下言之某之至京師踰月矣始來也卽竊求閣下謀猷設施於稠人廣眾中有曰未也有曰循常用例未嘗主事殆失天下之望爲自安之計耳某之言輕不足求勝於人私議論者如此亦暴矣夫療久病之人用強藥悍劑而求不日之效非良醫師也况自安之計本庸人所當爲非所望天下賢者然居漸久聞論者日不已又頗見政府立新法斷天下小事至於進用人物亦或不爲論者取幡然而疑曰得非有蓋世之名而未爲驚

世之事耶何人之責之多耶豈懲艾前日之去而慎重今日之舉耶不然乃富貴名位果能重大賢者之顧惜耶請爲閣下條陳之天下郡縣不治久矣守宰不可一日而周擇之其要在擇按察之官重其權而師帥其人此最爲當今急務閣下在外十年又負此康濟之志久矣有以知某人轉運不才某人堪爲轉運今天下貪墨暗弛者未免去又未嘗擢一人於不次或資與才堪任是官者而聞暗爲三年一替之例不識謂天下任是官盡才耶或不才耶如一不才一方之民冤枉無所訴賢不肖無所別白爲黠吏貨賣

都官集卷九

六宜 秋 節

暴斂橫求以富兼井一日已苦何待三年此論者不取一也磨勘改官之法近歲已密加之銓曹苛留孤寒之人實苦之蓋要家奏署皆是京秩自不入銓選今觀新制內官非省府判官以上外官非轉運提刑以上者有私罪杖舉官不理爲舉主夫長吏刺舉下僚所以重其權上爲朝廷舉賢下以驅策中材之人也今天下犯私罪杖而居長吏者十有五六雖絕其舉才亦不受其按罪謂之可以知人不才而不可以知人才豈立法之當乎又今省府判官轉運提刑果盡賢乎知州通判果皆不賢乎不賢不足以知人使

之長民又可乎若曰澄改官之冗當別爲方法此徒  
詭寒峻情中人耳此論者不取二也自來朝廷罕肯  
不由監司體量而進退外官此因循之弊近者有長  
吏奏強盜殺人爲疑獄是天下之妄人也朝廷原情  
論官不復按舉若此舉也天下所共聽今聞其人恃  
已謫官枝引監司佐官爲有罪以釋宿憾朝廷亦爲  
劾之夫小人無賴以己重罪板善人得輕罪亦以逞  
志此郡縣常事長吏能專決不受而今朝廷受之可  
乎朝廷既知其妄而免之矣況彼指摘者借曰不誣  
非甚有罪緣朝廷廢之而害善人不如不廢此論者

都官集卷九

七宜秋節

不取三也國學者養賢首善地也向者朝廷以學官  
爲資級不責教誨近歲限年而舉之非當也韓吏部  
不曰無長無少道之所存師之所存也是不究其本  
而抑其末也近聞舉一直講天下端人也始者士人  
之望以閣下執政必不用限年法今無乃遷延以俟  
其年若齒與舉於例皆合乃得補署雖庸人爲相亦  
可行也此論者不取四也昨閣下居方面盛欲收羅  
天下之士各以長而薦之真宰相器人之宜然也然  
閣下執政之始當首取天下大完之人引而置之朝  
塞天下望而嘗蒙被薦舉之人遷延閣下亟望進用

是不謂閣下進退人之始其繫天下甚大不能先自  
引避爲閣下裨補耳閣下丁是時也所宜延見私第  
開陳誠意而恒遣之而反循默取決他宰執者以動  
士人之疑望此論者不取五也天下之事大於是者  
何翅百千內則繫社稷之安危外則干生靈之休戚  
雖執政者不可一旦忽而不思誠未易責閣下以一  
己之力求爲數月之效此論者謂之未可也若近事  
數者利害較然易明所繫事體亦以閣下所可廢置  
與奪於一出口之間孟子曰挾太山以超北海語人  
曰不能是不能也爲長者折枝語人曰不能非不能

都官集卷九

八宜秋節

是不爲也是宜論者爲閣下不取而有循常用例顧  
惜之謗也至如所謂未嘗主事亦前此執政之舊弊  
其意本有數端或以寡言忍事爲持重或不通知利  
害不敢自信獨斷或恐倡言爲眾指執專受敗事之  
責或恐言不見用旁有齟齬之人此常人無天下之  
事業不爲天下信嚮者有此閣下一旦受人主傾心  
刷謗之顧託當天下洗耳拭目之觀聽故始者同列  
避讓無敢前者如主天下事沛然如江河其誰禦哉  
不識閣下何憚而不主之夫何顧惜而使至然也語  
曰雖有智慧不如乘勢雖有鎡基不如待時竊謂閣

下之勢可謂盛矣閣下之時可謂遇矣夫渴者甘薄飲餽者美疏食惟恐閣下不公行政耳行姚宋之事則得蕭曹之望舉蕭曹之業則享伊呂之功時勢然也今乃都人之議喧動如此詩曰哆兮哆兮成是南箕不知天下說者又如何耶閣下無乃辜天下洗耳拭目之人替傾心刷議付託之君而自失可爲天下行事之勢乎竊爲閣下惜之今天下國家甚大之事誠未可舉也若閣下必欲動天下之聽聳天下之觀釋天下之疑除天下之誚復天下之望猶可爲也今天下有積德力行之完士或棲遲閭巷或遺逸草野

都官集卷九

九  
宜  
一  
麻  
館

天下所共知者閣下未廢而去之豈非閣下自信有所未嘗主此等事示天下沮勸之明白反謂速治無益恐失天下之望取天下之誚殊不知失天下望取天下誚似不爲此也若閣下之進人公進也退人公退也雖一時小人不能無憎且妬天下不肖者雖多賢者固不少自有公議爲閣下助夫何慮哉又如兩府唯以休暇見客固匪往制亦近歲傲然自足厭苦天下之士者爲之今閣下何恬然仍舊不爲改易天下之士固有抱王佐之略爲生靈之福者固有通知當世之利害願爲閣下裨補者周公聖人也不敢安

一沐一飯拒天下之士而保叔父之貴裴晉公命世之材也亦上言改去唐制私第不見賓客卒建淮西之勳閣下將致身與二聖賢比何憚而不爲之廣都之路舉步有數里之遠其能乘肥馬御健僕伺閣下十日中一見者必面柔便辟便閣下歡欣以爲進取之人天下之士其能至乎閣下豈宜謂天下之士不足求乎某竊謂閣下大聲廣譽毀於今而滅於前者得非以暴絕天下之士而門無端人與閣下講論爲少補助者也至於中丞御史天子所擇至端至直可與議天下政事者某竊聞之舊制或於中書分聽咨

都官集卷九

十  
宜  
一  
麻  
館

議時事近制惟見於聚聽時亦所以間絕之也夫法不天生也不地出也閣下可以雍容上前開陳其端請得與中丞御史丞自可親相風告繩愆糾繆不必一一雜然上聞如此則天聽清曠朝政修舉垂世之美利也噫齒髮一改而不再功名難得而易失舜之徒雞鳴而起禹不敢輕寸陰周公坐以待旦皆爲此也閣下可不勉之某從遠方來以慕閣下德業積有歲年昔在方面嘗欲請謁今當閣下大用時卒然聞士人非詆之論與之應和實所不忍然且材不足爲閣下用資不足爲閣下振舉故無嫌通傳士人之言

而盡布之借不能少裨聰明萬之毫分亦愈於合借  
詆毀於朝野之人某尙計閣下密建長策入有大論  
皆眾人之所不知眾人知而言之或不得其真某從  
而言之亦惟寬其罪戾以來天下之言收天下之計  
塞天下之責不遂失天下之望保有天下之功區區  
之心如是而已干冒台嚴無任惶恐之至不宣某再  
拜

上時相書

三月三十日具官陳某謹齋沐裁書再拜獻於集賢  
相公閣下某以不佞而賤故惟日恐恐無毫髮樹立

都官集卷九

十二宜秋館

卒泯沒於天下愚不肖中乃不知量瞻望當世道德  
文章發見於天下之人必欲奔走而見之亦非有心  
附會希覬自爲聲光特彼博見廣聞人人沾沐熏炙  
之已耳爲是心於閣下亦十年矣數月前既來阨居  
勇欲果就其志不復顧計有勢位之限又竊以閣下  
德業聲名充塞洋溢愚夫稚子皆知稱誦者百口一  
語而自閣下當國大用爲天下行事眾責羣望有所  
疑慮請謁之始寧者進說且謂士傳言其職也乃不  
忌諱採摭一時之事條布稠人之論具於書以獻於  
門上伏蒙閣下不閒鄙賤延置堂上一席之地假借

顏色賜之餘論然至愚安足識大賢者之心乎姑譬  
之入武庫見戈矛劍戟旛旄冑甲森森然知其可以  
雄三軍威四夷橐包戢束皆利而未試者乎旣而喜  
出而語人曰閣下之心古君子之心也雖其功未就  
其膏澤未及於天下已爲天下生靈賀矣自是以還  
無一名字聞閣下之左右無一足跡及閣下之門豈  
自棄耶是恐見比於皇皇汲汲請造進取之人爲識  
者羞辱今已就祿一官有千里之阻遠猶有餘說願  
獲陳畢而後去亦惟閣下察之夫宰相天下之宰相  
也非一人之宰相也亦賢不肖雜處之位也賢者未

都官集卷九

十三宜秋館

必常得居不肖者未必常不得居功蓋宇宙名白日  
月有時而位去故世常有挾占術者說於人曰某命  
當得丞相某命當免不爲己而果有驗者由是知富  
貴得喪則天也非人力也閣下前此居方面十餘年  
雖天下之望日愈重而深識善計之人未有敢料閣  
下必得亟爲宰相者况閣下能逆知而自信乎旣得  
之終身居之不可知也旋踵而不居亦不可知也所  
謂不可知者則天也若其建立施設天下之事早晚  
則在閣下勇斷而力行之非天也借未及然宜使心  
跡獨信於天下無久替人望亦在閣下非天也從古

到今魁梧明哲之人以天下自任者必欲致君堯舜  
納民仁壽豈一二哉心志之就不就功名之成不成  
亦天也亦天下生靈之幸不幸也今日之事惟恐閣  
下不為之苟為之成敗得喪則由天幸不幸則繫天  
下生靈閣下之憂何預哉某惟恐萬一不幸閣下之  
心跡不及見於天下盛時一去不可復得為四海悔  
嘆不勝區區某歸官江湖之外位卑事簡既得斗升  
之祿歡欣養親以卒歲月猶能延脰側耳聽閣下致  
君之業澤民之功發為賦頌塞儒者優游太平之責  
于冒台重無任惶悚之至

都官集卷九

三 直 秋 館

上歐陽內翰書

具官某謹齋沐裁書頓首再拜有聞於羣牧內翰先  
生坐下某雖不肖從事於學蓋有得古人一言竊藏  
於心日思所以行言之道而未能者矣某自少小時  
誦禮記至曾子曰夫所謂孝者國人稱願焉曰幸哉  
有子如此可謂孝矣是使其親為君子也未嘗不撫  
卷三復又追考古人之所以著見功業顯榮其親必  
先有志於斯言耶自是居就師友出游場屋未嘗不  
恐恐自重於言語去就之際懼有以辱乎親者慶歷  
中天幸及第為天台從事歲未滿而罪罰遽至先人

都官集卷九

三 直 秋 館

不幸卒於官舍既而由深山窮谷中負全柩獲返於  
家輒自號訴於宗族鄉里之人曰某罪逆深矣願隕  
身草土不足贖而適重之請得變禮行葺塗之事使  
某夙夜勉強因所樹立萬一有聞於當世而吾先人  
教子之勤見紀述於天下取重之人且能蒙取朝廷  
一命及於漏泉而後葬聞者曰唯然而聲名不章道  
德不進聲牙連蹇於簿領文墨心日負而事日遠至  
於今十有三年前此者嘗求天下賢士大夫而歸之  
至於不愧而置身門下自此於門生故吏是亦大懼  
日沉沒於小人俗吏之中使先人之德不足以有聞  
也某今也天重其幸由科選改官屈指日月其覬贈  
典以酬其言者所不遠三年耳若其獲以先人之美  
見於紀述以取重於當世而垂信於後人則未知果  
能也然念某始以頑賤奉教誨於坐下往來墻宇之  
間亦於今十年矣持其心誠而欲以先人之事見紀  
述於一言則又在其前也卒於今日果於不避棄絕  
而布之者非敢即謂有可稱願蓋某拳拳之心以為  
勉強行道至於樹立稱家有無以事窵窳過此以往  
亦將有日求金玉之賜為論撰之美不在今日言之  
旋踵先生入宰天下大政方提其筆進退天下之賢

不肖位日隆而不可聞而某求償其心則無時矣謹  
錄友人姚闢所狀涕泣俯伏門下以俟裁擇不宣某  
頓首再拜

上歐陽參政侍郎書

十二月日門人具官陳某謹頓首百拜有聞於參政  
先生坐下伏以朝廷二府所以攬文武賞罰之大柄  
代天理物而天下治亂休戚之所繫者先生旬月之  
閱出侍從中步武歷二府如登嚴君之堂而入室家  
之奧豈非內有以鎮壓天下君子之望者不言而喻  
外所以稱誦於天下者有以鉗塞小人橫議之口久

都官集卷九

五直 秋 備

矣某辱爲門人始其聞命踴躍慶快非稠人比又身  
之去門下行三歲瞻望左右固已勤勞然獨不爲賀  
至今者蓋謂有道之士富貴皆固有且欲以功名遠  
過於臯夔稷契故不以位爲樂而以爲憂也數日前  
得同科錢藻書以某雖自疎棄於外其姓名猶得不  
忘於門生故吏之中某且幸且喜卽欲奉奏記并道  
前日之所當賀者又竊謂世俗之禮如俳優樂府者  
爲之言焉足以稱盛德而伸至誠哉夫古之大臣者  
膏腴寐善士渴求人材得而舉之以事其君彼材士  
者豈患無聞知且往告於人而求自得耶人不求則

不得非廣覽兼聽則失之孔子曰舉爾所知爾所不  
知人其舍諸是不獨天子之任大臣以此至於師弟  
子之相告語之道亦皆然也某雖不肖敢上採陛下  
之所以待先生之意而下誦所聞以圖盡所以事先  
生之禮充州錄事參軍姜潛學可以爲人師智足以  
謀王體淵沉可以厚薄俗志勇可以持大義用之以  
器無所不宜虞部員外郎前知撫州黃城體廉蹈正  
其材過人喜立功名克當大事今以失舉廢官棄其  
所長楊州簽判虞部員外郎李直躬外和以粹內剛  
而明風教設施可視古之循吏大理寺丞知蕪春縣

都官集卷九

六直 秋 備

俞尙博學有文兼備眾德依乎中庸以飾政事前明  
州推官林琪楚州判官侯叔獻守道不爲智足以燭  
幽明材足以治劇任重杭州進士施耕甘貧樂道傳  
經誨人不詭不激有顏閔之懿是七人者行之以正  
道守之以不苟得故或沉於下僚或混於儔人世未  
有以知之未有以舉而能用之者也伏惟先生懷澄  
清天下之素當建立功業之時必求天下英俊豪傑  
之士夫此數人者在乎胸中德行見聞器能材識聲  
明朝廷而空乏巖谷此某所不能知然區區之心特  
自誦所知且以稱人之賢在師弟子之義爲無嫌亦



所以自異於世俗賀者之言伏惟少加察焉不宣某再拜

上歐陽參政侍郎書

十二月日門人具位陳某謹再拜有聞於參政先生坐下良農善知氛稜之美惡而逆水旱之至故耕無不獲之歲良賈善原貨財之有無以權貴賤故其藏嘗取十百倍之息彼小人者知自利其業尙如此故君子之道沉慮先物知之至幾而待之以豫則功無不慮物無不應其實不肖乃其計慮或一有所得獲不媿於農賈小人者天之幸也前年身出坐下持先

都官集卷九

七直秋館

人行狀一通泣而言曰某罪逆十有五年而不克葬蓋以先人教子之勤自恨其身碌碌未有所立以報償願先生一言之銘相與藏之取重當世而信於萬世且必待朝廷之一命以贈諸幽壤持其誠心亦十有五年矣後此者朝廷之命可計以日而恐先生之文章不日提其筆以宰制天下化爲生民之膏澤進賢退不肖之功業則不可得矣某是以豫以告而願先生豫以許也先生哀其誠而報曰可聽言至今猶在其耳目前日聞先生入贊大政某始爲天下蒼生賀次爲天下賢人君子賀終爲報親之心獲不嫌於

農賈小子自賀夫與之一諾萬金不爲重古今聖賢皆然也或曰先生之文明乎與日月白永乎與天地久豈止視萬金爲錙銖矣知必報其諾雖然先生棄而拒之乎則雖連山爲墳銷金爲槨執紼千人備物百獲不足謂之葬愧乎人間而無以報於地下終亦不苟葬耳先生其卒與之乎某獲負土壠上使先人之善永於陵谷小子無愧於鄉人贖十五年不葬之罪生死骨肉論報無有已也先生其拒之乎與之乎不宣某再拜

都官集卷九

大直秋館

都官集卷九

都官集卷十

宋 陳舜俞

書

上時相書

其官某謹齋沐裁書東望再拜授之門人有聞於集賢相公閣下某嘗學古今竊惑治亂之迹是何致治之難而亂之多耶桀紂之亂非堯舜之道亡亡堯舜之道者非堯舜之人也然天之生材無窮天不以臯夔元凱私於堯舜堯舜兢兢以不得臯夔元凱為己憂臯夔元凱皇皇以不得堯舜為己憂故文命敷於

都官集卷十

宣 秋 節

四海勳華塞乎天地嗚呼生民不見太平之治久矣士之生也罔其相與日見也偽其先王之道未嘗人傳傳而出於鄉人者其君未嘗憂不得而臣之臣而入於利祿者未嘗行其道而用其言是非臯夔元凱獨不見於後世後世長養之進取之之術異也然則士之出於世而求為無愧於進之道者奈何君不以失士為憂則不進憂而求之不以失禮為憂則不進取之以禮不以不行其言為憂則不進用其言不以不終其道為憂則不進人皆有欲進之心而進為甚難故嘗有願治之望而不易得烏有仁人在上使

人人自足其本心相與日見於治士之懷是道而逢

是時疇欲與鳥獸草木為羣而能忘貧賤之憂乎某

不肖潛心讀書恥文章之陳迹高古人之忠義亦有

日矣前此者言必遜進必縮固未嘗便便汲汲之若

是噫不以自進之難而盛時之不可再耶至於鑒前

王之廢興明來事之成敗究生民之利病論天下之

安危雖智小而謀大責近而憂遠今或以其書為可

採用舉科目又念古者相君皆開閣以養天下之士

收羣策以釐萬務閣下好賢取士出乎古人而某舊

得從事賓客曳裾閣下之門雖閣下盛德大業無待

於人然狂夫之言聖人擇焉今某之進求所以自足

乎望則鈞播之賜未可知也苟就其書如蒙一言之

採有補於今則某之心固已為得矣謹以所進治說

五十篇十卷繕寫塵獻伏惟調變之暇俯賜鈞鑒不

宣某頓首拜

上時相書

某居東海之濱一日獲邸吏之報伏審執事進位元

輔其比肩並命者又皆為天下所望之人某方食七

落不知起舞於坐吁嗟聖天子求治如此之至登用

賢輔如此之當蓋自漢唐以來命相之盛未見今日

賢輔如此之當蓋自漢唐以來命相之盛未見今日

比也某且思天下搢紳先生巖穴逸處洗耳更化拭目以觀太平又豈一二其人而已哉惟是區區孤生念昔旅食京師日聞都人卿士風議執事柄用以來施設之畧有若未能厭足人望者嘗不識忌諱謗罵眾說置之主謁伏蒙執事遠取聖人吐握之義不問狂夫側陋之言接以上客之禮賜之更僕之論開陳虛懷親指時事則某知執事肯德待時興天下之利除天下之害自有先後與夫進銳退速輕爲去就者不同日而語矣從是以還引領一方日待德教之下則有若裁任子之令革貢舉之法煥然亦足以動天

都官集卷十

三直

下之望矣而某又竊憂者治世不易得君臣之相遇甚難恐執事有待之心而時不偶懷切磨之術而功不就萬一及此當世之人猶或不見執事有爲之迹誰復能信執事願治之心哉不謂執事知天降大任之心將至期其道有時而果一效於今日矣然某聞秦人苦允豫之疾者凡二十年醫醫庸術日踵其門不惟無愈而又害之者多矣鄉鄰之人有過而告者曰是必用盧醫扁鵲而後愈也然而秦人未嘗信日瘠月痼而無所愈卒命夫二人者鄉鄰皆喜秦人獨憂也曰秦國之拔止此耳從是而治吾之柄其革

矣噫今日之事無異於是天下之病豈獨允豫而已耶其與執事比肩並用之人則若醫之有盧扁也天下之賢固不過執事二人者是以天下雖喜識者以爲憂何則夫療久疾之人不能爲勿藥之喜必有針砭之神攻灼之毒瞑眩之苦然後固一元之氣淪五臟之煩生六府之和強筋力而豐膚革爾今有百年之傲豈能爲循迹之治必有非常之事業不次之進退大有爲之更張然後立天下之本銷當世之冗下生民之休賜威靈而躋富庶爾今執事出素韞見鴻業取百年之傲圖一世之救則朝廷躋三代之康強

都官集卷十

四直

生民享二帝之壽考在此舉也使執事復爲循迹之治襲蹈前人之爲不過維持而居保完以退天下之望過執事而無所屬天子之信後今日而不可再然則視四海之瘡潰成一世之膏肓亦此舉也某又視漢唐以來當天下之憂責者未有若執事之重也古人不以位爲樂而以位爲憂不謂是乎其所謂針砭之神者何也伏以執事道貫聖賢學該古今知天下之責不可逃待天下之任必將至夫豈止懷庸庸之謀持斷斷之技而已乎是必有經濟之雅施之小大而有宜謀猷之深取之左右而不竭伏惟執事斷之

以必行發之以至神此所謂非常之事業猶秦醫之有針砭也某所謂攻灼之毒者何也竊以方今綜覈之理廢賢不肖混淆大官大職涉級而至未嘗待勳勞徒食虛廩紛然無所爲求而使之又患材不足此天下之至敝也伏惟執事知人之賢雖草茅塵泥必器於華顯察人之不善雖敝冕朱紫必廢於冗散然則士多嚮善官有稱職此所謂不次之進退猶秦醫之有攻灼也某所謂瞑眩之苦何也竊以眾人難與謀始易以樂成鄭子產古之賢大夫也爲政一年與人欲殺之三年而民詠歌之夫君子之幸小人之幸

都官集卷十

五五 林 備

善人之利不善人之害此謗之所由起也況今與上金石時則機會伏惟執事奮不顧之節無可奪之義苟利於國不利爲身未信於人先信於天然則何利之不與何弊之不革此所謂大有爲之更張猶秦醫之有瞑眩也某所謂固一元之氣何也竊以人非元氣不生國無本不固昔賈誼可謂知國體者其言曰太子者天下之本本正則天下正故古者天子國君卽位政教未修禮樂未講君臣相與爲建立之議嘗如此之早也至於教習其善猶恐不豫烏有垂策一世而不之及大臣畏避而無所陳爲國遠慮凜然寒

心也且天下者太祖太宗之天下相與揖遜而得也伏惟執事博納讜論推明天心以重宗廟消禍於未然垂裕於萬世此所謂立天下之本猶秦醫之爲疾必固一元之氣也某所謂淪五藏之煩何也竊以方今蚍蜉之卒無慮百萬眾其仰食於縣官歲率五千萬犬馬之臣無慮三萬人其受祿於縣官歲率亦百五十萬天下之財取之毛髮而積之邱山歲之入未能過億也而官兵之冗食其大半其餘郊官之奉吏狄之好尚未足以支也古者三年耕必餘一年之蓄國無三年之蓄曰不足今也以歲養歲猶或不給故

都官集卷十

六五 林 備

大倉之粟不支比年都內之錢未聞億數不幸重之以師旅因之以饑饉爲國計者甚可懼也伏惟執事嚴教習以汰無用之兵釐任進以澄不職之吏使通收三歲之冗食而餘一年之經費行之九年國家其庶乎有備矣此所謂銷當世之冗猶秦醫之爲疾必淪五臟之煩也某所謂生六腑之和何也竊以方今土田之賦關市山海之利取於民悉矣朝廷剝刻之吏以羨餘爲有功郡縣校征科之勞以殘忍爲稱職天下有禁外之禁小人犯法無有完膚天下有賦外之賦生民饑寒不能履免吁可謂窮矣伏惟執事名

田以寬大半之賦節用以通天下之禁藉使未及絕禁外之私條使其手足有所措斷外賦之竊歛遺之衣食之毫毛此所謂下生民之休猶秦醫之為疾必生六腑之和也某所謂強筋力而豐膚革何也竊以朝廷以兵強戰勝為筋力以家給人足為膚革方今敵國外侮取厭於賄可謂強乎生民困窮流轉而死可謂豐乎伏惟執事勉其所未至革其所欲革更其所當更自然中國日強敵人畏我如天地生民日阜禮樂備而廉遜興此所謂暢威靈而躋富庶也猶秦醫之為疾強筋力而豐膚革也此數者蓋天下之大

都官集卷十

七 直 秋 備

務興復之急先執事得君得時得共政舉而施之如饑之命餉渴之索飲猶恐為晚也若夫補完萬事之缺更易一世之故至纖至悉豈可勝紀伏惟執事開閣以待天下之士下朝清晏博收羣策夜思日行太平之功乃可致也嗚呼古者治世常少亂世常多不以聖賢之人材與時不相偶乎古者有其材無其時仲尼是也有其時無其材房杜是也天生執事以輔吾宋天啟吾君以賢執事得聖人不得之時至房杜不至之學可謂盛矣執事勿謂天未厭亂天之與此時足以信矣勿謂上未腹心上之付是任可謂堅矣

今執事極所以為之則不違天竭所以報之則不負吾君執事忘其身則身安不顧其家則家榮時乎時乎不再來惟執事圖之某愚賤無所能天下之事以嘗求而知之雖然不知其可行耶今當執事之大任以嘗進營說於前而不得默已於後敢盡布之惟執事擇焉使言而無補倘知其心之拳拳萬一有所得執事不以人廢之乃所幸不為狂言誠無望於自利也干冒台重鈇鑕之戮亦惟哀矜不宣某再拜

上昭文相公書

都官集卷十

八 直 秋 備

於昭文相公閣下某嘗伏謂君子之蹈道行乎天下甚哉求適乎用舍去就之難也人生孰不慕富貴而惡貧賤孰不美膏粱而厭藜藿孰不悅文繡而褻藍縷孰不快使令便嬖而憫勞苦其膚體孰不樂志澤日加於天下而嗟窮佛其所為孰不好聲名白於日月而恥湮沒無聞又願天下非無有餘之勢而不足稱己之養伸己之願然而君子之蹈道行乎天下者遇不遇得不得人人未嘗齊也是何也或曰時也君子不為時也且周公相天下朝諸侯如運之掌為得時乎則生周公之時者伯夷叔齊而餓死孔子為旅

人走四海死無置錐之地爲不得時乎則生孔子之時者管夷吾晏平仲嘗以其君霸是以君子不謂時也或曰命也語曰不知命無以爲君子也周公困達矣遠則四國流言近則成王不知周公惕然懼不獲光明文武之道而大墜輔佐之業乃作詩以遺王名之曰鷓鴣仲尼困窮矣失魯司寇將之荆既先之以子夏又申之以冉有其適諸侯也未嘗不皇皇然使周公謂命也則不聞流言而懼孔子謂命也則不適諸侯是以君子不謂命也然則其餘用舍去就之間亦可謂難矣周公管夷吾晏平仲得其所就就之不

都官集卷十

九宜 林 館

爲誦孔子伯夷叔齊得其所去去之不爲固後之就者不有周公管夷吾晏平仲之道而仕者皆苟仕也後之去者不有孔子伯夷叔齊之義而隱者皆妄隱也故曰富與貴是人之所欲也不以其道得之不去也君也貧與賤是人之所惡也不以其道得之不去也君子之於人也審己之所以去就求不失其正爲不難處人之所以用舍於己使不失其義爲甚難苟能審己又能處人故不以人之將舍己者就於人不以將用己者去於人就其所舍雖得之君子曰曾不若黔敖之餓夫也去其所用雖得之君子曰是視天下而

路也古之人其難於用舍去就之分常如此今之人奚獨不然非慕富貴美膏梁悅文繡快使令便嬖樂志澤加於天下好聲名白於日月之甚也非惡貧賤厭蒸菹禡藍糲憫勞苦嗟窮佛恥湮沒之愈也非周公孔子管夷吾齊之道亡也是何也時然也古之所以就於世者道德成於國人則鄉大夫鄉先生禮而賓之矣辯說合於卿大夫則公執禮而見之矣志策聞於國則國君束帛而求之矣非若今以言語之度量揭於有司羣羣而來合則得之不合則去之如此之簿也古之所去於世者去於魯則之衛去於衛則

都官集卷十

十宜 林 館

之齊之晉之宋之秦或之四夷非若今不合於有司則爲匹夫矣或窮且死而已矣不合於朝廷則爲黜臣或錮且卒而已矣是以今之君子嘗不及古人有磊落去就出入之節而上之人無恐恐失一士之悔雖然謂古之所以用舍人之道未能遽復之可也謂古之所以用舍之道不足復不可也謂今之所以去就人之道雖失士而不可出於中國可也謂今之所去就人之道無失士在中國不可也苟有人在焉如古之道持古之所以用舍去就之義而不出乎天下其將以古之道與古所以用舍去就之義望於吾

君吾相而已乎將不以古之道與古之所以用舍去就之義望於吾君吾相而已乎孟軻曰我非堯舜之道不敢陳於王前夫豈不美仁義之道哉其心曰是惡足與言仁義也故齊人無如我敬王也今其來也如不以古之道與古之用舍去就之義望吾相不恭莫大焉古者旌以招士皮冠以招虞人虞野之鄙人也不得其招則不往况國士耶今之天子以招天下之士者有若六博之道耳或偶以勝或偶以不勝不勝者不得怨勝者曰幸不幸偶然也所謂六科以策天下之士者則又甚矣乃若射覆之數術也然六題

都官集卷十

三直秋館

者必命羣籍隱奧鬼瑣之言而加之參互離絕以求為難知之勢幸則知之為中選不幸則不知不知為不中選然而天下之士負經世王佐之畧如漢之董仲舒有直言敢諫之心如唐之劉蕡發然出於是利者不可謂得其招而來也謂今之天下應選之士雖有古人之道而無古人之節故不得其招而往亦不可也蓋以朝廷承平熙洽巷歌里誦文章聲名際天接地歛材日繁得士亦眾臣工如械櫟之富巖谷無考槃之樂士之生是時也名不齒於當路則不免為鄉人養不及於祿食則卒困於賦歛求而不得者有

之未有不求而自得之故皇皇汲汲而來也古之任士也任其所長不任其所短是以材有餘治道罔不足今之於士也求其所不知而問之知就其所不能而責之能雖得之蓋亦不贍矣故比歲詔舉所得不過一人甚者天下無一足以充其選非士亡也任其所短而不任其所長而然也以若所舉為吾君吾相者不可為之動心而已乎古之於士也不惟舉而用之其所以禮之遇之固有道也有若周公焉文王之為子武王之為弟成王之為叔父其於天下不賤矣然而布衣之士所執贄而師見者十人還贄而見十

都官集卷十

三直秋館

二人窮巷白屋所見者四十九人進善者百人教者千人朝者萬人是古人之於士者亦多術也或爵之或祿之或尊之長之或教養之非若今挾甚重之資持不可合之勢與者窮日力大榮之否則悻悻而拒之訕訕如也近世之名制舉者亦可考矣有若唐武德之舉不有常制皆標其目而搜揚之文策高授以美官其次不過得一出身耳豈若今揭殊眾之選名非常之舉得之則不旋踵取富貴否則棄而去之碌碌如也某嘗遠觀周公相成王之世及唐武德之時禮修樂備刑清訟簡家富人足頌聲休烈煥乎甚盛

舉召虞虢眾聖相與輔佐其次房杜魏李眾賢相與謀議然且進善之意如此之勤取人之法如此之當以彼較今不爲無事是宜吾君吾相方孳孳於天下之士大約古之制少釐今之爲求必得士而後已也閣下道德功業不獨於今一人於數百年中特一人耳豈止能致吾君武德之君而已自比如周公不爲過也某不肖無古今術學徒慕古人之節義竊幸閣下講道致治之期留神收士之日不自虞度起於海濱求致身於閣下曾祿長養之前此者故持所撰治說五十篇委置門下如蒙閣下察其言信其所存其

都官集卷十

十三 宜 秋 備

爲求合於世之道粗曰不苟矣然而復陳區區如是者今蒙朝廷收採俾從事於有司有司必將發難知之題舉一人二人之合幸而得之未可知也不幸記誦之不及科指之不明遂爲碌碌者俛首而去則終年不能望閣下之門牆而無路盡其愚忠矣故盡布之求無愧於古人

上呂參政書

某惶恐頓首再拜有聞於參政閣下某伏以二帝三王之君臣其去世已遠非有流風遺澤可至於今然

而人莫不以爲聖且賢蓋有仁義禮樂賞罰號令之

迹方策存焉耳孔子顏回子思孟軻生爲匹夫未嘗得百里之民而君長之高談而死然而後世之人懷其風烈猶曰二帝三王之君臣不若也是雖無仁義禮樂賞罰號令之跡而有治世康天下之心爲後世所信故也蓋道在於迹雖並天地而高厚有所極其藏於心淵淵浩浩而莫知其疆此所以後世論仲尼賢於堯舜遠矣伏惟閣下學孔子顏回子思孟軻之道而履二帝三王臣佐之貴聲名事業爲四海望可謂盛矣至於仁義禮樂賞罰號令之迹其著於已久其澤加於民固已遠而天下士大夫相與言曰夫子

都官集卷十

十四 宜 秋 備

所以治世康天下之心固未之見也指前日之迹且善則曰可以知夫子之心以是嘆天下之士所望而待者豈淺也哉某棄而窮且久矣然徘徊徬徨愛其餘生猶庶乎見閣下盡心迹之化與昆蟲草木沐浴之惟公察焉不宣某再拜

都官集卷十



宋 陳舜俞 撰

啟

賀文相公啟

某伏審樞密太尉相公光奉制函進司樞席高賢當  
柄率土同懽恭惟太尉相公道燦三英材兼九德風  
雲際會出乎聖人之時虹霓光輝爛然天下之望勳  
勞中外清白邦家斷國論之安危多所取重裨化鈞  
之舒慘無有間言上方經武嚴廊仰成密勿眷惟付  
任美矣知臣帷幄前籌調五兵於不職璣衡賦政均  
百度以參和某幸出門闌尤深鼓舞

都官集卷十一

一宜秋節

賀富相公啟

某啟伏審相公登庸天下幸甚伏惟相公臯夔之偶  
伊呂弗加挺生於韓實輔吾宋忠義一節凜如水霜  
功名三朝光于竹帛固已身屬天下之大事又常力  
行眾人所不能作萬世之金城為九廟之磐石天付  
大任士無間言方且厭百度之圯墮咸一德而修舉  
治條講三代之盛天聲愴八荒之區嘉謨有為而前  
之所居者未久休德旁施而下之所蒙者未終茲還  
元台實就鴻烈眾賢以策竭蹶而同歸羣生在鈞鼓

舞之如昨某根莖至賤生育有初際會于斯歡幸無  
極流落窮途瞻望勤勞下情不勝虔切惶懼之至謹  
奉啟事陳賀伏惟鈞慈俯賜鑒念謹啟

賀張參政啟

某啟伏審參政侍郎光奉制書榮參國政洪鈞之下  
起舞皆同伏惟參政侍郎金玉清規著龜令智一言  
寤主斷大論以持危四海想風起懦夫而增氣勳績  
交輔於中外謙恭多助於天人爰自表正樞庭坐參  
基命籌帷多勝雖柄託之不虛台鼎未調在與言之  
未厭果茲易地聖矣知臣百度參和羣生蒙福舟航  
濟物奮庸已副於巖廊竹帛圖勳正席竚先於公衮

都官集卷十一

二宜秋節

賀參政給事啟

某近覩邸報伏審光膺帝命入贊公台凡屬陶鎔不  
任怵慰恭以參政給事身推王佐望重國華蓄諒直  
之嘉猷富經綸之茂業夙蘊大臣之量自膺明主之  
知入贊機衡正朝廷之大事出居牧伯宣屏翰之元  
勳薦更中外之司允著丞疑之望僉諧攸屬上意所  
知果由三接之恩再副貳公之化仰以正人君之闕  
下以裨輔國之宜謨社稷之永圖恢廟堂之奇算經  
邦論道咨啟沃於天心偃革為軒贊成平於帝業即

正保衡之任以昭垂拱之風庸副具瞻永宣一德

賀樞密太尉啟

某近視邸報伏審樞密太尉光奉制書自登左府伏  
憎權巖竊以亞承弼之位參帷幄之司密勿王猷正  
天下之機事統和師律制閫外之權謀必資俊傑之  
材用副股肱之任恭以樞密太尉氣含元一德稟中  
和明社稷之遠圖蘊廟堂之良具夙講干齡之旦仰  
膺萬乘之知出鎮鉅藩入貳樞政上心隆於倚注百  
辟仰於儀刑式允僉諧爰正近密矧以兵車方偃戎  
醜悉平以成文武之大功式賴蕭張之奇策茂邦家

都官集卷十一

三宜秋節

之福祉慶天地之成平丕昌鴻圖永清四海卽兼輔  
相式副民瞻

賀樞密侍郎啟

某啟伏審某官榮膺綿誥入輔樞庭勲業所鍾華夷  
同慶恭惟某官秀含辰緯學粹師閤身爲儒宗早提  
衡於鴻筆自結明主徐步武於青雲素風嘗激於士  
倫大誼交裨於國論玉堂制作雅追二典之淳金鼎  
調和久著羣生之望聊分宥密以究經綸黜陟有聲  
可陋魏相之在漢將明賦政未推山甫之興周卽正  
師瞻以如輿議某素叨長育竊慶亨嘉惟是歡悰實

殊獎等更祈上符眷託順講聖經謹奉啟起居陳賀  
伏惟臺慈俯賜覽念

賀歐陽樞密啟

某啟伏審樞密侍郎先生拜命禁垣開榮樞府朝廷  
有道聖主知臣不以賢愚皆同鼓舞恭惟樞密侍郎  
先生勲業居高於天下文章度越於古人帝書百篇  
鴻筆追風於二典師牆九仞諸生就列於四科表則  
邦家勤勞內外當世獨出羣公無前所不厭乎與言  
以未付之大任是用延登宥密之地厯試將明之才  
帷幄英謀近可以紀綱一世廟堂勝算大可以臣妾

都官集卷十一

四宜秋節

百蠻將見真儒之所施以慶蒼生之蒙福

賀陳樞密啟

某啟伏審樞密諫議被恩宸綽進秩樞庭凡在陶鎔  
不任慶忭伏惟某官大猷經遠碩德鎮浮讜議嘉謀  
雅稽參於王體英聲茂績嘗度越于臣隣簡在上心  
蔚爲時棟爰自報政三輔提綱百司終需大鈞始厭  
清議果開宥密之地以賦將明之才

賀龐樞密啟

某伏審光被制函入贊機務凡在鈞播舉集歡誠竊  
以朝廷宥密之司導宣於明命帷幙訂謨之地經理

於大猷矧練核以攸難蓋倚毗之是重恭以樞密稟  
德淳至抱器閎深立朝敦密靜之風鎮俗樹良明之  
化開以醜羗犯境銳師留屯將以儒臣總斯戎律眷  
求扞禦之畧分沮桀黠之威且頗牧之材久輟從于  
中禁而伊呂之佐宜登進於明庭爰紀殊庸式霈徽  
典裁成百揆方入乘於國鈞仰正三階佇陞臨於鼎  
席某瞻望軒墉卑情無任欣忭激切之至

賀吳樞密啟

恭以樞密某官志抱忠概業暢文經體方重以立朝  
審籌謀而居國掖垣清切早敷述於訓辭內相尊嚴  
亦參決於庶政益厚聖宸之眷入登樞近之榮百度  
咸熙式分於邦輔萬方是式仁正於巖瞻

答同年交代啟

某解褐榮途嘗竊同年之幸下車庇邑欽聞既久之  
思方仰奉於成規乃遠貽於休問伏審頒條甚暇養  
浩彌沖大慰傾風何勝永好伏惟某官道謀王體政  
實吏師出守中和茂宣儒者之素入朝功狀妙膺天  
子之知豈茲一麾可掩大用行聞節召慎護春祺

上唐州知郡高太卿啟

時宰南陽

某伏念筮仕入朝早想聞於龍坂字人爲邑幸密邇

都官集卷十一

五宜秋館

於侯藩屢規隣燭之光彌著高山之仰屬簡書之多  
具奉竿牘以後時既愆事大之儀尤積藏中之愧恭  
惟某官直方種德渾厚深仁簪組有輝赫本朝之  
望旌麾所至優優循良之師眷乃名城昔安善化干  
里變樂耕之野九重分共治之憂璽書賜金已講漢  
廷之故事緇衣入覲遠追鄭武之英風畏暑方隆珍  
調宜備

賀運使啟

某伏審運使駕部光膺睿選出攬使權凡屬提封同  
歡聽命恭惟某官挺生慶緒練識彞倫素風不墜於  
家聲大誼必斷於經術逢辰早達所至皆賢天府浩  
禮中畫方喧於倚辨外臺刺舉觀風無切于澄清乃  
眷才猷特分優寄百城坐照豈須攬轡之多三接寵  
酬此對追鋒之召

謝改官荅賀書啟

某叨被朝恩序選官著退惟僥冒交積兢營斯蓋某  
官盛德兼容餘光遠照致茲冗散亦被寵升敢冀勞  
謙重貽慶牘暫荷之素敷述奚殫

謝秀才投贄見訪啟

某啟伏蒙秀才卽先輩枉珍駕以及門貺雄文而滿

都官集卷十一

六宜秋館

峽承顏愧受足掘推先拭目鋪觀有開固陋恭惟秀  
才卽卽先輩粉榆擢秀蘭芷翹芳涵肆羣言必見聖  
賢之蘊根柢眾美率歸仁義之純發爲文辭粹得體  
要足以擅一時之美價于茲掩多士以先登辱朝廷  
遴簡以降書乃郡國奉行而論秀需亨有素晉取其  
時麟角呈祥顧珍羣而莫掩鵬圖得志信遠到以難  
量如其樛實非材茅心自塞荷風猷之特厚示禮等  
而不遺錦繡甚華被牆非稱莖韶閒發忘味可知測  
畔岸以未能但珍藏而永好過此以往未知所裁

回舉人謝解啟

都官集卷十一

七 宜 秋 節

某啟伏承秀才卽先輩出應新書榮居茂選以某繆  
嘗奉檄來預程文觀雅俗之盛儀副長棧而枉謝猶  
之蘊玉旣幸榮觀復此摘華何勝被服禮意交至感  
愧相并竝聽茅征終符柏悅

與錢塘知縣殿丞啟

某雖乖際會久仰風徽恭惟製錦之餘克固練神之  
福伏惟某官鍾英慶緒擢秀清時結綬王畿綽有甚  
高之望投刃餘地浸喧所至之聲惟此吳疆猶淹晉  
用伊朝嚴召不次褒升順履清和倍祈頤壽

謝越州知府大卿啟

某瞻仰高山積有歲月參差末路不遇門闈欲通尺  
簡之儀愧無文席之雅而昨煥官于邑播謫而歸命  
彼載之蒙惠厚甚感慙并具嚮往增勞恭惟樂偃息  
於名城遠和倪於神宇伏惟知府大卿高議出乎今  
古懿行著于家邦多聞博識世以爲師清談雅言聞  
者成誦謀議屢裨於國論中和常至於吏循幸茲奧  
州俟我舊德謳謠眾口爲憂留借之難巖穴公言又  
恨咨詢之晚蕞然蹇往藐矣遐征未知與進之年但  
有無疆之頌

賀南康知軍郎中啟

都官集卷十一

八 宜 秋 節

某伏審知軍郎中榮膺宸檢來領軍麾獲與下風咸  
增怵慰伏惟知軍郎中奎文照爛淵度汪涵章相一  
經早欽世學漢臣萬石遠紹家聲暫分簡在之才肩  
治湖濱之壘更冀上符眷託倍護珍羞

都官集卷十一

宋 陳舜俞 撰

詩

遇便風

舳艫泝隋堤積潦涵楚甸大帆挂長檣薰風借良便  
 氣張中軍旗勢疾強弩箭浪頭噴飛雪波心落流雷  
 或如春雷振又若疾雨濺天空文鶴歸珠媚淵龍戰  
 久來去意切幸此行色變舟子嘯引項挽夫喜盈面  
 揭篙無施勞躍馬莫我先行吁思景附坐指交勇美  
 日陰未頃刻道里厯寓縣津亭倏渡淮官堠俄入汴  
 盛夏草樹齊遠水蘋藻遍晚景稍可愛少瞬不再見  
 我非欲速者疾目憎轉眩衣袂聊虛涼心焉獨安宴  
 向夕風少休遲留樂幽晷

都官集卷十二

一宜秋館

失題

昔見淮水清今見淮水渾問之何因爾淮吏謂予言  
 此淮出桐柏彼汴來崑崙年年相合流東望滄溟奔  
 汴入淮而清有若淮水尊風依一色靜古鑑磨無痕  
 今年淮水小僅能底龜鼉黃河從春來桃花注龍門  
 滔滔朝宗勢巨浪日夕煩小清納大濁勢不得自存  
 崩騰一波走磅礴泥沙噴我聞吏之言冥默竊自論

君子潔履操小人為詐謾姦豪爍危行烈火燎于原  
 譁言汚正論青蠅止于樊中人可移性鮮克始終悛  
 夙夜念淮水清心大吾源

中秋翫月宴友

秋風清且勁夜月澄無譁月當澄清間百倍常光華  
 金盤挂滉瀟水鑿磨痕瑕未離碧海久漸到黃道斜  
 常娥瓊肌滑羞死吳宮娃蟾蜍銀窟寒不穴死水墓  
 依稀聞鬼擣髮像見桂花豈止數千里已照萬人家  
 都人尤侈盛時節惜芳佳樓臺延皓魄簾幕去周遮  
 交錯宴子女嘈雜鳴簫笛清影落酒盞爽氣侵巾紗

都官集卷十二

二宜秋館

常明復置燭擲果如散沙而我旅其間甚貧亦可嗟  
 遂召朋友云可飲文字耶客來俄滿堂風稜森鏤鏗  
 主人出對客衰病植蒹葭所共天上景能如富者奢  
 汗樽薦醕蟻獠羞錯魚蝦釋焉帽與帶果止柰與瓜  
 高言抗崢嶸冲靈坦凹窳情親弗委曲論極成紛拏  
 寒稜入吟骨歡意自天涯不因斗柄轉豈信漏刻賒  
 無端雞三號漸引鼓五撾良會誠惜已同心又何加  
 殘輝促坐席曉意生微霞明發作此詩遺我異時誇  
 種梅  
 始我窺山中早與梅花期低回遂四十種樹計已遲

樵夫致遠林園官送新枝故土謹包裹深根屢培滋  
連宵霖霖雨迨此初陽時繞徑一百樹撫視如嬰兒  
古來橫斜影老去乃崛奇嗟爾生也晚笑我行且衰  
世人非金石或作千年資轉眼共零落較此不更癡  
有情且寓賞勿著喜與悲青赤粲點白一笑唱吾詩  
百年霜雪過好者知爲誰

公署并詩

老屋蔭大井置綆百尺脩疏鑿不知年人其古諸侯  
源從下山來涓涓無時休旱地千里赤淵泉獨清淨  
六月如焰火寒冽冰雪伴萬家濱雙溪卓此名一州  
三宜秋館  
都官集卷十二  
疊疊挈瓶人踵門日見投賓至遠欲起命酌輒復留  
豈不敵醜酬渴疾飲以瘳庠序闕講問閭淺誰予求  
自反對井德飲水良可羞

桃花塢

路轉青山曲地暖留青春昔聞千樹桃香豔紅氤氳  
遊子想神仙花下啼鳥馴于今空蔓草况復種桃人  
唯應塢中月清光無故新

餞張郎中

莫愛下山色莫羨蒼水清山高天早寒水深潛浪生  
維此賢丈人字韻和且平冷清竇無威妍詞吐春英

眾人翫其華君子挹中情愷悌神所勞假樂眉壽并  
安車省家園華艾立兒甥邦君示尊禮宴衍既豐盈  
言還湖上居載酒餞東城寶醉可復訴貴老事非輕

送詩僧惠師

蕭然林下人病骨霜松槁若爲詩家流力歷古人倒  
琢句如琢玉得之若得寶有時到極摯直可補元造  
平生樂此樂白頭不知老數年吳楚游詠遍泉石好  
却懷鍾山隱鄉思滿春草橐中何以歸篇篇有留藁

采芑詩

采采原上芑盈簍不知多惜共藜藿稱命與羹糝和  
值此行役間遺餘雜菜莪京落誇肥甘撥擷繫誰何  
休官業已定不待此首饘年年春物繁期爾山之阿

野燒

急燒山上草莫顧山下木燒草得地美欲種來歲粟  
乘風縱巨燎烈烈遍巖谷旣不問玉石何暇愛麋鹿  
寄謝種粟翁乘時擇嘉穀無俾稂莠俱還見故草綠  
棟材已灰燼著意規飽腹

廉溪

豈無城中居高牆圍大屋愛此原野間山靜溪水綠  
人家買良田歲取十千穀我耕山下土所獲亦以足

蔡羹佐淵魚晨炊買樵木客來好風日濁酒醉籬菊  
主人去微官歸意常欲速畫圖隨行李林囿日在目  
公卿爲之賦佳句滿瑤軸年來請便郡旦暮戒童僕  
乘霜歸荒徑趁雨添新斲應恨公未歸公貧猶待祿

寄揚州知府錢舍人

歲月倏已逝流光浩無涯新陽達厚地草木漸萌芽  
禽鳥知時節聲哢日夕嘉人生獨何爲不與物同華  
齒髮俱搖落唯有老大加緬懷西垣客事業紛天葩  
三年辭帝右士夫嘆聳牙道大益不容眇小固何嗟  
聞有難老藥沉瀼和丹砂但願壽百歲未能定龍蛇

都官集卷十二

五道 賦 雜

靈祐觀

緬彼幽虛天曾是眾仙囿宮祠宅來儀紺瓦覆蒼螭  
窗扉秘環佩几席被文繡傳聞祀禱神祠宮燦如晝  
樵蘇避山村草木長疎秀祥符聖天子慕道比軒后  
縣官典修完錫名揭靈祐星璫捧金龍沉以玉簡副  
邇來三十年寂寞事非舊黃冠守蕭堂香火雜薪櫛  
神州祠太乙司農治華構休祥祚邦國巖穴甘僻陋  
游人獨何求豐碑讀古籀

保聖院

門深鎖蒼苔地靈育嘉樹寂然煙雲宅不接市朝路

苟能灰心居卽是古樂處

贈孔經甫賢良兼簡許少張狀元

晚泊姑孰浦忽逢瀟湘人口稱丹邱容面帶湘江雲  
此客骨不凡九天之麒麟新上紫烟頂以頭觸天門  
赤龍怒當路天矯驚百神麒麟顧何力牙爪勇踞蹲  
旣欲倚其角又或批其鱗此身甘萬死齋粉不遑巡  
帝曰汝無罪濯濯良不羣輟吾黃金鋪縱之赤城塵  
收頭縮下土別待風雷春龍怒逐之去四海波濤翻  
顧我天一涯遺下顏色温昔爲游天夢嘗受一日恩  
老來因對客念往驚魂魄寄謝剡溪子入朝可無言

都官集卷十二

六道 賦 雜

寄虔州東禪惠長老

山僧未識面遠想何瀟灑客從顛上來肯可必儒雅  
學詩擬柴桑陳編長在把冥搜得佳句冲淡相上下  
由來淵源遠知解妙空假史君固好善公餘枉車馬  
元談閒清吟至樂匪尊筭借問歲早晚重修遠公社

次韻酬郊郎中

直道焉不黜士生常苦貧此語聞則舊今見賢丈人  
三十取科第初走州縣塵清不受一毫義或重萬鈞  
四十雖宦達五十已適屯有如車脫輻挽之又埋輪  
南棲窮山中茅屋無比隣瘠田兩三稜過半生荆榛

年豐苦不飽况復水旱頻予常訪其居會合歡無堪  
念此太幽獨欲去彌傷神勸君胡不歸清霄多交親  
旋聞理餘艘送之彭蠡濱今來復相過三見汀州春  
雖云故鄉樂還似枯池鱗僧坊避風雨所賴太守仁  
隨衣度伏臘計俸紆哺晨無妻眠抱影失子淚沾巾  
穹蒼杳難知善人獨不振公懷自曠達陶然樂天鈞  
作詩擬淵明委形任屈伸所喜樽有酒且樂園有筠  
我思得高義列鼎鋪重茵館之華堂上歲與禾百困  
使無寒飢願便可謝簪紳世俗念已薄此邦非等倫

東臺并序

都官集卷十二

七

太博劉公嘗自賦所居之東臺詩云茲臺乃  
主人吾身同過客可謂達生之至言也客有  
託爲臺蒼公頗稱公道德然未盡其所以相  
爲賓主之意于是爲賦詩一篇

築臺俯園木亦既覆華宇主翁達生者作詩勝門戶  
謂臺乃主人吾身同逆旅臺還謂公言無易浪稱與  
天地猶大塊况此一坏土我昔未爲臺蟻垤動欲雨  
翁欲事春築金鉞莫論堵軒陛因冠帶松筠漸儔侶  
萬物固何常今日乃前古高岸化深谷白波起桑圃  
短長雖有間相去能幾許翁閒賓客至只此見芳醕

翁仁妻孥樂且以饜肥矜高明照圖史啟塞願寒暑  
鄙夫不能此蟋蟀賦其除臺公默相忘勿復問賓主  
贈劉道原

三年江湖上得友唯道原少小負英特誦書日萬言  
長好史氏學執筆以專門廢興數千載抵掌洪河翻  
潔身比夷齊見義勇育賁唯不善元解惡佛如仇冤  
我雖異于此知有學行尊就之同霧露貴之如瑤琨  
共爲廬山游移宿窮林園水石最好處盡日流清尊  
所願聞高談美若嘗熊蹯夫子之故人公台既調元  
聞初學問時幽蘭並芳蓀及今議論乖良弓對驚猿

都官集卷十二

八

雲泥成睽離治亂空自論古來用才者如梓匠輪輅  
短長無棄遺同異非讐恩何不付國史置子西掖垣  
我語雖鄙賤幾欲呌天闕此一篇今于江州圖經內編入

湖州李使君聞予遊寄書云爲我一謝清絕

道微本一致喧靜偶殊轍眷言朝廷士何必山水悅  
李侯稟靈氣家園隣大別廬峯五千仞曾上捫日月  
一隨青雲友久仕金馬闕茲爲東南守雙溪對寒潔  
因將洞庭客寄使謝清絕想君惜不往搔首厭符節  
澤民固重事逸興聊可輟已告林屋天金庭錫期耄

初入太湖



東南有具區三萬六千頃百川之雄偉咸池借溟滓  
玉堂在其下莫知日月永鵝夷昔不返肯顧市朝請  
素懷邈已勞孤泛此方遲刺沙出林荒度淺動蘋荇  
漸盡行漸遠灣轉勢彌迴疑非地可載直與天作鏡  
青空四垂幙亂山不能屏森茫白鳥行浩漾好雲影  
邏呼十葉急風橫九帆並一船橫立九帆  
乘風網魚霧中波有  
光風後浪猶猛澎湃開乍愜拋碇內還省我量覺蹄  
泐此身實萍梗淵神慄寒肌浸氣飄素領觀瀾念往  
術漚纓悼前肯未能追高謝且以卒流景吟非誇獨  
清濟乃仗中靜寄謝洞庭君終來老魚艇

雷溪

吳王城下溪疏鑿自開關潭潭無涯岸但見浸垂碧  
氣增宇宙寬勢吞江湖窄樓臺照清影河州多嘉植  
紅鱗生霞朝金盞沉月夕恍如神仙國遠與塵土隔  
怪說稔傳聞真源探圖籍天目據西南兩地瀉峻極  
其傍數百壑奔走爲附益及茲淵渟處深不可計尺  
稻梁活萬家世無原田瘠魚蝦孕千石日見網罟獲  
陰陰風雨夜多爲蛟龍宅少遊溪上學長作幕下客  
觀瀾無前志平世恥吟澤度量方潢汗臨流重慚惜

林屋洞

洞天三十六第九曰林屋神仙固難名瓌怪存記錄  
曠歲懷尋竇茲辰幸臨矚馳神在真游豈復揣深谷  
解縷納芒屨燃松命光燭初行已僣僕漸入但匍匐  
顧瞻避衝碓渾淖沒手足如此百餘步始可立寓目  
或垂若鐘簷或植若旌纛有如案而平有類几而曲  
鐫刻非人工晶瑩聚黃玉遙知竅穴外定有金庭籙  
凡肌不可往叩擊安敢黷鸞鳳無消息但見白蝙蝠  
却還望微明旣出猶喘促沾衣憐石髓孰悔泥塗辱  
庶幾達微慕養生相吾福

毛公壇

古壇疊亂石草木何參差黃衣守其傍陳蹟刊豐碑  
曰初劉真人齒髮不可嘗但見紺絲毛被體鬚髮垂  
雲駢一日去空山留庭壇弟子散巖谷荆榛蔽荒基  
晚有周息元探訪親斬披白鹿忽跪前靈符見葳蕤  
地勝人旣偶凝嚴起寶祠束帛下幽聘良馬維素絲  
前朝揖高風有美皮陸詩迨今三百年事去物亦隳  
喬松委樵蘇野蔓號狐狸惟有鍊丹井甘冽無等夷  
一酌匪消渴欽慕尙神禧

松梢詩

朽屋延暗暝鑿明快吾魄西墉偶面勢開漏遂生白

茲焉玩圖史亦以置牀簟豈能來清風猶苦對殘赫  
炎天適暝早永暮坐燔炙賓客何可處兒女哀不獲  
咨諏或獻詩蓋覆乃其策架木湊簷瓦鋪竹施葦席  
聊且紓暴酷未足爲佳適北山多喬松倚天不知尺  
綢繆星日暗膠轕鬼神宅棟梁尙匪材枝葉固何益  
敢告持利斧斬伐遵指畫束縛如見遺無使曲傳直  
此身得餘庇陰德佩無斃

楓橋詩

二十送上鄉老書白髮堂上憐愉愉岐亭酒罷不忍  
別二百餘里來姑蘇楓橋古岸冬十月霜風切骨草  
木枯拜起欲去更付囑攜手泫然雙淚珠明年偶中  
崇政第赤城山下欣迎扶穹蒼不與奪榮養星霜未  
周羅明誅顏色不見已三歲肝血泣盡留形軀隱淪  
無業養慈老軌骸又作卑官圖還道楓橋舊別地依  
依風物春陽敷人烟山色一如昨齒髮獨收親則無  
萬杵入心交落涕水邊且欲留行鱸平生一天已無  
戴縱得寸祿何爲娛時乎窮達又未決行矣願報生  
前劬

貧女曲

貧女四十無人問不傅鉛華水梳鬢非關顏色不如

人不肯出門羞失身零落牀頭舊機杼池水漚麻還  
織布布成不賣市中兒金刀剪雪自裁衣

太湖一首和姚子張

太湖可漁山可樵漁樵隱者非一朝醉拍溟渤摩穹  
霄歌詠周孔追松喬故談人歸今寂寥秋空浪穩蘭  
爲橈何爲不去走走市朝况無一策陳虞堯嗟哉生事  
垂簞瓢母齒豁豁羣兒韶啼寒悲饑如鴟鴞古人以  
此嘗折腰敢不歡喜祿下僚滄浪有景直不遑西風  
起時心搖搖吳日掉臂君可招

三峽橋

銀河源源天上流新秋織女望牽牛洪波欲渡渡不  
得以鵲爲橋誠拙謀胡不見廬山三峽水此源亦接  
明河底學崖裂嶂何其雄崩雷泄雲勢披靡飛鳥難  
過虎豹愁四時白雲吹不收燭龍此地無行迹六月  
遊子披貂裘誰將巨斧鑿大石突兀長橋跨蒼壁行  
車走馬安如山下視龍門任淙激寄言牛女勿相疑  
地下神工猶更奇喚取河邊作橋棟一年不必一佳  
期

騎牛歌

舜俞謫官廬山之下常陪太博劉公乘黃犢

往來山中因作歌以紀之

按此下三詩永樂大典編入三劉文

集原註云舜俞熙寧五年爲山陰令以不行青苗白劾謫監南康酒稅又載南康舊志云舜俞與溪之乘黃犢首以六十日盡南北山水之勝有廬山記五卷李伯時畫爲圖

我騎牛君莫笑人問萬事從吾好千金市骨駿馬來

乘肥大躍須年少蒲爲鞵草爲轡瀑布山前松徑裏

看山聽水要行遲駐策緩驅塵不起布袍葛帶烏接

雞山家裝束不時宜匏樽注酒就背飲縹囊貯書當

角垂吟或狂醉欲倒同醉同吟白雲老此老不可天

下人一住廬山三十春聲如鐘目如電七十神光射

人面上牛下午不要扶合與山中作畫圖沐州馬上

都官集卷十二

三 宜 秋 館

竟何如春泥沒腹雨濺帽夜半歸來人已痛天真喪

盡百憂集衣食毛髮歸妻拏爭如來騎牛水光山色

同悠悠

和部使者騎牛歌

君平山前白雲老五十休官何太早咄哉官卑莫行

道鸞鳳豈肯爭梁稻愛山愛水去無時漸老更買黃

牛騎長髯老奴挈榼隨白紵皎皎山人衣因憐湖邊

有逐客也解忘形樂泉石不使執轡從翁遊翁自出

錢爲買牛山中酒美數酌我醉裏詩成要我和市兒

指點應不識底不輕裘走快馬毛夫子真國士出問

風謠宣直指瀟灑本是神仙人功名強爲蒼生起聞

說騎牛不詆訶手擘紅箋爲作歌英詞百卉鋪錦繡

雄辯三峽傾銀河我牛入山路漸熟好歌吟聲易成

曲明年恩亦當放還直入深雲無管東欠却劉家買

牛黃金錢又得毛公騎牛碧玉篇

和劉道原騎牛歌

陳子無能久棄廢騎牛入山學遁世劉子有道憂天

下欲取相印乘駟馬二子相逢湖水頭進退兩忘俱

未酬長歌對市人聞者應擲掄君不見蔡澤不相終

躍馬甯戚未遇先飯牛腰懸六黃印廩食萬戶侯人

都官集卷十二

古 宜 秋 館

生顧何常古來海水生柔桑少華一峯已爲谷白日

西出明朝陽男兒蓋棺事乃了目曉榮悴空悲涼水

之曲山之傍歲窮且飲酒富貴無相忘

附錄劉渙騎牛歌後序吳順義中史虛白先生北

海避地于星子常乘牛往來山水間今民間尙存

史先生騎牛圖余退居廬山出入遊覽往往徒步

者蓋患其以人爲輿雖慕先生所爲而猶未暇嘉

禾陳令舉嘉祐間中賢良科逡巡十餘年方涖邑

事復以詆青苗科病忤執政名重天下謫東市征

欣然就局余山林獨住得以親領何樂如之時同

泉石之趣因養雙犢以遂其志而又得詠歌之美  
敢礱石以永其傳歲癸丑熙寧六年正月五日江  
西劉渙叙于篇末

送南康劉道純秀才起應新詔

太平天子厭樊舊盡解網條重結紐一朝進士各名  
經五百年來病聲偶弟子增員巖穴空博士獻書車  
馬走鴻薄青冥昔在籠魚憶滄浪今脫笏乘時得志  
君其人平生好學氣撞斗詆訶毛鄭爲低眉辨說儀  
秦不容口本需束帛賁圭衡勉應新誓辭賦畝時髦  
往往出江南解褐須期居帝右藏珍韜櫝元待價搦

都官集卷十二

五宜秋館

贈通慧大師淨務

鄱陽江頭逢道人昔我先子遊從親口誦先子詩別  
來三十春我悲不忍聽泣然淚沾巾道人見我少小  
日嗟我老大空埃塵我謂道人言姑願有所陳公孫  
希世董生逐子貢結駟原憲貧伯夷采薇避周粟許  
由洗耳爲堯民道雖有用舍天實爲屈伸子誠空門  
士胡爲甘隱淪邇來拔士到屠販圈牢往往生麒麟  
延英賜對不膜拜下視羅什來姚秦方袍騎馬使絕  
域賀蘭山前無縉紳如子固不羈何不自化青雲身

今我迂疎不知返悠悠如海空迷津無錢買山廬峯  
下行欲東來長水濱子如厭世欲已矣來寄瓶錫爲  
吾鄰

贈湖州使君李公擇

李侯車騎匆匆出前騶不鳴隨者急不遊臺沼不尋  
山獨向城隅小蓬華城隅蓬華謂誰家太學先生賢  
已卒老妻猶在八十餘侯來爲問夫人疾當時弟子  
猶五六連袂追隨眷倉卒手調湯藥進盃盤勞問有  
無極纖悉若人來觀相歡喜門外墻頭聞唧唧我思  
康定慶歷間天下文章極蕭瑟讀書不復問義理破

都官集卷十二

去宜秋館

碎么麼入聲律先生始出治庠序輔養學者尊經術  
自茲道義及生民晚具纁黃起遐逸先生今來骨爲  
土名儒大義非前日朝登壠坂暮高官舊學前功付  
幽黜往往昔遊若雲人詆諱不敢對以實李侯自是  
江南士不預吾徒舊堂室尊德樂道乃精誠念老嗟  
貧因其秩魏文伏軾過西河鄭公名鄉論高密古來  
如君顧無幾于今走利尤非匹人言侯政如此多試  
聽風謠百之一

雙溪行 有序

熙寧七年九月子遊吳興遇致政張郎中子

野日有文酒之樂時學士李公擇爲使君幕  
客陳殿丞正臣皆予故人一日正臣語予云  
昨日張子野過我吾家有侍婢何氏故范恪  
太尉之家妓也窺于野于牖識子野嘗陪范  
宴會因感舊泣數行下予聞之惻然交語公  
擇公擇益爲之悽愴卽乃載酒選客陪子野  
訪之酒行正臣不肯出何氏侑諸客飲獨使  
在屏障中歌及作笛與胡琴數弄而罷其聲  
調無不清妙惟子野以舊恩得附屏障閒問  
范之廢興及所由來子野曰此范當年最所  
愛者于是諸客人人憐之又嘉其藝之精而  
恨其不得見也予因作雙溪行雙溪吳興之  
水若霅云也

都官集卷十二

七  
宜  
秋  
館

星郎休官兩鬢白慣作五侯堂上客  
原本闕第三句半八人  
家鎖深宅偶來花幕雙溪頭聞有侍兒舊相識五馬  
情多載酒過主人猶須屏障隔黃昏移燭背重簾初  
度清歌響疎拍宛轉別是京洛聲中有離愁千萬尺  
曲中復作孤吹笛玉龍一吟羣籟寂金罍不酌四座  
聽淡月朦朧挂空碧更將餘意寫琵琶手抹鳳槽鳴  
歷歷梁州欲徹么絃斷應恐外人知怨抑主人不許

傳青翼獨聽星郎語近壁小聲嗚咽話當年公子樽  
前最憐惜朱門出後身轉輕往事消沉無處覓星郎  
日有流落恨回向玳筵雙淚滴勸君收淚聽我歌聚  
散有命可奈何君不見隴頭水入海不知幾千里又  
不見風中花吹向千家復萬家人生莫作等閒別事  
去老大空咨嗟

示諸弟

吾家崛起蓬蒿間先君爲學良苦艱典衣買書教我  
讀平生貧窶不此慳歲晚纔霽寸祿養天禍無何頽  
泰山況時汝輩各少小不及見汝學燕閒遠今孤露  
歷歲月漸覺長大成疎頑詩書堆積有素業文章體  
要亦易攀固須仁義力造詣慎擇朋友少往還偏親  
堂上待甘旨况已齒亂雙鬢斑更可踟躕忽榮養不  
如烏鳥鳴關關官家公道祿寒峻勉旃進取歡慈顏

淮陰阻風讒風伯

滔滔淮水溢楚之疆原田其瀦城郭爲防浸以廣兮  
不可涉浩乎險兮不可航粵有行者欲泝其央編莞  
爲帆植木爲樯幸飄風以憑乘遂吾歸而徜徉爾風  
謂何不自西北阻我攸往維伯是職悠悠水濱奚獨  
予留有百其役若于其艘粟麥兮中都之餉饋布帛

都官集卷十二

六  
宜  
秋  
館

今赤縣之衣裳府臣引領以僕指挽夫坐糧而寢餒  
伯復不知天子聖神以民爲憂聞此方國常墊橫流  
分筆舌于嚴暑咨瘡瘡于諸侯有淑使者仁豐義脩  
體上所囑同辭合謀今此欲往會于道周倡和出話  
下民以休風之不遂非伯誰尤上帝可訴讒言孔庶  
將伯是怒不如風兮命之去

明日北風尤甚不可行再讒

我行楚濱洪波是涵飄風不惠停舳相銜我實有辭  
將伯是讒越明日作若怒弗咸大吹振蕩厥聲唬喊  
龍憑虎借播谷搖巖止莫能維行不可帆誰令其然  
維伯所監我有讒實意以禱終使不往寧弗之報  
泛泛行者有游有漕罔不衣食或俱幼老出其孔艱  
仁者攸好吹而順之母忽子告

謝風伯

晨風飄兮弗疾弗暴我舟汎兮以安且蹈云誰之賜  
神伯子報莫阻乎淮如彼行稟莫遠乎泗曾不日到  
我讒不淑我辭靡好伯其憐汝其還壽考伯實神聖  
善人是悼鼓動萬物永輔有昊我歌我詩以薦行潦

題莫億墓

彼何人之門兮鴈行馬車老夫懷金兮童子紆朱其

都官集卷十二

九直秋

取萬鍾兮不差毫銖庖有梁肉兮腹無圖書天之生  
此兮何罪何辜句讀其語言兮節文其步趨抱筆而  
宵吟兮鋪楮而晝塗天子招其以仕兮鄉人勉呼眾  
肩相煦摩兮疾駕爭馳驅有司五上吾名兮禮部曾  
不一知退將羸其角兮進且跋其胡行年幾六十兮  
僅免爲白徒一秩不能勝兮朝強而暮殂考妣其謂  
我何兮遑悼妻與孥高者我難誣兮厚者行難語諸  
百恨寂默兮秋草之墟

都官集卷十二

三直秋

都官集卷十二

都官集卷十三

宋 陳舜俞 撰

詩

宿靈源院

山家皆種橘古樹獨栽松林靜時棲鶴泉靈合有龍  
何年人捨宅今日我攜筇寓所留僧話未暇聞打鐘

閩日堂僧橘

閩日堂前橘山僧手自移為迎林下客旋拄路邊枝  
結實曾防蟻盈箱不禁兒他年應記得蠟屐過門時

落葉

都官集卷十三

宜秋館

風露入林阿紛紛奈落何滿庭添野景開戶覺明多  
未逐滄浪遠堪憐腐草和無由遮醉眼歸思滿煙波

中夜

強寢夜何永通宵夢不成曉燈寒有暈跳蚤靜聞聲  
宦拙宜身退家貧長道情自憐前計失半世慕虛名

客意五首

客意久不適攬衣臨暮春煙長藏野闊雲斷漏天空  
酒置千愁裏詩成一望中黃花無限好底事憶江東

二

行役意匆匆淹留計已窮夢歸無奈曉病覺不禁風

憶橘園垂枳沉魚夜聽鴻悲秋成白髮賴未作衰翁

三

高岸聳如陵秋光著處清遙山照眼碧黃葉逐人行  
莫怪新烟火曾經古戰爭深林茅屋小氣象亦豪英

四

水濁不見面安能照膽明還因送流梗所得計歸程  
日落西風急秋聲積潦并清江前約在賴爾濯吾纓

五

况復淹旅泊情多秋亦悲寒雲欲垂野疎葉不藏梨  
斷梗逐流水歸禽投好枝徘徊古原上應有夕陽知

都官集卷十三

宜秋館

阻風還泊舊浦

已作淹留計行艫豈恨遲却投前浦宿還似始來時  
寥次鱸鄉遠飄零鶴髮悲猶欣有隱者度景覆殘碁

時有姜隱和附子舟

題秋浦亭

牢落真秋浦江山滯客舟身同雁南去心似水東流  
鷗鳥荒煙裏漁人古渡頭只因山色好來上九華樓

彭澤縣

古來彭澤縣應有折腰人百里昔猶重先生豈不貧  
菊花還在否柳色為誰新白髮南遷客淒涼問水濱

題東京寺

淨社清談蓋高名野史傳空山留舊寺老檜識當年  
殿古應藏壁僧閒學種蓮徘徊二林月猶照虎溪泉

以橋贈湖州李公擇

去著登山屐夢歸清霽門親嘗霜後橋思伯府中樽  
為問林間路曾過水畔村人言封境近往往被公恩

送可則上人還京師開講

善作空王子能探佛祖心浮雲無定住流水度光陰  
糲食開孟慣飛塵壞衲禁園城傳法後倚錫舊山林

過下方祇園入上方看經院遇八十老僧

都官集卷十三

三宜秋館

因過下方院更指上方登偃蓋杉松路包金橘柚層  
清灣從古好孤榜復誰曾八十年前事淒涼欲問僧

次韻吳少卿致政自詠

掛冠歸故里尋壑具巾車蘭蕙庭階茂交遊世路疎  
一壺新漏箭吳公自千姓舊囊書吳公作千姓寄問

從公咨家金有幾餘

奉酬長文舍人出城見示之句

春分臘雪未全消凜冽春寒氣尚驕攝事初忻迎社  
燕尋芳因得過溪橋清浮蟻酒醅初撥暖入鶯簧舌

漸調興味愛君年尚少莫嫌齋禁一作齋館暫無慘

贈徐道士游京師

有客人形善鑿觀過門聊肯駐征鞍知予謾失江湖  
約笑我甘為簿領官卜隱日邊龍闕近去程霜裏鶴  
衣寒京師車馬飛騰速別把金波洗眼看

將至嘉禾先寄諸兄弟

半年西走若飛蓬得祿無多計屢窮驥足寒孤甘伏  
早雁羣驚逆苦傷弓家貧不易新堂構天幸猶能遇  
歲豐且待歸來都講論一筒煙水趁霜風

送劉吏部得請三茅崇禱觀

老臣連上覲囊封去訪三茅駕鶴翁曾為蒼生論徹  
都官集卷十三

事因從紫府得仙風收身物外光陰好回首人間寵  
辱空果滿丹成家法在應攜雞犬入雲中

和王介甫寄安豐知縣修芍陂

雲叟陂水舊風煙可喜斯民得繼傳萬頃稻梁追漢  
日五門疏鑿似齊年齊高帝時桓才高欲獻營田策  
公服還來泛酒船稱與淮南誇好事耕歌漁唱已相

連

和知郡王職方韻同前

邑陂增築更淵沉所喜詩筒賞嘆深楚國老臣千古  
意盧江賢守一家心漢建初中王景為盧江太守嘗



淮邊野史添新事  
壠上春犁誦好音  
興利勸農眞政術  
可知爲吏得喉襟

南陽春日十首

城頭古木未知春  
官柳柔條日日新  
門巷旋開沽酒市  
郊原便有踏青人  
風煙乍入禽初好  
網罟猶多雉肯馴  
擬爲芳時對樽斝  
愧無心事樂天均

倦懷春晚脫征驂  
官况喧卑昔未諳  
敲扑豈甘忘素業  
琴樽猶可助清談  
窗燈耿耿警聞卷  
衙鼓寥寥放參唯  
有登樓心不慙  
亂雲堆霧鎖東南

山川隨處有芳菲  
老多情懷與舊非  
已恨鶯聲鶯曉

都官集卷十三

五宜秋館

夢豈堪花氣著人  
衣家疏未省添新  
斲宰木應曾長舊園  
終向畏塗無所得  
好風佳月不如歸

花前惆悵轉難平  
屈指光陰已半生  
猶把此身嘗患難  
不知何日得功名  
未安去住千絲亂  
已去悲歡一

夢驚擬入醉鄉銷  
此恨快風無故析  
春醒

壯懷摧折復何言  
齒髮今年老去年  
念遠片心飛鳥外  
感時雙淚落花前  
琴逢過客生難理  
詩擬離騷怨不傳  
家在五湖明月裏  
夢隨春水宿漁船

客宦逢春病眼開  
紫荆花下也徘徊  
謾勞人力書千卷  
聊寄天真酒一杯  
明代本期無棄物  
孤臣何敢自

論才且欣禽鼠同  
鳥啄不怕丹山有  
鳳猜

簿書堆裏得天眞  
謾爲浮名役此身  
門柳偶同陶靖節  
君羹空羨潁封人  
沙鷗舊許爲吾侶  
巢燕何曾厭我貧  
已共東風有歸約  
且從桃李笑今春

故園春物有誰同  
地盡天垂杳藹中  
杏火柳煙燒白晝  
茶槍筍架戰東風  
橋橫酒市青帘出  
門對魚磯小艇通  
誰信南陽樓上客  
翩翩歸羽欲飛空

澤國生涯有釣舟  
此身隨分狎羣鷗  
非關利祿成羈繫  
爲學文章作贅疣  
病眼看花空濺淚  
客顏臨鏡復包羞  
江東父老應相憶  
燕子來時語不休

都官集卷十三

六宜秋館

半生名宦是塗瀕  
菽水當年尙可歡  
鐘鼎未能光祖妣  
牛羊雖美愧杯盤  
五千強誦誰云補  
四十無聞得自安  
不覺尋春上臺榭  
東風吹淚落闌干

和開祖丹陽別子瞻後寄

仙舟繫柳野橋東  
會合情多勞謫翁  
相對一樽浮蟻酒  
輕寒二月小桃風  
羈懷散誕謳歌裏  
世事縱橫醉笑中  
莫恨明朝又離索  
人生何處不匆匆

和章子厚聞子瞻買田陽羨却寄

罨畫春流藻苻長  
吳門菰米鱸鱸鄉  
謀田問舍拙者事  
尋壑買山君底忙  
出處兩忘同旅寓  
濁清一種付

滄浪故人詩酒如驅使白公詩云詩酒別有甘泉綠野堂尚堪驅使在

次韻酬余彥翔

我慙希世就窮儒甚矣謀身子更迂不共梟狐倚城社合隨魚鳥樂江湖古來只有風猷重事去情知氣味殊髀肉縱消吾舌在任從兒女暗挪揄

次韻酬白王覺

人生自致真非策歲晚無成可復論鈍駕謾思追驥躍病巢何敢慕鴻鸞傲如中散人多疾辯付南華盡不言聊謝高情白夫子為摠駁與慰王孫

都官卷十三

七宜秋備

謝楊都官見惠錦雞

珍禽流品可褒題天與文章五色齊羽翮已堪攀鳳翼稻粱爭合在雞棲應思舊侶雌雄舞恥學凡羣旦暮啼好向彩衣堂下養名郎從此樂持齋

送李戶曹官滿還江寧

去程牢落且徘徊聽我高吟侑一盃曠日心胸無愧恥青衫顏色任塵埃秦淮形勝多人物晉室風流入草萊歸到江山聊洗眼下僚應不久沉才

鳳凰臺

鳳去臺存碧草濃遊人來此問遺蹤故巢風月已千

載好景闌空數重府坐循良黃太守與乘仁聖漢高宗竹花生子梧桐老底事丹山信未逢

十八賢臺

臺下衣冠已化塵臺前顏色尚如新林泉台是修行社巖穴誰非避世人好鳥豈知當日事幽花何似昔時春老僧不解論今古應笑徘徊問隱淪

淵明醉石

聒聒飛泉清遶石悠悠天幕翠鋪空是非分付千鍾裏日月消磨一醉中柳絮狂飄荒徑畔菊花仍在舊籬東水聲山色年年好堪使遊人恥素風

都官集卷十三

八宜秋備

東菴

已憐門巷林中出况復軒窓水畔開冷淡山光明枕簟動搖波影上樽罍坐看天際孤舟失慣見桑陰五馬來長恨夕陽吟不足闌干留共月徘徊

太平觀

繞繞峯巒玉案圍重重樓殿紫煙飛青籐素簡天門近絳節霓旌夜半歸鶴使每傳三鳥信鳳書頻送九霞衣放臣於世慚無補金萼樓前拜不祈

東林寺

白髮老僧安住處青衫司馬愛閑來松嫌天近株株

短花待春歸欸欸開堪信壺中藏日月誰知雲外有  
樓臺官卑合是尋山客不見芳菲意懶回

西林寺

東林移宿過西林風鶻蕭蕭結暝陰隨處水聲喧屐  
齒傍人山色上衣襟道於塵土知無用樂在雲泉亦  
損心擬付離騷與猿鳥樵蘇應怪久登臨

棲賢寺

辟虵行者應開寺拭眼高僧尚有墳龍帶雨歸三峽  
水鳥銜花出五峯雲樓臺屹屹天宮近鐘磬疎疎俗  
界聞遊客不嫌車騎遠巖扃無計長苔紋

都官集卷十三

九宜秋館

黃杉院

仁宗御  
書寺額

銀鈞金榜佛家園屐齒初來骨髮寒天上星辰留翰  
墨人閒陵寢闕衣冠虬龍擁護神如在雲霧遮藏色  
未乾四十二年蒙雨露草茅猶解泣洸瀾

開先寺

山門屹屹橫青嶂巖屋霏霏帶紫烟千尺老松當大  
道一條飛瀑落中天重來覽物應相識此地尋僧似  
有緣自謂讀書非俗客謫官猶得近林泉

新羅巖

萬疊青山與世違一巖雲物倚天危僧開峭石難行

路猿叫枯松最上枝藥鼎施人寒種火茶畦行虎宿  
無離此中別有忘年事擾擾紅塵死不知

竹雲洞

長干龍老長龍孫竹裏陰陰鎖畫雲莫問何年初入  
洞由來一日可無君清園欄檻喧難入翠滴衣裾靜  
欲聞會得歲寒看苦節憑誰吟對雪續紛

峯頂院

自憐隨分有仙蹤曾宿金庭第九重誰謂謫官真俗  
吏還登廬阜最高峯坐頭平揖千巖月枕底微聞二  
寺鐘歸去林泉緣更熟定應春夢却過從

都官集卷十三

十宜秋館

雪

老來惟有看山癖踏雪來尋洞府春已愛匡廬無俗  
骨更逢姑射露天真參差玉樹千巖裏高下藍田一  
水濱乘興去留人莫怪風流元是剡中人

靈溪觀

靈溪流水碧潺湲溪上清輝弟子圓白叟荷鋤春採  
藥黃冠敲磬夜朝元山中松葉堪爲酒路口桃花似  
有源自是遊人無道骨長生何必五千言

落星寺

何年翠麓浮彭蠡云是寒星落斗牛遠水拍天圍淨

界野僧依石起朱樓闌干白日風吹鴈簾幕黃昏月  
近鷗安住自成難老藥不須乘海覓蓬邱

承天院

建昌門外小禪居竹檻松牕靜有餘全近江湖添悵  
望乍離城市易清虛人思求友聽啼鳥僧愛忘筌看  
得魚不為山南多勝處便堪從此駐巾車

寄星子令柯季立

憤見江湖賤逐臣去尋巖穴或相親不知金馬曾為  
客猶得銅章肯借人夜夜水聲隨枕簟時時林色上  
衣巾題詩半在山南寺請戒巖僧掃隙塵

都官集卷十三

二直秋館

寄邾景仁郎中

早歲交情淡已親相逢羈旅白頭新雖慙管鮑論高  
誼欲慕陳雷卜近隣客舍每羅門外雀歸來還滿甌  
中塵明年相逐東林去未必鱸魚駐得人

中秋佳月獨游垂虹亭有懷胡完夫蘇子瞻錢

安道

五湖人住覺天寬有月清秋似廣寒玉鑿光中數毛  
髮長虹背上倚闌干棲鷗誤曉啼還住白露沾衣濕  
又乾借問姑蘇胡別駕簿書燈火共誰看胡完夫

月光清極向中秋千古松陵此夜遊寥沈更無雲礙

眼滄浪合是我維舟浮生未有明年約淺酌聊資到

眼留辜負金波三萬頃詩豪草聖在杭州蘇子瞻

玉兔光中繫小桅長虹影裏到蹲壘一年此夜清秋

半萬里無雲鬢色開月女嬋娟如有舊波神安穩亦

憐才合須豪飲酬佳賞不共烏臺御史來錢安道

留槎閣

聞說歐川似沃洲一溪分作兩流長橋跨岸虹垂  
地高閣凌空盤吐樓浩蕩乾坤供醉眼淩涼風雨送  
行舟憑誰為問乘槎客未必無人犯斗牛

禹穴

都官集卷十三

三直秋館

百尺蒼壁穴翠嵐天痕非擘亦非鑿先王圖史誰分  
掌後世疎慵不復探定有龍虬蟠寂寂何如苦蘚亂  
鬢鬢老師更說神靈事只讀高碑去未甘

谷簾泉

玉簾鋪水半天垂行客尋山到此稀陸羽品題真黼  
黻黃州吟咏盡珠璣重來一酌非無分未挈吾餅可  
忍歸終欲窮源登絕頂帶雲和月弄清暉

若耶溪

十里澄溪溪上山溪光無際照山顏天嫌俗眼尋常  
見地惜群峯左右關蓬島也應非海外瓊臺爭合贖

人間維舟正欲踟躕飲坐見蒼煙罩翠灣

天池院

張景詩云若以山形比人骨此池應台似泥沍

此峯巖絕與霄干峯頂泓澄旱不乾天下定應添沈  
壑山頭信亦有泥沍等閒雲出千巖雨取次龍歸六  
月寒一勺自堪流萬古何須低處羨波瀾

題翠峯院

借問鳴夷與季鷹五湖珍賞復誰曾慣看銷夏灣頭  
月唯有莫釐山上僧晚渡浪痕沾壞衲上方雲液洒  
枯藤游人欲趁沙鷗去更伴禪公上翠層

青龍江醉眠亭

都官集卷十三

三宜秋館

酒擔長輕六印腰醉中一枕敵千朝興亡貌比榮枯  
柳聚散看同旦暮潮清興本應塵外得香魂徒向水  
邊招已聞佳士過從約不為東風返畫橈

水月院

興隨白鳥汀洲立步入青林臺殿出湖脈來通方士  
泉山顏分入幽人室自苦扁舟每訪尋何年空谷無  
遺逸一夜霜風穿客衣二十六房皆採橘

題碧蘚亭

瀟灑關千碧玉叢頻來游賞似兒童縈迴修竹攬清  
影刻畫新詩繞翠筒十載雪霜林色改幾翻風月酒

尊空子歎老去心嘗在終擬為隣作醉翁

送喜長老游四明

釣竿無竹月空船事去朱涇不記年一句弗由他物  
得此心知與麼人傳無鬚王老長垂地掉臂胡僧仰  
託天去問玲瓏巖上石个中誰是我師禪

寄姑蘇智肱錢塘文提二上人

釋子紛紛奈汝何傳聞右繞益乖訛南白述作那堪  
毀西竺師徒果有魔羣蟻固應隨轉石一抔焉可當  
頽波青銅瓦礫皆稱鑿乞與光明歲月磨

傳神悅躬上人

都官集卷十三

西宜秋館

倦轡曾投林下宿短篷重見越江邊人歸河岳儀型  
在事隔桑溟物色傳弟子共談庭際柏公卿多識社  
中蓮高風自出空王侶馳譽丹青是可憐

山中寄姑蘇守粹

莫釐山頭萬家橘震澤閒人一葉舟林裏金丸出籬  
落浪噴雪陣上汀洲雲生縹緲吟竟遠日入穹窿醉  
望收不禁五湖容小隱為傳篇什謝蘇州

過平望驛有懷湖州李使君二首

柳色陰陰平望橋春流西受雲溪湖玉樓有月清光  
遠蘋渚生風麗思飄窳使簿書堆几案已聞歌詠滿

漁樵酒船欲訪鳥程去愁費金龜返畫橈

憑熊飛隼兩溪頭人似冰壺住玉樓事逐歡譔入漁

釣詩隨秋思滿汀洲茶收顧渚旗猶卷酒貫鳥程蟻

半浮去路無多平望驛客魂秋雨宿扁舟

晚秋田間

重到田園草木零鬢毛蕭颯白綸巾謾誇孺子能分

肉堪笑書生尙負薪靜與禽魚何物我懶因雞黍記

脯晨東籬已有黃金藥只欠白衣送酒人

挽邵夫人詞

丹陽門第三朝貴樂壽絲綸五色開有助清郎終盛

譽得憐諸子盡高才蘭彫北畹香猶在水向東溟浙

不回原上送車無數目口西風雨轉徘徊

挽劉夫人詞二首

籍籍家聲起草萊說說子舍奉蘭陔翩翩三鳳皆英

物踰躑雙駒亦駿才憶昔綵衣環几寫于今清血洒

椽孟何年盛事聯簪組別有絲綸薦夜臺

卜隣早效三遷教負米方休百里勞樂事難留同逝

水孝思無盡入伊蒿萬家原上開新塚舊館人來奠

濁醪况有銘詩傳不朽長城千古白雲高

挽侍講先生王夫人詩二首

蘭陔堂上此歸全松柏山頭有舊阡我得遐齡幾九

十人依絳帳昔三千病時太守和湯藥沒後諸生侍

几筵善化羣材同草木先生恩德重如天

師牆童稚被陶鈞穴鳳仍同桂籍春豈獨慈良尊有

道就論恩分即吾親生前未許升堂拜原上空陪執

紼人一曲薤歌難寫恨哀榮千古付蒼珉

都官集卷十四

宋 陳舜俞 撰

詩

山中詠橘長詠

包橘古云美揚州地所宜名存夏后貢頌見楚人辭

雲夢分膏沃呂氏春秋云果之璇星散陸離春秋運

璇星散美者有雲夢之柚洞庭仙壤接水經云震澤包山林屋洞天與

洞庭震澤水烟被柚酢徒然早柑黃豈厭遲封君千

戶等老圃萬奴隨秀萼瑤瓊綴青陰幄幕垂朱衣霜

傅采素裏露含滋弱幹金丸重繁條火齊藥瓜生先

都官集卷十四

作瓣蠶老不成絲爽味鍾寒律殷姿照夕曦清香掩

蘭杜真液賤楂梨揀選收藏日采橘日以冬至前二

及有西北風後天色晴霽時則家家采而藏之無辛

勤種接時壤須來處美樹皆用州得於蘇湖秀三

語其移怕樹同知齊民要術云移樹朱綠爭珍旨朱

緣橋荆湘辨等差橘有荆南種蹊深比桃靜一無纖

成歲晚與松期歲寒壇發龜龜石種樹傳山為級以

在太園栽枳棘籬討蟲煩鑿石有蓋則實不蕃春

湖中謂之科冗付孟炊能結實者謂之科樹穿井防

討盡樹旁負負荷之近也照盡七年大旱井泉竭山

中擔湖水澆樹有一禳瘟甚歲饑橘忽有堅小而青

祭禮祈焉向陽密葉橘得日則色伐木樹低枝繁

則樹折有義曾分客山中橘熟時見客無偷不禁兒

小兒習見厭厭普高嫌連雨長雨多則皮虛而大不

食不復為偷厭切高嫌連雨長可久藏謂之也

老要勁風吹見上滿把留長蒂採橘必留枝蒂成一

則易盈箱藉短茨破竹為籠入倉寧愧稻出汗僅同

醫採橘先置地板上堆之數日謂之入倉微覆雅俗

傳珍惜深林或棄遺稍收先落子橘多落花至繁初結

藥橋爭曬已殘皮山中人言東西兩山賣趁市商

船急充庭使驛馳公筵薦魁磊內合送瑰奇徑園之

限大者不敢以進慮不可常也唯官府寄遠曾非選

公筵負擔至京師賣之貴家最為大矣寄遠曾非選

寄惠遠唯未甚熟而小者乃熏藏品最卑謂之小者

不壞既黃而大不能久矣善生唯計種橘大姓不復計

山中作土窖重用烟善生唯計種橘大姓不復計

而收之謂之熏橘善生唯計種橘大姓不復計

視價旋論費百錢下價或六七百不可常也

薄探酬來賞精嘗侑舉卮他年修果譜應載野人詩

銷暑樓

溪上樓臺似玉壺樂郊春物剩昭蘇賢侯好士簪裾

集暇日開筵錦繡敷學水膾鱸堆白雪撥醅釀酒滴

真珠香飄沈穗縈欄角歌沸梁塵落坐隅約畧十洲

仙界景依稀九老洛川圖席中蘭語薰相襲望裏蓮

姪貌亦都狂客笑吟聊自若丈人強健不須扶送歸  
千騎堂前月猶照籬蝦一半鬚

弄水亭

未識貴池好嘗聞弄水名白鳥鑑中立畫船天上行  
壽陽僧房見橋詩

地過長淮種橘難僧房今見鎖朱欄秋來賴有黃金  
實幾被行人作枳看

次韻六安魏明府三首

故人方信落江東開解愁顏與病棕自笑漫生湖海  
上畧無豪氣似元龍

都官集卷十四

三首 秋 翰

少年心志欲摩空漸老卑飛悔滿棕早悟割雞堪飽  
腹不須辛苦學屠龍

幾慕功名逐轉蓬既無成就苦為悰不如歸聽華亭  
鶴者舊於今憶二龍

寶慶院

小招提在白雲層古殿深龕鎖畫燈山北遠公會結  
社至今猶有種蓮僧

題鑑峯閣

為愛鑑烟拂畫簷小欄今日捲朱簾不須更踏山前  
路可是人間看得厭

再經太平觀訪沈道士不遇二首

行客尋山去又回羽人依舊未歸來洞門不鎖清風  
入黃葉無言下翠苔

不見芝巖駕鶴翁抱琴歸去悄無蹤黃花似有東籬  
舊下闕

興福院僧房

東西遊遍兩山村梔子黃時橘滿園唯有小軒臨小  
澗病僧欹枕聽潺湲

宿上真宮贈朱道士

棲真必是朱癡後大同中葉 道昌拾宅 朱癡子見續仙傳結宇元因法善孫人在

都官集卷十四

四首 秋 翰

地靈治病速山村討藥夜敲門

書通濟僧壁

丹包赤實破蒼顏冬至都無十日間山客探橘以剩 冬至為侯

上方僧京師識面短句二首

亂雲峯頂紫田翁二十年前輦寺逢怪我無成頭白  
早千金散盡學屠龍

老僧曾住日邊寺慣識金鞍馬上人雲外不知人易  
老從頭相問盡埃塵

贈華嚴院玉真上人



青蘿翠竹鎖禪關門對松林第一灣白髮老禪應有  
道等閒隨客過前山

上方化成院

陳恭功德院藏仁  
宗御書巖度一僧

瓊函密鎖君王字石壁仍刊宰相詩無限幽光動巖  
谷山深惟有白雲知

虎溪

紫霄道士貪雲鶴五柳先生泥酒盃不為清風與明  
月道人何事過溪來

都官集卷十四

高安朱禮  
黻震元覆校

崇仁華  
焯瀾石校

都官集跋

宋當熙寧元豐之際承仁宗遺澤流風善政尙在人  
心苟非青苗亂法變更祖制黜君子進小人激成元  
祐黨爭之禍則國勢何至日蹙釀成南渡偏安之局  
雖云天賁爲之抑亦人謀之不臧也陳令舉嘗日所  
上太平有象策本原經術切實可行迥非拘泥周官  
一書者所可同年共語倘使其言見用得君行志舉  
而措之黨爭之禍或不見於宋代未可知也蓋斯時  
正人君子踰躋盈庭太平興國之治不難復觀乃令  
舉雖舉進士登乙科應極言極諫特科又擢第一僅

都官集跋

一 百 秋 節

外任廬官浮沈郡邑嗣以詆諆新法上書自劾致忤  
執政被斥南康遂放浪山水騎牛浩歌徧遊匡廬賈  
志沒世其遇亦良足悲矣雖然令舉學問經濟爲當  
日士大夫所推許而師友皆一時賢豪蘇文忠至稱  
其才兼百人之器而才卒不大顯於世以利濟斯民  
令舉之不遇豈僅令舉一人之不幸哉此集原爲三  
十卷乃其女夫周開祖所編慶元六年曾孫杞刊於  
四明始名曰都官集自宋刊後已經湮沒乾隆間館  
臣輯自永樂大典編爲十四卷卷一至卷三爲太平  
有象策卷四書卷五奏狀制論卷六卷七說及進治

說卷八記卷九卷十書卷十一啟卷十二古體詩卷  
十三今體詩卷十四排律絕句雖非原集之舊蒐輯  
已什得六七亦可無憾惟距今又將二百年內府之  
秘藏私家之鈔錄希如鳳毛麟角若不亟爲刊布是  
使此集復歸沈晦王子冬傳鈔丁氏入千卷樓本於  
江南圖書館華君瀾石代爲詳校二次癸丑八月親  
至江南覆校增補目錄其增改存疑者別爲校誤表  
附於集後時甲寅除夕夜闌爆竹轟闐寒窗燈青如  
豆南城後學李之鼎振唐謹跋於豫章城南尊宋樓

都官集跋

二 百 秋 節

都官集校誤表

卷一	二葉	十八行	四字	頌	原誤訟
六	十二	十	卒	原誤卒	
十四	十四	小注	原注		
十	十四	未易	原誤		
卷二	六	十八	四	人	誤入
七	九	十八	吏	誤更	
十三	十三	末二句	原本誤		
八	十一	已	原本作矣		
九	十一	式	原誤武		
十一	十四	予	原本作之		
十四	十	求操	原有誤		
十七	六	宮	原本作官		
卷三	二	美	原本作吳		
三	十八	子	原作下		
五	四	之	原本作不		
六	十九	者	原本遺		
九	十七	末句	原本誤		
十一	二十	祈	原本作折		
十一	七	申	原本作仲		

都官集校誤

字林館

二	二十	十九	吳	原本作長
六	十七	十七	請	原本作謂
七	十四	六	關	原作問
十四	六	十九	管	原誤省
三	六	患	原本作患	
八	八	先事慮事	原本作先事	
四	三	無不句	患慮患	
五	六	玉	原有誤字	
六	十二	昭	原誤壬	
十二	十五	昭	原作聖	
十	十	聽覽萬幾	原作聽萬幾	
八	六	天	覽之餘	
九	九	請	原本作天	
十二	七	持	原本作時	
十七	二	漫	原本作指	
十八	十四	未	原本作亦	
十九	一	善	原本作善	
九	三	審	原本作密	
七	十	輕	原本作雖	
十一	八	操	原本作採	
十一	一	問	原本作聞	

都官集校誤

字林館

十四	二	甚可懼	原遺一字
十五	廿	講	原誤請
卷五	一	持	原本作待
二	十五	米	原本作未
卷六	十三	最	誤最
十五	十九	足	原本作及
二十	十九	樂誼	原誤
廿一	三	流	原本作鹿
廿八	十二	徒	原作從
廿九	十八	裕	原作俗
卅一	十五	斷	原誤
卅二	十三	吏	誤使
卷七	七	武	誤式
八	十三	大	原作水今改
十三	十七	和	原作知今改
十八	九	間	作間
廿一	五	也	誤入
廿三	七	其未作句	疑有脫誤
廿六	八	稅	原誤拒
廿八	十六	歸	疑偽

廿四	十二	四	美	原作矣今改
卷八	一	八	百字衍	原誤
五	六	十二	容	原誤
六	五	廿	日	原誤
卷九	七	十九	事	原誤
四	廿四	六	事	原誤
七	二	三	岐	原作俊今改
卷十	十三	七	枝	原作板今改
五	十八	四	耶	原作也今改
十一	七	十一	其	原誤共今改
卷十一	一	八	天	原誤大今改
三	十一	二	社	原誤社及疑作社
八	十四	十二	倍	原誤今增
卷十二	二	三	瓊	原闕
六	九	六	遺	原闕
廿二	十二	廿	肯可	原誤
廿	廿	廿	榛	原闕
十四	十四	十四	題	此行疑有關字
十四	廿	十四	偵	原誤偵
卷十三	十二	十六	王	原誤生

卷十四

三

四

十五注小

燕

疑藏之偽

十五

二

探

疑探之偽

都官集校誤

五

立秋節




筵集

州

小







邕州小集

提要

宋陶弼撰弼字商翁邕陽人慶歷中隨楊敞討湖南猺以功授陽朔縣主簿歷官知邕州四遷爲東上閩門使康州團練使宋史本傳詳敘其招納諸蠻之績人稱其能黃庭堅集有弼墓誌銘亦謂其聚晚學子弟講授六經平生不治細故獨以文章自喜尤號爲能詩詩文書奏十有八卷共其書知非碌碌者今十八卷之本久佚惟此集一卷尙存鈔帙所載詩僅七十三首屬鸚鵡宋詩紀事錄弼詩有詠藕詠堽二首見於合璧事類者茲集不載又

提要

一展風閣

湖廣通志稱弼詩尤善言風土蠟茶詩至五十韻今亦不見集中蓋是集皆在湖南所作故以邕州爲名其非湖南所作者則不在此集也其中辰州一首園中一首皆闕首二句五溪一首闕末二句無別本校補今亦仍之焉

邕州小集目錄

公安縣	丁香
桐	柳
鷄頭	桃
李	兵器
食楊梅	滴露花
送趙樞寺丞宰虔化縣	荔支
出嶺題名灰舖	山茶花二首
途次葉縣觀千葉桃	登潮月亭
對花有感	紫薇花
圍居	題陽朔縣舍
邕自	一展風閣
天涯亭	題霞溪驛
登崙崙臺	秋日登南城臺
過思明	閣皂
東湖	西湖
柑子堂	邕州
廉州石	合浦還珠亭
送呂濤典獄之梧州	融州仙巖
賓州仙影山	安城卽事二首
客館	送臨桂縣戴若納出嶺
陽朔縣	贈章使君
宜陽	寄鬱林郡守姚道口

膏澤峯

登邕州城

丹龍山

思柳亭

鬱林鼓角樓

春野亭

會仙巖

羅秀山

莫鄒關

那霸泉二首

碧湘門

黃陵廟

司馬錯城

辰州

寄沅州新守謝麟

白霧驛

三山亭

祝融峯

辰州

武陵

五溪

寄蘇州徐處士弁

邕目

一長風閣

桂林

端研詩贈王欲

木芙蓉

銅雀研

邕州小集

宋陶弼撰

公安縣

門沿大堤入路趁淺沙行樹短天根起山窮地勢傾孤舟難泊岸遠水欲沉城半夜求津濟烟中荻火明

丁香

萬枝千葉遞相親內結花心外結身草木至微猶有合悲哉父子與君臣

桐

老桐休斲為琴瑟胡部新翻格樣清試聽琵琶采蓮曲一般絲上數般聲

邕集

一長風閣

柳

揚子江頭流水嘶長安陌上遠風吹黃金瓊瑤雪晴後碧玉玲瓏春盡時端的園林俱不及等閒臺樹便相宜思量也是多情物占與人間贈別離

鷄頭

三伏池塘沸鷄頭美可烹香囊聯錦破玉指剝珠明葉綴非蓮蓋根甘似竹萌不應徒適口炎帝亦曾名

桃

樹正舍芳酒正醉熙熙為爾醉春臺一花五出尙可飲何必重重疊疊開

李

春盡煖風薰翠幄暑天涼氣暗朱闌主人肝膽無猜忌  
果下遊人但整冠

兵器

五代乏真主奸雄何僭偽橫磨濶刀劍白日相篡弑我  
宋有神祖潛德動天意故天意若曰往爲我之嗣神祖  
拜稽首乃卽皇帝位不惠兆民樂不怒諸侯畏顛倒執  
玉帛奔走恐後至大商國三分一朝有其二太宗以義  
撫真宗以仁治王道竹箭直誦聲金鼎沸獨有陰山戎  
時時寇邊地天子赫斯怒大警巡潼衛射殺右賢王遂  
斬匈奴臂狼心帖然服結心同昆弟自此兩河間寂寂  
無戎備卒閑喜夜歌將老貪春睡自此爲太平恍惚三

昌集

一風閣

十歲戎吳乘我間南馳賀蘭騎陽關久夜開樞朽不可  
閉陣雲起秦雍殺氣橫涇渭使臣股栗奏宰相瞋目議  
僉曰亟發兵暨子坑甚易倉皇築邊壘未戰力先瘁遇  
迫開庫兵士蝕鋒鏖脆防秋採舊屯推轂謀新寄舊屯  
老且死少者無寔藝良田不訓練手足迷擊刺新奇將  
家子從小生富貴六韜未曾讀口但知肉味師復從中  
御進退由闍寺權輕號令冗兩戰無遺類曹公棄七軍  
晉人獲三帥吾兵自此喪有詔新其製此器不預設一  
且從何致朝廷急郡縣郡縣急官吏官吏無他術下賈  
蚩蚩輩畊牛拔筋角飛鳥禿翎翅斡截會稽空鐵烹葦  
山碎供億稍後期鞭朴異他罪愁氣壅太虛霽景晝冥

晦我聞郭汾陽料敵多奇異單垂諭突厥蕃酋膝雙墜  
又聞李西平臨戎有英氣身着紅錦袍懷光肝膽碎是  
知用兵術在人不在器君耳舜聽高君目舜明視願采  
謀畧長勿依干戈銳

食楊梅

嶺北土寒無荔子人言形味似楊梅翠條丹實休相學  
不願紅塵一騎來

滴露花

兀天瑞露滴成芽不是榆花卽桂花星女月娥宮不鎖  
天風吹落野人家

送趙樞寺丞宰虔化縣

昌集

三風閣

路人南雲下如何輕解携人烟五嶺北星斗大江西暖  
雪梅花樹晴雷贛石溪青衫欲無淚不奈鷓鴣啼

荔支

五月南遊渴欣逢荔子丹殼勻仙鶴頂肉露白晶丸色  
映離爲火甘殊木作酸枝繁恐相染樹重欲成團赤蚌  
遺珠顆紅犀露角端爽能消內熱潤可濯中乾桂嶺無  
霜處梅天暴雨殘下缺一字一簇水蠶繭千苞火鳳冠隔瓢  
銀葉嫩透膜玉漿寒

出嶺題石灰舖

馬度嚴關口生歸喜復嗟天文離卷舌人影背寒沙江  
勢一兩曲梅梢三四花登高休問路雲下是吾家

山茶花二首

淺爲玉茗深都勝大白山茶小杏紅名譽漫多朋  
援少年年在雪霜中

江南池館厭深紅零落空 煙雨中却是北人偏愛惜

數枝和雪上屏風

途次葉縣觀千葉桃花

三月官桃滿上林百花千萼費春心  
葉公城外襄河北

一樹無人色更深

登潮月亭

渡頭人語知潮上下看江南  
東北流試引輕帆學歸去

茶山溪淺却回舟

邕集

四晨風調

對花有感

得莫欣欣失莫悲古今人物若花枝  
桃紅李白薔薇紫

問着春風總不知

紫薇花

人言清禁紫薇郎草詔紫薇花影旁  
山木不知官况別

也隨紅日上東廊

園居

更添蒼柏兩三叢

相伴高枝作雨聲

題陽朔縣舍

石壁高深遶縣衙不離牀  
祗自烟霞民耕紫芋爲朝食

僧煮黃精代晚茶瀑布聲中窺案牘  
女蘿陰裏勸桑麻

欲知言偃弭歌化水墨屏風數百家

天涯亭

雨色絲絲風色驕天涯亭上覺魂銷  
一家生意付秋瘴

萬里歸心隨暮潮兵送遠人還海界  
吏申遷客入津橋

山公對此聊酣飲怕見醒來兩鬢凋

題霞溪驛

歌聲野色中人樂歲時豐暑雨陰陽  
雜秋田早晚同嶺

雲無烈日江樹足涼風自指香山語  
前村有路通

登崑崙臺

落照古城隅邊風動隼旗久閑忘戰  
略多病熱醫書白

邕集

五晨風調

髮隨年短新情與世疎桃花春水暖  
還釣舊溪魚

秋日登南城臺

江國家書少秋臺寒草生無人來遠  
渡盡日上高城落

照懸漁市孤烟起戍營東離故園菊  
又向酒中傾

過思明

幾年來瘴外此夜宿溪中照枕殘鷄  
月吹燈落葉風盛

循猶僞國楊僕已衰翁起戴寒星去  
前村曉影紅

閩皂

萬仞天然閩皂形陰陽不似衆山青  
一區海上神仙宅

數曲人間水墨屏華表鶴歸春谷響  
玉京龍起夜潭腥

可憐張葛無人繼三級高臺拂杳冥

東湖

寧越佳山水東湖帶郡城月天高寺影春雨一橋聲石上青蒲合沙中白鳥橫天涯正寥落獨往若為情

西湖

寧越佳山水西湖似浙城桂多天竺子潮欠海門聲路向林梢轉天隨野色橫從茲棲泊者無復渡江情

柑子堂

子厚才名甲有唐謫官分得荔支鄉羅池水盡黃柑死獨有空碑在畫堂

邕州

南極諸蠻傲典型斗門時復見飛星君王仁恕將軍老

邕集

五十溪州六萬丁

廉州石

使君合浦來示我海濱石千巖秀掌上大者不盈尺

合浦還珠亭

合浦還珠舊有亭使君方是古人清沙中蚌蛤胎常滿漳底蛟龍睡不驚

送呂濤典獄之梧州

峽口蒼梧縣城依南斗魁江渾海湖上地熱火山來草沒嘉魚穴雲封拜表臺到應無獄訟豆冠酒頻開

融州仙巖

溪僧過此說山公游徧真仙洞府中乳石巖邊得靈草

可能封裏寄衰翁

賓州仙影山

月筆星官七丈夫遠看雖有近還無瑤池侍女變成道遺下羣仙聚影圖

安城卽事二首

往歲傳聞南詔檄近時方築伏波城安城太守知邊計茵苔花中閱水兵

金鼓聲闌劍戟收使君回上雅歌樓樽前一節清商曲銷盡窮邊萬里愁

客館

一年勾漏守尋盡洞中天記佛盧藏用仙壇葛稚川醒

邕集

心西驛水燒眼碧池蓮我豈無新事詩碑與酒泉自注郡有石高丈二尺西驛韋丹建閣下有石泉并記後唐李復

蓮池植蓮數萬送臨桂令戴若納出嶺

送臨桂令戴若納出嶺

五嶺生還少無辭酒滿觴共經邊寇事先出瘴烟鄉楚樹蟬聲早湖天日影涼此行休問路宮闕斗杓旁

陽朔縣

五管新都事輕車屢往還勤勞成白髮故舊是青山樹色纔分楚江聲未出蠻自慚迎候少無惠及孤鯨

贈章使君

善戰無如新息侯漢兵纔度綠蘿州愛君挽我陶溪粟

直到牂牁水口頭

宜陽

孤城溪洞裏聞說已堪哀  
蠻水如鮮血瘴天已死  
灰吏憂民置毒巫幸鬼為災

寄鬱林郡姚道口

越裳濟海喜天晴  
五葉文船不渡兵  
堯舜遠方皆樂國  
漢唐諸將本書生

膏澤峯

石壁含天澤南山第一重  
旱時先出雨陰穴又乘龍雲  
影搖諸壑雷聲起半空  
何當大滂沛盡活四方農

登邕州城

邕集

八風 風閣

夜半孤城百尺臺  
亂蟲聲裏一尊開  
憂邊日繞南雲下  
癡闕心隨北斗迴

丹竈山

羽客朝元地遺壇古寺中  
煉成丹竈石騎去鶴乘空

思柳亭

羅池刺史算塵緣  
畫戟牆頭築望仙  
黃鶴與誰同一去  
碧桃無主又千年

鬱林鼓角樓

去歲同登畫角城  
諸蠻未滅夜論兵  
五更將吏知人意  
吹作梅花塞外聲

春野亭

二紀着花瘴霧中  
豎園今日又東風  
人心有感時時別  
春色無私處處同  
長笛一聲諸曲盡  
巨觥雙飲百愁空  
風清水暖羣魚上  
誰向荆溪占釣筒

會仙岩

寂寂長冥洞涓涓漱玉泉  
鳳笙聞夜半鶴馭認雲邊  
煮茗尋安老披沙訪稚川  
於中得消息何用買山錢

羅秀山

尋山入羅秀旋結草堂居  
花瓶生露水松風落架書  
聞猿得句後見月出行初  
此夕雲林下無因夢使車

莫鄒關

三任邊州六往還  
此時口口莫鄒關  
訪僧莫道無閑事  
手指青天口說山

邕集

九風 風閣

那霸泉

昔年觀地志此水出牂牁  
斷岸深無底平流暗起波  
感恩來客少射影短狐多  
未老諸蠻在樓船空再過

又

路下牂牁水石間三分纔過二分山  
年光欲盡家猶遠  
嵐氣雖疏鬢已斑  
賓從笑談譏獨進  
兒曹音信喜生還  
南風一夜吹鄉夢  
數刻飛過五嶺間

碧湘門

城中煙樹綠波漫  
幾萬樓臺樹影間  
天濶鳥行疑沒草  
地卑江勢欲沉山

黃陵廟

溪山龍蛇屋蕭條帝子祠竹痕當日淚山色後人疑仙服霞留綺新粧月印眉楚民無水旱簫鼓謝神禧

司馬錯城

北設長城陷敵塵更來勞役武陵民我疑洞裡栽桃者便是當時版築人

辰州

詔條符節古連今王澤漸濡豈不深賦役未行中國法謳歌猶帶遠人音採金戶簇青莎岸射虎兵圍黃葉林寄語湖南灘上客預將忠信待浮沈

寄沅州新守謝麟

險盡天開溪路平詩書新將典新城三千戍卒今無幾十萬屯田古未畊屬縣乞除防虎檻生蠻願獻採砂坑從茲預擬風塵息盡是仁威下旆旌

白霧驛

一曲青谿一曲山鳥飛魚躍白雲間谿山豈要行人到自是行人到此間

三山亭

諸峯不及此三峯翠影多年路未通野老傳來無地主神仙留待與山翁瑀弓射滅虎狼迹長劍剪開荆棘叢吏引旌旗先險阻匠營樓閣出虛空藤蘿葉暗初無日松桂枝新漸有風下瀨將軍微舉職安南都護遠輸忠

商誇合浦珠胎賤民樂占城稻穀豐火炬影沈山岸北

潮聲流過郡城東四時收印來無定終日開尊望不窮玉版淡魚干片白金膏鹽鱓一圍紅雲臺志節悲歌外銅柱封疆醉眼中所惜溪頭好崖石只書詩句不書功

祝融峯

曾到祝融峯頂上步隨明月宿禪關夜深一陣打窗雨卧聽風雷在半山

辰州

璽書行絕域銅柱入中原草暖聞鳴鹿江清對飲猿何時一樽酒重上謝公軒

武陵

昌集

曲臺風月德山雲夢想中間有幾春臣葬江魚終愛楚人逃花洞不思秦

五溪

六月五溪邊溪深氣象偏盡陰疑雨後久冷覺秋先棧倚臨崖石竿通隔嶺泉

寄蘇州徐處士弁

弁能畫山水平南無策髯如霜七十峯前舊隱鄉相約祝融孤頂上借君吟筆畫瀟湘

奮田過雨小溪渾遠近雲峰互吐吞殊俗易昏三里霧陽崖忽露一家村桂花香裏尋僧寺榕葉陰中揜縣門

井稅未輸兵甲後心勤撫字且休論

桂林

青羅江外碧連山城在山光水色間莫道宜人惟桂郡  
驂鸞客主只思還

木芙蓉

孤芳託寒木一曉一番新春色不爲主天香難動人丹  
楓見流落黃菊坐因循莫訝偏相愛哀遲似我身

端研詩贈王欲

端石如蛇狀澗疑雲雨通換官不識字好去伴詩翁

銅雀研

得自銅雀臺收晚稜角摧四方綠琉璃一片青玫瑰煉

邕集

士風閣

盡沙石滓陶成金玉胚

邕州小集

此卷道光戊子小寒後三日段于湖客鈔出其原本  
後書乾隆乙卯十月十六日王端履手錄十四字蓋  
十萬卷樓藏本也屬猶子桓山校竟誌于小雲巢燦



輯文

三海巖序

宋治平二年春詔徙靈山治於石六山下以便民夏五月余得朝命還湖湘道由茲山愛其林交水廻風嫩石瘦謂其下必有勝概巖命邑宰刊木除道徒步而登果得三巖於榛莽間其一呀然雲際天光內通形似半月其中窪上隆狀如覆鼎又其一若巨龜側倚巖有陰壑刀布藏焉樵人百計攀躋不能到下有盤石隱隱有螺蚌負之余疑上古洪荒安知此山不在洪波巨濤中詩云高岸為谷深谷為陵詎不信歟

邕州輯補

一宜秋錄

乃名之曰三海巖復為詩一章以附新邑圖經云

通志一百十



輯詩句

雪山經夏冷天馬入秋肥塞上行役

陰微辨樵火霧早誤僧鐘行役

渴峰銜硯水飢螻嗅餅花順州

鳥鳴社旁樹盜發冢中金

煉成丹竈在騎去鶴巢空

鹿飲沙渾水猿飢果落雲

將老未聞金作印師寒猶用鐵為衣

山險不能留霸業水聲惟解送年華

道近可憐驚馬駿時平不見布衣雄以上後村詩語

邕州輯補

一宜秋錄

蒐兵四解降王稗報國三登上將壇觀曹武惠畫像

天形包舊楚水影動全吳寄洪州唐使君

曾觀工部集中載赤沙湖注云杜子美嶺麓山道林

紀勝五十五

畫舫行春處瀟湘二水涯永州紀勝五十六

定王此地元卑溼義帝山河最上游道州

六月三湘風日閒偶隨樵客到禪關邵州雲巖寺

避秦荒徑在招屈古祠空邕州紀勝六十八

青羅江水碧蓮山城在山光水色間桂州

桂花香裏尋僧寺榕樹陰中掩縣門同上

入峽路盤溪地底出瀧船下斗天中登朝隱屏障山

惠雨隨風至炎涼頃刻分題象州太平驛紀勝一百三

山川通益部星斗近交州

今日崑崙關外將也能酣醉也能吟

玉簪峯頂共登仙銅柱溪頭再得賢

深入儂黃左右溪溪邊得此歲寒枝

五十溪州五寨城廣宣恩詔諭蠻情

荔枝林下千金絡茵菖池中十畫船邕州以上

北人南斗外病過兩重陽重陽

憂邊日遠南雲下戀闕心隨北斗回登朝天門

海送晨光出天收斗柄低石西州

異日誰相繼來書第四名原注謂狄青余靖孫河三公以上紀勝一百六

假守昭平郡公餘訪洞天

峽猿朝夕聽此地類巴黔

官卑逢酒強事簡作書勤

終約夜舟乘月去蒼梧雲底望長安

休哉退公後日與猿鳥共以上昭州紀勝一百七

鷺山夏曉雲漫郭龍壁春陰水抹川柳州

入說羅池表歲功深為豐稔淺為凶原注云皆作正旦占也羅池

廟紀勝

一百十二

官曹惟識簿書字民俗不知金鼓聲

昨夜書中得新句夢魂飛入鑊鉞關以上賓州勝一百十五紀

青山通象郡白浪下靈渠送蔡士燮中舍移典冀州紀勝一百二十三

獨有山梅香漠漠陸行隨馬水隨州梅

春盡暖風薰翠幄暑天涼氣暗朱欄李花

聚成捧足千千坐散作傳心一一燈荷花

綠芳翠紫暗相失紅藕白絲空自纏藕

轉葉香隨風舒花影凌日菱

色鮮因曉日聲脆得秋霜梨

三株已作螢煌煌槐

玉英金寶碧琳枝瑞香花以上全芳備祖

雙魚遠客書來報復有珠隨且暮湖惠泉紀勝一百二十



陶邕州集輯補

宋陶弼撰 南城李之鼎輯

過清湘

嶺開蠻壤斷此地下湘川綠水文如染丹楓色欲然  
瘴消還愛酒兵解尚憂邊故里誰相訪孤帆出曉烟

謝啟昆廣西通志八十四

賓州

何處登臨好城樓對萬山新青上孤壘遠黑落諸蠻  
竹引風穿壁苔隨雨上階有時寧免俗銀燭間金釵

輿地紀勝一百十九

邕州輯補

衡州

七十峯前做縣扉湘雲湘樹滿郊圻衡陽春暖雁飛  
過兜率雨昏龍戰稀

秀邑八百里古今題畫難望高三楚近影轉七洲寒

北折知盤盡南低見斗寬路盡祝融寺江傾兜率灘

兜率一峯旁林開見寶幢鳥行高避縣山骨下連江

紀勝五十五

屏障山

名山愛陽朔平陸通峰巒郡境尖中折人家缺處安

穿青入梧峽載影下昭潭廣西通志九十六後二句紀勝一百三增入

秀嶺

路隨雲磴石梯行限隔華夷天意明自與大君為外  
屏何勞諸將作長城福民可拜三公爵壽聖能呼萬

歲聲海國末疆崖石老待誰來此勒功名廣西通志前四句又見紀勝一百六

前四句又見紀勝一百六

崑崙關

關路下崑崙蠻封迤邐分春光偏著草雨意不離雲  
俗異君修德時平將用文臨溪照綠水老鬢雪紛紛

同上二百二十四又見紀勝一百六

希靜堂

邕州輯補

二江明月九峯雲雲月堂中希靜人芙蓉池淺蛙迎

雨鈞鉤潭空草送春紀勝五十六

全州

南北東西幾萬峯郡城如在畫屏中何人截斷湘紀  
竹半蘸秋江作釣筒又六十八

岳州

平湖七百里四望白波圍影觸吳天潤寒吞楚澤微  
又六十九

沅州

使介直登雙御閣州符就領五蠻溪爭雄白鵲臨崖

鬪憶子元猿遠澗嘯

九日登羣山樓

節逢重九日郡占五溪間止水痕依岸行雲影過山

題淨因寺

歌吹深秋節香燈古佛園細泉初落石遠岫正當門

題武溪龍書廟壁紀勝注云五溪九域志云舞溪當攷

路到龍棲處陰森覺有靈山腰過雲黑石眼出泉腥

以上紀勝七十一

順應廟

百崖山下古松青暫捲牙旗謁廟靈見說崑崙關北

邕州輯補

畔曾將草木作人形廣西通志一百四十四

辰州

草市人朝醉畚田火夜明龍江入地瀉棧道出雲行

又見沅湘耆舊集

槃溪何代有蘭叢暇日移根郡閣東此後辰沉圖籍

上栽培新法自山公二首紀勝七十五

廣州

地窮山亦斷煙水是封圻外國衣冠盛中原氣象非

石門見月隨潮早洗口聞猿上峽遲新酒滿笏蠻姬

店古禪當道海神祠紀勝八十九

連州天際嶺

南來未見此高峯下際滄溟上際空辛苦限蠻成底事坐看萬華作三公又九十二

桂州

冷逐江梅使先春下桂林湖平三楚出嶺盡百蠻深亂草藏邊路寒禽下戍樓伏波渠水淺難載濟川舟

朝夕雲山滿縣郭削成犀笏幾千株遊人借筆鈔詩

板遠客投書乞畫圖

舊策掃開浪泊霧新詩裝就桂林春相離水色秋前

老獨秀嵐光霽後勻紀勝一百三

邕州輯補

淪漪閣桂林府

談笑淪漪閣籐花竹葉間易醒江上酒難畫雨中山

廣西通志二百三十三

登桂州永寧閣

五代浮屠開危層不易攀曉光諸寺塔晴露別州山

紀勝一百三

修仁縣禪定寺

民歸新邑去古寺靜寥寥僧映水遮戶客隨雲過橋

又一百四

北池

旬漏城中菡萏池池邊臺榭半空基頻年太守多新

額因亭舊名不雅馴 異代思賢有舊碑唐羅可經碑先懷前守

凌景隱復多改名原注

有唐曾宿萬家兵節制東南十一城此若得人無寇

盜昔之為守盡公卿唐賢為管管經略甚眾得其名氏凡二十九人原注

嘗遊龍洞訪僧不遇

一錫遊何處巖端靜掩扇獨尋危石坐閒把細泉聽

野鼠緣齋鉢山花落淨瓶斜陽過溪去回首亂峯青

以上紀勝一百五

邕州

邕州輯補

五

絕塞多秋色孤城易夕陽此間饒寵辱還我水雲鄉

出撫驩兜俗親提李子軍隨人兩關月迎馬二溪雲

漢節護諸蠻徘徊瘴癘間少希銅馬式老厭玉門關

紀勝一百六

昭州

假守昭平郡偷閑少送迎亭標梅老句堂識敬公名

假守昭平郡當門桂水清海遙稀蚌迹峽盡足灘聲

假守昭平郡詩情比閩仙蟬聲風葉外鳥影月池邊

峽東江盤天影隨輕船雙下幾危機初晴古木猿三

叫未晚陰崖日半規篁竹數家何處縣清溪一曲幾

篇詩

過龍平

數家深峽裏燈火似漁村客夢稀星外蟲聲短草根

髮疏憐枕軟意倦覺燈昏待曉酌蠻酒看梧莫舜魂

以上紀勝一百七

賓州閱武堂

南嶠風雲久肅清壞溝殘壘號昇平官曹惟識簿書

字民俗不知金鼓聲往歲忽聞南詔檄近時方築伏

波管安城太守知邊計菡萏花開閱水兵廣西通志二百卅五

按此詩下四句已見邕州小集題作安城卽事七絕二首之首上四句佚據此乃七律詩首尾

邕州輯補

六

完善下四句仍重錄俾成全璧

梧州蒼梧郡

水有瀟湘色猿同巴蜀聽令人思舜德一望九疑青

送吳利見主簿之蒼梧

南極蒼梧郡江山號勝遊海天晴動水峽月夜隨舟

寄梧守

川流八桂末地勢九疑餘不但勤酬唱江通丙穴魚

以上紀勝一百八

柳州

唐室衣冠四百秋元和臺省盡名流誰人肯為交朋

死乞以羅池換播州

黃柑無樹井無泉思柳亭中兩槍然蠻越至今猶畫  
像聖唐何事獨遺賢

屏山

一峯高起塞天關堪作皇家外屏山可惜化工安著  
遠半遮中國半遮蠻

龍壁

曾看柳侯山水記信知龍壁好煙霞誰能寫作新屏  
障寄與長安富貴家以上紀勝一百十二

寄欽州洪通侍禁

昌州雜補

七

僧憐海石為君子客懼蠻螺作酒盃自笑平生喜韜  
畧此時何計上金臺

三山亭

玉板淡魚干片白金膏鹹蟹一團紅雲臺志節悲歌  
丙銅柱封疆醉眼中所惜溪頭好崖石祇書詩句不  
書功

紅螺紫蟹新鱸鮓白藕黃柑晚荔枝酒盡月斜潮半  
落山翁不省上船時

南湖

寧越佳山水南湖最淺清暗泉通古廟涼氣入軍城

中湖

寧越佳山水湖中稱賞心環流隨郡塹倒影動禪林

北湖

寧越佳山水城樓枕北湖邱陵助形勝溝洫借膏腴

三海巖

紀勝云在靈山縣西二里一錢巖一月巖一  
龜巖治平二年陶弼始訪得之總名曰三海  
巖有詩序云一呀雲際天光內通如月破一  
若巨壑殼側倚崖下一中窪上隆前卑後昂  
狀如覆鼎蓋於巖上端有陰壑刀布存焉下  
有盤石螺蚌負之子疑上古之時海漸於此

新邑西南古洞天我來方信海為田無名不入州圖

載有路惟聞野老傳

昌州雜補

八

欽州書事

海供地寶華中國日助天恩暖外夷三石襖橋春會  
永玉湖吟舫夜歸遲以上紀勝一百十九

芙蓉亭

邊柝無聲獄訟疏芙蓉池上避金烏民收菓實充田  
賦匠寫空形入畫圖白鳥知機遠冠蓋紫鱗貪餌落  
盤盂主人非為清香護愛此烟波似五湖廣西通志  
二百三十

六上四句又見楚  
風補空形作空花

題廉州孟太守祠堂

昔時孟太守忠信行海隅不賦蚌蛤胎水底多還珠

奇石康縣曹元道

屢與南僧談瘴溪獨推君縣好封圻不同合浦人民  
眾雖接交州寇盜稀以上紀勝一百二十

寄鬱林州太守姚道源

越裳濟海喜天晴五葉戈船不渡兵堯舜遠夷皆樂  
國漢唐諸將本書生紀勝一百二十一

詠藕

萬頃金沙裏誰將玉節裁絲應鮫乞與津是蚌分來  
盤貯冰猶結刀侵雪易摧防風骨外折混沌竅中開  
月寺僧家鉢風亭酒客杯胸中秋氣入牙角雨聲回

鬱州輯補

九

白愧塵泥賤得蒙尊俎陪與君消酷暑瓜李莫驚猜

蜨

暖翅玉羅薄香鬢金縷微青春二三月白日一雙飛  
露重休深入風高且暫歸南園芳樹下燕雀最多機

以上合璧  
事類別集

永平寨道中

登嶂深千里窮途今一隅北風家信息南斗客程途  
嶺勢頻開合猿聲乍有無過溪人語笑隔岸戍煙孤

瑞蓮池

五月紅蓮繁盛時隼旗同賞郡南池額名舊載零陵

志碑字新鐫子厚詩採藥銜益愁滿滿折花行令笑  
遲遲明年歲熟歌聲穩伴醉清香客是誰以上紀勝一百六

吟石

宋邊無一事江上得閒吟醉嚙歌微出狂書墨不深  
潮痕沒高岸月色透疏林此意無人解宵分淚滿襟  
庫本邕州小集補

茉莉花

海客園林珠樹木水仙實從玉簪裳錦桃每用紅絲  
縷蜂採須成白玉房全芳備祖前集二十五

登邕州春野亭

邕州輯補

十

二紀看花瘴霧中野園今日又東風人心有感時時  
別天地無私處處同長笛一聲諸曲盡巨觥雙飲百  
愁空風清水暖群魚上誰向荆溪下釣筒廣西通志二百三十

賀州

捨轡歷天險身疑出鳥羣解開蠻俗合脊盡瘴江分  
紀勝一百二十三



死乞以羅池換播州

黃柑無樹井無泉思柳亭中兩愴然蠻越至今猶畫  
像聖唐何事獨遺賢

屏山

一峯高起塞天關堪作皇家外屏山可惜化工安著  
遠半遮中國半遮蠻

龍壁

曾看柳侯山水記信知龍壁好煙霞誰能寫作新屏  
障寄與長安富貴家以上紀勝一百十二

寄欽州洪通侍禁

邕州雜補

七

僧憐海石為碁子客懼蠻螺作酒盃自笑平生喜韜  
畧此時何計上金臺

三山亭

玉板淡魚干片白金膏鹹蟹一團紅雲臺志節悲歌  
丙銅柱封疆醉眼中所惜溪頭好崖石祇書詩句不  
書功

紅螺紫蟹新鱸膾白藕黃柑晚荔枝酒盡月斜潮半  
落山翁不省上船時

南湖

甯越佳山水南湖最淺清暗泉通古廟涼氣入軍城

中湖

甯越佳山水湖中稱賞心環流隨郡墅倒影動禪林  
北湖

甯越佳山水城樓枕北湖邱陵助形勝溝洫借膏腴

三海巖

紀勝云在靈山縣西二里一錢巖一月巖一  
龜巖治平二年陶弼始訪得之總名曰三海  
巖有詩序云一呀雲際天光內通如月破一  
若巨龜殼側倚崖下一中窪上隆前卑後昂  
狀如覆鼎蓋於窟上端有陰壑刀布存焉下  
有盤石螺蚌負之子疑上古之時海漸於此

新邑西南古洞天我來方信海為田無名不入州圖  
載有路惟聞野老傳

邕州雜補

八

欽州書事

海供地寶華中國日助天恩暖外夷三石襖橋春會  
永五湖吟舫夜歸遲以上紀勝一百十九

芙蓉亭

邊柝無聲獄訟疏芙蓉池上避金烏民收菓實充田  
賦匠寫空形入畫圖白鳥知機遠冠蓋紫鱗貪餌落  
盤盂主人非為清香護愛此烟波似五湖廣西通志  
六上四句又見楚  
風補空形作空花

題廉州孟太守祠堂

昔時孟太守忠信行海隅不賦蚌蛤胎水底多還珠